

朱元學案補遺卷八十一

目錄

西山真氏學案補遺

詹氏門人

補真先生德秀

西山講友

楊先生長孺 別見趙張諸儒學案補遺

鄭先生夢協 詳見清江學案

丁先生黼 詳見徐陳諸儒學案

空學案補遺 目錄

蔡先生念誠 詳見滄洲諸儒學案

劉先生敞 同上

葉先生紹翁 詳見水心學案

黃先生振龍 詳見勉齋學案

西山學侶

吳先生懿德 附子友直友恭友諒

黃先生自然

李先生茂先

曹先生晉伯

祝先生士表

徐先生鳳

詳見慈湖學案

張先生希季

耀軒師承

林先生礪

西山同調

翁先生定

梁先生仲欽

西山家學

宋元學案補遺

目錄

一一

四明叢書

約園刊本

補 眞先生志道

眞先生口

西山門人

補 王先生楚

補 馬先生光祖

補 金先生文剛

補 呂先生良才

補 江先生塤

補 劉先生炎

補 徐先生元杰

補 王先生邁

補 熊先生慶霄

補 徐先生幾

陳先生塤 別見慈湖學案補遺

盧先生孝孫

湯先生漢 詳見存齋晦靜息庵學案

趙先生時棣

周先生天驥

聖元學案補遺 目錄

宋先生慈 附子國寶大司秉孫

詹先生樞 別見滄洲諸儒學案補遺

李先生遇

龍先生崇

林先生存

林先生德甫

呂先生仁

金先生南美

王先生在

三

四明叢書  
約圖刊本

趙先生師宰

詹先生何

陳先生瑤

別見慈湖學案補遺

陳先生適

鄭先生□

羅先生知古

黃先生□

附族子梓

李先生以稱

附詳廣平定川學案

□先生仲晦

未完學案補遺

目錄

四明叢書

約園刊本

□先生茂功

合傳

黃先生□

馬氏同調

趙先生與琇

唐先生廷瑞

陸先生夢發

忠愍同調

補

劉先生漢弼

王氏講友

方先生審權

王氏同調

林先生蒙亨

別見龜山學案補遺

方氏先緒

方先生應龍

虛谷先緒

方先生瑑

忠愍家學

徐先生元得

宋元學案補遺 目錄

五 四明叢書

約園刊本

臞軒門人

方先生棐

熊氏家學

熊先生禾

詳見潛庵學案

梁氏家學

梁先生百揆

西山私淑

劉先生承

謝先生侯善

黃先生巖孫

陳先生仁子 附門人李懋宣譚以則

方回

劉氏家學

劉先生漢儀 別見九峯學案補遺

劉氏門人

補陳先生策

孫先生子秀 別見嶽麓諸儒學案補遺

方氏門人

宋元學案補遺 目錄

戴先生表元 詳見深寧學案

俞先生師魯

柳先生貫 詳見北山四先生學案

程先生榮秀 詳見介軒學案

方先生中全

王先生彌道 別見滄洲諸儒學案補遺

西山續傳

補王先生天與

趙先生璧

趙先生思恭

別見魯齋學案補遺

李先生好文

別見伊川學案補遺

吳先生師道

詳見北山四先生學案

王氏講友

彭先生應龍

彭氏家學

彭先生絲

附弟齊叔

宋學案補遺

目錄

七

四明叢書  
約園刊本

四明叢書

四明叢書  
約園刊本



宋元學案補遺卷八十一

後學 鄒 王梓材 同輯  
慈谿馮雲濠

西山真氏學案補遺

詹氏門人

補文忠真西山先生德秀

雲濠謹案先生元至元二十二年封福國公明正  
統元年從祀孔子廟嘉成化三年改封浦城伯  
雲濠又案先生所著又有端平朝議翰林詞草四  
六獻忠集江東抹荒錄清源雜誌墨沙集志西道  
書目著錄四書集編二十六卷提要云論語十卷  
孟子十四卷劉承以其遺書補輯成之者又云趙  
順孫四書纂疏備列西山所著諸書而不載其目  
蓋至宋末始刊其出最晚應孫未之見也自是以

宋元學案補遺 卷八十一

一四明叢書

約園刊本

後踵而作者汗牛充棟其學皆不及西山故其書  
亦終不及焉

梓材謹案先生為劉文簡公神道碑云德秀從公  
游有年凡其修身立己正君端朝之本末實其知  
之是先生嘗為雲莊之徒矣

梓材又案劉後村為先生行狀云嘉定改元遷博  
士為禮部侍郎鄭黠檢試卷官樓公鑰倪公思方典  
舉獨異待公樓公盡告以文獻之傳倪公為言立朝  
行己本末甚詳公終身佩服焉據此先生亦可稱  
樓氏弟子

梓材又案先生為李蘄州正節墓志云德秀久從  
公遊且言闕禧中同官藩幕嘗問篤信好學守死  
善道八字箴而歎佩其言  
則先生實蘄州學侶也

西山教子齋規

一曰學禮

凡爲人要識道理識禮數在家庭事父母入書院事先生並要恭敬順從遵依教誨與之言則應教之事則行毋得意慢自任己意

二曰學坐

定身端坐齊脚斂手毋得伏盤靠背偃仰傾側

三曰學行

籠袖徐行毋得掉臂跳足

四曰學立

拱手正身毋得跛倚欹斜

完學家禮遺 卷六十一

一一四明叢書

約園刊本

五曰學言

樸實語事毋得妄誕低細出聲毋得叫喚

六曰學揖

低頭屈腰出聲收手毋得輕率慢易

七曰學誦

專心看字斷句慢讀須要字字分明毋得目視東西  
手弄他物

八曰學書

臻志把筆字要齊整圓淨毋得輕易糊塗

周禮說

有周公之心然後能行周禮無周公之心而行之則悖矣有周公之學然後能言周禮無周公之學而言之則戾矣公之心禹湯文武之心而其學則禹湯文武之學也以此之心布而爲政以此之學著而爲書故能爲成周致太平而爲萬世開太平也蓋自古禍亂之原略有數端君心縱于逸樂而羣下不敢言也賢才壅于疏逖而在位非其人也元元愁痛而上不聞蔽于耳目之近而遠勿察也宮闈近侍凡能導人主以侈欲者豈以冢宰統之三公論道師保詔諫而君可立于無過之地矣使民興賢出使長之使民興能入使治之則下無遺賢官無曠事矣居民有法養民有政斂民有制刑民有典舉天下疲癯憊獨無不樂其生者自王畿之近至于六服之遠地之相去或千萬里而情之相通如一家凡此皆禹湯文武之政公之所思而得者畢萃于書非有公之心者其能行非有公之學者其能言乎

儀禮說

夫之道在敬身以帥其婦婦之道在敬身以承其夫故

父醜子曰勉帥以敬父母之送女曰勉之敬之夫婦之道盡于此矣

禮記說

禮以起人之敬敬心生則慢心窒樂以感人之和和心生則戾心消薰陶德性變化氣質莫妙于此至二者薰醲涵暢相與無閒故其成也但見其悅懌而已恭敬溫文而已

天子之世子將爲君者也而乃于公侯卿大夫士之子以齒爲先後何哉君在故也父在故也長長故也身爲

世子而以親親尊尊長長之道爲天下倡有不翕然觀效者哉秦漢以來禮樂旣廢又無師保之教齒讓之禮世子生而狃于貴驕之習此篇雖存無復考而行之者此治之所以不古若與

禮屬陰凡天地閒道理一定而不可易者皆屬陰樂屬陽凡天地閒流行轉運者皆屬陽禮樂之不可闕亦如陰陽之不可偏勝有陰無陽則物不生有陽無陰則物不成禮勝則太嚴而不通人情故難合樂勝則太和而無所限節故流蕩忘反所以有禮須用有樂有樂須用

有禮此禮樂且是就性情上說然精粗本末亦初無二理

禮樂之原出于天地自然之理天高地下此卽自然之尊卑萬物散殊有大有小有隆有殺此卽自然之等級聖人因此制爲之禮君父在上臣子在下此卽天高地下之象自是而下兄弟夫婦師友賓主以至于輿臺卑隸名位分守燦然有倫此卽萬物散殊之象皆所以法天地之序也陰陽五行之氣流行于天地之間未嘗少息爲雷霆爲風雨皆是陰陽之氣摩盪而成惟其二氣和合所以能化生萬物聖人因此作爲之樂樂有五聲以應五行十二律以候十二月之中氣皆陰陽交錯而成所以象天地之和也

姦聲亂色不留聰明養其外也淫樂慝禮不接心術養其內也惰慢之氣自內出邪辟之氣自外入不設于身體則內外交養矣

程氏謂齊不容有思有思非齊也蓋齊與戒異當七日之戒凜然祇懼容有思焉及齊三日則湛然純一無所思矣此齊與戒之分也愛慕之極儼乎其若存誠懇之

極昭乎其有見敬則有不敬則無矣故親在而養必以敬親沒而享亦以敬親之存沒有異而孝子之敬則同夫如是則終身弗辱其親矣

### 西山遺說

六經于五常之道無不包者班固乃以五常分屬于六藝是樂有仁而無義詩有義而無仁也

古者君臣上下共由六經之道上之所以爲教者此也下之所以爲學者此也

古之學者學一經必有一經之用其視後世通經之士

宋學案補遺

卷八十一

六十四明叢書

約園刊本

徒習章句訓義而無益于性情心術者何如哉

太史公論六家之要指列儒者于陰陽墨名法道家之間是謂儒者特六家之一爾而不知儒者之道無所不該五家之所長儒者皆有之其短者吾道之所棄也談之學本于黃老故其論如此

爲人子者平時能以理開曉其親置之無過之地猶臣之事君格其非心而引之當道也其視有過而後諫者功相百矣故君子尤難之

身體髮膚受之父母不敢毀傷然忠臣義士奮不顧身

視死如歸何也殺身所以成仁既成仁則孝在其中矣  
西山文集

理義之與物欲相爲消長者也篤志于學則日與聖賢  
爲徒而有自得之樂持身以敬則凜如神明在上而無  
非僻之侵親賢人君子之時多則規儆日聞諂邪不得  
而惑三者交致其力則聖心湛然如日之明如水之清  
理義常爲之主而物欲不能奪矣

論初政劄子

蓋爲君子者以引君當道爲心政有得失必不苟從不  
苟從則近乎立異矣竭忠論事必合人情既合人情必

宋元學案補遺

卷八十一

七十四明徵書

一約園刊本

得時譽如此則又近乎好名矣好直鄰于竇直救過類  
于歸過乃至持論偶同則可謂之朋黨盡言無隱則可  
謂之謗訕凡此數端皆迷誤君心之醜毒窒絕言路之  
榛荆也自非至聖至明未有不爲所惑

直前奏劄

聖賢之言忠不顯于事君爲人謀必忠也于朋友必忠  
告也事親必忠養也至于以善教人以利愛民無適而

非忠也

劉氏傳忠錄後序

仁義足以包寬嚴而寬嚴不足以盡仁義

送陳端父辛武義序

夫子之所罕言者仁之體而已至若求仁之方爲仁之

要則舉凡二十篇之中莫非是也姑以首章言其論學也若無與乎仁然時習之說以熟乎仁而說也朋來之樂以輔乎仁而樂也至于不知而不愠則庶幾安乎仁矣其他所論有卽身而言者有卽事而言者卽身而言仁之成乎身者也卽事而言仁之達乎事者也不特見于言者爲然凡聖人之動容周旋皆仁之符也仕止久速皆仁之則也學者將有志于仁舍是將奚先哉

陳氏論語

發微序

夫以三日之試猶必惟庫狹是去而高明是趨則士之

宋元學補遺

卷六十一

四明叢書

約園刊本

尙志立德以終其身者其可苟乎故莫尊于道德莫美于名節士而志乎此則上達之基也莫累于勢權莫汚于貨利士而志乎此則下流之委也

湖州貞院記

夫人之所得於天不能無強弱之異而濟之以人者乃所以成其天也今吾觀子文之質蓋庶幾乎高且明者也則天之厚于子者至矣然子之望子猶欲有以成其天焉知焉而養之以愚實焉而藏之以虛精銳果決而出之以容與舒徐於沈潛之義斯得之矣

潛齋記

蒙之養也察乎微頤之養也先乎近始于學終于成德



則微者著矣修之身被之萬物則近者遠矣

養正堂記

士之於學豈直處庠序爲然哉鷄鳴夙興嚮晦冥息皆學之時微而暗室屋漏顯而鄉黨朝廷皆學之地動容周旋灑掃應對皆學之事知無時之非學則晝而有爲夜而計過者其敢懈知無地之非學則警于冥冥惕于未形者其敢忽知無事之非學則矜細行勤小物者其敢或遺

政和縣修學記

夫忠信篤敬學者立德之基剛毅木訥學者任重之實而辭章華縟特藻錦之靡爾聖人教人具有本末故曰行有餘力則以學文亦何異基址之固而後棟梁可施而後丹雘可設也

建寧府重修府學記

宋元學案補遺

卷六十一

九四明叢書

續編刊本

緬觀往昔百聖相傳敬之一言實其心法蓋天下之理惟中爲至正惟誠爲至極然敬所以中不敬則無中也敬而後能誠非敬則無以爲誠也氣之決驟軼于奔駟敬則其銜轡也情之潰放甚于潰川敬則其隄防也故周子主靜之言程子主一之訓皆其爲人最切者而子朱子又丁寧反復之學者儻於是而知勉焉戒于思慮之未萌恭于事物之既接無少閒斷則德全而欲泯矣

人之一心廣大如天地清明如日月者其本體也而戒

弗然者物有以障之也去其障則本者復矣

潭州重修  
大成殿記

不知孝者不論知孝而不知友非孝妻子具而孝衰于

親異姓婦人入門而賊同氣之愛以戚其親世之犯此

者猶可痛也

孝友堂記

定一也而有儒者之定有老氏浮屠氏之定自儒者言

之則大學自定而靜靜而安安而虛虛而得其寂然不

動者正所以爲感通之體也自二氏言之則其所謂泰

空學案續編 卷八十一

十四明叢書

經園刊本

定所謂禪定者兀然枯槁而已爾漠然清虛而已爾人

之一心與造化侔大者以其往來闔闢之不窮動靜出

入之俱妙也今以兀然漠然者爲定則是無用之體不

感之寂也其可乎

定軒記

耳目膚體人之形也仁義禮智人之性也君臣父子昆

弟夫婦朋友人之職也必循其性而不悖必盡其職而

無愧然後其形可踐也孟子曰人之異于禽獸者幾希

庶民去之君子存之又曰無惻隱之心非人也無是非

之心非人也夫天之生斯人也與物亦甚異矣而孟子

以爲幾希何哉蓋所貴乎人者以其有是心也是心不  
存則人之形雖具而人之理已亡矣人之理亡則其與  
物何別哉故均是人也盡其道之極者聖人之所以參  
天地也違其理之常者凡民之所以爲禽犢也聖愚之  
分其端甚微而其末甚遠豈不大可懼耶

潭州示學者說

言語文章者飾身之華道德仁義者修身之實二者蓋  
不容一闕然游夏之文學不先淵騫之德行其序固如  
此也

楊質之字說

誠者無妄之名也天下雷行物與無妄有生之類其孰

宋學案補遺

卷八十一

十二訓明啟書

均陽月本

無之而舉世滔滔率流于妄者以人賊天之罪也故先  
儒之傳易曰動以天則無妄矣嗚呼一動之微而天理  
存亡於是焉決豈不甚可畏哉今請以誠伯易子之字  
如何

劉誠伯字說

心者人之北辰蓋眾星皆動而辰常靜故能爲一十八  
舍之主百體皆動而心常靜故能爲一身之主然所謂  
靜者豈兀然枯槁之謂寂然不動者此心之體感而遂  
通者此心之用顧其所以動者如何耳

詹景辰字說

誠者天道本乎自然誠之者人以人合天曰天與人其

本則一云胡差殊蓋累于物心爲物誘性逐情移天理之眞其存幾希豈惟與天邈不相似形雖人其實則物只皇皇上帝命我以人我顧物之抑何弗仁維子思子深憫斯世指其本源祛俗之蔽學問辨行統之以思擇善固執惟日孜孜狂聖本同其忍自棄人十已千弗至弗已雲披霧卷太虛湛然塵掃鏡空清光自全曰人與天既判復合渾焉一眞諸妄弗作孟氏繼之命曰思誠更兩鉅賢其指益明大哉思乎作聖之本歸而求諸實近非遠

思誠箴

子蓋觀夫冬之爲氣乎木歸其根蟄坏其封凝然寂然不見兆朕而造化發育之妙實胚胎乎其中蓋闔者闔之基貞者元之本而艮所以爲物之始終夫一晝夜者三百六旬之積故冬爲四時之夜而夜乃一日之冬天壤之閒羣動俱闕窮乎如未判之鴻濛維人之身嚮晦冥息亦當以造物而爲宗必齋其心必肅其躬不敢肆然自放于牀第之上使慢易非僻得以賊吾之衷雖終日乾乾靡容不息之間斷而昏冥易息之際尤當致謹戒之功蓋安其身所以爲朝聽晝訪之地而夜氣深厚

則仁義之心亦浩乎其不窮本既立矣而又致察于事物周旋之頃敬義夾持動靜交氣則人欲無隙之可入天理歟乎其昭融然知及之而仁弗能守之亦空言其奚庸爰作箴以自砥常凜凜乎悚惴夜氣箴

孔門獨一顏子爲好學顏子所問前曰爲仁後曰爲邦舍是無他學也蓋爲仁者成己之極而爲邦者成物之極體用本末究乎此矣顏子所以亞于聖人而孟子期之以禹稷之事業豈非內聖外王之學已備故耶政訓 論語

讀書 小記

宋學案補遺 卷八十一

十三 明 檄書

續圖刊本

西山薦狀

湖南安撫司主管機宜文字趙希稷時安撫使建社倉行稅酒寬省租賦字養惲整惠利及于斯民希稷多爲贊畫

知茶陵軍洪彥華適值儉歲究心撫字民無流亡至于應辦和糴招募効用皆不擾而集

永州推官趙涯盡心民事推行荒政所濟尤多

永州教授李元白學純行粹論正氣平早遊膠庠士論推服及爲學錄規範肅然分教偏州未究其用

知善化縣石孝隆天資精敏心氣和平獄訟惟公賦役有法

知瀏陽縣徐玠性稟淳良志念惻怛平反冤獄惠養小民在官三年人安其政

知湘潭縣朱子肅持身謹恪泣事精詳催科有方聽訟惟允利民之事知無不爲

知寧遠縣黃大中廉介自將端方有守自其到邑一意爲民當官而行不畏強禦

營道縣丞任士寧性行端良辭華敏贍居官勤恪有志

及民

湘潭縣主簿胡湍器資端厚問學精專筮仕之初勤于民事

湘潭縣主簿田居正資稟篤實履行端方居懷及物之心務爲有用之學

又乞獎擢狀

潭州通判張國均資稟精明政術通練事無巨細悉心稔費

永州通判魏必兩攝永守孜孜撫摩人多稱頌局于貳

郡未究設施

又乞獎賞狀

簽判武岡軍葉莫操行潔修政譽昭然排荒畚陵民被實惠

梓材謹案宋史文忠本傳直學士院疏言朝廷之上敏銳之士多老成雖嘗以耆艾褒傅伯成楊簡以簡學衰柴中行以恬退用趙善弼宰至忠亮敢言如陳宥徐僞皆未蒙錄用上尚廉吏以知袁州趙政夫對說准政夫直必問爲監司具手劄人謝因言權輿之神蜀揚長瀾帥蜀皆有廉聲乞廣加咨訪此皆先生薦賢之迹又汀寇起先生薦陳韓有文武才于常平使者來彌忠言于朝遂起陳之

附錄

堯學案補遺

卷八十一

十四明殿書

繪圖刊本

四歲受書立成誦入小學夜歸嘗寘書枕旁燈膏所熏帳皆黑色羣兒休沐聚戲公并取其書卷兼熟之矣

先生十五而孤母吳氏力貧教之同郡楊國瑞圭見而異之使歸共諸子學喪以女

嘉定元年遷博士時韓侂胄已誅入對首言權臣開覺南北塗炭今茲繼好豈非天下之福然日者金人欲多歲幣而吾亦曰可增金人欲得奸臣之首而吾亦曰可與得無滋嫚我乎正恐彼資吾歲賂以厚其力乘吾不

備以長其謀一旦挑爭端而吾無以應此有識所爲寒  
心又言侂冑自知不爲清議所貸于是忠良之士斥僞  
學之論與今日改絃更張正當褒崇名節明示好尚  
遷祕書郎入對乞開公道窒旁蹊以抑小人道長之漸  
選良牧勵戰士以扼羣盜方張之銳

兼禮部郎上疏言金有必亡之勢亦可爲中國憂蓋金  
亡則上恬下嬉憂不在敵而在戎多事之端恐自此始  
出爲江東轉運副使值旱蝗遂與留守憲司分所部九  
郡大講荒政而自領廣德太平以便宜發賑賑給竣事  
而還百姓數千人送至郊外指道旁叢塚泣曰此皆往  
歲餓死者徵公我輩已相隨入此矣先是都司胡槻等  
每請爲迂儒試以事必敗至是政譽日聞

知潭州以廉仁公勤四字勵僚屬以周惇頤胡安國朱  
熹張栻學術源流勉其士罷權酷除斛面米申免和糴  
以甦其民民艱食旣極力振贖之復立惠民倉使歲出  
糴又易穀分十二縣置社倉以徧及鄉落別立慈幼倉  
立義阡惠政畢舉月試諸軍射

直學士院入見奏三綱五常扶持宇宙之棟幹奠安生



民之柱石人主但當以二帝三王爲師願陛下益講學進德

上初御清暑殿先生因經筵侍進曰此高孝二祖儲神燕閒之地仰瞻楹桷當如二祖實臨其上陛下以一心而受眾攻未有不浸淫而蠹蝕者惟學可以明此心惟敬可以存此心惟親君子可以維持此心因極陳古者居喪之法與先帝視朝之勤屢進鯁言上皆虛心開納而彌遠益嚴憚之遂以煥章閣待制提舉玉隆宮旋落職罷祠

宋元學案補遺

卷六十一

十七四明齋書

約園刊本

召爲戶部尙書入見乃以大學術義進祈天永命之說說謂敬者德之聚酒色盤遊狗馬之玩一有于此皆是害敬上欣然嘉納

雲深謹案四庫全書著錄大學衍義四十三卷提要云是書因大學之義而推衍之惟修身一門無于目其餘分子目四十有四皆徵引經訓參證史事旁采先儒之論以明法戒而各以己意發明之大旨在于正君心肅宮闈抑權倖蓋理宗雖浮慕道學之名而內實多欲權臣外戚交煽爲姦宰之元氣凋弊閱五十餘年而宋以亡眞氏此書成于紹定二年而進于端平元年皆陰切時事以立言先去其有妨于治平者以爲治平之基故大學八條目僅舉其六然自古帝王正本澄源之道實亦不外乎此若夫宰馭百職綜理萬端常變經權因機而應利弊情僞隨事而求其理雖相貫通而爲

之有節次行之有實際非空談心性卽  
可坐而致者故邱濬又續補其闕也

再知泉州決訟自卯至申未已或勸齋養精神先生曰  
郡敝無力惠民僅有政平訟理事當勉

西山帥長沙宴十二邑宰于湘江亭作詩曰從來守令  
與斯民都是同胞一樣親豈有脂膏供爾祿不思痛癢  
切吾身此邦祇似唐時古我輩當知漢吏循今夕湘春  
一卮酒直煩散作十分春

先生長身廣額容貌如玉立朝侃侃所言皆切當世要  
務

宋元學案補遺

卷八十一

十八四明叢書

約圖刊本

公子倫紀最隆自豫章歸未有居室先屬精舍以奉先  
塋作睦亭自記之曰凡人所爲薄于宗族者以其不知  
所出之本一也誠知其所出之本一則雖由衰焉而功  
由功焉而總而至于無服之親譬之巨木百圍枝葉雖  
疏而根幹則一豈容以異觀哉

時相生日四方爭獻珍異公大書開誠心布公道集眾  
思廣忠益十二字以餉

杜清獻範方攻鄭清之誤國且謂其貪黷更甚于前而  
先生乃奏言此皆前權臣玩愒之罪今日措置之失譬

如和扁繼庸醫之後一藥之誤代爲庸醫受責其議論與清獻不同如此

公歸修西山讀書記以六經語孟之言爲主苟揚諸子附焉諸老先生之言爲解經而發者附本經之注注甲記曰性命道德之理學問知行之要凡二十有七卷乙記曰人君爲治之本人臣輔治之法凡二十有二卷丙記曰經邦立國之制臨政治人之方其書惟兵政一門先成丁記曰出處語默之道辭受取舍之宜凡二卷

既修讀書記語門人曰此人君爲治之門如有用我者

朱元學案補遺

卷八十一

十九四明叢書

約園子集

執此以往

雲濠謹案四庫著錄讀書記六十一卷提要云眞氏大學衍義羽翼聖經此書又分類銓錄自身心性命天地五行以及先儒授受源流無不臚析名言緒論徵引極多皆有裨于研究至于致治之法衍義所未及詳者則于乙記中略著其事雖于古今興衰治忽之故尙未能綜括無遺然在宋儒諸書之中亦可謂有實際矣

又取周程以來諸老先生之言摘其關於大體切于日用者彙次成編名諸老先生集略凡七十有八卷

魏鶴山爲神道碑曰公前後論奏誠積而氣和辭平而理暢其于是非邪正之辨言人所難而聞者不敢怨至

于敵情之真偽疆場之虛實蓋出于素講夙定非剽襲  
流聞之比故自嘉定以來凡所論建至端平後炳若著  
蔡之先幾故一言之出天下望而信之乃僅以掌書制  
侍經幄典貢舉少試文墨議論而疾已不可支矣

袁蒙齋贊之曰謂爲和耶剛正之節光明不磨謂爲介  
耶慈惠之政載諸詠歌謂爲虛耶萬卷蟠胸武庫之多  
謂爲實耶靈襟洞然古井無波匪實匪虛匪介匪和高  
卧西山如蒼生何

劉後村祭文曰嗚呼四科九德自昔難并人得一偏公

宋元學案補遺 卷八十一

二十四明叢書

約園刊本

集大成穿鑿之學畔師離經公獨純正南軒考亭纂組  
之文練薄縑輕公獨雄渾眉山廬陵蚤歲來儀朝陽屢  
鳴元城了翁公之直聲中年袖手俟時之清君寶晦叔  
公之重名

王躍軒序心政經曰心經一書行于世至徹禁中端平  
乙未公薨後兩月從臣洪公咨夔在經筵上出公心經  
曰真某此書朕乙夜覽而嘉之卿宜爲之序又曰今所  
謂政經者乃先生再守溫陵日所著邁與趙時棣得此  
經實在四方門人之先而四方門人未必盡見之

梓材詳案四庫全書著錄心經一卷提要云是編其聖賢論心格言而以諸家議論爲之注又善錄政經一卷提要云采典籍中論政之言列于前而以行政之迹列于後題曰傳以別之梓材又案麗軒爲諸門生祭西山文時朝士之爲門人者十有七人云

王深寧困學紀聞曰宣之于仲遂定之于意如以私勞忘大誼不若叔孫昭子遠矣晉文公以定襄王而請隧王弗許曰班先王之重物以賞私德又曰余敢以私勞變前之大章真文忠文章正宗以此篇爲首其有感于寶慶之臣乎懍懍焉春秋之法也

宋元學案補遺

卷六十一

三十四明張書

綱圖刊本

嘗以問西山之子仁甫答云講易乾之文言知進退存亡爲姦言以罔上

謝山箋曰時袁正肅公蒙齋言其鄉衮老當歸政于是小人有講進退存亡之說而巧留之者

又曰真文忠公自箴曰學未若臨邛之筮量未若南海之寬制行劣于莆田之懿居貧媿于義烏之安

原注臨邛魏鶴

山了翁南海崔菊坡與之莆田陳必義烏徐僑

又曰或問地獄之事于真文忠公公曰天道至仁必無慘酷之刑神理至公必無賄賂之獄

仇山村題西山眞先生像曰何年霜月子寫此西山眞  
峩冠褐寬博詩書發精神可以眞嚴整可以登麒麟斯  
人不可作令我思乾淳

陳定宇曰眞西山之學自詞章成後方用力于性理

又答吳仲文曰西山不及登朱門而學朱子甚  
精博初登科後中詞科多與朱門高第交游于周程張  
朱之學升堂入室非誠齋之徒可比眞儒者不可以文  
士目之也平生著述甚富有學問文章政事又非徒如  
北溪之有學問而已讀書記一書旣博且精凡諸經諸  
子諸史諸儒之書之所當讀當講者皆在焉乃有載籍  
以來奇偉未嘗有之書也學者果有志于學檢其書可  
以統宗會元問百聖而不慙俟百世而不惑

宋元學案補遺

卷六十一

王三十四明叢書

約園刊本

熒方瞳光汲汲汗簡中緬懷文明初蒼佩極匪躬執筆  
侍玉箸妙語工彌縫飛摩變蒼狗潛淵闕游龍空餘經  
濟心勞徠饑飛鴻濁水投神膠揚清迺奇功喬松不並  
世寒飈轉秋蓬出世我已後正緒遺顛蒙惕然拜公像  
斯道非終窮

虞道園西山書院記曰昔宋臣嘗繕寫唐宰相陸宣公奏議以進其言曰若聖賢之相契卽如臣主之同時識者以爲知言由今觀之宣公之論治道可謂正矣然皆因事以立言至于道德性命之要未暇推其極致也公之書本諸聖賢之學以明帝王之治據已往之迹以得方來之事慮周乎天下憂及乎後世君人之規範蓋莫備于斯焉董仲舒曰人主而不知春秋前有讒而不知後有賊而不見此雖未敢上比于春秋然有天下國家者誠反覆于其言則治亂之別得失之故情僞之變其殆庶幾無隱者矣

宋元學案補遺

卷八十一

三四明叢書

約園刊本

王忠文公議孔子廟廷從祀曰自周子接聖賢千載不傳之緒而程子兄弟承之道統于是有所傳迨朱子有作五經四子皆有傳注論述統宗會元集聖賢大成紹程氏之傳其中更學禁其道不行于是眞德秀魏了翁並作力以尊崇朱學爲己任而聖賢之學乃復明眞氏所著有大學衍義讀書記魏氏所著有九經要義大抵皆黜異端崇正理質諸聖人而不謬其于聖人之道可謂有功而足以繼朱氏所傳之緒矣是則此二人者固

又當繼朱氏而列于從祀者也

梓材謹案謝山本東發之說大不備于西山然于學禁之後能與鶴山同尊朱學已爲差強人意故節錄忠文之議于此以見真魏並列從祀之有定論也

薛敬軒曰朱子之後真西山大學衍義有補于治道

馬平泉曰易非卜筮之書而古人用以卜筮九疇稽疑謀及卜筮皆欲預知吉凶而趨避之耳自列國後又有星命諸術數家言大抵亦不離卜筮之意文忠以命訊日者國事之至常似無足議而敬仲推至于不忘富貴利達可謂微至此師門辨志之淵源也鄒南皋亦有訊命事夏峯非之且謂品地高則人屬望切責備嚴不可不益加學力西山感敬仲愛深教篤夏峯之言益足以垂訓百世

陳石士師金源紀事詩序曰真文忠公請絕歲幣一疏識議同于賈董非書生之迂言也其立朝敷政必本正心誠意爲言者蓋以心不正意不誠則好惡不得其當將有以賢爲不肖以不肖爲賢者矣如是何以爲修政事屈羣策收眾心之本舍此而言修政事則亦空言而已宋之所以棄君子而用小人正所謂



以賢爲不肖以不肖爲賢也然則正心誠意之言安得鄙之以爲迂論乎

雲濠謹案王阮亭居易錄云輟耕錄載姚燧官翰林學士日玉堂謏宴歌妓中一人秀麗閑雅微操聞音叩之泣而訴曰妾建寧人真西山之後也遠白丞相三寶板爲落籍嫁小史黃棟嘉興貝闕有詩記事云妾本建寧女遠出西山翁云云此好事者爲之媚嫉君子污蹟大賢亦猶南渡小人傾朱晦翁至有惟蕭不修之謗可謂無忌憚之尤者矣此論甚是

### 西山講友

文惠楊先生長孺 別見趙張諸儒學案補遺

修撰鄭先生夢協 詳見清江學案

學案補遺卷八十一

玉函明鏡書

約園刊本

恭慤丁延溪先生 詳見徐陳諸儒學案

隱君蔡先生念成

劉靜春先生徽 並詳滄洲儒學案

葉靖逸先生紹翁 詳見水心學案

鄉貢黃先生振龍 詳見勉齋學案

### 西山學侶

奉議吳先生懿德 附子友直友恭友諒

吳懿德字夏卿世家處之慶元真西山母黨也嘉泰二年進士主連城簿復州錄事參軍教授古英州煥尚書

左銓歷二邑辟通判廣州不及拜而卒官止奉議其  
分教于英也州闕守連帥楊東山長爲命其事西山  
自泉山遷之書勉以四事曰清心潔己奉法愛民先生  
力行之又播之歌詩僉謂其不負所言子左直友恭友  
諒皆能世其學

真西山集

附錄

將沒前二日書于冊曰平生讀書宦甘受凍飢一介不取  
一毫不欺

嘗祀晉刺史吳隱之于縣東以勵來者邑民謂其清白

卷八十一

壬辰四明叢書

約刊本

可尙也配享焉

黃先生自然

黃自然西山之友也嘗爲蔡九峯狀其言行

西山文集

附錄

其書真西山送陳堯父序後仁爲體義爲用義書所

以全其仁也惟心之愛之也切故己之體之也至詳病

疾痛若己隱憂則吏姦必戢常恐害民強變必銷

擾民蠹政苟令是剗是革常恐一毫不便于民此

而皆所以爲仁也不知一言之仁無以立爲政之本不

明兩言之仁義無以達爲政之用語其本則全體是仁語其用則無一非義

梓材謹案先生此文上言陳君幸武義眞先生序以寵其行自然不肖亦辱惠教但稱西山以公固不當在弟子之列

梓材又案西山文集又有送陳教授序稱括蒼陳編父將教授于溥微子言以爲

附時蓋嘉定壬午月正元日云

### 教授李先生茂先

李茂先溫陵人紹定六年教授南恩州爲眞西山所重勉其教人以大學爲戶庭中庸爲闢奧居仁宅踐義路孝弟其纓弁忠信其履屨成就人才以躡張文獻姜相

宋元學案補遺 卷六十一

三十四明叢書

約園刊本

廣東黃志

國之躡嘗曰茂先金玉其人予故以是懋之

### 曹先生晉伯

曹晉伯西山之友取曲禮首章之義命其齋曰敬思而

屬西山爲之記

西山文集

### 祝矩堂先生士表

祝士表西山之友取大學絜矩之義名其堂曰矩堂而

屬西山以記之

西山文集

### 祕書徐先生鳳

詳見慈湖學案

### 張先生希季

張希季字平仲□□人西山贈之詩云去聖旣云遠至  
理日以冥言道指虛玄語性雜精靈正傳久蕪沒異學  
得魁橫卓哉周程張磊隗三代英妙蘊發天地微言昭  
日星後來紫陽翁抑又集大成煌煌入書訓凜凜萬世  
程學者生此時坦然有規繩但患舍康莊自趨柴與荆  
張君江西來頗嘗得師承敝衣雖懸鶉猛志欲擊鯨抽  
出文一編其辭峻而清此士不易有歸歟更研精勿受  
俗學變而爲寵辱驚貧者士之常未合學躬耕高門謹  
勿謁養此氣崢嶸不見商歌人洋洋金石聲

真西山集

宋學案補遺 卷八十一

天西明叢書

一編圖刊本

耀軒師承

縣尉林先生礪

林礪字豈傲仙遊人嘉定十三年進士少負偉聲從遊

者眾王耀軒邁嘗師事之官至海陽縣尉

姓譜

雲藻詩案王耀軒集有送礪先生詩教礪黃石講  
會詩有云歲暮何時更遠遊鶴背三第我包羞獻  
字上少豈字且據其詩似非耀軒之師然其祭先  
生文云先生之學始古舍今先生之文夏玉滌金  
三十餘年授業青衿晚得一第僅償苦心又云吾  
黨向來受教席下一奠柩前有泪盈把別信其師  
矣

西山同調

翁瓜圃先生定

翁定字應叟與劉後村友尤工律詩晚爲洛學客游所  
至必交其善士尤爲真西山所知別字安然瓜圃其自  
自號云 劉後村集

梁先生仲欽

梁冲欽番禺人博究羣書尤邃性命之學以真知實踐  
爲事真西山志其墓稱爲純儒 廣州鄉賢傳

西山家學

補 監稅真先生志道

案學案補遺 卷八十一

三九四明叢書

約圃刊本

雲液謹案西山跋包敏道講義云屈致家塾君首  
以夫子之志學孟子之尙志爲見輩言之是先生  
亦包氏  
弟子也

附錄

西山爲之字說曰吾子志道舊名正則字誠之歲甲申  
易名因以仁夫更其字而告之曰汝知吾所以命爾  
之指乎夫志者心之用也心無不正而其用則有正邪  
之分不可不察也志於道則理義爲之主而物欲不能  
移志乎利則物欲爲之主而理義不能入此堯桀舜跖  
之所繇以異也可不謹乎茲吾所以名汝之意也聖人

之教既曰志於道又必曰依於仁蓋道者眾理之總名而仁者一心之全德志道必貴於求仁求仁莫先乎克己茲吾所以字汝之意也

又爲稽袞銘示之曰咨爾小子惟素可寶敏縉是慚豈曰志道奢不可縱欲不可窮去華務實前哲所同以侈致喪何羨乎季倫之錦障以德見欵何陋乎溫公之布衾忤心一開其流曷已獸攫狼吞實自茲始故曰儉者廉之本廉者行之先吁嗟汝曹可不勉旃

其序西山學庸集編後曰大學中庸集編先公手所定

完學案補遺

卷八十一

三十四明徵書

約圖刊本

也公每晨起坐堂上炷香開卷必點校一章從而演說其義子姪皆立侍焉既終篇呼志道而前告之曰大學中庸之書至朱子而理盡明至予所編而說始備雖從或間輯略語錄中出然銓擇刊潤之功亦多閒或附以己見學者儻能潛心焉別有餘師矣然又須先熟乎諸書然後知子用功深采取精此亦自博而約之義也

梓材謹案經義考載西山四書集編二十六卷汪環谷云真氏有集義是集編又稱集義云

劉後村序真仁夫詩卷曰予友仁夫之詩絕去塵穢刊落冗腐簡淡而微婉輕清而虛明有唐人半山之思然

爲西山之子傳嫡承家學問名節本也文藝末也小晏  
之于臨淄小坡之于玉局仁夫優之矣公休之于涑水  
原明之于申公仁夫勉乎哉

眞先生口

眞口西山之孫也信府判司令林竹溪和後村韻二首  
奉寄其聽雨樓詩云取訪翁詩局此樓知君心企古名  
流蘇吟草句詎欣慕樓記留云不是山大被長衾佳伯  
仲高門素學尙姤倫俱存無恙鄒書訓此樂人間底處  
求其格軒詩云祖學單傳信有原稱停一字自名軒肯

宋正學案補遺

卷八十一

三十四明叢書

續藏書

令公愧太邱長要似思爲孔子孫知格格知須細認百  
無無有果難言讀書記在門生老愧有君家未報恩

續藏書

續集

西山門人

補 簽樞王潛齋先生塾

雲濠謹案姑蘇志載先生師事西山知未子之學  
福建安書院祠二先生官浙漕時嘗被論先生以  
母年老託言改除母曰我已知之昔汝父以忤時  
相去國今汝又如此我方以爲善汝復何憂時人  
稱爲賢母

梓材謹案金華府志稱其工于詩書法大書尤  
勁所著有奏議文集若干卷

附錄

襄蜀事急議遣使講和宰相依違不決史嵩之帥武昌首進和議子文時爲樞密院編修兼權檢討謂今日之事宜先定規模并力攻守士論譴之

虞道園跋真西山畫像曰昔者弟子之于師僚屬之于官長門生故吏之于舉將旣得所宗則終身以之義之當然而常行者也西山真先生道德文學師表一時游其門者則像其威儀者何日忘之潛齋王公得先生遺像觀覽詠歎悠然高山景行之思誠可以敦薄俗而示古道也

宋學案補遺 卷八十一

三三 四明叢書

約園刊本

補 莊敏馬先生光祖

梓材謹案先生爲張門馬師父之純孫見隆慶東陽志其字華父袁蒙齋以爲華而不實識者識之因字之實夫而爲之字說

附錄

先生之在外練兵豐財朝廷倚之爲京尹則剗治浩穰風節凜然三至建康終始一紀威惠並行百廢無不修舉云

袁蒙齋贈以深息說曰實夫問余夜不得睡或授以移



心法但當不睡之時思爲孩時所爲展轉思之自得睡矣余語之曰古之真人其息深深真人之息以踵眾人之息以喉遂書深息二字畀之實夫而有得于此勤于行行而熟當知或者移心之言不滿一笑

又餘于縣先賢祠堂記曰馬君夙有雋才爲政明而不察有惠愛于邑慊慊焉常自以爲不足事闕風教知無不爲志可嘉也已

雲濠謹案先生歸自東淮扁所居之樓曰樂山蒙齋書所作仁者樂山銘以遺之蒙齋又爲君子堂記曰余友馬實夫築室桂山扁其堂曰君子蓋取諸濂溪一日過鄰之東湖訪余于種德庵而屬余

宋元學案補遺 卷八十一

三十四明叢書

新圖刊本

記吾實夫者可謂有志于君子儒矣又案宋潛溪題宋儒遺墨後云童仲光詩序之舉裕齋卽馬諱父又云華父書謂蒙齋老師者卽袁也是先生自居袁氏之門矣

補 龍圖金先生文剛

雲濠謹案徽州府志載先生做范文正公置祭田立義莊俾子孫世守之

補 縣尉呂先生良才

附錄

任善化尉社倉羨餘千計無所取上下交薦改京秩

補 知軍江先生墳

附錄

通判靖州以清白稱

差知南平軍過家首問政于西山西山爲序論之大略謂叔文之先象州以更治名當世叔文以世學踵世科推所以治靖之廉曰清簡者而治南平斯可矣

補劉先生炎

邇言

中天地而立與天地參者人也人之性天地之性也孔子以爲貴孟子以爲善天地予人之正也君子保天命之性之謂仁成天命之性之謂學

空齋學案補遺

卷八十一

三四四明叢書

約園刊本

井田封建成之非一日其壞也亦非朝夕之故不必泥其制也能存其意亦可以爲治矣

或問節義之士如之何而黨綱曰自取之也君子百是必有一非小人百非必有一是天下士至不少矣豈必登龍仙舟者皆賢不在此選者皆不肖耶更相題表自立禍的者人豈能禍之哉

或問學聖賢之道者其流亦有偏乎曰近聞之眞公學而至之烏得偏學而不至雖孔孟門人不能無偏能溯其源歸于正矣不然毫釐之差其謬逾遠

梓材謹案四庫全書著錄邇言十二卷提要云是  
卷分十二章曰成性存心立志踐行天道入道君  
道臣道今昔經範習俗志見其立言醇正篤實而  
切于人情近于事理無迂闊難行之說亦無刻核  
過高之論如井田封建云云皆他儒者心知其然  
而斷不出之于口者劉氏獨筆之于書可謂光明  
磊落無纖毫  
門戶之私矣

附錄

少侍父遜齋先生習聞庭訓專事程朱之學因慶元黨  
籍隱而不仕從真文忠遊

補忠愍徐先生元杰

梓材謹案先生號棋枰見蔡氏九  
儒書真西山文集有送徐子祥序

宋學案補遺 卷八十一

三五四明叢書  
約園刊本

附錄

蔡久軒祭先生文曰甲辰之冬潮陽一疏凜凜然如秋  
霜烈日人紀不至于遽滅者公之力也乙巳之夏公位  
西省沐浴更衣草鋤姦之疏未絕筆而公殂嗚呼自古  
皆有死而公之死也天子爲之震悼公卿爲之駭愕通  
國上下爲之頓足嗟歎人孰無死而公死也若此彼何  
人斯自以爲得計豈知公之身可死而公之心則窮天  
地亘古今而不可死公之迹可泯而公之冤則動天地  
干陰陽而不可泯然則公其亡耶其不亡耶

王深寧困學紀聞曰淳祐甲辰宰相起復太學諸生黃  
愷伯等上書曰彌遠奔喪而後起復嵩之起復而後奔  
喪徐仁伯兼說書對經幄其言當帝心意諫劉晉之王  
瓚胡清獻龔基先聯章論仁伯上震怒夜出御筆逐囚  
人遂寢起復之命而相范杜明年仁伯卒人以爲毒也  
然其事竟不明白庸齋趙茂實誌之徐景說銘之

謝山箋曰嵩之從子璟卿上嵩之書諫其不宜戀位  
亦暴卒奉化應文煒者其人慷慨喜言事與璟卿善  
嵩之疑所上書出其手令吏取文煒榜文煒抗辭  
不屈而止見袁清容集則置毒事無可疑者

卷八十一

卷八十一

三五四明叢書

一約園刊本

補朝請王臘軒先生邁

梓材謹察西山爲作養正堂記蓋取蒙以養正聖  
功也頌貞吉養正則吉也之義西山又有送王寮  
推序

雲濠謹案袁清容書胡評事夢豆印紙述其言齊  
邸削籍事云自後先公問人王公邁亦踵論齊邸  
事而公亦波黜去先公謂越公韶據此則先生當  
及越公之門又案先生祭陳復齋文云某也以里  
巷之諸生荷知憐于方拙坐明道之春風抱滌溪  
之露月歸自長沙也先生爲之書廉仁公勸之箴  
及官中都也先生贈之以舍生取義之說尚樞嗣  
歲之春長在樞衣之列何哲人之云亡攬悲腸之  
鬱結簡復齋子表夫之併呈眞西山詩云復齋吾  
之師高山嚴標致僕嘗函丈間乞得四箴字箴來  
任京華登門願受記復齋首肯之贈言簡而毅殺

身可成仁舍生甘取義此生尚可輕圭黍眇爵位  
僕退書之神簡永言有味是先生本復齋弟子也  
又先生祭趙東巖文云某也晚登門牆尋講機拙  
文席一遺歲備四閱儀又及趙氏之門然其題與  
晚詩標目皆未稱先生則非其師也其祭鶴山文  
云某晚登門牆尋窺小異雖名位之不侔偶際期  
之胥契又云先生于僕非純交僕于先生非借勞  
且題云鶴山先生則自列魏氏之門矣于真西山  
祭文亦有幸鶴山之夫  
子獨愛直而賞珍云云

### 隴軒文集

終身求治於學無得是之謂不知本究心于學而不及  
見之設施是之謂不知用必其學日進于一日而其治  
日新于一日然後可以無負于聖經者矣

宋元學案補遺 卷八十一

三十四明故書

約圖刊本

刺經以作王制非不知學也而黃者清靜之習得以汨  
之故文帝之治知富而不知教詔諸生論五經同異非  
不知學也而雜霸刑名之術有以錮之故宣帝之治見  
刑而不見德

朝廷之意向不明不足以新天下之精神士大夫之議  
論不一不足以新天下之耳目

夫子之教如春風時雨之於物隨其限量各使之足其  
所欲焉故其道之大雖天下莫能容而人心秉彝之不  
泯當時之人已有日用而不自知者矣其後漢儒得以

周官一書從而附之使禮樂之文爲制度萬世而下與先王建立民極之意相爲流通而無間斷此其憂世之心雖夫子不得而絕之也

胄子之教所以見虞廷之泰和魚麗之備所以見周室之文物觀司徒大胥之典則知世之所以盛觀六羽楹桷之畫則知世之所以衰陛下儻欲禮樂之興觀之經史足矣

以上下五廷對策

君子立人之朝其進以禮退以義如松栢之特立如鳳凰之孤鳴斷斷乎無所依憑附麗也小人枉道以求合

空齋學案補遺

卷八十一

三五四明叢書

一約園刊本

苟有可以扳援者疾趨而湊之權臣用事則附權臣婦寺有寵則附婦寺近習得志則附近習邪正之分各以其黨觀人之法概見于斯

輪對第二劄

惟天下之至廉者爲能貪惟天下之至怯者爲能勇帝居項氏于貪而自處于廉故彼之貪反爲我所利帝居項氏于勇而自處于怯故彼之勇反爲我所敗藏貪于廉藏勇于怯高帝之術神矣

留侯之去帝可以留而不能留四皓之來帝可以屈而不能屈高帝之功名事業於是乎終矣

以上高帝論

人君能格物致知正心誠意就道親賢問之辨之以明所未明篤志勵行精之一之以守所難守私心邪念一切屏除天理昭融內明外映杲日中天羣陰自伏此二帝三王所以中天地而立極也

天下之事最不可以有心爲之有心于用其剛則剛者狎之招也有心于用其察則察者欺之本也是故惟天下之至柔者爲能剛惟天下之至寬者爲能察

以上文帝論

人必有大患難而後有大植立有道之士履坎險如夷塗遭變故如無事存神于我而榮辱得喪所過者化如

卷八十一

三九四明叢書

論語本

太虛之一塵必如是而後可以爲窮理盡性之學

論語

司馬遷以黯爲鄭當時之流匹故作汲黯傳而班固作公孫弘等贊又曰質直則汲黯卜式以余觀之鄭當時雖有推轂薦士之能然在朝則趨和承意不敢甚斥臧否視黯之正直不阿烏能無愧卜式以財利得幸立朝大節寂然無聞而固乃以黯與二子者並稱是黯之生不見知于武帝而死又受誣于遷固也

坤臣道也六二臣之正位也聖人以直方大言之夫臣道以直方爲上必欲以大居之而後直不至于抗方不

至于禍此坤之所以盡臣道而居大臣之位者所宜法也黜之爲人面折不能容人之過合己者善待之不合者不能忍是其淺中之說已無以爲功業之地矣觀其見丞相不拜見衛將軍不拜固其所自負甚高蔑視王公而不爲傲也然至于恥居弘湯之下遽發積薪之言出守淮南慍見顏色則多見其量之不安也

以上論汲黯

荀卿學孔氏也而是桀跖賈誼明王道也而習申韓黃老何人而史遷以之先六經百家七略何書而劉向父子以之俎豆于吾儒之列此皆不足深惜者而醇儒如

聖學彙補遺 卷六十一

四十四明叢書

禮制刊本

仲舒猶不免議信矣必純乎爲孔孟之學而後可以言正人心

論董仲舒

韓昌黎不以干室之邑鄙潮人而爲之立師儒之職柳河東不以九夷之居陋柳人而爲之新先聖之祠厚之至也今潘侯以鄒魯待儻人而儻人亦以鄒魯待其身意度休美追二公而躡其蹤

昌化軍修軍學記

仁首五常元包四德爲天地心爲生民極

愛民以仁

奢從儉難儉入奢易帝其念哉慎終如始

律身以儉

直諫宜容邇言宜察公道一開下情斯達

聽言以公



本心日月利欲食之大道康莊偏見窒之惟公生明偏則生闇 存心以公箴

名譽之來有道所忌守謙之一有益之四不然何六爻無凶辭不曰吉則曰利也 謙齋銘

殖乎德其久也斯穫殖乎學其成也罔覺惟孝惟友曰義與仁爲吾殖之本根培之溉之務滋于厥身外忽內慾吝容驕色爲吾殖之蝨賊夷之雉之母害我稼穡行有餘力乃藝文園情農自安胡取禾三百廬晝斯宵斯真積力久厥報維何自今以始歲其有 殖軒銘

堯學案補遺

卷六十一

學四明叢書

約園刊本

硯則必端之求友則不端之取甚至于外無潤身之容中無介石之守見此石君亦顏之厚 端硯銘

胸中正則眸子瞭焉其寬汝也貌悅身閒胸中不正眸子眊焉則其覽汝也顏如渥丹是則汝爲吾之畏友豈但正吾之衣冠 鏡銘

附錄

爲正學日因輪對遂及故相史衛王擅權事理宗諭止之先生抗聲曰陛下一則曰衛王二則曰衛王何容保之至耶上怒不答徑轉御屏曰此狂生也其正色直言

無所回撓類如此

補 熊竹谷先生慶胄

梓材謹案建寧府志有熊夢渭字竹谷潛心問學不求聞達夢渭當是先生之字竹谷其別號也又案先生有祭蔡覺軒文又爲哀辭云豫章熊某其同門壻也是有世舊哀有甚焉思昔求道未獲蓋將以紫陽之敬程子者請事于左右先生曰子知言也益友也奚師之足云以師事節齋故有世舊云云

附錄

熊勿軒跋竹谷文集曰公生平精力于三禮通義春秋約說中興三朝通略用功最久又有大學中庸緒言易

宋元學案補遺 卷六十一

聖四明叢書 約圖刊本

經集傳采詩小紀史學提綱等編悉燬于丙子兵難

又曰公少以禮記決科于禮學尤精博嘗謂國家設科當以儀禮不當以禮記游丞相克齋牟左史存齋皆欲以公經學薦聞辭不就蓋公平生潛心問學不求知聞蚤受學于節齋蔡先生與徐進齋蔡覺軒詹敬齋翁思齋爲同門友所造既深自任之意彌篤後登真西山劉靜齋之門尤見器重壯歲卽棄科舉一意通經博史之學

又曰公歲收不上三百石捐其半創敬思齋以訓後進

立孝永莊以賑饑貧見後進有嚮學者必諄諄誨誘不倦士友登其門必竭力館穀之雖屢空不顧也

補通判徐進齋先生幾

焯材蘆溪王實齋誌蔡節齋墓云女七人適楊至劉端江漸王聖率徐幾楊端余資仲皆其壻也見先生以節齋之壻而及其門者矣

附錄

劉須溪序王梅浦尙書纂傳曰每憶咸淳初諸老薦徐幾經筵第一義論人心道心以爲人心惡幾也余歎曰有是哉以其在理慾之間也故危概以爲惡則過矣亦

宋元學案補遺

卷六十一

聖三國明叢書

續園刊本

何所附麗以爲道心哉侍御史陳千峯聞吾言是之幾以是論去又數十年過金陵入明道書院讀真西山所記記首之語則亦幾說也蓋駭然爲之愧悔自失是幾亦有所本也懼哉以此明民猶有出于金口木舌之外者故知食不厭精膾不厭細君纂傳多西山氏已得彼復遺此耶或謂君有功于纂撰政在此

侍郎陳習庵先生墳

別見慈湖學案補遺

太學盧玉溪先生孝孫

盧孝孫字新之貴溪人受業真西山之門嘉泰閒舉進

士爲太學正淳祐初上幸太學獻所編四書集義學者  
稱爲玉溪先生

廣信府志

附錄

張萱曰先生取考亭語錄文集爲四書集義又病其博  
而未精于是復爲集略芟繁撮要深寓反約之意

文清湯東澗先生漢

詳見存齋晦靜息庵學案

縣令趙先生時楛

趙時棟字宗華王雁軒鄉友也西山再守溫陵日著政  
經臚軒時分教睢邱先生爲法曹朝夕相與親炙琴瑟

宋元學案補遺

卷八十一

四書四明叢書

一約園刊本

醫冊之側遂得此經先生令大庾錢梓縣齋

王雁軒集

校書周穎齋先生天驥

周天驥字子德永豐人淳祐進士授校書郎嘗從真文

忠公學文忠爲作穎齋爲學二記勉之

人物志

安撫宋先生慈

附子國寶大口秉孫

宋慈字惠父建陽人少聳秀軒豁師事考亭高第吳雉  
又徧參楊方黃榦李方子二蔡淵沈攸攸論質益貫通  
融液暨入太學真西山衡其文謂有淵流出肺腑先生  
因受學其門嘉定丁丑中乙科調鄞尉未上後歷官知

廣州廣東經略安撫卒于官子國寶大口鄉貢進士秉  
孫正奏名皆力學 劉後村集

詹敬齋先生樞

別見滄洲諸儒學案補遺

朝請李洞齋先生過

李遇字用之自號洞齋閩縣人渡江名儒迂仲樞之從  
孫也與劉後村同受業于西山之門淳祐甲辰進士官  
至祕書少監朝請大夫嘗論內治于君子小人近習女  
寵斜封內降辭嚴氣勁端嘉以後能言者不能加也 劉後

村

宋元學案補遺 卷八十一

四明叢書

續臨刊本

附錄

劉後村跋西山與用之書曰右西山先生與洞齋李公  
問答一卷當先生自禮侍免歸也流言方謹後禍巨測  
其所交游過于避就洞齋乃于是時從先生講學質疑  
執弟子禮後先生召歸亦不翁翁趨附方以格領縣令  
先生殄瘁宰木已拱門人或更名他師洞齋顧收拾其  
寸簡隻字如襲珠璧彼貴則合賤則離死而遂背之者  
聞風宜少愧矣

儒林龍先生崇

龍崇字邦之

雲濠案一作升之

永新人出真西山之門以薦預

修中興政要

人物志

雲濠詳案萬姓統譜言先生讀書好著述嘗遊真西山楊東山之門陳悅帥九江重加禮聘遂建水新城築之人民賴以爲保障官

轉儒林郎史館校勘卒于京邸

林先生存

林存字以道閩縣人真西山弟子

儒林宗派

教授林先生德甫

林德甫三山人受知真西山結交湯仲能及其從子伯

紀梓材案原本以伯紀爲仲能弟蓋其赴京學教授也

校蒙齋集者因宋史而誤改之耳

卷八十一

四明叢書

約園刊本

袁蒙齋作序送之曰西山于人無不容其敬德甫也獨異眾人仲能伯紀繩尺甚嚴非言與行副知恥自重之士不深交也余以是知德甫必有以取重于師友者矣

袁蒙齋集

呂先生仁

呂仁字山甫永豐人與兄仲甫平並從真西山于粵山精舍而相與講學焉西山于其歸也易以敬之一言而

一曰敬伯一曰敬仲云

西山文集

學士金先生南美

金南美字儀叔安鄉人風采端凝博學而文端平乙未進士時真西山知貢舉器重之官至翰林直學士制誥多出其手 湖南通志

### 知州王先生在

王在武陵人治周禮端平初真西山知貢舉擢冠本經成進士後攝施州城陷死之 一統志

### 趙隨齋先生師宰

趙師宰字牧之號隨齋居天台臨海登真西山門學墨竹得徐興之妙見稱于人 圖繪寶鑑

卷八十一

四七四明叢書

新園刊本

### 詹先生何

詹何西山之甥字功甫曰吾將以法蕭何也西山謂學者當求道而不計功聞昔楚有隱者與其氏名同更字曰宗楚而取其治身之言而服膺之云 西山文集

別駕陳先生瑤 別見慈湖學案補遺

### 陳先生適

陳適西山邑子爲書課程其于學不以西山存亡爲勤

情劉後村集

### 常博鄭若泉先生口

鄭口號苔泉官常博其卒也劉後村祭之云自漢以來  
士以藝取童而習者不出科舉鈔誦帖括絺繪雕蟲芻  
狗旣陳叩之空空君則異是網羅貫穿手不釋卷亦不  
退轉眾作菱薊君獨老蒼宅人衰竭君愈激昂早列西  
山文字之籙中入秀巖筆削之局使之騰上鼓舞雷風  
炎紹汪棊乾淳周洪挾負奇崛寡諧多逆暫收揭陽俄  
謫橫浦又云昔在老師高第詵詵歲月電往存不數人  
前誅洞齋未平幽憤奈何又傳苔泉凶問

劉後村集

羅先生知古

空齋案補遺

卷八十一

吳四明叢書

約園刊本

羅知古溫陵人劉後村與之同受學西山同宰邑建溪

劉後村集

黃止堂先生口

附族子梓

黃口號止堂劉後村與之事西山同門事理宗同兩省  
凡一言一語後村誦之終身於子梓字順父官福清尉  
親受先生耳提面命順父涖官邑人目爲清尉其大節

甚似先生

劉後村集

正字李先生以稱

附詳廣平

川學案

口先生仲晦



□先生茂功 合傳

□仲晦茂功皆西山門人西山爲天下文章宗師而州家筦記獨屬之仲晦茂功其言曰再留泉一年無所獲惟獲二雉士仲晦嘗獻四規西山至欲銘之極劉後村爲徐國錄跋西山帖謂仲晦方牧南郡茂功猶待禮部試云 劉後村集

司戶黃先生口

黃口官司戶參軍真文忠之徒也史文靖嘗遺襄闕書云語其才力宜非永國所爽云 任松鄉集

宋史藝文補遺 卷八十一

聖元四明叢書 約園刊本

馬氏同調

將作趙先生與琇

趙與琇字器道口口人爲建康府司理盡心推鞠多所平反時馬光祖以閩兼守號一代吏師僚屬擬筆多不當意獨以先生爲難改秩知瀏陽縣通判紹興府除將作監卒 姓譜

總幹唐容齋先生廷瑞

唐廷瑞字君祥號容齋歙人寶祐進士特奏名授福州文學轉遷遂安簿勸農桑興教化簡獄訟知郡錢可則

辟入議幕漕使魏克懋聘充試官所拔皆時雋參政馬  
光祖辟充齊安庾曹仍延入幕府多所建明試兩浙漕  
又以尚書預薦官至總幹乃老蚤孤事母至孝有容齋  
雜著十卷藏于家

歙縣志

### 朝詩陸先生夢發

陸夢發字太初歙人凡書過目成誦尤深于春秋登寶  
祐四年第充江東安撫司幹辦公事時馬光祖爲安撫  
使委決所部事悉依經傳律裁決如流深敬異之改知  
深陽縣兼淮西餉管榜關閉糶民得無飢省惜浮費率

宋元學案補遺

卷八十一

五十四明叢書

海國刊本

充軍實太傅趙觀文薦于朝特授臨安府左廂公事條  
奏私鹽之弊轉太府寺丞時有蔡御診者罪當誅遁入  
海拒命有旨令率兵討捕朝士多危之先生歎曰旣爲  
臣受命當致身而已旣至軍失利歿于王事賜銀絹葬  
儀贈朝詩大夫所著有烏衣集圻南集曉山吟稿

歙縣志

### 忠愍同調

補 忠公劉先生漢鼎

### 附錄

任松鄉題劉忠公諫草後曰清議有益于人之國乎世

無忠公一疏則父子之道幾絕壯矣哉然淮蔡功成舊恥亦雪衮衣未歸處置未定而其人竟失終身之節天乎吾固惜其材之未盡施而忠公之氣則已伸矣

王氏講友

隱君方聽蛙先生審權

方審權字立之莆田人家積書甚富環居有田數畝每歎曰吾耕讀于此足了一生矣與劉後村克莊王熙軒邁相友善著有聽蛙集

福建通志

附錄

宋學案補遺 卷八十一

王四明族書 約圖刊本

劉後村誌其墓曰後進視君猶大父行然君上接而下扶肩教而善誘士者尊之

王氏同調

朝請林先生蒙亨

別見龜山學案補遺

方氏先緒

方梅窗先生應龍

方應龍字梅叔以字行莆田人少受知于叔祖少卿銓仕衡陽日先生以子弟爲賓客自書札外未嘗毫髮預他事少卿去衡先生以衡人士多執經受業于其門者

不忍舍其師去相率裒金買宅一區以家之暨返故居  
出所貯蓄市田園以供粢盛晚以梅窗居士自命卒年

六十七 王隴軒集

虛谷先緒

方先生錄

方豫字元圭歙縣人虛谷之叔又其師也少豪俠不羈  
治小戴禮有聞于范鍾奚若賓記問淹置精詩粹文有  
南渡遺風與四明張居卿最厚善嘗爲學諭 方桐江集

忠愍家學

宋學彙補遺 卷八十一

三三 四明叢書  
約園刊本

忠翊徐先生元得

徐元得字耕道上饒人自衢徙而居世黃塘先生忠愍  
從弟也常思愍時四方宦學之士無不願登其門先生  
搆超穎之質入則與二季端友龍圖立大侍郎稠理書  
疏出則與趙茂實尚書徐景詵祕書輩商略義理及旣  
不得志場屋而遊則與揚州李制置江州趙安撫之徒  
講書籌策游倦而歸則與蜀郡楊參預天台葉集賢諸  
公攷問故實聲漸氣摩意喻色授不勞而成良器嘗奉  
檄築懷遠軍城補進義副尉累轉進武校尉又五轉自

承信郎至忠翊歸傍鄉井旣而避地于饒德興之宗儒  
村宗儒有王氏故大家能以禮館穀學徒爲之填委曾  
李制置弟宰祁門復招遊祁門爲刊所爲詩曰橫塘小  
草晚而益貧歸橫塘課子讀書督奴灌畦閒暇惟與宗  
族鄉黨相唱和

戴剡源集

臞軒門人

方先生棐

方棐梅叔子臞軒之徒也梅叔卒請銘于臞軒曰求夫  
子之文刻墓石以傳則先君爲不朽矣

王臞軒集

卷六十一

空元學案補遺

五十四明叢書

約園刊本

燕氏家學

參軍熊勿軒先生禾

詳見潛庵學案

梁氏家學

奉議梁端懿先生百揆

梁百揆字宗盛番禺人仲欽子少謹厚苦志力學登嘉  
定十年進士初授從事郎太學錄晉符璽郎歷奉議大  
夫立朝侃侃以直諫忤時未幾史彌遠矯詔廢立遂引  
疾乞休退隱禺山關異端彰聖學有功名教學者稱爲  
端懿先生

廣州鄉賢傳

西山私淑

劉樸谿先生承

劉承誠樸谿爲建寧學正時得西山所編中庸大學鏡之梓惟論孟二書闕焉扣之庭聞則云已經點校但未編集先生誦讀書記中所載論孟處與今所刊中庸大學凡例同其他如文集衍義等書亦有可采據者因彙集成書凡五閱月而帙就又五閱月而刊畢云

經義考

謝先生侯善

謝侯善序西山四書集編後云得西山手澤于夏獻之

宋元學案遺

卷八十一

五十四明叢書

約圖刊本

遺函命工刊之于郡庠

經義考

梓材謹案西山子志道爲學庸集編後序稱郡博士謝君來請甚勤且曰刊之泮宮俾家有其書人傳其學豈不交溥志道有感其言遂出授之且著其詳于下方使得此書者必深思而力踐之斯爲善讀庶亦不負謝君私淑之意謝君苟之名于于斯道有聞故于學政知所先務云當節先生

州守黃先生巖孫

黃巖孫字景傅惠安人寶祐進士授仙溪尉一以義理之學爲政先是段全凌景陽尉仙溪先生作思賢堂且記曰事俗而不自爲俗者學充于事也官卑而不自爲卑者人大其官也咸淳中知尤溪縣新南溪書院建四

齋及講堂以棲學者疏朱子太極通書西銘解三篇及其與問答語凡諸儒之說申以己意會粹成編名曰輯解尋守福州校刊真西山讀書記學者宗之

道南源委

漕舉陳古愚先生仁子

附門人李懋宣譚以則

陳仁子字同甫號古愚茶陵人咸淳十年漕試第一宋亡不仕著有牧萊脞語十二卷其門人李懋宣編二稿入卷其門人譚以則編先生嘗編文選補遺四十卷排斥蕭統蓋私淑真西山文章正宗之說者其云補文選不云竟以廢文選使兩書並行各明一義用以濟專尚

宋學案補遺

卷八十一

五

四明叢書  
約園刊本

華藻之偏亦不可謂之無功云

四庫書目提要

梓材謹案一統志載其宋末薦舉不仕于元營別墅于東山博學好古云

知州方虛谷回

方回字萬里一字因甫號虛谷歙縣人穎悟過人儻不羈善詩文爲隨州教授呂師夔提舉江東辟充幹辦公事賈似道喪師後萬里上書數其罪有十可斬又泣言賈似道與其客廖瑩中皆當卽誅出知建德府宋亡入元累遷通議大夫致仕歸所著有碧流集桐江集讀易釋疑易中正考尚書考儀禮考皇極經世考古今考曆

象考衣裳考玉考先覺年譜名僧詩話若干卷及宋季雜傳

徽縣志

梓材謹案虛谷知嚴州降元以爲建德路總管故

每爲謝山所誣

雲深謹案戴淵集齊東野語南方使君詩序桐

江詩集序并陽詩序紫陽方使君文集序皆爲虛

谷作

也

方桐江語

近世以老莊注易以六經傳尚書以三禮箋詩以司馬法釋周禮以災異讖祥讀春秋以鄭衛淫聲制樂真學者之大不幸也

宋元學案補遺 卷八十一

五十四明設書

約園刊六

桐江文集

禘者推其祖之所自出之帝以其祖配之祭于廟則與郊祀天不同而郊祀后稷以配天所配者乃昊天上帝之天非有所謂感生之蒼帝也宗祀文王于明堂以配上帝所配者卽昊天上帝之帝亦非汎配青赤黃白黑之五帝也郊以天言則圜邱露祭與天相接故配之以開國之祖尊之也明堂以帝言則屋下之祭天之神若王者云者以有天下之祖配之亦尊之也曰嚴父云者以周公制禮時言之故因周公而係文王曰父雖成王



康王以下亦皆以文王配帝也其或曰成王則以武王配康王則以成王配者乃後世拘嚴父之文各私于其父而曲證互取以成此說其實非也

蕭裕及成生帝說

文公成公于思無邪各爲一說前輩謂之未了公案詩三百一言以蔽之曰思無邪今皆謂作詩者思無邪文公獨不謂然論語集注謂凡詩之言善者可以感發人之善心惡者可以懲創人之逸志觀此固已爲詩之言有善有惡作詩之人不皆思無邪矣猶未也文集第七十卷讀東萊詩記乃有云孔子之稱思無邪也以爲詩三百篇勸善懲惡雖其要歸無不出于正然未有若此之約而盡者爾非以作詩之人所思皆無邪也今攷東萊所說見桑中詩後謂詩人以無邪之思作之學者當以無邪之思讀之文公則辨之曰彼雖以有邪之思作之而我以無邪之思讀之二公之說不同如此又雅鄭二字文公謂桑中溱洧卽是鄭聲衛樂二雅乃雅也成公謂桑中溱洧亦是雅聲彼桑間濮上已放之矣予嘗詳錄二先生異說于思無邪章今魯齋但紀文公之說而不紀成公之說惟引成公讀詩記所說十有三條而

桑中詩後一條不錄無乃以文公之說爲是耶竊謂桑中溱洧非淫奔者自爲之詩彼淫奔者有此事而旁觀之人有羞惡之心故形爲歌詠以刺譏醜惡若今鄙俚如賤如令連篇累牘形容狹邪之語無所不至豈淫者自爲之乎旁觀者爲之也文公以淫奔之詩出于淫奔者之口故不惟不信小序而大序止乎禮義之言亦致疑焉蓋謂桑中溱洧等作未嘗止乎禮義也予妄意以爲採詩觀風詩亦史也鄭衛之淫風盛矣其國豈無君子與好事者察見其人情狀故從而詠歌之其所以詠歌之蓋將以揚其惡雖近于戲狎而實亦足以爲戒也文公以爲淫奔者自爲是詩則其人亦至不肖大無恥矣惡人之尤也聖人何錄焉成公譜詩雅樂也祭祀朝聘之所用也桑間濮上之音鄭衛之樂也世俗之所用也桑中溱洧諸篇作于周道之衰雖已煩趣猶止于中聲孔子嘗欲放鄭聲豈有刪詩示萬世乃收鄭聲以備六藝乎此說不爲無理而文公則謂鄭風衛風若干篇卽是鄭衛大雅小雅若干篇卽是雅二南正風房中之樂也二雅之正朝廷之樂也商周之頌宗廟之樂也變

雅無施于事變特里巷之歌謠耳必曰三百篇皆祭祀朝聘之所用則未知桑中澹涓之屬當以薦何等之鬼神接何等之賓客耶此二說者內翰尚書王公應麟與予一商略之矣作詩不皆無邪文公糾成公之說也因是遂辨雅鄭二字而及于三百篇或用爲樂或不用爲樂三節不同所以謂之未了公案學者不可不細考也

王魯齋詩可言集考

道一而已而物有萬古聖賢之學不專在語言文字日月星辰與天爲體運而不已山川草木與地爲體生而

宋學案補遺 卷八十一

五十四明徵書

約園刊本

不窮言語文字與聖賢爲體傳而不朽體物也所以用之者道也道不離物易究休咎書紀治亂詩美刺春秋褒貶三禮辨上下論專言仁孟兼言義皆以語言文字與道爲體其妙用所在一而已一者何道是也然則何道也天地之心耳此之謂道而以其道用乎日月星辰山川草木之物故曰道不離物聖賢之心欲使千萬世之人爲善不爲惡以復其有善無惡之性則不容不著之書此語言文字所以爲斯道有形之體而無形之道所以用乎有形之體而寓于言語文字之中也顧可忽

諸應子翽經傳蒙求序

漢董唐韓明道正義之策原道原性之篇超越諸子斯教矣斯學矣然未也宋儒歐陽文忠公文章第一范文正公事業第一司馬文正公踐履第一然亦未也王半山申韓而佛老者也蘇長公儀秦而佛老者也黃與陳李杜而佛老者也其人品非不高而道則皆未也然則人心之天可混乎世無復孔子矣豈無復孟子乎孔孟之不傳有人焉其求諸極圖通書定性傳易正義經世之作乎雖河洛門人閒有雜于禪者幸楊龜山得之程而延平傳朱文公五峯傳張宣公幸呂滎陽得之程而家學傳小東萊呂成公宣公成公年不及艾文公雖罹黨禍其所著書與周元公以來諸書並存植綱扶常之教率性立命之學萬世有賴黃勉齋蔡元定羽翼其教斯學也李公晦年譜陳安卿字義發明其教斯學也真文忠公集及大學衍義讀書記類聚言仁學也魏文靖公集及九經要義十七家周易集義學也捨是而他近世解省經賦非學也宏博制詔非學也趙雪秀劉潛夫之詩歌非學也陳同父葉正則之議論非學也陳祥道

鄭漁仲之類聚非學也晏叔原秦少游辛幼安姜堯章之長短句非學也張子韶以至二陸楊袁直入頓悟祖磨宗能非學也草木蟲魚訓詁非學也江河鳩鵲形聲非學也塗亞爲戲軋苗爲工震寒札洪爲癖皆非學也清惇紹熙豐京卜誤宣靖秦檜和議侂冑開邊彌遠廢立嵩之出師似道公田關弊欺孤弱寡趨而和之參樞侍從皆不學之小人也嗚呼人心其果不古乎穴槐君臣銜蘆兄弟人而反不如物乎

送白廷玉常州教授序

力學衰猶進治生晚不識操心元自定忤俗果何由塗

空學案補遺

卷八十一

空四明叢書

約圖刊本

抹餘千紙浮沈等一漚忍窮兼忍辱失笑未包羞

力學

玩透羲爻未畫前今時天卽古時天回空其庶亦其庶軻死不傳焉不傳積憤淫傷詩未削暗籌微婉史誰編繼周百世民彝在豈爲興亡有變遷

有感

附錄

其自述曰八叔父瑑教以至於成

又曰不專爲科舉之學學性理自真西山讀書記入學典故自呂東萊大事記入學五七自張苑邱入學四六自周益公入而時文之進自州教授天台諸葛公泰始

梓材謹案桐江爲先君事狀自述又云年二十九見知于左史呂公年二十四見知于丞相程公元夙年二十五見知于端明洪公勳參政魏公虎臣詩人亦山鄭公會年二十六見知于邵守府卿魏公克愚郡倅應公彌正郡糾常博張公汝諧年二十九見知于秋崖方公岳瞻三十觀文趙公與籙提舉金公文剛江闕馬公光祖尙書呂公師夔制帥呂公文德禮侍劉公震孫相次見知又云公年三十六別院省試丞相馬公廷鸞賞其義丞相章公鏗取其策廷試丞相文公天祥制帥趙公日起參政常公挺爲考官云云則桐江之受知者多矣惜其未副所知也其挽丞相馬公詞致語自署門生其寄題朱信州自寫堂詩云吾師魏華父庵以自寫名自庵得類彙其文世盛行又讀魏鶴山先生集陽集五首之一云登門四十九年多細讀公書百遍過今歲摘鈔精作選翁琪配不傳軻原注云國壬子年二十六辭翁先生別敬州十二月先生以回詩請入書院是桐江由靜齋而私淑也

鶴山也

經學案補遺

卷八十一

空

西明叢書約圖刊本

其自序桐江續集曰予之讀書五經一聖之言以爲律令九賢之言以爲格式申明天下之書無所不讀以爲斷案五經者易書詩春秋三禮也一聖者孔子也九賢者周之四子顏曾思孟宋之五子周二程張朱也天地人物有理有氣有性有情故有正必有變五經一聖九賢之言所以扶正而馭變者也予讀易而知陰陽大化有正有變生必有死存必有亡于進退得喪勿競勿懼可也讀書而知禪讓之典謨征伐之誓誥九德之剛柔

三仁之去就有正有變亦各自靖自獻可也讀詩而知君臣父子夫婦朋友人倫之閒有正有變樂不淫哀不傷怨不亂可也讀春秋而知天子諸侯大夫陪臣內夏外夷之名分有正有變權善惡衡是非正其誼明其道可也讀三禮而知尊卑上下等衰隆殺以節天理之正以防人情之變由今之變返古之正可也蓋人性無不善道體無不該自伏羲始作一畫以至二帝三王之君之臣世守之未嘗不明不行至周之末靡正不變而幾于不明且不行矣孔子雖不能行賴孔子之言正其變而復明孔子之言賴顏曾思孟而益明更秦涉漢歷唐荀董揚韓醇疵莫掩不行之害小而不明之害大賴宋有周子二程子張子而復明王氏之學分裂宇宙塗炭生靈其後高者入虛卑者入陋賴吾州子朱子力正其變而又大明曰無極太極曰道心人心曰天命之性氣質之性曰命曰氣曰仁曰誠曰中曰敬曰陰陽曰鬼神曰五經之精四書之蘊吾儕小生得以坐享其成說于是塞門反坫之功利摩頂惜毛之仁義乞鄰證父之賣直避兄離母之沽名棄灰徒木之威信滅竈糞金之戰

以非馬有毛之辨說專氣寓言之虛寂皆已截然明陷  
于區域之外等而下之口茲丘區之訓故尸解羽化之  
方書紫色擗聲之制度赤制白水之圖讖箕張鞭算之  
貨財鈎筭羅織之刑法非鬼越望之望祀下里巴人之  
音律覩史楞伽之梵唄陽平都功之符咒至于近世譯  
經玉清之官職天書神霄之祥瑞西崑龍蟲之歌詠札  
闈軋苗之詞采國服爲息之政事偏傍字說之場屋黨  
碑邪籍之紹述忘君事讎之和議棒喝頓悟之心法金  
鐵一鍋之史學變愈下而正愈湮盡人心而否世運惟  
此之所恃于五經一聖九賢者已確乎其不可拔則彼  
皆吾道之罪人又豈容一毫可以侵入吾矩度之內若  
是則天下之書其可讀者亦少矣此予之讀書法也

劉氏家學

縣丞劉先生漢儀

別見九峯學案補遺

劉氏門人

補帥幕陳南墅先生策

梓材謹案上虞縣志載先生云潛心典籍稽詞翰俱  
美受知于馬中特授中訓郎主管制司機宜文字  
少卿孫先生子秀

別見九峯學案補遺



方氏門人

戶部戴剡源先生表元

詳見深寧學案

俞先生師魯

俞師魯字唯道婺源人從方虛谷遊虛谷送之以序稱

其性質超邁學力精到于書無不讀躬行粹然先世與

文公同里聞敘通家淵源有自來云

方桐江集

文肅柳靜儉先生贊

詳見北山四先生學案

提舉程先生榮秀

詳見介軒學案

知州方先生中全

宋學案補遺 卷八十一

空室四明叢書

約園刊本

方中全徽州人知鹽官州親傳虛谷之學

陳定宇集

教諭王先生彌道

別見滄洲諸儒學案補遺

西山續傳

補教授王梅浦先生天與

雲濠謹案四庫全書著錄先生尙書纂傳提要云是書雖以孔傳孔疏居先而附以諸家之解其大旨則以朱子爲宗而以真西山說爲羽翼蓋諸子攷論羣經以書屬蔡氏故梅浦以蔡氏傳爲據西山則書說精義以外復有大學衍義一書所言與虞夏商周之大經大法多相出入故梅浦亦備採之其注疏或刪或存亦以二家之說爲斷自序所謂期與二先生合而已不敢以私意去取蓋道其實也所說于名物訓詁多有闕略而闕發義理則特詳亦王元杰春秋緣義之流亞也

忠亮趙先生璧

趙璧字寶仁懷仁人世祖爲親王聞其名召見呼秀才而不名賜三億給薪水命后親製衣賜之視其試服不稱輒爲損益寵遇無與爲比命馳驛四方聘名士王鶚等又令蒙古生十人從先生授儒書敕先生習國語譯大學衍義時從馬上聽其陳說辭旨明貫世祖嘉之累拜平章政事卒贈大司徒諡忠亮

元史

朝列趙先生思恭

別見魯齋學案補遺

承旨李先生好文

別見伊川學案補遺

宋龜案補遺

卷八十一

宋四明叢書

約園刊本

郎中吳先生師道

詳見北山四先生學案

王氏講友

教授彭集齋先生應龍

彭應龍安福人宋江陵府教授致仕

姓譜

梓材謹案先生號集齋王梅浦自序尚書纂傳言借其子振求是正于先生又言先生以是經擢巍科親富貴加存雲不鄙末學是講是迪云云崔君畢後序則謂晚又得鄉先生彭集齋往復考訂無復遺憾首尾十餘年而後就云

集齋遺文

書由伏傳孔注若疏至近代博矣唐虞三代遠哉邈乎

上溯三千五百餘年而聖賢心至今猶在者書在焉故也書蘊奧難見而庶幾可探討而見者諸家說在焉故也如余習讀時尤愛鞏氏鈔東萊說開卷初首引伊川發明欽字義以爲理學精微當年闢自伊洛後讀書者如欲求書旨到親切的當處舍是宜何折衷久之又讀紫陽西山二先生所考釋與所記衍竊知其淵源上出伊洛之正發經義理惠淑後學又至矣乎惜其未成全書于百篇或開釋之而未竟微言粹旨之別見者世亦莫有能考而會之一尚書纂傳序

宋學案補遺

卷八十一

空四明叢書

約圖刊本

### 彭氏家學

彭魯齋先生絲

附弟齊叔

彭絲字魯叔號魯齋江陵教授應龍之子其弟齊叔父子兄弟自相師友博習修潔俱以著述爲業先生所著有算經圖釋九卷黃鍾律說八篇禮記集說四十九卷又有易包春秋辨疑等書

姓諱

### 禮記說

王制前言爵命田祿中散言六官末言養老三者爲經而中間錯出數節爲緯篇末自注前段義

王制

喪服小記苴杖竹也削杖桐也此記下云經殺五分而去一杖大如經謂斬衰首經九寸要經殺于首五分去一計七寸五分之一苴杖之大亦如之齊衰首經七寸五分之一要經殺于首五分去一計五寸二十五分寸之十九削杖之大亦如之

喪服小記

絲屬而不周曰紕破飾而過實曰繆

大傳

警度長香衣物不敬警度他人亦涉揣量且肘肩及是抑末矣

少儀

士不耐于大夫而喪服小記言士耐于大夫則易牲者

喪學案補遺 卷八十一

奕奕四明叢書

約園刊本

彼謂無士可耐故禮如此

三禮圖注祿衣當玄端處生時玄端衣裳別反死而襲玄端連衣裳與婦人祿衣同故雖男子玄端亦名祿衣也曾子譏之者非譏祿衣譏用纁綌綠衣纁綌是婦人嫁時之服亦非裳衣故曾子譏婦服

以上雜記

非主人謂齊衰以下之喪者非喪主也如父在奔母喪若奔祖父母喪父爲主己不爲主人也則拜賓送賓皆父主之故云主人爲之拜賓送賓

奔喪

秦孔氏說去其半意專指總朱子謂總十五升抽去其

半則小功十二升其縷反多于緦有所不通蓋此去其半之文雖在緦麻十五升下其實斬齊大小功升數俱是去其半斬衰三升抽其半止百二十縷齊衰四升抽其半止百六十縷以漸至緦十五升抽其半止六百縷凡五服精麤輕重之等無不順序孔序所云朝服及今傳深衣皆十五升不去半計一千二百縷

除服先重者卽男子先除首婦人先除帶也易服易輕者謂前喪爲後喪所變男子得易要帶婦人得易首經聞傳所言易服皆是重喪遭輕喪之禮至于輕喪遭重

喪則經文未載今舉一條見例假如初服齊衰之喪又遭斬衰之喪雖除下齊衰冠服別制斬衰冠服雖遇葬母亦服斬衰如遇母虞祔練祥又須著先所除下齊衰冠服俟卒事仍舊著斬衰服凡先遭輕喪後遭重喪者倣此故喪服小記云父母之喪借先葬者不虞祔待後事其葬服斬衰孔疏云父母俱喪而猶服斬者從重也雖葬母亦服斬衰若爲母虞祔練祥皆齊衰卒事反服重以上闕傳

吉服無頓著之理故聖人爲是祥服與禫服使之得以

從容去凶就吉其實三年之喪二十五月而畢而加此  
兩月者乃服已殺又能引之使伸于禮在凶與吉之間  
二十五月者喪之正服也其喪後所服至二十七月者  
孝子哀情未忘之餘服也

三年間

宋元學案補遺

卷八十一

七

四明叢書  
約園刊本

宋元學案補遺卷八十一

宋元學案補遺卷八十二

目錄

北山四先生學案補遺

北山師承

陳先生震

勉齋門人

補何先生基

北山同調

王先生邁

宋元學案補遺 目錄

四明叢書  
約園刊本

何王同調

趙先生汝安

蔡先生杭 詳見九峯學案

北山家學

補何先生欽

北山門人

補王先生柏

補汪先生闢之

補張先生潤之

補 王先生侃

補 吳先生梅

補 金先生履祥

汪先生蒙

俞先生皋 合傳

魯齋學侶

補 潘先生埤

時先生充之

魯齋同調

宋元學案補遺 目錄

二 四明叢書

約園刊本

文先生及翁

章先生叔和

壽雲師承

李先生景文 附弟景傳

仁山講友

徐先生鈞

張氏先緒

張先生觀光

方氏家學



補 方先生逢辰

補 方先生逢振

方先生逢嘉

補 方先生一夔

蛟峯講友

吳先生攀龍

何先生夢桂

蛟峯同調

補 蔣先生沐

宋元學案補遺 目錄

何氏學侶

何先生景文

魯齋家學

補 王先生倬

王先生璞

王先生子章

王先生雲卿

敬巖同調

陸先生震發

魯齋門人

補王先生賁

補陳先生天瑞

補黃先生超然

補張先生頴

補閩人先生詵

補盛先生象翁

楊先生錡

王先生全夫

宋元案禮遺 目錄

四明叢書

約園刊本

楊陳講友

曹先生淇

導江講友

補趙先生宏偉

敬氏先緒

補敬先生鉉

敬先生文長 台傳

姜氏先緒

姜先生澤 附師楊夢午王月溪趙松坡董覺齋

立齋家學

王先生彥恭

仁山門人

補許先生謙

補郭先生子昭

補柳先生賈

王先生真文

楊先生復義

孟先生夢恂

詳見簡齋門人

空齋學案補遺 目錄

五 西明叢書

約園刊本

王先生庭槐

白雲講友

蔣先生迅雷

許先生文奎

別見滄洲諸儒學案補遺

潘先生明之

李先生惠

白雲學侶

補張先生樞

補吳先生師道

呂氏先緒

呂先生伋

張氏先緒

補張先生衍

補張先生主善 合傳

柳氏講友

杜先生彬

柳氏同調

紇石烈先生希元

宋元學案補遺 目錄

六四明叢書

約園刊本

文氏門人

陸先生文圭

別見鶴山學案補遺

章氏門人

柳先生貫

詳上仁山門人

徐先生子奇

蛟峯家學

方先生梁

蛟峯門人

補魏先生新之

秦先生庚

許先生仲文

許先生仲舉

合傳

許先生民瞻

合傳

蛟峯續傳

喬先生幼聞

別見麗澤諸儒學案補遺

陳先生一中

呂先生應焱

合傳

吳先生龍朋

空學集補遺

目錄

七

四明叢書  
續編刊本

蔣氏家學

蔣先生國光

蔣先生國賓

合傳

蔣先生國華

合傳

蔣先生國珍

合傳

蔣先生吉相

敬巖家學

王先生瑛

詳見魯齋家學

王先生肖翁

王氏門人

徐先生韶

周氏家學

補周先生仁榮

周先生仔肩

楊氏家學

楊先生圭

黃氏家學

黃先生中

宋石學案補遺 目錄

入

四明叢書  
約園刊本

黃先生侃 合傳

黃先生宏

黃氏門人

盛先生象翁 詳上魯齋門人

張氏門人

補楊先生剛中

補夾谷先生之奇

呂先生律

孔先生思誨

馬先生祖常

呂先生洙

王先生元

馬氏講友

胡先生彝

聞人家學

補聞人先生夢吉

吳氏先緒

吳先生景奎

宋元學案續遺 目錄

九

四明叢書  
續編列本

宋氏先緒

宋先生文昭

宋氏師承

包先生廷藻

林氏門人

補陳先生德永

朱氏先緒

朱先生口

朱氏師承

補 李先生孝光

五峯講友

曾先生應孫

趙氏家學

趙先生思敬

趙先生璉

見下白雲門人

趙先生琬

學正門人

補 鄧先生文原

宋元學案補遺 目錄

鄧氏同調

白先生珽

魯齋續傳

補 牟先生楷

詹先生道傳

牟氏同調

補 陳先生紹大

白雲家學

補 許先生元

十

四明叢書  
續編  
附本



補 許先生亨

白雲門人

補 范先生祖幹

補 李先生國鳳

補 葉先生儀

補 敬先生儼

補 唐先生懷德

補 歐陽先生玄

補 胡先生翰

補 朱先生震亨

補 王先生餘慶

補 李先生唐

補 戚先生崇僧

補 朱先生同善

補 劉先生涓

補 李先生裕

補 李先生序

補 蔣先生元

宋元學案續遺 目錄

十一

四明叢書  
約園刊本

補 張先生匡敬

補 馬先生道貫

王先生毅

趙先生璉

董先生鎮

宗先生誠

馮先生翊

合傳

韓先生禮仲

楊先生仲齊

宋元學案補遺 目錄

十三 四明叢書

約園刊本

張先生翼

傅先生似

許先生□

許先生□

合傳

許先生熊

別見滄州諸儒學案補遺

普化帖睦爾先生

項先生良才

附師胡良金安道弟英才

王先生順

金先生永

朱先生異亨

朱先生蒙正 合傳

何先生宗文

馬先生德璋

李先生彥章

葛先生巖

趙先生嗣鴻

陳先生元善 父仁

陳先生亨道 合傳

宋元學案補遺 目錄

陳先生利用 合傳

陳先生貞固 合傳

汪先生杞 別見滄洲諸儒學案補遺

沈先生口 見下吳氏門人

平仲師承

劉先生鐔

柳氏家傳

柳先生卣

柳先生同

柳先生因 合傳

柳氏門人

補 鄭先生濤

補 戴先生良

夏先生逢慶

王先生毅

師先生晉

師先生升 合傳

師先生索羅 合傳

宋元學案續述 目錄

十四 四明叢書

約園刊本

崔先生敏

高先生本 附弟榮植棟

甯先生九齡

張先生口

李氏師承

吳先生志淳

吳氏家學

補 吳先生沈

吳先生深

吳氏門人

補諸葛先生伯衡

危先生素

詳見靜明寶峯學案

胡先生章

舒先生元

王先生光輔

趙先生良恭

徐先生□

元先生□

宋元學案補遺 目錄

十五

四明叢書  
約園刊本

沈先生□

張吳私淑

宋先生濂

詳下凝熙門人

魏氏門人

王先生德先

何先生芸孫

父煥文

秦氏家學

秦先生玉

秦先生約

袁氏家學

袁先生泰

本心門人

補周先生澗祖

補泰先生不華

陶先生煜

趙先生友蘭

南村師承

錢先生璧

宋元學案禮遺 目錄

十六

四明叢書  
約圖刊本

紫巖講友

補朱先生嗣壽

孟氏門人

張先生起源 附子紳

王氏門人

王先生彝

已齋門人

牟先生若駿

南村講友

潘先生伯修 見下西山門人

潘先生從善

楊氏家學

補楊先生翮

楊氏門人

李先生恒

孔氏家學

孔先生克堅

馬氏家學

宋元學案補遺 目錄

馬先生祖謙

馬氏門人

陳先生旅 詳見草廬學案

凝熙門人

補吳先生履

補宋先生濂

唐先生元嘉

樓先生士寶 別見龍川學案補遺

姜先生焞

七 四明叢書 約圖刊本

張先生道生 父繼祖

王先生權

張先生孟兼

李先生國鳳 詳上白雲門人

吳宋講友

韓先生循仁

唐氏同調

李先生曄 附師鄭僖

陳氏家學

宋元學案補遺 目錄

十六 四明叢書 約園刊本

陳先生杲

陳先生多遜 合傳

陳氏門人

補 朱先生右

李氏家學

李先生至剛 別見草廬學案補遺

李氏門人

蔡先生不華 詳上本心門人

朱先生右 詳上陳氏門人



陶先生宗儀

見下陶氏家學

匪石門人

俞先生鎮

父天民

王先生士熙

別見泰山學案補遺

周先生伯琦

別見草廬學案補遺

馮先生思溫

班先生惟志

邱先生以道

陶先生口

宋元學案補遺

目錄

十九

四明叢書  
約園刊本

牟氏家學

牟先生若峻

見上己齋門人

牟先生完

西山門人

潘先生伯修

附師林興祖

趙先生友蘭

見上本心門人

潘氏講友

姚先生懋

祭酒門人

張先生文華

劉先生鏞

范氏門人

許先生元

詳上白雲家學

端木先生孝思

唐氏門人

徐先生孳

歐陽家學

歐陽先生佑

宋學案補遺

目錄

二十

四明叢書  
約園刊本

歐陽門人

蘇先生伯衡

詳下蘇氏家學

貢先生師泰

詳見草廬學案

解先生開

周先生子直

解氏講友

歐陽先生衡

黃先生琢

蘇氏家學

補蘇先生伯衡

朱氏門人

朱先生濂

詳上凝熙門人

趙先生良本

賈先生思誠

戴先生士堽

戴先生良

詳上凝熙門人

戴先生原禮

王氏家學

宋學案補遺

目錄

示

四明叢書

約園刊本

王先生祖孝

王氏門人

高先生復亨

李氏家學

補李先生希明

戚氏門人

呂先生口

朱氏家學

朱先生廉

別見滄洲諸儒學案補遺

朱先生世沅

朱氏門人

鄭先生泳 見下朱氏門人

公饒家學

李先生貫道 附師張恭叔兄怡堂

仲倫門人

楊先生芾 別見滄洲諸儒學案補遺

蔣氏家學

蔣先生大同

宋元學案補遺 目錄

三三四明錄書

初國刊本

蔣氏門人

朱先生茂遠

張氏家學

張先生讓禮

江氏門人

程先生斗 附門人程惟善戴彥則

方氏門人

宋先生濂 詳上凝熙門人

木訥門人

章先生溢

胡先生深

章先生存道

章先生存誠

合傳

葉先生子奇

季先生汝

徐先生操

項氏家學

項先生鼎

宋先學案補遺

目錄

三

四明叢書

約園刊本

何氏門人

丁先生存

葛氏家學

葛先生誠

白雲再傳

許先生怡

別見滄州諸儒學案補遺

許先生愉

同上

俞先生善衛

端先生禮

端先生智 合傳

戴氏家學

戴先生禮

戴氏門人

補李先生孝謙

唐先生輪

唐先生鞞 合傳

唐先生輻 合傳

唐先生林

宋學案補遺 目錄

趙先生友同

章先生蟬

夏先生璿

何氏續傳

何先生本道 見下朱氏門人

陶氏家學

陶先生宗儀

澄南門人

潘先生鯁

鞠隱門人

補陶先生凱

德基門人

許先生季禮

許先生兌亨 合傳

許先生升亨 合傳

許先生大有 合傳

許先生中孚 合傳

宋氏家學

宋學案補遺 目錄

三五 四明叢書

補宋先生璣 附子樛

宋氏門人

鄭先生濟

鄭先生澍

鄭先生淵

鄭先生涿

王先生綬

王先生紳 別見滄洲諸儒學案補遺

鄭先生消

鄭先生渙

鄭先生澳

鄭先生灝

王先生璉

黃先生昶

胡先生楨

林先生靜

吳先生志道

何先生本道

宋元學案補遺 目錄

三六四 明叢書  
約圖刊本

陳先生晟

鄭先生棠

鄭先生柏 合傳

鄭先生楷

樓先生璉

趙先生友同 見上戴氏門人

劉先生剛

鄭先生楨

李先生祺



馮先生誠

張先生馮

俞先生恂 父大有

郭先生潛

王先生允中

王先生驥

黃先生宿 見下平仲門人

黃先生仁

張先生唯

宋元學案補遺 目錄

三七四明叢書

約園刊本

王先生黼

桂先生慎 別見靜明寶峯學案補遺

張先生肯

徐先生友聞

蔣先生學 別見靜明寶峯學案補遺

沈先生新民

宗先生思睿

葛先生誠 見上葛氏家學

呂先生熒 父臬

李先生口

李氏門人

唐先生光祖

詳見唐氏家學

許先生季禮

見上德基門人

許先生兌亨

同上

許先生升亨

同上

許先生大有

同上

許先生中孚

同上

潘氏門人

宋堯學案補遺

目錄

三

天四明叢書  
約園刊本

黃先生中德

金先生道源

附子礎從子茂

解氏家學

解先生綸

解先生縉

解氏門人

周先生徧

徐先生子耕

附師王勤齋

歐陽門人

解先生縉 見上解氏家學

周先生源

平仲門人

解先生縉 見上解氏家學

黃先生宿 父逢源

黃先生謚

章氏家學

章先生蘊 別見橫渠學案補遺

章先生德 同上

宋學案補遺 目錄

三九四明抄書  
刻圖刊本

胡氏家學

胡先生楨 見上宋氏門人

耐久門人

張先生廷璧

古學講友

蔣先生誼

古學同調

吳先生淳

宋元學案補遺卷八十二

後學 鄞 王梓材  
慈谿 馮雲濠 同輯

北山四先生學案補遺

北山師承

員外陳誠齋先生震

陳震金華人官國錄何北山早從之習舉業程課若不

得已潛心義理先生奇之 吳禮部集

梓材謹案金華府志載先生爲紹熙  
癸丑陳亮榜進士尙書屯田員外郎

附錄

宋元學案補遺 卷八十二

一 四明叢書

約園刊本

北山幼時從誠齋陳公震學陳公奇之有以達尊廉潔稱贊者北山曰廉潔乃士大夫分內事何足爲高陳益加歎異他日陳公嘗做先天圖爲後天圖以示北山曰文王序卦其次第必當有說但今不可得見雖先天有圖可以做做然先聖後聖各有規模必不規擬畫圖也先天法象自然不勞安排而無所不合所以爲妙後天圖雖可做此布置但妨礙處多只如十二辟卦已不復有次第今止可略見大概足矣陳深以爲然

勉齋門人

補  
文定何北山先生墓

雲濠謹案先生卒于咸淳五年國朝雍正二年從祀孔子廟廷

梓材謹案先生所著有大學發揮中庸發揮大傳發揮易學啓蒙發揮太極通書西銘發揮近思錄

何文定語

理者乃事物恰好處天地間惟有一理散在事事物物雖各不同而就其中各有一恰好處所謂萬殊一本一本萬殊也三聖所謂中孔子所謂一貫大學所謂至善皆是此意聖賢相去數百年而謂以是傳之者皆是做

宋元學案補遺

卷八十二

一二四明叢書

約園刊本

到此耳然義理無窮未易便到極處則吾輩講學正要相與合力精思明辨討論分曉的當受用處又要各辨得箇耐煩無我之心耐煩則不厭往復無我則庶無偏私縱有未明雖十往反而不憚如是則始得箇至當之歸

辭受出處之際當先致辨不可挾古人之似借以謀利廉恥一事在吾道中最所當謹豈有廉恥尙不知謹而能明師道以淑人心乎世衰道微廉恥交喪士大夫以講道論學爲梯榮干進之媒理學之壇有市中心焉得非

釋氏所云皈依者乎

讀論孟集注

有一朋友言愠作含怒意固下得輕然終有怒字在不見君子氣象惟訓悶字爲是如南風之詩曰南風之薰兮可以解吾民之愠兮暑氣何可怒但令人悶耳薰風則能解人之愠悶也下文程子不見是而無悶正此意愛之理是偏言之仁心之德是專言之仁孟子首章是專言之仁故曰心之德愛之理此章孝弟是偏言之仁故曰愛之理心之德其先後各有當也

朱子學案補遺

卷八十二

一二四明叢書

約園刊本

主一者指示所以持敬之要若止曰整齊嚴肅則難捉摸惟曰主一則用力之方昭然易見然所謂主者靜固要一動亦要一朱子所謂身在是則心在是而無一息之離此靜中之主一也所謂事在是則心在是而無一念之離此動中之主一也若無適二字則又是爲主一兩字再下注脚謂如心在東而後移之西又移之南之北則是靜不主一他有所適而非敬矣又如本是一事而復貳以二又參以三則是動不主一他有所適而非敬矣主一自然無適無適方爲主一此兩語只是展轉

相解只觀程子主一之謂敬無適之謂敬二語敬之爲敬可得而持矣

文滅其質者虛文勝而實德亡也質勝而野者有實行而無節文也聖賢有見成之條法不考之則無以爲人道之方事物有當然之至理不窮之無以爲明善之要故雖盡力于孝弟謹信待人接物之間而不知毫釐之差千里之謬或以善爲之而未必合天理之正而不出于人欲之私甚則陷父爲孝誤兄爲悌無禮之謹復言之信汎愛而失於無擇親仁而未必識仁其弊有不可勝言者是則無餘力而急于學文者其害固大矣有餘力而不肯學文者其病亦豈小哉

主者謂凡事必靠這忠信爲本而不容他有所之之謂也夫忠者發于心之實也信者見于事之實也專以爲主則其一言一動一謀一爲其始終表裏無一不出于實而虛僞之妄念出而無所施于外入而無所藏于中自將消磨泯滅而無妄之真體由是可以漸復是乃思誠之機要而作聖之階梯也

程子曰不誠則無物物事物也惟誠則以實心見之實

事方可謂之有這物若無這誠則其所爲皆不出于中心之實然謾試爲之恰與不曾做一般故曰不誠則無物也且出入無時云云豈復有物乎者此申解上文不誠則無物之語也蓋人心不測乘乎氣而出入其或存或亡又無形影可以捉摸惟主乎忠信則此心便存而事皆自此實心中發出便是有物若不主乎忠信則方應此事而心已他之不主乎此事而無復有其事矣故曰豈復有物乎然則主忠信者非特爲善之實亦存心之要

天理節文人事儀則勉齋語錄謂一句作體看一句作用看然又須參錯看蓋天理節文是體中之用在體固有自然之節然不因發見于外之文則何以見其有節故言節而併及于文故曰體中之用人事儀則是用中之體就用上看固有燦然之儀然所以有是條理者皆原于自然之則故舉儀而必本于則故曰用中之體蓋節與則俱體上字文與儀俱用上字此所謂參錯看上

而學

服勞饌食養口體者也柔順顏色養志者也不曰養志



而曰色難者蓋愉色婉容皆誠實之發見于外者決非聲音笑貌之所能爲必其愛之積于中者深然後見于容色者始無一毫之不順苟所以愛其親者有纖悉之未至則形于外者決無愉婉之色則事親者其色豈非難乎能盡此者其于養志固之餘裕矣聖人所謂色難者惟體之而後知爲不易也服勞奉養固非愛親者不能然愉色婉容則無所不順而心與父母爲一矣豈得不謂之難哉

深潛淳粹此四字只是形容顏子資稟氣象如此蓋雖

一般聖賢各自有資稟氣象如湯武自有湯武氣象文王又自有文王氣象且以此深潛淳粹四字著在孟子上固不得便著在曾子身上亦不得惟顏子便有此資稟氣象也程子亦曰顏孟子孔子其知之淺深同只是顏子尤溫淳淵懿近聖人氣象延平之語與此大概相類今且以顏子平日觀之如不違如愚于吾言無所不說有若無實若虛此亦可以見也深潛處如三月不違仁不遷怒不貳過又如程子言其如和風慶雲此亦可見也淳粹處下面體段字粗說如骨骼字相似猶兩

人相比甲人骨骼比乙人差小些子此卽孟子具體而微之語體段已具猶曰骨骼四肢已圓全但未與那人一般爾

深潛淳粹四字若分開看深潛兩字便帶了知見意淳粹兩字便帶了踐行意

視所以章語錄謂既以此觀人亦當以此自考此意亦緊切

異端之害云云人之攻治其說者其蔽固之深者固無足論其間有高明賢智之過而亦學之者不過謂彼有

所短亦有所長吾但取其所長而去其所短而不知本領旣非所謂善者非眞善攻而治之陷溺益深爲害滋甚故夫子斷以一言曰斯害也已而程子又謂其近理者爲害益甚尤當遠之是皆聖賢推救焚拯溺之心援學者于顛冥之地其爲人切矣

居敬則無私心而枉直無所蔽窮理則有眞見而枉直不難知此合內外之道又辨枉直之要法也

以上爲政

文集有曰禮正在恰好處泝而上之則儉爲本沿而下之則奢爲末此語最爲分曉流于末之奢固不可然安

于本之儉而不求到恰好處亦非聖人本意也

諂與敬不同禮施于所當施則爲敬禮加于不當加則爲諂

竊詳管仲器小之說集注局量褊淺規模卑狹二語覺已盡其曲折局量以資質而言乃器小之本根規模以施爲而言乃器小之效驗惟其局量之褊淺所以規模之卑狹下文說不能正身修德是指局量褊淺處不能致主王道是指規模卑狹處大凡人惟見其大也而後不肯安于小管仲之所以小者只爲不識其大緣他資

宋元學案補遺

卷八十二

八四明叢書

約園刊本

質本是凡近而又無聖賢之學以充之才雖高而識實陋氣雖銳而志實卑所以局量容受不得而規模恢拓不開不過成就得些小霸業以上更去不得了夫子以小器斥之可謂一言以蔽之而朱子復明之以兩言而器之所以小者無復餘蘊蓋局量褊淺者器小之體規模卑狹者器小之用欲識仲之爲器小者觀諸此足矣然亦須將此二語考驗管仲生平方見得此二語說得他著且如仲始與桓公講論治國公辭以己要奢淫恐妨爲治爲仲者便合就桓公心術上整頓然後事乃可

爲而仲却謂皆不害霸是他被些才便急于自見惟恐君不見用無以成其功業故曲意深羅至于如此及其後也三歸具官塞門反坫奢僭之事至身自爲之與辭上卿之禮全別是又被這些功業動了包藏不住致滿溢而不自知其視正身修德之事反若迂闊而不切于事此非局量褊淺而何又如管仲一時事功其大節目只有尊王攘狄兩事是時周室尙有可爲爲仲者正當至公血誠輔佐天子振立紀綱以還西周之舊今乃挾公濟私假尊王之名爲圖霸之實至若楚人僭王猾夏

過乎奢而犯禮之事聖人只是答或人儉禮之間非正指小器而言然就這上而看亦可見得器小形見處故程子特指此以曉人而管仲所以爲器小者益覺分明此乃程子說得有功處故朱子曰當深味也而集注又曰雖不明言小器之所以然而其所以小者于此亦可見矣此皆指奢與犯禮而言

以上八句

朱子謂此篇言仁有淺深此章却只說慈愛之仁蓋仁主于愛君子之道雖是失于厚而過于愛然畢竟不失爲仁但是仁中之過耳若小人失之薄而流于忍却正

堯學案補遺

卷八十二

十四明教書

約圖刊本

與仁相反此處察見君子小人之仁不仁尤更分曉故曰觀過斯知仁矣然意此等處夫子當時必有所因而發

此章要實見得且理是何物文公好說箇恰好處理只是恰好處此便是中便是至善自古聖賢相傳只是這箇天下萬事萬物各各不同而就每事每物中又自各有箇恰好處故事理雖不同到得恰好處則一此所謂萬殊而一本然其一本者非有形象在一處只是一箇恰好底道理在事事物物之中此所謂一本而萬殊

事君朋友皆以義合故事君三諫不聽則有去義導友忠告不可則有止義過是若更強聒不置則是失之頻數取辱取疏乃其勢之必至然君臣朋友雖曰以義合而皆大倫之一其義甚重若未至于數而逆憚辱與疏而豫止焉則爲不盡君臣朋友之義而薄亦甚矣尤非聖人之所許也

以上里仁

糞上朽木諸家以爲質不美之譬朱子未嘗破其說看來只是譬學者志不立則學無其本而教無所施爾大抵人之氣體固有強弱而其勤怠則在于志之立不立志苟立則日進于精明雖弱而必強志不立則日入于昏惰雖強而亦弱是故君子爲學必先立志此志既立則如木有質如牆有基而後雕朽之功可加矣

強毅不屈者本于有志而強梁悻直者則氣之爲爾二者自外視之均可謂之剛此疑似之難辨而槓之所以得是名也及夫子斷以愆之一言則槓之不得爲剛斯曉然矣蓋能勝愆之謂剛屈于物之謂愆二者不容兼立今謂之剛而多嗜愆則是其剛非真剛不過出于意氣崛強之爲愆一牽之方且化爲愆察其微也程子

二語簡直明切固已盡此章之旨謝氏又能究其曲折進德者可以是而藥其末觀人者可以是而察其所安也

子貢地位語恕固可勉爲論仁則非所及而遽以此自任論道旣爲躡等省己則亦太疏夫子恐其便如此擔當了不自醒覺則無復勉強充廣之功故折而教之欲其且退一步做工夫而所以進之者遠矣

未能行而恐有聞非以行不給而倦于聞也此特形容其汲汲于行而惟恐有留善之意夫行之速惟恐其善之或遺聞之多又慮其力之不足自勵若此進善豈有窮乎夫勇者氣質之偏多務勝人而子路則用以自治爲功百倍于人此范氏所謂善用其勇也

以上公治長

通釋舉仁字一節蓋是指出博與約親切處以爲例尤見分曉因是推之如詩三百篇字字要講究是博文也到得行時一言以蔽之曰思無邪是約禮也如禮儀三百威儀三千件件要講究此博文也至于行時一言以蔽之曰無不敬是約禮也今觀文公語錄有曰博學于文考究時自是頭項多到得行時却只是一句所以爲

約若博學不約之以禮安知不背畔于道徒知要約而不博學則所謂約者未知是與不是亦或不能不畔于道也

雍也

所謂文者正指典章文物之顯然可見者蓋當周之末文王周公之禮樂悉已崩壞紀綱文章亦皆蕩然無有夫子收入散亡序詩書正禮樂集羣聖之大成斟酌損益以詔來世又作春秋立一王之法是所謂得與斯文者也以一身而任萬物綱常之責天生斯人夫豈其數其關於世運豈是些小氣數聖人心與天契固有以知匡人決不能違天害己也天生德于予桓魋其如予何亦同此意

顏淵喟然章此顏子擇乎中庸始終工夫也今且以文公過關之喻將此一章作三關節看蓋顏子始初銳于進道以其天資之高略見道體便欲一蹴而到故竭力以進多方以求欲就聖人高明處入則升一級了又有一級窮之而益見其高欲從聖人博厚處入則透了一層又有一層鑽之而益見其堅見聖人之道若在吾前我固不及勇猛趕上則聖人之道又却在後而我又過



之終是難得到恰好無過不及處正所謂中庸不可能者故橫渠有云高明不可窮博厚不可極則中道不可議蓋顏淵之歎也此正是解高堅前後四句文公以爲說得好此是顏子用工第一箇關節及夫子見顏子求道如此其力而終未有捉摸處遂教顏子且從博文約禮工夫循序以進博文者致知格物也約禮者克己復禮也文欲博者以其義理俱融可以擇中而居之不偏禮欲約者以其一私不存可以應物而動皆有則顏子事斯語當下敬領于斯二者百倍其功交進互發日見

趣味以至欲罷不能而竭其才及其久也義理昭明本心純熟向之堅高者今皆識其大本前之瞻忽者今皆見其定體凡其處已治人應事接物雖精粗巨細萬變之不同莫不各各有一箇不偏不倚無過不及亭亭當當恰好底道理也顏子所謂如有所立卓爾者正謂此也此固顏子擇乎中庸之極功其曰如者非謂似見未見蓋此等地位非可以言語形象求達者自悟眾人固不識也故以如言之云爾看得此又是顏子用功第二箇節雖然顏子擇乎中庸則至矣盡矣成矣然比之聖

人守之也非化之也所謂未達一間者也蓋聖人之于中庸不勉而中不思而得顏子則勉而後中思而後得者也其異于聖人生熟之間耳以顏子之天資之功力豈不能盡力以求速化然化之一步可以養而至不可以力而進也故其言曰雖欲從之末由也已蓋將從容涵養少假歲月以俟其自化矣此又是顏子用功第三關節顏子作聖之功夫其本末可謂曲盡真萬世學者成法此程夫子所謂學者當學顏子有所依據蓋謂此也惜乎天不與年中道而隕夫子所以惜之曰吾見其

宋元學案補遺

卷八十二

十五 四明叢書

約園刊本

進也未見其止也蓋病其未至于化而成聖也

以上子罕

巽積殺縫之說禮書疏中說得少有分明處只儀禮喪服疏內一項說得稍明白巽禮書中只作辟蓋辟者禘也積者疊也腰中布幅多而闊須著禘疊作簡以束令狹一就身此所謂巽積也

鄉黨

長沮桀溺亦非常人爲其氣魄大故自有與聖人相感

召處

微子

張子所謂虛者不是指氣乃是指理而言蓋謂理形而上者未涉形氣故爲虛爾以下面合虛與氣證之見得

此虛字是指自然之理蓋謂有此太虛自然之理而因名之曰天故曰太虛有天之名然自然之理初無聲臭之可名也必其陽動陰靜消息盈虛萬化生生其變不窮而道因可得而見故曰由氣化有道之名蓋天以理之自然言太虛之體也道以理之運行言太虛之用也至就人身看則必氣聚而成人而理因亦聚于此方始有五常之名故曰合虛與氣有性之名所謂合虛與氣者非謂性中有理又有氣不過謂氣聚而理方聚方可指此理爲性爾合者不過如周子二五妙合之意太極二五有則俱有固非昔離今合但兩事分開看則有以見其合爾合性與知覺有心之名蓋心統性情性者理也情者氣之所爲也故曰合性與知覺有心之名朱子嘗謂其說得甚精但辛苦耳證得孟子此章都是分曉

孟子  
盡心

北山遺文

圖書出而易之數顯卦爻畫而易之象明蓍策設而易之占立曰數曰象曰占三者乃聖人作易之大用舍是則無以爲易一以貫之則畫前太極之妙又易道之根

源也在昔伏羲氏繼天立極不過因造化自然之數推卦畫自然之象做著策自然之變作爲卜筮以告夫後世使人得以決疑成務而不迷吉凶惟若指塗云爾至文王之繫彖周公之繫爻雖曰因事設教丁寧詳密然又不過卽卦象之所值依卜筮以爲訓俾之觀象玩占避凶趨吉以爲處己應物之方而不失其是非之正而已觀其爲書廣大悉備冒天下之道變通不窮盡事物之理然其于易道之根源義理之精蘊未始數數言也迨乎世變日下易之爲用浸淫于術數故夫子十翼之作始一以義理言之而不專求之象數占筮之間是故因俗淳漓爲教不得不然也然聖人之書本末不遺而顯微無閒極深研幾固以爲開物成務之方洗心藏密亦豈忘與民同患之意今觀大傳之篇高極于陰陽變化之理精究于性命道德之微雖其闕遠蘊奧未易窺測然而細研之則亦莫非象數之深旨與夫占筮之妙用至所謂君子居則觀象玩辭者則又使人雖平居無事亦得以從容玩釋卽燕閒靜一之中而自得夫齊戒神明之用推之日用云爲不待列著求卦而占自顯者

其視義文之易其爲教益備爲用益廣而理益精耳紫陽子朱子自少玩易盡洗諸儒之曲說而獨得四聖之本心謂易本爲卜筮而作故觀爻象者要當深探占象之精意而不必強合以外求之義理至夫子大傳雖曰發天之蘊莫非極致然亦不過窮象數之本原極卦爻之凡例若其微辭奧義則又曲暢旁通因而及之故其言曰周子通書有云聖人之精畫卦以示聖人之蘊因卦以發以是觀之文王詳于占象者畫卦以示之精也大傳詳于義理者因卦以發之蘊也其說的確簡明聖人

復起不易吾言矣始愚讀大傳說卦諸篇見其淵微浩博若無津涯而說者類皆汗漫不精渙散無紀及得朱子本義之書沈潛反復犁然有會于吾心洙泗微旨乃可得而尋繹然其辭尙簡嚴未能盡達也因徧閱文集語錄諸書凡講辨及此者隨義條附于本義之後首尾畢備毫析縷解疑義罔不冰釋標曰朱子繫辭發揮因藏之笥積以備遺忘畏齋王君用功程傳頃以精本刻梓盱江梓材案畏齋王君云云文憲後序作約謂大傳未有善解見愚所論發揮愛之不釋至刊之家塾蓋將

融會二先生之書以求經傳之深旨書成復俾基題識  
其首乃本朱子論易之意僭述梗概與同志共焉至若  
朱子指示所以讀繫傳之要旨已具見于綱領茲不贅  
敘亦在乎善讀之而已 易學啓蒙發揮序

惟人之生均稟太極萬理森然咸具物則知覺虛靈是  
謂明德或蔽而昏則由氣質曷闕其明曷去其塞復其  
本然惟學之力昔者子輿萬世標的始病于魯竟以魯  
得匪得于魯其學也實確固深純精察嚴密稽其功用  
有始有卒履薄臨深是傲是飭日省者三猶懼或失講

宋元學案補遺

卷八十二

十九四明叢書

約園刊本

辨聖門是纖是悉日刮月磨寸累銖積誠明兩進敬義  
偕立一唯領會萬理融液彼達如賜乃弗能及孰謂參  
魯收功反亟 魯齋箴

井道之成功在上出既潔既登斯可用汲體勞用周繫  
井之德勿幕有孚是謂元吉射鮒與禽井道幾息渫而  
勿用井則何失我卜斯井寒泉之食匪惟食之亦以觀  
德惟泉有源其來罔極惟德有本其進無斁我泉日新  
我德日益相彼井矣爲吾之則井泥斯廢心茅則塞我  
作斯銘井陰是勒有不潔修明神其歿 潛夫井銘

附錄

師事勉齋始聞伊洛淵源之懿臨別告以熟讀四書使胸次浹洽道理自見遂終身服習頃刻不忘

平生無疾言無遽色無窘步無叱喝聲不匿情不逆詐不伐善不較利害事父母盡其孝愛之道事兄長盡其和孺之樂處族姻崇仁厚之風交朋友盡忠告之責凡聞一善言見一善行喜形于色若己有之或朝有闕政四方有警輒惻不樂至忘寢食其爲文溫潤融暢其詩從容洞曉作字勁密世傳柳法隱居求志不願人知眞無愧古人爲己之學

宋元學案補遺

卷八十二

二十一

四明叢書  
約園刊本

嘗作雜詩曰一敬由來入道門須臾不在便非仁直須認取惶惶法莫作回頭錯應人其二曰善惡分明雖兩歧念端差處只毫釐怕將私意爲天理所以先民貴致知其三曰聖門事業遠難攀立志須同古孔顏井不及泉猶棄井山如虧簣未爲山

又暮春感興詩曰郊原春向深幽居寡來往和風日披拂淑氣徧萬象草木意欣榮禽鳥聲下上靜中觀物化胸次得浩養緬懷俗沂人從容侍面丈舍瑟自言志宣

聖獨深賞一私盡消散萬里悉照朗其人不可見其意  
尙可想我生千載後恨不拂几杖春服雖已成童冠乏  
傳黨安得同心人詠歸嗣遺響

又繳回太守趙庸齋照牒詩曰閉關方喜得幽棲何用  
非侯更品題自分終身守環堵不將一步出盤溪

先生淳固篤實絕類漢儒雖一本于朱然就其言發明  
則精義新意愈出不窮

金仁山等祭文曰夫自堯舜以至孔曾思孟又千五六  
百年而後有程朱前者曰以是傳之後者曰得其傳焉

宋元學案補遺

卷八十二

三十四明徵書

約園刊本

不知所傳者何事歟蓋一理散于事物之閒皆真實而  
非虛事事物物莫不各有自然之處此所謂萬殊而一  
本一本而萬殊先生蓋灼見乎此故廣探精擇以求而  
篤信恪守以居達于取舍出處之義而粹于踐履之實  
存養之腴閒嘗指此以示門人也此其傳授之符乎

又仁山再奠文曰念昔多歧中心漾漾旣得魯翁指我  
宗尙甲寅季秋時始受學截斷爲人一語夢覺謂古聖  
賢一敬畏心曾子終身臨淵履冰然所敬畏非拘非攝  
常以爲重則罔或越謂凡事物用各不同曷云萬殊一



理所通蓋凡事物有恰好處萬殊一本惟此之故謂昔程子上蔡初來曰此可望展拓得闕子亦謂子于此可進難乎有常戒爾所病出入師門餘十五年受教多愧負師言閒關悠悠緒業未卒今喪夫子嗟悔何及

于紫巖過北山先生故宅詩曰青雲不在金華巔白雲孤起金華岑百世相傳勉齋學四書誰識晦翁心水流盤澗自深淺月照北山無古今人閒故廬何處是門前松桂蔚成林

北山同調

宋學案補遺 卷八十二

三十四明叢書

續圖刊本

縣尉王先生邁

王邁字正叔義烏人通諸經尤長于詩登第需次弋陽尉諸生爲治廬于龍門山師事焉郡守趙汝騰以其經明行修與何北山譽邁薦于朝未到而卒

金華府志

何王同調

知州趙先生汝安

趙汝安字茂實以宗室子知婺州嘗薦何北山王魯齋

于朝

金華徵獻略

文肅蔡久軒先生杭

詳見九峯學案

北山家學

補何先生欽

附錄

北山寬兒輩詩云丈夫何事怕飢窮况復簞瓢亦未空

萬卷詩書真活計一山梅竹自清風

北山門人

補文憲王魯齋先生柏

雲濠謹案先生國朝雍正二年從祀孔廟

梓材謹案先生所著書疑詩疑研幾圖一而外有

讀易記十涵古易說大象衍義涵古圖書讀書記  
十讀春秋記八論語衍義七太極衍義一伊洛精

奎元學案補遺 卷八十二

三十四明叢書

約園刊本

義一魯經章句七論語通旨七孟子通旨七讀詩

記十上蔡講義一書附傳七左氏正傳十續國語

惴困學之書四文章復古七文章續古七十濂洛

文統五援道學志七朱子指要十詩可言集七天

文考一地理考二墨林類考七大爾雅五六義字

原二正始之音七帝王曆數二江左淵源五伊洛

指掌八雜志二周子二發遣三味五十文章指南

十朝華集十紫陽詩類五家乘五文彙五詩疑

亦謂之詩辨說

梓材又案仁山文集題魯齋文集目錄後言先生早

孤因問家書而得師友淵源之緒閒從搗堂劉公

船山楊公克齋陳公考問朱門傳授之端而于楊

公得北山何子恭父之名于是尋訪盤溪之上盡

棄所學而學焉  
梓材又案先生嘗以大學格致傳未嘗亡之說  
請教于西山葉先生是先生又及葉氏之門矣

上蔡書院講義

上蔡先生謂常惺惺正訓敬也敬則此心光明洞徹動靜語默酬酢萬變無不得其當其中卓然不與之俱往此敬之效也故君子必存養于未發之先省察于將發之際端莊誠一此敬也應事接物亦此敬也講明道理非敬則若存若亡議古論今非敬則或是或非以至人倫日用之常非敬則乖違舛逆無一中節故伊洛以來拈起持敬致知兩下工夫不可缺一實相須也

### 魯齋學說

周子曰二氣五行化生萬物五殊二實二本則一是萬

宋元學案補遺

卷八十二

子四四明叢書

約園刊本

爲一一實萬分萬一各正小大有定此正理一分殊之宗祖也昔周子再闢混沌振孔孟不傳之墜緒者太極圖也圖雖有說其言精約宏深不有通書相爲表裏後學何以參考而究其本旨哉圖說曰五行一陰陽也陰陽一太極也通書又曰五行陰陽陰陽太極蓋自太極動靜而生陰陽變陰合而生水火木金土此上屬乎造化自是一關故圖說通書皆從此先推轉去自五行之生也各一其性此是下生人物至于無窮又是一關通書亦曰四時運行萬物終始混兮闢兮其無窮兮故

此章自萬物再說轉去皆自末而緣本也合而言之統體一太極故曰是萬爲一分而言之物物一太極故曰一實萬分朱子之解固已精詳矣愚竊謂二氣交感而萬物生物物固各有一太極五性感動而萬事出事事亦各有一太極統體一太極者卽所謂理一也事事物物上各有一太極者卽所謂分殊也以易言之大傳曰易有太極此易之理一也及生兩儀四象八卦又從而八之爲六十四卦三百八十四爻每卦每爻各具一太極四十九策之中每爻每變各具一太極所謂易之分殊也又以西銘推之乾父坤母民吾同胞老老幼幼及吾兄弟之顛連皆同體此塞同性此帥也豈非理一乎然父母之所生兄弟之同氣又人人不同也曰大君曰宗子曰家相曰聖曰賢曰肖曰賊曰悖德曰不才卽同胞之中而分之殊者已不可得而強一也又以人之一身而言之四肢百體疾痛疴癢莫不相關實一氣感通同爲吾之體猶理一也然目視耳聽手持足行口言心維不可以通行待頭目必厚于手足衛胸腹必重于四肢足不可加于首冠不可同于履何者分殊故也理一

易言也分殊未易識也此致知格物所以爲學者之前  
先也昔朱子之爲學也亦務爲龐侗宏闊之言好同而  
惡異喜大而恥于小始見延平李先生說得無限道理  
延平簡重不輕于言只道未是朱子反疑延平而心未  
服以爲天下之理一而已何爲多事若此一日延平曰  
公恁地空理會得許多道理面前事却理會不下道無  
他玄妙只在日用閒著實做工夫處朱子在同安反覆  
思之始知延平之不我欺也歸來盡棄所學而師事焉  
延平之言曰吾儒之學所以與異端不同者理一而分  
殊也理不患其不一所難者分殊耳後來朱子于義理  
上縷析毫分無不極其精密以惠後學者實延平先生  
之賜也延平之學得于豫章羅先生豫章得于龜山楊  
先生龜山程門之高第也程子初以理一分殊答龜山  
西銘之疑龜山初亦未甚釋然也逮其晚年則曰知其  
理一所以爲仁知其分殊所以爲義于理一分殊之下  
著仁義兩字拈貼出來尤覺分明理一分殊者仁貫乎  
義也分殊理一者義涵乎仁也于此見其剖析益密意  
味益深矣朱子後來亦曰西銘是句句理一分殊故曰

周子之言理一分殊之宗祖也或者曰夫子之時未嘗有理一分殊之說也意者諸老創此理抑亦新人之耳目乎曰不然也聖人不先天以開人後賢亦因時而立教夫子時雖未有理一分殊四字之名而其所以教人者亦莫非理一分殊之旨夫孝之道一也何其答門人之問不一說仁之道亦一也何其答門人之問未嘗同爲政之道亦一也不以一定之論語人夫子之教如此之異者何也分殊故也至于曾子之學用功之勤見于戴記之中問禮之曲折毫髮無遺蓋其道問學之功至

纖至悉非其他門人所及故一貫之語終爲末後親傳也夫子非多學而識之者決不曰予一以貫之曾子若無許多工夫決不以一貫告之非一貫無以發忠恕二字出非忠恕無以發體用二字出非體用無以發萬殊一本之言出曰天地之忠恕聖人之忠恕學者之忠恕皆因其已言而推其所未盡故曰聖人不先天以開人後賢亦因時而立教者此也夫子之傳一貫乃合而言之是萬爲一所謂分殊而理一也周子之言太極是知而言之一實萬分所謂理一而分殊也夫子之言如千

流萬派而悉歸于滄海之中周子之言如一榦之木而爲千條萬葉之茂後世學者惡繁而好略懼難而喜易不肯盡心于格物致知之功務爲大言以欺人曰天下只是一箇道理斯言若已悟曾子之一唯及叩之初未識何者之謂道不過學爲籠罩之言以蓋其鹵莽滅裂之陋每聞斯語則已知其決非學者矣聖人于天下之理幽明巨細無一物之不知故能于日用之間應事接物動容周旋無一理之不當學者苟未究其分之殊又安能識其理之一夫豈易言歟願諸君寬作歲月大展

李元學案補遺

卷八十二

三夫四明叢書

續園刊本

規模自灑掃應對威儀動作以至于身心性情之德自禮樂射御書數錢糧甲兵獄訟以至于人倫日用之常雖乾端坤倪鬼祕神彰風霆之變日月之光爰暨山川草木昆蟲莫不各有當然之則所謂萬一各正小大有定也于此事事物物上各見得一箇太極然後體無不具用無不周也異時出而從政決不誤人之天下國家決不自誤此身而負此生矣此分殊所以最切于學者幸諸君熟思之

論理一分殊

愚嘗求明善二字之原亦吾夫子之所已言千古埋沒

未有能提示以教學者夫子之言門人不得而知乃出于家庭之所紀錄子思發之于中庸之書而孟子得之著于七篇之內六經之重複未有如此章之詳者以聖賢傳授如此之詳而後世反忽焉何也春秋之時王室陵夷諸侯恣橫莫有尊王者夫子因哀公問政首以不獲于上民不可得而治告之自是而下反復相因至明善而止明善二字實爲學之本聖賢教學者之要語也旣欲明善必先求善字之義夫善之爲義古未有正訓也至濂溪周子始以純粹至善爲誠之原純者不雜之謂也粹者無疵之謂也程子曰以其義理精微之極姑以至善字之愚是以知善者至精至微不雜無疵之理乎夫子又嘗分而言之以一陰一陽繼之者爲善成之者爲性孟子合而言之以人所受之性而繼善未嘗離故曰性善曰性善則可曰性卽是善則不可夫子之言善言發育萬物之後雖帝舜之所謂道心成湯之所謂降衷周詩之所謂秉彝劉子之所謂天地之中子思之所謂天命之性皆指天付人受之後而言也周子無極之真二五之精妙合而凝此卽繼之之善程子謂動之



端爲天地生物之心邵子所謂一陽初動處萬物未生時此皆端的指出善之地頭夫子又嘗曰元者善之長其義尤明此皆求一善字之義固不可不極其明者爲初學言之明善卽是明理此理至純至粹故謂之善今之學者欲明乎善其道宜如何亦曰精讀聖人之書反之于身而實有之于己故曰不明乎善不誠乎身矣誠乎身卽所謂復其初也今之讀書者何必然晨窗向白執編而長哦者科舉之文也夜燈欲涸掩卷而紬繹者科舉之文也書非不讀而讀非其書及其一第也神疲力瘁于簿書期會之中心飛夢繞于富貴榮華之地書則不暇讀矣爲士而讀非其書爲吏而書不暇讀嗚呼善何時而明初何時而復天之所與我至尊至貴則舉而棄之豈不可哀也哉

論明善

### 魯齋書疑

堯之試舜也如此之詳至遜位之際止一二語而已以天下與人而略無丁寧告戒之意何也愚讀論語終篇乃見堯曰咨爾舜天之曆數在爾躬允執厥中四海困窮天祿永終書中脫此二十有四字愚欲補以孔子之

逸語以全聖人之書

舜之命契也曰敬敷五教在寬語意未盡疑有缺文幸孟子亦嘗舉此章又有數語曰勞之來之匡之直之輔之翼之使自得之又從而振德之孟子旣曰命契之詞朱子于集注亦曰命契之詞乃于尙書命契之下舉孟子之言而繫之曰亦此意也此則不能無疑且孟子非泛引之云旣提其名謂之放勳曰繫于命契五教之下則是出于堯典矣

贊舜之詞曰納于百揆又曰納于大麓大麓可謂之納

宋元學案補遺 卷六十二

三十四明叢書

約圖刊本

百揆不可言納也後舜有使宅百揆之文必亦一宅字而傳誤爲納也 以上二典三謨

湯之懋德虺大誥以慰之湯之盤銘虺倡論以開之告之以懋昭大德此帝堯克明俊德之緒錄也告之以建中于民此洪範皇極之祖宗也其曰以義制事以禮制心欲其由乎中以御乎外制于外以安乎中非亞聖大賢能之乎

謂之誥者有上告下之體有下告上之詞卽大禹皋陶之昌言爲後世諒疏之原也蓋書有六體典謨訓誥誓

命也堯典禹貢此史官敘事之文也大禹皋陶謨此君臣問答之言也播告天下謂之誥告戒幼主謂之訓軍中號令謂之誓大臣封爵謂之命此篇不可命之曰謨訓因進昌言以曉諭天下故變體而謂之誥所以爲後世諫疏之原也吳氏疑簡賢附勢以下不相續愚謂此段當在布命于下之後帝用不臧之前則勢聯矣以上仲虺

誥之

危微精一之傳萬世帝王之寶典湯則曰惟皇上帝降衷于下民若有恒性克綏厥猷惟后此卽天命之性書

宋元學案補遺

卷八十二

三十四明叢書

約園刊本

中性字始于此克綏厥猷惟后者此君師之任品節其氣質之性者也帝舜司徒之職典樂之官所以拳拳于此也成湯只此一書傳于後世豈特爲治道之最所以得舜禹之心傳者實在于此湯詰

自周有終相亦惟終周字之義先儒說終不明白愚意只是一箇君字籀體與周字相似傳者之差誤也太甲

高宗恭默思道足以見其講學之精求治之切自任之重此心純一不二與天無閒感應之機有必然者蓋恭默思道之時無迹可尋無法可授商家一箇天下密運

于方寸之間一誠既孚傳說已在左右當其求說之切望說之深一形于言卽自其心流出傾倒無餘皆道之所發見豈他人所能揣摩潤色之乎而況說又復于王之語承于其下此其爲答問之詞明矣

說命上

傳說之告高宗于惟字上尤不苟中篇凡二十一箇惟字字字著落精妥此可謂古之立言者之德也

說命中

此篇論學凡三節第一節高宗先言問學之原廢學之因開心見誠無一毫滯吝之意第二節是說對以人主之所以學是先之以爲學之實也大率工夫細密者則

宋元學案補遺

卷八十二

三十四明叢書

約圖刊本

有勞擾沈滯之病而進不能敏勇往奮厲者則有粗率遺棄之失而志不能遜遜志時敏四字所以爲交修之良方實萬世爲學之鉗鎚第三節說數字是方說受教于人不應遽及教人事夫受人之教得其指示正途開說工程大略得其一半若不自去探討尋究如何得盡其精微曲折之詳此豈特帝王之學爲然雖經生學士之工夫亦何以加于此

說命下

惟天地萬物父母元后作民父母此是一大議論卽橫

渠西銘中理一分殊之祖

秦誓上篇

牧野之役諸侯不期而來會者惟庸蜀羌豳微盧彭濮  
蓋其素被文王之化雖無播告之書有聞而必來此又  
國之義也後世欲誇張而侈大之遂于八字下又加一  
百字謂孟津之師不期而會者八百國其言可謂妄矣

牧  
誓

洪範五皇極皇建其有極之下宜卽接無偏無陂前三  
韻語所以會其有極也後三韻語所以歸其有極也曰  
會曰歸所以爲建極之功也前後四極字包六韻語文  
勢旣極縝密字義備于形容使人悠揚吟詠意思尤覺  
深長此宜爲皇極之經先儒亦有謂此乃帝王相傳之  
訓非箕子之言是也

宋學案補遺

卷八十二

三四四明叢書

約圖刊本

夫敬者涵動靜徹表裏貫始終爲一心之存亡此心敬  
則卓然爲一身之主而四肢百骸皆有所聽命而供其  
役此聖道之大原脩身之大本也故經曰敬用五事蓋  
敬則五德之體凝然五德之用粲然不然則五德之體  
昏矣五德之用亂矣敬之一字實此心之主宰皇極之  
樞要歟

五事俱失豈有五徵俱見于一時惟五事不敬則皇極

不建所以驗之于天時者當雨而不雨當暘而不暘當  
燠當寒當風率皆反是如是而已愚故曰固哉漢儒之  
說經也

壽配水貞固之象也富配火嘉會之象也康寧配木長  
善之象也好德配金利用之象也考終配土萬象之所  
歸藏也

人君以一身建極于中必當有道以化天下氣質之偏  
養其中和之性而後可以保此極不然則剛流于惡柔  
失之弱人才既壞誤國害民天下安有平治之期哉此

宋元學案補遺

卷八十二

三

五十四  
明藏書  
約圖刊本

三德所以卽次皇極也

沈潛則當以高明振起之高明則當以沈潛涵養之剛  
惡者習于強梗未易柔服故必克之以善剛柔惡者甘  
于阿順而剛無所施故克之以善柔而平康者不待于  
克但正以直之而已直之云者如夫子敬以直內之直  
孟子匡之直之之直是也

以上洪範

明德者治民之本慎罰者治民之要史臣授此意故以

四字爲一篇之大綱終篇不出此二事

康誥

大誥者以武庚與三監叛發此誥于下所宜責武庚以

汝父之不道故天命之歸周我不殺汝而封汝于故都  
汝合率德改行以蓋父愆以保宗祀以輔我國家以恭  
承天命今乃乘我國之大喪欺嗣子之冲幼而敢蠱惑  
我三監離間我骨肉鼓動淮夷搖蕩邊鄙姦宄鴟張于  
義不可不討今未嘗及此意只拳拳說一卜字何其闊  
且疏也此可疑者也

大誥

周家積累有素不忍輕殺非力不足以制之必欲使之  
革心從化此其爲變移之難者乃所以爲忠厚之至也  
多士多方

宋元學案補遺

卷八十二

五十四明叢書

約園刊本

無逸首句先儒以處訓所朱子曰某則不敢如此解恐  
有缺文愚則曰恐是衍字周公曰嗚呼君子其無逸言

君子不可逸

無逸

國家安危之所係而精神心術之運用只在一箇閑字  
上以一時已放之心三紀收之而不足苟不常常防閑  
之雖三紀之功可以一日而失也

畢命

殺人而必死非特爲死者報也爲生者戒也爲死者報  
法爲一人立也爲生者戒法爲天下立也忍于一人而  
忍者小不忍于天下乃所以爲好生也乃所以爲仁之

至義之盡也聖人以其能精察于典獄之姦尙可以爲  
後世聽訟用情之戒非以其贖刑之可取也

呂刑

夫子刪詩定書實相表裏文王之風化不見于書而見  
于二南周公制作之具不見于書而見于雅頌七月之  
詩補無逸也東山諸作補金縢也宣王中興之詩粲然  
復盛而書中無一字也東遷之後諸國風次第而起雅  
頌亦至是而亡故文侯之命書之終而春秋之始也

文侯

命之

二誓書之附庸也聖人何爲而取之取其不黷武也費

宋車案補遺

卷八十二

三七

四明叢書

約園刊本

誓之首辭極嚴毅其終不過修城郭積糗糧芻芟爲備  
禦之計而已春秋書伐書克書敗筆相踵也而不意悔  
過之詞忽發于秦伯之口聖人烏得而不喜而殿于二  
帝三王之後爲諸侯窮兵好伐之戒也哉

費誓秦誓

其自序曰聖人之經最古者莫如書而最難讀者亦莫  
如書以二帝三王治天下之大經大法孰有加于書者  
柰何伏生之口授科斗之變更孰能保其無誤此書之  
所以難讀也朱子于諸經莫不探其淵源發其簡要疏  
澹其湮塞而貫通之縷析其錯揉而紬繹之無復遺恨



獨于春秋不敢著一字書止解典謨三篇而已後又有金滕召誥洛誥說及考定武成凡四篇予嘗多幸得觀典謨手筆密行細字東園西補蓋非一日之所更定其用力精勤如此學者猶恨不及見其全書孰知書之果不可得而全解也朱子嘗謂眉山蘇氏書說善得其文勢或謂失之簡曰如是亦可矣謂金陵王氏獨不解洛誥猶能于此而不穿鑿亦稱之也又嘗問東萊先生于書有不可解者否曰亦無可疑後二年復見乃曰誠如所喻是亦難說者至于朱子教門人則俾之先讀其易曉而姑後其贅訛此固不得已之詞甚矣書之難讀也今九峯蔡氏祖述朱子之遺規斟酌羣言而斷以義理洗滌支離而一于簡潔如今文古文之當考固已甚明矣大序小序之可疑今已甚口帝王之詞與史氏之詞參錯乎其中今亦可辨有害理傷道者又辭而闕之有考訂平易者亦引而進之如天文地理之精覈歲月先後之審定用功勤苦久已成編後學可謂大幸然疑義闕文之難朱子曰未詳曰脫簡者固自若也分章絕句之難朱子不肯句讀者亦未能盡通也況讀書至拙如

予者豈能遽豁然于中哉諸儒之所能解予固幸因得而通之所不能通雖諸儒極融化之妙支綴傳會屈曲將迎然亦終未能盡明也在昔先儒篤厚信古以爲觀書不可以脫簡疑經如此則經盡可疑先王之經無復存者後生爲學所當確守先儒之訓何敢疑先王經也不幸秦火旣焰後世不得見先王全經也惟其不全固不可得而不疑所疑者非疑先王之經也疑伏生口傳之經也讀書者往往因于訓詁而不暇思經文之大體間有疑者又深避改經之嫌寧曲說以求通而不敢輕議以求是夫聖人之書萬世之大訓也與日月並明與天地始終不惟不當疑亦本無可疑後學非喪心孰敢號于眾曰吾欲改聖人之經然伏生女子之口傳孰不知其訛舛聖人之經不改伏生之言亦不可正乎糾其謬而刊其贅訂其雜而合其離或庶幾乎得復聖人之舊此有識者之不容自己漢唐諸儒智不足而守有餘泥古護短堅不可開逮至本朝二三大儒方敢折衷以理間有刪改譏議喧呶猶數十年而後定今訓注多已講明而猶可略也惟錯簡繁多極口玩索若稍加轉移

以復大體不動斧斤以鑿元氣不可強通者乃缺之是亦先備凡例之所詳也大體苟正則訓注不待費詞可以益簡而益明矣

梓材謹案四庫全書存目錄先生書疑九卷提要言其學名出朱子實則師心與朱子之謹嚴絕異又言尚書一經疑古文者自吳棫朱子始併今文而疑之者自趙汝談始改定洪範自龔鼎臣始改定武成自劉敞始其併全經而移易補綴之者則自王氏始云又錄詩疑二卷而甚非之

### 魯齋詩疑

行露首章與二章意全不貫句法體格亦異每竊疑之後見劉向傳列女謂召南申人之女許嫁于鄆夫家禮不備而欲娶之女子不可訟之于理遂作二章而無前一章也乃知前章亂入無疑

凱風之詩孝子之心至矣其爲詞難矣是詩也寄意遠而感慨深婉而不露微而甚切可謂能幾諫者也此孝子自責之詞序曰美孝子何其謬哉

雄雉之詩此婦人思其夫從役而未歸第三章從容閒雅優柔不迫此正風也未章愛之切期之深理亦甚明大有學識之人也不怯不求二句夫子固嘗稱之雖曰何足以臧此是欲進子路一步故云耳學者亦須從此

用功可也

自古出仕者大略有三端處衰世不擇而仕近于玩侮不恭如簡兮是也亦有盡心竭力不計貧窶歸于天而不怨如北門是也知禍亂之將作相呼而遠遁如北風是也簡兮難學也非自度果有不磷不緇之操其可苟哉北風北門在審時量力而爲之未可輕相詆訾也大車之詩古人以其大夫能治其私邑而婦人不敢犯義故以此美其大夫也然婦人革面而未革心者也畏之于爲政之時尚要誓于旣死之後心堅而志愚此善政之不如善教也豈不信哉刑政少弛則醜行復矣衛武公學問精密孜孜求善老而不衰如抑抑賓筵之作森嚴淵奧參之二雅中真可無愧淇澳一詩形容武公之盛德條理縝密而興寄遐暢非大賢不能道此大學取之以爲至善之本

鄭詩多淫奔忽有出其東門一詩守義安分爲得性情之正序者全不讀詩乃爲閔亂又曰男女相棄思保其室家殊無一毫相似蓋淫風薰染之中猶有不爲習俗所移者見如雲之女不敢起犯義之思而自安室家之

貧陋尤可見天理之在人心參之二南之中可以無愧  
序者何所爲而讀者何不思邪

陳風中篇止有衡門一詩爲善其餘多男女會遇之作  
亞子鄭風矣大姬好歌舞其民化之遂至如此以武王  
之聖太姜之賢闔門之訓不宜有是

邶風止七月一詩是本詩他皆非也周公以立國之本  
衣食之原朝夕誦于王前可謂萬世教幼主之法實與  
無逸相表裏不可偏廢詩中廣舉時序若無倫次其要  
只是衣食二事第一章總言之次四章言衣後三章言  
食極爲縝密詳備凡舉時月皆以夏正言是知三代雖  
互建正而終不能外夏正夫子行夏之時亦周公之意  
也

小雅中凡雜以怨誦之語可謂不雅予今歸之王風且  
得小雅粲然整潔

一部詩原頭本于文王一人上推后稷公劉以來下及  
后妃大夫妻以至後諸侯皆以文王受命興周之故然  
其詩典重淵奧正大明白莫如大雅作于周公之手者  
凡四篇曰文王大明緜皇矣四篇之中又莫如文王初

言文王只如此疊疊然強勉做將去而令聞自至今不  
已疊疊二字又未足以盡其形容又添一箇穆穆字其  
所以能如此深遠者只是緝熙此一敬字而已此令聞  
之所以不已也末曰天理無形但取法于文王天下自  
能興起孚信凡所以稱贊文王者只一箇敬字天難取  
法只法文王便能孚信只是此數句已盡大明之詩言  
文王小心翼翼以昭事上帝卽前篇緝熙之敬而天命  
自然歸之皇矣一篇又說文王不自作聰明但循此天  
理而已棫樸旱麓思齊靈臺下武文王有聲此六篇非  
周公作曰追琢其章金玉其相勉勉我王綱紀四方此  
棫樸詩也上言文王資質之美又能勉勉不已此所以  
能綱紀四方也此篇詩言文王得人心如此之盛維  
持經理天下之功如此之大只收在一箇勉勉上勉勉  
卽疊疊也旱麓曰瑟彼玉瓊黃流在中言至質至味薦  
于宗廟則必受福如文王之德必受命曰鳶飛戾天魚  
躍于淵言鳶之機動于上魚之機動于下不知其然而  
然如文王之作興人才上下各得其宜而亦不知其所  
以然也二詩鏗鏘淵永極其形容終不如周公之實思

齊有曰雖雖在宮肅肅在廟不顯亦臨無教亦保言其在宮時如此之和在廟時如此之敬于至幽隱之地亦若有臨之者于無所歷之處亦常有所保守亦庶幾乎於緝熙敬止之遺意緊要又只在幾箇疊字曰齎齎曰穆穆曰勉勉曰翼翼曰雖雖曰肅肅尤有精神滋味文王之德可謂盛矣極其所以形容者止此甚矣其難也頌之體告于神明尤宜精密嚴約曰維天之命於穆不已於乎不顯文王之德之純此言文王之德不雜與天爲一也又曰濟濟多士秉文之德此言在廟之公侯百

執事之人莫不雖雖肅肅以秉執文王之德上言文王之德之原如此之大下言文王之化之流如此之盛此非周公不能至此

周公敘周之所以興上極后稷之功德見于生民等作可謂至矣于思文言后稷配天之實不過八字曰立我烝民莫匪爾極此功此德真足以配天于祭義所以當配天也

板之末章曰敬天之怒無敢戲豫敬天之渝無敢馳驅昊天曰明及爾出王昊天曰旦及爾游衍張子曰天體

物而不遺此言無一物之非天也此八句反復再三而不若上帝臨女毋貳爾心八字之爲約也

迨天之未陰雨微彼桑土綢繆牖戶今女下民或敢侮予夫子曰爲此詩者其知道乎能治其國家誰敢侮之明道先生善言詩未嘗章解句釋但優遊玩味吟哦上下使人有得處曰瞻彼日月悠悠我思道之云遠曷云能來思之切矣百爾君子不知德行不忒不求何用不臧歸于正也只兩言而意已盡矣

朱子曰周之初興時周原膺膺堇荼如飴苦底物亦甜及其衰也牂羊墳首三星在罍人可以食鮮可以飽直恁地蕭索張子曰誦爲絺爲綌服之無斃之章則知周之所以興誦婦無公事休其蠶織之章則知周之所以衰此皆善觀詩于閒慢句語上見周家之盛衰

詩凡三變矣正風正雅周公時之詩也周公之後雅頌龐雜一變也夫子自衛反魯然後樂正再變也秦火之後諸儒各出所記者三變也夫子生于魯襄公二十有二年吳季札觀樂于襄之二十有九年夫子方八歲雅頌正當龐雜之時左氏載季札之詞皆與今詩合止舉



國風微有先後爾使夫子未刪之時詩果如季札之所稱正不必夫子之刪已如今日之詩矣甚矣左氏之誣其誑我哉自可撫掌一笑于千載之上

昔東萊呂成公嘗疑桑中溱洧非桑間濮上之音以爲夫子旣曰鄭聲淫而放之矣豈有刪詩示後世而反取之乎晦庵朱文公則曰不然今若以桑中濮上爲雅樂當以薦何等鬼神接何等賓客不知何辭之風何義理之止乎故文公說詩以爲善者興起人之善心惡者懲創人之逸志以此法觀後世之詩實無遺策何者蓋其

規撫恢廣心志融釋不論美惡無非爲吾受用之益而邪思不萌以此法觀詩可也觀書亦可也雖觀史亦可也以此論樂則恐有所未盡愚嘗疑今日三百五篇者豈果爲聖人之三百五篇乎秦法嚴密詩無獨全之理竊意夫子已刪去之詩容有存于閭巷浮薄者之口蓋雅奧難識淫俚易傳漢儒病其亡逸妄取而攪雜以足三百篇之數愚不能保其無也不然則不奈聖人放鄭聲之一語終不可磨滅且又復言其所以放之之意曰鄭聲淫又曰惡鄭聲之亂雅樂也愚是以敢謂淫奔之

詩聖人之所必削決不存于雅樂也審矣妄意以刺淫  
亂如新臺牆有茨之類凡十篇猶可以存之懲創人之  
逸志若男女自相悅之詞如桑中溱洧之類悉削之以  
遵聖人之至戒無可疑者所去者亦不過三十有二篇  
使不得滓穢雅頌殺亂二南初不害其爲全經也如此  
則二先生之疑亦俱釋矣昔曾南豐謂不滅其籍乃善  
于放絕者以此放絕邪說之疑似者可也若淫奔之詩  
不待智者而能知其爲惡行也雖閭閻小夫亦莫不醜  
之但欲動情勝自不能制爾非有疑似難明必待存其  
迹而後知今夫童子淳質未漓情欲未開或于誦習講  
說之中反有以導其邪思非所以爲訓且學者吟哦其  
醜惡于唇齒間尤非雅尚讀書而不讀淫詩未爲缺典  
況夫子答爲邦之問而此句拳拳于四代禮樂之後恐  
非小事也愚敢記其目以俟有力者請于朝而再放黜  
之一洗千古之蕪穢云

野有死麕

召南

靜女

邶風

桑中

蠶螭

並鄘風

氓

有狐 並衛風

采芣

大車

邱中有麻

並王風

將仲子

遵大路

有女同車

山有扶蘇

摶兮

狡童 褻褻 東門之擘 丰 風雨 子衿 野有

蔓草 溱洧 並鄭風 東方之日 齊風 綢繆 唐風

晨風 秦風 東門之枌 東門之池 東門之楊 防

有鵲巢 月出 株林 澤陂 並陳風

或謂三百篇之詩自漢至今歷諸大儒皆不敢議而子

獨欲去之毋乃誕且僭之甚耶曰昔在諸儒尊尚小序

太過不敢以淫奔之詩視之也方傳會穿鑿曲爲之說

求合乎序何敢廢乎蓋序者于此三十餘詩多曰刺時

也或曰刺亂也曰刺周大夫也刺莊公刺康公刺忽刺

宋元學案補遺 卷八十二

吳式四明叢書 約開刊本

衰刺晉亂刺好色刺學校廢亦曰刺奔也止奔也惡無

禮也否則憂讒賊也疾亂也懼讒也或曰思遇時也思

賢也思見君子也未嘗指爲淫詩也正以爲目曰淫詩

則在所當放也自朱子黜小序始求之于詩而直指之

曰此爲淫奔之詩予嘗反復玩味信其爲斷斷不可易

之論律以聖人之法當放無疑曰然則朱子何不遂放

之乎曰朱子始訂其詞而正其非其所不廢之者正南

豐所謂不去其籍乃所以爲善放絕者也今後學旣聞

朱子之言真知小序之爲謬真知是詩之爲淫而猶欲

讀之者豈理也哉在朱子前詩說未明白不當放生朱子後詩說既明不可不放與其遵漢儒之謬說豈若遵聖人之大訓乎

其自序曰道之明晦也皆有其漸蓋非一日之積集其成者不能無賴于其始則前賢之功有不可廢正其大者不能無遺于其小則後學之責有不可辭大抵有探討之實者不能無所疑有是非之見者不容無所辨苟輕于改而不知存古以缺疑固學者之可罪狃于舊而不知按理以復古豈先儒所望于後之學者何後世徇破裂不全之經以壞明白不磨之理乎

詩辨說

周未有天下之時近而宮女遠而南國被文王之化形于辭者此風也周既有天下之後分封諸國列國之民感國君之化有美有惡焉形而爲歌詠者亦此風也王國之中感後王之化亦有美有惡焉形爲歌詠者亦此風也凡天下之作概謂之風初不係周之盛衰但當其盛時風如二南當其衰時風如黍離何獨于東遷之後雅始降而爲風乎平王之雅不可降而爲風猶文王之

風不可升而爲雅其曰國風者周爲商列國之風也其曰王風者周王天下以後之風也風只此風也風之上所繫有不同耳安有可升可降之理哉王風辨或謂七月之詩恐與幽詩差互揉亂而傳者失其真歟歌幽之文見于周禮之籥章旣曰幽詩又曰雅頌且無所謂風之文安有一詩以備三體之用歐陽公併與周禮遂毀之則過矣王氏謂幽故有詩而今亡後世妄補之云耳此言近之矣是皆以部分未安章句可疑而生此紛紛之說也

夫幽谷西北之壤也三監東南之壤也地之相去也數千餘里世之先後也數百餘載有周公自作之詩焉有軍士百姓之詩焉今雜然強附苟合于一風之中孰謂夫子之聖有如是之部分哉漢儒無識大略如此故愚願以幽風七詩以類分入于變雅焉以上幽風辨

愚又考小雅之正詩其爲體有二一曰燕享賓客之樂二曰勞來行役之樂朱子所謂歡怵和悅以盡羣下之情者也大雅之正詩其體一曰朝會之樂而已朱子所謂恭敬齊莊以發先王之德者也據二雅之體而正今

之詩以正小雅而亂入正大雅者有之而正雅亦不得十全無疵矣至于變雅之中有變雅之正者焉有變雅之變者焉有章句繁多語辭嚴密有似大雅之體者焉又有言語鄭重義理曲折又皆王公大人之作者然施之于燕享非所宜用之于朝會又不可無乃出于放臣逐子出妻怨婦尊酒慰勞之所奏者乎此又變雅之變者也

且夫怡怡酬勸之情與譏刺怒傷之意其心不同也稱述先王之盛德大業與感慨後世之昏朝亂政其言不

同也協之以八音和之以六律由是美教化厚風俗與夫私心雜念聞之而有所懲警者其用不同也發之于人心者既不同形之于言語者亦且異施之于事者亦無所合有是三不同而得同謂之雅可乎雖聖人規模寬廣而條理不應紊亂如此其始出于降風之一言而不知其所謂降之義遂使後世不識一聖人禮樂之正意誦之者冥然聽命于小雅良可悲也愚故謂變邪之不合于正者悉歸之王風其說審矣

以上二雅辨

夫魯之有頌亦變頌也惟閔宮一篇獨歐陽公歷考倍

公之時初無所謂淮夷徐方荆楚之功深以爲疑其所  
論辨亦詳且明若遂以爲非僖公之詩乎則詩中有周  
公之孫莊公之子兩句終不可泯沒是以朱子于它篇  
皆曰無所考獨以此篇爲僖公之詩無疑者正以此兩  
句爲可信也愚嘗卽其詩而熟味之固不敢以爲非僖  
公之詩也意其間有顛倒參差之誤是蓋傳之者之過  
也若引孟子之言爲據則戎狄是膺荆舒是懲爲頌周  
公也審矣又嘗考周公之世家雖周公亦未嘗有戎狄  
荆舒之役然亦無他明證不敢必以爲非周公之事也

孟子之時詩書未火宜得其實又不應無所據而兩引  
之以姑就其說雖斷章取義固善詩者之常至于提魯  
頌之號而以僖公易于周公亦恐孟子不如是之毫也  
或者以爲僖公四年嘗從齊桓公伐楚魯遂以爲僖公  
之功也當是之時楚方強大桓公且不敢與之戰而卒  
與之同盟在齊猶爲可羞況于僖公因齊之師從人之  
役進無尺寸之功而敢退爲虛誕之辭侈大浮夸以誑  
國人夫子尙何所取以播其醜哉必不然矣若夫徐方  
淮夷之事則與荆楚不同聖人存之于書載之于費誓

之篇其爲頌伯禽之言照灼明驗無可疑者顧讀之者  
偶未思耳 魯頌辨

孟子曰王者之迹熄而詩亡詩亡然後春秋作孟子之  
言實一經始終之要亦義理之所關也若謂夫子止因  
雅亡而作春秋則雅者自爲朝會之樂春秋者自爲魯  
國之史事情闊遠而脈絡不貫且孟子言王者之迹熄  
而詩亡非曰王者之詩亡也凡言詩風雅頌俱在其中  
非獨以爲雅詩也是知迹熄二字包含有味然後二字  
承接有序所當涵泳而研究之若視爲浮辭而刪節擺  
脫則情閒而理迂恐與孟子本意不無少舛也惟河汾  
王氏窺見此意直以春秋詩書同曰三史其義深矣 詩  
亡辨

作詩所以言志也賦詩亦以觀志也觀其志不若觀其  
禮志無定而禮有則也夫歌詠者發于天機之自然而  
人心不可飾于倉卒之一語是皆可以觀其志之所向  
而吉凶禍福之占亦因此而定此春秋之時所以賦詩  
于盟會燕享之際而有不可掩其本心之情僞者蓋一  
吟一詠聲轉機萌事形詩中志形詩外真情故態不能



矯誣自非義理素明于胸中而有能勉強不失于金石  
籩豆之間故當是時惟鄭國七子六卿之賦爲最盛而  
趙文子韓宣子于立談之頃猶足以定其終身之所就  
亦可以善觀矣予則謂善觀樂者不觀其志而觀其禮  
先儒所謂禮先樂後者蓋事有序而後能和此樂之本  
也以燕享而及宗廟之樂謂之褻可也以諸侯而奏朝  
會之樂謂之僭可也雖有事證恐不得謂之當然惟二  
南之樂得人倫之正爲教化之先可以用之鄉人用之  
邦國小雅之樂已不同矣有天子燕諸侯之樂焉有上  
下通用之樂焉此則截然而不可亂舞位且有多少之  
數歌詞豈無異同之分玩其義審其音則樂之本不待  
索之于鏗鏘節奏之末而後知昭懿之後僭亂已多況  
東遷乎夫君臣之分天地之常經也毀冠裂冕暴滅宗  
周逆理亂常之事接武于史人心之樂喪壞無餘烏足  
以責之于鐘鼓律呂之中猶有隆殺等威之別哉如晉  
侯之賦假樂賦旣醉齊侯之賦蓼蕭此諸侯僭天子之  
樂也楚令尹之賦大明季武子之賦綿韓宣子之賦我  
將此大夫僭天子之樂也魯曰秉周禮其寔范宣子也

爲之賦彤弓宣子不敢當歸美于文公焉其宴甯武子也亦爲之賦彤弓賦湛露武子以爲肄業之所及而詭辭焉禮樂之大分尙有間存于人心者魯之所秉亦微矣固無望于它國也是以晉享穆叔而奏肆夏奏文王穆叔俱不拜亦似乎知禮者其對曰三夏天子所以享元侯也文王兩君相見之樂也此果穆叔之言乎抑傳之果無誤乎是皆未可知也棠棣之詩左氏以爲召穆公之作楚歌武頌而三章六章與今詩差互亦何以知其爲楚之差毛鄭之差左氏之差也至于魯三家者嘗以雍徹矣非有聖人之明訓後世亦將以爲當然而反證雍之可以通用矣大抵左氏之言多失之誣而春秋之禮亦失之僭皆不可引爲三百篇之證愚故曰宴享而奏宗廟之樂謂之夔可也諸侯而用朝會之樂謂之僭可也雖有事證不得謂之當然

賦詩辨

### 論語通旨

學之爲言效也此字義正訓人性皆善而覺有先後此原其所當學後覺者必效先覺之所爲指學者之方也明善復初則學之效驗第一句訓下三句義此看集注

凡例也

有子言仁之事集注言仁之性仁字訓詁發例于此以上

而學

不動而化不言而從無爲而成此言感通之妙也不動不言無爲也化而信者成也簡以理言靜以心言寡以身言也煩以事言動以物言眾以民言也此言統理之要也合二說盡無爲之義

矩雖器心之天則也

自聖人生知之稟而言固未必有等級自聖人體道之

朱子學案補遺 卷八十二

五十四明叢書

約園刊本

心而言初不妨有等級二說非不同也

告門人皆切直告餘人皆深婉各有當也

溫故所學在我記問無得于心知新其應不窮記問所知有限只死活二字

君子所言皆平日所行之事

周比從接物上見和同從共事上見驕泰從處己上見語錄學者于幾微之際不可不辨

所因者亘古及今之常然損益者隨時處事之當然繼周損益其答顏子爲邦之問乎 以上爲政

游氏言仁切程氏言禮樂切程子言禮樂之實李氏言禮樂之文合此四說方盡集注用意精深學者宜細觀

八

朱子此章論好惡由心而達之事故先無私而後當理後篇論忠清因事以原其心故先當理而後無私

訥敏此矯輕警惰工夫

以上里仁

此理在天未賦于物故曰天道此理具于人心未應于事故曰性此理至微而難言文章至顯而易見

程子免患二字未見其不可及必如朱子本注所言方

宋元學案補遺 卷八十二

五十四明齋書

約圖刊本

見其不可及

以上公治長

行簡是于行事上簡居簡是于治己上簡

明諸心窮理之事力行踐履之事

學者但當從事于博文約禮之誨文公爲學者切己漏洩七分

程子于儒上說君子小人固甚平恐于子夏未切謝氏以義利說恐尤甚子夏細密謹厚病于促狹故以是警之後世託儒爲小人者固多矣恐子夏必不至此

齊之盛時已不如魯魯之衰時尚勝于齊變齊先革功

利變魯先振紀綱

子貢以事言故遠而難夫子以心言故近而切也

以上乘

或問既以不改其樂與樂在其中爲微有聞矣而程子乃以不改釋在中宜思之

學不厭誨不倦前章方言何有于我此章乃曰則可謂云爾學者當思

聖人全體渾然指德性

以上述而

可以二字猶以才言不可奪處乃見其節

不可使知之蓋欲使之知而不可得非不使之知也集

宋元學案補遺 卷八十二

孟子明箴書

約園刊本

注能字善融化

以上泰伯

言箴躁妄二字包盡言之病箴內皆此意

動箴理欲二字是生死路頭

敬以持己私意無所容于內有以存其心之德恕以及

物私意無所待于外有以推其愛之理

以上顏淵

有聖人作用有賢人作用有善人作用善人只就天資

上做出無學以充之所以久速不同

子路

狷是有執守介是有分辨語錄惠是介狷者傳中說介

處亦多

泰伯

遠慮以地言則周以時言則豫

衛靈公

盜猶畏人知賊則肆然無所忌憚矣

古是氣質之偏疾也今是習俗之變則惡矣

陽貨

謹獨二字最密至微處照對不到理便閒斷

子張

孟子通旨

孟子本是分義利對言然必曰仁者非仁做不得義出也

賢者而後樂此孟子添而後兩字便精神活動

前以愛物之心推上仁民來此以親親之心推下仁民

宋元學案補遺

卷八十二

五充

四明叢書

約圖刊本

去又明示以推之之法善推其所爲不特是此章大旨孟子平生工夫受用只在此一句

孟子于齊宣王問答凡十四章惟首章開闔變化精神超越而元氣不動非門人所能傳此是傳不得處

王速出令云云此是孟子用世之機惜齊宣王不能用又惜乎後日樂毅不得聞此說也

孟子太王去邠兩段見周家王業之本

以上梁惠王

疑懼二字包一章大意而直字貫乎其中

黜之養勇是不疑舍之養勇是不懼

孟子自然不疑不懼告子是硬要不疑不懼

此節要看四箇所字誠淫邪遁是病症蔽陷離窮是病原能去其蔽則無下三件蔽之原不一有氣稟之蔽有物欲之蔽有習俗之蔽有學術之蔽去蔽在乎好學心通乎道程子是發明知言之要然惟好學而後能心通乎道

學至聖人則浩然之氣不足言

夫征粟米之征百畝之租也家征力役之征今之徭役也里布布縷之征五畝之稅也

以上公孫丑

宋元學案補遺

卷八十二

六十四明發書

約園刊本

責難是先立一箇大志下句是仔細點檢卽是責難工夫也

王驩從孟子出弔是欲借重于孟子孟子不與之言是待小人之嚴樂正子之從子敖是失身也孟子不責其失身而責其徒饋啜者度其心正欲藉其資糧輿馬來見孟子爾

深造之以道深造不可作已到說之以兩字不可作助語打過

言性則故而已矣此章本說智是從原頭說來則非語

助有不足之意性最難名狀故天下言性者止說得故而已矣如言乃若其情情是已發見者卽性之故也

齊人章尙有孟子曰三字此與上儲子章合是一章蓋因儲子有闕夫子之語遂發矚良人一段言求富貴利達者則作僞以欺人如播聞者君子言行如一何必竊視也恐正是一章非闕文也兼孟子書別無矚字獨此處連有之以上離婁

人情天理于是爲至此語最精切學者所宜反復深思不可草草領略過

萬章

宋元學案補遺

卷八十二

空四明叢書

約園刊本

孟子以性不可見以其情之善知其性之善至于不善者罪無歸宿此方微發其機而終欠道一氣字出蓋欲人反求于心而自得也故曰弗思耳矣後面累言弗思自性而言則性與才無不善自氣而言則情有所徇才有所徇然後有不善牛山之木譬人之良心句句相對極分明

自牛山之木以下十章皆是勉人養心頭面不同所主

則一以上告子

家語考



予每讀中庸集注以家語證中庸之有缺有衍私竊疑之因書與趙星渚言答曰文公謂家語爲先秦古書無可疑者因求家語之始末而益有大可疑請從而說之考古非易事也此先儒之所甚謹豈後學之所當妄議必學博而理明心平而識遠殆庶幾乎得之蓋學不博不足以該貫羣書之言理不明不足以融會羣書之旨心不平則不能定輕重之權識不遠則不能斷古今之惑予不敏何足以知之竊嘗謂學者莫不讀論語也自漢以來諸儒名家亦莫不牋釋論語也至我本朝伊洛紫陽諸老先生出而論語之義始大明曰脫簡曰錯簡曰衍文曰缺文曰某當作某始敢明注于下然未有定論語爲何人所集也因嘗曰此魯論也此齊論也此爲子貢之門人記矣此爲閔子之門人記矣此成子有子曾子之門人矣然子貢閔子有子之門人後世不聞其有顯者惟曾子傳得其宗當時執剛繁之柄者豈非子思乎吾聞夫子年三十有五而弟子益進轍環天下幾四十年登其門者凡三千人其格言大訓宜不勝其多也豈論語五百章所能盡哉于此五百章之中而高第

弟子之言居十之一七十子之言不能載也三千人之姓名不能盡知也況其言乎嗚呼論語之書精則精矣而于夫子之言未可謂之大備也宜乎諸子百家各持其所聞而發越推闡莫知所以裁之毫釐之差千里之繆固有不能免者予讀家語而得論語之原其序謂當時公卿大夫士及諸弟子悉集錄夫子之言總名之曰家語斯言得之矣正如今程子朱子之語錄也蓋顏子之所聞曾子未必知也子貢之所聞子游未必知也齊魯之君問答二國不能互聞也以今準古揆之以事度之以理不有大會粹爲一書則散漫而無統浩博而難求門人何以別其精微故曰論語之原乎然記者非一人錄者非一人才有高下詞有工拙意有疏密理有精粗紛然而來兼收並蓄亦不得而却也于斯時也七十子旣喪而大義已乖駸駸乎入于踐國矣各剽略其所聞假託其所知縱橫闕闕矯僞節非將之以雄詞詭辨以欺諸侯以戰百姓其禍根盤結于海內紫亂朱鄭亂雅大道晦蝕異端搶攘誣聖言誤後世此有識者所以夙夜寒心思有以拯之不得不于家語之中采其精

要簡明者集爲論語以正人心以明聖統以承往緒以啓來哲爲悠遠深長之計其滔滔橫潰于天下者固不能遽遏絕也俟其禍極而勢定則大本大原正大光明巍然與日月並行于天下萬世之下莫不于此而宗之其功又豈在禹下哉當是時也任是責者非子思子吾將疇歸故曰集論語者必子思子也始著書以幸後學者亦必子思子也藝文志有曾子十八篇此不過記錄之書也子思二十三篇若中庸大學則子思著作之書也以論語之體段推家語之規模大概止記而已然精要簡明既萃于論語則其餘者存于家語雖不得爲純全之書其曰先秦古書豈不宜哉雖然子嘗求家語之沿革矣其序故曰當秦昭王時荀卿入秦王問儒術卿以孔子語及弟子言參以己論獻之卿于儒術固未醇也而昭王豈能用儒術者哉可謂兩失之此家語爲之一變矣于是以其書列于諸子得逃焚滅之禍秦亡書悉歸漢高堂生得禮古經五十六卷經七十篇記百三十一篇注云七十子及後學所記此豈非家語之遺乎河間獻王得而上之宣帝時后倉明其業乃爲曲臺記

授戴德戴聖慶育三家大戴刪其繁爲八十五篇小戴又刪爲四十六篇有無傳焉馬融傳小戴禮又足月令明堂樂記三篇鄭康成受業于融爲之注解究其原多出于荀卿之所傳故戴記中多有荀卿之書班固曰孔子家語二十七卷

卷與篇不同

顏師古已注云非今所有之家語成帝時孔子十三世孫衍上書言戴聖近世小儒以曲禮不足乃取孔子家語雜亂者及子思孟軻荀卿之書以裨益之總名曰禮遂除家語本篇是滅其原而存其末也以是觀之禮記成而家語又幾于亡矣予于

宋元學案補遺

卷八十二

奎四明叢書

約園刊本

是有曰論語者古家語之精語也禮記者後家語之精語也今之家語十卷凡四十有四篇意王肅雜取左傳國語荀孟二戴之緒餘混亂精粗割裂前後織而成之託以安國之名拾珠玉而存瓦礫寶康瓠而棄商鼎安國不應如是之疏也且安國武帝時人孔壁之藏安國所守也不能以金石絲竹之遺音正曲臺之繁蕪其功反出于二戴之下必不然矣是以朱子曰家語是王肅編古錄雜語其書雖多疵却非肅自作謂今家語是先秦古書竊意是初年之論未暇深考故注于中庸亦未

及修故曰家語爲王肅書此必晚年之論無疑也吁家語之書洙泗之的傳也不幸經五變矣一變于秦再變于漢三變于大戴四變于小戴五變于王肅洙泗之流風餘韻寂然不復存以古家語正中庸其詞甚愨其義甚明柰不可得而見也以今家語正中庸此恐有所未安以朱子晚年之論久之未必不改也學者膠柱而調瑟却成大病是以不容不論惟明者擇焉

### 魯齋遺文

原夫未判之初有太易有太初有太始有太素太易者未見氣者也太初者氣之始也太始者形之始也太素者質之始也氣形質而未相離乃謂之混沌混沌已分乃開天地天形如彈丸半覆地上半隱地下其勢斜倚故天行健北高故極出地三十六度南下故極入地三十六度周天三百六十五度四分度之一晝則自左而向右夜則自右而復左氣積于陽而其精外明者謂之日氣積于陰而其魄含景者謂之月體生于地精浮于天者謂之星五行之精是謂五緯經星則麗天而左行七政則遠天而右繞日之經千里晝夜所經謂之一度

仲夏躔東升而去極近則晝長而夜短仲冬躔南斗而去極遠則晝短而夜長日之周天以歲計月以朔計二十八宿日之所經爲黃道橫絡天腹中分二極者爲赤道春秋二分日循赤道平分天體晝夜中停春夏之交陽極生陰則陽升于天而生暑秋冬之交陰極生陽則陰際于天而生寒日行三百六十度而成歲餘度之未周者爲五日之強月行二十九日半而及于日其不足者六日之弱以不足乘其有餘歲得十一日積而成月則置閏三歲一閏五歲再閏十有九年而爲閏七是謂一章則餘分盡矣晝夜百刻而辰周十二故以八刻二十八分爲一時積六千分成晝夜五日爲候三候爲氣六氣爲時四時爲年而天地備矣乾道變化二氣流行陰氣凝聚陽在內者不得出則激搏而爲雷陽在外者不得入則周旋不舍而爲風陽與陰夾持則磨軋有光而爲電陽氣正升爲陰氣所乘則相持而爲雨陰與陽得助其飛騰則飄颺而爲雲陰干于陽而氣薄不能以揜日則虹見陽伏于陰而氣結不能以自收則雹降月星布氣陰感之則肅而爲霜陽感之則液而爲露上寒

而下溫則霜不殺物上溫而下寒則雨而不冰風不宜  
溫而溫則雨凝而爲雷陽從而陰翕之也雷不當出而  
出則雪霰交至陽褻而陰乘之也然自天地剖判以來  
裨海環之中國外如赤縣神州者九乃有大瀛海環其  
外天地之際焉天地冲和之氣悉萃諸華而有衣冠仁  
義禮樂之風殊方水土之精溢于尤物不過沈沙樓陸  
環異之產蓋氣偏也彼窮荒遠徼如日本如流沙如懸  
度此其地多熱如雪山如漏天如盧龍此其地多寒皆  
日月所偏照梯航所罕通浸不與中國類亦氣中之窮  
也南北爲經東西爲緯東極以至西極二億三萬五百  
里七十五步南北亦如之雒陽東抵扶桑踰二萬里次  
則日本一萬五千里其地溫燠西抵安息二萬五千里  
南至大秦八千里其地囂熱南抵真臘二萬里次則扶  
南一萬三千里其地炎暑北抵流息一萬五千里次則  
駁馬一萬四千里其地常雪驛傳至此極矣天地初分  
只有水火水便是地火便是日星也土之所附其氣融  
結則峙而爲山水之所趨其勢蓄洩則流而爲川山氣  
暮合而爲嵐水氣朝降而爲霧地勢峻極起自西北故

崑崙乘地之高而東驅嵩山據地之中而南鷲兩山並  
驅其中必有水兩水夾行其中必有山水流東極氣虛  
而散如沃焦釜無有遺餘往者既消來者復息水流東  
極其應于月者爲潮蓋日爲陽精陰之所依月爲陰靈  
潮之所附朔望之際月近於日故月行疾而潮應大朔  
望之後月遠于日故月行遲而潮應小春爲陽中陰生  
于午而晝潮大秋爲陰中陽生于子而夜潮大一晝一  
夜而再至亦猶歲之春秋而月之朔望云耳若夫乾道  
成男坤道成女凝體于造化之初二氣交感化生萬物  
流形于造化之後靈于萬物者爲人散于動植者爲物  
天一生水在人爲精地二生火在人爲神天三生木在  
人爲魂地四生金在人爲魄天五生土在人爲體受精  
于陰其聚而能靈者魄也受氣于陽其散而能神者魂  
也頭圓象天足方象地嘘而溫者陽也吸而涼者陰也  
羽蟲三百有六十而鳳爲之長毛蟲三百有六十而麟  
爲之長甲蟲三百有六十而龜爲之長鱗蟲三百有六  
十而龍爲之長保蟲三百有六十而人爲之長此乾坤  
之美也故太平之人仁丹穴之人智太蒙之人信空同



之人武堅土之人剛弱土之人肥墟土之人大沙土之人細息土之人善耗土之人醜輕土之人多利重土之人多遲清水音小濁水音大湍水人輕遲水人重山氣多男澤氣多女石氣多力暑氣多天寒氣多壽陵氣多貪衍氣多仁惟中國稟太和五性全備爲無虧人之一身分配五行而造化之理具焉五行一陰陽也人誠有之物亦然雞知將旦鶴知夜半不類信乎人狎鷗而機忘犬吠屠而機露不類智乎虎嘯而風生龍吟而雲起將雨而魚噓將風而鵲下不類感應乎燕知戊己虎知破衝巢居知風穴居知雨不類幾先乎螻屈而求伸狻斷而求活不類自全乎螻蟻之君臣鴻雁之兄弟出乎類也烏鳶之知愛豺獾之有祭反其常也毛羽鱗介之類如此至于草木可類舉焉松柏鬱蒼而知其葉自根流豫章盤固而知其本盛末茂橘躋淮而枳蒿處陸而艾藻寄根于水葵傾心于日桂枝之下草不植麻黃之荄雪不積觀木而可驗晴雨占草而可知水旱兔絲不土而蔓咲果無花而實芡近陽而性暖菱背日而性寒蓮實下垂則取其象以治心胡桃瓢縮則資其形以斂

肺生于西者物多辛生于南者物多爆東北二物亦然  
麥受陰陽之全故就實而昆稻分陰陽之半則未實而  
俯菽稟火氣至水旺而枯薺稟水氣至土旺而絕衍沃  
之區以種而毓人力所及不毛之地以氣而化雨露所  
成有根本則有枝幹有花實實中有仁而生生不窮之  
理具焉故曰天生于子地闢于丑人生于寅循環無端  
孰察其際自非聖人後天地而生知天地之始先天地  
而沒知天地之終者疇克然哉大哉易也斯其至矣

地萬物造化論

河圖出而人文開八卦畫而易道顯九疇錫而洪範著  
書固不先于圖也成王之傳位也河圖在東序大訓在  
西序參錯于天球弘壁之間聖王之所寶可知矣古人  
左圖右書未嘗偏廢後世書籍浸繁而圖學幾絕間有  
因玩好模寫景物以悅目而有關於理者固鮮圖學之  
中與非神聖不能作非明智不能傳洪範歷千有餘年  
非箕子孰能陳之先天圖埋沒者二千餘年至邵子而  
始出濂溪周子再開萬世道學之淵源者太極圖也而  
通書次之蓋有一圖之義極千萬言而不能盡者圖之

妙實不在書之後也近世夾深鄭公遂作圖譜略固不足  
以盡天下之圖而圖之名義亦可概見其論縱橫開闔  
援引宏博旣富矣哉而于理非其所尙此爲可恨焉耳予  
曩自麗澤歸溫習舊書有未解者因手畫成圖沈潛玩索  
萬理悠然而輻輳益知圖之爲可貴而靜中之有真樂也  
敘其所以貽之子姓非敢爲他人道吁邵子垂沒始以先  
天圖授之伯溫未嘗不哂其過計也先天圖卒大明于後  
世者豈伯溫所能與于斯乎烏在其爲能授也哉

研幾圖序

宋元學案補遺

卷八十二

三

四明叢書

類圖類考

梓材遺案四庫書存目錄研幾圖一卷提要云宋王柏撰又言本傳雖載其嘗撰研幾圖然其本不傳元代諸儒亦未嘗一字及之是書至明永樂中突出此本自二五交運以下爲闕者凡七十三云

夫載道傳世書之功大矣書有六義其來已久蓋自蒼頡始制文字雖點畫偏旁之微有精義入神之妙有自然  
布置之宜後人推之以爲有象形指事會意諧聲轉注假借  
六者之別雖分千衍萬要不越此夫象形者寫其跡也指事  
者推其義也會意者合其形而兼乎義者也諧聲者合其聲  
以附乎形者也轉注者形之變也假借者聲之變也學者精  
辨乎此則古今文字若網之在

綱有條而不紊矣是以古之小學之教自十歲則教之書計而大司徒之屬有保氏者所以誘掖夫未成之材而教之道藝者六書居其一焉蓋將使之自末以窮本由藝以達道因小學之流泝乎大學之源小而習之終其身而不厭古人于六書之義其重若此蒼頡而下至周宣王時有史籀者演暢古文著爲大篆漢志謂爲周人教學童之書雖時與古文小異而六義初未失也自秦斯輩省改古籀約爲小篆而古文浸微獄吏程邈欲趨約易變爲隸體而籀篆亦廢又有草書者日趨簡便而六藝亦幾乎絕漢人猶稍知尊崇字學尉律試吏者課以八體而必使諷籀至九千字以上吏民上書或劾其不正者然而古法旣變雜體紛然非復蒼史之舊其後揚雄之訓籀相如之凡將史游之急就以致甄豐之改定古文是雖有意于存古要皆略而不備及後漢和安時許慎受學賈逵迺始兼采史籀雄斯作說文解字萬六百有餘上之其書詳博最爲近古然隸學行之旣久行草八分雜然並出視史籀反爲奇怪鍾王而降眞草爭妍顧野王廣益說文爲玉篇始從其楷孫愐增加

陸法言切韻更爲唐韻說文雖存而學之者鮮矣逮太  
曆中李陽冰始尙說文修正筆法自謂篆籀中興然時  
持臆說排斥許氏識者謂其筆力雖殊絕而古體益壞  
歷考古今紛紛異尙固無以加于說文也然叔重止得  
象形諧聲二義而其餘復略且病于子母之混淆國初  
詔徐鉉校定說文雖曰不遺六書之體然大略亦得二  
義而已但說文無翻切鉉始取孫愐音切附之大中祥  
符有詔刊正玉篇廣韻而說文復衰又有丁度集韻司  
馬類篇之屬其名不一或訓或釋或證或辨至王安石  
字說作而又一以會意解之固未有全六義者也玉篇  
類形不類聲廣韻類聲不類形大抵形尙可考而聲爲  
難工蓋形有定而聲無窮也類形者少類聲者多類聲  
雖多而未有正其始音之的者世革風移轉相假借方  
音清濁譌變因乘甚矣始音之難知也柏知學最晚小  
學功夫固大缺略諸經雖多釋音每病始音之未明旣  
而求于說文又病從聲之難曉一日以說文翻爲楷字  
又得李文簡燾類韻之編部敘雖非叔重之舊然亦頗  
便于討閱旣而又得來溱鄭公樵所著六書略一篇喜

不釋手蓋其計覈精整六義粲然一掃千古之陋而于  
假借一門始音之義亦備故獨取以附于說文翻楷之  
後又得賈昌朝羣經音辨取其三麗之評說徐音賈辨  
鄭略微有異同互相補發按今證古訂譌正誤以之讀  
聖賢之書于音義亦庶幾焉今合而一之名曰正始之  
音嗚呼昔沈約以郊居賦示王筠讀至雌霓五的反撫掌

笑曰僕常恐人呼爲五雞反遂以爲知音以霓字從兩  
從兒義合諧聲固當讀爲五雞反烏在其爲知音哉韓  
昌黎鄙爾雅謂非磊落人爾雅固未爲盡善是亦學之

宋元學案補遺

卷八十二

十五四明叢書

約園刊本

一端而遽鄙之過矣而況後世自兒童已習爲進取捷  
徑之學固視此爲迂也迂非柏所敢避但自念日月斯  
邁于六藝始求其一而未究其蘊方自笑其苟焉耳

正始

之音

昔者洙泗設教各因其材雖以夫子之道如元氣流行  
隨其所賦而無不充然或進或止或不惰或自畫實在  
乎人如何耳以子貢之敏悟而一貫之旨猶未融會至  
于聞道無疑豁然默契乃在魯鈍之曾子人見其昔之  
魯鈍者忽頓悟于一日之下豈知其篤學力行固非一

日之所至乎夫子嘗曰參也魯程子曰參也竟以魯得之夫魯非可以得道也而其所以得道者正以氣質雖魯而不安于魯爾今考其學道之方用功之序惜乎見于書者甚鮮觀戴記所載曾子問一篇其問禮之曲折毫髮無遺則其道問學之功至纖至悉可知矣又觀魯論所記啓手足之言戰戰兢兢臨深履薄而後免則其尊德性之功至嚴至密可知矣大抵氣質之偏最難變化精微之旨未易頓融而曾子收效反如是之速非其不安于魯而百倍其力能至是歟蓋嘗聞之天之生是

宋元學案補遺

卷八十二

孟四明叢書

約園刊本

人也莫不與之以仁義禮智之理有是四者根乎其中無有不善此所謂天命之性惟二五交運氣質雜揉不免有陰陽清濁之分昏明純駁之異則其所稟以生之氣而天命之性固存乎其間是氣亦性也程子曰形而後有氣質之性善反之則天地之性存焉氣質之性君子有弗性者焉若曾子者可謂能善反而復其降衷秉彝之初者矣

魯齋記

中庸者子思子所著之書所以開大原立大本而承聖緒也義理精微而實難于窺測規橛宏遠而實難于會

通眾說滄雜而實難于折衷此子朱子以任其責而後學亦以春融而冰釋矣惟愚滯之見常覺其文勢時有斷續語脈時有交互思而不敢言也疑而不敢問也一日偶見西漢藝文志有曰中庸說二篇顏師古注曰今禮記有中庸一篇而不言其亡一也惕然有感然後知班固時尙見其初爲二也合而亂其出于小戴氏之手乎彼不知古人著書未嘗自名其篇目凡題辭皆後人之所分識徒見兩篇之詞義不同遂從而參伍錯綜成就其總題曰天賦爲命人受爲性所賦所受本此實理故中庸二字爲道之目未可爲綱誠明二字可以爲綱不可爲目僕不揆狂僭爲之隱索取而析之以類相從追還舊觀但見其綱領純而辨也如此之精條目疏而理也如此之瑩首尾相涵可謂縝密氣脈流通可謂融暢雖各提一性字而其義不同一原其性之所自來一原其性之所實有雖各提一教字而其旨亦異一以行爲主故曰修道一以知爲主故曰明誠始于天者終于天始于誠者終于誠分限嚴而不雜塗轍一而不差子思子亦可以無遺憾于千古之上矣或曰自漢晉以來



諸儒先未嘗疑也至于朱子章分句析研幾極深而無  
聞言也子何爲者而勇于妄論乎曰非敢妄也有所證  
也此書惟袁公問政章交構爲最深加以王肅質實然  
獨掇此章充塞乎家語之中此先儒之所以不疑也幸  
有在下位不獲乎上民不可得而治矣十有四字鄭氏  
所謂誤重在此者此感人之報乎其論舊章之痕跡尙  
未磨也其往參之位置尙可掩也使後世可以指瑕索  
瘢正其苟合者殆天意也又以班固中庸說二篇五字  
不列于諸子之上而晦昧于古禮經之末竊子朱子未  
必見也或見而未必注思也不然以朱子之精明剛決  
辭而闕之久矣奚俟于今日哉

古中庸跋

附錄

四方來學者眾隨其所學淺深引誘啓迪以開其適道  
之門提綱疏目析殊會一未嘗不竭盡無餘又編朱子  
指要示之士大夫叩請者每語之曰士生天地間以萬  
物皆備之身而不以古今自任經綸自期者皆自遏其  
躬而已先生愛人以德大率類此

病先世遺書零落整比成編曰清風錄各爲題識

台守聘爲上蔡書院師首講謝子大居敬貴窮理之旨  
敷暢瑩白聽者竦然意融心服雖鄉之耆德亦執弟子  
禮來謁旣爲講道于家學者懷慕不遠數百里相從弗  
置

晚年積厚養固精強清勁雖少壯勿遽孜孜述作殆不  
知老之將至也

其爲人學博而義精心平而識遠考訂羣書如干將莫  
邪所向肯綮迎刃而解凡朱子發端而未竟疑而未決  
與諸儒先闡明之未及者莫不該攝融會權衡裁斷

宋元學案補遺

卷八十二

元四明叢書

約園刊本

先生自謂研窮愈深則義理愈呈露涵養愈密則趣味  
愈無窮

嘗題書目詩曰博而寡要豈通儒三萬牙籤亦太虛論  
語一編用不盡世閒何必許多書

端平乙未新元詩曰臺曆更新德未新讀書未濟腹中  
貧屢因快意行來錯却向閒中認得真性性不忘千聖  
旨惺惺毋欠滿腔仁榮枯冷暖自消長但見流行總是  
春

又寄王潤詩曰山中之樂屬高人風月無邊取次吟但

使胸中飽邱壑莫將片點著埃塵

又新秋自警曰直諒之言久不聞秋來因作讀書吟時  
時涵泳味無味句句研窮深又深老來已辜朋友望閒  
中粗得聖賢心無情歲月垂垂過夕秀朝華豈暇尋  
嘗訪道于船山至大安中途迷道因作詩自警云未識  
大安道行行多路歧人言詭近遠山路信欽巖自有康  
莊處多因便捷移我今知堦子萬里不須疑

北山次韻云審問方知道冥行已迭歧每因貪徑捷多  
致覆嶽巖浪謂途言惑先由己意移知津要端的直造  
始無疑

宋元學案補遺

卷八十二

二十四明齋書

約園刊本

倪公武和云著脚爭此字公私只兩歧正途元自穩捷  
徑不勝巖見透行須透心移境亦移前人煩指點進步  
莫遲疑

有人說用先生警之以詩曰寄語紛紛利欲人不知何  
者是經綸行藏未可便輕議學問先須辨得真莫把空  
言來誤世要明明德去新民大凡體立方言用且著工  
夫檢自身

北山爲作魯齋箴曰卓哉王子追蹤在昔有扁斯石朝

警夕惕勿病于魯謂質難易勿安于魯謂思無益由魯  
入道有曾可式氣質之偏則懲則克義理之微則辨則  
析知行兼盡內外交迫確乎其志前哲是述人十已千  
明強乃必從而上達則在不息滅裂鹵莽乃吾自賊歸  
咎于魯豈不大惑我作斯箴侑坐是勒勿貳爾心服膺  
無斃

金仁山祭之曰猗歎先生世際淵源考亭上游一二徧  
參卒于北山師資就正有的其傳立志居正方其少年  
英邁無前議取秦關俯視中原及既聞道悉斂豪英克  
己亦頗宏毅似曾攻堅鉤深高視旁通卽事卽物無理  
不窮論定諸經決訛放淫辨析羣言折衷聖人究其分  
殊萬變俱融會諸理一天然有中見其全體靡所不具  
庶其大用隨其舉措表裏輝映動止準繩山立時行肅  
然襲人日晶霜潔玉粟金精內明外齋闔門朝廷遇事  
理勞神運權稱如有用我風飛雷興出其緒餘施諸造  
成臯比所至鳶魚高深孰謂斯人而不用世晚益油然  
行藏無意廟堂羣賢明異薦聞元祐訪落伊川弓旌如  
何昊天不相斯文如何先生乃夢奠楹

又率諸生祭之曰嗚呼望其人如泰山之巖巖如秋霜  
烈日不可狎玩也讀其書如日月之爲光雷霆之爲威  
如霜風之爲勁也孰謂天地之至寶而終藏深山大澤  
之畔也吁此吾所以深嗟痛哭而有感于世道之變也  
歟然自朱黃之日遐屬□□其浸遠歸靈光之獨存耿  
神杓其明峻天若以爲斯文之殿矣何一朝而遽隕耶  
又告先生諡曰國子祭酒楊公文仲等列請于朝乞諡  
北山何先生追贈先生仍乞一體賜諡公朝敷奏特贈  
承事郎仍同賜諡事下太常以一德一心踐行不爽諡

北山曰定以廣聞多能行善可紀諡先生曰憲事上得  
可已劄付其家照應矣然北山有累命之爵故諡告卽  
下先生沒有始贈之命故告贈先下又以一字之諡乃  
七先生節一之例而文公師生上自羅李下迨黃陳例  
從二字上悉連文所以明一原盡眾美也故再加北山  
曰文定已形告詞亦再加先生曰文憲將頒後命而警  
告日急大勢阡危禮文之事未遑變故之來已極自爾  
以後十餘年故舊凋零生徒散佚大懼履祥等一旦淪  
胥上未能竟先朝之再命下無以表清議之同尊鬱而

弗彰無補世道夫以先生盛德追崇之禮異世同符固非有待然近代門人私謚其師初非有待于請也況有前朝之遺命乎謹依省劄謚憲之明文述朝旨加文之餘意敬謚先生曰文憲

黃文獻跋仙都與先生書曰魯齋先生學爲世師其承傳之自夫人能推言之而其得于父兄培植之素以爲受道之地者世或莫之知也夫以公間生之質又蚤有志于學家庭之閒于一言一動之細猶諄諄告誡使致其謹如此蒙以養正聖功也安可忽哉

宋元學案補遺

卷八十二

三

四明叢書  
約園刊本

補汪先生開之

附錄

宋潛溪題北山尺牘後曰元思時法先生之孫魯齋少與之同學嘗取論孟集義別以鉛黃朱墨以求朱子去取之意而精于四書之學者

補張思誠先生憫之

附錄

當時北山門人魯齋之外首推先生北山卒魯齋謂金仁山曰北山當世巨人今弟子制服而非古則無以示

四方矣仁山考古定制議用白布深衣而純以素素冠  
加經于內而加生絹于外經用細麻帶用細苧魯齋則  
更議用玄冠端武加白巾曰卽古之素委貌也深衣不  
用素純而布帶加葛經先生曰不可北山之生不爲詭  
俗之事今忽爲詭俗之服非北山志也吾當以學問躬  
行自勉有以發明北山之學可矣不必爲是服也生絹  
白衫加布帶而白巾如常庶不駭于僞且今人而古服  
會之服之可也儻朋友中有義利不明出處失節者見  
吾輩之服亦服之反玷北山矣魯齋不從竟用已議約

宋元澤案補遺

卷八十二

六十四

四明叢書  
約園刊本

其成服先生不往

補王立齋先生侃

雲濂謹案先生爲文定孫樓攻媿狀文定行實云  
孫男十三人嚴儀倫億備脩侑必區儔信倓其一  
未舉其名豈卽先生耶又案吳禮部師道簡錄魯  
齋行實云愛從子侃賢與共學並居開元死與儼  
且葬似先生祇爲魯齋從子金華徵  
獻錄作從子侃侃與侃古今文爾

附錄

先生冬日雜興詩曰庭隙幽蘭手自種託根不與春花  
共冉冉同風數莖竹襟期元作幽人供如何江湖浪征  
逐芳信却因馮翼送多慚獨處歲將晚尙想清標形曉

夢

又曰澤國風饕霜力緊黃落凋殘碧成錦最憐柿葉與  
楓林平原物色平瀟灑造化不翕何所強獨怪連朝漏  
融景天理真機默玩心悟取靈根發深省

魯齋和立齋踏月歌曰我觀天壤間何處無此月對月  
兩心同正自欠此客月清人更清心境兩相迎平生負  
此約鬢影今星星我有一要言應與月同盟清光無晦  
蝕與德時時新

又和伯兄適莊訪立齋詩曰園林襟帶兩三家翁季怡

宋元學案補遺

卷八十一

五十四明啟書

約園刊本

怡意度嘉時把酒杯傾月影或燒石鼎煮天花青編有  
味毋吾隱白髮無情任汝加翠竹數竿新暎石歲寒只  
此是生涯

金仁山祭之曰大學重闕誠意爲要過此則人不然則  
盜允惟吾邦濟濟宗師公在其間是友是資純直不疵  
其生也性誠實剛方伊學之正惟其此心不愧屋漏隱  
所獨爲顯可人告言行相顧表裏無殊心廣體胖誠意  
之符聖賢此闕亦旣越止天假之年尙究極只云胡一  
疾荏苒三年右緩左弱不廢討研一朝不寧至此不淑



道日已孤人如可賸

梓材謹案祭文此下云我實企焉遍參儒宗既友公子是獲游從蓋仁山以先生爲前輩故自稱後學云

補 縣尉吳先生梅

附錄

師事北山教以眞實堅苦著四書發揮參質于魯齋

補 文安金仁山先生履祥

雲濠謹案先生卒于元成宗大德七年國朝雍正二年從祀孔廟梓材謹案咸淳十年先生祭魯齋文云履祥登門今二十年轉述起弱弘編矯輕造之北山館我歲

宋元學案禮遺 卷八十二

六一四明叢書

約園刊本

寒施及其徒鱗次朋升蓋先生先事魯齋因魯齋以事北山者

又案先生中年築室居仁山之下文定爲書其扁曰仁山先生又別自號曰次農

仁山尙書表注

每州以一諸侯之長專任牧民之事夫諸侯固各牧其國之民然或各私其國曲防遏糴州牧所以通其利也故曰食哉惟時柔遠能邇惟時言民食之不可後時也養民者視年之上下而爲之備視地之豐歉而爲之通周知民之貧弱孤寡而爲之恤不使民食之後時也十  
二州冀豫爲中餘皆外邊四裔崇厚道德信任元善畏

忌壬倭率諸侯者意尙如此則當時風俗治體可知矣  
讒殄之原起于民情不達政教不明俗移于下而上不  
知令出于上而下不同納言所以傳君言而觀民風也  
出納朕命惟允所以審君言而播民教也此道化所以  
通于民心民心所以化于上而讒殄所以不行也三代  
而上道化出于一異端不作蓋以此爾以上舜典

堯之授舜曰允執其中此授之以治天下之要道也一  
人之治天下惟在于持此無過不及之則以裁天下之  
事使隨事各得而已爾舜亦以命禹則益之以三言此

堯學案補遺 卷八十二

五十四明叢書  
約圖刊本

又授之執中之要法也夫用之所以不合乎中以理欲  
雜乎方寸之閒辨之不精則守之不一是以動而不中  
則不能得其無過不及之則爾理與氣會而爲心心則  
一而知覺意念所從發者異故帝舜分爲界限以言之  
道者人之主先言人心而後言道心者蓋道心之所以  
微亦人心之危有以微之爾惟精則辨乎人心道心之  
閒而不差惟一則守此道心之主而不貳中卽道之用  
也大禹謨

九德凡十八字而合爲九德者上九字其資質下九字

則進修亦有德性之全美者然必用其有常者謂有其德而持久者也若一時如此而悠久不然則不常易變不足爲有德矣故雖以是九者定其有德之目而必其有常然後用之小人勉強于一時亦似有德然未幾而變焉用之豈可保其爲吉哉

皋陶謨

以義制事以禮制心卽建中之綱目也立之義以制天下之事使每事各得其時中至善之宜而無過不及立之禮以制天下之心使人心各循其規矩準繩之則而不偏不倚經制既立人心風俗旣正雖傳之後世固不

宋元學案禮遺

卷八十二

去四明叢書

約圖刊本

餘裕豈有來世口實之憂哉

仲虺之誥

古今之德皆可師也而制行不同不可拘一定之師惟在于主其善而已天下之理雖善也而隨時取中則又不可拘一定之主所以參會攷比之者則在此心之克一焉蓋古今德行或柔或剛或正直或無爲或勤勞在我不可拘一定之法必擇其善者而從之所謂審其是也然善無定主均一事也或施之彼時則爲是施之今日則爲非均一節也或用之此事則爲非而彼事則爲是者此聖門所謂時中所以考比參同之者非純誠有

定之心豈能精擇而不差也哉所以貴于一德也

威有一德

五福以好德居四而傳則以好德爲重蓋五福皆係于天而人之所可勉者惟好德而已又錫福雖係于人主而人主所可錫者亦惟富而已

攸好德者學問之事而以爲福者人生而惡弱昏愚者多矣今其氣稟清明知德義之美而樂之豈非福之大者若使此心昏庸所好非德雖壽富安逸所謂飽暖逸居而無教祇以荒亡戕賊近于禽獸何足爲福哉

以上洪範

宗伯不言司蓋所掌者禮禮莫重于祭祭莫切于宗廟

宋學案補遺

卷八十二

大元四明叢書

約園刊本

不敢言司尊宗廟且崇禮也上下者尊卑貴賤之等儀和則不僭不逼各安其分有序則和也

司寇刑官也不曰刑而曰禁禁止也書法于木以示之止人之爲惡也王者制刑示民以禁于未然至于用刑則不得已也

以上周官

書者二帝三王聖賢君臣之心所以運量警省經綸通變敷政施命之文也君子于此考迹以觀其用察言以求其心以誠諸身以措諸其事大之用天下國家小之爲天下國家用顧不幸不得見帝王之全書幸而僅存

者又不幸有差誤異同附會破碎之失考論不精則失  
其事迹之實字辭不辨則失其所以言之意此書所以  
未易讀也燼于秦灰于楚鉗于斯何偶語挾書之律久  
之而伏生之耄言僅傳孔子之壁藏復露伏生者漢謂  
今文孔壁者漢謂古文顧伏生齊語易訛而安國討論  
未盡安國雖以伏生之書考古文不能以古文之書訂  
今文是以古文多平易今文多艱澀今文雖立學官而  
大小夏侯歐陽又各不同古文竟漢世不列學官後漢  
劉陶獨推今文三家與古文異同是正文字七百餘事  
號曰中文尙書不幸而不傳于世至東晉而古文孔傳  
始出至蕭齊始備至蕭梁始行北方至唐貞觀悉屏諸  
家獨立孔傳且命孔穎達諸儒爲之疏夫古文比今文  
固多且正但其出最後經師私相傳授其閒豈無傳述  
傳會所以大序大體不類西京而謂出安國小序事意  
多謬經文而上誣孔子朱子傳注諸經略備獨書未及  
嘗別出小序辨正疑誤指其要領以授蔡氏而爲集傳  
諸說至此有所折衷矣而書成于朱子旣沒之後門人  
語錄未萃之前猶或不無遺漏放失之憾予茲表注之

作雖爲疏略苟能得其綱要無所疑礙則其精詳之蘊固在夫自得之者何如耳

尙書表注序

梓材謹案四庫全書著錄先生尙書表注二卷提要言其初作尙書表注二十卷柳氏所撰行狀稱早歲所著尙書章釋句解已有成書是也經義考稱其尙存今未之見又言此書與蔡氏集傳頗有異同其徵引伏氏孔氏文字同異亦確有根原所列作書歲月則與所作通鑑前編悉本胡五峯皇王大紀參考後先雖未必一一盡確然要非盡無據而作也

梓材又案四庫又著錄先生大學疏義一卷提要稱其謹嚴篤實猶有朱子之遺又論語集注考證十卷孟子集注考證七卷提要稱其書于朱子未定之說但折衷歸一于事跡典故攷訂尤多蓋集注以發明理道爲主于此類牽涉舊文未遑詳核故仁山拾遺補闕以彌縫其隙于朱子添爲有

雋學案補遺

卷八十二

空四明叢書

總圖刊本

功惟其自稱此書不無微徇自我言之則爲忠臣自他人言之則爲讒賊則殊不可訓云

### 大學疏義

格物致知之傳不存而後世儒者莫知所以爲說故或遺之而不復言或言之而有不盡或不得其意而他爲之說遂使大學始教之目不明于天下而人不知所以爲學是以天下之理有未明吾心之體有不盡而所謂至善之所在者自孟子以後千有餘年罔然莫知也此其所以意有不誠心有不正身有不修家國天下不可得而治其本蓋在于此自程夫子始明其義以開大學

之原而朱子又修其辭以補傳義之缺然後聖賢所以爲學之方與其教人之法燦然復明于天下其辭明而盡其說精而密而其爲法則功程有據而細大不遺工夫積習而貫通可至雖使聖人復生于世其爲說無以易此矣閒嘗因是而推之所謂人心之靈莫不有知者蓋人稟天地正通之氣則莫不有虛靈知覺之心也所謂天下之物莫不有理者蓋事物盈于天地之間而莫不各有精微至善之理也所謂理有未窮則知有不盡者蓋理在萬物而吾心虛靈之體自無不知知在吾心而氣稟物理之昏已有所蔽故欲致吾之知以全其本在于窮物之理以充其知不能窮極乎物以極眾理之物則無以推極吾知而盡心體之全矣所謂大學之始教者謂大學教人之目以格物致知爲始也物有未格則知有不致而何以能誠其意以正其心脩其身而齊家治國平天下也哉是以大學之教人必以格物致知爲始焉所謂卽凡天下之物者卽者隨其所遇之謂也凡者大無不包之辭也蓋格物者初未嘗有截然一定之目而亦未有精粗巨細之閒也惟事物之在天下者

無限而接于吾前者亦無窮故必隨其所遇巨細精粗小大幽顯莫不格之以窮其理焉所謂因其已知之理而益窮之以求至乎其極者夫格物所以致知也今而先之曰因其已知之理何也夫心之本體虛靈知覺固無所不知但爲氣稟所拘物欲所蔽則有以狹之耳然其本然知覺之體則有未嘗息者故其于事物形迹之顯有不待格而自知但其蘊奧精微之極則必待格而後知也故致知者因吾心之知此理而推之以至于盡之謂格物所以推盡吾之知耳夫豈懵然無知而能

格夫物也所謂用力之久而一旦豁然貫通者格物者非謂格一物而萬物通亦非謂萬物皆盡格而後通但積習既多則工夫自熟心知日廣而其推類觸長貫注融通天下之物自無遺照矣所謂眾物之表裏精粗無不到而吾心之全體大用無不明者表者名實之形而易見也裏者曲折之蘊而難知者也粗者其事迹也精者其妙理也全體無不具者也大用無不貫者也全體卽大用之體大用卽全體之用也眾物之表裏精粗有一未盡則吾心之全體大用爲有欠缺故必有以窮萬



物之理而盡其裏者精者則吾心之全體無不用又有以究萬理之事而盡其表者粗者則吾心之大用無不盡表裏精粗無不到者物格也全體大用無不明者知至也故結之曰此謂物格此謂知之至也其兼言而異于他傳者蓋致知在格物此格卽爲致非二節也凡補傳之意旣簡而精而或問之言復詳而悉非後世學者所能著語者今惟疏其傳義如上而不能有所發明云  
論語集注考證

按孔子稱危邦不入亂邦不居夫子旣去魯矣以衛靈

聖學案補遺

卷八十二

卷四明叢書

約圖刊本

公之無道也而居衛以陳國之小歲有吳師而在陳以蔡侯死于盜國遷于吳民分于楚而如蔡不幾乎居亂而入危與曰前日之言君子守身之常法今日之事夫子行道之大權也夫以聖人盛德固無施不可使夫二三君者能用孔子委國而聽之則衛可正陳可強蔡可守也而皆不能惜夫雖然夫子旣知其不能用矣其時楚昭之賢聞于天下夫子固將如楚也當在衛也特以衛靈公致粟有際可之禮而再主蘧伯玉之家當在陳也又以司城貞子爲之主而陳侯亦有言議之適故爲

二國留行然其如蔡蓋爲如楚也何以知之有子曰夫子失魯司寇將之荆先之以子夏又申之以冉有則知孔子去魯則將之楚矣聖人無固無必故爲二國留行爾然而適楚又卒爲子西所阻愚以爲此皆非聖人之意也

按朱子有言當衛輒之時父爭于外子拒于內不知其國何得度日是謂君子于此不可一日處也孔子世家謂孔子自楚反衛在哀公六年其後自衛反魯首尾又六年矣以衛父子之亂而夫子久于其國何耶豈居亂

邦見惡人在聖則可或時其得政而將借是以正名義也又考陳世家則楚昭卒之年孔子在陳非反衛也考之衛世家則齊弑悼公之年孔子始自陳至衛明年反魯則非久于衛也然猶在衛何也孔子在陳曰盍歸乎來盍思魯之狂士則自陳至衛蓋過衛耳意則主于歸魯也以夫子門人如子夏子羔子貢之徒亦多衛人者孔子于魯爲父母之邦其出也旣以司寇去國則其反也不可以無故而復國故明年召之卽歸矣經世子丙辰書孔子自陳至衛于丁巳書自衛反魯可以訂世家

之謬而孔子久速之可于此見矣 以上序說

學而一篇記夫子之言爲書之首而弟子之言凡四人  
惟曾子之言直而簡有子之言曲而中子夏言激而易  
廢學子貢言外而不由內此曾子所以傳道而有子之  
言所以似夫子也未章子貢之言其進宜未易量 學而

志學章朱子于本文之下但隨文解義而其終總說處  
最盡蓋聖人固自有聖人之資然聖人又自有聖人之  
學又自有聖人之進但非常情所可窺測爾蓋天下之  
理無窮而聖人之心純亦不已已則非聖人矣其實三

樂學案補遺

卷八十二

九夫四明叢書

約圖刊本

十而立聖人之爲聖人者已成此後但愈妙愈熟所謂  
借其近似以自名猶夫子一貫而曾子借忠恕以名之  
也 爲政

古者二王之後各守其先代禮物聖人于夏殷之禮不  
曰吾能知之而曰吾能言之此蓋定禮樂時語也聖人  
生知之資其于禮之義理則知之明矣此其所言蓋爲  
二代制度文物之詳爾雖當時二代之禮亡失將盡而  
以聖人之資觸類旁通皆能歷歷言之但聖人謹重之  
意必欲得典籍故舊以證成其書而文獻二者卒不可

得故終于從周後人迄不見其成書之盛也其閒見于禮記者又多雜以門人經師之說惜哉

八脩

天下豈無天資之美者但習所移而志不立不能好學以充其資耳然但言忠信而不言知睿知睿之資固不易得但聖人之于人尚忠信而不尚知睿終然忠信爲基本知睿或難保也世人多以聖人生知之資絕不可及而自棄故聖人以好學勉之

公治長

顏子好學如博文約禮欲罷不能克己復禮請事斯語私足以發語之不情皆是也而夫子答哀公之問特舉

宋學彙編

卷八十三

卷四明叢書

約園刊本

不遷怒不貳過爲言二事固亦克己之功而未盡顏子好學之事且顏子未當事權有何可怒蓋借是以諫曉哀公也夫子答問之閒各切其人之病哀公爲人躁妄故夫子答其弟子好學之問而舉顏子不遷怒不貳過以曉之卽顏子二事之功爲哀公對病之藥惜哀公不能繹且改也

仁者心之德也不違仁者心無私欲而能有其德爾但張子之意欲始學者分別三月不違與日月至焉者深淺分明故借內外賓主以譬之而或問有仁在內在外

之說于是諸老之說始離矣大抵既是譬喻只取分明固難得義理恰好也今且以張子之喻言之仁譬則屋也心譬則人也其心三月未違仁是人未違屋常在屋內雖三月外有時少違卽復歸來必也是主日月至焉焉者是人每在屋外也雖或日一至或月一至然終是客既知其內外賓主如此不同便須勉勉以進于不違循循而莫或違之至于久而熟焉則有非人力所能與者矣

以上雍也

曰不圖爲樂之至于斯也爲字平聲謂舜之作樂何其

宋元學案禮遺

卷八十二

卷四明徵書

約圖刊本

情文善美之盡如此近有北士因漢志陳敬仲以韶奔齊之說遂謂夫子在齊聞韶三月忘味傷之至也曰韶乃陳樂何爲而至于齊蓋傷陳氏之必篡齊也其後陳成子果弑簡公夫子請討之此乃證古集之說路史意亦然大爲躁妄且感韶之盛而三月忘味程子猶以爲非聖人之心故集注取史記學之三月以證之豈有陳氏專齊而夫子一聞樂聲三月忘味聖人之心乃傷忿固滯如此聖人之怒在物不在己何爲忿忿悒悒一病三月也學者不如守文公之說求聖人之心而好爲新

奇何所不至可憂甚矣

子貢善問莫精在怨乎一問蓋伯夷叔齊固以事言而怨乎一問又以心言事可勉而心不可掩夫言夷齊則不爲衛君已可知矣然使伯夷逃國而其心猶曰我固當立特以父命不得不逃卽此不得不然之心則怨矣其與衛輒惟恐失國之心何遠哉此子貢所以再有此問也惟伯夷以不違父命爲安叔齊以不躐天倫爲正脫然惟恐有國之爲累而曾無幾微不得已之心此其所以爲賢而孟子直以聖之清許之緬想此心而下視衛輒之心真天淵之不相近矣而謂夫子爲輒乎或問于此極爲詳明惜不編入集注學者不可不參看然不獨以此論古人心迹之辨又當以此自察于心術幾微之間也

按文行忠信此夫子教人先後淺深之序也文者詩書六藝之文所以考聖賢之成法識事理之當然蓋先教以知之也知而後能行知之固將以行之也故進之乎行旣知之又能行之矣然存心之未實則知或務于誇博而行或出于矯僞安保其久而不變故又進之以忠

信忠信皆實也分而言之則忠發于心而信周于外程子謂發己自盡爲忠循物無違謂信天下固有存心忠實而事物未能盡循而無違者故又以信終之至于信則事事皆得其實而用無不當矣此夫子教人先後淺深之序有此四節也或疑首篇言行有餘力則以學文而此章以文爲先何也曰首篇言弟子居家之職此章則夫子設教之序也朱子嘗論知行二字論先後則知爲先論輕重則行爲重知爲先此章是也行爲重首篇之言是也然首篇雖以學文爲後乃所以審其行而進于實也或又疑四教與四科如何曰四教以先後淺深言四科以成德達才言夫固各有攸當也

以上述而

朱子舊以夫子述武王之言而及此但以周爲言故統爲一章而或問遂收胡氏之說復以事勢言之遂以此段爲專言文王其實文王終武王立十三年而始伐紂則十二年之間紂勢猶熾而惡未稔未卽傲然與之並立也以三分有二之勢而猶事之則不謂之周家忠厚不可也故曰至德至德之言亦聖人衰世之意蓋自春秋以來諸大國于周室何有前楚後秦虎視眈眈羣雄

垂涎未敢先發欲取而不能非可取而不取也況于服事之乎以此言之則武王謂之非至德不可斯言也亦聖人衰世之意也

泰伯

道體之本然自大德敦化說來則道乃物之體而物乃道之用此道體也自小德川流指出此體是有形之體而物乃爲道之質與道爲體猶云與道做質也道無形質逝者如斯夫一句意尙孤不舍晝夜意思方可見蓋大德之敦化如此也

何有于我哉語錄曰語有一二處如此皆不可曉舊有

宋元學案補遺

卷八十二

百二十四明叢書

約園刊本

三說一以爲此數事我皆無有一謂此數事外我復何有一說云于我何有然皆未安今缺之又曰此等處也因人言而發履祥按味二則字及不敢字當從第二說人必有言夫子道德之全者而夫子不敢當因曰出但事公卿入但事父兄于喪事不敢不勉以企及不爲酒困如此而已外此何能有于我哉一以自謙二以見道之難能三以見近事之不可忽于文意似通然此四句在國在家處凶處樂皆已備盡不可謂近事而可忽也

以上  
子罕



曾子傳道有若似聖人公西華之才勝于宰我澹臺滅明之勇亞于子路子羔之孝次于閔子樊遲之才亞于冉有曾點漆雕開已見大意子賤之政原思之守其他諸賢未易梗舉開元禮旣拘十哲之數其後顏子升侑而以曾子補十哲是矣曾子升侑而遂以子張備十哲可乎景定之禮以顏曾思孟爲四侑萬世公論于斯爲允然前此議者猶以顏路曾皙伯魚並在下列爲未安則如之何則亦復古之制而已古者廟寢之制前爲堂而後爲室宗廟之祭先室事而後堂事而庠序之禮先獻酬而後燕禮今二丁之祭宜先用饗禮牲幣旅陳享先聖而南面于堂以顏曾思孟侑繼用燕禮籩豆簋簠奠先聖而東面于堂以顏路曾皙而下七十子左右旅食如昭穆之例焉斯爲得之其餘從祀者雖東西夾室可也

先進

自古聖賢相傳至夫子教人爲學則曰爲仁最爲親切然而仁爲何理孔門初無明言前人未有正訓蓋古者義理素明不待訓說自制文字之初此理已分明仁字从人而傍从二是人人字言人之所以爲人也又科斗

古文仁从人一心或作千心謂仁卽人一心之理千人所共之心也故孔門論學但曰爲仁集注所謂全其心之德也至子思孟子時異端之言仁者漸差故子思孟子正言其名義子思曰仁者人也孟子曰仁人心也又曰仁也者人也合而言之道也又曰不仁不智無禮無義推而爲四端之說然自此以來異端日多義理日晦諸儒不察更無定論韓子獨以博愛名仁程子非之以爲仁是性愛是情然亦以爲仁無正訓言愛言覺皆非也但合孔孟言仁處觀之一二歲得之未晚如曰公而以人體之則爲仁又曰四德之元猶五常之仁偏言則一事專言則包四者仁之正訓可謂引而不發躍如也至朱子言之始明備曰仁者天地生物之心而人得之以爲心者也此卽程子所謂四德之元也孟子所謂仁人心也曰仁者心之德愛之理心之德者專言之也愛之理者又偏言之也而此章正名之曰心之全德可謂盡矣凡集注言仁帶及人處則曰心之德愛之理獨說心處與爲學處則曰心之全德曰心德之全是于專言偏言處又分別明辨矣然此章帶禮說孟子對義說又

兼四性說程子又兼五常說學者不可不思蓋心之全德天理渾然其中自是無所不備聖賢切于明道教人故就中又指出其間體段子目以此仁之中又自有裁制各當處謂之義又各有節文處謂之禮藏在中而有分辨謂之智無非著實謂之信既備諸體段故見諸發見謂之四端五常而不害爲仁之渾然也而語錄又有梅仁杏仁之喻此允爲親切人之心德謂之仁故梅杏之心亦謂之仁正取此義古人旣以人心之仁名梅杏之仁學者試以梅杏之仁反觀吾心之仁梅杏有此仁故種之卽生人心有此仁故感之卽動而發然梅杏之仁種之而生生而長長而花花而實如此則梅杏仁中專是生之性已具此長成收藏之性在其中矣使仁之中不具此生長收藏之性則何以生之後有幹枝花實長成收藏之節哉今又觀梅杏之仁有尖處是根芽純是仁意內分爲兩片是仁中已對有仁義其文理分明卽禮也藏此生意在內卽智也充實不虛則信也其仁不實則種之便不生不長矣以此觀之則人心之仁悉包義禮智信在其中可知然梅杏之實有此仁又是元

初種子有此仁故生而爲梅杏之實無不有此仁此所謂天地生物之心而人得之以爲心者論仁者至朱子人心全德之訓可謂明備今推明會粹其說以俟學者

淵顏

所貴學于聖人者以大學明德新民之道修己治人之方也而樊須以學稼圃爲問故夫子以不如老農老圃拒之責之至矣而又以小人名之繼以大人之事言之可謂明盡然觀章末四方之民至焉用稼之語則樊須所欲學蓋欲如許行爲神農之言者孟子闢許行章又

宋元學案補遺

卷八十二

百五十四明叢書

約園刊本

此章之注疏也農圃同一事秦所謂種樹之書漢所謂農家者流是也

子路

夫子懲子路之失以示工夫之難盡程子推敬字之極以見功用之無窮夫敬之功用固大然非一人獨敬便能如此感應亦惟上下一于恭敬則充積薰蒸天地自位萬物自育氣無不和四靈何有不至此卽禮運篇所謂體信達順之道也此當參攷禮運上文又曰聰明睿知皆由此出夫敬又非塊然自守而自能安人及物也蓋惟敬則私欲不存心體日明所聞無所溺所見無所

蔽睿聖通微智燭日廣所以事事處其當物物得其情則百姓人物無不安者且可以此事天饗帝況在人物有不可格者乎語錄曰體信是忠達順是恕體信是無一毫之僞達順是發而皆中節無一物不得其所憲問

孔子生長于魯至是五十餘年天下之士多從之者魯之君臣豈有不知其賢而未嘗能用孔子也定公三十一年一旦起而用之論語左氏皆不言其故獨孟子稱孔子于季桓子見行可之仕而此篇謂季桓子受女樂不朝孔子行是孔子此時之行藏係季桓子之用捨也何

哉魯自三家四分公室而季氏取其二季氏專魯而魯公無民久矣使魯之君而欲用孔子豈能遽奪季氏之權以畀孔子季氏亦豈肯遜己之權以與孔子哉自定公之五年季平子卒其家臣陽虎始用事乃執桓子囚之辱之于晉陷之于齊師且盟且誣八年又將享桓子而殺之僅而獲免當是時非惟魯國不可爲而季氏亦自不可支矣桓子于此亦謀所以爲止亂興衰之計故舉孔子于公而試用之已而政聲四達卻齊而歸地于是攝行相事墮三都夫三都者三家之疆邑也當是時

公山弗擾在費而郈侯犯之亂未久也三家之有三都本非公室之便而三都之爲三都至是亦非三都之便矣故叔孫氏始墮郈繼而季桓子墮費已而孟孫氏不肯墮郈圍之弗克其不肯墮郈也公斂處父之言曰無郈是無孟氏也然則無費是亦無季氏也而墮之當是時桓子之心未敢自計其私也夫三都已墮其二則郈之不墮固亦未害夫子久之必有處矣旣而魯國方治而齊人乃歸女樂而謂是以閒魯之用孔子寧不幾于兒戲乎是殆必得其閒矣季氏權臣也桓子舍己之權以聽孔子而墮其名都以強公室其中豈無介介者顧以衰敗之餘藉之振起今紀綱旣定外侮旣却魯旣治矣桓子豈甘終于自絀者縱桓子甘之季氏私人必有以爲不利者故其信任之意必已漸衰特未敢驟舍孔子而孔子顧亦無隙可行爾故齊人歸女樂以促之夫齊何懼于我而歸女樂于事可疑于禮非正有國者固不可陷此爲鄰國所覘也使桓子而猶惟夫子之聽豈其受此受之已非矣而又君臣荒淫其中三日不朝故孔子去之然考之孟子與史記蓋其膳肉不至而行也

而此篇則爲女樂蓋孔子之行決于此而特發于膾肉爾孟子曰孔子爲魯司寇不用從而祭膾肉不至不稅冕而行夫謂之不用則不用固久矣受女樂其事一也夫郊之必致膾于大夫葬禮也孔子何此之待哉待遇之惡必有日矣夫使其致膾猶彝禮也而不致是顯然疏卻之也于是而行復何俟哉此夫子之出處本末事情也朱子于此取范氏之言謂此篇記仁賢之出處而折中以聖人之行以見中庸之道何以見其爲中庸也因合齊魯而觀之于齊不用則禮雖隆而去去他國之道也于魯不用則禮衰而去去父母國之道也使孔子以所以去魯者去齊則于道爲不及以所以去齊者去魯則于道爲太過矣分齊魯而觀之當在齊也季孟之禮固非所以待孔子然猶將用之而去則爲太過曰不能用矣顧以禮隆而留則又不及也此去齊所以爲中也當在魯也女樂未受逆探其未形之意而去之過也受女樂不朝而去之則中矣然于父母之邦而如此亦微過也故于膾肉不至而去爲得其中膾肉不至而不去則又不及矣此去魯所以爲中也此中庸之道也

然則三仁柳下惠何以未得爲中庸曰世謂微子歸周固妄也邈去而已然微子仁于清視夫子之去魯則爲過比干仁于忠視夫子之去齊爲不及箕子柳下惠降志辱身視夫子之去魯又爲過于和而不及于中矣抑三仁之于紂親則諸父諸兄職則父師少師也其終始力量止于如此若伊尹周公處之又必有道矣而況于孔子聖人大用固非賢人所及故愚又推而索言之微子論語二十篇格言多矣至此篇言帝王相傳與爲政之略而又以此三言繼之蓋切要丁寧之語中庸之篇始

言一理中散萬事言至誠之道至聖之德可謂詳矣而未章復自下學立心之始言之以推至其極亦是如此又論語起止都說君子語錄亦每拈起並說愚謂篇首君子是盡其在我聽其在人篇末君子是盡其在我聽其在天篇首君子之量篇末君子之守人而知不得命分則無以爲君子矣堯曰

孟子集注攷證

按史記年表魏惠王三十五年孟子至梁乃齊宣王之七年明年魏惠王卒襄王立齊宣王十九年卒湣王立



燕噲之七年乃湣王之十年但書噲子之皆死而並不  
言齊伐燕齊世家亦不言及伐燕事史記年表世家兩  
無明文而孟子爲最詳其次詳見戰國策曰蘇秦之在  
燕與其相子之婚而蘇代與子之交秦死齊宣王復用  
蘇代代爲齊使燕燕王問宣王何如對曰必不霸不信  
其臣以激燕王而厚子之也以是燕王大信子之子之  
遣代五百金聽其所使人遂說燕王以國讓子之老不  
聽政願爲臣三年國內大亂市被與太子平謀攻子之  
不克儲子謂齊宣王因而仆之王令章子將五都之兵  
因北地之眾以伐燕士卒不戰城門不閉燕王噲死齊  
大勝子之亡此通鑑所據以係之宣王也但年表以齊  
威王立三十六年宣王立十九年湣王立四十年通鑑  
則下減湣王之十年上益威王之十年移下宣王十年  
以合伐燕之事文公語錄疑通鑑移十年考異無他據  
按溫公考異于此時之年大抵以竹書爲正而不盡從  
年表竹書魏惠王之三十六年未卒明年又稱後元年  
又十六年卒呂成公謂竹書記前代事雖多訛繆然其  
書戰國時事必可信也況是魏國之史其書魏國之年

必實于史記年表矣年表于魏年既誤則其于齊年安得盡無所誤況伐燕之事莫詳于孟子莫略于史記安得其略者而反疑其詳者傳曰所見異辭所聞異辭所傳聞異辭齊宣王伐燕孟子所見也謂爲潛王者荀卿所聞也史記又所傳聞者也安得以後世所傳聞之辭而反疑孟子所見之辭乎且溫公固疑孟子者通鑑尙取孟子爲正文公尊孟子者序說及集注反取荀子史記而疑孟子爲差雖曰疑以傳疑而後人將以爲實且益資非孟子之據矣故履祥以爲伐燕之事雖微戰國策亦當以孟子爲斷況又有戰國策之可據乎或曰荀卿事齊宣王三爲祭酒宣王伐燕卽薨荀卿爲宣王諱過後見潛王之不善故以伐燕歸之潛王文公嘗謂孟子弟子爲孟子諱故以潛王爲宣王愚亦謂荀卿爲宣王諱故以伐燕爲潛王

序說

按邵氏聞見後錄人有非孟子者謂孟子起頭便不可曉孟子每云不見諸侯而其書首云見梁惠王此固姍侮之辭亦是不曾看史記史記云惠王數敗于軍旅卑禮厚幣以招賢者鄒衍淳于髡孟軻皆至梁邢疏引此

北士見之遂又謂孟子至梁鄒衍淳于髡爲從史記列傳稱鄒衍後孟子又云梁惠王郊迎鄒衍尊禮如此豈與孟軻困于齊梁同哉則梁惠之尊信孟子反不如衍此孟子道所以不行于梁也又傳雖稱客有見髡于梁惠王者然不云孟子見之也集注引史記是補孟子書之缺以知孟子之見梁惠王應其禮幣之聘爾

桓文之事事謂其所以爲霸之謀畫經營也若糾合一匡之事孔門固嘗言之矣

以上梁惠王

知言卽是物格知至之效緬想孟子格致之初亦是從

言語用功本自聖賢之言格來以知其原又自天下之言格去以要其流章內四目似指異端蓋天下之言足以惑人最難察識者惟異端爲甚其粗淺者固易見也然天下之言不問淺深亦不出其數端此章雖不及所以知言之方然知其所以病卽知言之方也蓋以此理之正辨其于此理之差其于是非毫釐之間如匠石斲鼻端之壘不容絲髮淺深也大抵人于心中見得有差決是害事蓋其心術識見議論一向如此爲害不細小差則小害大差則大害所謂生于其心害于其政人見

聖賢之闢異端則曰衛道爾言論之末爾殊不知其爲救世之大功如老子之言其害實則爲申韓虛則爲西晉佛氏之言其害淺則爲梁爲南唐深則真是無父無君率獸食人

公孫丑

夏后氏五十而貢殷人七十而助集注之說雖明而語錄亦自疑之古者田制遂徑畛洫塗澮道凡水陸封樹自禹濬畎澮距川以來積世累代而後成若商又變爲六百三十畝之區周又變爲九百畝之井則一時徑遂改易固不甚難而溝畛洫塗例須改作大費民力久而

宋學案補遺

卷八十二

夏正四明叢書

約園刊本

不定何異王莽之改制聖人作事因民之利必不如此按古者以平地爲田其同溝共井者無甚疆界但各以畝數爲計而古所謂畝者又與今小大斜折方不同古者六尺爲步步百爲畝所謂畝者闊一步長百步古人重黍稷菽其所謂畝若今種豆麥者作田疇也詩所謂南東其畝謂田間作疇向南向東視水土之利也古者中土旣是平田但止以田疇爲計夏后氏之時田未盡闢又去古未遠雖士大夫無不躬稼受田者多故每夫受田五十畝比周一井則十八家受之而自貢其什

一至殷人則田已闢闢一夫受田七十畝比周一井則十二家受之而助耕公田六十畝至周則土田盡闢而君子小人又分在官者食公田之祿工商不盡受田惟農受田故得以百畝爲限鄉遂用貢法十夫有溝都鄙用助法八家同井而一夫各受田百畝其廬舍則撥田之外又共撥若干晦三代可以例推之也

按莊子書亦盛言楊墨之辨如白鉗楊墨之比攘棄仁義謂楊墨所言仁義也然莊子與楊朱同師同道故多偏言儒墨之是非又云儒墨之辨以墨對儒且云當時

有鄭緩爲儒而弟爲墨十年而其父母右墨緩以死爭今按孟子之時邪說誠行甚多大率楊墨二家之說如楊朱之說則莊列其尤著凡莊子所稱之人皆宗楊朱之徒也太史公亦謂申韓之慘刻少恩皆原于道德之意蓋其爲我而無情不屑世故一切芻狗視之故殘忍而不恤也若陳仲子之子介自取無親戚君臣上下許行不知上下相資養之道白圭之貽道皆是說也至于墨翟自謂有弟子禽滑釐等三百人莊子亦云相里勤之弟子五侯之徒南方之墨者苦獲已齒鄧陵子之屬

俱稱墨經相謂別墨又宋桎禁攻寢兵救世之戰周行天下上說下教強聒不舍荀子舉宋桎與墨翟並言若公孫龍堅白異同之辨莊子亦舉而歸之墨翟禽滑釐之流淳于髡雖學無所主而慕晏嬰是亦墨也又荀子亦言慎墨季惠四家而季乃楊朱之友儀秦之棄親戚而遊諸侯亦云救世之戰蓋宋桎之類但其設心反覆以取世資此又其最下者以此知孟子謂天下之言不歸楊則歸墨是當時異端邪說不出此二家之流也

滕文公

宋元學案補遺

卷八十二

頁五十四 明鼓書

約圖刊本

非禮之禮如就位而與右師言不待招而見諸侯與世俗之繁文趨時之謬敬異端之儀制進退拜跪之不與皆是非義之義如陳仲子之廉楊朱之取爲我鄉原之善儀衍之大丈夫遊俠之義氣聶政荊軻之許人以死皆是集注察理不精乃一章之要旨事不察則蔽察不精則差所以有非禮義之禮義隨事順理則無非禮之禮因時處宜則無非義之義

雜斐

按周禮諸公之地封疆方五百里其食者半諸侯之地封疆方四百里其食者三之一諸伯之地封疆方三百

里其食者三之一諸子之地封疆方二百里其食者四之一諸男之地封疆方百里其食者四之一按王制天子之田方千里公侯田方百里伯七十里子男五十里不能五十里者不達于天子附于諸侯曰附庸天子之三公之田視公侯天子之卿視伯天子之大夫視子男天子之元士視附庸制農田百畝百畝之分上農夫食九人其次食八人其次食七人其次食六人下農夫食五人庶人在官者其祿以是爲差也諸侯之下士視上農夫祿足以代其耕中士倍下士上士倍中士下大夫

倍上士卿四大夫祿君十卿祿履祥按孟子之說與王制無大異但周禮所言五等封疆大相懸絕意者王制所言天子之田方千里以及五等之田則是與孟子皆以田言也周禮首言凡建邦國以土圭定其地而正其域諸公之地封疆方五百里以及子男之地蓋周初舊諸侯之國尙多故周家封國之始皆以周之親親勳庸爵爲五等以統舊國則其封疆所統皆以地言也以田言則天子千里公侯百里伯七十里子男五十里以地言則舉山川十田附庸皆在其所統故諸公之地方五

百里下至子男之地猶一二百里也且如周家封國之始乃命魯公俾侯于東錫之山川土田附庸則是田方百里而山川附庸則方五百里也周封太公于齊以表東海之邦封周公于魯以統附庸封召公于燕以殿北服若止于百里之地何以爲表鎮哉況周召皆有采邑于王畿而又表封于燕魯周公支庶凡蔣邢茅胙祭又計六國則周公之地亦廣矣此所以有五百里之說也計太公召公亦有然者故愚敢以爲孟子王制以田計而周禮則并山川土田附庸所統言之也

萬章

堯舜之道孝弟而已矣爲之在行止疾徐之閒衣服言語習行之際此所謂人皆可以爲也下學而上達耳告子按邵子經世書自巳會之末以運經世之一之未歲在甲辰而帝堯卽位二聖相授至經世之亥一百四十歲而交午會以運經世之二之子歲在甲子禹攝之八年下至經世之三之卯歲在乙未凡四百五十二年而成湯有天下下至以運經世之四之亥歲在癸亥凡六百二十九年而文王爲西伯是人以運經世之五至以運經世之六之未庚戌之歲凡五百八十餘年而孔子生



又七十一年庚申獲麟三年壬戌之歲孔子卒至以運  
經世之七之寅乙酉之歲孟軻至梁上去孔子卒凡一

百四十二年 盡心

樂始終條理圖 孔子




如孔子之智  
洞開眾理

如孔子之聖  
眾理皆盡

樂學案補遺 卷八十二

百六十四明箴書  
約圖刊本

射百步圖 孔子



通鑑前編

考之于書曰嬪于虞是虞者有國之稱也參之國語史伯之言曰虞幕能協風以成樂物生者也以虞幕並稷契而言則幕爲有功始封之君虞爲有國之號而舜所自出以王天下者也攷之左氏史趙之言曰自幕至于瞽瞍無違命舜重之以明德夫自幕至瞽瞍則非自黃帝昌意顓頊窮蟬敬康句望橋牛以至瞽瞍也

尙書虞夏傳云惟十有四祀還歸二年而廟中苟有歌大化大訓六府九原而夏道興按此九功之歌也大訓大化其三事之歌與九功之歌舊矣禹言于帝比音而樂之後世守之以爲禹樂騷所謂啓九辨與九歌是也周官九德之歌九韶之舞以享人鬼蓋兼用虞夏之樂而說者以九韶爲韶樂誤矣

伯益卽伯翳秦聲以入爲去故謂益爲翳也太史公見書孟子之言也則五帝本紀言益見秦紀之爲翳也則秦本紀從翳蓋疑而未決也疑而未決故于陳杞世家之末又言垂益夔龍不知所封則遂謬矣胡不合二書而思之秦紀所謂佐禹治水豈非書所謂隨山刊木暨

益奏庶鮮食者乎所謂馴服鳥獸豈非書所謂益作朕  
虞若予上下鳥獸者乎其事同其聲同而獨以二書字  
異仍析一人而二之可謂誤矣

公山不狃以費畔季氏佛肸以中牟畔趙氏皆家臣畔  
大夫也而召孔子孔子雖卒不往而云欲往者蓋大夫  
畔諸侯而陪臣以張公室爲名也子韓皙曰大夫而欲  
張公室罪莫大焉此當時流俗之言也抑大夫而欲張  
公室亦名義也故欲往以明其可也然二人者皆以己  
私爲之非真可與有爲也故卒不往以知其不可也

朱子曰古史之體可見者書春秋而已春秋編年通紀  
以見事之先後書則每事別紀以見事之始末意者當  
時史官旣以編年紀事至于大事則又採合而別記之  
若二典所記上下百有餘年而武成金縢諸篇或更數  
月或歷數年其閒豈無異事蓋必已具于編年之史而  
今不復見矣履祥按竹書紀年載三代以來事跡然詭  
誕不經今亦不可盡見史記年表起周共和庚申之歲  
以上則無記焉歷世沒遠其事往往雜見于他書靡適  
折衷邵子皇極經世獨紀堯以來起甲辰爲編年曆胡

氏皇王大紀亦紀甲辰以下之年廣漢張氏因經世之年頗附以事顧胡過于詳而張失之簡今本之以于史傳記附之以經翼之以諸家之論且考其繫年之故解其辭事辨其疑誤如東萊呂氏大事記而不敢盡倣其例起帝堯元載至周威烈王二十三年接于資治通鑑名曰通鑑前編昔司馬公編輯通鑑先爲長編蓋長編不嫌于詳而通鑑則取其要也後之君子或有取于斯焉要刪之以爲通鑑前紀是亦區區之所望也

通鑑前編序

梓材謹案先生又有後序云通鑑前編起帝堯元載甲辰止威烈王二十三年戊辰凡一千九百五

卷八十二

夏三十四明叢書

約圖刊本

十五年通爲十八卷二帝三王之事粗見首尾大抵出于尚書諸經者爲可考信其出于子史雜書者不爲帝王全書劉道原外紀之作尚書不入雖于今爲帝王全書然帝王之事舍尚書真稗官小說之日尊經避聖然帝王之事舍尚書真稗官小說之流耳今不敢從外紀之例而從胡氏大紀之例焉顧尚書一經諸儒解者雖已精詳但以未嘗潛沃反覆以推爲章之全意而句解字釋意或不屬履祥因爲之注釋章旨陋意所到雖不能詳然聖經之篇章與聖人之體用似或得之又云周平王以後春秋自有全書但左氏收拾國史以翼經事于隱公之篇多誤莊公之篇多缺其間亦多有所遺如楚隋所以爭起于請爵管仲所以霸本于內政皆略不書甚而孔子出處述作亦俱不書焉以其書主于解經而其事或具于外傳諸史秦誓之作在于封穀尸之後傳旣不及而書序又謬其時衛輒父子爭國夫子自楚反陳久之至衛明年卽反魯而記者多謂夫子久于在衛履祥所編欲止平

王而諸若此類不可不辨獲麟以後事多亡逸欲  
備古今以接通鑑則于春秋所不能避亦不敢盡  
入也春秋一書固聖人晚年哀痛之意然孔子周  
遊無位典冊不備未必盡得周史因見宗魯一國  
之策多違舊章就加筆削以示大法其餘多因舊  
史不盡改也則其歲月名號改以從周未必謬聖  
人之意況又自皇極經世之例遂併論次以接通  
鑑焉又云荀悅漢紀申鑒之書志在獻替而遭值  
建安之季王仲淹續經之作疾病而聞江都之變  
泫然流涕曰生民厭亂久矣天其或者將啓堯舜  
之運而吾不與焉則命也履祥末學非二公比而  
其生不辰罹此百憂其所以拳拳綴輯者特不爲  
憂悴廢業耳覆醬瓿固可知也劉道原外紀後序  
傷于廢疾愚嘗三復其辭而深悲之孰知吾之所  
悲又有大于道原者耶皆與前序互相發明  
雲濠謹案四庫書目著錄先生通鑑前編十入卷  
舉要三卷提要云蓋其撰述之意在于引經據典  
以矯劉恕外紀之好奇惟其師事王柏柏勇于改  
經金氏亦好持新說至引周書紀異于周昭王三  
十二年書釋氏生則其徵引羣籍去取失當亦未  
必遠在恕書上也然援據頗博其審定羣說亦多  
與經訓相發明其於講學諸家中猶可謂究心史  
籍不爲游談者矣

宋元學案補遺

卷八十三

夏

四明叢書

約園刊本

仁山文集

深衣者先生燕閒深居之服也衣之朝者謂之朝服祭  
者謂之祭衣燕閒深居之服則謂之深衣古者上衣下  
裳以爲服而連衣裳爲深衣完且便焉故有虞氏以爲  
燕衣三代用之周諸侯大夫士朝服而朝而深衣以夕  
庶人吉服之盛也周衰禮廢後世失之矣深衣之復製

自溫文正公始也其復明也自子朱子始也其制用布古者深衣之布十有五升則幅之縷凡千有二百今無之取其細者可也度用指尺稱人體也體有長短而指尺如之自然之數也不以指尺則度不應數長短不稱于體指尺之法各以其人左手中指直取之上下節文之間以其中之長爲寸之長曲取之屈其指兩節文之端度其中爲寸亦如之積寸十以爲尺衣全四幅幅之廣凡尺有八寸以布二幅中屈之不裁其腋其前幅領裙之邊餘二寸下屬于裳裳十有二幅以布六幅交裂之一殺而上一殺而下其端一廣一狹爲要上屬于衣而下廣爲齊衣全幅一則裳狹幅之三屬焉狹之度六寸積十有二則七尺有二寸廣之度尺有二寸積十有二則丈四尺有四寸此其大約也然衣前有領且前裾疊而後裾展故裳之幅前廣于後則後狹于前則不餘幅邊之直合以爲袷音篤則其直應繩以袷之長爲身之長古者上衣率二尺二寸裳如其人約餘四尺故短不見膚長不被土屬于衣袷可以運肘袂之本其徑二尺有二寸今加之可也微廣而員殺以爲袂之徑尺有二

寸行舉手而應規其長三尺有六寸則反詘之及肘袷  
之兩旁連屬縫之前後之幅不殊謂之續衽右邊交而  
左左邊交而右左右交鉤謂之鉤邊或曰幅之邊交鉤  
縫之則表裏如一也謂之鉤邊衣領之交其袷如矩以  
抱方也帶下當髀則窘上當脇則不裕當要圍之結于  
前重線而下垂之爲紳紳者言其屈而重之也紳之長  
齊其裳用組五彩約帶之結餘則垂之長齊其紳紳垂  
三尺則組之長六尺有三寸三寸以并組約而垂各三  
尺與紳齊焉凡帶古者大夫四寸士二寸今皆博四寸  
古者士以下皆禪而今夾縫之古者天子以素而朱裏  
諸侯大夫以素士以練居士以錦弟子以縞而今以白  
繪其飾之也以緇古之士帶也古者天子諸侯終裨之  
大夫裨垂士下裨今有爵者通飾之古諸侯之帶也無  
爵者飾其紳古大夫之帶也其長古者士三尺有司三  
尺有五寸子游曰三分帶下紳居二焉而今與裳齊禮  
從宜而有可以義起者也其繩具父母大父母以續具  
父母以青領表裏皆二寸袪邊齊表裏皆一寸有半今  
純以黑色之便也具慶加官純古也君子曰取義之多

乎其餘深衣乎衣之全也以象天也裳之博也以象地也袷之矩也以正義也袂之規也以容仁也背之純以中直也下齊之權衡以行平也故深衣者規矩準繩之服也服其服必思蹈其理焉是以君子清純以律天博厚以律地仁義以法規矩直其正以法繩平其行以法權衡故詩曰服之無斃又曰緇衣之宜兮小雅曰行歸于周萬民所望此之謂也

深衣外傳

宗周班祿之制自天子而下凡四等國自諸侯而下凡六等其下惟農農田百畝上農夫食九人上次食八人

至元學案補遺

卷八十二

夏

四明叢書

約圖刊本

中食七人中次食六人下食五人亦凡五等百畝均也而若是差地有肥磽力有強弱也然古者以周尺八尺爲步步百爲畝今以官尺五尺爲步二百四十步爲畝古者周尺當今浙尺七寸四分今之浙尺當今官尺一尺一寸三分絕長補短則古者百畝當今東田三十三畝有奇也以今三十三畝有奇之田一夫耕之其屋基與其租稅之入古又出之公田宜其力贍者食九人而無不足弱者食五人而亦有餘也予生二千餘載之後去周室遠矣學先王之道將以措諸國家謂君心可正



卿士大夫可齊民風可一夷狄可屏也而非有庠以養之非有卿士大夫以興之羣試有司類非宗周之制取聖人之經副字儷語謂之程文少有振厲則有司駭之以爲非度予以是數黜家貧親老亦甚病焉知子者以爲有志未遇責子者以爲未能忘祿仕也嗟乎有志未遇者時也而未能忘祿仕亦勢也使子得百畝之田而耕之予亦豈能區區然較得失一夫之目哉顏子一簞食一瓢飲不改其樂孔子賢之彼顏子猶有簞食瓢飲足以事育安知千載之下其貧又有甚于顏子者子也

上無可宮之椽下無可植之畝進無代耕之祿退無歸耕之計也食人之食則多愧自食其力則無地不然子何求哉子嘗欲于相山之下晏原之間爲舍八楹擬古一畝半之宅求田三十三畝有奇擬古百畝之田注下灌高擬古遂畝予負笠而荷蓀深耕而力耘畜雜種蔬上養下教閒歌七月之詩公劉之雅天子清源以厚下公卿大夫忘私以爲公使時和年豐稽事不擾則子也固三代之農也他何求哉子力貧而體弱不能爲上農之事庶幾其次次不能爲庶幾其中中不能爲爲中次

亦可矣故命之曰次農噫三代之治不可見百畝之田未易求安得遂吾之所求耶復安得見吾之所不可見者耶

次農說

爲師服者弔服加麻心喪三年古也古則不可以世俗之服爲服布襪俗服也今之服總功以上者用之生絹鉤領之衫俗服也今之服總麻者亦用之用今總麻之服是不得全其喪父無服之重也疑衰古士之弔服也其制今亡矣白布深衣古庶人之弔服也其制今猶有存古之士今之官也今之士其未仕者古之庶人也故

宋完學案補遺

卷八十二

高第 四明叢書

約園刊本

宜用古庶人之服而以深衣爲弔服昔者朱子之喪門人用總麻深衣而布緣矣今之深衣紵而非麻如之何曰凡布皆麻也古以三十升麻爲麻冕之布以十五升麻爲深衣之布故孔子以麻冕可從純而深衣之麻今無之自司馬公子朱子皆云用極細布則今深衣之布以紵代麻久矣其緣則禮孤子純以素是喪父旣除服之服也孔門喪夫子者若喪父而無服則以喪父除服之服爲若喪父無服之服是純以素可也其冠則庶人之弔素委貌今失其制以帛代之可也帛則何以加經

曰士冠其吉之冠也色玄五梁左掩右其非吉則素冠也色白三梁而右掩左今用素冠加經于內而生絹單帛加于外可也加經于冠可也而外用帛則又俗如之何曰用古之禮而不駭今之俗亦以代幅巾云爾加麻之經總服之經也今用麻而小之可也加麻之帶總服之帶也總服之帶亦布之細者也今用細紵可也然則用深衣則何履曰古有弔服而無弔履深衣方履古也然古之方履非獨爲深衣也凡履皆方也今之履凡履皆員也今之君子其服深衣員履從其俗者多矣方履可也從俗履亦可也

爲師弔服加麻議

武王周公伐殷誅紂而立武庚使管叔蔡叔霍叔監殷管叔以殷畔雖孟子亦認爲周公之過而蘇氏又盛稱武王之疏以成敗之跡言之過則誠過而疏則誠疏矣而聖人正其誼不謀其利明其道不計其功于此略可見然以處事之理言之固亦未爲疏也君臣之際天下之大戒昔者成湯伐桀則放之武王克殷而紂死矣武王爲天下除殘而已故不必加兵于其身也聖人惡之止其身而已固不必誅絕其子孫也于是立武庚以存

其祀以常情論之誅其父母而立其子安知武庚之不復反乎慮其反而不立與立之而不能保其不反是不得以存之也于是分殷之故都使管叔蔡叔霍叔爲之監以監之夫天子使其大夫爲三監監于方伯之國國三人亦殷禮也況所使爲監者又吾之懿親介弟也武庚何得爲亂于其國假使管叔而至不肖何至挾武庚以叛哉聖人于此亦仁之至義之盡矣不幸武王則既喪成王則尙幼而天下之政則周公攝之是豈其得已也彼管叔者國家之謂何又因以爲利彼固以爲周之天下或者周公可以取之己爲之兄而不得與也此管叔不肖之心也而況武庚實疑之于是唱爲流言以撼周公旣而成王悟周公歸而遂挾武庚以叛彼武庚者闕周室之內難以爲商之天下或者己可以復取之三叔之愚可因使也此武庚至愚之心也而況三叔實藉之于于是始爲浮言以誘三叔旣而三叔與之連遂挾三監淮奄以叛以三叔武庚之叛同于叛而不同于情武庚之叛意在于復商三叔之叛意在于得周也至于奄之叛意不過于助商而淮夷之叛則外乘應商之聲內

滅周公之子其意又在于得魯三叔非武庚不足以動  
眾武庚非三叔不足以開周公淮夷非乘此聲勢又不  
能以得魯此所以相挺而起同歸于亂周也抑當是時  
亂周之禍亦烈矣武庚挾殷畿之頑民而三監又各挾  
其國之眾東至于奄南及于淮夷徐戎自秦漢之勢言  
之所謂山東大抵皆反者也其他封國雖多然新造之  
邦不足以禦之故邦君御事有艱大之說其艱難誠大  
也有民不靜亦惟在王宮君室之說是欲閉關自守也  
大誥一書朱子謂其多不可曉以今觀之當時邦君舊  
人固嘗與于武王弔伐之事者非不知殷之當黜也特  
以時勢之艱大故欲違卜自守耳是以大誥一書不及  
其他惟釋其艱大之疑與其違卜之說自肆予冲人以  
下釋其艱大也予惟小子以下釋其違卜也爾惟舊人  
以下釋其艱大也予曷其極卜以下釋其違卜也若夫  
事理則固不在言矣抑大誥之書曰殷小腆曰殷道播  
臣子三監則略而不詳何也蓋不忍言也不忍言則親  
親也其卒誅之何也曰親親尊尊並行不悖周道然也  
故于家曰親親焉于國曰君臣也象之欲殺舜止于亂

家故舜得以全之管叔之欲殺周公至于亂國故成王  
得以誅之周公不得以全之也使管叔而可以無誅則  
天下後世之爲王懿親者皆可以亂天下而無死也可  
以亂天下而無死則天下之亂相尋于後世矣而可乎  
故黜殷天下之公義也誅管蔡亦天下之公義也夫苟  
天下之公義聖人不得而私亦不得而避也吁是亦成  
王周公之不幸也

三監論

書稱舜格于文祖卽受終于堯之祖也稱禹受命于神  
宗卽舜宗堯之廟也其禘黃帝其郊嚳卽宗堯之意耳

宋元學案補遺

卷八十二

夏

四明叢書

約園刊本

是以有虞子孫猶郊堯而宗舜以天下相傳則有天下  
之大統焉有虞受堯之天下則宗堯宗堯則禘郊堯之  
宗祖計堯以前亦或有然者矣况國語固云禘郊祖宗  
與報爲五則禮固有並行而不相侔者

宗堯論

古之國家子弟固非如後世之參養舜之爲田漁而人  
從之又非必如今之漁人陶工也或者見逐于父母故  
勞役之或避世嫡不敢居而自歸于田漁亦因是以行  
其政教而濟時之窮故雜書有謂舜見器之苦惡而陶  
河濱見時之貴糴而販負夏孔子曰耕漁陶販非舜事

也而往爲之以救敗耳此說雖出雜書而實得聖人之  
意又瞽瞍之欲殺舜在其初年之閒而堯之舉舜則在  
其克諧之後史記反覆重出而莫之辨固也然孟子當  
時亦不辨萬章之失何也蓋孟子不在于辨世俗傳訛  
之跡而在于發明聖人處變之心欲使學者得聖人之  
心以推天理人倫之至則其事跡之前後有無皆不必  
辨矣

舜漁陶論

舜郊畧宗堯則禹固當郊堯而宗舜矣而乃以堯舜之  
祀歸之舜之子孫顧自郊鯀焉何也曰此夏之末造也

宋學案補遺

卷八十二

夏

四明叢書

約園刊本

夫三聖以天下爲公則皆奉其祀三王之子孫以天下  
爲家則各祖其祖舜之宗堯禹之宗舜一也舜之郊畧  
禹之郊堯亦一也其郊鯀也則夏之末造也祀夏配天  
其諸始于少康乎于是郊堯宗舜則屬之虞思之國矣  
孔子曰杞之郊也禹也宋之郊也契也蓋商周存二代  
之後猶尊賢也尊賢則杞郊禹矣杞而郊禹則虞郊舜  
而唐郊堯者天子之事守也

郊鯀論

西伯戡黎武王也自史遷以文王伐者爲戡黎受之以  
祖伊之告于是傳注皆以爲文王失之矣孔子稱三分

天下有其二以服事殷是爲至德而傳稱文王率殷之  
叛國以事紂則戡黎之役文王豈遽稱兵天子之畿乎  
然則文王固嘗伐邢伐崇伐密須矣而奚獨難于伐黎  
蓋諸侯賜弓矢然後征賜斧鉞然後殺自文王獻洛西  
之地紂賜弓矢斧鉞得專征伐則西諸侯之失道者文  
王得專討之若崇若密須率西諸侯也自關河以東諸  
侯非文王之得討況畿內之諸侯乎三分天下有其二  
特江漢以南風化所服皆歸之爾文王固未嘗有南國  
之師也而豈有畿內之師乎

西伯戡黎辨

宋元學案補遺

卷六十二

皇朝四明叢書

約圖刊本

予謂而縛銜璧必武庚也後世失其傳也武王爲生民  
請命其于紂放廢之而已必不果加兵其頸也既而入  
商則紂已自焚矣武庚爲紂嫡冢父死子繼則國家乃  
其責故而縛銜璧衰絰輿櫬造軍門以聽罪焉武王悼  
紂之自焚憐武庚之自罪是以釋其縛焚其櫬使奉有  
殷之祀示不絕紂也若微子則遁于荒野一時武王釋  
箕子之囚封比干之墓固已恩禮舉行悉徧而未及微  
子以微子遁野未之獲也迨武庚再叛卒于就戮始求  
微子以代殷後而微子于此義始不可辭耳前日奔周



之說毋乃躁謬已乎箕子不奔周辨

炎古之野大地之洋波湯湯兮翠華重省方獨立回天  
天無光此志未就死矣死南荒不作田橫橫來者王不  
作幼安歸死其鄉欲作孔明無地空翱翔惟餘箕子仁  
賢之意留蒼茫穹壤無窮此恨長千世萬世聞者徒悲  
傷廣箕子操

附錄

幼而敏睿父兄稍授之書卽能記誦比長益自策勵

補太學生旣乃自悔其非屏舉子業不事取尙書熟讀

宋先學案補遺

卷六十一

四明叢書

約園刊本

而精究之

初見文憲請問爲學之方文憲曰居敬以持其志立志  
以定其本又問讀書之目曰自四書始

又見北山北山謂之曰令之屢言賢者之賢理欲之分  
便當自今始

往來何王二公聞何示以省察克治王示以涵養充拓  
語雖甚約先生服之終身嘗若有未盡焉

通鑑前編旣成以授許白雲曰二帝三王之盛其微言  
懿行宜後王所當法戰國申商之術其苛法亂政亦後

王所當戒則是編不可以不著也

嚴陵故有釣臺書院宇棟雖具誦絃久絕郡守聞先生之賢致書奉幣厚禮來聘先生感其言爲之一起至則因嚴先生懷仁輔賢之說攄發仁義之奧而極言之聞者始知義理之學眞足以動人

先生旣生有資兼濟以精識踐修涵養深造自得動作語默太和流溢四方學者風承響接肅襟造請先生因人開發如察脈投劑適中夫寒熱虛實之候動輒字格不俟終日或一時不契則寬以養之徐以誘之待其自得

宋學案補遺

卷八十三

夏四月明徵諸

一符圖刊本

謂古者有注必有疏朱氏于論語孟子製集注多因門人之問有所更定其問所不及者容有未備也及其于事物名數或以爲非要而略之乃皆爲之修補附益成一家言曰論孟攷證朱氏于大學旣爲章句又作或問而後之學者尙有疑焉乃隨其章第衍爲疏義以暢其旨申爲指義以統其會

柳道傳狀其行實曰先生之學以其絕稟濟之精識得于義理之涵濡而成于踐修之克闡研窮經義以究窺聖賢心術之微歷考傳注以服襲儒先識鑒之確無一

理不致體驗參伍錯綜所以應其變無一書不加點勘鉛黃朱墨所以發其凡平其心易其氣而不爲浚恆之求深鉤其玄探其賾而不爲臆決之無證自其壯歲韜英蓄銳致其人十已百之功固已深造自得乎優柔厭厭之域迨夫晚暮意篤見疑心和體舒所發皆粹益所處皆寬平于一動作語默之間自然丕冒太和之內而無回護掩覆之弊學之成已蓋若此

許白雲曰聖賢之心盡在四書而四書之義備于朱子顧其立言簡約意廣讀者或得其槩而不能悉究其義或以一偏之致自異而初不知未離其範圍世之詆訾賢亂爲新奇者其弊正在此耳此金先生考證之由所作也

又序先生論孟集注攷證曰先師之著是或臆枯其說或演繹其簡妙或摭其幽發其粹或補其古今名物之略或引羣言以證之大而道德性命之精微細而訓詁名義之弗可知者本隱以之顯求易而得難吁盡在此矣蓋求孔孟之道者不可不讀論孟讀論孟者不可不由集注集注有攷證則精朱子之義而孔孟之道章章

乎人心矣

吳師道跋廣箕子操曰宋末爲相者曾聘先生館中先生以奇策干之不果用而去先生感激舊知後爲賦此辭旨悲慨音節高古真奇作也

梓材護案王阮亭居易錄云仁山集二卷董道所編仁山道學不工詩而廣箕子操一篇特工又云此操似爲陳宜中而作

徐禮序先生言行錄曰先生于宋氏爲遺民禽粟不相及而憫發於邑抱一以終此所謂求仁得仁報不以養者哉

宋元學案補遺 卷八十二

皇朝四明叢書

約園刊本

馬平泉曰仁山生當宋事不可爲之時絕意進取宗法周程斯誠儒者之高蹈至因襄陽圍急進牽制擣虛之策蓋孫子救韓故智也然爾時元勢方強東有重關之固與戰國又自不同此策卽用未必遂撤襄陽之師然處無氣之朝上下痿痺以布衣談兵皇皇急國家之難雖濟否未可知就其發揚蹈厲亦足以少壯南朝之氣而爲低眉拱手空談性命者羞其顏而褫其魄矣我想當是時信國文文山方捧檄勤王拮据兵閒先生豈其流亞歟

汪先生蒙

俞先生學 合傳

汪蒙俞舉文定之徒也金仁山與之爲同門之友文定確守師傳凡文公語錄文集諸書商確考訂之所及取其已定之論精切之語彙敘而類次之名爲發揮文公成公所輯周程張子之微言曰近思錄者亦隨文箋義爲近思錄發揮未詮定而文定歿仁山乃與二先生續鈔校正篇次先後一仍文定之舊云 柳待制集

梓材謹案仁山文集書爲師弔服加麻議後云既而任功父以書來謂魯齋先生定議玄冠加帛深

宋元學案補遺 卷八十一

夏四明叢書 約園刊本

衣布帶加葛絰易蒙以養正聖功也功父蓋卽汪先生之子

魯齋學侶

補 修撰潘介巖先生埤

雲濠謹案文獻通考先生號芥軒

梓材謹案袁清容誌司獄潘君墓稱應澤二潘有言大潘君吾里人以介直忿世死先生一字介巖當卽大潘君是嘗主麗澤之祠而爲成公東萊私

淑矣

時先生充之

時充之口口人嘗訪盤溪有詩王魯齋次韻云聖賢常出此心公有爲爲之未必充絕學當歸三洞左正源欲

陰百川東坐春立雪誰能繼弄月吟風豈浪從方已爲  
頭力應鮮因循又過一年終

灑浴風雅

魯齋同調

參政文本心先生及翁

文及翁號本心成都人官至參政其爲侍郎也文文山  
與書言邸狀開屢見丐祠尊性樂在簡淡急流勇退仙  
風道骨人也但老文學爲諸儒典刑真侍從爲朝路風  
采上必不聽去耳又附道體堂書云本心癸卯榜眼後  
來廬陵省其叔可則先生時年十八邑校廉試全篇論

宋元學案補遺

卷六十二

真四明叢書

綱目刊本

題曰中道狂狷鄉原如何冠榜遂通譜焉

文文山集

附錄

嘗作賀新郎詞曰一勺西湖水渡江來百年歌舞百年  
酣醉回首洛陽花世界煙渺黍離之地更不復新亭墮  
淚簇樂紅妝搖畫舫問中流擊楫何人是千古恨幾時  
洗 余生自負激清志更有誰礪溪未遇傅巖未起國  
事如今誰仗倚衣帶一江而已便都道江神堪恃借問  
孤山林處士但掉頭笑指梅花盡天下事可知矣

隱君章先生叔和

章叔和東陽人有抱負不求仕進門人受業者遍東西  
州柳貫徐子奇出其門

東陽縣志

壽雲師承

李東谷先生景文

附弟景傳

李景文號東谷黃巖人黃超然嘗從之遊所著有東谷  
詩稿弟景傳號古梅理宗時與兄同登鄉科俱能文號

二李

台州府志

仁山講友

徐先生鈞

宋元學案補遺

卷八三

草

四明叢書

約園刊本

徐鈞字秉國號見心蘭溪人宋汀州使君時升之子以  
父任爲濠州定遠尉宋亡不仕家故多書日以史籍自  
娛與金仁山善延以教子朝夕相摩切明修己治人之  
道著史詠一千五百三十首許白雲張子長黃晉卿皆  
爲之序

金華徵獻略

張氏先緒

庠使張先生觀光

張觀光字直夫一字用賓東陽人世居邑南屏巖因以  
自號學者稱屏巖先生天性通敏羣經子史莫不涉覽

少游太學德祐納土從三宮北上用執政薦授婺州路  
儒學教授元初婺有學自先生始調紹興路平準行用  
庫大使以母老不起遂家于金華有屏巖小稿子長樞  
其子也

東陽縣志

方氏家學

補 尚書方蛟峯先生逢辰

蛟峯文集

古易經傳各爲一書至漢以上下經及十翼爲十二篇  
則已合經傳爲一矣後漢鄭氏懼學者未能一貫遂以

宋學案補遺 卷八十二

皇朝四明叢書

約圖刊本

彖象傳附各卦經後魏王氏又以彖象傳各附經下獨  
乾則鄭氏之舊耳乾聖人之事全體大用規模宏擴非  
切己實下工夫則羲文周孔之心實未易窺之予暗室  
屋漏自謂進德功夫正欲以文王周公之心不得不引傳各附經  
畫以孔子之傳求文王周公之心不得不引傳各附經  
下以便省察以自求切己實踐之益非爲人爲之也

易外

傳自  
序

予嘗謂學而時習之此洙泗教人第一語也生乎三代  
人皆有士君子之行秦漢而下斯民也獨非三代直道



之民哉教之無法而不習也

橫城義塾記

附錄

公天稟卓絕于書無所不讀而會于理學以爲歸宿自爲幕職官至秉麾持節所至以教化爲先務暇日輒從容庠序間授學者以求端用力之方自躬行上起自人倫日用上起

鄉寇猖獗官舍民居盡燬而書院巍然諸生來集倡明正道以致知力行名其堂以仁義禮智名其齋

楊升庵外集曰蛟峯未第時率羣士易登雲扁請邱公

宋元學案補遺

卷八十三

皇四明叢書

初編刊本

爲之記邱公記略曰丹漆金碧輝煌炳麗十手爭指十目爭視文則文矣安在乎堂堂之陳正正之旗空拳可以冒白刃乎日月卻從闕裡過功名豈向嬾中來此十四字座右銘也若文不副實非特爲諸君羞抑可爲是扁羞終篇千餘言父之子子師之于弟有難言者可謂法語之言而方公欣然受之明年舉鄉薦第一人貢成均狀元及第未必不激于此也

陳石士師論孫觀專祠摺子曰臣抵浙視事後據嚴州府淳安縣詳宋臣方逢辰奉祀生事衢州府江山

縣詳宋太學生徐應鑣闕門殉節應予奉祀生事臣  
覆核方應辰宋時名儒其祀典載在學政全書承襲  
奉祀條內固准予接充徐應鑣之一門忠烈係近從  
郡縣志乘查出雖尙未列入學政全書亦復可與接  
充

補府簿方山房先生逢振

附錄

方虛谷爲石峽書院賦曰子君玉之好脩兮鼓斯文而  
爲倡昆季儼其連璧兮邁穎坡之超放出寸雲必爲霖  
兮寧退處而孤抗肯斯堂于傍近兮奉聖賢之遺像聚  
學徒而泣止兮咸攝齊于函丈俾掃松而釋菜兮契予  
衷之歆仰撫鹿洞之故實兮謂升堂而受講

縣尉方巖隱先生逢嘉

方逢嘉字君會淳安人蛟峯弟領漕薦任無錫尉調轉  
船兩名司事凡知者累以文學政事公廉明敏薦俱不  
就歸隱于馬巖山號巖隱

姓譜

補隱君方富山先生一夔

梓林謹案嚴州志載先生幼承家訓壯與何潛齋諸者遊

蛟峯講友

主簿吳晉齋先生攀龍

吳攀龍字元登淳安人刻苦問學登咸淳元年進士第任饒州安仁主簿其與方蛟峯何潛齋爲同門友嘗見器于趙白雲爲大書齋扁曰愛敬又曰晉齋

嚴州府志

御史何潛齋先生夢桂

何夢桂字巖叟淳安人咸淳進士爲太常博士歷監察御史所著有易衍中庸致用等書學者稱爲潛齋先生

浙江通志

宋元學案補遺

卷八十二

易四明叢書

約園刊本

梓材謹案萬姓統譜言先生宋亡不仕于易尤精有先儒所未發者

雲濠謹案辟疆園宋文選載先生仕至大理寺太卿知時事不可爲遂引去至元初陳大海薦之朝授江西儒學提舉以疾辭後累徵不起又云所與遊者蛟峯方公止齋陳公似誤止齋與先生不同時又案有宋文苑作者攷稱先生初名應祈字申甫

潛齋文集

易六十有四卦而始于乾乾之四德而始于元春秋二百四十二年而始于君之始年紀年之首則又始于元元者其天地方開之運帝王出治之端最不可不謹者也夫子象易旣曰大哉乾元萬物資始董仲舒說春秋

亦曰春秋謂一爲元所以視大始也大哉始之爲義乎  
此易與春秋所以首之以元之一字乎 策問

蛟峯同調

補主簿蔣先生沐

雲濠謹案金華徵獻略載先生之里人孫德之譖之賈似道謫徙廬陵似道敗乃還

附錄

蛟峯爲記橫城義塾曰其鄉之長衢安恬本東萊水心  
說齋岷隱山堂講道之所故東陽至今彬彬多美才澤  
甫思所以成其美創義塾招賢師與一鄉之士共之猶

宋學案補遺

卷六十二

皇四明叢書  
約園刊本

以爲未大也閭一郡之士皆在焉猶以爲未大也閭鄰  
郡之士皆在焉其爲塾規曰一旬以九日讀聖賢書講  
明窮理正心修己治人之道以一日習科舉業可謂本  
末兼該也凡入塾者不限其來而始入也爲倍供生考  
其德業而陞行供生可謂教養有節也若夫起居出入  
有度登降揖遜有數周旋游息有矩條目纖悉備具斬  
斬截截有郡縣學之所無者

何氏學侶

監院何先生景文

何景文字俊翁潛齋從子同受學訥齋又同年登第初授合肥簿遷監行在文思院學問卓絕後進師之嚴陵志

魯齋家學

補 運使王敬巖先生必

雲嶽謹案先生嘗作朱子年譜序又有所記朱文公語後錄二十卷四庫存目錄紫陽宗旨二十四卷提要云舊本題宋王必撰其書採輯朱子文集語類分語人析理明經論事四門每門各分子目其中注語有出朱子原文者亦有出必所增識者又言浙江通志經籍明中以朱文公語後錄列爲一條而以此書附載于下不入標目則疑非必作矣

附錄

宋元學案補遺

卷八十二

吳四明叢書

約園刊本

北山送敬巖江東都憲詩曰褰帷不憚暑天長少試平生活國方吏竄民冤盡梳洗要令枯旱變豐穰又曰獄情微暖自難明著意平反或失平生死兩無纖芥恨考求須盡察須精又曰功夫真處在持操外澤中乾亦漫勞獨探聖言求實用豈同末俗爲名高

蔡久軒面奏答問曰及讀至王必子祠玉音云却是依他所乞公奏曰前後乞祠者多陛下未嘗遽從王必因此事一上祠請陛下卽與宮觀所以外間驚駭今若仍畀以事任則羣疑自釋矣上首肯之

金仁山祭之曰昔在孝宗相維魯公于時朱子亦在外庸書疏所通直辭正誼譬諸春秋責賢者備世莫知此曰盾曰矛數十年來公議悠悠惟敬巖公秉資超卓魯公之孫朱子之學兩公之門于是始通兩公之心至此昭融公在薦紳力行所學凜凜直清蹇蹇謬越在外服靡節煌煌所至政聲明敏剛方嚴陵之政士信民服江東之政家尸戶祝終其愈偉不畏于強匪狐匪鼠孰敢予抗風波畏途天日有赫詔公辭行佚公祠秩風木未盡壑舟已移如何不淑而至于斯

空完學案補遺

卷八十二

皇四明叢書

約園刊本

梓材謹案儒林宗派亦以先生爲魯齋門人蓋本魯齋族子也攷仁山祭文自稱里學生且云我從魯齋遂交思成實推實引以登公門仁山于思成爲同門于先生固以前輩事之思成疑卽思誠謂張先生潤之也

梓材又案黃晉卿誌承務肖翁墓言先生受業于文憲以及撝堂劉先生炎雙峯饒先生魯其學皆本于朱子于是言道學者推爲朱氏之嫡傳云

王先生璞

王璞魯齋族孫也魯齋爲作愛日齋箴曰天地之化一日不停歲不我與日月駿奔是以君子自強不息審己乾乾夕焉斯惕禹惜寸陰周公待旦矧是大聖罔敢或倦出作入息眾人蚩蚩自暴自棄老大傷悲我年嘗少

我學不力明德昧昧噬臍無及嗟爾小子毋曰妙齡髫  
鬣幾何頎頎而巾爾寒襲裘爾饑重味師友琢磨家庭  
訓誨牕牖明潔硯席清夷于焉不學鳥獸鬚眉相期爾  
深爾勵爾勉毋視他人我監不遠一善一惡夢覺之閒  
一喜一懼父母之年于斯二者兢兢業業毋怠而忘毋  
作而輟東方明矣圖書滿前視此名篇千程一鞭日云  
暮矣默計爾工歌此銘詩冰炭爾衷

州倅王中中先生子章

王子章金華人魯齋先生之諸孫也以文學倅海寧旣  
代且老猶日孜孜進德不已更號中中子

文學王先生雲卿

王雲卿玉齋之子與其羣從俱以材見用于時而先生  
得睦之文學掾黃晉卿送以詩序云睦學蓋呂公過化  
之地乃今朝廷右文興治朱氏之書方盛行雲卿又以  
文憲諸孫補呂公故處睦之人士得不有求異聞于雲

卿者乎

黃文獻集

敬巖同調

學諭陸先生震發

宋學案補遺

卷八十二

夏晏

四明叢書  
約園刊本

貢玩齋集

陸震發字德甫淳安人少聰敏書多淹洽而尤明于春秋淳祐中知州王必知縣虞姚力薦之朝以親老乞鄉校就養乃授學諭嘗撰修學記有云人之一心本自虛明本自廣大無賢不肖均具至理特患物于物而不能物物耳其修己教人一本諸此所著有春秋講義聚志一卷 兩浙名賢錄

魯齋門人

補 堂長王石潭先生賁

王蘊文語

宋元學案補遺

卷八十二

夏元

四明叢書  
約園刊本

惟求則非邦也與以後皆聖人之言非曾皙之問

車玉峯曰此語確然可信曾皙不應如此問其問無味

梓材謹案玉峯嘗與先生友

稱之爲隱君子見脚氣集

補 縣令陳南村先生天瑞

雲濠謹案萬姓統譜載先生爲待制公輔之後帥事王魯齋明性理之學志潔而行廉爲金華令有能名台州府志稱其與周敬孫楊廷楊錡俱師事魯齋世稱古堂先生

補 康敏黃壽雲先生超然

周易通義自序



易有太極是生陰陽陰陽交易而成對待易之體也所謂先天也陰陽變易而有流行易之用也所謂後天也體中有用用中有體萬化之原萬古之會萬象之蘊萬物之情萬用之經萬事之時盡在是矣大傳曰易之興也其于中古乎言其興則昔之廢可知也春秋傳韓宣子聘魯始見易象易象周公所作象詞獨見于魯則其晦又可知也先天當天地開闢之運中間得後天後天當再開闢之運又中間得十翼孔安國謂贊易道以黜八索雖其詳不可考意蓋可推矣彖傳象傳文言序卦雜卦所以翼文王也繫辭說卦兼義文而並翼也世皆以後天賴十翼而明爲夫子之功不知先天由十翼而傳微夫子後世殆不知有伏羲之易也夫子之功所以大也所以闢天地盛衰之運也此道若廢若興若晦若明更千有餘載然後有周子太極圖說有邵子皇極經世書發揮先天之蘊尤爲暴白其于天地盛衰之運亦非偶然出者於戲至矣超然少而讀易不得其門後乃求之周子邵子之書又取朱子本義讀之始粗窺蹊隧尙恨本義朱子嘗欲再修而未及于是悉其疲薶參會

互考始則採之先儒以盡其情中則反之部闈以竭其  
陋終則本之經意以斂其歸因而成表目曰通義通義  
者蓋將卽夫子通之文王之義以上溯伏羲之義也嗟  
夫觀吾之名書則知吾釋經之意矣昔者聖人之作易  
也非但以包羅理氣剖析象數而已一畫一辭乃理氣  
象數凝結而成文者也此所以闢天地之運也伏羲畫  
之文王繫之夫子翼之同爲出于理氣象數之自然亦  
猶之自本而幹自幹而枝不但太極自生出之後序爲  
然三聖之序猶是也此通義之所以作也

空齋學案補遺

卷八十二

皇朝四明叢書

約園刊本

周易發例自序

余嘗竊譬箋易當如畫家寫生六十四卦之義三百八  
十四爻之情正邪險易利害攻取猶之老少妍媸意興  
情態各隨其人不但位置耳目口鼻而已後世明智之  
儒數喜談易觀其筆力馳騁上旁下礴可謂健矣然未  
免自以意位置故雖極天下之至工而其人則不似也  
似不似未暇論或置口于鼻易耳以目則又不復爲人  
矣凡掩襲時義悖亂上下象外生占占外生說者皆顛  
倒耳目口鼻之數也易以德位時義爲重有此德當此

位適此時行此義處已治人之道趨吉避凶之機差之  
毫釐謬且千里如其實象失真虛理任意當靜反動當  
承反應聽其說雖美考諸事實乖是又如此五音而強  
目以聽盛八珍而責鼻以食其不至賊人之性也幾希  
予爲此懼每以讀易之法當先推卦義以求六爻之情  
情有難通則參以象象有難通則參以位位復難通則  
參以三百八十四爻之例例明而聖人之意十得其五  
六矣朱子嘗言上古之書莫大于易中古之書莫大于  
春秋竊謂易有吉凶卽春秋之有刑德也易以吉凶寓  
于三百八十四爻之行事春秋以刑德寓于二百四十  
二年之行事是故讀二書者皆宜究聖人命辭之例易  
例圓通苟能深明其意然後知圓通之中極爲謹嚴與  
春秋等今學春秋者必求春秋之凡例獨易之例乃置  
而不講上者鑿理下者鑿象精粗不同鑿均也凡例旣  
明易乃可窺作發例

宋學案補遺

卷八十二

聖四明叢書

一約圖刊本

梓材謹案元張蛻廬翁爲柔川書院記謂先生著  
有易通義二十卷別爲或問五卷發例三卷識蒙  
五卷若他所著西清文集十卷詩話十卷筆談十  
卷地理撮要十卷擬神會要曆十卷與歲計錄云

壽雲遺文

惟先王和民善俗之政雖節目至鉅然其先無不于鄉者是故鄉遂比閭以安其業鄉師稽器以共其事鄉射以序德鄉飲以賓賢又加鄉老于大夫之上以示所尊祀鄉先生于社以久所敬使其樂生重本之心固故各知愛慎而其教也易入恭長慈幼之習勝故不相慕犯而其化也易成民生斯時其相友相助相與扶持者豈特淳風未散使然哉上之人實造就之也厥後商鞅變法萬古罪首然猶鄉置三老以掌教化自後言之鞅可盡嘗耶

天台縣太平鄉義社記

宋元學案補遺

卷八十二

羣書四明叢書

約閱刊本

夫自有文言以來世之著爲書者何其多也往往書益多世益不理興亡盛衰循至無窮甚者叔末之所遭乃有載籍之所無者世不悟本尙欲馳驟于言語聲技之末以誇當代而垂無窮凡若此者皆非居士今日之所讀也

西清道院記

山居宜蜂蜂往來游泳寂寞聞之尤宜予滋喜之于喜之中又有甚敬者焉凡蜂之惑必有王王存與存王死與死義無他適吾取其節每歲春秋之仲蜂有色黑而大者曰烏蜂烏蜂能卵爲王後王將蠶動前王輒別徙

眾多隨之其留不去者則留奉後王野人謂蜂分吾取  
其讓一日兩衙以朝其主吾取其禮菌花爲糧釀露爲  
醴其所飲茹必草木之精華與夫沆瀣之清冷舍是不  
屑飲與屢飲播閒之食者遠吾取其潔數千百爲羣朝  
採暮啣各競其職其王未嘗數數然策之也彼自力耳  
吾取其整春之食儲以待夏秋之食積以御冬吾取其  
豫門守甚致他爲患者以死拒之不使得入吾取其嚴  
養蜂之家時其蜂之盛割房取蜜又取房爲蠟足供世  
用載在本草尤爲醫家所重吾取其惠噫吾人處世偷  
生以圖存習懶以爲安勤不足以備乏才不足以利眾  
有愧是蜂者多矣蜂之節張巡許遠輩人也其讓魯隱  
公之所愧也其禮三代之儀也其豫九年之蓄也其潔  
屈大夫所爲列于離騷者也其整諸葛武侯王猛之理  
其國者也其嚴齊之徒人費也其惠仁人君子所以利  
物者也然則予不特甚敬之又甚愧之故髣髴焉而不  
得者也

蜂記

附錄

壽雲與車玉峯往來金華王魯齋之門得理學之傳而

尤精于易

幼有高志聰明博達讀書不閒晨夜研精探奧絕出流輩每雞鳴盥櫛就書齋戒子弟不得通賓客及關白家事必待午餉行乃許行之率以爲常

推本伏羲先天圖翼以邵子皇極經世著周易通義發程朱傳義未盡之意別爲或問發例釋象

其證議曰故壽雲先生黃超然文肅華胄詩禮名家學貫六經尤邃于易安居恬靜不以貧窶動其心性識高明不以功名易其志博達之才道德之化漸于鄉里也

空齋學案補遺

卷八十二

夏臺四明叢書

約園刊本

遠淵源之學仁義之教發于後人也深故旣沒而名益彰所著周易通義等書羽翼程朱開明後進是宜于設教之所賜以書院之號所謂鄉先生沒而祭于社者先生有焉定議易名國有令典按謚法壽考且寧曰康好古不怠曰敏請謚康敏

梓材謹案柔川書院記云書院建于黃氏之塾故家向宋工部尙書懋始徙台之黃巖州九世爲承奉郎汝霖生兩淮提舉希愈提舉生光山令應時令生太學內舍景龍內舍生壽雲先生超然所謂

文肅華胄蓋指尙書懋也

補 教授張導江先生頌

雲濠謹案先生所著自四經歸極孝經口義喪服  
總類冕弁服考引穀訓蒙經史入門闕里通載准  
陰謀稿等書及  
文集若干卷

### 導江文集

象設非古也開元禮猶云設席是無象也高臺巍坐而  
席地之禮不可見帶劍秦漢冠服之飾也開元禮朝會  
猶有解劍之席冕服挾劍未之有聞二者之失所從來  
久矣神位西坐東向尸位也配位東坐西向主人位也  
自尸禮廢禮家謂自內出者無匹不行自外至者無主  
不止故立神以配而爲主焉開元以後遷神位南面配

宋正學案補遺

卷八十二

夏吳四明叢書

續開刊本

位猶故也進顏孟南向參列如浮圖老子宮者孔子祖  
庭廣記謂金大定四十年所行何所稽乎楹閒兩階五  
齊三酒以四代之器爲備物之享也列數瓦缶果爲何  
說尸尊不就洗禮也登罍爵于牀洗者以尸尊自居犧  
象不錯諸地主入遂不坐實爵簡亦甚矣幣之未薦寘  
諸神位之左亦不敢褻陳之階庭與主人俱升則不嚴  
矣蓋事由草創未之講也

釋奠儀注序

### 附錄

生始四歲主簿君攜以見李秀巖真西山俱目爲奇童

改試春秋平舟楊棟勉之學義理之學

師魯齋君有才華以所讀書十數條演繹其義質于師不答君請曰某不敏願先生啓發之乃出君所論指示之曰若所論昔人已嘗如此云云朱子所不取也俾讀論孟精義自此君得聞所未聞

既而平舟罷參政居台而台之趙守及臨海趙令並喜講學君造請其間多所資益

自六經語孟傳注以及周程張氏之微言朱子所嘗論定者靡不潛心玩索究極根柢用功既專久而不懈所

宋元學案補遺

卷八十二

夏

四明叢書

約園刊本

學益弘深微密南北之士鮮能及之

爲三氏教授鄒魯之人服誦遺訓久而不忘

正顏孟配位南向之失升曾子子思配饗以周程張邵司馬朱張呂九儒從祀

先生氣宇端重音吐洪亮講說特精詳子弟從之者說說如也

教人讀近思錄爲四子階梯四子以朱子章句集注爲本次讀儀禮詩朱氏傳書蔡氏傳易先朱子啓蒙本義以達程傳春秋胡氏傳張氏集傳讀史及諸子百家定



其是非邪正文書字亦爲有法

梓材謹案姚牧庵爲呂經歷神道碑有云蓋文公夫婿黃勉齋饒雙峯師事焉導江則受學雙峯牧庵與經厯子誅善導江弟子也其言當得其實是先生又爲雙峯門人又案虞道園序孔林廟學新設管句簡西碧之任詩云前三十年導江張達善氏嘗爲孔林之師固嘗發明斯道之大以迪其人矣張先生吾蜀人某外祖氏之門人也外祖卽平舟楊氏也

補聞人桂山先生說

梓材謹案王忠文爲聞人凝熙墓表云宋季有諱留者爲金華縣令因家焉縣令生逸孫元初爲溫州路儒學教授教授生誥老仍世業儒號桂山翁娶劉侍郎諸孫女實生凝熙凝熙幼有異質學有鄉方鄉先達定庵王公翰與其子魯齋文憲公柏崇尙伊洛之學以承朱子之傳翁皆及其門而所

聖學案補遺

卷八上

夏四明叢書

約園刊本

學得之定庵爲多于是以其所得者以教凝熙父子自爲師友據此則先生實名誥老然考宋潛溪爲凝熙行狀言教授娶王先生誥之女生子號桂山翁翁生始二歲而教授亡王後去適項氏翁聽于其家因從其姓及長娶劉而生凝熙乃以凝熙還氏聞人是誥爲先生外祖之名矣未知孰是

補州判盛聖泉先生象翁

梓材謹案台州府志載先生生宋季嘗從車玉峯黃壽雲二先生遊得淵源之學則先生嘗及黃氏之門矣又稱士人遊其門者踵相接因其所居與聖水山近遂尊之曰聖泉先生又云延祐間始由薦辟官平陽汀州路教授聘典江浙行省文衡識陸文奎高古之文所著又有易學直方本源云

隱君楊樵寄先生銘

楊錡字宗彝臨海人嘗師事王魯齋魯齋謂之曰子有

用才也吾語汝學之體用同舍張達善自以爲不及每稱曰畏友制置司及臬司辟皆不就自號樵寄幸民一日疾革索筆書曰八十有五失德事無啓手啓足吾知免夫所著拾掇等稿上蔡師說

台州府志

### 王先生全夫

王全夫名玉慶東陽湖滄人潛心理奧從王魯齋遊嘗稱其讀書不苟不爲入耳出口之學

正學編

### 楊陳講友

### 曹先生淇

宋元學案補遺

卷八十三

夏四明叢書

約關刊本

曹淇字元圭號霞窩天台人與郡人楊珏陳天瑞車若水黃超然爲友倡明理學于上蔡書院台之儒風一時爲盛有訓兒錄

台州府志

### 導江講友

### 補貞獻趙松淵先生宏偉

梓林謹案吳禮部送時彥誠序稱趙公子英持使者節來浙東以古道風勵學者後進晚生不倦獎誘之于許君深所敬禮

延教其孫鍾字伯器者

### 敬氏先緒

### 補提學敬大寧先生鈗

常博敬先生文長 合傳

敬鉉字鼎臣易州人祖父及兄皆進士起家先生亦第進士爲中都路提學著春秋備忘四十卷仁宗朝命刻其書嘗隱居大寧山學者稱大寧先生從子文長有學行官太常博士平章政事儼其子也 畿輔通志

雲濠謹案謝山補平章傳以先生爲其大父據此則其從祖也攷元史儼之祖名鑑則從祖是矣又案經義考本吳草廬集載先生春秋備忘三十卷明三傳列入卷其言四十卷者似誤又先生續屏山杜氏春秋遺說入卷見張氏內閣書目又案文長史作元長

附錄

宋末學案禮選 卷八十二

吳中四明叢書 約圖刊本

吳草廬序先生春秋備忘曰弱冠受讀學之三十年而始著書年幾七十而修改猶未已前後凡五易稿總數十家之說而去取之其援據之博采覽之詳編纂之勤決擇之審至謹至悉惴惴然不偶易可謂篤志窮經者矣

梓材謹案湛然居士集載李屏山臨終出鳴道集說付敬鼎臣曰此吾末後把交之作也子其勵之當有賞音者是先生固屏山之徒也

姜氏先緒

姜先生澤

附師楊夢午王月溪趙松坡董覺齋

姜澤字潤甫蘭溪人祖父以資雄于鄉先生生而父母  
卒或欺其孤蠱蝕幾盡女兄歸金華楊某者挾之以歸  
楊氏鞠育之如己子稍長俾從鄉先生楊夢午王月溪  
趙松坡董覺齋遊志慮淵冲而識見迥拔云 宋文憲集

立齋家學

王先生彥恭

王彥恭立齋之姪也立齋夜對梅花示以詩云羈旅不  
自怡坐閱芳歲晚江湖有莫逆梅花遠到眼平生相慰  
藉風期無近遠今夕共短檠與子興不淺又曰羈旅閱  
世紛坐念百憂集共子時劇談滿懷冰雪潔儀型誰有  
常梅花靜玉立何用對忘憂歲寒偏有益 濂洛風雅

仁山門人

補文懿許白雲先生謙

雲濂謹案先生國朝雍正二年從祀孔廟

粹材謹案胡仲子爲白雲亭記曰儒者之學尊本

明統宋南渡以來朱子嘗以是傳之黃文肅公再

傳而爲仁山金公至先生蓋六傳矣永康應典八

華精舍義田記云許子之學受之仁山金子金子

受之魯齋王子王子受之北山何子是皆以何王

金許遜傳故胡氏上湖朱黃爲六傳也其竇仁山

初從魯齋卒業于何祇得爲朱子之三傳至先生

亦止四傳爾

宋寧案補遺

卷八十二

夏

四明叢書  
約圖刊本

許白雲說

古之學者出于口而可以心存存于心而可以身踐

白雲經說

六經載道之器欲求道者不可外乎經

詩以順性情之正易以謹事變之幾禮以固其外樂以和其平書以示聖賢之功用春秋以誅賞其善惡

讀書叢說自序

自堯至襄王六十五君堯元年至襄二十八年歷年一千七百三十四而惟十八君之世有書以亡書攷之亦

宋學案補遺

卷八十二

夏四明叢書

約園刊本

惟沃丁太戊仲丁河亶甲祖乙五君之世有書十篇耳自此二十三君之外其餘豈無出號令記政事之言蓋皆孔子所芟夷者緯書謂孔子求帝魁之書迄于秦穆凡三千二百四十篇雖其言未必實然有書者不止二十三君則明矣愚嘗謂聖人欲納天下于善無他道焉惟示之觀戒而已故孔子于春秋嚴其褒貶之辭使人知所懼于書獨存其善使人知所法是知春秋之貶辭多而褒甚寡書則全去其不善獨存其善也雖桀紂之事猶存于篇蓋有聖人誅鉏其暴虐消弭其禍亂獨取

乎湯武周公之作而非欲徒紀其不善也至于羿浞之篡夏幽厲之滅周略不及之觀此則聖人之心可見矣

梓材謹案四庫全書著錄先生讀書記六卷提要云自蔡氏書集傳出解經者大抵樂其簡易不復參攷諸書白雲獨博覽事實不株守一家故稱叢說又云書內載其師金氏說為多卷首書紀年一篇即據仁山通鑑前編起算其間得失雜出亦不盡確然宋末元初說經者多尙虛談而白雲于詩考名物于書參典制猶有先儒篤實之遺是足貴也又著錄詩集傳名物鈔八卷提要云白雲雖受學于王魯齋而醇正則遠過其師研究諸經亦多明古義故是書所考名物音訓頗有根據足以補集傳之闕遺卷末譜作詩時世其例本之康成其說則改從集傳蓋淵源授受各尊所聞然書中實多采用陸氏釋文及孔氏正義亦未嘗株守一家名之曰鈔蓋以此云提要持論平允第以白雲

宋元學案補遺

卷八十二

夏四明叢書

約園刊本

受學魯齋未知所本攷白雲以宋咸淳六年庚午生越五歲咸淳十年甲戌魯齋卒不得爲受業弟也

### 讀四書學說

學而章集注先覺二字當專以古之聖賢言之蓋聖賢制行立言無非天理之至凡威儀之節六藝之文經之所載者皆足爲萬世之準的學者當于此求知其理學行其事故有成而無弊然皆日用之常未有出于人倫之外者至于今之先覺不過資之使指引以求聖賢之心耳蓋其學未到此地位不可便把做準的也當把先

覺之所爲五字作一串看乃得其意

坐如尸坐時習立如齊立時習此是就人所爲上提此二字以爲例以二者推之則凡動容周旋事親敬長接人應物各隨其制而習之是無事無時而不習也又進步言之坐如尸則于坐之始終時習之如尸立如齊則于立之始終時習之如齊是一事上無時而不習也兼此二義看方備

朋來之樂有二意善固人所同有我既得之而朋友相從亦皆知之能之道合志同人我無閒此是及人之樂

宋五學案補遺

卷八十二

夏竦四明叢書

約園刊本

又我之樂雖自以爲得而未知邪正淺深今朋友之來自近及遠如是之眾則是我之學果同乎人心而可信此是爲己之樂

本經三節以文勢言之學習與朋來不愠是一截說樂君子是一截然君子之德之成非獨不愠所能致若但不愠卽是成德則孤陋寡聞而人無可知異端邪說而人不是我乃悍然不顧讎讐自得其罪不亦大乎故朱子曰故惟成德者能之又曰德之所以成云云而程子亦曰非樂不足以語君子言須上兩節工夫方可成德

巧言章集注以專言之仁當之若總而言致飾悅人全是私意故天理混弊而言巧言是無信令色非莊是無禮不能守正而求說于人是不知義外飾欲欺人而終爲識者所知是不智一舉而心德皆亡

知巧言令色之非仁則知直言正色之爲仁然此只就言色上論蓋仁是心之德延平先生所謂當理而無私者也凡欲動于中則心私矣其接于事不當于理者皆非仁也夫致飾于外不當理也務以悅人皆私心也推此類而言之則非禮之視聽言動心私違理處皆非仁

宋元學案補遺

卷八十二

頁蓋四明叢書

約園刊本

本注人欲肆而本心之德亡雖就言色上言而所包者甚廣又恐學者止于言色上致察故著程子之說于圈外使人隨事致察而立心以公也

弟子章謹信守身之事上下四者接人之事以孝弟爲行之大故言于先其實以謹信二字貫于四者之間蓋謹信則孝弟愛眾親仁皆得其道己不謹信則四者皆無實至于學文亦謹信者能之

君子不重章是學者最先用力處心主忠信貌存忠厚內外相應方可爲學不忠信則心虛妄不重厚則貌輕



躁虛妄輕躁如何學得道人資質稍聰俊者最要戒輕  
輕則百事皆不成道在天地間只是實理至重至大如  
何被輕躁人擔當得去

慎終追遠章慎終存哀中之敬追遠動敬中之哀

信近章集注謹之于始慮其所終始者信也恭也因也  
終者復言也遠恥辱也可宗主也慮者欲近義禮而得  
其親也謹者必近義禮而得其親也

無求飽安章敏于事是敏速于行事無懈惰之氣無優  
游之心見義卽爲如恐不及又不但主于行事而已至

宋元學案補遺

卷八十二

晏四明叢書

絢圖刊本

于學文明理之事亦欲敏速所謂爲學務時敏也

以上學而

道之以政章德禮固能化民而非政刑則德意不能徧  
流于下所以平天下必用絜矩之道有法制禁令則德  
澤方可下流雖堯舜之世而有四凶刑亦不可廢也朱  
子恐讀書者謂聖人立意前一節不如後一節只就德  
禮上看而輕政刑因于圈外明聖人本具此意所謂有  
關雉麟趾之意然後可以行周官法度本末之謂也

孟懿子問孝章三家僭禮因魯僭天子故三家僭諸侯  
有併及天子之禮僭之者如三家視桓楹喪而設撥葬

禮之僭也八佾舞于庭歌雍以徹俎祭禮之僭也其他如朝服之以縞自季康子始又如臺門而旅樹反玷繡黼丹朱中衣大夫之僭禮則三家凡居處服御無非僭也處已如此則處其親者可以類推

如愚章如愚承教時也其私臨事時也師友難疑答問之際須是見識闡明事理通達直下承當是之謂發顏子既無疑于夫子之言心領神會却不會見于言但實踐于行故聖人著箇亦字謂雖不言而其行亦足以發吾意也要看得言字重便見意言與私對愚與發對置亦字在中閒此亦字不是閒慢語助辭

宋元學案補遺

卷八十二

夏

四明叢書  
約園刊本

溫故章時習舊閱而每有新得故非一也必時時溫之或溫此或溫彼也溫則必有所得溫此有得溫彼亦有得一溫有得又溫亦有得時兼新故每兼累溫時每二字注中活眼

誨由章內六知字稍有不同上下兩知字總言心之知中間四知字指一事之知而言

民服章居敬窮理爲舉直錯枉之本窮理則燭枉直明居敬則舉錯當居敬又窮理之本也

子張問十世章人稟五行之全氣而生故皆得其理之全所謂木神爲仁金神爲義火神爲禮水神爲智土神爲信以五行之形言之木時發生金剛斷制火有文采水善流動土重不遷俱各有意此是五常之原此五者亘宇宙窮古今不可變而又只是日用常行之理故曰常以上爲政

泰山章當時四分魯國季氏取二孟叔如一魯君無民亦無賦雖欲祭不可得季氏既專魯則凡魯當行典禮皆自爲之旅泰山若代魯行事耳亦不知其僭冉有誠不能救也欲正之則必使季氏復其大夫之舊魯之政一歸于公然後可此豈冉有之力所能故以實告之孔子亦不再責冉有而自歎也

告朔章朔之爲言蘇也謂月之魄也已滿明皆盡至晦日而死矣月之一日明乃復生是死而復蘇也

兩其字指告朔而言謂爾愛其告朔之羊以爲無實而妄費我則愛其告朔之禮恐因此名而後可復其實

管仲章三歸臺名三歸算法也言作臺度其基廣袤若干尺高若干尺而其頂廣袤若干尺取上下之數中折

之則其半廣袤若干尺以爲作臺之數

韶武章韶樂今不能知樂記言武樂有發揚蹈厲之容夾振駟伐之事是于樂中見用武戰鬥之意舜武皆聖人不是征伐便不及堯舜然揖讓氣象自是好征伐氣象自是不足故曰武未盡善以上八句

惟仁者能好惡章凡仁者必知非知不能行仁故纔說仁人便是有知者知人善惡者知也好惡之者仁也仁里公治長章集注其必有以取之矣其字指長也取之猶言得之言長取之也謂聖人言其可妻是必長有德而

宋元學案補遺 卷八十二

要元四明叢書

約園刊本

有以得聖人此言矣若云聖人有取乎長則不須用其字此章兩節要見不是一時說話其意便自分曉

孔文子章大凡天資敏銳必視學爲易而不能細索深求精思篤好至于恥下問節曰尤多貴者恃位恥問賤富者恃財恥問貧年高者恥問幼能者恥問不能多恥問寡凡此皆是切中學者之急病如是則文子自是可師當自省而痛治之

三思章當用格物工夫在思之前理旣明則所思可善若未明理再思也未合理百思也未合理聖人只就文

子一斷其思之過而格物之道自然見于言外

以上各治長

雍也章集注中有主是說以敬存心自治嚴是說以敬

治身

朱子謂自處以敬則中有主而自治嚴程子謂居敬則

心中無物一言有一言無似相抵牾蓋有以理言無以

欲言則二說正相發

賢哉回也章集注周子令程子尋孔顏樂處意猶在知

上朱子則教人學顏子之學行之久而有得則我亦自

有顏子之樂矣

宋學案補遺 卷八十二

皇朝明徵書

約園刊本

博文約禮章約是收束向身意思集注約要也通釋曰

博謂泛而取之以極其廣約謂反而束之以極其要此

語精切 以上雍也

德之不修章講學是此章之要既學又須是去講論然

後明義理皆是講學中來講既明了則知德之所以修

義之所在而徒有不善者而改之若不先講學則三者

皆不知當爲之則只作知行徒義改不善是修德之

目

富可求章如不可求一句上添一其字下添一何字則

語意自明 以上述而

三分有二章周都在雍州梁在雍正南豫居雍東南徐居豫東荆居豫南揚居徐南故六州皆歸周了紂都冀州兗居冀東青居冀東南故三州尙屬紂此亦是大約如此 泰伯

在川上章如字非如似之如不是以川流比道是正言道之流行也如斯正指流而不息一道體就氣化流行處說是說所以生物者未說到物上二道體是就物上指形而上者而言三道體指物而言本注道體是道爲物之體段程子道體是物爲道之體質 子罕

宋學案補遺

卷八十二

皇明叢書

約圖刊本

廡焚章雜記曰廡焚孔子拜鄉人爲火來者然則乃孔子之私廡故于退朝而後問 鄉黨

子曰師也過章集注以道以中庸爲至一句爲主方說得上面過不及意明不然則是子張之才德過子夏而子夏不及子張矣故過中失中歸于中屢提起中字說柴也愚章吳氏謂通下章爲一章然前四人以賢言後二人以學言也庶乎對億中屢空對貨殖顏子惟庶乎所以樂天至于屢空而不顧子貢惟不受命故但能億

事而已

聞斯行諸章夫子非教冉有不必稟父母之命稟命自是常禮正恐冉有遇義當行者不能勇爲耳蓋行事須是有決斷志在必行然後稟命而卽行若見義前却自無主見不勇爲則非父兄使之也稟命之意卽在聞斯行諸之中 以上先進

顏淵問仁章克己復禮是分說四勿是合說此章全以禮字代仁字蓋仁以理言恐難捉摸體認故以天理節文之禮爲言仁卽天理之公禮卽天理之節文本非二物也身之接于物者事事合乎節文而無一毫私僞卽是人欲淨盡天理流行卽爲全體之仁

仲弓問仁章上二句敬以持己中兩句恕以及物下兩句敬恕之效驗孟子謂強恕而行求仁莫近焉行恕熟卽仁行仁須自恕起

先事後得節粗鄙近利粗就忿忘身上言鄙就攻人惡言近利就得上說

樊遲問仁章虞廷聖之臣固多而獨言舉皋陶者蓋大禹終受帝禪此下惟皋之德最優舜命禹總師而禹之

所讓惟皋及帝贊之則曰臣庶罔或干予正民協于中  
時乃功又曰四方風動惟乃之休于此正見得不仁者  
遠意思以上頌淵

修己以敬章修己以敬一句敬字重下修己兩句敬字

亦在其中憲問

人無遠慮以地言之人若無千里之思慮則憂在几案  
前以時言之人若無百年之思慮則憂卽在頃刻間衛靈

公

逸民章六人之德伯夷叔齊爲最虞仲夷逸次之柳下

宋元重案補遺 卷八十二

耳三 四明叢書

約園刊本

惠少連又次之前言七人後止六人不見言朱張者或  
是朱張之德無可稱或是失簡皆不可曉

太師擊章古者天子一日四飯魯用天子禮樂其君必  
一日亦四飯所謂亞三四飯乃于飯時主作樂侑食之  
官也不言初飯者或主初飯之官不他適也以上微子

不知命章有天理之命有氣數之命天理之命人得之  
以爲性者也氣數之命人得之以爲生死壽夭貧富貴  
賤者也此章命字蓋兼二者而言知氣數之命則利不  
必趨害不必避知天理之命則利不可趨害不可避堯



○以上  
論語

水神爲仁火神爲禮金神爲義水神爲智土神爲信凡  
言往來開闢只是說氣然必有理爲之主氣譬如舟所  
以乘載理譬如柁所以運舟者也此所謂神卽理之妙  
者也大抵說陰陽五行只是說氣而理自然在其中

大  
學  
章句

在明明德句凡言德有二意得天理而存于心者德也  
行道有得于心亦德也此明明德字就得處言則是上  
一意及加明之功而有得于己然後有下一意

宋元學案補遺

卷八十二

原書四明叢書

約園刊本

賢親樂利節金先生曰賢其賢者高山仰止景行行止  
崇其德也親其親者敬其所尊愛其所親象其賢也樂  
其樂者風清俗美上安下順樂其遺化也利其利者分  
井受廩安居樂業沐其餘澤也

如惡惡臭二句惡惡臭好好色人人皆實有此心非僞  
也二如字曉學者當實爲善去惡若惡惡臭好好色之  
爲也此二句作兩層看

康誥曰如保赤子一節保赤子是父母愛子之心如保  
者是言君養民亦當如父母之保赤子赤子不能言父

母保之雖不中不遠况民之能言而意易曉者所欲與之聚所惡勿施雖不中民之心亦不遠矣前言孝弟慈而此獨就慈上言者蓋治國是上之撫下故專就愛民處言

絜矩章矩以器言卽木匠之曲尺也以義言則方也總言則用曲尺以度方絜矩卽是度義兩字此章大意治天下在乎絜矩而絜矩于用人取財處爲要然得失之幾全在忠信驕泰上發于心者忠接于物者信則事皆務實好善惡惡皆得其正而能盡絜矩之道存于心者矜驕行之以侈肆必不能絜矩則遠正人而讒諂聚斂之人進矣

以上大學

卷八十二

聖學案補遺

五

四明叢書

約園刊本

中庸專言道故起首便言道學道統道學主于學兼上下言之道統主于行獨以有位者言之至孔子之生他無聖人在位則道統自在孔子凡言統者學亦在其中學字固可包統字

理與氣合而生人心爲一身之主宰又理氣之會而能知覺者也人心發于氣如耳目口鼻四肢之欲是也然此亦是人身之所必有但有發之正不正爾故但云危

謂易流入于不善也道心發于理如惻隱羞惡辭讓是非之端是也亦存乎氣之中爲人心之危者晦之故微而難見大抵人心可善可惡道心全善而無惡

繼往聖開來學此學字應前道學字前道學是總包上古以來相傳者此學字是夫子教後人者言繼往聖是明夫子教人亦是述上古聖聖相傳者耳則子思所憂者豈專指夫子之教哉

以上中庸序

不偏不倚是豎說中字指未發之體而言無過不及是橫說中字指已發之用而言此皆以四旁影出中字平

宋毛學案補遺

卷八十一

夏英四明叢書

約園刊本

如地之平而無杌隉危處常者一定之理無詭異又常久而不可變易惟其平正便可長久奇異險怪便不可長久平橫說常豎說此是正解庸字總之惟中故庸中而又須可庸乃中庸之道

中庸解

致中和節位育以無位者言之則一身一家皆各有天地萬物以一身言若心正氣順則自然晬而盎背動容周旋中禮是位育也以一家言以孝感而父母安以慈化而子孫順以弟友接而兄弟和以敬處而夫婦正以寬御而奴僕盡其職及一家之事莫不當理皆位育也

但不如有位者所感大而全爾

道之不行也節道不行不明非是人不行之不明之是言道自不行于天下不明于天下謂大道窒而晦也

子路問強章南陽方北陰方陽舒散而陰收斂舒散便和柔收斂便剛勁此蓋大約言風氣之偏則風俗隨異其實南人豈盡柔弱亦有剛勁者北人豈盡剛勁亦有柔弱者然寬柔以教不報無道是言柔之甚而善者衽金革死而不厭是言剛之甚而過者

索隱節索隱是求人之所不必知行怪是行人之所不必行

李學案補遺

卷八十二

夏圭

四明叢書  
約園刊本

詩云鳶飛節活潑潑地此是程子形容子思用鳶魚兩語使人知化育流行如此活潑潑地學者須真見得天地萬物皆如此流動充滿活潑潑地略無滯礙之意方可

道不遠人節人之爲道而遠人此爲字重猶言行道不可以爲道此爲字輕猶言謂之道

齊明盛服節齊明盛服只就心上說盛服乃說身齊是用功屏其思慮之不齊者而一于所祭之鬼神明是既

齊而心之體明潔不雜可交乎鬼神也

武王末受命節末猶後也終也蓋周自太王王季文王累世積德累功國土已大最後至武王始受天命爲天下君周公乃承之而追王先王如此說末字則與上下文却相貫穿訓末爲老恐未安

武王周公節舜之孝行于一家故只謂之大孝周制禮達乎天下故曰達孝

敏樹是樹藝之樹是活字

仁者人也此是自古來第一箇訓字言混成而意深密

宋元學案補遺 卷八十二

夏四明叢書

約園刊本

深體味之則具人之形必須盡乎仁其所以盡仁則不過盡人道而已朱子所謂天地生物之心人得以生者元者善之長人具此生理自然有惻怛慈愛之意皆是就源頭指出示人與他處解仁字不同

語錄道前定不窮一句連上三句都是在裏面是有箇妙用千變萬化而不窮之謂事到面前都理會得都處置得

有弗學節學問是資之于人思辨是求之于己蓋學須要自得故雖有學問兩節工夫又恐入耳不能注心未

爲自得也子思示人誠之之方至矣

相在爾室節人居屋漏之中自視其身尙不分明以譬君子不但于人所不知己所獨知之地而慎之于己所不知之地亦所當慎也此節首章戒懼之事首章自內說至外故先言戒懼而後言慎獨末章自外說至內故先言慎獨而後言戒懼

以上中庸

梁惠首章君子利己之心不可有利物之心不可無孟子不言利是專攻人利己之心絕利己之心然後可行利物之事然利物乃所以利己也至于不遺親後君則已亦無不利矣但不可假仁義以求利耳

宋元學案補遺

卷六十二

夏四明叢書

約園刊本

沼上章麋鹿魚鳥各得其所咸遂其性可見文王德被萬物都在春風和氣中觀兩在字而下文魚鹿云云尤見文王仁及物而物感動處物且如此于人可知

晉國天下莫強章易猶淺也此金先生說蓋耕深則土疏通而苗易發達耘淺則但去草而不傷穀根

以上梁惠王

公孫丑章公孫丑問管晏而孟子獨鄙管仲不言晏子晏子之事任才能功烈皆非管仲比而管仲輔桓爲五霸首尤天下之所共宗仰故孟子惟斥管仲

置郵字書馬遷曰置步遞曰郵漢西域傳因騎置以聞  
師古曰卽今驛馬也黃霸傳郵亭師古曰書舍謂傳送  
文書所止處如今驛館

養氣章孟子之學是知言養氣知言卽知道知道屬心  
爲內養氣屬事爲外格物致知以明心遇事行義以養  
氣然所以知其義而集之者心也卽志帥之說至于集  
義是要心無愧怍旣無愧怍則氣自生雖有內外之殊  
及其至也只是養此心耳

知言則盡心知性萬理洞然何所疑惑養氣則動皆合  
義遇事卽行何有畏怯二者旣合何能動心

有事勿忘是直養勿正勿助是無害

握苗一段八十五字專言私意害氣之失

孟子之學盡格物致知之功故能明夫道義而于天下  
之言皆知其是非邪正而無所疑然所以致其知者亦  
自夫前聖賢之言而得之故知言雖是致知之效而致  
知未始不因言也所以朱子以盡心知性爲知言之本  
至于養浩然之氣雖專在于集義而欲集夫義必先知  
義所在然後可是知言又集義之本也知言以開其先

養氣以培其後此所以不動心也然孟子之自言知言却只說知詖淫邪遁是全說今人之言蓋此章本意是說應事不動心故也

以上公孫丑

道在遷章仁義根于人心人所同有行之則甚近而易其要在乎親親長長但人人各自親親長長則仁義流行天下其有不平者乎

君子深造之以道章主于行而知在其中工夫只在深造以道四字上至于自得則自然有以下效驗以知行二者各體認之可見孟子之意主于行者爲尤重也程

卷六十二

夏正四明叢書

約園刊本

子則專主于知故在圈外

以上離婁

性猶杞柳章人受天之理以生本具仁義禮智之性人之有惡是失其本性之善非其真也告子不知乃謂人性本不善因矯揉以爲仁義猶矯揉杞柳以爲桮棬孟子謂人之于仁義乃其本有而所當行者豈矯揉而成若告子謂矯揉而成乃是戕賊人之常性而爲之耳桮杞柳以爲桮棬是戕賊之也非可以喻仁義也若此言之行人不知者將真以爲戕賊人爲仁義誰肯從之是仁義之禍也



欲貴章世人但知公卿大夫之爵爲貴而不知在我之身皆有貴者乃天所賦之善所謂天爵也天爵人所同有故思則得之人爵各有命分雖求之無益孟子前章尙有修天爵而人爵自至之說此章則于人爵下兩不願字是不將這箇爲念

以上告子

伯夷辟紂章主意在文王之政有國者所當法不主言二者之去就

口之于味章性也之性氣質之性也有性焉之性天地之性也有命焉之命本以氣言而亦有禮在中爲之品

宋學案補遺 卷八十二

皇四明叢書

約園刊本

節限制命也之命本以理言而所稟之氣有清濁厚薄之不同上五者人性皆欲之而有命分不同不可必得然亦有禮在中品節其命分下五者本皆天理而却有命分一定不得其至君子則但循天理而行以求至其極故不爲命分所拘

以上盡心

梓材謹案經義考載先生讀四書叢說二十卷立齋書目有又云未見四庫書目者錄者四卷提要云書中發揮義理皆言簡義該或有難曉則爲圖以明之務使無所疑滯而後已其于訓詁名物亦頗考證有足補章句所未備于朱子一家之學可謂有所發明矣蓋係兩江總督採進本人學中甫各一卷孟子二卷中庸闕其半論語已全闕然二十卷之本馮君雲濠撰經閣有之俾盛茂才炳漢

節其要  
義如此

八華講義

書曰惟學遜志務時敏厥修乃來允懷于茲道積于厥躬人生無知無能必學而後有所得學者當順遜其志虛心以求專以是爲務無時而不敏則修者卽源源而來矣蓋爲學之效甚速人疾不求耳苟專力以求之則無時無處非益也其效之速旣如是能篤信而深念于此攻之逾深則道之積于身者日盛矣遜志則有細密之功時敏則無間斷之患其來其積皆自此得之古來

宋元學案補遺

卷八十二

夏臺四明叢書

約園刊本

論學實始于此固萬世之成憲也然而所學果何事耶學爲聖人而已聖人果何學而至耶聖人之性非與人殊不過盡人倫之至而已學者以聖人爲之標準知其的日行以求其至明其道而不計其功至于聖賢之分量成效之淺深皆自然而然己不得預也一有計駁期必之心則非所以爲學矣且天之生人也其倫有五曰君臣父子夫婦長幼朋友五者天下之達道舉天下之事錯綜萬變莫不畢在五倫之中天之賦人以形卽命之以性其類亦有五曰仁義禮智信五者天下之常道

舉天下之理支派萬殊莫不畢在五性之中詩曰天生蒸民有物有則人倫物之大者也五常物之則也昔者聖人使契爲司徒教以人倫父子有親君臣有義夫婦有別長幼有序朋友有信曰勞之來之匡之直之輔之翼之使自得之又從而振德之使教者以是而教學者由是而學蓋人倫之外無餘事也五常之外無餘理也父子之所以親爲人心本有此仁君臣之所以合爲人心本有此義心本具乎禮長幼所以有序心本具乎智夫婦所以有別朋友之所以交非心本有此信乎五常之理原具于吾心而無少虧人倫之事日接于吾身而不能舍此道之所以不可須臾離也此學之所以當遜志而務時敏也五常之道配乎人倫雖各有所主然而未嘗不互相爲用父子主于仁而深愛和氣愉色純容是仁之仁父母有過諫而不逆是仁之義應唯敬對周旋慎齋是仁之禮先意承志樂心不違是仁之智生敬死哀事親有終是仁之信此事父之大略也君臣主于義而以君成禮弗納于淫爲義之仁道合則從不可則去爲義之義責難于君陳善閉邪爲義之禮達不離道

澤加于民爲義之智託孤寄命節不可奪爲義之信此  
臣事君之大略也由是而推之保身以盡夫孝致身以  
盡夫忠細微委曲莫非五常之用也又廣而推之夫婦  
之別長幼之序朋友之信五常不可勝用矣鈞是人也  
鈞賦是性也聖人生而知之安而行之眾人則迷而漸  
遠故效先覺之所爲乃可明善而復其初然而天下之  
理豈易窮天下之事豈易周非盡博學審問慎思明辨  
之功不可也自中古君師之職分則敬敷五教之任不  
出于司徒而切磋琢磨之責全在于朋友或扶持開導  
獎勸誘掖于人欲未萌之先或攻擊淬礪防閑禁遏于  
天理既虧之後心之方虛則使戒懼于不睹不聞之際  
意之初動則使謹慎于己所獨知之時是以講貫乎仁  
之理明則父子得其正義之理明則君臣得其正禮智  
之理明則夫婦長幼無不得其正矣是故朋友之名雖  
居五倫之後而于學問之事實先朋友之職較之四倫  
若輕而于學問之功實重學者欲極夫四倫之理宜盡  
朋友之道欲盡朋友之道在明夫信而已矣天之道一  
于誠其流行則爲元亨利貞之德人之性一于信其昭

著則爲仁義禮智之綱故曰誠者天道思誠者人道信者誠之異名能盡人之信則可契于天之誠矣朋友講習非信無以成德也某少而失學長而寡聞闕茸迂疏鹵莽滅裂雖嘗立于碩師之門歷時淺而用功微環顧其中未少有得諸君過聽強要而來欲以輔仁內實懷愧諸君天資卓犖問學有素年若道似略無相踰未知所以奉益也然愚平昔誦聖人誨子路知之爲知之不知爲不知之語深所服膺每欲以信自守講問辨析有分寸之知敢不傾竭爲諸君言苟所不知不敢穿鑿爲

諸君誑諸君其亦篤于信以求天性敦于朋友以求盡人倫交勸互發非彼得則此得焉庶不孤此會也  
八華學規

心靜明理之本

貌恭進德之基

剛毅乃足自勵

謙讓可以求益

有善當與人共

有惡勿忌人攻

以上各自省察去其所有勉其所無

出入以時

有故必告

言語無雜

講議無譁

觀書無泛

作事無惰

勿相爾汝

勿作無益

宋王學案補遺 卷八十二

國朝刊本

約國刊本

右請互相警省同歸于善幸勿外敬內慢面從退違

附錄

甫能言母陶氏授以孝經論語入耳輒不忘

自登金氏之門卽以聖賢之學爲己任師弟子開口授  
指劃盡得其相傳之奧閱四年而金氏沒先生乃益加  
充闡自得者爲多

于書無不讀窮探聖微雖殘文羨語皆不敢忽有不可  
通則不敢強于先儒之說有所未安亦不苟同也

有自省編畫之所爲夜必書之其不可書者則不爲也

旁而釋老之言亦洞究其蘊嘗謂學者孰不曰闢異端苟不深探其隱而誠其所以然能辨其同異別其是非也幾希

延祐初居東陽八華山學者翕然從之尋開門講學遠而幽冀齊魯近而荆揚吳越皆不憚百舍來受學焉其教人也至誠諄悉內外殫盡嘗曰已有知使人亦知豈不快哉或有所問難而詞不能自達則爲之言其所欲言而解其所惑討論講貫終日不倦

嘗告其門人曰近年少氣銳每每奇論迷不知復流爲

宋元學案補遺

卷八十二

夏全四明叢書

續編刊本

誕妄非小失也聖人明道設教制爲六經故後之欲問道者必求諸經然經非道也而道以經存傳注非經也而經以傳顯由傳注以求經由經以知道蘊而爲德行發之爲文章事業皆不倍乎聖人則所謂行道也傳注固不能盡經意而自得者亦在精思之後耳不然梯空凌虛而遽自尊大道無是也

嘗作白雲亭詩云夜深來此倚闌干十里樓臺俯首看月到中天花影正露零半地草光寒氣清頓覺山川近意遠從知宇宙寬一笑直從雲外落幾家兒女夢初殘

柳道傳祭之曰以仁巖之達識而遜于二老之閒其傳緒之真固的然歸之王氏之世緬鄉學之重光山爲暉而川爲媚奈何聖蘊之宗遂厭戎馬之氣兄時弱年展也立志士之從師猶女之從人必先介而後贅方登門請事之初已得其人于進趨旋視之際曰微是子之粹凝其何以當任重道遠之寄會先生起從祠塾之特招而承顏接辭之素願因得不踰跬而自遂人十其功而已百之學必至充類而爲知晝劃糜以加浪夜熱薪以照字披攘墳典采摛訓傳務爲高深宏遠而不墜于習俗之嘗翳苟蹈道之弗頗亦皇恤乎室之空而躬之瘁吳淵穎哀頌先生辭曰君天資深厚學力純至手鈔口誦志行彌篤家故貧僦屋以居達人大官踵門候謁交剡論薦曾不爲之少動山東兩河江淮閩海之閒賓客弟子担簷負笈執經請業又必爲之搜撻明白斟酌飽滿而後去君信可謂得夫師道之重矣

鄭師山挽先生詩曰宋朱徧窮海婺水獨淵源學悟文辭陋人知德性尊邱原今若此洙泗復誰論賴有遺風在能令薄俗敦



黃文獻誌其墓曰先生出于三先生之鄉而克任其承  
傳之重遭逢聖世治教休明三先生之學卒以大顯于  
世

又曰程子之道得朱子而復明朱子之道至先生益尊  
先生之功大矣

吳正傳序先生讀四書叢說曰君上承淵源之傳雖見  
仁山甚晚而契詣最深天資純明而又加以堅苦篤實  
之功妙理融乎言表成說具于胸中問難開陳無少凝  
滯抑揚反覆使人竦聽深思隨其淺深而有得焉

宋元學案補遺

卷八十二

夏十四明叢書

約園刊本

又序先生詩集傳名物鈔曰公念朱傳猶有未備者旁  
搜博采而多引王金附以己見要皆精義微旨前所未  
發又以小序及鄭氏歐陽氏譜世次多乖一從朱子補  
定正音釋考名物度數粲然畢具其有功前儒嘉惠後  
學羽翼朱傳于無窮豈特小補而已哉

張長史序讀書叢說曰先生不幸無位退而求之于經  
不爲新奇不爲近名卒以救往說之偏得聖人之意而  
會乎大中之歸既沒而其言立其施于人者溥矣

馬平泉曰文懿翩翩如白鶴翔于雲中豈塵埃之網

所能及耶史稱其不以科舉之文授及門曰此義利所由分也亦翹然自著其高標然吾聞之孔孟生今亦應舉此非朱文公之言乎文懿爲紫陽世嫡豈未之聞耶且夫一王之興自有制度朝廷以文章取士而士本所學以爲文而應之何不義之有豈違制而廢君臣之義爲義乎雖然夫子云天下有道則見無道則隱亦顧其時何如耳是故無不可作之制藝而有不可進取之時文懿于當時政治必有所大不安于心者是言也其殆託詞而欲與其徒共遊于評論之外也乎號稱白雲蓋取嶺上多白雲之意其所以自怡悅者深矣

補  
臺掾郭先生子昭

粹材謹案先生汝寧人佚其名子昭其字也袁清容集有先生淮東廉司經略餞行詩序云子昭之更事不拘文以求苛者也若醜渠于川順其自然激射穿鑿不能以逆水之性又稱其學優而辭工

補  
文肅柳靜儉先生貫

雲濠謹案先生行狀受經仁山又從鄉先生方鳳與粵謝翺括吳思齊遊大肆于文復裏糧出見紫陽方同淮陰翼開南陽仇遠句章戴表元永康胡之純長孺兄弟又往授隆山牟應龍史學粹材謹案先生墓表江西秩滿而歸杜門不出自號烏蜀山人扁其齋曰靜儉

柳道傳說

六經垂世立教之言不可一日不明于天下也

文肅文集

孔明挺身託孤不效不攝而人無閒言權逼人主不疑  
不忌而士知所勸所謂約官職從權制開誠心布公道  
蓋無非帝者之政也觀其規模宏遠真足以鼓舞豪傑  
憑藉一世而身隕未幾炎祚遂熄知之者不過以爲是  
特將略之雄耳而不知儒者明體達用之學至孔明無  
餘蘊矣 國學私試策問

宋李樂補遺 卷八十二

夏竦 四明叢書  
約園刊本

學者大抵有自利之心而志日益卑道日益遠夫其自  
利之心根著于中則未得謂得未至謂至自高者恥于  
問自多者恥于求而若剽掠纖碎緣飾淺末已足以雄  
夸于制作之林而爲獵取名爵之資矣 答臨川危太僕書

古之教者家有塾黨有庠遂有序國有學自閭胥族師  
黨正州長其屬民皆有教治政令其考德糾過皆有勸  
戒故閭側左右塾之出入受教者卽其視養于庠而進  
射于序者也曰賢曰能則鄉遂大夫以禮而賓與之者  
也曰有道曰有德則大司樂之教以樂德樂語樂舞者

也州鄉之考察其法詳司徒之升選其制嚴學校因閭井而興閭井因學校而睦幼之爲小學壯之爲大學內之爲國學外之爲鄉學鄉吏教于鄉師保教于國無一學不厚于民無一民不麗于學其先後有序其終始相成蓋如此

建德縣修學記

義出于人心而還以制乎人心者也惟其本義以制情是以因義以成利

鄭氏義門記

士不幸不生聖人之時不被聖人之澤是則繫之時矣而又幸而得乘道統絕續之運出于諸儒完經翼傳之

宋元學案補遺

卷六十二

夏堂四明叢書

約園刊本

餘進獲所承而退獲所守是豈不又繫之人乎

崇化堂記

書院之作往往擇勝林樾寄懷泉石撫雲霞之舒卷攬霽晴之往來所以爲高深爲流峙未嘗不與陰陽之升降理欲之消息者相尋于無窮學豈有他術哉亦驗諸此而已

新修石門洞書院記

學可勉而至德必養而成養之熟不熟固繫學之至未至孟子所謂知言者至之之事而養氣者得之之功然則配義與道之氣以直養而無害則知爲致知言爲知言德爲成德而踐于君子之域也果矣

杜思成更字說

自聖學不明羣儒雕鏤組繡分裂破碎千五百年而周程張邵五夫子重徽繼照六經之道煥然復明于天下而堯舜禹湯文武周公孔子所以載道立教之言人極賴以扶持人心賴以開濟者千萬世如一日也然而宇宙之閒光風麗日之時不多于風雨晦冥之變龜龍麟鳳之蓄不多于鴟鴞蛇虺之羣章明開拓之未幾而蠹蟻剝蝕之隨至人心世變其相爲闕闕于茫昧不可致詰之中者君子常視之以爲學術消長之候

仁山先生行狀

附錄

宋石學案補遺

卷八十二

夏禮四明叢書

約園刊本

公之生也外大父閭門俞葵及其父知汝州金同擢右科進士第因名之曰賁義取以兩文易兩武賁于今文爲賁故公自署其名爲賁云

吳文正公徵嘗語人曰東陽柳君卿雲甘雨也程文憲公以墨丸授先生曰文章正印今屬子矣天下士將被其澤

由助教爲博士前後在弟子列者千餘人業成而仕後多知名

泰定三年出提舉江西等處儒學先生典學甚有聲所

至必延名士以教學者凡興復學宮事不遺餘力諸生敬若神明其後出爲名臣良吏者甚眾

戴剡源送先生赴江山序曰江山固衢佳邑道傳又金華良士不患無以盡其才昔夫子歎十室之邑必有忠信而憂好學之不至道傳往而以好學鼓動江山之人道之成也豈惟江山聞江山之風者且將四面裹糧而來也

蘇滋溪序先生文集曰施教訓于成均則胄子服其學司議論于奉常則禮官推其博

宋元學案補遺

卷八十二

夏竦四明叢書  
約園刊本

黃文獻表先生墓曰公修漢先賢徐孺子墓立宋高士蘇雲卿祠古碑碣所紀有關於名教者必訪求而重刻之苟可以扶世導民者無不爲也讀書博覽強記靡所不通故其文灑肆演迤眷容紆餘才完而氣充事詳而詞藪蔚然成一家言老不廢詩視少作尤古硬奇逸而意味淵永晚益沈潛于理學以爲歸宿之地焉

戴九靈記墓表碑陰曰先生之見知于當世久矣然其所以知先生者徒以其文耳而德之蘊于躬者人未必盡知之也今想其溫如春風肅如秋霜粲如雲霞之卷

舒凝如崖嶂之森峭恢恢乎而有容也汪汪乎而莫測也澄澄乎而不可撓也之以之正家則家治以之蒞官則官治蓋將無所施而不可然則先生之學豈直文而已哉

宋景濂狀先生行實曰先生雖居巖壑海內仰之猶如魯泰山作鎮海隅莫不以其出處爲斯文隆替之候生平以獎進人才爲己任諄諄勸誘至老不倦讀書博覽強記自禮樂兵刑陰陽律曆田乘地志字學族譜及老佛家書莫不通貫善楷法工篆籀京兆杜公本謂其妙處不減李陽冰爲文章有奇氣春容紆徐如老將統百萬兵雖旗幟鮮明戈甲焜煌不見有喑鳴叱咤之聲若先生者庶幾有德有言爲一代之儒宗者矣

又先生私謚文肅議曰惟先生之文天下靡不聞知以德配之于義爲稱先生之德宏深博大茲不敢擬議然表見而易觀者非曰肅乎

王先生真文

王真文

隱君楊西清先生復義

楊復義字子宜西安人宋末與父偕隱師事金仁山歸于西清授徒講學當事屢徵辟不就常衣葛行吟草澤閒家素饒裕立義學義廩義塚時號爲西清隱士

衢州府志

康靖孟森碧先生夢恂

詳見簡齋門人

教授王斗山先生庭槐

王庭槐東陽人台府教授受業仁山門嘗開義塾名曰

道院

東陽縣志

梓材謹案先生號斗山見胡古愚所作王氏義塾學田記

白雲講友

宋元遺集補遺

卷八十二

夏四明叢書

約圖刊本

山長蔣先生迅雷

蔣迅雷字聲甫東陽人善詞賦胄監劉必大取其文上之授衢州柯山書院長遭憂歸遂不復仕柳道傳許白雲皆嘗同遊先生既老歲與鄉耆爲會稱述古先長老遺訓聞及風俗美惡使弟子聽之扁其堂曰老老堂白雲爲之銘

隆慶東陽志

大使許遜齋先生文奎

別見滄洲諸儒學案補遺

縣尉潘先生明之

潘明之口口人至大閒嘉興尉與金華許白雲友善白



雲稱先生英資挺特德性剛明傳朱呂之學能折節下  
民在縣時嘗聘白雲教其縣人白雲未赴先生亦遂解

縣姓譜

州同李適庵先生惠

李惠字公澤東陽人博涉經史志行高潔大臣以才薦  
爲歸德州同知力辭不赴居石門築園蒔花木與同人  
論文談藝鼓瑟爲樂作石門六觀詩許白雲陳鹿皮皆  
相屬和著有適庵集 金華徵獻略

白雲學侶

宋元學案補遺 卷六十一

夏 四明叢書 約國刊本

補 修撰張子長先生樞

梓材謹案先生幼受教于父屏巖先生觀光元史  
隱逸傳言先生嘗著春秋三傳歸一義列定三國  
志又林下節議曲江張公年  
譜各一卷做帚編若干卷

張長史集

昔三代之時道術旣一風俗旣同士生其閒學藝修明  
而德行純備其出而見于世皆可以爲大夫士君公上  
賴其成而下被其澤歷世浸久而風聲不口者由習之  
于豫而用之得宜故也後世論人之方不能如古而士  
以未成之才輕試于用往往習之非豫而用之不得其

宜是以政不堅凝而民受其敗

禮部郎中吳君墓表

附錄

其爲文務推明經史以扶翼教道尤長于紀事

謂學春秋者必始于三傳而其義例互有不同乃辨析其是非會通其歸趣參以儒先之說裁以至當之論爲三傳歸一義三十卷又謂啖氏于春秋卓然有見于千載之下而陸氏繼之所纂春秋微旨以朱墨別三傳之當否歲久漫滅寔失其真乃重加考訂爲三傳朱墨本若干卷言有未周意有未暢則出新義以補之

宋元學案補遺

卷八十二

四明叢書

約園刊本

謂三國之正閏固不待言自古有國必有號史亦從其實而書之漢之爲漢未嘗稱蜀陳壽欲帝魏而以晉承其統遂以蜀易漢抑此以伸彼也壽父獲罪于諸葛武侯而壽又爲武侯子瞻所薄故于武侯之駿功俊烈多略弗著而武侯再挫司馬懿亦沒而不及內以報私憾外以爲時諱也譙周壽之所師力贊後主納款于魏賣降覆國不以爲非反善其策餘所書往往類是乃糾其疵謬之害義正其繁簡之失宜爲刊定三國志六十五卷又別撰漢本紀列傳附以魏吳載記爲續後漢書七

十三卷三國之臣有能致節于其君者舊史或諱不書而失其實或僅見于異代之史皆爲更定而于漢事必備載以詳正統或一事數說必參訂使歸于一是非疑似抑揚予奪咸有論著繫于各篇之後名曰訓志

宋亡死事大臣概登史冊其卑官下吏士卒婦女之死者史多弗錄先生乃詢諸故老旁採稗官得若干人爲宋季逸事若干卷

先生高才博學有目空四海之意白雲爲文予之略曰子也夙昔尙友古昔範模經訓馳騁史籍雖百家之縱橫猶三餘之摘摭目五行而俱下口一誦而終憶援弓矢以有待茲墉隼之可射爾其致廣極高抑鋒止銳茂花發于深根大聲震于宏器誠旣積而莫掩道何遠之不致蓋微箴之云

補郎中吳正傳先生師道

雲濠謹案先生所著有易詩書雜說春秋胡傳附辨戰國策校注敬鄉前後錄及文集二十卷經義考載先生春秋胡氏傳附辨雜說十二卷吳淵穎集作補說

梓材謹案先生上袁伯長學士書云以鄉書上禮部獲出先生之門是清容爲先生受知師也又題于介翁詩選後云愚年十二三時從之遊會以故舍去是先生嘗及于氏門矣

吳禮部說

道散于羣經會于四書經者道之所存而事之本也

吳禮部集

士者眾民之綱綱先壞而餘隨之必也變今之道反古之制使士有常用用有常尊而賢者出焉爲之範防裁制則一正而民定何亂之足云

原士

二氏之立言高者直指性命爲宏闊勝大之說聰明者惑焉卑者談禍福緣業輔以禳懺禁咒愚昧者信焉今之目之者曰是能祈天永命也是能救災致福也如是

宋元學案補遺

卷八十一

三十四明箴書

約園刊本

而已不知其誕也是尊信其粗而未始及其精也夫其能自立者在禁欲忍難而其溺人心則性命之說爲尤甚今也爲其徒而不知其道尊其教而不及其精徒曰佛老之盛蓋眩于耳目之外而不察其實固未嘗盛也是猶橫潦之無根羸人之盛氣豈足恃也哉

吳端說

涵養須用敬進學則在致知學者工夫惟居敬窮理二事正容謹節存心主一居敬之事也讀書問道應事接物窮理之方也二者皆主于敬焉斯言也先儒所以會聖賢之精微而示人以約者與備體用本末而入德之

要與

與許益之書

義文周孔因時之教變通不同固難執彖徇卦執象徇爻以求其必合復古者正欲救學者支離牽合之弊非若程朱傳義專解經旨可相附也

與劉生論易書

事莫大于存古學莫善于闕疑夫子作春秋仍夏五殘文漢儒校經未嘗去本字但云當作某某讀如某示謹重也

戰國策校注序

禹謨曰功洪範曰疇二字未嘗互見謨陳德政教養之事範著天道人爲之蘊範之體段固大于謨彼所云功

宋元學案補遺

卷八十二

三

四明叢書

約湖刊本

者指其成績而言可言順而不可言逆可言吉而不可言凶若六極者可以言功乎戒休董威義主勸督九功之事曰休曰威雖與作福作威者類此指君之所得而福極蓋有君所不得爲而多係于天者矣

謝氏洪範衍義後序

齋居四箴

子幼而志學行年三十而業不加進過未能寡其于成己之道可憾多矣端居深念因爲四箴以自儆曰學曰思曰言曰行庶乎約守近修交至互發以適其至善之歸云爾

汝之向也靡靡乎騁外今也知反乎內吾幸汝之悔也  
汝之向也剛銳以日倍今也不加進而苦退吾懼汝之  
怠也勉之哉志不可墮資不可恃工不可盡效不可覲  
若是不至則非汝之罪矣

學箴

心虛而靈思睿以通廓然心量非思曷充知由爾精義  
自爾窮審意之發決志之從弗昏以繆時乃之功聖人  
不思吾則豈同動而無邪靜儼其容敬以一之齊聖之  
終

思箴

汝言好直直則取憎眾人好諛諛則汝弗能雖然吾弗

宋完學案補遺

卷八十二

三

四明叢書

約園刊本

患汝之弗直而患汝之弗慎其出也人言萬端巧佞詭  
欺陰飶而試陽導而隨汝直弗悟亦害之貽嗚呼察之  
幾反之思思而得之言然後時

言箴

力行天下之獨奮志百世之上不知者以爲愚未信者  
以爲妄嗟嗟君子惟病夫已究觀汝昔亦允蹈已先民  
有言靡不有始敬之敬之往慎汝止聖賢同歸天地是  
似謂予何人爲之則是

行箴

附錄

遷建德縣尹郡學有田七百畝爲豪民所占郡下其事

建德俾先生究治之卽爲案其圖籍悉以歸于學

中書左丞呂思誠侍御史孔思立薦先生經行高宜爲  
人師召入爲國子助教

君在京師未嘗事造請惟晨夕坐館中課諸生講明經  
義表章正學惟恐不及或以爲太嚴者君聞之曰爲人  
師而可以寬自處乎吾盡吾職而已遑及其他

嘗語諸生曰聖人之道至朱子而大明朱子之學至許  
文正公而得定向非許公見之之確守之之固其不爲  
異論所遷者幾希故在館三年一遵朱子之訓而守許  
公之法未嘗以私意臆說參錯其間

宋元學案補遺

卷八十二

書

四明叢書

約園刊本

諸公言于朝請以劉文靖公因從祀孔子廟廷事下國  
子監君以爲劉公以蓋世之才而爲朱子之學其學術  
之正固無愧于從祀然事大體重非學官所專決必廷  
中集議而後可施行始疑其持兩端不肯卽下議未幾  
咸以爲是

吳淵穎序先生春秋胡傳補說曰春秋聖人之法書世  
之學者猶議法之吏惟其知聖人之道揆而宅心恕  
然後可以通聖人之法守而立說坦夷蓋惟程氏爲能

通乎制事之權衡揆道之模範又無完書世之盛行胡傳而已胡傳本于程氏之學程氏之學又信乎聖人時中之大法也然而猶有所未備者焉今也正傳乃從而補之誠是也正傳其真議法之吏哉

黃晉卿序先生文集曰初紫陽朱子之門人高第曰勉齋黃氏自黃氏四傳曰北山何氏魯齋王氏仁山金氏白雲許氏皆發人正傳金氏里中子不及受業其門而耳濡目染其微辭奧義于遺編之中間以質于許氏而悉究其旨趣是以近世言理學者發爲最盛

宋學案總編 卷八十二

夏四明叢書

刻圖刊本

又曰正傳旣以道自任晚益邃于文剖析之精援據之博論議之公視古人可無愧其所推明者無非紫陽朱子之學其好己之道勝則昌黎韓子之志也

呂氏先緒

呂水西先生汲

呂汲字仲修永康人少嗜學至老不懈讀書務窮理而于百家數術靡不旁通其說自號水西翁子權遺從許

益之受學八華山中

黃文獻集

張氏先緒



補 學正張頤庵先生行

補 教授張木齋先生主善 合傳

張衍金華人延祐閒爲湖學正著述四書諸章發明聖賢傳心要旨號頤庵趙子昂篆扁後以教授致仕子主善承家教名動山林號木齋以明經薦爲衢學教授嘗署府事有聲 金華府志

柳氏講友

杜先生彬

杜彬字思成道傳之友也年過四十而猶自媚于學始

宋元學案補遺 卷八十二 三真四明叢書 約園刊本

名斌字國賓道傳爲之正其名而奉其字云 柳待制集

柳氏同調

處士紇石烈先生希元

紇石烈希元成都處士柳道傳爲太常博士舉以自代稱其年踰半百篤志窮經于易春秋二書精考密察探蹟鉤玄不背先儒訓釋之旨自得聖人制作之微安貧樂道若將終身而孝友之行刑于家庭信義之實稱于

朋友云 柳待制集

梓材謹案先生著有周易集傳袁清容爲之序

文氏門人

鄉舉陸先生文圭 別見鶴山學案補遺

章氏門人

文肅柳靜儉先生貫 詳上仁山門人

徐先生子奇

徐子奇

蛟峯家學

方先生梁

方梁蛟峯子蛟峯經寇亂居室蕩燬命其子等修葺書

宋元學案補遺 卷八十二

三三 四明叢書 約園刊本

院偕生徒講明修己治人之道 辟疆園宋文選

蛟峯門人

補教授魏石川先生新之

梓材謹案宋潛溪銘先生墓言先生始以力學自奮與兄升龍從學雲潭受書易于鄉先生王某

附錄

授慶元府學教授至官以濂洛關閩正學爲己任推明中庸性道奧旨反獲殆無餘蘊初鄞士多宗金溪二陸氏之學聞先生之學翕然信服之學錄劉光尤所畏敬光嘗集解孝經自謂無所憾先生爲刊正十有一條皆

有關物則民彝之大者光不覺下拜曰先生之言其于  
聖經深有合哉

浙東提舉黃東發震一見器之遂以文學孝廉薦于朝  
所居有垂雲洞因倡嗜義之士建垂雲書院開迪新學  
孜孜如不及講經之暇與方蛟峯何灑齋孫盤峯爲泉  
石之游學者尊之號石川先生

著易學蠡測又見先儒列卦爲方圓圖乃以己意成三  
隅圖曲盡妙理

德祐丙子元兵入臨安游軍至鄞時學設兩教授號東

宋元學案補遺 卷八十二

三頁四明叢書

約園刊本

西廳教授王棹懼曰吾儕死生決于今日矣先生從容  
曰非止今日有生之初已定不若聽之顏色不少變

隱君秦先生庚

秦庚其先鹽城人遷居崇明之東沙先生從蛟峯學咸  
淳末以詩試通州第一入元不仕漕萬戶劉玉溪聞其  
隱德延致于館因又徙崑之太倉家焉 東維子集

許先生仲文

許先生仲舉

合傳

許先生民瞻

合傳

許仲文仲舉民瞻東陽人從蛟峯遊咸以政績顯

王海日文

梓材謹案此本海日記四傳堂文首云四傳堂者昭仁許元昭兄弟為方蛟峯石蟠松李草閣吳德基四先生而作也又云元昭之先素重儒術不取厚幣延聘四方名賢為弟子師如蛟峯先生則致自嚴陵蟠松先生則致自烏傷草閣先生則致自永康德基先生則致自蘭江師友東南相繼而集蟠松名一齋詳見滄洲諸儒學案

### 蛟峯續傳

草閣李曄德基吳履並詳本卷

知州喬見山先生幼聞 別見麗澤諸儒學案補遺

陳霽月先生一中

教授呂存齋先生應焱 合傳

完學錄補遺 卷八十二

三見四明叢書 約圖刊本

陳一中呂應焱皆東陽人景定閒蔣沐建橫城義塾延蛟峯為師四明吳龍朋及二先生繼之取考亭白鹿洞

規表之堂上損藍田呂氏約于鄉書列之堂下云 東陽縣志

雲濠謹案黃文獻為蔣氏遠懷亭記云方公撤皋比而去鄉先達見山喬公霽月陳公存齋呂公繼之四明東洲吳公又繼之為教悉遵其舊法霽月存齋即二先生之號吳東洲蓋在其後云又案呂先生景定二年鄉舉官吉州教授

吳東洲先生龍朋

吳龍朋

蔣氏家學

蔣先生國光

蔣先生國賓

合傳

蔣先生國華

合傳

蔣先生國珍

合傳

蔣國光建昌君長子尋升學館弟國賓建昌仲子國華國珍建昌從子俱取漕薦

黃文獻集

縣尉蔣先生吉相

蔣吉相字通卿東陽橫城人建昌主簿沐之子通經史大義晦跡林泉無仕進意平章孔公以見成宗令備宿

空學案補遺

卷八十二

三章四明叢書

約園刊本

衛以恭謹稱仁宗正位東宮因留事焉時初置利用監先生爲知事上旣登極止調穀城尉卽日就道兵燹後民多非土著往往起而爲盜至是始設尉鎮之以靜糾之以嚴俗爲變而盜亦衰息以改葬歸民遮道請留委曲勞遣久之乃羅拜而別卒于家

黃文獻集

敬巖家學

修職王成齋先生城

詳見魯齋家學

王先生肖翁

王肖翁字傅朋金華人文定玄孫直敷文閣祕之孫也

才學兼美起家衢婺二郡儒學錄陞婺郡儒學正考滿  
爲靜江教授卽移病歸家食十年延祐末復起教授南  
康會白鹿洞書院山長缺郡守崔翼之請先生攝山長  
事書院久廢先生爲興復之來學者滋眾歷轉嘉興錄  
事以松江府判官致仕命未下而先生卒年六十五先  
生上承世德相業之隆道統之重萃于一門者家庭之  
所見聞爲多云 黃文獻集

王氏門人

徐先生韶

宋元學案卷之八十三

皇朝明倫彙編

徐韶字君美台州人學于王蘊文嘗著正朔郊祀禘祫  
辨及春秋講義學者尙之 浙江通志

周氏家學

補待制周先生仁榮

梓材謹案台州府志稱先生治易禮春秋而工爲文章其所教弟子多爲名人而泰不華實爲進士

第一

附錄

先生築一室纔落成友人楊公道輿疾至門曰願假君  
新宅以死先生讓正寢居之妻子有難色先生弗顧未

幾楊死箱財二十有八莫適主者楊之弟詣求分財先生曰若兄寄死于我意固有在喪事之費悉自己出終不利其一毫對眾封籍自平陽呼其子來悉付與之

### 判官周先生仔肩

周仔肩字本道敬孫之子而本心之弟也以春秋登延祐五年進士第終惠州路總管府判官與其兄俱以文

學名 元史

### 楊氏家學

#### 楊先生圭

宋元學案補遺 卷八十二

重刊四明叢書

約園刊本

楊圭字景義簡齋子克世其學 台州府志

### 黃氏家學

#### 山長黃先生中

黃先生侃 合傳

黃中壽雲先生子至初庵山長弟侃克承先志闢家塾爲柔川書院中祠二程子朱子侑以壽雲云 張蛻庵遺文

#### 黃己齋先生宏

黃宏字子約號己齋壽雲從子博極羣書尤長于詞賦有以史才薦者不就落魄江湖幾三十年文章流播天

下有穀城稿

台州府志

黃氏門人

州判盛聖泉先生象翁

詳上魯齋門人

張氏門人

補待制楊通微先生剛中

梓材謹案先生稱通微先生見鐵崖楊文舉文集序金陵新志云其先松陽人徙居建康又云著易通微說詩講義若干卷元史本傳云有霜月集行于世

儼思齋銘

理究斯明爲殊爲同學求斯詳疇初疇終匪心斯圖何

宋軍案補遺 卷八十二

重刊明叢書

約圖刊本

彭弗蒙旣端爾容旣肅爾躬冥凝虛游視遺聽空思而  
以斯無微不通跛倚踞敝必弛于中矯笑躁言必隳而  
功戒哉無忘惟道之融

補尙書夾谷先生之奇

雲濠謹案萬姓統譜載先生其先金源人徙家藤州受業東平康擘是先生不專師導江

祕書呂蘊齋先生律

呂律鄆城人文貞公衍之子先生幼時父書律字試之  
三試皆識故名嘗師事張導江傳其性命之學官承務  
郎知嶧州後退居崦山書院教授生徒延祐中起爲承



直郎歷陞祕書少監既致仕居濮之富春園自號蘊齋  
諸姓

文肅孔先生思誨

孔思誨字明道家魯之曲阜孔子五十四世孫也天  
姿穎秀羈貫讀書已識大義導江張頰爲三氏教授先  
生受業焉講求理義薄詞章尊德行導江深器重之大  
德七年遊京師國子祭酒耶律有尙謀薦辟之以母老  
固辭母喪畢舉茂才授花縣教授調寧陽學教養有法  
旋授中議大夫襲封衍聖公陞嘉議大夫先生自以宗

宋學案補遺 卷八十二

讀書明叢書

約圖刊本

祀責重恆懼勿稱涖事之際必敬且慎請置尼山書院  
五季時孔末之後方盛欲以偽滅真乘亂害宣聖子孫  
幾盡其後欲冒稱先生以爲不早辨則真僞久益莫究  
彼于我不共戴天乃共拜殿庭而列于族可乎遂會族  
人稽典故斥絕之先生端重簡默動容不苟嗜學誨人  
本乎真誠于宗族尤隆恩義子弟皆藉于學教養不怠  
暮年多疾未嘗廢書作字端楷可法故三氏子孫與凡  
四方受業仕而有閭于時者多經造就元統元年卒贈  
中奉大夫河南江北等處行中書省參知政事護軍追

封魯郡公諡文肅

危太樸集

附錄

家貧躬耕以爲養雖劇寒暑而爲學未嘗懈遠近爭聘爲弟子師

文貞馬石田先生祖常

馬祖常字伯庸世爲雍左部居靖州天山高祖錫里吉思金季爲鳳翔兵馬判官以節死子孫因其官以馬爲氏父潤同知漳州路總管府事家于光州先生七歲知學得錢卽以市書旣長益篤于學蜀儒張導江頴講道

宋元學案補遺

卷八十二

臺西明叢書

約圖刊本

儀眞往受業其門質以疑義數十導江甚器之延祐初科舉法行鄉貢會試皆中第一廷試爲第二人授應奉翰林文字拜監察御史英宗爲皇太子上書請慎簡師傅于是姦臣鐵木迭兒爲丞相光生知其盜觀國史率同列劾奏其十罪仁宗震怒黜龍之先生薦賢拔滯知無不言俄改宣政院經歷月餘辭歸起爲社稷署令亡何姦臣復相遷開平縣尹退居光州久之姦臣死乃除翰林待制歷除禮部尙書辭歸天曆元年召爲燕王內尉累官同知徽政院事遂拜御史中丞除樞密副使頃

之辭職歸光州復除江南行臺中丞又遷陝西行臺中丞皆以疾不赴至元四年卒年六十四贈摠忠宣憲協正功臣河南行省右丞上護軍魏郡公諡文貞先生工于文章宏瞻而精核務去陳言專以先秦兩漢爲法而自成一家人之言尤致力於詩有文集行于世 元史

雲濠謹案王阮亭居易錄載馬伯庸石田文集十五卷至元五年江北淮東道肅政廉訪司奉旨刊行謂元代文章極盛色目人著名者如伯庸及趙世延索木魯叔康里夔夔貫雲石字文房陸都刺輩皆是也

梓材謹案先生爲元清河神道碑云祖常曩從公遊及公考士又辱第下列是先生嘗及元氏之門清河集有送馬翰林南歸序

宋元學案補遺 卷八十二

三夏四明叢書

續園刊本

### 附錄

公上言本朝口諸國人旣肄業國學講誦孔孟遺書當革易故俗敬事諸母以厚彝倫天下高其議

公自少至老好學彌篤雖在扈從手亦未嘗釋卷

許文忠公爲神道碑曰公先世已事華學至公始大以肆爲文精核務去陳言師先秦兩漢尤致力于詩凌轍古作大篇短章無不可傳者

### 正字呂先生洙

呂洙相之安陽輔畿人官正字其父眞州路總管府經

歷郁遣之從張導江建善學 姚牧庵集

王先生元

王元

馬氏講友

侍御胡先生彝

胡彝安陽人甫中母夫人王謂其父曰是兒資穎悟可令蚤就學業遂求經師講先王禮樂詩書之義善屬文起家爲大都儒學錄歷監察御史右司都事左司員外郎工部侍郎拜陝西諸道行御史臺治書侍御史馬伯庸嘗與同學古文 馬石田集

宋學案補遺 卷八十二

三皇四明齋書

約園刊本

聞人家學

補提舉聞人凝熙先生夢吉

附錄

公之學一以誠爲本涵養防馴內外一致下帷講授前後授學者數逾二千各隨其資而裁輔之

其誨學者必先道德而後及藝故其辭章若不經意時而出之文義深鬱亦粲然可觀

宋景濂議先生私謚凝熙曰言其植志則以三德六行

爲本原而涼偷之事弗爲也言其講學則以四書五經爲標準而非聖之書不習也言其攻辭則以文字從職爲載道之用而斥鉤章棘句爲非學也言其訓人則以眞實不欺爲溷道之端而指出口入耳爲小夫也

吳氏先緒

吳先生景奎

吳景奎字文可蘭溪人凝熙高第履之父也故爲儒鄉人師尊之好爲詩所著有藥房樵唱宋景濂爲之序

宋文

集憲

宋元學案補遺

卷八十二

三真四明叢書

約圖刊本

宋氏先緒

隱君宋蓉峯先生文昭

宋文昭一名朝字文靈金華潛溪人景濂之父也有隱

德朝廷賜號曰蓉峯處士

歐陽圭齋集

附錄

雅志書詩見子謙知學驪然曰子家自文通先生以來世多巨儒深懼詩禮之澤或絕以爲君子羞心慙焉弗寧雖夢寐弗忘之汝宜從名人游毋隕厥宗

又曰予所望汝者爲孝子爲悌弟爲良師儒雖貧至骨

無憾

宋庸庵悼蓉峯處士詩曰處士年高太史宅仙華山墜  
少微星客車送柩過千兩子業傳家重六經山氣猶疑  
風肅肅溪光長見水泠泠從來同姓多傷感三誦哀章  
涕淚零

宋氏師承

包南澗先生廷藻

包廷藻字文叔自號南澗烏傷人閩右之族爭聘致爲  
弟子師專以講解章旨爲第一義潛溪之祖嘗延于家

宋元學案補遺 卷八十二

三吳四明叢書

約園刊本

塾俾諸孫師事之而潛溪甫十二齡亦預焉

宋文憲集

林氏門人

補 提舉陳兩峯先生德永

兩峯遺文

堯舜之盛德至矣堯自子朱殄世雖有九子無一聞焉  
舜後爲夏寶爲商恪至周配以太姬而封于少昊之墟  
周衰始并于楚而後昌于齊秦滅諸侯齊最後滅秦亡  
田榮統王三齊亦足以少伸松柏之怨矣浪蕩之夫自  
詭堯後考之載籍皆不足徵惟左氏言之先儒謂其獨

出一句上下文脈皆不相連當是哀平之閒儒生附會之語此田橫所以不肯北面事之也

陳氏族譜序

宋氏先緒

朱約齋先生口

朱約齋台州人序賢父兩代皆碩學名儒

金華徵獻略

朱氏師承

補 祕丞李五峯先生孝光

李孝光字季和樂清人少博學篤志復古隱居鴈蕩山五峯下四方之士遠來受學泰不華以師事之至正七

宋元學案補遺

卷八十二

李四氏叢書

約園刊本

年以祕書監著作郎召見于宣文閣進孝經圖說帝大悅賜上尊明年陞祕書監丞卒于官年五十三先生以文章名當世其文一取法古人而不趨世尚非先秦兩漢語弗以措詞有文集二十卷

元史

五峯遺文

先王道民以學所以漸至仁也然仁無難易顧存心何如蓋心存而後善思善忠而後能得思而得之賢于聞諸人者甚遠程夫子嘗言克己復禮乾道也主敬行恕坤道也弟子問焉則以其質有所近力有所任之者告

之而未嘗挾其原焉是欲其思而得也學者于此誠思而得之則必知所以用力知所以用力則顏冉之仁不在顏冉而在吾之身天下歸仁邦家無怨又豈有易是者

重修樂清縣學記

### 五峯講友

#### 曾先生應孫

曾應孫樂清人嗜學尙氣節與李五峯孝光友善精醫施藥活人方國珍燭亂都帥泰不華延至先生計議爲方略深見器重及泰不華殉節先生爲位哭之居平以

宋元學案補遺 卷八十二

重四明叢書

約園刊本

詩書垂訓善處鄉曲雖孩赤皆知敬慕

溫州舊志

#### 趙氏家學

#### 教授趙先生思敬

趙思敬貞獻宏諱次子也嘗以處士徵爲教授

元史

#### 忠定趙先生璣

見下白雲門人

#### 總管趙先生琬

趙琬字仲德伯器弟仕至台州路總管至正二十七年方國瑛以方挾之至黃巖先生潛登白龍巖舍于民家絕粒不食人勸之食輒瞑目却之七日而死

元史



梓材論案吳禮部送趙伯器序言其嘗挾二季游江湖賢士大夫聞先生其一也其一人則無可考矣

### 學正門人

補文肅鄧匪石先生文原

雲濠謹案先生文集曰素履齋稿所著又有讀易類編

梓材謹案吳草廬爲先生神道碑云趙承旨子昂歷言其師友姓名而善之與焉

梓材又案先生所著又有巴西先生文集其爲翰林侍講學士貫公文集序云獲事翰林承旨姚先生蓋謂姚牧庵也又爲季先生墓誌銘云文原于先生僅獲一執贄于將命者而先生之學亦弗克究厥施云云不可謂非季氏門人矣又刑部尚書高公行狀云文原自公爲都事使俛首受公知亦

素履齋遺卷八十二

雲四明叢書

約園刊本

與在舉中則大同趙氏亦其受知師矣

### 素履齋

昔之學者常患其不如古人今之學者常患其不勝古人求勝古人而卒以不如予不知其可也

胡雲峯四書通序

萃之彖曰萃聚也觀其所聚而天地萬物之情可見矣夫復可以見天地之心而不及其情大壯見天地而不及萬物維咸恆萃則天地萬物之性皆可見而萃又統咸恆之萬而歸于一者也其象澤上于地若跛水以濡其盈以沛厥施與麗澤講習之義可以類觀故學之有

資于萃聚又如此吾夫子之言曰既會通以行其典禮  
惟會故通不會不通也

汪又善四書類編序

自四書之學行家傳而人誦之矣求諸致知而力行者  
率千百不一二自世之論儒者常以是相詬病凡道必  
有對待自陰陽剛柔仁義引而伸之不可殫盡學者每  
有所偏或舉一而遺其二從其易而不究其所難故去  
道日遠聽言視行聖人猶爲宰予而改矧去聖人若是  
其遠也哉夫圖也書也致知之事也而未及乎力行也  
傳之書者可圖也傳之心者不可圖也必得傳心之妙

宋元學案補遺 卷八十二

四明叢書

約圖刊本

而後可與學道

程子見四書章句序

竊維帝之平水土也九賦既均又曰六府三事以示天  
下萬世治道之本獨洪範九疇未嘗爲虞帝敷陳其說  
後千有餘年箕子始以爲武王告使箕子蒙難而不獲  
信其志又無武王者興則九疇將遂湮而無傳乎自夏  
歷商孰傳之而至箕子其事遠莫可考世知帝功與天  
地並而洪範九疇鮮有能研精理奧究諸力行者使其  
書徒以言語傳漢儒旁摭庶徵推致五行其言非不較  
著明甚而先王綜理天下之要亦已微矣八卦九疇道

相經緯天所以昇聖人者豈偶然哉

帝禹廟碑

鄧匪石語

經籍之弗墜翳漢儒是賴

六經之書先聖王之道在焉故六經在天地亘萬古而無倣有興衰治亂之不常者人也而非書也

附錄

公六歲入小學九歲從三山楊先生受春秋

既見科舉事廢遂一意務爲聖賢之學開門授徒戶履常滿

宋王學案補遺

卷八十二

高四明叢書

約園刊本

成宗崩預纂修實錄姚文公文肅公並爲承旨持見不同閩公所具稿互有指摘公不與辨第令櫝藏以俟後數日二公取視之皆莫能易一字

出爲江浙等處儒學提舉教人先學行而後文藝士習爲之不變士子或爲私書以非考亭之學公命毀其書曰吾以息邪說也

鄧氏同調

州判白湛淵先生珽

白珽字廷玉錢塘人本四明名儒舒少度遺腹子通武

郎嶸育以爲嗣五歲能屬詞八歲能賦詩十三受經太  
學有聲場屋開元丞相伯顏平江南聞其賢檄爲安豐  
丞不赴客于藏書之家晝緝夜誦鐙墮花穴帽不知也  
如是者十有七年嘗游梁鄭齊魯歷覽河山之勝登臨  
弔古訊人物風土慨然有尙友千載之意李文簡衍力  
挽起之授太平路儒學正攝行教授事悉心官政修建  
天門采石二書院轉常州路儒學教授再遷教授慶元  
未上薦陞江浙等處儒學提舉司副提舉時鄧文肅文  
原爲之長與先生志氣膈合舉刺得宜文化大行秩既

宋元學案補遺

卷八十三

二臺四明藏書

約園刊本

滿銓曹有不知先生者署淮東鹽倉大使先生自以鹽  
算非所諳習不俟終更卽謝事養病海陵遠近學徒擔  
簞相從者無虛月再遷蘭州判官不復出所居西湖有  
泉自天竺來及門而匯榜之曰湛淵因以自號晚歸老  
棲霞又號棲霞山人天曆元年卒年八十一先生性至  
孝自幼至老無一日廢間學故長于詩文戴剡源謂其  
注波五經之淵披條百氏之畹蓋確論也所著書曰詩  
曰文曰經子類訓曰集翠裘曰靜語皆二十卷黃文獻  
言杭都督事如淮陰襄開殿陵何夢桂眉山家之異莆

田劉漢西秦張栢虎林仇遠齊東周密凡十餘人相與  
倡明雅道而先生齒爲最少乃與羣公相頡頏南北兩

山聞云 宋文憲集

雲稼謹案方桐江送白廷玉如當塗詩序自  
署紫陽後學又續集送白廷玉常州教授序

湛淵靜語

邵康節生席不赴蓋有見也伊川生日亦不事飲宴前  
修似此者多近劉極齋宏濟蜀人遇誕日必齋沐焚香  
端坐曰父憂母難之日也予自幼不逮事父母遇是日  
卽齋不葷不酒旣仕雖出亦齋不嬉笑不與讌席此當  
爲事也惟年老欲勉從子孫之道則于齋祭之次日爲  
壽猶或可也

魯齋續傳

補 隱君牟靜正先生楷

靜正遺文

孔子曰民可使由之不可使知之徒由之而不求以知  
之可乎哉然禮有冠昏喪祭而獨有取于喪何歎禮之  
行由于俗之厚俗之厚由于喪之重也周公所以成周家  
忠厚之俗亦惟喪祭之重而已喪祭之重民俗之厚也

民俗厚而後冠昏之禮可行矣

車氏內外服制通釋序

附錄

持身嚴肅鄰里沾化爲文章以性命爲先辭華爲後

詹先生道傳

詹道傳臨川人著有四書纂箋二十六卷用魯齋先生所定之句讀會近代諸儒之箋釋而考訂之藏于家塾以授其徒建陽陳子善綬而行之胡一中爲之序

經義考

梓材謹案四庫全書目著錄先生四書纂箋二十八卷提要云是書大致皆有根柢猶元儒之務實學者與張存中四書通鑑證相較固猶在其上矣

宋元學案補遺

卷八十二

四明叢書

約園刊本

牟氏同調

補 隱君陳西山先生紹大

附錄

先生嚴毅方正未嘗言人過失

白雲家學

補 祭酒許先生元

梓材謹案金華府志載先生從葉儀范祖幹學

附錄

恪守家教其學一宗朱子非五經四書不讀非濂洛關

閩之學不講

爲國子祭酒十年自稽古禮文之事至于人材進退時政弛張無不預議及修舉廢墜更規設法以教國子

晚至韶卽張文獻公祠以居好事者繪爲南華謫居圖

補教授許先生亭

梓材謹案先生爲白雲先生次子白雲以爲兄瓊後有詩集曰樗散雜言潛溪嘗爲之序又案東陽縣志言白雲二子明初皆爲大官而死于法

白雲門人

補純孝范伯軒先生祖幹

宋元學案補遺 卷八十二

實四明叢書

約園刊本

雲濠謹案金華府志載先生受業白雲許先生之門太祖帥師下婺府爲諮議以親老辭

附錄

戊戌明太祖下金華與葉儀同召初幸學以大學進講上命剖析其義先生乃曰帝王之道自修身齊家以至于治國平天下必上下四旁均齊方正使萬物各得其所而後可以言治上喜曰聖人之道所以爲萬世法吾自起兵以來號令賞罰一有不平何以服眾夫武定禍亂文致太平類此道也甚加禮敬

引誘學者惓惓真切惟恐其不入于善嘗曰君子之所

不可及者其惟人之所不見乎四方士夫嘗問妄否爲  
斯道重輕

方正學曰斯道之微不能無敝苟非賢者則莫振其衰  
而扶其顛自宋之亡大統中絕顧瞻金華有光燁燁吾  
儕小子不幸而不見其盛時矣所得見五六公焉曰宋  
曰胡曰范曰葉此數公者皆百世之士往歲不淑而葉  
公卒胡公逝旣而宋公薨于蜀范公奄去而不可挽自  
今以往蚩蚩之眾何所做而爲善茫茫之緒誰爲之繼  
而孰爲之延乎

空齋案補遺 卷八十二

竟四明藏書

約園刊本

補 經略李先生國鳳

梓材謹案先生受業白雲顧考宋潛溪爲閩人疑  
熙行狀言擬熙改泉州教授某郡李君國鳳方經  
略江南得承制專封拜君嘗從擬熙游知位不稱  
其德擢爲福建副提舉是先生又爲閩氏門人也

附錄

嘗序貢玩齋文集曰三代而上文與理具六經之文是  
也三代而下文自文理自理言之不能措諸文者有之  
矣文之而戾乎理者亦有之矣道何自而明乎

補 經師葉南陽先生儀

葉南陽語



聖賢言行盡于六經四書其微辭奧義則近世先儒之說備矣由其言以求其心涵泳從容久自得之不可先立己意而妄有是非也

附錄

受學于白雲白雲語以學者必以五性人倫爲本以開明心術變化氣質爲先先生朝夕惕厲研究奧旨

學士吳沈稱其理明識精一介不苟安貧守道死而不變誠篤信醇儒也

補文忠敬先生儼

案學案補遺

卷八十二

羣四明叢書

約園刊本

附錄

家居十餘年瘁不能行猶劬書不廢臨終戒子弟曰國恩未報而至不祿奈何汝曹當清白守恆業無急仕進正衣幘端坐而逝

補學錄唐存齋先生懷德

雲濠謹案先生說齋先生七世從孫也見宋潛溪所誌墓銘黃氏千頃堂書目以爲七世孫蓋誤脫從字

附錄

其學以濂洛爲宗粹然一出于正

以廉訪副使暢公之聘講授淮陰先生搜別經髓意融  
而言隨之聞者爭聽戶外之屢常滿

補文公歐陽圭齋先生玄

附錄

初虞文靖公集助教成均其父井齋先生汲方教授于  
潭見公文大驚手封一帙寄文靖謂公他日必與之並  
駕齊驅由是文靖薦公升朝聲譽赫赫然一相埒卒符  
于井齋之言

宋潛溪序公文集曰必生于光嶽氣完之時通乎天

宋潛溪集遺 卷八十二

皇朝明徵書

約圖刊本

人精微之蘊索乎歷代盛衰之故洞乎百物榮悴之情  
覈乎鬼神幽明之蹟貫乎華夷離合之由舉其大也極  
乎天地語其小也入夫芒秒而後聚其精魄形諸翰翰  
灑灑乎泱泱乎誠不可尙已世有與于斯者其惟歐陽  
文公乎

補教授胡長山先生翰

胡仲子說

六藝之文易也書也詩也春秋也禮樂也樂亡而禮僅  
存其三曰儀禮也周禮也禮記也漢儒概而言之以爲

六藝史遷曰六藝經傳以千萬數窮年不能究其說累世不能通其學聖人之言豈越口若是哉火于秦汨于漢加之傳注日以滋蔓故習于訓詁者溺于專門流于術數者拘于災異否則辭章而已學者誠以身體之以心會之則聖人之道不在于書而在吾身吾心矣

胡仲子集

春秋常事不書而凡日食地震星變則書之雷電雨雹隕霜雨雪則書之螽蟥螟蟲木冰梅李實則書之春秋何書也謹天戒也何以謹天戒修人事也王省惟歲而

宋元盛衰補遺

卷八十二

四明叢書

約園刊本

卿士惟月斯之謂也

越人對

後世宗法不行宋儒往往欲立小宗之法今士庶人之家祭祀有用宗子法者亦合于禮之意乎抑以古卿大夫之事而今士庶人之得無僭乎朱子之述家禮固欲同志之士熟講而勉行也其于祭祀之禮未嘗不嚴于主人主婦之位則固寓宗子之法矣不然則亦有可處置者乎

與許門諸友論宗法

鼎也和不和無以調吾味其失也戾恭也敬不敬無以直吾內其失也僞雄也權不權無以行吾義其失也傲

溥也周不周無以廣吾惠其失也比惟周也得仁之周  
權也持義之制敬也存禮之本和也適樂之趣仁義禮  
樂斯固不備 嚴氏子字辭

梓材謹案謝山困學紀聞三篇于周禮大司徒以  
土圭土其地條云古人無葬經而有宅經此說最  
爲不易詳見  
胡仲子集

### 附錄

蘇伯衡祭先生文曰良金美玉庶足以方公學術之精  
純商鼎周彝庶足以擬公述作之古惟嚴毅以自持曾  
毀譽之不假故不合者甚多而合者恆寡

宋元學案補遺 卷八十二

三臺四明嚴書

約圖刊本

朱潛溪序仲子文集曰先生嘗慕邵子程子之爲人所  
譽甚深極乎博而守則約務乎大而不遺乎細于人鮮  
有推讓而所許者眾必以爲賢于言不輕發而所言者  
人必以爲當其所著衡遲井牧皇初諸文有習之辭而  
所得者非習之所及也

梓材謹案潛溪又稱先生奇邁卓越務師古人出  
言簡奧不繁動中繩墨如夏圭商敦望而知非時  
焉物

### 補 聘君朱丹溪先生震亨

雲濠謹案先生所得醫學之傳者羅知悌字子敬  
世稱太無先生本理宗朝寺人得金劉完素之再

傳而旁通張從正李杲二家之  
說見戴九靈所作丹溪翁傳

醫論

陽動而變陰靜而合而生水火金木土然火有二焉曰  
君火曰相火君火者人火也相火者天火也火內陰而  
外陽主乎動者也故凡動皆屬火以名而言形質相生  
配于五行故謂之君以位而言生子虛無守位稟命故  
謂之相天主生物恆于動人有此生亦恆于動然其所  
以恆于動者皆相火助之也見于天者出于龍雷則木  
之氣出于海則水之氣也具于人者寄于肝腎二部肝  
屬木而腎屬水也膽者肝之府膀胱者腎之府心胞絡  
者腎之配三焦以焦言而下焦司肝腎之下皆陰而下  
者也天非此火不能生人非此火不能以有生天之火  
雖出于木而皆本乎地故雷非伏龍非蟄海非附于地  
則不能鳴不能飛不能波也鳴也飛也波也動而爲相  
火者也肝腎之陰悉具相火人而同乎天也或曰相火  
天人所同東垣何以指爲元氣之賊又謂火與元氣不  
兩立一勝則一負然則如之何而可使之無勝負乎曰  
周子曰神發知矣五性感動而萬事出五者之性爲物

所感不能不動謂之動者卽內經五火也相火易動五性厥陽之火又從而扇之則妄動矣火之妄動則煎熬眞陰陽虛則病陰絕則死君火之氣經以暑與熱言之而相火之氣則以火言蓋表其暴悍酷烈有甚于君火也故曰相火元氣之賊周子曰聖人定之以中正仁義而主靜朱子曰必使道心常爲之主而人心每聽命焉此善處乎火者也人心聽命于道心而又能主之以靜彼五火將寂然不動而相火者惟有扶助造化而爲生生不息之運用爾夫何元氣之賊哉或曰內經相火注

言少陰少陽矣未嘗言及厥陰太陽而吾子言之何也曰足太陽少陰東垣嘗言之治以炒柏取其辛味能瀉水中之火戴人亦言膽與三焦肝與胞絡皆從火治此歷指龍雷之火也余以天人之火皆生于地如上文所云者實廣二公之意耳或曰內經言火者非一往往于六氣中見之而言臟腑者未之有也二公豈他有所據耶曰經以百病皆生于風寒暑濕燥火之動而變者也岐伯歷指病機一十九條而屬火者五此非相火爲病之出于臟腑者乎考之內經諸熱蓄癉則屬之火諸狂

躁越則屬之火諸病肘腫痛酸驚駭則屬之火又原病  
式曰諸風掉眩屬于肝火之動也諸氣膈鬱屬于肺火  
之升也諸濕腫滿屬于脾火之勝也諸痛癢瘡瘍屬于  
心火之用也是皆火之爲病出于臟腑者然也噫以陳  
無擇之通達猶以暖熾論君火日用之火論相火是宜  
後人之聾瞽哉

相火論

人受天地之氣以生天之陽氣爲氣地之陰氣爲血然  
氣常有餘而血常不足何爲其然也天火也爲陽而逆  
于地之外地居天之中爲陰而天之大氣舉之日實也

宋元學案補遺

卷八十二

三夏四明叢書

約園刊本

屬陽而運于月之外月缺也屬陰而稟日之光以爲明  
者也則是地之陰已不勝夫天之陽月之陰亦不敵于  
日之陽天地日月尙然而況人乎故人之生男子十六  
歲而精通女子十四歲而經行是有形之後有待于乳  
哺水穀之養而後陰可與陽配成乎人而爲人之父母  
古人必近三十二而後嫁娶者可見陰氣之難于成  
而古人之善于保養也錢仲陽于腎有補而無瀉其知  
此意者乎又按禮記注曰人惟五十然後養陰者有以  
加內經年至四十陰氣自半而起居衰矣男子六十四

歲而精絕女子四十九歲而經斷夫以陰氣之成止爲三十年之運用而竟已先虧可不知所保養也經曰陽者天也主外陰者地也主內故陽道實陰道虛斯言豈欺我哉或曰遠取諸天地日月近取諸男女之身曰餘曰不足吾已知之矣人在氣交之中今欲順陰陽之理而爲攝養之法如之何則可曰主閉藏者腎也司疏泄者肝也二臟皆有相火而其系上屬于心心君火也爲物所感則易于動心動則相火翕然而隨聖人教人收心養心其旨深矣天地以五行更迭衰旺而成四時人

宋元澤集補遺

卷八十三

三

四明叢書

約圖刊本

之五臟六腑亦應之而衰旺四月屬巳五月屬午爲火大旺火爲肺金之夫火旺則金衰六月屬未爲土大旺土爲水之夫土旺則水衰況腎水嘗藉肺金爲母以補助其不足古人于夏月必獨宿而淡味兢兢業業保養金水二藏正嫌火土之旺爾內經又曰冬藏精者春不病溫十月屬亥十一月屬子正火氣潛伏閉藏以養其本然之真而爲來春升動發生之本若于此時不恣欲以自戕至春升之際根本壯實氣不輕浮尙何病之可言哉

陽有餘陰不足論



附錄

先生爲白雲高第其清修苦節絕類古篤行之士所至人多化之

與人交一以三綱五紀爲去就嘗曰天下有道則行有枝葉天下無道則辭有枝葉夫行本也辭從而生者也苟見枝葉之辭去本而末是務輒怒溢顏面若將浼焉嘗應試不利歎曰不仕固無義然得失則有命焉苟推一家之政以達于鄉黨州閭寧非仕乎

其家故有祭田而祭無恆所乃建祠堂以奉先世神主

李先學案補遺

卷八十二

富源四明叢書

約園刊本

講行朱子家禮屏釋老之教罷瀆神之祀持公平以服眾心排紛難以安閭里人多德之

覃懷鄭公持節浙東尤敬先生以尊客禮禮之眾或不樂競短其行于公公笑曰朱聘君盛舉諸公之長而諸公顧反短之何其量之懸絕耶皆慙不能對

四方以疾迎候者無虛日先生無不卽往雖雨雪載途亦不爲止僕夫告痛先生諭之曰疾者度刻如歲而欲自逸耶

其爲醫以劉守真完素張從正李東垣杲三家之說推

廣之去其短而用其長又復參以太極之理易禮記通書正蒙諸書之義貫穿內經之言以尋其指歸而謂內經之言火與太極動而生陽五性感動之說有合其言陰道虛則又與禮記之養陰意同因作相火及陽有餘陰不足之論以發揮之

梓材謹案金華府志載其嘗著宋論格致餘論局方發揮傷寒論辨外科精要發揮本草衍義補遺丹溪心法金華微獻略又有風水問答解風水

浦陽鄭大和十世同居先生爲之喜動顏面其家所講冠昏喪祭之禮每咨于先生而後定

宋光學案補遺 卷八十二 言夏四明叢書 初圖刊本

胡仲子序先生風水問答曰易曰仰以觀于天文俯以察于地理天確然在上其文著矣地隤然在下其理微矣著者觀之微者察之知乎此者知乎幽明之故非聖人孰與焉而漢魏以來言地理者往往溺于形法之末則既失實至其爲書若宅經葬經之屬又必祕而亡逸不傳則失之愈遠矣朱君力辨之以爲人之生也合宗族以居爲宮室以處審曲面勢得則吉不得則凶其理較然及其死也祖宗之神上參于天舉而葬者枯骨耳積歲之久并已朽矣安知禍福于人貴賤于人壽夭于

人哉故葬不擇地而居必度室據往事以明方今出入詩書之間固儒者之言也昔者先王辨方正位體國經野土宜之法用之以相民宅土圭之法用之以求地中皆爲都邑宮室設也而冢人墓大夫之職公墓以昭穆邦墓以族葬借欲擇之其兆域禁令孰得而犯以是知君之言爲得也

補 御史王先生餘慶

雲濠謹案先生之父字申伯黃文獻公書王申伯詩卷後稱先生尤善爲古章句元史儒學吳師道傳附載先生仕爲江南行臺監察御史亦以儒學名重當世云

雲濠學案補遺 卷八十二

羣四明叢書

約圖刊本

補 教授李靜學先生唐

雲濠謹案東陽縣志載先生一名公常學于許謙黃縉是先生亦黃氏門人也

附錄

洪武初以明經薦授本邑儒學教諭諸生多所造就

太祖下婺州先生與吳沈許元葉瓚玉胡翰汪仲山金信徐孳童冀戴良吳履孫履張起敬會食省中日令三

人進講經史陳治道

致仕家居從學者益眾

補 戚朝陽先生崇儉

附錄

從鄉先生許公講道于東陽之八華山博通經史旁及諸子百家

呂公綬創義塾聚族人子弟使就學委先生主教事扁其室曰朝陽

先生高祖袁州君與從兄如圭如玉並受業東萊呂氏之門而許公之所承傳本于朱子先生以得于許公者歸而稽諸家庭之所聞者無不脗合自信愈篤

補 朱裕軒先生同善

東原案傳述 卷八十二

四明叢書 約圖刊本

梓材謹案先生治中叔驥之子徐文清高第中之孫也

附錄

先生賦質迥拔日涵濡庭訓時文懿講道八華山復執經往從焉

辟爲兩淮屯府幕屬赴官未數月復謝去還隱丹溪之濱遠近生徒嚮風奔附

補 隱君劉青村先生洎

附錄

自幼警敏日記數千言比長尤肆力于經傳聞白雲承

考亭之緒講道入華山中乃執經從遊厲志力學卒爲入室弟子

補 推官李先生裕

雲濠謹案金華徵賦略載先生爲朱文公門人大同孫著有中行齋稿宋濂爲作墓銘梓材謹案袁清容集有答李生裕詩題注尙書大同公會孫先生蓋當及袁氏之門特以爲大同會孫異耳

附錄

君幼失父母鞠于嫂氏事諸兄有若嚴君旣就外傳卽知家學相仍之盛確然思以踵其後

空學案補遺 卷八十二

四明叢書 約園刊本

許文懿公講道入華山從學久之因歎曰學貴明體適用不見諸用未見其可也

爲國子生虞文靖公爲祭酒極器之指授以制作之故學遂大進

同知汴梁陳州事修州學聘賢師儒申五倫之教民大悅

補 李先生序

附錄

嘗遊京師宋學士髮危左丞素見其所著四書新說理

優才瞻皆爲莫逆交

梓材謹案先生所著又有綱緝集

補 貞節蔣若晦先生元

雲濠謹案宋潛溪志其墓曰聚書萬卷致力其中所著又有大學章句纂要四書述義若干卷治平首策二卷韻原六十卷

附錄

修建昌所創義塾延師儒教其子姓至于鄉人每歲冬至殺牲置酒會長老俊人行鄉飲酒禮先生爲之講說嘉謨偉行使聽之曰爲父兄弟當如是鄉民莫不化

宋元學案補遺 卷六十二

言學四明叢書 約園刊本

服

補 張先生匡敬

附錄

洪武初應召赴金陵尋以親老辭歸卒于家同門范祖

幹葉儀各有贊

補 馬一得先生道貫

附錄

白雲歿制服盡禮如親喪學者稱之

梓材謹案東陽縣志載先生云白雲及門甚多而惟先生爲著永樂閒纂修經傳取其言之合旨者

焉附

王木訥先生毅

王毅字剛叔龍泉人別以木訥自號先生夙稟異質篤志問學早從上饒鄭原善游既聞聖賢求仁之方及登金華許文懿之門又有得于理一分殊之旨所學一出于正教授鄉里戶外之屨至無所容講解經義于天理人欲勝負消長之際尤極懇切感悟者或泣下至正甲午盜起先生領鄉兵往禦之里井恃以爲安而先生竟爲遺孽所害門人胡深勒兵討賊申復讐之義又與章

宋元學案補遺

卷八十二

三

四明叢書

約園刊本

盜卽所居爲祠以祀之

王忠文集

梓材謹案宋景濂作先生傳云其先自瑯琊徙居處之龍泉又言先生六歲知書以躬行實踐爲教發明本心之學又案括蒼彙紀言先生讀朱子書慨然以師道自任一時游其門者章溢胡深徐祿季汝等爲國元勳有木訥集行世

附錄

世父與明令聚徒教授束脩之上悉以購書積至萬餘卷精思疾讀惟恐其不盡

因觀周子太極圖說歎曰此升聖域之梯階也人心與上堪下輿同大局于一藝可乎

先生爲學深見天地萬物一體之意視眾氓之顛隳如已病之苟力可救雖鉞鉞鼎鑊在前後有所不暇恤性不溺文辭歎曰當今之世何能文者如牛毛而植德者若麟角盍亦知重輕乎

### 忠定趙先生璉

趙璉字伯器潁川人侍御史宏偉之孫也登至治初進士累官至湖廣行省左右司郎中除杭州路總管先生強毅開敏精力絕人吏莫不服其明決不敢欺浙右病于徭役民充坊里正者皆破其家朝廷令行省召入郡

宋史

卷八十二

忠定趙先生璉

約圖

守集議便民之法先生獻議以屬縣坊正爲雇役里正用田賦以均之民咸爲便召拜吏部侍郎後爲淮南參知政事移鎮泰州張士誠旣降復叛欲挾先生登其舟先生瞋目大罵遂死之其僕楊兒以身蔽之亦死

姓譜

梓材謹案元史忠義先生本傳云諡曰忠定吳禮部文集有送先生序言其生有道之家清淳沈厚夙有異質侍游來南得師之實惟許君討論指授夜以繼日經六藝之旨充乎有聞

### 董處侯先生鎮

董鎮字仲貞其先河南人曾祖官臨安遂家澈浦父仲溫尙宋室主爲駙馬先生聞金華許白雲爲考亭之學



裏蠟往從白雲深器之白雲卒先生築室仙華山三年  
而後歸仙華山白雲講學處也歸作嘉會堂于靈泉石  
書考亭像左書儒行篇從游日眾洪武丁未卒劉青田  
基題其墓曰董處侯 杭州府志

雲濠謹案海鹽文獻志言先生通經術  
有用世志值元亂隱居海寧之泉山

宗先生誠

縣令馮先生翊

合傳

宗誠字仲實義烏人受業許白雲經明學邃家居授徒  
所著有孝友通紀及詩文同邑馮翊字原輔亦受業白

宋元學案補遺

卷八十二

真四明叢書

刻圖刊本

雲洪武中以明經薦除新淦知縣著有崑山片玉集

金華

賢達  
傳

韓先生禮仲

韓禮仲天台人從學東陽許白雲之門薦辟固辭不就  
元統間遇寇警率眾防禦後居民被水災先生竭貲賑  
救立義塚以瘞枯骸人甚德之 天台縣志

經師楊先生仲齊

楊仲齊東陽人仲彰之弟與金涓同學于白雲閉戶讀  
書爲文有氣有光法度可采熊侯以同知潘庭堅薦爲

武義經師邑宰胡子寶舉以充貢黽勉戒途遽辭疾而  
還心愈求僻徘徊蜀山之閒儼法興精舍小樓爲修讀  
之計

東陽縣志

### 張先生翼

張翼清河人受經于高陽先生得其端緒而能益致思  
勉之功柳道傳以思學名其齋而箴以發之曰心外無  
學學原于思思而有得乃驗于爲又曰方其未思戒爾  
外馳如止水源不波不隨及其旣思毋惑多歧必端其  
趨必底于夷又曰下學上達在爾孳孳思誠而誠夫何  
遠而

柳待制集

### 傅先生似

傅似杏溪先生玄孫賀之從子也賀卒無子節婦陳氏  
以先生嗣教之學而猶不廢于耕會高陽許先生栖隱  
八華山中去傅氏不十里節婦遣先生束書從學遂知  
義理之宗緒以植其家

柳待制集

### 許敬齋先生

許敬齋先生

合傳

許敬齋敏齋東陽人白雲居于八華二先生與樵隱等

嘗從之遊而其後和伯晉仲伯溫伯恭相與結亭子山上以致景仰之意

王海日文

隱君許樵隱先生熊

別見滄洲諸儒學案補遺

御史普化帖睦爾先生

普化帖睦爾白野人白雲門人也南臺監察御史白雲著讀書叢說至正六年先生與其僚大梁楊公惠移浙東廉訪使鈔版以傳

張長史集

鄉貢項先生良才

附師胡良金安道弟英才

項良才初名珪字公望臨海人宋鄉貢進士祖惠本胡

宋學案補遺

卷六十二

二真四明叢書

續編刊本

氏處士璣之甥也而以爲子先生年六十六元至元二十年卒黃晉卿銘其墓曰君少學詩事胡公良惠之從子作守莆陽晚所執業時之師表白雲先生金氏安道君善說詩不務苟同曰以二南始乎國風中以王風錯于鄭衛著周興衰厥有微意檜曹之末至幽而終否黍刺復循環不窮繼是有作斯爲雅頌孔子之衰周公不夢哦彼黍離我心之憂如醉如噎曷能與周小戎駟騶風概雄偉周之爲黍噫乎愉矣弟英才與先生齊名並薦于鄉

黃文獻集

王先生順

王順字性之烏傷人自幼嗜學嘗登許文懿公之門讀書必欲見之躬行使物被其澤與朱震亨講切內經之說汲汲以濟人爲務謂移風易俗必本于學乃建書塾招良師會鄉族優秀俾子弟與之共學通周易有所爲必撰著玩占

宋文憲集

金先生永

金永字仲明婺州人幼從許文懿公遊長贅女氏遂襲爲裝褫潛溪以爲沈謐有守人也

宋文憲集

宋文憲案補遺

卷八十二

寬四明叢書

約園刊本

朱先生異亨

朱先生蒙正

台傳

朱異亨與蒙正丹溪先生二弟也潛溪以爲皆善士母戚氏貞孝先生治之女遇諸子有恩而嚴稍長遣從許文懿公遊督教愈于夫在時云

宋文憲集

何先生宗文

梓材謹案何氏三宗並師白雲先生蓋亦許氏門人也

縣尉馬先生德璋

馬德璋東陽人德口弟以文學舉授龍泉尉元統甲戌

之京師會地震詔求直言偕鄭介夫上疏論斥執政之咎不報謝病歸史館移文獎之

東陽縣志

李先生彥章

李彥章白雲弟子

儒林宗派

靖懿葛先生巖

葛巖字普賢東陽人隱居不仕氣端而和道方而直其學以仁義忠信爲本歿後門人請天台方孝孺爲文誄之以道其不幸易其名曰靖懿所著有詩文二卷

東陽縣志

梓材謹案先生嘗從白雲遊見東陽志質疑

宋李案補遺

卷八十二

四明叢書

續圖刊本

趙先生嗣鴻

趙嗣鴻蘭溪人退藏山人若磬次子退藏遭之受業于許先生語之曰吾衰而無成汝兄旣早失學汝弟又以疾廢三百年詩禮之傳天其或者不汝絕乎汝其勉之

黃文獻集

陳先生元善

父仁

從事陳先生亨道

合傳

陳先生利用

合傳

陳先生貞固

合傳

陳元善亨道利用貞固錢唐人皆以儒術致身父畚山  
老人仁字子壽除婺州錄事參軍秩滿轉衢州雖從吏  
而嗜問學遣子從許文懿公講道金華山亨道從事漕  
府正思齋文集

汪先生杞

別見滄洲諸儒學案補遺

教諭沈先生□

見下吳氏門人

平仲師承

貢士劉龍津先生鐔

劉鐔字持中號龍津吉水人年十九以尚書魁貢士江

宋元學案補遺

卷八十二

三

四明叢書

約園刊本

西宦遊廣海所至講學企華蘇伯衡高第弟子也

解春  
兩集

柳氏家學

隱君柳先生旨

柳旨字致明待制貫之子內翰杜本修撰張樞極推許  
謂其不黷榮利有古逸民風部使者辟爲書吏辭繼以  
薦者署紹慶路學正亦辭

朱文憲集

柳先生同

柳先生因

合傳

柳同柳因皆文獻之子朱潛溪序柳氏譜云文獻有子

三八皆善士 宋文獻集

柳氏門人

補 博士鄭先生壽

雲濠謹案先生為潘溪小傳云予少景濂五歲初從吳公游始識景濂及再從柳黃二公而與景濂相從尤密于學為同志于師為同門是則先生又為吳黃門人潘溪跋黃文獻公送鄭檢討序後云仲舒黃文獻公之高弟也

補 提舉戴九靈先生良

雲濠謹案趙友同誌先生墓云早從烏傷朱震亨習醫業後以其術大顯于時官至太醫院使又言所著述有和陶詩一卷九靈山房集三十一卷春秋經傳考三十二卷又案春秋經傳考文集自序作

雲學彙補遺 卷八十二

三三四 明叢書 約園刊本

春秋三傳纂

梓材謹案先生年譜云號九靈山人一號雲林先生居鄭時別號醫隱生

梓材又案先生送胡主簿詩序自言于待制柳氏學士黃氏禮部吳氏修撰張氏太常胡氏御史王氏皆得而師友之金華徵獻略第言少學文于柳待制黃黃侍講潛學詩于余忠宣公闕皆得其師承云

戴九靈語

仁義禮智皆人所固有聖人因人之所固有而為之教焉喜怒哀樂之情人之所固有也固有之情而美刺之于是乎有詩詩者人之情也情雖易放而辭讓之心則其所固有也以其固有之心而為之節文于是乎有禮

禮者敬也敬則自處卑矣以其自卑之勢而又有書書者上所以通乎下之言也上下既通然後以其吉凶悔吝之機而作易焉易作而春秋繼之蓋至於春秋則人之固有者舉亡之矣然亦以其是是非非而爲之斷焉聖人爲教之備如此

九靈山房集

紀事莫如書亦莫如春秋古史之體可見者此二書而已而二書所載是非得失興壞理亂之故其事至博然其爲言不遑如此而止可謂得其要矣其言要故學者

宋元學案補遺

卷六十二

書四明叢書

經國刊本

不可不盡心能盡心然後能自得之揚子雲所謂知言之要者是已然而此二書也蓋嘗經乎聖人之手所以由聖人之後歷千百年未有能幾乎此者也至漢太史公乃始倣書爲史記宋文正公又倣春秋爲通鑑蓋史記則每事別紀以具其事之始末通鑑則編年通紀以記其事之先後皆可謂傑出之材矣然其義例或謬于聖人而且編次太詳學者不能閱之而終篇于是紫陽朱子復取而刪之爲綱目若干卷其立言嚴而正簡而要蓋純乎春秋之法矣則聖人之後不失古史之體者



惟綱目一書近之

通鑑前編舉妄新書序

學者蓋欲明夫天理民彝自然之物則也天理民彝之所在固有不依文而立者然古之聖人欲明是理于天下而垂之萬世非託文字則不能以自明也故自伏羲至于孔子而垂世立教之具粲然矣後之學者必將出是沙潛參伍以明乎在我之本然然後知有所至而力行以終之其爲道不旣簡且易乎然自世變俗衰爲師者不知所教爲子弟者不知所學則其求之于文字者乃在乎記誦訓詁文辭之間是以書愈繁而理愈晦學愈勞而心愈雜此無他蓋不知天理民彝之本然在我而不任彼也

一經齋記

河南程氏曰周正月非春也此一言足以破千載之惑然又曰假天時以立義猶不輕于斥左氏之非胡康侯見冬不可以爲春遂發明程子意謂春秋以夏時冠周月如是則繫年之夏時與紀事之周月轉相矛盾所謂分至啓閉十有二候十有二律乃與天氣物化不相應而春秋非上律天時之書矣善乎朱子之言曰周改歲首而不改月數若從胡氏之說則月與時常差兩月聖

東坡學案補遺

卷八十三

夏曆四明叢書

約園刊本

人作經恐不若是之紛更斯言豈欺我哉

夏正辨

附錄

家居遠城邑朋友講習頗難卽買地縣西結屋數十楹日與同輩討論濂洛性理之微言

其自贊曰處榮辱而不二齊出處于一致歌黍離麥秀之詩詠剩水殘山之句則于二子庶幾無媿

揭伯防序九靈山房集曰其典實嚴整得于柳待制縝密明潔得于黃文獻而又加之以春容豐潤故意無不達味無不足其詩則詞深興遠而有鏘然之音悠然之趣雖余忠宣發之而自得者尤多

宋學案補遺

卷八十二

夏正辨

約園刊本

謝山鮎埼亭詩集九靈山房詩吾懷九靈翁大節如孤鷲浮海未得遂輾轉九洞天如何變姓名尙爲弋者彈高皇不能屈餘生終自殘未聞翹車士乃以牢獄填諸公不強諫史冊足長歎黃竹夜淚落白龍亦神寒至今永樂寺悽愴雲林煙差我君臣義不以夷夏遷高皇提日月赤手洗幽燕九靈所遭遇尙與余蔡懸疑或可無死異詞得生還不見東維子平定巾櫛櫛暫下讀書臺卒返三泖閒重淵見李黼完節要

無愆而士各有心不忘喪其元高皇亦色動晨星黜  
長于滔滔江河下大節良所難爲我寓公重山房永  
勿諼

雲濠謹案原注云九靈變姓名曰方雲林自作祭  
文見文集中又云楊戴一死一生楊之所以得放  
還者由于四方平定巾一語得  
當帝意然戴之倔強則過之矣

夏先生逢慶

夏逢慶金華人東萊門人敬仲明誠之六世孫也從柳

道傳遊 柳待制集

典籍王先生毅

宋史案補遺 卷八十二

真四明叢書 約圖刊本

王毅胙城人國子典籍柳待制道傳至京其父禮部郎

興祖命之從學治經 同上

梓材謹案先生與白雲  
弟子木訥先生同居

同知師先生晉

國子師先生升 合傳

同知師先生索羅 合傳

師晉師升濮陽人廉訪使克恭子並爲國子生晉公試

入等同知泗州事廉訪從子曰索羅登泰定元年進士

同知濬州事柳道傳以博士教國子皆執經席間 柳待制集

國子崔先生敏

崔敏肸城人廉訪良承之子也嘗以國子生從柳道傳

學治經介然有立

同上

國子高先生本

附弟榮植棟

高本太原人詹事長史某之長子也嘗以國子從柳道傳受經道傳字以孟端而又字其弟榮以仲仁植以叔剛棟以季隆爲高氏四子字序

同上

甯先生九齡

甯九齡吳人嘗從柳道傳學治經

同上

宋元學案禮選

卷八十二

四明叢書

約園刊本

張先生口

張口輝州人中書右丞思明之子也柳道傳至京思明

一見器重俾諸子師事之

宋文獻集

李氏師承

主簿吳先生志淳

吳志淳字主一無爲州人能詩善書嘗仕元不顯遇滁泗兵起徙家豫章明初與陶主敬劉伯溫高季迪諸名

士並稱

姓譜

雲濠謹案一統志載先生工草隸優于文學元末以隱歷靖安都昌二縣主簿元亡遂不仕

吳氏家學

補閣學吳先生沈

梓材謹案先生著有  
應酬二稿澗川集

六經師律自序

聖人之兵昭文德而威不軌者也所以生人也非殺人也禦亂也非爲亂也孫子曰兵者詭道也吾恐其非聖人意也世道日貶民論日卑論將帥則以勇壯擊刺爲賢能語行陣則以奇詭設伏爲巧妙若曰我將動之以仁義行之以禮讓雖三尺之童亦指以爲迂闊而不切

宋學案補遺

卷八十二

真四明叢書

約園刊本

矣昔者荀卿子之非孫吳有曰彼孫吳也上勢利而尙變詐者也又曰齊之技擊不可以遇魏之武卒魏之武卒不可以直秦之銳士秦之銳士不可以當桓文之節制桓文之節制不可以敵湯武之仁義伊呂之將子孫有國與商周並孫吳之徒皆身戮于前而國滅亡于後報應之勢各以類至其說可謂當哉至揚子雲亦復不喜孫吳而曰不有司馬法乎子雲之不喜孫吳其意美矣然不知當時子雲所見司馬法乃古之書耶抑穰苴所述之遺耶聖人于師中之事雖未嘗一一悉言而其

宏綱大用則豈不可得而窺哉蓋兵之始作也非聖人之私意也天地之所造設聖人觀法之而已掌之有其官定之有其制教之有其時備之有其素歌詩以勞之禁戒以齊之上順乎天下應乎人廓然大功至正之心炳然神武不殺之德豈孫吳之所可測而得識哉閒嘗不自揆度以易詩書禮論孟諸經其言其義有涉于師政者輯錄而類聚之定爲五篇一曰兵象二曰兵用三曰兵禮四曰兵詩五曰兵訓總而題之曰六經師律竊取子朱子儀禮集傳師田篇之意而不自知其不可也

宋先學案補遺

卷八十二

靈

四明藏書

約園刊本

### 吳先生深

吳深字原伯蘭溪人博士正傳之子也其取友問學急于飢渴籌鐙挾冊疾病不休倦則假寐凝思以求聖賢之心有疑則進而質之父師退而與其弟沈私相講辨父子兄弟自爲師友年二十一卒其友戴良爲辭以哭之

戴九靈集

### 吳氏門人

補參議諸葛先生伯衡

### 附錄

性清介持名節少時嘗從鄉先生游獲聞前輩緒論精求實踐鄉里咸推重之

承旨危雲林先生素

詳見諱明寶峯學案

胡先生章

胡章字煥文樂平人從遊于外請贈言于其宗人仲退道番陽見博士祝蕃遠又謁吳正傳于蘭溪行古師弟子之禮

吳禮部集

教授舒先生元

舒元番陽人泰定初補四門生將貢而上干銓曹吳正

宋稟案補遺

卷八十二

靈西明叢書

約園刊本

傳適至時至崇術之堂不忘師友之誼至順聞爲國子伴讀得授宗仁衛教授

同上

太學王先生光輔

王光輔廬陵人爲正傳同年吾素令君之從子故從正傳遊居大學三年以覲省歸正傳作序以送之

吳禮部集

趙先生良恭

趙良恭蘭溪人宋周恭肅王十世孫也受業吳禮部之門以文學著名于時

王忠文集

徐先生口

徐口三衢人從吳正傳于蘭溪亟見而益親正傳稱其天資明銳而纂言考義甚富云

吳禮部集

元先生口

元口薊邱人生長侯伯之家屬文爲詩尤工書畫正傳勉以爲經

同上

教諭沈先生口

沈口鄞人久遊金華嘗登許益之之門而卒業于吳正傳其所受實朱子之學部使者薦其材于宣闕署慈谿

縣學教諭

黃文獻集

宋元學案補遺 卷八十二

震二四明叢書

一約園刊本

附錄

陳鹿皮送沈教諭詩曰師友淵源正公卿大望揚鄉閭  
仍未達世事故堪傷汗竹秋鐙短椒芹午飯香只愁雙  
鬢髮容易染秋霜

又曰學舍山雲暗層城海氣深文章初近古風俗遂如  
今冷任三年客享衢萬里心須君明教法那得刺青衿

張吳私淑

文憲宋潛溪先生瀛

詳下野廬門人

魏氏門人



王先生德先

王德先字□□魏教授新之之門人也教授著易學叢

測先生演而傳之

宋潛溪集

何先生芸孫

父煥文

何芸孫分水人父煥文字伯章年十六遊太學求師友  
何公子舉深器之與卒業而歸未幾喪父遂棄舉子業  
惟以養母爲事所居介溪山佳處岡嶺縈紆淵泉淳浸  
古柳環其旁學者因以柳溪先生稱之丙子後爲士者  
無科舉累柳溪獨迎里之名儒魏公新之于塾課子姪

宋元學案補遺

卷八上

雲

區明叢書

約圖刊本

以義理之學暇則吟詠情性又時追記先朝諸老嘗所  
從遊者嘉言善行舉以相戒訓相與感歎以致不足之  
意當是時鄉校幾廢曠積四五年宣司從眾請以先生  
學醇行正命專講席自是生徒來歸補弊興作歲祠月  
膳一不廢公廩蓋過庭之教然也學最上甫陞錄郡庠  
而衡陽教授之命遊下云

方桐江集

秦氏家學

孝友秦先生玉

秦玉字德卿崇明人徙居太倉先生八歲孤卽知家世

本末既長浸淫經史百氏書獨不喜爲舉子業家居講授二十年事母兄盡子弟道母卒未葬比卒哭里中遺火逼其廬先生伏柩號絕火爲自滅所論著有詩纂學庸標說雜錄漫稿若干卷卒年五十有三門人私謚曰孝友先生子約有文學

夷白齋稿

梓材謹案姑蘇志載先生云其先淮安人龍圖少游之後也始遷崇明後遷崑山

附錄

嘗曰士讀書將以惠天下不幸不及仕而教人爲文行經術亦惠耳

先學案補遺

卷八十二

夏四月叢書

約圖刊本

先生讀書之舍自名曰迂閣

侍郎秦先生約

秦約字文仲孝友先生玉之子至正閒官崇德州教授洪武初召拜禮部侍郎以母老辭歸再徵詣京上疏陳乞復書院書堂義學例當復舊守令之選月立一科四十泣職百日舉代郡邑三年造冊與志書同進以備國史採擇上悅以年老授以儒官得溧陽教諭八年請老先生文章務求理勝而詩尤工著樵海集別有師友話

言等書

姑蘇志

袁氏家學

貢先生泰

袁泰字仲長隱君通父子敏學自修克世其業云

牆東類案

本心門人

補 隱君周紫微先生潤祖

梓材謹案台州府志載先生云鄉有不善者以誠喻之終其身不敢肆吏胥催科過境上取為暴戾當道行部必問其廬而禮焉又云會朝廷使者經略江南薦擬國子助教既歿而命下

補 忠介泰先生不華

雲濠謹案先生元史本傳云巴約特氏初名達不花文宗賜今名世居伯榮山其除絀與總管之嘗

宋元學案補遺

卷八十二

約圖刊本

行鄉飲酒禮教民興讓越俗大化又案先生以至正十二年遇害時年四十九蓋以大德七年癸卯生即金仁山先生卒之歲或以先生為仁山門人非也史傳載其立廟台州賜額崇節又稱其善篆隸溫潤道勁管重類復古編十卷改正謄字于經史多有據云

典史陶白雲先生煜

陶煜字明遠天台人自號逍與山人又更號白雲漫士

從鄉先生周仁榮學學成遊京邑已而翩然來歸曰燕

趙多奇士今所見仍爾家貧親且老試吏蘭溪州陞補江陰州

以年勞除杭州東北隅錄事典史遷湖州歸安時湖州已陷

賊從主兵者畫計策過復湖州調上虞縣卒

東維子集

提舉趙澄南先生友蘭

趙友蘭字廉友號澄南黃巖人幼聰慧長從陳紹大周仁榮學仕終浙江提舉所著有澄南稿

台州府志

南村師承

進士錢先生璧

錢璧字伯全雲間人陶九成之師也壬申科進士端重清慎語不傷氣管內一女鬢風姿秀雅殊可人意室氏勸先生私之正色答曰我之所以置此者欲以待巾櫛耳豈有他意哉汝乃反欲敗吾德耶卽具貲嫁之果處

空學齋補遺

卷八十二

夏四明叢書

約園刊本

子也 輟耕錄

紫巖講友

補 隱君朱鞠隱先生嗣壽

附錄

嘗曰古者爲學精神心術一寓之于事爲或慮其有不正也必資體驗擴充之功所以皓首窮經不敢輕寘之若拈華摘豔鉢心剝腎于辭章閒陋之陋者也

孟氏門人

中奉張古邨先生起源 附子紳

張起源青州人居雲門山一號古邨少學于天台孟長文而長文之學則出于金文安公先生講道淮楚之間四方遠近翕然從之皆稱古邨先生仕至衡州路照磨卒贈中奉大夫禮部尙書護軍所著文集凡三十卷子紳克世其學嘗出遊三吳卽姑蘇建塾誨其邑人子弟題曰雲門精舍示不忘其出且祠黃文肅以下五先生子中明其先後原委之的不倍于朱子者而又合教師而奉焉

姑蘇志

王氏門人

宋元事案補遺

卷八十二

雲門明鏡書

約園刊本

王先生彞

王彞字常宗其先蜀人父官崑山教授召修元史賜金幣以母老乞歸先生少孤貧讀書天台中師事王眞文得蘭溪金文安之傳學有端緒嘗著論力詆楊廉夫有三近齋稿

列朝詩集傳

己齋門人

牟南軒先生若峻

牟若峻字子南號南軒黃巖人靜正先生楷從弟少從黃宏遊與潘伯修潘從善周潤祖爲友博極羣書善屬

文尤豪于詩所著有擊甌吟覆瓿集

台州府志

南村講友

潘先生伯修

見下西山門人

潘先生從善

潘從善字擇可太平人至正中以進士累官國史編修終福建儒學提舉工詩古文善小楷書所著有松溪集

同上

楊氏家學

補提學楊先生翮

宋元學案補遺 卷八十二

臺四明叢書

約圖刊本

楊翮字文舉通微先生之嗣也通微之學出尊江張氏張氏之學出紫陽朱子故其爲議論文章不一于正不出也所著碑銘敘誌箴頌論贊凡若干卷楊鐵崖序之喜其識職而后毗于律理答而其言沛如也

東維子集

楊氏門人

李先生恆

李恆字晉仲金陵人爲上饒教諭至治癸亥以進士貢

泰定甲子受錄于教授

吳文正集

梓材謹案元史儒林傳作李恆爲上虞楊志行之甥由鄉貢進士累遷江浙儒學副提舉亦以文鳴

江東紆徐豐潤  
學者多傳之

### 孔氏家學

#### 衍聖孔先生克堅

孔克堅字璟夫文肅公思誨之子少廓達通敏日誦千餘言始冠游學成均通春秋左氏傳襲封衍聖公歷遷禮部尙書知貢舉時四方士避亂多集郡邑先生請設流寓科以取之擢陝西行臺侍御史除國子祭酒以世亂謝病歸及明取中原趣入朝待以賓禮而不名洪武三年以疾告還卒于舟中

宋文憲集

宋元學案補遺 卷八十二

三頁四明藏書

約國刊本

### 馬氏家學

#### 知事馬先生祖謙

馬祖謙字元德文貞公祖常之弟也少入鄉校日記數百言踰冠從文貞至京師補國子員試中選授承事郎同知保德州事調監束鹿縣興學訓農以勵其民尋召爲昭德萬戶府知事卒年四十二

蘇滋溪集

### 馬氏門人

#### 監丞陳先生旅

詳見草廬學案

### 凝熙門人

補 知州吳德基先生履

梓材謹案先生嘗  
爲原道書院山長

附錄

元季教授鄉里名動一時

宋潛溪爲之像贊曰若人者其古君子之徒歟聞人急  
難卽欲赴之力縱不及心懸懸其如饑水火在前幾若  
弗知輾轉不寐而長夜以思世滔滔而莫察吾獨探其  
隱微彼以藝文爲矜銜者其相知也不亦淺而若人者  
其古君子之徒歟

宋元學案補遺 卷六十二

四明樓書

約圖刊本

補 文憲宋潛溪先生瀛

雲濠謹案鄭檢討濤作先生小傳云年六歲入小  
學其師包文叔授以李瀚蒙求一日而盡王忠文公  
禕序先生文集云景濠早受業立夫氏而私淑于  
史氏張氏且久遊柳黃二公之門聞又因許氏明  
人以究夫道學之旨所謂許氏門人未知其爲何  
人也

雲濠又案先生所著又有孝經新說周禮集說  
梓材謹案先生爲吳正傳碑云濂于先生固弟子  
行是先生私淑吳氏之徵又按先生贈韓伯時序  
云余生于發與許公同鄉里雖獲一拜林下而未  
及與聞道德性命之言而許公棄捐館舍遂從其  
徒而私淑是先生固白雲私淑弟子也先生嘗題  
朱彥修遺墨後云子嘗從先生遊又將季高哀辭  
序云初濂年二十餘隨嗜學聞文懿弟子三衢方  
先生以性理學講授東陽之南溪徒步往從之游  
先生所主蓋蔣君子晦家子晦季高父也濂因獲



受季高父子間攷蔣子晦亦文懿門人是先生于  
許氏門人淵源固不一家而于方先生爲尤切矣  
梓材又察王忠文公爲先生傳云景濂旣間因許  
氏門人而究其說獨念呂氏之傳三壑奮然思繼  
其絕學又足以知其志之所存是先生又當爲東  
萊私淑  
梓材又案先生爲汪環谷詩集傳音義會通序云  
濂少先生七歲應書武村時嘗一會之迄今三十  
餘年先生以修元史被召至京師會濂亦來總裁  
史事于是與先生談經其深詣遠到殆非當世之  
士所可及方欲挾弟子禮而請業焉而先生飄然  
東歸濂爲敘其書以志歎慕之私則以爲環谷私  
淑亦  
可也

### 潛溪經說

聖人之言曰經其言雖不出于聖人而爲聖人所取亦

宋元學案補遺 卷八十二

皇朝四明叢書

經學刊本

曰經經者天下之常道也易書春秋用其全詩與禮擇  
其純而去其僞未有不合乎道而不可行于世者也故  
易詩書春秋禮皆曰經五經之外論語爲聖人之言孟  
子以大賢而聖人之道謂之經亦宜其他諸子所著正  
不謬譎醇不逮焉足以爲經哉

文當以聖人爲宗古之立言簡奇莫如易又莫如春秋  
序事精嚴莫如儀禮又莫如檀弓又莫如書書之中又  
莫如禹貢又莫如顧命論議浩浩而不見其涯又莫如  
易之大傳陳情託物莫如詩詩之中反覆詠歎又莫如

國風鋪張王政又莫如二雅推美盛德又莫如三頌有  
闔有開有變有化脈絡之流通首尾之相應莫如中庸  
又莫如孟子孟子之中又莫如養氣好辨等章人能致  
力于斯得之深者固與天地相始終得其淺者亦能震  
盪翕張與諸子較所長于一世蓋文之所存道之所在  
也文不繫道不作焉可也

孔子傳易孟子釋詩加數言而其意炳如辭不費也辭  
之費經之離乎漢儒訓經使人緣經以求義優柔而自  
得之有見乎爾也近世傳文或略干言學者復求傳中  
之傳離經遠矣造端者唐之孔穎達乎

空元學彙補遺 卷八十二

重刊明錄書 約圖刊本

五經自孟氏後無兼通之者

世求聖人于人求聖人之道于經斯遠已我可聖人也  
我言可經也弗思之耳

龍門子凝道記

君子之任道也用則行舍則藏在易困之初六則曰臀  
困于株木入于幽谷三歲不覿象曰入于幽谷幽不明  
也言乎困而無自出幽之勢也泰之初九則又曰拔茅  
茹以其彙征吉象曰拔茅征吉志在外也言時既泰則

君子志在上進也君子未嘗不欲救斯民也又惡進不由禮也禮喪則道喪矣吾聞君子守道終身弗屈者有之矣未聞枉道以徇人者也

吾嘗觀易焉其發陰陽之精蘊乎陽息于子而極于巳消于午而極于亥故一陽之卦三十二分之十六而升爲二又三十二分之八而升爲三又三十二分之四而升爲四又三十二分之二而升爲五又三十二分之一而升爲六極于巳矣五陽之卦三十二分之十六而降爲四又三十二分之八而降爲三又三十二分之四而

宋元學統續遺

卷八十二

重刊四明叢書

約園刊本

降爲二又三十二分之二而降爲一極于亥矣何其遲于始而速于終也吾嘗觀易矣其發陰陽之精蘊乎

天下之物孰爲大曰心爲大仰觀乎天清明穹窿日月之運行陰陽之變化其廣矣大矣俯察乎地廣博持載山川之融結草木之繁蕪亦廣矣大矣而此心直與之參混合無間萬象森列而莫不備焉非直與之參也天地之所以位由此心也萬物之所以育由此心也能體此心之量而踐之者聖人之事也如夔堯舜文孔子是也能知此心欲踐之而未至一閔者大賢之事也如顏

淵孟軻是也或存或亡而其功未醇者學者之事也董仲舒王通是也全失其心而唯游氣所徇者小人之事也如盜跖惡來是也然而此心甚大也未易治也未易養也歟然而西忽焉而東其妙不測而乘氣機出入者也苟失正焉翩然而風起滃然而泉湧有不可殫名者矣是故孔子敘書傳禮記刪詩正樂序易彖繫象說卦文言作春秋何莫不爲此心也諸氏百子之異說出則汗牛馬貯則充棟宇雖言有純疵學有深淺亦爲此心也心一立四海國家可以治心不立則不足以存一身

宋學案精遺

卷六十二

四明叢書

約圖刊本

使人人知心若是則家可顏孟也人可堯舜也六經不必作矣況諸氏百子乎

天氣之運也一晝一夜行九十餘萬里人氣之運也一晝一夜行一萬三千五百通是人與天無一息止也天止一息則災害生人止一息則疾疾起君子法天之健以自強故聖小人違天以自肆故狂是一息不法天則心死一息也一朝不法天則心死一朝也人心旣死是行尸耳其行事果能合天乎然則法天亦有道乎曰有存心之謂也

陰中有陽陽中有陰非相同也而自同同也非相有也  
而自有有也非相生也而自生生也皆自然而已火性  
至熱也而蕭邱有涼燄焉水性至寒也而華陽有溫泉  
焉驗之物化參之天運皆自然而已所以聖人作易一  
本之自然何容心哉

大學之要在於三綱八目孔氏既著於經曾子之門人  
又以所聞而又爲之傳綱與目之名無有所謂本來者  
何必傳以釋之自知止而後有定及聽訟吾猶人也此  
之謂知之至也二條實釋致知格物之傳蓋未嘗闕也

宋先學案補遺

卷八十二

二書四明叢書

約圖刊本

蘿山子

馴而弗擾靖而弗逸明而勿察勤而弗煩四者有失天  
下受其害

文憲文集

興學在乎明經明經在乎選傳得良傳則正鵠設而射  
志定士範齊而鑄器良聲流教溢俗轉風移反是則政

墮矣

答郡守聘五經師書

詩至於三百篇而止爾然其爲體有三經焉有三緯焉  
所謂三經者風雅頌也聲樂部分由是而建所謂三緯

者賦比興也制作法度由是而定故周官大師之教國子必使之以是六者三經而三緯之所以聽其音節之詳玩其義理之純養其性情之正詩之爲用其深且大者蓋如此學詩者其可不取之以爲法乎

穆敬雜言序

臣聞諸師云五經之有春秋猶法律之有斷例也法律則用刑禁暴以爲之範防斷例則斟酌物情是非而定罪之重輕也是故古之君臣無不習乎春秋使君而知春秋方能盡代天理物之道使臣而知春秋方能盡事君如事天之誠天衷以之而昭民彝以之而正何莫非春秋之教也然其書法實嚴必當曲暢以觀其同參伍以察其變所謂屬辭比事者始可言也不然如涉彼大海渺渺無津涯豈一蠹之可測哉

春秋本末序

書有之惟天無親克敬爲親民罔常懷懷于有仁鬼神無常享享于克誠曰敬曰仁曰誠皆中心所具非由外鑠我也此心若存則動靜合道建中保極之原清而弗擾庶績咸熙否則天飛淵淪凜乎若朽索之馭六馬惟欲之從而罔克攸濟治忽之幾其始甚微不可不慎也

觀心  
亭記

六經皆心學也心中之理無不具故六經之言無不該  
六經所以筆吾心之理者也人無二心六經無二理因  
心有是理故經有是言心譬則形而經譬則影也無是  
形則無是影無是心則無是經其道不亦較然矣乎然  
而聖人一心皆理也眾人理雖本具而欲則害之蓋有  
不得全其正者故聖人復因其心之所有而以六經教  
之無非教之以復其本心之正也聖人之道唯在乎治  
心心一正則眾事無不正猶將百萬之卒在于一帥帥  
正則靡不從令不正則奔潰角逐無所不至矣尚何望  
其能卻敵哉夫哉心乎正則治邪則亂不可不慎也

論

六經

宋元學案補遺

卷八十二

實四明叢書

約園刊本

儒者非一也世之人不察也有游俠之儒有文史之儒  
有曠達之儒有智數之儒有章句之儒有事功之儒有  
道德之儒儒者非一也世之人不察也能察之然後可  
入道也游俠之儒田仲王猛是也弗要于理惟氣之使  
不可以入道也文史之儒如司馬遷班固是也浮文勝  
質纖巧斲樸不可以入道也曠達之儒莊周列禦寇是  
也肆情縱誕滅絕人紀不可以入道也智數之儒張良

陳平是也出入機慮或流譎詐不可以入道也章句之  
儒毛萇鄭玄是也牽合傳會有乖墳典不可以入道也  
事功之儒管仲晏嬰是也跡存經世心則有假不可以  
入道也道德之儒孔子是也千萬世之所宗也我所願  
則學孔子也其道則仁義禮智信也其倫則父子君臣  
夫婦長幼朋友也其事易知且易行也能行之則身可  
修也家可齊也國可治也天下可平也我所願則學孔  
子也

七儒解

斯文天地之元氣得其正者其文醇得其偏者其文駁

宋元學案補遺 卷六十二

皇朝四明叢書

約園刊本

世之治也正文行乎上則治道修而政教行世之亂也  
正文鬱乎下則學術顯而經義彰斯文之正本乎道轉  
于倫理據乎事有益乎治推之于千載之上而合參之  
于四海之外而準傳之乎百世之下而無弊文得其正  
窮泰何足以累之

深衷先生私謚貞文議

古者立學專以明人倫子雖齊聖不先父食久矣故禹  
不先鯀湯不先契文武不先不窋宋祖帝乙鄭祖厲王  
猶上祖也今一切真而不講顏回曾參孔伋子也配享  
堂上顏路曾點孔鯉父也列祀廡間張載則二程之表



叔也乃坐其下淳祐初張居程上後因國子監集講再定張遂居程下顛倒彛倫莫此爲甚吾不知其爲何說也古者奠皆西面今遷神南面奠者北面失神道尙右之義古者大夫束帛以依神士結茆爲叢無有設像之事今搏土而肖之失神而明之之義古者旣灌迎牲旣奠燔蕭合羶羶今蕭蕭太簡古者郊廟祭享與凡朝覲會同之事皆設庭燎甸人共之火師監之其數則天子百公五十餘三十以爲不若是則不嚴且敬也今乃以秉炬當之矣古者鬱合鬯臭陰達于淵泉旣灌然後迎牲蕭合黍稷臭陽達于牆屋旣奠然後燔蕭合羶羶蓋求神于陰陽也今乃用薰香代之矣古者士見師以茶爲贄故始入學必釋菜其學官時祭皆釋奠今專用春秋非也又襲用魏漢律所置大晟樂先儒所謂亂世之音也古之有道有德者使教焉死則以爲樂祖祭于齋宗此之謂先師若漢禮有高堂生樂有制氏詩有毛公書有伏生之類也又凡始在學者必釋奠于先聖先師釋奠必有合有國故則否謂國無先聖先師則所釋奠者當與鄰國合若唐虞有夔伯夷周有周公魯有孔子

則各自奠之不合也當是時學者各自祭其先師非其  
師勿學也非其學勿祭也學校既廢天下莫知所師孔  
子集羣聖之大成顏回曾參孔伋孟軻實傳孔子之道  
尊之以爲先聖先師而通祀于天下固宜其餘當如其  
邦之先賢雖七十二子之祀亦當罷去而于國學設之  
庶幾弗悖禮意開元禮國學祀先聖孔子以顏子等七  
十二賢配諸州但以先師顏子配今也雜寘而妄列甚  
至苟況之言性惡揚雄之事王莽王弼之宗莊老賈逵  
之忽細行杜預之建短喪馬融之黨附勢家亦廁其中  
吾不知其爲何說也或者曰建安熊氏欲以伏羲爲道  
統之宗神農黃帝堯舜禹湯文武各以次而列焉皋陶  
伊尹太公望周公暨稷契夷益傳說箕子皆可與享于  
先王天子公卿所宜師式也當以此秩祀天子之學若  
孔子實兼祖述憲章之任其爲通祀則自天子下達矣  
苟如其言則道統益尊三皇不汨于醫師太公不辱于  
武夫也不識可乎昔周有天下立四代之學其所謂先  
聖者虞庠則以舜夏學則以禹殷學則以湯東膠則以  
文王復各取當時左右四聖成其德業者爲之先師以

配享焉此固天子立學之法也奚爲而不可也

孔子廟堂議

吾心與天地同大吾性與聖賢同貴柰之何隨于曲學局于文藝忘其真實之歸溺此浮華之麗頗躋于得失之塗眩惑于是非之際縱濫廁于大方曾不離乎小智靜言思之幾欲竄涕奮自今以爲始日載惕而再厲有如升嶽者當極于崇巔辟若改火者須資夫新燧期融通于高朗善孳治其蕪穢用致知爲進德之方藉持敬爲涵養之地續縈結之茫茫昭遺經之晰晰雖任重以道遠必篤行而深詣庶幾七尺之軀不負兩闕之愧爾

李學案補遺 卷八十三

夏四明叢書

約園刊本

其勉旃以終厥志 自題畫像贊

磨兜堅慎勿言口爲禍門昔人之云磨兜堅人各有心山高水深磨兜堅高不知極深不知測磨兜堅言出諸口禍隨其後磨兜堅鐘鼓之聲因叩而鳴磨兜堅不叩而鳴必駭眾聽磨兜堅惟口之則守之以默是曰玄德磨兜堅磨兜堅慎勿言 磨兜堅箴

附錄

年十五里人張繼之長者也告其父曰是子天分非凡當令從名師卽有成爾乃攜之入府城俾受業聞人夢

吉習易詩書春秋通焉

吳貞文授經于白麟溪上攻古文辭金華胡翰亦來從學致書于先生曰舉子業不足慮景濂蓋來同學古文辭乎先生欣然從貞文博極經史悉得其闕奧無幾貞文解館歸先生嗣主教席子弟年十六者皆相從讀書講道東明山中受業者一門凡四十餘人始終越二十

年  
至正中薦授翰林編修以親老辭不行入龍門山著書踰十餘年

宋元學案補遺

卷八十二

三夏四明叢書  
約圖刊本

先生貌豔偉美鬚髯視近而明一黍上能作數字自少至老未嘗一日去警卷

是時義門家長大和方著規範示子孫公爲參定之擢太子贊善凡一言一動皆以禮法諷諭使歸于道太子每斂容嘉納言則稱師父仍書舊學二字以賜

上嘗問帝王之學何書最要先生以真西山大學衍義對上覽而悅之令左右大書揭諸兩廡之壁時睇觀之一日上御兩廡大臣皆侍坐上指衍義中言司馬遷論黃老事令先生講析先生言漢武嗜神仙好邊功民力

既竭誓以重刑幾至大亂臣以爲能以義理養性則邪說不能侵興學教民則禍亂不能作刑罰非所先也

上問三代以上所讀何書對曰上古載籍未立不專讀誦而尙躬行人君兼治教之責躬行以率之天下有不從教化者乎上問取士之法先生言取士莫善于鄉舉里選用入莫善于因能任官任官莫善于久居不遷

先生于書無所不窺于文無所不工兼通二氏學深入闢奧至其議論著撰則一遵紫陽之旨其論四書有曰上論首言學蓋持身之大務也下論首言禮樂蓋持世

宋事案補遺

卷八十二

四明叢書

約園刊本

之大務也持身持世總是聖賢帝王相傳之要故以堯曰終之總之不外一中上論終之以時哉時哉卽時中之義乃孔子取以通天地萬物而渾于一貫者

先生臨終作觀化帖八十二字略云君子觀化小人但化中心旣怛何以能觀我心情識盡空等于太虛不見空空不見不空大小乘法門不過如此人不自信可憐可笑示恪示懌蓋其從行二孫也

歐陽原功嘗自其文如淮陰將兵百戰百勝志不少懼又如晴霽終南眾敵前陳攬拾不暇

陳眾仲序先生文集曰柳公之文龐蔚隆凝如泰山之雲層鋪疊湧杳莫窮其端倪黃公之文清圓切密動中法度如孫吳用兵神出鬼沒而部伍整然不亂景濂之文其辭韻沈鬱類柳公體裁簡嚴似黃公大哉文乎不可無淵源乎

王忠文公記先生思嫩人辭後曰景濂生成公之鄉特起而拔出其學博其志篤恆以呂氏之學不講爲己憂而不勝夫景行之思思之不可見故辭而著之託物連類婉而成章其意蓋眷眷焉是殆將以呂氏之學爲學者乎

宋元學案補遺

卷八十二

四明叢書

約園刊本

方正學祭之曰公之量可以包天下而天下不能容公之一身公之識可以鑑一世而舉世不能知公之爲人道可以陶冶造化而不獲終于正寢德可以涵濡萬類而不獲蓋其後昆其所有者皆眾人之所難勉而未嘗自以爲足其所遇者皆眾人之所難處則快然委命而不置乎戚欣此公之所以跨越前古拔彙超倫控宇宙而獨立後天地而長存者乎

又贊曰細析密微大包幽逸庸言極論莫非正學翼孟

宗韓沿朱遵洛簞瓢陋巷若飫萬鍾訓物型蒙惟孝惟忠

省掾唐先生元嘉

唐元嘉字顯德蘭溪人進士釋褐授仁和縣丞陞浙江行省掾至正末從丞相答剌罕節制金陵兵敗被執不屈死之

金華先民傳

梓材謹案先生聞人疑熙先生夢吉門人也官仁和縣丞時擬熙沒與同門翰林編修宋濂原道書院山長吳履等既相與私譏又告郡太守祠之學宮見明文海疑熙墓表

千戶樓先生士寶

別見龍川學案補遺

宋元學案補遺

卷八十二

四明叢書

約園刊本

縣丞姜先生焞

姜焞澤之孫能積學爲名儒以薦者爲婺州路儒學錄尋舉進士擢永平延安丞與宋景濂同出于聞人先生之門

宋文憲集

山長張先生道生

父繼祖

張道生金華人父繼祖字繼之力學而尚志操延祐開署雙溪書院山長調瀏陽州學教授爲復侵疆先生力學如其父余觀薦爲武夷書院山長宋景濂年幼時見教授教授卽相器重俾同先生師事城南聞人先生

同上

照磨王先生櫟

王櫟字德潤金鄉人學治經試進士不中卽棄去卒爲浙西道肅政廉訪司照磨兼承發架閣忤御史以事中下符逮就吏拔刃自剄先生自幼寓金華與宋景濂同日從聞人先生學 文憲文集

張先生孟兼

張孟兼浦江人以文詞知名性耿亮不阿洪武初薦入史館與修元史累官山東按察副使所著有白石山房稿若干卷 金華先民傳

宋元學案補遺 卷八十二

夏 四明叢書

刻圖刊本

梓材蘊案儒林宗派  
列先生于濂熙弟子

附錄

誠意伯劉基豪不肯妄下人而獨喜稱孟兼上嘗問今天下文章士基對翰林學士宋濂第一臣基次之又其次則有張孟兼

經略李先生國鳳 詳上白雲門人

吳宋講友

隱君韓先生循仁

韓循仁字進之其先金華人明經潔行隱居授徒一時



名士如宋濂吳履皆其深交元末兵起避地居永康之岡谷專以山水文集自娛貧窶無所介意宋濂嘗爲作

金華府志

唐氏同調

助教李草閣先生曄

附師鄭僖

李曄字宗表其先汴人元季徙家錢塘少從永康鄭僖遊僖奇其才以女妻之避兵金華翱翔永康東陽二邑聞明初有司舉奏補國子監助教未幾以病免歸卜築

宋元學案補遺

卷八十二

真四明叢書

約畧刊本

永康魁山下講學扈徒與諸詩人唱酬爲樂累不以貧窶介意門人唐仲暹編其詩文爲草閣集凡七卷

金華府志

梓材謹案東陽縣志云其先封邱人有諱初者從宋南遷遂居錢塘與此少異又永康鄭僖作從咏嘉鄭公嘗學

陳氏家學

陳先生杲

陳先生多遜

合傳

陳杲字孔英黃巖人兩峯先生德永子至正壬辰兩峯載書史避雖山谷中道江上遇盜被執溺于水力出之

盜以刃加兩峯頸索金帛則抱持泣曰我父老儒貧無  
他貨願以身代死盜殺之其弟多遜復肉袒趨至請代  
其兄身被數創死而復甦兩峯乃得免知州趙宜浩上  
其事一死一生愛親敬兄蓋同道云 台州府志

陳氏門人

補長史朱白雲先生石

朱長史語

賈三才而一之者文也義軒之文見諸圖畫唐虞稽諸  
典謨三代具諸易書詩禮春秋故易以闢象其文奧書  
道政事其文雅詩發性情其文婉禮辨等威其文理春  
秋斷以義其文嚴然皆言近而指遠辭約而義周固千  
萬世之常經不可尙已

白雲遺稿

天相元德崇信五經詔取士科書以朱子訂傳爲主經  
生學子尤知嚮方則孔氏刪定之書將行于今矣噫世  
固有明經而不得以行道者未有德不明而能行道者  
也固有通其辭而不得其心者未有不察其辭而能知  
其心者也然則道之行當自明經始經之通當自達辭

始達其辭以知其心卽其心以行夫道奚可以二觀哉  
右生也晚于道未聞信習是經積有年矣集傳之作非  
後學所敢妄議嘗參諸當代名儒質以所聞父師之教  
則不無相發明者于是謹述集傳發揮六卷綱領始末  
一卷指掌圖一卷通證二卷凡一十卷藏之于家以詔  
子孫蓋以書有古今時有先後人心之所同然一耳心  
之所同然者何也謂理也義也聖人先得我心之所同  
然耳苟得其所同然雖越天地亘古今如一日也

書集傳發

序

宋元學案補遺

卷六十二

夏四明叢書

約園刊本

愚讀禹貢而知聖人之書法謹而有辨也其載九州山  
川地理曲折及貢賦封域之事言簡意密詞嚴義周一  
字之閒含蓄無盡如書山川廣平曰原下溼曰隰山南  
曰陽水北曰汭地高曰丘再成曰陶高平曰陸潏水曰  
澤其土色無塊曰壤土黏曰埴脈起曰墳青黑曰黎玄  
而疏曰墟其草木少長曰天上竦曰喬繇言其茂條無  
甚長叢生而積曰苞其水道因水入水曰逵循行水涯  
曰沿舟行水上曰浮絕水而渡曰逾曰亂大水會小水  
曰過小水合大水謂之入二水勢均相入謂之會會而

合之一謂之詞其治功除木曰刊祭山曰旅致功曰績  
可種曰藝可治曰乂順其道曰從得其正曰殷經始治  
之謂之載已盡平治謂之既其賦法最薄曰貞雜出曰  
錯其貢賦常獻曰貢器盛曰筐包裹曰包待命曰錫非  
一物曰錯凡例不過四十而千萬世之豐功盛德盡在  
是矣因詮次以便覽者 禹貢凡例自序

附錄

元至正間司教蕭山慈谿因家上虞之五大夫市博學  
好古後進多從之遊

宋元學案補遺 卷八十二

夏四明叢書

約圖刊本

李雲陽序書傳發揮曰自集傳既行之後諸儒之講論  
益精考討益密皆足以發是書之隱而闡其微于是朱  
君伯賢復會其所長附以己見編而爲集名曰發揮蓋  
非以求異乎蔡氏之傳乃取以補其闕遺而全之也

梓材謹案先生臨海人後徙上虞元末累舉不就  
所著又有性理原書書傳發揮

雲濠謹案先生著有邾子世家一卷阮亭居易錄  
謂其雜采春秋三傳國語爲之年表一卷起己未  
周平王四十九年魯隱公元年終癸酉周元王八  
年魯哀公二十七年凡二百五十五年會盟戰伐  
之蹟具焉其自序以爲以邾  
樂魯以魯繫周以周繫天云

李氏家學

李先生至剛 別見草廬學案補遺

李氏門人

忠介先生泰不華 詳上本心門人

長史朱先生右 詳上陳氏門人

孝子陶南村先生宗儀 見下陶氏家學

匪石門人

知事俞學易先生鎮 父天民

俞鎮字伯貞崇德人早承父天民訓講朱輔之學長受業于鄧文原通五經尤精于易延祐丁巳領鄉薦第一

宋元學案補遺 卷八十二

羣四明叢書

約圖刊本

官至建德路知事以文學顯于世得其指授悉爲聞人扁齋居曰學易門人稱爲學易先生有修詞稿二十卷行世 崇德縣志

參政王先生士熙 別見泰山學案補遺

參政周堅白先生伯琦 別見草廬學案補遺

馮先生思溫

馮思溫鄧善之門人官集賢大學士 黃文獻集

班先生惟志

班惟志善之門人官集賢待制 同上

邱先生以道

邱以道鄧城人幼從鄧善之執業已穎悟異凡兒長益務學有操尙以容德名齋而善之爲之箴曰惟人稟靈萬類攸司執德務宏燭理慎微在易著象謙吉莫比包荒爲泰包承爲否容以虛受恕視人已匪曰尙同混彼涇渭越舍或偏薰蕕斯異弗罪馭吏弗擾獄市時稱善治皆容之細世俗道漓交匪義合或矯言笑中華外治錦弃不戒禍逾衷甲咨爾深省中和是經勿詭而慝勿隘以爭視嵩不高如衡持平如水鑑物而不留形休休

宋元學案補遺

卷六十二

竟三四明葉書

約園九本

有容我思孟明或用箴言以配座銘

鄧巴西集

陶中山先生口

陶口鄧善之門人也世居大梁而宦遊于昇往來溧水

間以中山自號云

牆東類稿

牟氏家學

牟南軒先生若峻

見上已齋門人

紀善牟惺惺先生完

牟完字元亮號惺惺主人黃巖人楷從孫天性謹厚博學能文洪武九年廷試首選擢吏部驗封司主事尋簡

耆儒輔導親藩改燕府紀善仁廟爲世子實受業焉所著有四禮家儀

台州府志

西山門人

隱君潘先生伯修

附師林與祖

潘伯修字省中黃巖人少從陳紹大習舉子業後從林與祖游林大器重之嘗三中省試至春官輒不偶遂隱居教授多所著述旁通天文地理律曆之學爲詩文皆寓微意曰文章不關世教雖工無益也方氏兵起泰不華來鎮黃巖每咨訪焉後方氏劫致慶元欲使長幕府力辭歸用事者不悅使盜待諸隘殺之所著有江檻集

宋元學案補遺

卷八十二

三三二四明叢書

約園刊本

台州府志

附錄

黃雲泉有言潘先生莫邪大劍也其精光足以動星斗其鋒鏑足以破堅珉而不保其缺折之患雖有不害其爲千金之寶也嗟夫寧爲玉碎不爲瓦全其潘先生之謂歟

提舉趙澄南先生友蘭

見上本心門人

潘氏講友

山長姚一庵先生慤

姚慤字仲誠號一庵黃巖人應元子嘗從林興祖遊敦行善文林雅器重之至正丁亥中浙江鄉試第七計偕極口論天下事有司以爲不識忌諱黜之考官黃潛力爭歎曰爲之在我成之在人當道聞其賢爲立登俊坊以表之後薦授江東書院山長

台州府志

祭酒門人

博士張先生文華

張文華字彥光東陽人從祭酒許存仁游以仁孝稱縣

空元學案補遺

卷八十二

夏四明叢書

約圖本

令謝寧述職薦于朝以翰林博士召赴京面辭遂放還

東陽縣志

劉先生鏞

劉鏞許祭酒存仁之徒也祭酒字以叔聲且爲之說三

百餘言而戴九靈題其後

戴九靈集

范氏門人

祭酒許先生元

詳上白雲家學

端木先生孝思

端木孝思溧陽人少學于金華范祖幹之門竇朱呂道



學正傳後寓于洪州時趙鐵峯熊雲西熊西字學問金華同一傳授其門人子弟如傅拱辰熊伯機一見而契所聞相與推敬之其書學師事翰林學士危太樸待制朔儔皆嘗受業于趙文敏者使朝鮮還擢武庫員外郎謝病歸解學士大紳序以送之

解春兩集

唐氏門人

徐先生孳

徐孳唐思誠門人思誠卒狀其行實

宋文憲集

歐陽家學

宋元學案補遺 卷八十二

四明叢書

續圖刊本

歐陽先生佑

歐陽佑字公輔文公之孫也潛溪謂其問學精該論議

英發無愧于家學云

宋文憲集

歐陽門人

教授蘇先生伯衡

詳下蘇氏家學

參政貢先生師泰

詳見草廬學案

教諭解筠澗先生開

解開字開先吉水人學士縉之父也明兵起守臣梁克中欲棄地去先生往見爲劃計招附羣雄郡賴以安後

遁迹山中明初徵爲本縣師訓迪有方吉水文學之盛  
白先生始學者稱筠澗先生著有書解文集若干卷

人志

雲濼謹案春雨學士表鑑湖阡云公治五經皆有師授書易得之家傳講于竹坪劉先生始授春秋于如愚黃先生至正初入太學講于吾素王先生元慶毛先生學禮于太古熊先生少時學詩于申齋桂隱二劉先生後益爲古文辭詩歌帥事黃文獻公揭文安公卒業于楚國大司徒歐陽文公之門又云先公少從大父學于永豐于信于瑞通五經書易講于竹西滄浪二劉先生明德夏先生道益張先生與耕王先生學春秋于如愚黃先生叔父蒼林先生餘同

### 太學周先生子直

宋元學案補遺 卷八十二

三夏四明叢書

約園刊本

周子直字□□吉水人太學生與解開先同出入于歐

陽文公揭文安公之門早卒

解春雨集

### 解氏講友

#### 隱君歐陽莘雲先生衡

歐陽衡字師尹吉水人文忠公修十六世孫也元事解開先學者稱莘雲先生至正舉進士不仕隱居山谷閒時四方大亂尙有學者義而從之先生不拒也先生于書無所不讀讀無不記雖山經地志稗官小說醫藥之術皆通析融會所著文集若干卷

解春雨集

雲濠蒞案春兩學士少時嘗從講  
學于先生見其所作文忠譜序

### 黃先生琢

黃琢字玉潤吉水人以春秋教授鄉里有春秋舉要行

世吉安府志

### 蘇氏家學

補教授蘇先生伯衡

雲濠謹案解大紳送劉孝章序云以所爲文求正  
于平仲蘇先生先生與先君子受業于黃歐爲同  
門則先生固黃文獻歐陽文公門人也  
梓材謹案先生所著有空同于二十八篇全文集  
共十卷

宋元學案補遺

卷八十二

三原四明叢書

約園刊本

### 空同子

聖賢道德之光積于中而發乎外故其言不文而文譬  
猶天地之光雨露之潤物之魂魄以生花蔓毛羽極人  
力所不能爲孰非自然哉故學于聖人之道則聖人之  
言莫之致而致之矣學于聖人之言非惟不得其道並  
其所謂言亦且不能至矣

### 附錄

先生嘗作畏慎箴曰君子容心若救火用畏爲水若防  
川用畏爲土若馭馬用畏爲勒肆厥心罔有弗存君子

莅事若治絲用慎爲經若運輻用慎爲轂若除蔓用慎爲斤肆厥事罔有弗濟其見幾防患如此而卒不免天下傷之

朱氏門人

文憲朱潛溪先生謙

詳上凝熙門人

醫學趙太初先生良本

趙良本字立道浦江人宋宗室周王元儼十世至先生少時好讀書從學于吳貞文通經史大略有得諸心輒先于行事柳待制先生父友雅愛其爲人命從朱先生

宋元學案補遺 卷八十二

卷四 明叢書

約園刊本

震亨游朱先生老儒通醫盡傳以其術監察御史聞其精于醫薦授醫學正不就闕一室以居研摩養生之說三十年無懈自號太初子洪武六年卒年七十

宋文憲集

賈先生思誠

賈思誠丹溪高第弟子也有張錄事判官者以勞致疾疾初作大熱發四體中繼之以昏仆迨其甦也雙目暈眩耳中作秋蟬鳴神思恍惚延丹溪治之丹溪曰內搖其精外勞其形以腐其陰以耗其生宜收視返聽于太虛之庭不可專藉藥而已之也因屬先生留以護治之

先生視之如手足之親無所不致其意慮其怒之過也則治之以悲悲之過也治之以喜喜之過也治之以恐恐之過也治之以思思之過也治之以怒其逆厥也藥其湧泉以寤之其怔忡也按其心命而定之如是數年而疾瘳

宋文憲集

· 隱君戴先生士珪

戴士珪字仲積浦江人仲能之兄也戴爲其鄉望族子孫盛衍先生分卑年少一旦學識出諸父右而能敬讓自持不矜不揚商事權理一族爲之聳聽其母病久不

宋元學案補遺 卷八十二

三夏四明叢書

約園刊本

瘳醫之知名者悉迎致其藥餌之品多附子靈砂之屬錢動數萬計先生營治勤悴而病益以增後遇烏傷朱彥修始知其藥之非方圖改法而母病不可爲先生痛迫于心旦暮號泣幾不能終喪旣而曰吾母不可復作而他人之有親也醫復持是殺之其禍不更慘乎乃悉取素難靈樞甲乙太素等書讀之復奉幣彥脩以質其疑問盡得金名醫劉張李三家之說不數年來隱名動吳越聞有不遠數百里來迎者先生以脈證形色定人死生治不治輒先喻日期後僕指徵之百不失一二至

是益知母死之非命寤寐修省怨悔內積盡雖強顏與人接夜則咨嗟涕洟衾枕爲之盡濡如是者十餘年遂至陰消陽勝而痿痺之症作僅一載竟卒年四十三

宋文

梓材謹案先生爲丹溪門人丹溪嘗書五紙與之及其子原禮亦見文憲集

提舉戴九靈先生良

詳上凝照門人

太醫戴先生原禮

戴原禮名思忠以字行浦江人家世業儒究心醫術而志在澤物少隨父徒步至烏傷從朱丹溪遊丹溪盡授

李學案補遺

卷六十二

四明叢書

約園刊本

其術丹溪門弟子頗多惟先生父子最得其傳父早卒先生以名醫徵官至太醫院使

明文海

雲濠謹案余華徵載略載先生醫既有名吳中高士王賓願受方書先生曰北面拜受乃與賓不肯一日見先生他出賓入室取其書去賓不娶臨死以書授盛寅侍文宣兩朝皆有聲云

王氏家學

都事王先生祖孝

王祖孝御史餘慶之子也被選爲長史清慎雅厚綽有父風改調樞府都事

戴九靈集

王氏門人

縣令高先生復亨

高復亨字本中□□人元時游燕京從太史金華王餘慶學及遊學士歐陽玄諸名公之門洪武中詔爲總戎掌書記改河閒獻縣坐累謫鍾離未幾詔起官復知諸城樹學延儒教化大行尋以事免歸

姓譜

李氏家學

補侍郎李先生希明

雲濠謹案先生一名謚攝刑部尙書事卒于官見東陽縣志循吏

戚氏門人

宋元學案補遺

卷八十二

晉四明廣齊

約圖刊本

呂先生口

梓材謹案呂水西遺諸孫學于戚氏黃文獻爲水西墓誌孫七人熙忠煜炯輝烜煥

朱氏家學

編修朱先生廉

別見滄洲諸儒學案補遺

朱先生世沅

朱世沅裕軒先生同善之子也與兄世濂梓材案世濂亦名濂及作

廉潛溪並稱爲佳士

宋文憲集

朱氏門人

經歷鄭先生泳

見下宋氏門人

公饒家學

院掾李節孝先生貫道

附師張恭叔兄怡堂

李貫道字師曾東陽人篤學厲行隨父裕仕陳州師事張恭叔甚器之至正癸巳魁浙榜甲午登進士授鄱陽縣丞未第時從兄怡堂研究性命之學又與陳樵陳及析疑問難自經史至卜律算數無不淵通至正戊子遊浙西時楊廉夫鄭明德蔣子中高納麟交薦爲和靖書院山長黃侍講潛赴召道吳門見而喜曰師曾我師友也能繼其家聲必有以光道州之業矣其見重如此以

宋元學案補遺

卷八十二

三言四明叢書  
續圖刊本

薦辟詹事院掾尋扈駕上京以疾卒門人私謚節孝先生著有敝帚集

桂坡集

仲倫門人

學官楊鶴巖先生芾

別見滄洲諸儒學案補遺

蔣氏家學

蔣先生大同

蔣大同字伯康以字行東陽人嘗修義塾以教鄉里子弟幾數百人供給衣糧庖湍者四十年賑恤頗連無告者不問親疏歲饑有倉行旅經其門有資給死有賻而



婚嫁者有助人于貸之者卽如數無吝甚見重于當時  
云隆慶東陽志

梓材謹案宋文憲集以先生爲貞節先生之長子善承其家學云

附錄

宋潛溪題其小像後曰伯康立身行己動法古人阨危之際又能力持其家使勿墜又曰吾婺自東萊呂成公傳中原文獻之正風聲氣習藹然如鄒魯而其屬邑東陽爲尤甚伯康向學之美自非前修流風遺澤有以薰蒸之未必遠至于此也

宋元學案補遺 卷八十二

三四四明叢書 約圖刊本

蔣氏門人

朱先生茂遠

朱茂遠南溪人蔣若晦內兄之子也問學暇日游觀遠懷亭感興裁詩若晦嘉其能進之意次其韻而酬之貞節

遺文

張氏家學

御史張先生讓禮

張讓禮金華人匡敬子隱居積學有父風洪武初以明經聘起赴京入對稱旨命典國學除監察御史按撫中

都政聲赫然越四年卒于官 金華府志

江氏門人

程龍麓先生斗 附門人程惟善戴彥則

程斗字仲元開化人世居龍山號龍麓子受業三江先生之門傳性理之學尤長于詩文有龍麓子集若程惟善戴彥則皆出其門 衢州府志

方氏門人

宋先生灝 詳上凝熙門人

木訥門人

卷八十二

四明叢書

約圖刊本

贊善章先生溢

章溢字三益龍泉人元末統鄉兵保捍鄉土入明擢浙東按察司僉事胡深兵入閩陷沒處境復驚先生爲副使往撫之先生至閩誅其首叛者數人民乃定官至御

史中丞兼太子贊善 姓譜

附錄

弱冠從鄉先生王剛叔游從事于正心脩身之學既又聞金華爲文獻之邦閒出游以咨叩其統緒

與學士大夫談聖賢之道如味飴蜜尤篤尙伊洛之學

嘗曰古人爲學皆躬行實踐人倫日用之間無非學也  
今人以記誦詞章爲務特學之末事耳故于章句之習  
皆不以屑意而于綱常之大端有關於世教者極切切  
爲人言之

郎中胡先生深

胡深字仲淵龍泉人生有奇質讀書過目卽成誦師王  
木訥毅元末統鄉兵保障處州入明累擢浙東行省左  
右省郎中總制處州軍民事先生與利除害惠愛甚多  
後以征福建陳有定遇害追封縉雲伯

姓譜

宋史學案補遺 卷六十二

三編四明叢書

一約園刊本

附錄

柞材謹察先生與章中丞並爲葉繼道學侶卓忠  
貞敬誌繼道墓稱胡參軍迎入括軍敬事尤謹云

于醫尤精常曰窮而在下者不能及物惟醫可能濟人  
耳

其守鄉郡凡五載馭眾一以寬厚用兵十餘年未嘗妄  
戮一人

章先生存道

章先生存誠 合傳

章存道括蒼人與其弟存誠王訥齋先生高第弟子也

皆篤學力踐能弗畔先生之教

宋文憲集

### 主簿葉靜齋先生子奇

葉子奇字世傑龍泉人至正庚寅以薦試方州中第四人退隱不仕明初浙江行中書省以學行薦授岳州巴陵簿尋致仕卒先生少穎悟壯遊王剛叔門聞理一分殊之旨乃知聖賢之學不貴多聞以靜爲主因自號曰靜齋所著有範通元理草木子等書

兩浙名賢錄

### 元帥季先生汶

季汶字彥文龍泉人元至正中率壯士從石抹宜孫討

宋史案補遺 卷八十二

三臺四明叢書

約園刊本

賊授義兵萬戶明兵破處州擢安南翼總管賀李二將叛殺總制孫炎先生與邵平章夾擊遂誅之陞處州翼同知元帥

宋文憲集

### 徐先生操

徐操

### 項氏家學

### 迪功項先生鼎

項鼎鄉貢良才之長子也以孝友聞對策鄉校力詆權臣以胡公良在朝補官迪功準遣浙東臬臺

黃文獻集

何氏門人

丁雲崖先生存

丁存字性初義烏人性質樸不外撓博學善屬文尤長于詩賦屢徵明經不就嘗游宗文何先生門相與闡明理學以遯金許之傳晚年優游盤谷四方學者羣趨之所著有雲崖雜藁

兩浙名賢錄

葛氏家學

長史葛先生誠

葛誠原名信字誠夫隱君巖之子幼承家學以文章才

宋元學案補遺

卷八十二

三真四明叢書

約園刊本

器爲方孝孺所推孝孺嘗過其好古齋爲作記以薦官秦府湘府長史改燕府與護衛指揮盧振俱被殺著有順善集四卷愚齋雜著二卷

東陽縣志

梓材謹案方文正好古齋記云余遊太史公之門東陽葛君信亦以其業來學是先生固潛溪門人也

白雲再傳

學錄許先生怡

教諭許先生愉

並見滄洲諸儒學案補遺

俞先生善衡

俞善衡字原善麗水人有學行嘗從許文懿公門人游

宋文憲集

端先生禮

端先生智 合傳

端禮溧水人與弟智從許文懿公門人遊循循雅飭有士君子之行端氏出于孔門弟子子貢衛人也其姓端木後人以省文獨呼爲端云 宋文憲集

梓材謹案二端當是范氏弟子端木孝思兄弟行

戴氏家學

宋元學案補遺 卷八十二

言七 四明叢書  
約圖刊本

戴先生禮

戴禮九靈子能守其家學 金華徵獻略

戴氏門人

補 處士李先生孝謙

梓材謹案先生名本孝謙其字也黃氏千頃堂書目云鄞人蓋鄞人傳寫之訛

唐先生輪

唐先生穀 合傳

唐先生輻 合傳

唐輪唐穀唐輻句章人皆轅之弟也戴九靈至鄞轅率

諸弟學于九靈九靈字轅以伯度輪以仲規毅以叔直  
輻以季齊而爲之說九靈山房集

### 唐先生林

唐林句章人起賢之冢子從戴九靈遊九靈爲取班固  
學林之語而字之以孟學且爲說以告之全上

### 訓導趙先生友同

趙友同字彥如長洲人沈潛溫雅有行誼自少篤學嘗  
從宋景濂游洪武末任華亭訓導與修永樂大典五經

四書大全

姓譜

宋元學案補遺

卷八十二

三言四明叢書

約園刊本

### 章先生蟬

章蟬九靈學徒也嘗取韓退之詩語扁其講學之齋曰  
耘業九靈爲之銘曰士之于學猶農之于田耘而又耘  
其業乃專伊士所穡何穡非性由是而賢由是而聖惟  
四其端仍五其常既六其藝亦三其綱此而致力是曰  
種學始之不耘終何以穫去其害苗籽而耨之捕其食  
心長而茂之乃秀乃穎乃堅乃好乃觀厥成有相之道  
舍是奚植息是奚收不植不收誤我有秋昔唐昌黎庶  
幾知此而以耘業勉其學子咨爾章生是則是倣匪以

銘齋亦克允蹈 九靈山房集

夏先生璿

夏璿鄞人居郡東五里戴九靈嘗客授其家與其兄弟遊以先生爲夏氏賢子弟 戴九靈集

何氏續傳

鄉薦何先生本道 見下宋氏門人

陶氏家學

孝子陶南村先生宗儀

陶宗儀字九成天台人博物洽聞明于處世至元閒避

宋元學案補遺 卷八十二

三見四明叢書

約園刊本

世松江之亭林力耕以給食然雅好著述雖在畎畝以筆硯自隨嘗預置一甕于樹閒遇有所得輒書以投其中久之遂取次成帙名曰南村輟耕錄行于世 姓譜

梓林謹案台州府志載先生祖居黃巖之陶夏後徙歙水又言其出游浙東西師路國張公燾永嘉李孝光京兆杜本家甚貧擢松江教授弟子至正閒浙帥秦不華南臺御史辟舉行人校官皆不就晚益閉門著書世所共傳輟耕錄及說郛一百卷書史會要九卷四書脩遺二卷又案東維子銘其父墓稱之爲陶孝子

澄南門人

潘先生鯁



潘鯁

鞠隱門人

補 尚書陶耐久先生凱

梓材謹案台州府志以先生爲臨海人官至禮部尚書贈太子少保以旌其忠

德基門人

許先生季禮

許先生兌亨 合傳

許先生升亨 合傳

許先生大有 合傳

宋元學案補遺 卷八十二

三原四明叢書

約園刊本

許先生中孚 合傳

許季禮兌亨升亨大有中孚登吳德基李草閣之門各

以文學見推于遠近 王海日遺文

宋氏家學

補 宋先生遂 附子懌

宋璩字仲衡文憲公濂之次子博雅善詩文尤精書法

與宋克諸人齊名洪武中以薦爲中書舍人一日帝出

元內庫蟠桃核半片大可盈掌命文憲記使先生書之

稱爲雙絕所著有水簾洞玉兔泉諸詩集子懌力學復

工書 清陽人物補遺

宋氏門人

庶子鄭先生濟

鄭濟字仲辨浦江人洪武中以東宮官屬久闕命廷臣舉孝廉節義之士廷臣以浦江鄭氏對上曰鄭氏知之素矣其里人王氏能做鄭氏家法皆可選用乃徵兩家子弟詣闕以先生爲左春坊左庶子王勲爲右春坊右庶子餘皆給道里費遣歸 姓譜

梓材謹案先生著有大學正文一卷方文正序其後言太師金華宋公欲取朱子之意補第四章句

宋元學案補遺

卷八十二

章四明叢書

約園刊本

以授學者而未果浦陽鄭君仲辨授學太史公預聞其說而雅善篆書某因請以更定次序書之將刻以示後世云

參議鄭先生湜

鄭湜字仲持浦江人洪武中有誣其家交通賊臣者禍不可測先生與其兄濂爭下獄太祖聞言召見慰諭甚至拜先生爲福建布政司左參議 姓譜

鄭貞孝先生淵

鄭淵字仲涵浦江人從潛溪游先後十有餘年潛溪謂其于子義則師友情如父子也初年學舉子業再踐場

屋不合乃棄去潛心秦漢以來諸文章大家又棄去取羣聖人之經而燔溫之窮其道德性命之祕質于濂洛關閩之說充然如有所得益思明體而適諸用母病革思食西域瓜既食而卒先生見瓜終身弗忍食居父喪拊膺悲號絕而再蘇者數四有薦爲月泉書院山長者辭不就性好施與絲毫事必咨稟于長者不敢私著有遂初齋稿十卷續文類五十卷其卒也潛溪以爲宜私諡貞孝處士 宋文憲集

梓材謹案先生子楷狀潛溪行實云與弟子人龍門山著凝道記及著孝經新說周孔集注等書弟

宋文憲集補遺 卷八十二

四明叢書

約園刊本

子乃先公貞孝處士也又云楷自垂髫時嘗侍先公拜先生于林下先生不以童子無知卽辱進而教之故自稱門人然則先生父子同在潛溪之門矣

### 鄭先生詠

鄭泳字仲潛浦陽人溫州路總管府經歷以文學鳴奕朱裕軒同善之女歲時來會與裕軒二子旁侍問答經義金春玉應聽者欣欣忘倦 宋文憲集

梓材謹案先生封都事彥鉉之次子也宋潛溪志都事墓云彥貞仲子泳與從子深同講授脫脫太師家彥貞爲書數千言陳時政之弊合進于太師太師多采而行之又言彥貞子五人長漢才優識精雖不大聲色弟子莫不畏之量人爲出而其致用恆裕如也次卽泳次湜東陽丞人謂才如長



余學是先生亦  
潛溪門人也

鄭先生灝

鄭灝浦江人嘗從宋景濂學經于郡庠 宋文憲集

王先生璉

王璉長山人器局沈凝學問精密師事宋景濂洪武中  
擢史館編修選入文華堂肄業尋攝御史按河南回奏  
稱旨上說謂近臣曰文華堂諸生如王璉等皆異日將  
相才也 姓譜

御史黃先生昶

宋元學案補遺 卷八十二

書四明叢書

約園刊本

王昶字叔暘義烏人文獻公潛之曾孫也受業宋景濂  
之門能古文辭洪武中拜監察御史 兩浙名賢錄

指揮胡先生楨

胡楨龍泉人王府參軍深之子也潛溪授經青坊先生  
以伴讀侍皇太子研席因從潛溪遊後擢僉處州衛指  
揮使司事 宋文憲集

薦辟林先生靜

林靜字子山號愚齋吳興人系出艾軒嘗從宋潛溪遊  
研窮九經百氏之書黃晉卿守文子貞皆延譽之用御

史辟署安定書院山長辭不赴篤志濂洛關閩之學寤寐不忘

宋文憲集

附錄

嘗爲潛溪像贊而序之曰公乘文明之運贊一代之治以其餘力使學者復古屏棄科第之趨一闕于理學之學其功不在朱子下海宇之內一人而已耳

奉訓吳先生志道

吳志道浦江人集賢學士直方之次子淵穎先生萊之弟也官崇文監丞奉訓大夫從潛溪學最久

宋文憲文集

宋元學案補遺

卷八十二

臺四明叢書

約園刊本

鄉薦何先生本道

何本道北山先生諸孫也嘗受鄉薦肄業成均嘗執經從潛溪學

宋文憲集

伴讀陳先生晟

陳晟字子晟連江人以周易解禮部選爲楚王府伴讀嘗從潛溪學文

同上

檢討鄭道山先生棠

隱君鄭清逸先生柏

合傳

鄭棠字叔美浦江人與弟柏俱受業宋潛溪之門

雲濠宋兩

浙名賢錄云與從兄楷弟桓俱受業宋景濂之門桓卽柏字之譌以文詞知名先生尤

善馳騁永樂與纂修大典除翰林院典籍陞檢討以疾

辭歸所著金史評元史評及道山集二十卷柏字叔端

隱居著書或以其名達之蜀王王曰可謂清逸之士人

因以清逸處士稱之著有聖朝文纂文章正原續文章

正宗金華賢達傳進德齋稿金華先民傳

### 長史鄭醇翁先生楷

鄭楷字叔度檢討棠之從兄也蜀王聞其賢奏除王府教授賜號醇翁陞長史致仕著有鳳鳴集兩浙名賢錄

宋元學案補遺 卷八十二

真四明叢書

約園刊本

### 侍郎樓先生璉

樓璉字建連金華人嘗從宋景濂學洪武中以儒士召

歷官監察御史謫戍雲南建文時復官至侍郎姓譜

訓導趙先生友同見上戴氏門人

### 劉先生剛

劉剛字養浩義烏人博學能文詞遊京師學文于宋文

憲濂義烏縣志

### 鄭先生楫

鄭楫字叔通濂之子少凝惛寡言能暗誦易詩書論語

孟子嘗從潛溪遊年僅二十 宋文憲集

駙馬李先生祺

李祺字子祺定遠人太師善長之子尚順德公主為駙馬都尉少嘗受業于潛溪潛溪稱其好學 宋文憲集

都督馮先生誠

馮誠字擇善定遠人郢國公國周之子官都督篤好學問嘗受學于潛溪 同上

中書張先生馮

張馮字子翼瑞安人以文學薦于朝擢奉常贊禮郎監

宋元學案補遺 卷八十二

臺四明叢書 約圖刊本

祀廣西行中書事潛溪惟謹 同上

俞先生恂 父大有

俞恂金華人學于潛溪父大有尤好學 同上

郭先生濬

郭濬字□□寧海人為太學生嘗從潛溪遊以文學知

名于時 同上

太學王先生允中

王允中建康人潛溪司業成均時為日新齋生執經侍

左右潛溪稱其神凝而志恬 同上



伴讀王先生駢

王驥字致遠錢塘人年二十卽以春秋預薦浙江鄉闈肄業成均選爲諸王伴讀入吳府從宋學士學治經兼攻文辭

宋文憲集

黃先生宿

見下平仲門人

常贊黃先生仁

黃仁字淵靜甌寧人以易經舉鄉貢進士選爲太常贊禮郎嘗從潛溪學明經

宋文憲集

編修張先生唯

宋學案補遺

卷八十二

吳四明叢書

約園刊本

張唯廬陵人元季義士光遠之季子也流寓河南薦除國史編修仍俾肄業于堂宋景濂見其有雋才特請于上錄爲弟子員

宋文憲集

王先生黼

王黼虎林人讀春秋而好爲文問法于潛溪潛溪作文說以贈之

文憲文集

桂先生慎

別見靜明寶峯學案補遺

張夢庵先生肯

張肯字繼孟一字寄夢吳人少從金華宋景濂學所爲

詩文清麗有法年八十餘卒著有夢庵集

始蘇志

鄉貢徐先生友聞

徐友聞字季益昌國人自郡諸生貢入成均奉旨受事

中書執經問難于潛溪 宋文憲集

蔣先生學 別見靜明寶峯學案補遺

沈先生新民

沈新民錢唐人嘗從潛溪學經 文憲文集

宗先生思睿

宗思睿潛溪門人

宋石學案補遺 卷八十二

寬四明叢書

約園刊本

長史葛愚齋先生誠 見上葛氏家學

郎中呂雙泉先生熒 父燦

呂熒字慎明永康人父燦博覽經史先生幼承家學稍

長復從潛溪遊爲文章純正蔚瞻有奇氣洪武中吳沈

以才德兼備薦于朝歷官周府左長史改刑部郎中未

幾因事忤旨坐罪縉紳惜之所著有雙泉文集 金華府志

李先生口

李先生四明人也嘗師潛溪潛溪稱其爲人凝重而不

遷于物穎銳有以燭諸理閒發爲文如水湧而出喧

啾白鳥之中見此孤鳳凰越一年別去潛溪作詩以送之  
宋文憲集

李氏門人

唐委順先生光祖

詳見唐氏家學

許先生季禮

許先生兌亨

許先生升亨

許先生大有

許先生中孚

並見德基門人

李學案補遺

卷八十二

實

四明叢書  
約園刊本

潘氏門人

隱君黃元白先生中德

黃中德字觀成黃巖人幼穎悟受學于潘伯修之門伯修爲方國珍所害乃歎曰人生于三事之如一譬其不可不復乎聞明師至葵卽持書聞道詣軍門請爲師復嘗會方氏歸附事乃寢遂與其徒徜徉山水間不復有仕進意學者稱爲元白先生

台州府志

隱君金水南先生道源

附子礎從子茂

金道源字本仲號水南黃巖人少好學從潘伯修遊博

通羣經隱居松巖山中四方從遊者眾所著有水南稿  
子礎字廷器有采蘭集朱右爲序從子茂字敬禮有潛  
庵稿同上

解氏家學

御史解滄江先生綸

解綸字大經吉水人縉之兄也洪武戊辰與縉同舉進

士任御史 姓譜

梓材謹案學士狀先生行實云伯兄子予有父道焉有師道焉又言其從族父元祿學易又從高公聲文

宋元學案補遺 卷八十二

四明叢書

約園刊本

學士解春雨先生縉

解縉字大紳吉水人父開與弟闕有名稱二解先生年  
十九舉鄉試第一洪武二十一年與兄綸同舉進士官  
至翰林學士兼右春坊大學士先生少登朝才高任事  
直前好臧否鯁直無顧忌卒以謫死 列卿錄

梓材謹案春雨堂憲跋云縉受學于太史蘇公平仲則先生蘇氏門人也

解氏門人

周先生徧

周徧字尙志吉水人知循州堯章之曾孫也從解開先

游少開先二十二年開先始教而受學焉開先承累世之傳以淑諸人嘗曰數十年來觀尙志之誼不辱吾門者也

解春雨集

縣官徐先生子耕

附師王勤齋

徐子耕字□□吉水人入縣庠從解開先學成充貢爲太學生分教山西擢爲廣東縣官有政聲始其父遣之從王勤齋先生學所以奉事之如嚴君後開先之叔季通主其家先生二子從學所以奉事之如勤齋冬官主事廣成其一也

解春雨集

宋元學案補遺 卷八十二

三言四明叢書

約園刊本

歐陽門人

學士解春雨先生縉

見上解氏家學

周先生源

周源字子深廬陵人篤志于學師事黃玉潤歐陽萃雲二先生皆元季大儒經學粹善講說尤以節操稱之先生事之盡禮盡得其說而于書春秋之旨蓋豁如也嘗闢地構精舍積書以訓子弟云

解春雨集

平仲門人

解先生縉

見上解氏家學

黃先生宿

父逢源

黃宿字仲昭浦江合溪之同居者也父逢源字資深與兄弟相友愛先生學于蘇伯衡又游于宋學士濂之門以文詞稱洪武丁卯伯父逢吉以非罪陷重刑先生挺身代行死于法鄉里哀之

金華徵獻略

黃先生謚

黃謚浦江合溪人與從父宿同學于蘇平仲先生爲人慷慨孝友能濟人之乏解人之紛其父隆會讐人誣陷會訊京師先生往白其冤而卒

同上

宋和學案補遺

卷八十二

三臺四明叢書

約園刊本

章氏家學

章先生蘊

章先生德

並見橫渠學案補遺

胡氏家學

指揮胡先生楨

見上宋氏門人

耐久門人

翰林張古學先生廷璧

張廷璧名穀以字行號古學臨海人穎悟絕倫工草書善詩文嘗學于陶中立洪武中爲河南大倉訓導改仙

居令永樂初授帖翰林應二十八宿之選未幾同進者皆授中書舍人先生以歸省不預卒于家

台州府志

古學講友

徵君蔣遵安先生誼

蔣誼字廷制號壺隱臨海人郎中箴之父自幼與趙孝先張廷璧相友善以舉行重于時永樂初薦之京力辭而歸棲遲西山朝耕夜讀因復號遵安

同上

古學同調

隱君吳先生淳

宋元學案補遺

卷八十二

臺灣四明叢書

約園刊本

吳淳字世英仙居人清介自持不樂仕進與吳德和原善輩設義塾延翰林張廷璧訓其鄉之子弟

同上

宋元學案補遺卷八十三

目錄

雙峯學案補遺

黃柴門人

補 饒先生魯

雙峯門人

補 陳先生大猷

補 吳先生中

補 魯先生士能

宋元學案補遺 目錄

四明叢書  
約圖刊本

補 程先生若庸

補 許先生應庚

補 汪先生華

補 吳先生迂

補 羅先生椅

補 史先生泳

張先生頤

詳見北山四先生學案

胡先生震

附師何子舉劉均

凌先生堯輔



方先生齊

陳先生友沅

合傳

唐先生震

詳見鶴山學案

董先生敬庵

韓先生秋巖

合傳

勿齋同調

程先生逢午

雪樓師承

雷先生光霆

朱學案補遺

目錄

四明叢書  
約園刊本

吳氏師承

馮先生孝揚

可堂同調

郭先生郁

別見蕭同諸儒學案補遺

雙峯私淑

黃先生震

詳東發學案

陳氏家學

補陳先生澔

準軒門人

朱先生公邁

詳下朱氏家學

微庵門人

補吳先生錫疇

補程先生鉅夫

吳先生德溥

吳先生可孫

雪樓講友

丁先生應桂

附子榮翁

揭氏先緒

宋元學統補遺

目錄

三

四明叢書  
約園刊本

揭先生來成

可堂門人

朱先生坦 大父明普

徐氏門人

胡先生長孺 詳見木鐘學案

雷氏門人

詹先生天游

馮氏門人

吳先生德鴻

吳先生可孫 見上徽庵門人

吳先生屋子 見下友竹家學

吳先生辰子 同上

雙峯再傳

柴先生實翁

朱氏家學

補朱先生公遷

朱先生可傳

朱先生口

宋元學案補遺 目錄

四明叢書

約園刊本

克升講友

汪先生國用

劉先生晉昭

操先生琬 別見介軒學案補遺

教授門人

朱先生坦 見上可堂門人

雪樓門人

補揭先生侯斯

補趙先生孟頫

貢先生師泰

別見草廬學案補遺

王先生揆

剛見巽齋學案補遺

友竹家學

吳先生屋子

吳先生辰子

附師傳陽鳳謝元禮

熊氏家學

熊先生東

附門人熊原

汪氏再傳

補汪先生克寬

宋元學案補遺

目錄

五十四明鏡齋

荊園刊本

環谷講友

謝先生俊民

明所門人

補洪先生初

朱先生維嘉

梅先生熙

揭氏家學

揭先生法

揭氏門人

歐陽先生貞

附師夏鎮

解先生開

別見北山四先生學案補遺

變先生理普化

趙氏門人

危先生素

詳見靜明齋峯學案

賀先生太平

附師呂弼子均

朔先生儔

林氏門人

補徐先生一夔

宋學案補遺

目錄

六

大明鏡書  
刻圖刊本

環谷門人

任先生原

父鼎

任先生序

合傳

吳先生國英

汪先生世賢

環谷私淑

宋先生濂

詳見北山四先生學案

洪氏山人

補王先生逢

伯防門人

李先生孝謙

詳見北山四先生學案

趙氏家學

趙先生彥亨

朔氏門人

端木先生孝思

別見北山四先生學案補遺

徐氏門人

遼先生宏

松塢門人

宋元學案補遺

目錄

七

四明叢書  
約園刊本

京先生況

劉先生剡

合傳

宋元學案補遺卷八十三

後學 鄞 王梓材 同輯  
慈谿 馮雲濠

雙峯學案補遺

黃柴門人

補 文元饒雙峯先生魯

雲濠謹案先生一字師魯

雙峯語要

格物窮至那道理恰好闊奧處自表而裏自粗而精裏之中又有裏精之中又有至精透得一重又有一重若

宋元學案補遺 卷八十三

一 四明叢書 約園刊本

見其表不窮其裏見其粗不窮其精固不盡然但究其裏而遺其表索其精而遺其粗亦未盡須是表裏精粗無所不到方是物格

恕有首有尾藏乎身者其首及人其尾也忠是恕之首治國平天下章皆說恕此章言有諸己無諸己是要人于修己上下工夫其重在首言所惡于上毋以使下等是要人于及人上下工夫其重在尾兩章互相發明

中無定體隨時而在如萃之時用大牲吉則中在那極厚處損之時二簋可用享則中在那極薄處

知屬貞貞者正而固知得雖是正了仍舊要固守所以說貞者事之幹

不勉而中安行之仁也不思而得生知之智也從容中道自然之勇也或疑從容非勇曰今有百鈞于此一人談笑而舉之力有餘也一人竭蹶而不能舉力不足也然則聖人之于道也眾皆勉強而已獨從容非天下之大勇而何

發育萬物以道之功用而言萬物發生長育于陰陽五行之氣道卽陰陽五行之理是氣之所流行卽理之所

朱子學案補遺

卷六十三

一一四明叢書  
約圖刊本

流行也峻極于天以道之體段而言天下之物高大無過于天者天之所以爲天雖不迺陰陽五行渾淪磅礴之氣而有是氣必具是理是氣之所充塞卽理之所充塞也

祖述堯舜二句言學之貫乎古今上律天時二句言學之該乎穹壤

志學章矩字尤一章之要致知是要知此矩力行是要踐此矩守是守得此矩定不惑是見得此矩明知命是又識得此矩之所自來耳順是見得此矩十分透徹從



心不踰是行得此矩十分純熟矩者何此心之天則是也規矩皆法度之器規員善于旋轉而無界限之可守矩方則有廉隅界限截然一定而不可易智欲其員行欲其方故以矩言之卽義以方外是也胡氏謂體卽道用卽義義字正爲矩字而發

心不可先有所主當于事至物來虛心觀理惟是之從而已老主虛佛主空自謂無所住似乎無適莫者然無義爲之據依故至于猖狂自恣問吾儒異于二氏者何在曰吾儒則見虛空中辟塞皆是實理故未應則無思無爲而此理已具已應則無適無莫而惟理之從

宋元學案補遺

卷六十三

二二

明鏡

約園刊本

曾子答門人何不曰一本萬殊體立用行之類而曰忠恕蓋忠恕二字學者所易曉便可用功盡得忠便會有這一盡得恕便會以貫之一以貫之是自然底忠恕忠恕是勉強底一以貫之曾子之學主于誠身故其告人就行處說

見不賢而內自省省謂警省非徒察也

窮理是思以前事果斷是思以後事

用功最緊要處在約其情使合于中約是工夫中是準

則四勿便是約底工夫禮便是中底準則能約其情使合于中則心得其正而不蕩性得其養而不鑿

俗由于政齊桓富國強兵故其俗急功利假借仁義故其俗喜夸詐魯周公之後周禮盡在其重禮教可知至漢初猶爲項羽城守不下其崇信義可知

樂是聖人之所固有富貴貧賤是時之適然人不處富貴則處貧賤聖人之樂處富貴則在富貴中處貧賤則在貧賤中然樂在富貴中見得不分曉在貧賤中方別出故多于貧賤處說

宋元學案補遺

卷八十三

四

四明叢書  
約圖列本

天生聖人以任斯道達則爲天地立心爲生民立命窮則繼往聖開來學天意如此人安能違天而害之有夫子之德有夫子之道而後可以如夫子之自任否則妄也

三軍有千萬箇心匹夫只是一心若三軍離心則帥便被人奪了匹夫之志在我而已故不可奪此是教人立志

松柏至春後方易葉故曰後彫必有松柏之操然後不爲歲寒所變以此必有君子之德然後能不爲利害事

變所移臨利害遇事變是兩件士窮見節義以利害言  
世亂識忠臣以事變言聖人之道無適不中用禮樂而  
從先進在當時則爲崇質在理則爲適中

未能事人焉能事鬼如人有箇父母活在這裏尙不會  
奉事得死後如何會奉事

愚魯辟彥皆指其所偏唯曾子能于偏處用功故後來  
一貫之唯至鈍反成至敏問偏于鈍成如何用功曰人  
一己百人十己千而已

一日之語見于論語者二一日用力于仁指其用功之

宋元學案補遺

卷八十三

五 四明章濤

約園刊本

日言也一日克己復禮指其成功之日言也何以知之  
克者戰而獲勝之名復者失而復還之謂此皆用力而  
成功者故上文以此皆爲仁而下文許以天下歸仁  
浸潤者其來舒緩膚受則其來迫切一緩一急緩則不  
暇覺急則不暇詳一要覺一要詳

質直是忠信底人固難得但亦有直情徑行不去隨事  
裁度而所行容有不合宜處故質直又要合義

見小與欲速相因才要速成便只是見得目前小小利  
便處所以急要收效若是胸中有遠大規模自然是急

不得

克伐怨欲四件病根在一欲字有所欲則貪多而求勝遂其所欲則誇伐不遂其所欲則怨恨

事君以不欺爲本然不欺甚難須是平日于慎獨上實下工夫表裏如一方能如此今人自家好貨好色却諫其君勿好貨好色道便是欺

學者同此一箇學但用心不同如三年學已自是了但志在于穀則非爲己之學也若如後世刑名術數記誦詞章之學則所學已與古人背馳何必更論其用心之同異孔子之時世教雖衰其學之陋尙未至此

宋元學案補遺

卷八十三

六

四明叢書

約園刊本

驥所謂德者亦在力處見之善用其力便是德若單指調良則凡馬所有又不足稱矣

知德者鮮夫子不曰知道而曰知德蓋德與道不同知在行先曰知道知在行後則曰知德知在行先則道未爲我有猶未親切知在行後則此道實爲我有而知之也深旣知得道裏面滋味則外面世味自不足以奪之法外意者意在法之表意所以立此法所以用此法亦所以守此法先王有不忍人之心斯有不忍人之政有

關雎麟趾之意然後可以行周官之法度卽此意也  
眾好惡固當察然我心無私意方能察之若有私意則  
眾好惡之得其當者反或以爲非矣所以惟仁者能好  
惡人也

性所以相近者正以本然之性寓在氣質之中雖隨氣  
質而各爲一性而其本然者常爲之主故氣質雖殊而  
性終不甚相遠也此是以本然之性兼氣質而言之非  
專主氣質而言也問如何見得性相近曰如惻隱羞惡  
人皆有之然有惻隱多于羞惡者亦有羞惡多于惻隱  
者雖不甚同亦不甚相遠故曰相近

聖學案補遺

卷八十三

七

四明叢書

約圖刊本

大抵君之于民臣之于君皆當以愛爲主君愛其民惟  
恐其有勞民平日已信之一且不得已而勞之亦何所  
怨臣愛其君惟恐其有過君平日已信之一且不得已  
而諫之亦何所嫌我以誠意惻怛感彼必以誠意孚亦  
安有以爲厲諉者乎

聖人之道雖曰難入然其入亦自有方且如仰彌高鑽  
彌堅此是數仞難入處夫子循循善誘博我以文約我  
以禮這便是從入之門學者須從此門路入方有所見

理者氣之主理直則氣壯理屈則氣餒吾之理不直雖一夫之賤亦爲之屈吾之理直雖千萬人之眾在所必伸

周亞夫軍中夜驚亞夫堅臥不起固是帥之定處然設或被他驚不已自家如何睡得安于此見持其志又不可不養其氣

誠淫邪遁是病證蔽陷離窮是病源所蔽所陷所離所窮是病源之所在墨氏之蔽在于見仁而不見義楊氏之蔽在于見義而不見仁其蔽雖同而所蔽則異孟子

宋元學案補遺

卷八十三

入

四明叢書  
經國刊本

知言如明醫然才見病證便識病源在何處

自親親而仁民而愛物推至于無一民一物之不愛是充仁之量自一事之得宜推至于無一事之不得宜是充義之量禮智皆然

用兵也要天時地利但人和爲本人心不和雖有天時地利亦不可取勝況時不時屬天利不利屬地人心和不和則在我而已在天地者難必在我者可恃

孟子教時君行仁政只是養與教二事井田以養之學校以教之告齊宣滕文皆如此

奉順孝也但阿意曲從陷親于不義則不可非其道不仕孝也家貧親老而不祿仕則不可告而後娶孝也但告則不得娶以至無子絕祀則不可

養生今日不及明日猶可補惟送死有不到爲終身之恨他日欲爲不可得矣

所以博學者非徒誇其多所以詳說者非徒鬪其靡欲人融而會之貫而通之而已這物事未曾融時一箇是一箇才融了便會爲一約是要約如思無邪毋不敬之類

朱子學案補遺 卷八十三

九四明叢書 約圖刊本

人未生以前不喚作性既生以后方喚作性才喚作性便滾在氣質中所以有善有不善此氣質之性也然性之本然惟有善而已就氣質中指那本然者說是則天地之性也若不分做兩箇性說則性之與氣鶻突無分曉若不合做一箇性說認做兩件物事去了故程子曰二之則不是

問善反之則天地之性存焉不知未反以前此性亦存否曰不曾反時此性亦未嘗無且如一鄙吝人見殘疾人也知憐憫一強梁人見好人也知恭敬畢竟有箇性

在內不知不覺發見出來但人有氣質物欲之累則此性不能常存須于善反上做工夫方存得性之本問反之工夫如何曰涵養體認克治充廣皆是反之道譬如水被泥沙混了若加澄治則本然之清仍在

雙峯經說

子之于親不分職守事事皆當理會無可推託事師如事父故皆無方臣之事君當各盡職守故曰有方

附錄

黃勉齋復其書曰來諭以義以方外爲隨事省察卽物

宋元學案補遺 卷八十三

十 四明叢書

約園刊本

推明似便以是爲格物致知之事竊嘗謂古人敬義兩字且就念慮上用功敬是持養此心而欲其存于內者無不直義是省察此心而欲其應于外者無不方居敬集義乃是要點檢自家身心格物致知乃是要通曉事物道理其主意不同不可合而言之也又謂貞者萬殊之所以一本元者一本之所以萬殊如此則亨利兩字又當頓在何處一本萬殊四字朱先生于一貫處言之以其一故曰一本以其貫故曰萬殊一以貫之以此之一貫彼之萬故忠爲一本恕爲萬殊也今欲以四德言



之則利當爲一之始貞當爲一之終元當爲萬之始亨當爲萬之終自亨而利則由萬而趨于一至于貞則成夫一也自貞而元則由一而趨夫萬至于亨則成夫萬也似此方始無病此又窮理之不可不察也

蔡久軒薦先生章曰饒州餘干縣隱士饒魯性質樸茂操履純實年未三十卽棄科舉一意理學不求聞達早師李燔黃榦得朱文公之傳甚的其于四書探索精微思致深遠每有自得之妙觀其狀貌不踰中人而內之所守恪乎不易居于鄉黨則俗訓善良行乎州里則人所

宋學案補遺

卷八十三

十二四明叢書

約圖刊本

有矜式累主白鹿東湖安定書院羸糧受業戶屢幾滿臣嘗延之饒泮爲學者講說微顯闡幽辨疑祛惑莫不感動蓋自考亭師亡友散之後聞而知之如魯者未見其比

金仁山論語集註攷證曰饒伯輿謂古公年壽甚高末年武王已生其祖子孫皆有聖德而泰伯遜之蓋一遜王季二遜文王三遜武王也王文憲取之

又曰伯輿謂仲弓章全說強恕求仁之方出門使民亦指接物之恕蓋備舉行恕之首尾告之無怨乃恕之效

此說王文憲亦然之

程雪樓曰四書勉齋之說有朱子所未發者雙峯之說又有勉齋所未及者亦可見義理之無窮矣後之讀者于先儒之旨曾未貫徹而或有妄肆誹議者一庸一妄其失惟均

又序先生文集曰理學至伊洛而大明逮考亭而益精學者家度其書歸而求之有餘矣而拘者束章句虛者掠聲稱專門戶以爲高溺辭說以爲達若存若亡愚智交病雙峯先生最晚出徒得從其高第弟子游乃獨泳澤窮源扶根披枝共派而分流異出而同歸廓然渙然者于此也大道之不明非書之不多若雙峯之書政患其未多耳

雙峯門人

補州判陳東齋先生大猷

梓材謹案先生爲雲莊先生濬之父雲莊序所著禮記集說言先君子師事雙峯先生十有四年以是經三領鄉書爲開慶名進士所得于師門講論甚多中罹煨燼隻字不遺云

雲濠謹案方秋崖同第二名陳大猷稱其熟講中庸卓爲茂異許孟容有禮學典章多所裁之公孫弘舉賢良郡國無以易也其見重如是

補 隱君吳準軒先生中

雲濠謹案四書通義引用姓氏有吳氏中行字直卿號準軒番禺人勉齋門人是先生又在勉齋之門

補 錄事魯寶潭先生士能

梓材謹案先生名楚杞與一統志皆作仕能

補 山長程徽庵先生若庸

附錄

方秋崖題程達原字訓曰史弘肇不識字固也張禹孔光學爲帝者師不識止字諂王鳳柳河東文如五緯麗

宋學案補遺

卷六十三

十三

四明叢書

約園刊本

天芒寒色正不識正字陷伍文黨屈原離騷與日月爭光賈誼痛哭流涕之書漢廷無出右者皆不識命字一斥不復至于憂愁悲鬱不得其死然則古今大儒不識君字訓之字者蓋多謹毋曰小學家

陳定宇答吳仲文曰徽庵于朱學甚用功近年吾邑前輩之可心服者此其尤也增廣字訓一書乃因程端蒙之字訓而充之亦甚好會聚前輩之議論而閒出己意以折衷之但以之啓蒙後進則不如字義之活而易看又跋斛峯書院講義曰學朱子之學而精到似程勿齋

者甚少此公才質鈍只見勤文頗繁煩然學問精到絮煩得好

梓材謹案勿齋卽徽庵別號朱楓林書性理學訓後云程正思字訓三十條勿齋增廣之爲六門百八十三條程氏讀書日程入歲未入小學教之讀此甚善云又案四庫存目錄性理字訓一卷舊本題宋程端蒙撰程若庸廣之爲造化性情學力善惡成德治道六門明初朱升又增善字一條據袁甫之說以補之

補進士許先生應庚

雲濠謹案萬姓統譜先生名作應寅

補隱君汪東山先生華

宋完學案補遺 卷八十三

十四四明叢書

約園刊本

梓材謹案宋景濂爲環谷詩集傳音義會通序言東山君嘗從雙峯得黃文肅公之學文肅則子朱子高第弟子也其授受淵源最爲親切故學者多尊事之

補逸民吳可堂先生迂

雲濠謹案先生所著又有易學啓蒙

梓材謹案虞道園學古錄題跋有云路提學著廉使吳公可堂之說凡經傳論不可者摺拾幾無餘焉客有持以示僕者昔在延祐中集竊學者之餘于成均餓居京城與公同巷共舍相去甚邇親見公之事其太夫人也是時公尙貧甘行新異之味無日不具其夫人親餽以饋太夫人未食公不取出也諸孫幼太夫人甚愛之每輟食以飼每食李先具豐膳使足徧賜而有餘隨以精饌進太夫人必悅而飽焉退而食于私室太夫人使察之見其甘食謂若與己饌無二者甚安以喜不知其實疏糲也舉家長幼交行以爲常夫事親之道安有

過哉孝如曾子孟子猶曰可而已吾見公之爲養者如此而歉然猶若自以爲有未能盡者也此吾知可堂之可之實之一也又言其兩拜行省參政以廉明數持廉節是非逸民吳先生蓋又一吳可堂也附識于此

補縣令羅礪谷先生椅

附錄

爲潭州教官潭士聞其來先懷輕侮之意及至首講中庸聲聲可聽諸生乃無語 癸辛雜志

子遠清修博學時賈似道專國上書力詆其罪挂冠徑去不復仕

癸辛雜志補遺 卷八十三

十五 四明叢書

約園刊本

補史水東先生詠

雲濠謹案先生名亦作詠經義考引黃虞稷之說謂雙峯嘗建石洞書院著論孟紀聞與其門人史詠等相問答云

雲濠又案姓譜載先生云饒雙峯門人李實謂其問答出入微妙儒林宗派亦列先生于雙峯門人  
教授張導江先生頌 詳見北山四先生學案

教授胡先生震 附師何子舉劉均

胡震廬山深溪人官將仕佐郎南康路儒學致仕教授少讀易于國正何先生子舉編修劉先生均堂長饒先生魯之門後以平日父師之訓筆而輯之爲成書附以

程朱張楊先賢之確語有益于世教者名之曰周易衍義  
周易衍義自序

雲濠謹案周易衍義十二卷四庫提要云有其于光大識其語稱幾成書而下世後十年始克纂集成編則其書實成于光大之手矣

凌先生堯輔

凌堯輔番禺人游饒雙峯之門雙峯學于考亭之門人而于考亭之書鑽研探索築述彙敘其意猶考亭之于濂洛先生箋註疏釋問答圖辨又如雙峯之于考亭也嘗與戴剡源游剡源序其大學中庸孝經諸書集解音

宋元澤案禮遺 卷八十三

十六四明叢書

一統圖刊本

釋戴剡源集

方先生齊

陳先生友沅 合傳

方齊陳友沅皆豐城人因其師雙峯饒氏遂創石峯書

堂講學于此 江西通志

忠介唐先生震 詳見鶴山學案

堂長董先生敬庵

韓先生秋巖 合傳

董敬庵韓秋巖新淦人皆為饒雙峯門人羅子遠與之

極相得宋亡敬庵秋巖再及門雙峯卒匍匐往哭縞絮  
背負木主每夕旅邸輒設位奉木主哭臨之道由撫州  
黃東發時爲守往迎之亦製服于郡廳設位三人會哭  
俱稱先師之喪及自石洞回東發聘敬庵爲臨汝堂長  
留秋巖于郡齋 癸亥雜議續集

勿齋同調

教授程先生逢午

程逢午字信叔休寧人與族父若庸講明經學著中庸  
講義三卷益暢朱子之旨元貞二年薦授紫陽書院山

宋元學案補遺

卷八十三

十七

四明叢書

約圖刊本

長學者翕然尊之陞海鹽州教授卒 姓譜

雪樓師承

雷龍光先生光霆

雷光霆字友光寧州人居教授學士程鉅夫詹天游  
皆其徒也著九經緝義五十卷史子辯三十卷詩義指  
南十七卷至元閒遣使徵之未至卒學者稱爲龍光先

生 南昌府志

吳氏師承

馮先生孝揚

馮孝揚

梓材謹案先生爲吳儀可之師儀可弟聖可從子君明皆師馮得一疑卽先生蓋一爲名一爲字爾

可堂同調

侍郎郭先生郁

別見蕭同諧僞學案補遺

雙峯私淑

文潔黃于越先生震

詳東發學案

陳氏家學

補經師陳雲莊先生澔

雲濠謹案先生國朝雍正二年從祀孔廟梓材謹案江西通志載明成化間學士劉定之建

李先學案補遺

卷八上三

大綱明

約圖刊本

議謂先生釋經之功雖未敢肩程朱亦可以決胡蔡欲比何休賈逵范寧杜預等例從祀聖廟是猶虞學士題其墓曰經師陳先生之意也人物志謂學者稱經歸先生經歸恐是經師之謬顧通志有經歸書院在都昌縣西山且言先生與雙峯饒氏注禮記集說號雲住師因名其書院曰雲住雲住爲雲莊之謬先生爲雙峯再傳弟子不得與雙峯注禮記則經歸二字亦屬謬文可知矣

禮記集說

家語孔子生三歲而叔梁紇死少孤及顏氏死夫子成立久矣聖人人倫之至豈有終母之世不尋求父葬之地至母殯而猶不知父墓乎且母死而殯于衢路必無塋廬而死于道路者不得已之爲耳聖人禮法之宗主



而忍爲之乎馬遷爲野合之誣爲顏氏諱而不告鄭注  
因之以滋後世之惑且如虞舜瞽瞍之事世俗不勝異  
論非孟子辭而闕之後世謂何此經雜出諸子所記其  
闕不可據以爲實者多矣孟子曰主癰疽與侍人瘠環  
何以爲孔子愚亦謂終身不知父墓何以爲孔子此非  
細故不得不辨

士喪禮浴于適室無浴于爨室之文舊說曾子以曾元  
辭易簣矯之以謙儉然反席未安而沒未必有言及此  
使果曾子之命爲人子者亦豈忍從非禮而賤其親乎  
此難以臆說斷之當闕之以俟知者

朱子學案遺

卷八十三

十九 國朝叢書

約園刊本

舞斯愠一句終是可疑今且據疏劉氏欲于猶斯舞之  
下增一矣字而刪舞斯愠三字今亦未敢從

古者以周尺八尺爲步節疏義所算亦誤當云古者八  
寸爲尺以周尺八尺爲步則一步有六尺四寸今以周  
尺六尺四寸爲步則一步有五尺一寸二分是今步比  
古步每步剩出一尺二寸八分則古者百畝當今東田  
百五十六畝二十五步一十六分十分寸之四

數之脩短稟氣于有生之初文王雖愛其子豈能滅已

之年而益之哉好事者爲之辭而不究其理讀記者信其說而莫之敢議也

末服之將除也舊說以末爲卒哭然大功卒哭後尙有六月恐不可言末小功旣言末又言末哭則末非卒哭明矣

禮記集說自序

前聖繼天立極之道莫大于禮後聖垂世立教之書亦莫先于禮禮儀三百威儀三千孰非精神心術之所寓故能與天地同其節四代損益世遠經殘其詳不可得

宋元學案補遺

卷八十三

二

四明叢書

約園刊本

聞矣儀禮十七篇戴記四十九篇先儒表章庸學遂爲千萬世道學之淵源其四十九篇之文雖純駁不同然義之淺深同異誠未易言也鄭氏祖讖緯孔疏惟鄭之從雖有他說不復收載固爲可恨然其灼然可據者不可易也近世應氏集解于雜記喪大小記等篇皆闕而不釋噫慎終追遠其關於人倫世道非細故而可略哉

附錄

宋亡不樂仕進教授鄉里

高梯曰雲莊集說以其簡便而得列于學官

雲濠謹築先生雲莊禮記集說經義考著錄三十卷四庫書目十卷蓋通行本也提要云初延祐科舉之制易書詩春秋皆以宋儒新說與古注疏相參惟禮記則專用古注疏蓋其時老師宿儒猶有存者知禮不可空言解也是書在延祐之後亦未爲儒者所稱明初始定禮記用陳注蓋說禮記者漢唐莫善于鄭孔而鄭注簡奧孔疏典贍皆不似陳注之淺顯宋代莫善于衛湜而卷帙繁富亦不似陳注之簡便又南宋賈應以後朱子之學大行而陳氏之父大猷師饒魯魯師黃榦榦爲朱子之婿遂精考亭之餘庶得獨列學官又言其書用爲訓蒙則有餘求以經術則不足朱氏經義考以爲圓冊子說之固爲已甚要其說亦必有由矣

準軒門人

教授朱明所先生公遷

詳下朱氏家學

宋學案補遺 卷八十三

三

四明叢書  
剞劂刊本

徽庵門人

補 吳蘭皋先生錫疇

附錄

四歲而孤伯父破其家或教之訟先生泣曰貧喪命也

二祖以孝友名家吾兄弟訟不辱吾先乎聞者賢之

補 文憲程雪樓先生鉅夫

雲濠謹築先生所著有玉堂類彙九卷奏議一卷詩文三十五卷元史本傳云其先自徽州徙鄞州

京山後家建昌

梓材謹築先生年譜云父師初命名曰樞之後子

周翰初從學于龍淵胡自明先生後受業于徽庵

年二十八歲始更名字又言先生不能忘鄧故取

鄂之白雪樓以名所寓而後學因稱雪樓先生後  
賜地築室京師又扁其齋曰遠故又曰遠齋先生  
云

### 程雪樓集

天地至神非風雨霜露罔成其功斯道至大非聖君賢

相罔致其化人性至善非詩書禮樂罔就其器

大元國  
學先聖

碑廟

教自有缺必使廷臣推擇可以爲人表儀者條具聞奏  
令有祿可養而不匱職比親民而加優視教化之廢興  
爲考第之殿最他日隨取隨足無臨事乏材之歎天下

崇先學案補遺 卷八十三

三十四明藏書

約圖刊本

幸甚

學校奏議

水必止乃可以滋物象鏡必明乃可以別妍醜故帝王  
貴清心心清則四海之廣無不燭萬幾之微無不察光  
明洞徹不言而信譏諛不得施邪僞不敢前百官有司  
各安其職無有撓格之患則災變息而天下治矣

議災  
異奏

爲詞章者毋拘拘于科舉而用力于詩書六藝之文明  
理義者毋膠膠于訓詁而篤志于聖賢體用之學孝弟  
忠信以養之禮義靡恥以維之則其才其德不至于古  
人不已

漳州路重建學記

今儒無科舉之累而或昧辭遜羞惡之端閒有志理義之實而或欠經天緯地之略平居講貫無半知解異時臨事必錯路歧故不患百年無善治決不可一日無真儒

台州路學講堂記

詞章勝德行微先儒有憂之歸而求之性命大雅不作假性命之說以媒利達而世道與人心俱往矣夫詞章性命之學猶不能無弊則夫箴攝人心扶植世道必有攸在

福寧州學記

知恥則學無不成滅私則事無不集

重修南陽書院記

奎光學堂遺

卷六十三

三石齋叢書

約園刊本

慕其人若不若師其心居其居若不若履其道

青田書院記

陶唐氏開聖治之初者也夫子贊之不過曰有文章而伯周公大聖人也謚皆不過曰文道德禮樂至周備矣而言三代者亦不過曰周尚文然則士其可徒以詞章爲文乎哉

贈歐陽南陽序

聖人之言如天賢者之言如地諸子百家如萬物

尊經閣序

夫惟聖人耐以天下爲一家故治天下之道脩于家人一卦非已備也所以爲治道之備者始于此也

家人經傳衍義

後序

器非人不行用之則隨所施而無不中度弗用則亦自守其尺寸之常此君子所以有藏器之喻

文矩名字說

學之不講久矣豈徒學者之罪亦父兄師友之過也夫子曰君子以文會友以友輔仁蓋仁其表而文其景也

答何端奇書

石者泉之母也密則清土者水之基也厚則茂

青瑩中齋名謝

氏三子說後

仁義禮智天之命也而君子則曰有性聲色安佚人之性也而君子則曰有命然則脩吾之所當爲而順天之

宋元學案遺

卷八十三

三四四明藏書

約園刊本

所爲斯可以謂之知命

跋知命堂記

君子無幸而有不幸小人有幸而無不幸

黃伯靈墓誌

附錄

改集賢直學士入見帝首乞興建國學上卽命建國子

監

行御史臺事詔搜賢江南上素聞趙孟頫葉李名臨發

密諭必致二人公至行臺宣上德意禮趙葉二公赴闕

同時薦者若趙孟頫萬一鶚余任心張伯淳浚時中胡

夢魁曾冲子孔洙包鑄何夢桂曾晞顏楊應奎范晞文

方逢振楊伯大等二十餘人上皆擢居清要之職

以亢旱暴風星變先生應詔陳弭災之策其目有五曰  
敬天曰尊祖曰清心曰持體曰更化帝皆然之

詔先生偕平章政事李孟參知政事許師敬議行貢舉  
法先生建言經學當祖程朱傳注文章宜革宋金宿弊  
帝命先生草詔行之

揭傒斯狀其行實曰公平生潛心聖賢之學博聞強識  
誠一端莊融會貫通窮極蘊奧而復躬踐力行始終不  
怠以其措諸事業發爲文章非他人所可及

宋元學案補遺

卷八十三

五十四明叢書

約園刊本

登仕吳先生德溥

吳德溥字時可號友竹金溪人與季弟爲宗人後者可  
孫學于臨汝精舍師程徽庵而友程鉅夫三人相得甚  
懽先生姿敏甚部使者郡守二千石而下咸期之深偃  
然不以爲意或以登仕告身強之出而已晚矣

程雪樓集

梓材蓮案述道園爲吳海隱墓銘云上亭生登仕  
即德溥其壯時值常平使者方作學宮于郡城南  
延徽庵程氏爲之師程文憲鉅夫吳文  
正澄皆當時弟子員與登仕爲同舍生

教授吳先生可孫

吳可孫字聖可號蘭林友竹季弟也從徽庵于臨川中

進士得瑞州新昌縣尉入元擢建昌路儒學教授少從友竹游郡中博士程紹開每語人曰二吳文行遠器也掌教胡桂芳見之曰長必有成以女妻之其師馮得一亦名士愛而教之者十年遂與同升二公歿先生經紀其家無所顧愛云

程雪樓集

雪樓講友

丁竹所先生應桂

附子榮翁

丁應桂字叔才臨川人父從龍以其子有志于學凡益友過從應接不倦先生所師皆一時工進士業者最後

奎學彙編

卷八十三

五

四明叢書

續圖刊本

與翰林承旨程鉅夫同門業成而科廢不求聞于時名書堂曰竹所以勵其節既隸儒籍俯就鄉邑學諭之職又游處臨汝書院與郡中諸耆宿俊彥日相親密子榮翁克世其業教道臨汝先生就養焉

吳文正集

揭氏先緒

鄉貢揭先生來成

揭來成富州人宋鄉貢進士文安公侯斯之父也父子

自爲師友

姓譜

可堂門人



鄉舉朱先生坦 大父明普

朱坦鄱陽人舉進士大父明普字升朝自號止善藏書數千卷耽玩至忘寢食鄉先生奚仲迂程時登吳存並以所學教授俾諸孫從之游而往來叩擊焉 黃文獻集

徐氏門人

純節胡石塘先生長孺 詳見木鐘學案

雷氏門人

詹先生天游

詹天游

卷六十三

四明叢書

約園刊本

馮氏門人

吳先生德鴻

吳德鴻字儀可金溪人明毛氏詩工文辭又從馮先生孝揚學試輒不偶然能自樂惟日事讀書談名理 程雪樓集

吳先生可孫 見上徵廬門人

吳先生屋子

吳先生辰子 並見友竹家學

雙峯再傳

山長柴先生實翁

柴質翁番陽人南康白鹿洞書院長其父師雙峯饒氏  
不忘其世學 道園學古錄

朱氏家學

補教授朱明所先生公遷

詩傳疏義自序

說詩之難久矣自孔子說烝民懿德之旨孟子說北山  
賢勞之意而後世難其人漢儒章句訓詁詳于詩則病  
甚繼之者說愈煩意愈窒遼遠乎千四百年至明道先  
生說雄雉二章得孔孟說詩之法又數十年得朱子而

朱元學案補遺 卷八十三

三十四明叢書

道園刊本

備焉蓋詩主詠歌與文體不同辭若重複而意實相承  
也意則委婉而辭若甚倨也是則說詩者之難也朱子  
取法于孟子又取法于程子少以虛辭助字發之而其  
脈絡較然自明三百篇可以讀矣然虛辭助字之間似  
輕而重似汎而切苟有鹵莽滅裂之心焉未必不以易  
而視之也是則讀詩者又當知其難也

雲濠謹案詩傳疏義先生舊題詩經疏義四庫書  
目著錄二十卷提要言是書爲發明朱子集傳而  
作如注有疏故曰疏義其後同里王逢及逢之門  
人何英又采眾說以補之逢所補題曰輯錄英所  
補題曰增釋雖遞相附益其宗旨一也其說墨守  
朱子不踰尺寸而亦間有所辯證云又著錄四書

通旨六卷提要云是編取四書之文條分縷析以類相從凡爲九十八門每門之中又以語意相近者聯綴列之而一一辨別異同各以右明某義云云標立言之宗旨蓋昔程子嘗以此法教學者而朱氏推廣其意以成是書其開門目既多閒涉充碎故經義者謂讀者微嫌其繁然于天人性命之微道德學問之要多能剖其疑似詳其次序使讀者因此證彼渙然冰釋要非融會貫通不能言之成理如是也所引諸家獨稱饒雙峯爲饒子其淵源蓋可知矣

梓材謹案江南通志流寓載先生樂平人文公裔也至正開官金華學正著有詩傳疏義後同其長子僉遷于濼樂平縣志載先生以至正辛巳領浙江鄉試教授婺州改處州嘗題其室曰陽明之所學者稱陽所先生陽所與學案本傳云明所異江西通志云學于同郡吳中行以遺逸徵授翰林直學士章七上力辭乃出爲處州學正豈其父子同師準軒耶

完學案補遺 卷八十三 二五 四明叢書 約圖刊本

朱先生可傳

朱可傳克升之叔父番陽人 四書輯釋引用姓氏

朱先生口

朱口字充履番陽人克升之伯兄 四書通義引用姓氏

克升講友

汪先生國用

汪國用番陽人克升之友 四書通義引用姓氏

劉先生晉昭

劉晉昭番陽人克升之友 同上

操先生疏 別見介軒學案補遺

教授門人

鄉舉朱先生坦 見上可堂門人

雪樓門人

補文安揭曼碩先生侯斯

揭文安集

夫譜其譜者尊祖之器也道其道者尊祖之寶也 孔氏譜序

附錄

年十二三讀書已能窺見古人爲學大意

堯學案補遺 卷六十三

三十四明叢書

約園刊本

涵濡既久經史百氏無不貫通發爲文辭咸中矩度同  
里年相埒者多敬畏師事焉

天曆二年文宗始聚勳戚大臣之子孫于奎章閣而教  
之命學士院擇可爲之師者得十餘人而無以易公乃  
擢公授經郎閣在興聖殿西公蚤作必徒步先諸侍臣  
而至諸貴游來受業者謀合錢爲買馬公微聞之輒自  
置一馬尋復鬻之示不欲以己爲人累而已

以年七十致其事而去詔遣使追及于激南上表力辭  
求去不許命丞相脫脫及諸執政面諭毋行公曰使揭

侯斯有一得之獻諸公用其言而天下蒙其利雖死于此不恨不然何益之有丞相因問方今政治何先公曰儲才爲先養之千位望未隆之時而用之于周密庶務之後則無乏財廢事之患矣

有詔修遼金宋三史以公等爲總裁官而丞相爲都總裁丞相問修史以何爲本公曰用人爲本有學問文章而不知史事者不可與有學問文章知史事而心術不正者不可與用人之道又當以心術爲本也公旣領史事每與僚屬言欲求作史之法須求作史之意古人作

史善雖小必錄惡雖小必記不然何以示勸戒乎自是毅然以筆削自任凡政事之得失人才之賢否一切律以是非之公至于物論之不齊必力與之辨求歸于至當而止

余忠宣跋揭侍講遺墨後曰豫章揭先生好稱獎後學人有片善卽誇道之不去口況乎通家之好故人之子有可誇道者耶故世稱先生爲忠厚先生公子泫亦克樹立世其文行此忠厚之報書曰人之有善若己有之以能保我子孫黎民信哉彼媚嫉者聞先生之風亦可

媿矣

補文敏趙松雪先生孟頫

梓材謹案先生宋太祖子秦王德芳之後也爲太祖十一世孫所著有尚書注有琴原樂原得律呂不傳之妙

松雪文集

詩書禮樂春秋皆經孔子刪定筆削後世尊之以爲經以其爲天下之大經也秦火之後惟易僅全而樂遂無復存詩書禮春秋由漢以來諸儒有意復古殷勤收拾而作僞者出焉在書爲尤甚學者不察尊僞爲真俾得

宋元學案禮

卷八十三

三

四明叢書  
約園刊本

並行于世若張霸之虜陋二十四篇亦以爲古文尚書小序之外訛大悖經旨亦以爲孔子所定嗟乎書之爲書二帝三王之道于是乎在不幸而至于亡于不幸之中幸而有存者忍使僞亂其閒耶又幸而覺其僞忍無述焉以明之使天下後世常受其欺耶孟頫覈其真而爲之集注越二十餘年再一訂正手錄成書可與知者道難與俗人言也噫余恐是書之作知之者寡而不知者之眾也昔子雲作法言時無知者曰後世有子雲必愛之矣庸知今之世無與我同志者哉但天下之知我

者易知書者難也書之爲道誠邃漢自伏生以下晁錯  
倪寬夏侯勝皆專治書而不得其旨孔安國雖爲之注  
多致于僞序而討論未精蔡邕才堪釐正而其說不盡  
傳孔穎達之疏曲暢附會無所折衷至宋朱子留心雖  
久未遑成書蔡沈過謹而失之繁亦爲才識之所限金  
履祥懲之而失于簡亦以精力之所拘終不若他經之  
傳注審之熟而言之確也昔文中子尙續書百五十篇  
今正書止五十八篇而傳注可使之不確乎孟頫繙閱  
考摭自童時今至于白首得意處或至終夜不寢嗟乎

惟精惟一允執厥中者書之道也一毫之過同于不及  
安得天下之精一于中者而與之語書哉

書今古文集注自序

大凡讀書不能無疑讀書而無所疑是蓋于心無得故  
也無所思則一所以思不思矣何疑之有此讀書之大患  
也善讀書者必極其心思一字不通弗舍之而求一句  
一句不通弗舍之而求一章一章不通弗舍之而求一  
篇夫如是則思之深思之深則必有疑因其疑而極其  
心思則有得也凡書皆然經爲甚六經其來最古傳之  
久而訛謬生焉以今人而臆度古人吾見其不能矣則

夫疑之多也何怪

通川葉氏經疑序

附錄

調眞州司戶參軍宋亡家居益自力于學

初先生以程鉅夫薦起家爲郎及鉅夫爲翰林學士承旨求致仕去先生代之先往拜其門而後入院時人以爲衣冠盛事

史官楊載稱先生之才頗爲書畫所掩知其書畫者不知其文章知其文章者不知其經濟之學人以爲知言嘗曰六經之爲文一經之中一章不可少一字一句不可闕蓋其謹嚴如此故立千萬年爲世之經也學文者當以六經爲師舍六經無師矣

吳草廬送趙子昂序曰子昂昔以諸王孫負異材丰度類李太白資稟類張敬夫心不挂于物而所養者完其學又知通經爲本與余論及書樂識見負出流俗之表所養所學如此必不變化于氣不變化于氣而文不古者未之有也

文徵仲曰文敏書洪範篇并畫箕子武王授受之意公以宋之公族仕于維新之朝議者每以爲恨然武王伐



紉箕子爲至親既受其封而復授之以道千載之下不以爲非然則公獨不得引以自蓋乎公素精尙書嘗爲之集注今獨書此篇不可謂無意也

謝山結埼亭詩集題趙松雲買桑買山卷子後云王國黍難且漫傷宋臣家事在團桑未知亭社輸人價孰與殘山估值昂又題管夫人漁父詞卷子後云悔逐王孫到上都若娘清夢日蕭疏當年白馬朝周日曾否牽衣勸遂初

梓材蕪案謝山二詩蓋其不足于松雪矣第以正編有傳故亦爲之補錄言行云

宋學案補遺

卷八十三

五

四明叢書

約園刊本

參政貢玩齋先生師泰

別見草廬學案補遺

教授王先生揆

附見吳齋學案補遺

友竹家學

隱君吳先生屋子

吳屋子字君載時可之子也其學有家傳復從馮得一先生受詩益邃于理程鉅夫謂其退暇高蹈泊然獨立有隱君子之風

程雪樓集

梅隱吳先生辰子

附師傳陽風謝元禮

吳辰子字君明金溪人生咸淳丁卯未十歲而臨川附

元學者多廢而先生從儒先生馮得一傳陽鳳謝元禮  
卒業而後已居家事親與兄弟六人處身任門戶之責  
不以貽親憂羣從子有教有勉既老種梅爲圃以爲歲  
寒之交人以是稱之梅隱先生云 道園學古錄

熊氏家學

學正熊先生東 附門人熊原

熊東字季隆南昌人凱之子 雲濠案姓譜作熊棟字季隆溪邊先生子以字核之

疑作棟是嗣守家傳從游者眾其爲學堅苦篤信以四書五

經爲日用飲食造詣高遠踐履平實後解臨川學正不

宋志學案補遺 卷八十三 三十四明叢書 鈔國刊本

就同邑熊原字孟和受學于東號端學先生 人物志

汪氏再傳

補鄉舉汪環谷先生克寬

雲濠謹案先生洪武二年聘修元史事畢留任先生力辭給驛而還

經禮補逸自序

自樂亡而經行于世惟五易詩書春秋雖中不無殘闕  
而未若禮經甚焉然三百三千不傳蓋十之八九矣宋  
子嘗考四經謂三禮體大未易緒正晚年惓惓是書未  
就而沒遂爲萬世缺典克寬伏讀而加惋惜焉世之三

禮所傳曰周禮曰儀禮曰禮記其實禮記乃儀禮之傳  
儀禮乃周禮之節文而三禮之要則在乎吉凶軍賓嘉  
五禮之別也何則吉禮之別十有二以禋祀祀昊天  
帝以寶柴祀日月星辰以槩燎祀司中司命羈師雨師  
以血祭祭社稷五祀五嶽以貍沈祭山林川澤以醯辜  
祭四方百物以肆獻裸享先王以饋食享先王以祠春  
享先王以禴夏享先王以嘗秋享先王以烝冬享先王  
凶禮之別有五以喪禮哀死亡以荒禮哀凶札以弔禮  
哀禍哉以禴禮哀國敗以恤禮哀寇亂賓禮之別有八  
春見曰朝夏見曰宗秋見曰覲冬見曰遇時見曰會殷  
見曰同時聘曰問殷類曰視軍禮之別有五以大師之  
禮用眾以大均之禮恤眾以大田之禮簡眾以大役之  
禮任眾以大封之禮合眾嘉禮之別有六以飲食之禮  
親宗族兄弟以昏冠之禮親成男女以賓射之禮親故  
舊朋友以饗燕之禮親四方之賓客以服膳之禮親兄  
弟之國以賀慶之禮親異姓之國此其大較也然儀禮  
十有七篇吉禮之存惟特牲饋食篇及諸侯國之士祭  
祖廟之禮少牢饋食及有司徹篇乃諸侯卿大夫祭祖

禩廟之禮凶禮之存惟喪服篇乃制尊卑親疏冠經衣服之禮士喪禮篇乃士喪其親自始死至既殯之禮士虞禮篇乃士既葬其親迎精而反日中而祭于殯宮之禮賓禮之存惟士相見禮篇乃士以職位相親始承贄相見之禮聘禮篇乃諸侯相交久無事使相問之禮覲禮篇乃諸侯秋朝天子之禮嘉禮之存惟冠禮篇乃士之子始加冠之禮士昏禮篇乃士娶妻之禮鄉飲酒禮篇乃鄉大夫賓與賢能飲酒之禮鄉射禮篇乃士爲州長會民射于州序之禮燕禮篇乃諸侯燕饗其臣之禮

大射儀篇乃諸侯將有祭祀之事與羣臣宴飲之禮公食大夫禮篇乃諸侯以禮食鄰國小聘大夫之禮自此之外如朝覲會同郊祀大饗帝大喪之禮蓋皆亡逸況軍禮無存非闕細故此豈散軼已在于夫子正禮之前哉是以當時吉禮之失如魯君之郊僭天子之禮孟獻子之禘七月而爲之夏父弗綦躋信公而逆祀三桓大夫立公廟于私家管仲鏹簋朱紘晏平仲豚肩不掩豆至于太廟說笏與燔柴于奧諸侯宮縣而祭以白牡之類是也凶禮之失如伯魚喪出母期而猶哭子路姊喪

過而弗除子上母死而不喪成人兄死不爲衰有爲慈  
母練冠爲妾齊衰者有居喪沐浴佩玉與浴于爨室者  
有朝祥而暮歌與旣祥而絲屨組纓者以至小殮而奠  
于西方旣祖而反柩受弔有以大夫而遣車一乘有葬  
其夫人而醴醢百饗之類是也賓禮之失如天子下堂  
而見諸侯諸侯朝覲而私覲主國王臣以私好而朝諸  
侯者有焉諸侯以強大而盟天子之三公者有焉庭燎  
之百侯國用之繡黼丹朱中衣大夫用之者又有焉嘉  
禮之失如魯昭公娶于吳則不告天子魯哀將重肆夏  
以饗賓天子以喪賓燕者有之夫人出境而饗諸侯者  
有之大夫反坫與不識殺烝者又有之軍禮之失如齊  
桓公亟舉兵作僞主以行魯莊公及宋戰以失御而敗  
戰而復矢始于升陘敗而壘弔始于臺駘以至蒐田不  
時邱甲始作之類可考也又況出師專征習視故常爭  
地黷武歲無虛日使禮經舊典具存于當時則五禮之  
失豈至如是之甚哉由是知周之叔世典禮已多散逸  
蓋不特火于秦而亡于漢也今考于儀禮周官大小戴  
記易詩書春秋孝經家語及漢儒紀錄凡有合于禮者

多著其目列爲五禮之篇名曰經禮補逸是編也于周公經世之典雖未能極意象之微然五禮之大體蓋已包舉無遺庶幾學者于此俾由得失以觀其會通而天之所秩與造化之運不容息者卒歸于性命之正則三代可復也明時制作之盛或有擇焉亦區區愛禮之一得云

雲濠謹案四庫全書著錄經禮補逸九卷提要稱其究心道學于禮家度數非所深求于著書體例亦不甚講如每條必標出典是矣王阮亭居易錄載是書云環谷之學受于雲峯胡文炳可堂吳仲迂受春秋于殿陵吳朝陽其祖東山先生華受經于饒雙峯雙峯爲黃勉齋高第弟子勉齋朱子之

宋學案補遺

卷六十三

四十四明錄

約園刊本

門人朱子修三禮以喪祭二禮屬勉齋其淵源授受如此其說環谷學派頗詳然以東山爲先生之祖猶攷之未審

### 附錄

曾魯序經禮補逸曰先生生朱子之鄉嘗游番陽吳公可翁之門篤志古學老而彌厲者著書滿家真古所謂鄉先生者也

程篁墩曰文公朱子一傳于勉齋黃氏再傳于雙峯饒氏三傳于東山汪氏卽先生仲大父而先生實嗣其傳先生著述有易程朱傳義音考詩集傳音義會通春秋

傳纂疏提要左傳分記經禮補逸周禮類要四書音證  
綱目凡例考異諸書惟纂疏傳學者餘多散佚不存

梓材謹案先生所著詩集傳音義會通三十卷危  
太僕序云蓋其從大父東山受學于饒先生伯興  
君之學得于吳先生可翁宋景濂序云其從大父  
東山君嘗從雙峯饒子于泚得黃文肅公之學先  
生幼即從之游學遂大進慨然以致君澤民爲己  
任云云是先生先得家學而後從學于可堂吳氏  
也先生自序春秋胡傳附錄纂疏則云恐嘗佩服  
過庭之訓自幼誦習至治壬戌從先師可堂吳先  
生受業于浮梁之學宮朝夕玩釋若有得焉又云  
至元丁丑營求訂定于宗公叔志先生以爲足以  
羽翼乎經畧之序明年值鬻攸之變斷簡煨燼漫  
不復存越三年辛巳搜輯舊聞往正是于邵庵虞  
先生是先生又及道園之門而其家學又不獨東  
山汪氏矣叔志名澤民其序稱吾宗德輔年妙而

奎臺案補遺 卷八十三

四十四明叢書

約園刊本

志強學優而識敏云

雲濠謹案四庫全書著錄春秋胡傳纂疏三十卷  
提要云是書前有自序稱詳注諸國紀年證疏可  
究事實之悉備列經文同異可求聖筆之真益以  
諸家之說而裨胡氏之闕疑附以辨疑權衡而知  
三傳之得失然其大旨終以胡傳爲宗又云能于  
胡傳之說一一考其援引所自出如  
注有疏于一家之學亦可云詳盡矣

環谷講友

隱君謝適齋先生俊民

謝俊民字章甫號適齋祁門人值元季隱居不仕築雲  
深塢樂安莊書舍與汪環谷克寬爲友講明道學所著  
文有玉泉集詩有寓意彙藏于家 姓譜

明所門人

補縣令洪野谷先生初

附錄

何梅谷序朱氏詩傳疏義後曰先師杜塢先生嘗謂野谷洪先生初從遊先正朱氏公遷先生之間受讀三百五篇之詩一日請說周頌維天之命一章之旨先生于集傳下訓釋其義發言外之意瞭然明白復請曰于集傳皆得如此章以發其所未發以惠天下學者豈非斯文之幸歟時先生以特恩授校官得正金華郡庠日纂月注以成其書

助教朱先生維嘉

朱維嘉縉雲人爲盧龍丞有政績遷國子助教早從鄱陽朱公遷學有源委爲時名儒著有素履集十卷

括蒼彙記

明經梅先生熙

梅熙字景和縉雲人通經有學行少受業于番陽朱公遷別餘二十年千里聞訃先生至番陽爲服心喪三年洪武初舉博學明經撫安永軍民卒于官

兩浙名賢錄

揭氏家學



郎中揭先生泂

揭泂字伯防荆楚人文安公侯斯子少淳樸苦學年十八盡通六經大義工古文辭補太學生端方有威儀六館士敬憚之以蔭補祕書郎遷國史編修歷官至肅政廉訪使守建寧偽漢陳友諒兵寇松關建寧受圍吏民相繼出奔先生與經略使普顏不花協謀禦賊設方略復延平等三州改江西行省未赴以工部郎中召時惟浙道不通遂留家四明之慈谿

天啓慈谿志

揭氏門人

宋元學案補遺

卷八十三

四

四明叢書  
約園刊本

主簿歐陽石戶先生貞

附師夏鎮

歐陽貞字元春分宜人從學士揭侯斯鄉進士夏鎮學工古文元季退不仕洪武初以易魁江西授考城主簿改扶溝以老歸所著有周易問辨三十卷史提鉤七十一卷餘學初集龍江叢稿東齋寓錄貧樂集自號石戶農

譜姓

附錄

歐陽文公序先生周易問辨曰吾宗異齋先生爲曾大父冀郡公作經訓堂記言歐陽氏經學司馬氏史學由

三代而下代有其人蓋六經甫出孔氏之壁歐陽氏即  
□世傳士世其學其來豈一日哉司馬氏史學至君實  
復振歐陽氏經學我六一公易有童子問詩有本義凡  
宋儒以通經學古爲高實公倡之故余見貞是編喜我  
歐陽氏經學亶亶其不絕乎

教諭解筠澗先生開

別見北山四先生學案補遺

縣官變元圃先生理普化

變理普化字元溥□□人進士爲樂安縣達魯花赤政  
尚清簡民用孚化言色不動患除利興取其邑之廢弊  
而修補之若官府學校病涉之濟醫師之宮以次爲之  
而先聖廟學爲最重尤致意焉虞道園爲作重修儒學  
記 道園學古錄

梓材謹案學古錄有爲變元圃題  
鰲溪春曉圖則先生一字元圃

趙氏門人

承旨危太樸先生素

詳見靜明寶峯學案

賀先生太平

附師呂弼子均

太平字元中初姓賀氏名惟一後賜姓蒙古氏名太平  
仁傑之孫勝之子也先生資性開朗正大雖在弱齡儼

然如老成人嘗受業于趙孟頫又師事雲中呂躬始襲父職爲虎賁親軍都指揮使尋擢爲陝西漢中道廉訪副使至正四年陞中書平章政事遷宣徽使拜御史大夫故事臺端非國姓不以授先生因辭詔特賜姓而改其名遷中書平章政事拜左丞相舉隱士完者篤執禮哈郎董立張樞李孝光九年罷爲翰林學士承旨臥病不起遷奉元杜門謝客以書史自適河南盜起十五年詔爲淮南行省左丞相兼知行樞密院事總制諸軍駐于濟寧十六年移鎮益都未幾除遼陽行省左丞相十七年召爲中書左丞相數以疾辭位二十年拜太保太傅皇太子惡之二十三年詔悉拘所授宣命及所賜物俛往陝西之西居焉搆思監誣奏之安置土蕃遣使者逼令自殺年六十三子也先忽都名均字公秉少好學有俊才累知樞密院事兼太子詹事罷爲上都留守尋改宣政院使搆思監徇皇太子旨搆成大獄也先忽都當貶撒思嘉之地道由朶思麻行宣政院使極州閭素受知于其父因留居其地執政知其故奏其違命杖死之年四十四有詩集十卷

元史

待制朔先生傳

朔傳

梓材謹案先生官待制見北山  
四先生學案補遺端木員外傳

林氏門人

補教授徐始豐先生一夔

雲濠謹案王阮亭居易錄云予于慈仁寺市得徐  
一夔始豐稿文十四卷無詩陳繼儒嘗稱一夔宋  
行宮考吳越國考研檢精確予觀集中如歐史十  
國年譜備證錢塘錄箭辨等篇皆極精核不獨二  
也考

環谷門人

宋元學案補遺 卷八十三

吳四明叢書  
約園刊本

將軍任先生原 父鼎

將軍任先生序 合傳

任原字本初弟序字本立休寧人父鼎築精舍于富川  
之上延祁門汪環谷主師席先生兄弟受業焉環谷著  
春秋纂疏綱目考異兄弟皆預有力既又從學于趙東  
山學成明師下徽州先生出助軍實歷功至顯武將軍  
雄峯翼管軍萬戶卒其弟代之從鎮明越及閩中兄弟  
皆有詩文集傳于世 姓譜

吳先生國英

吳國英從環谷受讀春秋于郡齋營序環谷手編胡氏傳纂疏環谷卒又爲之行狀

經義考

汪先生世賢

汪世賢

環谷私淑

文憲宋潛溪先生濂

詳見北山四先生學案

洪氏門人

補 徵君王松塢先生逢

雲濠謹案先生著有詩經講說二十卷經義考云俟又有四書通義經義考云未見四庫全書存目

宋學案補遺卷六十三

四庫全書

約園刊本

于倪仲宏四書輯釋提要言此本改題重訂輯釋章圖通義大成末列鄱陽王逢訂定通義則先生通義具在此本中也樂平縣志云鄉里稱曰松塢先生臨卽塢之異文

伯防門人

處士李先生孝謙

詳見北山四先生學案

趙氏家學

趙先生彥亨

趙彥亨吳興人文敏從孫通周易侯彥良力舉教授郡庠選爲楚府紀善調同知和州事

宋文憲集

朔氏門人

員外端木先生孝思

別見北山四先生學案補遺

孫氏明人

遂先生宏

遂宏

松塢門人

京先生況

劉先生剡

合傳

京況劉剡何梅谷英同門友也梅谷足成先正朱氏詩  
傳疏義詳釋發明質諸二子以卒其師松塢之志云

詩傳

宋元學案補遺

卷八十三

吳大綱藏書

約園刊本

疏義  
後序

宋元學案補遺卷八十三

宋元學案補遺卷八十四

目錄

存齋晦靜息庵學案補遺

湯氏先緒

補湯先生德威 附兄德成

柴真門人

補湯先生干

補湯先生巾

補湯先生中

宋元學案補遺 目錄

四明樓書  
刻圖刊本

東澗先緒

湯先生師中

徑叟師承

張先生裕

晦靜家學

補湯先生漢

東澗講友

張先生一清 附張英□□

徐先生子卿

晦靜門人

補 徐先生霖

徑畝講友

婁先生建

徐先生子卿 見上東澗講友

徑畝同調

齊先生德勝

張先生道洽

吳先生伯海

空學案補遺 目錄

東澗門人

陳先生應洪 父麗

徑畝門人

補 謝先生枋得

補 徐先生直方

補 曾先生子良

方先生儀 詳見南湖學案

李先生炎子 別見滄洲諸儒學案補遺

徐先生琦



疊山講友

黎先生立武 詳見兼山學案

周先生震一

王先生奕 附子介翁

黃先生六有

吳氏師承

甘先生泳

楊氏師承

張先生卿弼

宋元學案續遺 目錄

三 明鏡書

約圖刊本

疊山同調

徐先生宗仁

陳先生堯龍

古爲同調

補程先生紹開

平山講友

雷先生思齊

婁氏家學

婁先生南良 附子志淳

婁先生文輔 合傳

婁先生起莘 合傳

婁先生志冲 父起南

疊山家學

謝先生禹

疊山門人

補 虞先生舜臣

補 李先生天勇

補 魏先生天應

宋先生

補 蔡先生正孫

補 王先生濟淵

張先生子惠

鄭先生康仲

吳先生蟾

程先生楚翁

周先生岳

楊先生應桂 父鑑附王伯羽

余先生安裕

楊先生謙之

熊先生朝

余先生炎 合傳

莫先生若 合傳

古爲門人

楊先生應桂 見上疊山門人

陳先生萬里 附師韓禾子誼天驥敏學

平山家學

曾先生正言 附子嚴卿

宋元學案補遺 目錄

曾先生堅 別見草廬學案補遺

平山門人

補 央先生定翁

補 饒先生宗魯

俞先生應元

張氏門人

楊先生應桂 見上疊山門人

申先生益章

方先生回孫

鼻山私淑

虞先生集

詳見草廬學案

張氏家學

張先生純仁

張先生顯忠

合傳

宋先生案補遺

目錄

六

四明叢書

約園刊本

宋元學案補遺卷八十四

後學 鄧 王梓材  
慈谿 馮雲濠 同輯

存齋晦靜息庵學案補遺

湯氏先緒

補 湯臨齋先生德威 附兄德成

湯德威佚其名安仁人與其兄德成俱以學行表于其鄉而俱不偶其平時學問一本于誠嘗取上帝臨女之義而名其齋朝夕居焉以自警則其用力可知矣有臨齋遺文真西山爲之序 真西山集

宋元學案補遺 卷八十四

四明叢書  
約詞刊本

柴真門人

補 通直湯存齋先生千

附錄

君自爲書生慨然有志于及物其在武昌疚心幕畫酌情引義參以活意凡所剖決人無異辭

從游之士望其眉睫已有所興起不待繩以規矩而後聽服

諸弟各以學行聞女兄弟中類能涉書史閑盞則皆君發之

開禧中權臣將開兵釁君爲書萬餘言伏光範門以獻  
不報明年師出不利人服君先見而更化後卒未有爲  
之言者沈淪下僚每聞時事有不滿人意者當時善類  
有不獲其所者輒爲之竟日弗怡

真西山別湯升伯詩曰二十年前忝舊遊論交今日始  
從頭我如潦盡寒潭水君似天空明月秋夜雨幾時重  
話舊故山聞早共歸休臨歧贈別無他祝莫忘鄒陳爲  
國憂

補郡守湯晦靜先生巾

附錄

真西山送先生之官繁昌序曰仲能主簿爾民之感憂

愉樂非其所得專然猶之玉焉所韞之山土木晶潤況  
其職可以及人乎吾知仲能必有所不苟也

梓材謹案西山誌安仁令葉子是墓言寓土湯君  
仲能往哭其喪見邑之人多痛悼至灑涕云者湯

爲安仁望族此言寓士未悉所云

梓材又案袁蒙齋重修白鹿書院記云甫與元德

張君同官于池又與仲能湯君有同年好二君從

事晦庵先生之學功深力久遂延爲洞長元德以

年高先歸仲能悉力振起多士聞風來集是先生

嘗爲白鹿書院堂長矣蒙齋又爲先生作白鹿書

院君子堂記又稱  
其剛直有學識

蔡久軒祭晦靜文曰惟公姿稟勁特氣節豪邁平居恂  
恂和穆可掬及其酬酢事變截然義理了不可犯憂時  
論事感激動人天之生公公之于世不可謂其無意矣  
然而所至齟齬落落不相合立朝曾幾何時而婆娑邱  
園幾于半世雖一麾出守卒不得以大究其設施以歿  
天之于公何乃豐其培而畜其用耶始先君識公于南  
浦西山之門一見卽稱其偉器而公亦孳孳考德問業  
不少替暨杭兄弟則公又折節而與之交書郵往復辨  
析精微彼此未嘗有阿說相徇之意銀鈎鐵劃手澤如  
新嗚呼世安得復有是人哉

劉後村贈日者許澄之曰橫渠大儒也喜論命了翁遺  
直也常與日者語亡友晦靜湯君學問節義人也其贈  
許子之言衛道爲嚴然不能不惓惓于許子之流蓋精  
詣不減于橫渠而樂易殆過于了翁矣

劉後村祭湯仲能文曰嗚呼早絕存齋中交晦靜晚善  
遺公珠璧輝映四海所稀一門而並近參周宋遠沂淵  
孟粗而事物妙而性命先儒疑義下語未瑩前輩緒論  
開卷未竟審思明辨博考精訂餘力及文上下馳騁論

事條達析理確訥森嚴之言如造律令痛快之作若摧鋒陣離騷之亂國風之興追還古雅堵去哇鄭詵詵途掖沾丐殘賸蓄以深厚持以誠敬行以平實發以剛勁  
補侍郎湯息庵先生中

梓材謹案劉後村爲陳忠肅神道碑有云抑齋湯侍郎中論諸公互有短長抑齋豈卽存齋之誤

耶

梓材又案蔡氏九儒書淳祐四年薦覺軒者爲右丞相范鍾謝方叔侍講湯中又翁合爲覺軒墓志云淳祐丙午侍講湯中丞相范鍾薦其兄弟等世傳心學可式多士卽謂此事又案蔡氏九儒書載湯某贈久軒提刑江東詩二首云淳祐辛亥正月蔡久軒到七陽訪湯而湯作詩以贈別又云湯七陽人逸名號息庵工部侍郎不知其爲先生也

李光遠集補遺

卷六十四

四

四明叢書  
約園刊本

附錄

劉後村賀湯司諫曰某官淵乎似道浩然至剛栖遲樂衡泌之間徵起遇風雲之會公每抗論幸明主可爲忠言眾亦望風意山人不樂名利援禮以杜家臣之僭奮筆以誅世卿之萌謂君然後有反玷塞門謂盜豈容竊大弓寶玉鄭公所上百奏莫不切心陸生每著一篇必蒙稱善後宮敬憚于質肅貴璫斂避于淳夫乃寇伏蒲之清班以旌折檻之直氣有若仲山甫之補袞方嘉賴之欲如种明逸之拂衣胡可得已行陟大坡之峻徑躋



兩地之尊

梓材謹案趙章泉淳熙稿有寄湯司諫詩又寄謝湯司諫二首又寄贈司諫二首未知卽先生否

又寄湯季庸侍郎詩曰粵從紫氣度函關更十年中幾  
賜環一葉身輕歸去易六丁力盡挽來難高情常寄紛  
華外晚節全觀出處閒別後有書無寄處聊憑小阮問  
平安

東澗先緒

湯先生師中

湯師中字君錫升伯仲能季庸之兄伯紀之父也苦學

宋先學案補遺

卷八十四

五四明叢書

鈔圖刊本

強記既科第遽棄官亦不求岳廟以終其身與趙昌甫  
友善柴南溪序其文人物高勝

劉後村集

附錄

劉後村詩話曰許由事不見于經故揚雄以爲疑誠齋  
云子雲到老不曉事不信人閒有許由雖沈著痛快終  
未有以折衷邠陽前輩湯君錫獨曰堯始讓四岳四岳  
舉舜乃讓于舜左傳云夫許太岳之後杜注云堯四岳  
然則太岳非由乎他人遂有洗耳之說爾援引切而說  
不鑿可謂之善讀書矣

徑啟師承

鄉貢張先生裕

張裕字好問開化人性孤介樂道忘貧資于鄉徐徑啟  
霖師事之尤爲趙庸齋汝騰所重云 開化縣志

晦靜家學

補文清湯東澗先生漢

梓材謹案四庫書目提要于真西山讀書記云乙  
記前有開慶元年西山門人湯漢序稱讀書記惟  
甲乙丁爲成書甲丁二記先刊行乙記上卽太學  
衍義久進于朝其下未及繕寫而西山沒漢從其  
子仁夫鈔得整爲二十二卷而刊之福州據此則  
先生固及真氏之門矣劉後村跋西山文章正宗

至元學案補遺

卷八十四

六四明叢書

約園刊本

云既成以授湯中仲能漢  
伯紀共書焉于是益信

西山讀書記綱目

性命者義理之源故以爲編之首性之發爲情而心則  
統于性情者也故性之次曰心曰情此三者一編之綱  
領也其目則曰仁義禮智信者天命之性也父子君臣  
夫婦長幼朋友者率性之道也故五常之次五典繼之  
人所共由之謂道得之于己之謂德其實非有二也故  
五典之次道德繼之曰中曰一曰極曰誠胥是道也而  
異其名故以次于道德之後士之求道入德將何所自

始亦曰學而已矣敬者學之本根故列于學之首其泛言學次之曰師道曰教法又次之曰小學曰大學又次之以聖賢爲師而辨君子小人之所以分與吾道異端之所以異皆學之事故以次于大學之後陰陽造化之理其略已見前性命篇其未修者復列于此以爲編之終焉

附錄

眞西山在潭致爲賓客嘗造趙汝談汝談曰第一流也江東提刑趙汝騰薦于朝詔免解差充象山書院堂長

宋元學案補遺

卷八十四

七

西明叢書

續編刊本

淳祐十二年差充史館校勘改圖史寶錄院校勘會大水上封事曰君心敬肆之分實上天喜怒之由一念之敬上帝臨汝祥風慶雲所從出也一念之肆上帝震怒妖浸陰沴所從生也火災應詔上封事曰任天下之大立心不可不公守天下之重持心不可不敬

皇太子冠差充太常博士引賓贊受命進冠箴詔令太子拜謝

度宗卽位召奏事授太常少卿遷起居郎兼侍讀入奏言陛下持一敬心以正百度則追養繼孝所以報先帝

者必益致其隆先意承志所以事太母者必益致其謹  
其愛身也必不以物欲撓其和平其正家也必不以私  
昵墜其法度政事必出于朝廷而預防于多門人才必  
由于明揚而深杜于邪徑

蔡久軒薦先生章曰迪功郎添差信州州學教授兼象  
山書院堂長湯漢天資穎異之趣孤高卓介之倫聞見  
多而約以宗元文墨富而根諸經術操履端特酬酢有  
方其長象山也規模寬洪條理整肅講明之際氣象軒  
昂言語勁截從其遊者率皆奮厲近世名卿如真德秀  
柴中行趙汝談皆目爲畏友真卓行之士也

宋學案補遺

卷六十四

八

四明叢書  
約園刊本

梓材謹案先生有贈久軒提刑江東詩  
二首在淳祐十一年亦見蔡氏九儒書

真西山送伯紀歸安仁詩曰交情世豈乏道合在所難  
自我得此友清芬襲芝蘭告語時見箴微言獲同參相  
從仁義林超出名利關此樂未渠央忽告整征驂索居  
可柰何使我唱且歎至危者人心易汨惟善端苟無直  
諒友戒謹豈杆盤重賢勿衍期同盟有青山聖經如杲  
日羣月仰輝耀利欲汨其中雲霧隔清照正須澄心源  
乃許窺道妙周程千載學敬靜兩言要幾微察毫芒根

本在與敷持此當弦韋迂矣君莫謂

王深寧困學紀聞曰尹和靖云君臣以義合者也故君使臣以禮則臣事君以忠東澗謂如言父慈子孝加一則字失本義矣

又曰城復于隍其命亂也湯伯紀云亂如疾病則亂之亂愚謂唐玄宗極熾而豐泰之極也以李林甫楊國忠爲周召以安祿山哥舒翰爲方虎非命亂而何

袁清容曰自武夷之說其門人矜重自祕皆株守拱立不能親有所明辨獨勉齋黃公奮然衡道以其聞焉者析之曲焉者直之使後之人無以議湯文清公後出復以昔之所深疑者充廓之是則武夷之忠臣矣

虞道園題湯東澗與張文子手帖曰湯文清公清節雅望超卓當時風裁所厲庸泥者無所容乎其前今觀其與故人張君父子書期之以科名申之以繾綣何其忠厚委曲也此聖人德容所以有恂恂侃侃之異學士君子所當觀感慕效者矣

東澗講友

張先生一清 附張英□□

張一清安仁人龍圖閣直學士熈五世孫也中特科進士第一與同邑湯文清公最相友善推究經傳反覆詰難必得肯綮乃已後有名英者肥遯終身飲水著書以自樂有春秋屬辭若干卷其兄國學上舍某當宋季帥安仁義師從謝疊山枋得勤王

宋文憲集

### 徐先生子卿

徐子卿字奇仲上饒人忠愍公元杰其族父也嘉熙進士授南昌尉尉治左有南州高士冢築思賢亭以見志累改官授臨川至則興學立黃勉齋先生祠改嘉興守除太常寺丞丁母憂去家食不通貴人書疏婆娑東山下自號東山翁卒年五十三先生宦學東西師友益廣如袁廣微兄弟湯伯紀父子徐景說蔡仲節諸公俱以剛介廉靜見交在右司當寧顧輔臣稱信有三徐可進用謂先生與忠愍之子直諒台守宗仁也

戴剡源集

晦靜門人

稱著作徐徑叅先生霖

附錄

年十三有志聖人之道取所作文焚之研精六經之奧

探賸先儒心傳之要

擇祕書省正字會日食應詔上封事曰日陽類也天理也君子也吾心之天理不能勝乎人欲朝廷之君子不能勝乎小人宮闈之私暱未屏瑣闥之姦衰未辨臺臣之討賊不決精稜感泣日爲之食又數言建太子

兼國史編修實錄檢討上曰今日所當言者當備陳之復以正太子名爲言又奏萬化之本在心存心之法在敬

將終語其長子心亨曰有生必有死自古聖賢皆然吾

復何憾

趙庸齋汝騰贊徑販使君柯山講席之盛詩曰立天地心鳴道鐸開生靈眼識師儒其推挹如此

雲濠謹案四庫書目載趙庸齋集提要述周密癸辛雜志稱其爲從官力薦三衢徐霖爲著作郎至比之范文正公而霖目汝騰爲大宗師己爲小宗師遞相汲引云云提要又稱其贈詹生謁徑販詩云瞻彼徑販今之泗水與贊徑販此詩謂其推挹之詞殊爲誕謾無狀云

王深寧困學紀聞曰徐景說以書義冠南宮上書言時宰姦深之狀曰不與天下之公義爭而與陛下之明德爲仇每潛沮其發見之端周防其增益之漸使陛下之

明德不得滋長廣充以窺見其姦而或覺之也其先也  
奪陛下之心其次奪士大夫之心而其甚也奪豪傑之  
心景說由是著直聲

崔君舉序王梅浦尙書纂傳曰舜禹授受十六字得徐  
景說演明之立政任準牧三事因陳行之而正釋者之  
誤余猶及記長老言渡江建太學百年聞陳翰三上舍  
始發先儒之不及

梓材謹案宋徐森有二一玉山人  
紹興初進士著有易傳春秋發微

徑阪講友

宋元學案補遺

卷六十四

十二

四明叢書  
約圖刊本

婁先生建

婁建號良堂臨川人從政郎知福州閩安鎮以學行爲  
三衢徐霖廣信徐直方所器爲忘年友與同郡林實夫  
段信友浚趙崇擇章貢曾原一相友善由是知名有別  
業曰德厚莊以奉祭祀恤姻舊者子四南良其長子也

程雪樓集

徐先生子卿

見上東湖講友

徑阪同調

齊先生德勝



齊德勝番士也徐徑畷以科第道學負重名初立朝便有氣概歸柯山創書院講太極立說頗異先生著太極辨不遠數百里訪而投之

盛如梓說

### 張實齋先生道洽

張道洽字澤民號實齋開化人端平己未進士第西山真先生其座主也嘗爲廣州理掾咸淳戊辰年六十四考舉及格班改萃先生既仕鄉黨後進有挾高科由邪徑者往往位執政從官一不挂齒惟于徑畷徐公之死哭之甚哀屢爲詩以悲之

方桐江集

宋學案禮遺

卷八十四

十三四明叢書

約園刊本

### 吳先生伯海

吳伯海自號滄浪爲徐徑畷所喜文文山爲作滄浪歌曰世混濁而不清兮蟬翼爲重千鈞爲輕彼滄浪其無據兮何纒非足何足非纒嗟靈均之好修兮安能受物之汶汶泥揚波以相從兮羌不知漁父之用心莞爾而歌鼓枻而行噫漁父其何如兮掉頭乎靈均

文文山集

### 東澗門人

陳靜山先生應洪

父廳

陳應洪字恢叟自號靜山居士安仁人父廳甚賢而貧

有曠地數十畝以樹桑爲業凡喪祭冠昏衣食賓客之事皆仰焉又計其贏命先生從師問學先生卽感憤自奮與湯東澗吳道心諸老遊非聖人之書弗敢著于心非君子之行弗敢服于躬蚤作夜思期不負其親學益明行益高近遠師之有終先生之身弗改事者

程雪樓集

徑阪門人

補文節謝疊山先生枋得

梓材謹案宋登科錄先生小名鍾小字君和貫信州貴溪縣見居弋陽新政鄉儒林里寶祐四年二甲第一名又案先生一字仲直袁清容序易三闕首云上錄謝先生遊于建安末云謝先生名字今

宋元軍案補遺

卷八十四

十四

四明叢書

約園刊本

不替其終也世能道之

梓材又案先生行實所著有詩傳注疏易說十三卦取象批點陸宣公奏議并文章軌範行于世雲濠謹案元李道源撰先生神道碑云信之守將悉捕公妻子姪送建康夫人李氏自經死弟姪及一女二婢皆死獄中史傳未載又案郭青螺言文節之諡疊山集以爲私諡鄭汝璧臣

諡類鈔以爲景泰年諡未知孰是云

疊山文集

紂之亡也以八百國之精兵不敢抗二子之正論武王太公凜凜無所容急以繼滅與絕謝天下殷之後遂與周並立使三監淮夷不叛則武庚必不死殷命必不黜殷之位號必不奪微子亦未必以宋代殷而降爲上公

也 上留忠齋書

梓材謹案先生此說本之先生之父詳見清江學案補遺

天地間不可一日無公論公論不明則人極不立人極不立天地之心無所寄 辛稼軒先生墓記

人與天地並立爲三才形氣有小大人豈小于天地哉  
眾人與聖人皆可爲堯知覺有先後眾人豈後于聖人  
哉古之君子學足以見天地聖人之大全意一誠天下  
國家與吾心爲一誠一至天地人物與吾性爲一可言  
而不可行爲其事而無其功非儒道也 平山先生舟時  
樓築銘

宋學案補遺 卷八十四

十五 四明叢書

約園刊本

朱文公平生精神志願悉在四書天下家藏其書人學  
其道與六經並行惜乎知之者尙未致行之者尙未力  
四書何負人人負四書亦多矣 大學解義跋

附錄

興國軍安置因謫所山門自命疊山守令皆及門執弟子禮

胡雙湖上先生書曰斯文倚之爲命脈衣冠賴之以綱  
維義夫節婦得所標表以益堅亂臣賊子有所觀望以  
羞愧道德之興廢關係于先生之一身

魏梅野和先生初到建寧韻序曰疊翁老師將有行賦詩言別綱常九鼎生死一毛慷慨激烈高風凜然真可以廉頑立懦

蔡蒙齋和韻序曰疊翁老師因行賦詩辭其辭而見其心天地鬼神昭布森列不可誣也爲之感慨激烈

柴瞻帖寄疊山謝年丈詩曰幾人同抱杞天憂戮力支撐不自由都恨杜鵑啼血處楚囚相對泣難收其二曰短劍悲歌浙水灣疾風吹夢到西山應知薇蕨同滋味莫道匡時更轍環

李仲稟祭之曰嗚呼疊山峭峯巘屹直不可撓邪不可干洋洋晁董文亞孟韓發策危切指斥權姦運去物改忠憤裂肝十年漙播閭嶠聞關翁翕訛訛疾我謂頑執拘北往摧辱萬端絕粒自殞愴夫厚顏

周岳祭之曰自商夷齊漢龔勝至先生不食異姓之粟而死者僅四人人但知先生文章之渾浩學問之深醇嗟乎揚雄非無學問班蔡非無文章旣大節之一失又何他美之足云當天地大變之始法已斲而綱淪先生奮不顧身欲扶人道之倫力雖不能救世而心則常在

乎君親

謝舉羽哭廣信謝公詩曰自爾逃名姓終喪哭水濱海僧疑見貌山鬼誓爲鄰客死留衣物囊空出告身他年越鄉值賣卜有斯人

趙東山曰邵庵虞公嘗得江東謝仲直氏傳授之說以先天八卦圖九數而九位方圖爲洛書十數而五位爲五位相得之圖心甚善之

陳石士師重修謝文節祠正殿記曰謝文節公後文信國七年而殉國其絕粒實在愍忠寺今所謂法源

宋元學案補遺

卷八十四

十七

四明叢書

約園刊本

寺也嘉慶初年朱文正議建祠于寺中以寺僧之沮購得寺後隙地闕十餘年而始成道光七年用光復購得祠旁地乃謀改建正殿十二年十月初成其規模頗宏敞矣夫文節之忠無知愚皆知之不待論著而始明不以建祠而始著也景致命遂志之烈而建祠于絕粒之所感俎豆馨香之報而江右士大夫同展其桑梓之敬蓋文正公第以抒其敬崇節義之心而祠宇旣立祀事宜肅吾鄉人竇肩斯責焉且豈獨吾鄉人而已詩曰民之秉彝好是懿德凡輪資以佐

建祠者皆海內士大夫彝德之好也

梓材案石士師又有謝文節祠後記蓋以記姚斌農尚書之記之後也憶歲甲午梓材以優貢人都石士師命與烏程沈子敦堇錢塘鄒叔元志初秀水萬杏江湖諸同年同居文節祠而飲食教誨之者四月講讀之餘實深景仰吾師之所以陶淑者至矣謹附識于此

補憲使徐古爲先生直方

雲濠謹案天地閒氣集有先生觀水詩云滄江無盡水夜夜隨潮去若復作潮來滄江止不住

徐氏易說

虎屬金之一陰故有虎象不啞人亨主九四言之

勿恤其孚勿憂而孚矣

經學纂補遺

卷八十四

十八

四明叢書

約圖刊本

謙六三不甲正故有悔又解之曰以其遲尙有悔盱豫者介于石之反遲者見幾而作不俟終日之反權輿以四筵□□□□□□□□

求王明者豈九三自求上哉惻之者爲之求矣

登在井壁恐有井谷之處因勉以井甃無咎

史巫達其卑下之忱不厭其忉忉之意

附錄

劉後村送古爲徐聘君詩曰少君早有箕山志昔者聞之西澗公傾蓋無堪贈程子式闔猶記弔林宗老夫久

已植其杖此士孰能招以弓耄矣心知難再面亂山千  
疊暮雲濃

黃東發日鈔曰小畜卦西郊程以西爲陰方雲自西而  
東不能成雨朱以西郊爲文王自指岐周蔡節齋朱學  
也亦以西爲陰方而近世徐古爲作易傳附說明言岐  
周之說爲非學者恐且合從程說

補縣令曾平山先生子良

雲濂謹案先生所著有易雜說中庸大學語孟解  
聖宋頌百行冠冕詩續言行錄廣宗類彙咸淳類  
彙

案學案補遺 卷八十四

五四明發書

約園刊本

附錄

三歲不言伯父容安教之誦詩則點首應語一夕見月  
忽能成誦及長篤志性理之學

方懋翁先生儀 詳見南湖學案

李先生炎子 別見滄洲諸儒學案補遺

徐先生琦

徐琦字子若豫章人治制檄抵秋浦張澤民和方桐江  
詩有云詞林日相疏生意不復新慎勿大崛奇崛奇驚  
世人玉堂老仙坡過海走一巡非天寶罰之語言累其

身蓋見意以傲謂不當揭所有以自標于世也

方桐江集

雲濠講案方桐江送桐山山長黃正之序甚詆徑  
販又言其學徒非徐直方一人徐琦曾子良皆不  
學狂生云又案桐江作太學博徐君應鑣哀辭序  
言其攜三子登樓縱火自焚不克乃自沈公府之  
井長男環二十一先生豈卽其  
人耶特正節江山人似非先生

疊山講友

司業黎所寄先生立武

詳見兼山學案

周先生震一

周震一建安人居不妄交一人謝疊山各建寧先生  
猶與相厚疊山稱其忠厚篤敬言不妄發行不妄動脩

宋元學案補遺

卷八十四

二十四明叢書

新刊本

然塵埃之外

建寧府志

邑博王先生奕

附子介翁

王奕號伯敬玉山人爲邑博與其子介翁居玉瑯峯讀  
書其中素與文文山謝疊山友善及疊山就執北行送  
之有詩云兩生無補泰興廢一出仍關魯重輕白首青  
山如得所何須兒女哭清明宋亡建斗山書院居之杜  
門不出所著有東行稿

人物志

黃先生六有

黃六有三山人在太學爲諸公貴人重客逢世大亂貧



不能自活稍降心屈道爲路教爲山長爲訓導官巽焉  
然不屑攜二子行五百里教學以代耕暇則歷訪先賢  
講習之所借書吟誦著述不休聞有好善而遺世者雖  
窮途巔崖遂谷必杖屨求見遇疊山于途立談而莫逆  
交

疊山文集

吳氏師承

甘東溪先生詠

甘詠字詠之崇仁人讀書不拘繩尺尤工于詩性剛正  
不與世俗俯仰平生不娶如林和靖所作甚富號東溪

崇寧學案補遺

卷八十四

王四明叢書

約園刊本

集人物志

雲濠謹案吳文正爲許白山墓誌云同縣甘詠不  
習舉子業徧遊東南交當代名人人稱東溪先生

楊氏師承

張先生卿弼

張卿弼字希契弋陽人宋時由太學登咸淳戊辰進士  
第除福州司戶辟充教授改官仕至興化倅而宋亡歸  
弋陽隱居不出門生弟子從受業者甚眾僉提刑按察  
司事某強起之至縣學以爲師縣人士翕然從之江東  
宣慰使某又迎至郡學以爲師以教一郡六邑之人其

誨學者曰聖學之學載在六經明于日月漢魏以來諸儒或以讖緯爲奧或以老莊爲高使異端百家之說與六經參錯于天地之間千有餘年自濂洛諸公之出辭而闢之廓如也窮鄉晚進之士或無良師友己未有端識而或驟遇舊說見其汪洋恣睢將無迷誘而陷溺者乎徧取傳記百十家擇其合于脩己之學而不墜于清虛治人之方而不雜于術數者輯而錄之名曰六經精義凡數百卷未及成書而卒

道園學古錄

疊山同調

宋元學案補遺 卷八十四

三三四明錄書

約圖刊本

徐先生宗仁

徐宗仁字求心永豐人淳祐十年進士歷官爲國子監主簿開慶元年伏闕上書又極論邊事謂惠藝而威不振又請使有言責者皆得以盡其言則國論伸而國威振臣雖屏居山林亦有生氣遷國子監丞歷考功郎官兼察政殿說書進讀敬天圖累官權禮部尚書兼益王府贊讀衛益王走海上厓山兵敗死焉

宋史

陳石士師謝文節祠後記曰余嘗求文節之事實于宋史而惜其文章蕪雜不足以發人志氣昔太史公

之合傳不獨以見其事之本末且舉其人之聲音笑貌如相接于几席之間蓋義法存而詞氣亦與之昭彰焉今自劉應龍以下諸人惟徐宗仁之死于厓山略近之其餘雖賢皆不當與文節合傳者

陳五山先生堯龍

陳堯龍字繼臣上饒人上饒河溪之旁有五山晚居其間學者稱之爲五山先生方先生少時上饒多名士大夫徐祭酒父子韓直院兄弟諸賢爲領袖謝疊山林城山張藍山之徒爲羽翼風采扇動東南而先生以能義氣招致尋用詩賦充鄉貢春官失之恬不以介意益廣問學淳祐丙午兵起避孔道入深谷菱舍相依者數百家事定起領邑校掃燼地立講廬會廣信闕長長廣信州將部使者方議薦擢而先生竟還五山遂終身焉大德五年年八十卒

戴劍源集

古爲同調

補程月巖先生紹開

附錄

黃東發答程教授請冬至講書劄曰竊謂吾儕之所少

者非講說也躬行也問也六經之旨未大彰明我朝諸  
儒極力辨說至文公而精切的當矣吾儕何幸獲享其  
成入耳著心以正躬行此正今日緊事又暇于文公脚  
下添注脚乎來諭又言文公在南康救荒後每入學校  
與朋友講說誠是也然使某襲其迹而竊效之是自比  
文公也某其敢乎哉

又特薦教授奏狀曰撫州州學教授程某天資端恪學  
力深醇初爲太學諸生值故丞相丁大全之私人沈彞  
爲學官欲招致之某却其聘幣不就月試終丁大全當

宋元學案補遺

卷八十四

三四四明叢書

新刊本

國之日退而開戶家居此足以占其操守及其以舍法  
出身又試中龍飛一科法合注授職官差遣某獨退就  
令官恬然以讀書講誦爲樂此足以占其恬退及其在  
任三年率以躬行勤于講授政教兼舉士人無不悅服  
此足以占其處事之才家本儒酸且無闕郡政而去年  
撫州飢歉能捐俸傾囊以賑其民此足以占其及物之  
志夫其操守有素恬退不求而又有才有志使其獲用  
必能有益伏蒙聖慈特賜錄用

平山講友

雷空山先生思齋

雷思齋字齊賢臨川人幼棄家居烏石觀晚講授廣信山中暨終也復歸烏石治其窆而先表焉表曰空山雷道士之墓其卒也哀清容志之稱其所爲書援據切至感厲奮發不蹈世俗繩墨合神以窮變盡變以翼道中言廣指其于力誠至矣

清容居士集

雷空山語

文章于道一技耳人之爲學將以明斯道也不明斯道不足以爲聖賢之學矣

空山學案補遺

卷八十四

五十四明鏡書

約圖刊本

河圖之數以八卦成列相盪相錯參天兩地參伍以變皆自然而然其數實惟四十而以其十五會通于中

梓材謹案先生著有易圖通變五卷易筮通變三卷揭文安侯斯序云雷先生遭宋亡獨居空山之卷和陶詩三卷去儒服稱黃冠師與淳安令曾公子良今翰林學士吳公澄相友善又案先生道教之徒爲傳性真其徒孫爲周惟和又吳令節嘗受學于先生其序通變云學者尊之曰空山先生四庫書目提要云所述河圖洛書參天兩地倚數之圖錯綜會變等圖及河圖遺論大旨以天一爲坎地二爲坤天三爲震地四爲巽天七爲兌地六爲乾天九爲離地八爲艮而五十則爲虛數其說雖與先儒不同而按以出震齊巽之義亦頗相脗合林至易神傳所謂易道變化不窮得其一端皆足以爲說者也

婁氏家學

婁先生南良 附子志淳

婁先生文輔 台傳

婁先生起莘 合傳

婁南良字德剛臨川人咸淳進士授吉州法曹調宜黃  
簿時稱練達政治與弟文輔起莘子志淳皆以德行聞

吳文正公稱臨川家世儒雅忠厚惟婁氏饒氏焉 江西通志

粹材謹案文輔字道輿程雪樓志其墓云至元之末余使閩以德剛之弟道輿薦授廣州濂泉書院山長以疾辭大德四年余移節湖北明年道輿實來復舉爲桂陽石林書院山長會德剛之子志淳

宋元學案補遺 卷八十四

王六四明叢書

約園刊本

亦授南嶽書院山長迺與偕行蓋雪樓嘗與其弟兄遊云志淳後爲信豐尹

附錄

虞道園志婁太和墓曰信豐前主石城簿時翰林學士  
吳公贈之以言曰予以庚午舉鄉貢與其叔父偕視簿  
猶從子也是時司法已歿見其仲叔季氏鬚髮皓白儀  
觀甚偉如商山老人畫像正至朔望深衣巍冠領羣子  
弟序列家庭接見賓客一如司馬文正公家範士大夫  
家能存承平時禮法之餘風婁氏稱鄉邦第一噫何其  
盛也

婁先生志冲 父起南

婁志冲字太和其先自嘉興分居臨川閩安有四子仲起南寶祐乙卯舉鄉貢進士先生其子也資質謹敏而持重幼而學之不煩程督家庭之間敦睦嚴整吳定翁述其行甚詳 道園學古錄

疊山家學

謝先生禹

謝禹

梓材謹案先生為疊山之弟嘗問道于疊山疊山之走闕中也信守將悉捕其妻子弟姪先生不屈

李先學案補遺 卷八十四

三七 明敬書

約詞刊本

于九江見疊山神道碑又案李奎襄崇忠節奏辭云長弟禹在九江以不屈斬于市季弟君烈君澤俱死于國事伯父徽明為當陽尉與元兵戰死二子趨進抱父屍死是皆當牽連書之者盛星樓親家炳亦云

疊山門人

補 虞先生舜臣

梓材謹案方桐江集載先生字舜臣鉛山人嘗師謝君直父華甫往疊山君為書耕隱二字云

附錄

鄧巴西序先生禮樂韻語曰舜民嘗執業于廣信謝先生尚氣伉直守節不渝舜民得于緒言者不可以崖略

既若韻語固其微爾

補 李先生天勇

雲濠謹案疊山文集與李養吾書養吾富卽先生之字然疊山謂其不屈受窮官于陳宜中留夢談劉鞅柄國之時與先生之無仕履者殊異

補 魏梅野先生天應

和疊山韻

萬疊青山只麼靑從容時止又時行斯文未喪予何畏  
舉世隨流我獨清日月精忠今古在江山道義死生輕  
吾翁鐵脊文翁似無愧淵明與孔明

堯學案補遺 卷八十四

三五 四明叢書  
和圖刊本

補 祭蒙齋先生正孫

和疊山韻

山色愁予渺渺靑平生心事杜鵑行霜鬢雪虐天終定  
歲晚江空水自清肩上綱常千古重眼前榮辱一毫輕  
離明坤順文箕事此是先生素講明

補 王先生濟淵

梓材謹案先生嘗欲刊疊山交信錄熊勿軒爲之跋以序之

送疊山北行詩

希夷何意出山中心事當年漢臥龍行止但憑天作主



別離初不淚沾胸定知晚菊能存節未必寒松肯受封  
大義昭明千載事前程儘更好從容

### 張先生子惠

張子惠字叔仁疊山門人送疊山先生北行詩曰打硬  
修行三十年如今訂驗做儒仙人皆屈膝甘爲下公獨  
高聲罵向前此去好憑三寸舌再來不值一文錢到頭  
畢竟全清節留取芳名萬古傳

疊山文集附錄

### 鄭先生康仲

鄭康仲疊山門人疊山書院在上饒縣安輯鄉疊山講

宋元學案補遺 卷八十四

五

四明叢書

綱目刊本

學處也有詠歸門明經堂先生與徐炎午輩夏田供費  
云 江西通志

### 吳先生蟾

吳蟾閩人自言從謝疊山得異人所授河圖

黃文獻集附錄

雲濠謹案王忠文公河圖辨有言江東謝枋得以  
爲嘗傳河圖于異人其爲狀依倣八卦以爲體坎  
離中書而相交焉乃與方  
士抽坎填離之術相彷彿

### 附錄

袁清容序三易圖曰上饒謝先生逝于建安番易吳生  
蟾往受易焉後出其圖曰建安之學爲彭翁彭翁之傳

爲武夷君而莫知所授或曰託以隱祕故謂之武夷君  
焉始晁以道紀傳易統緒截立疆理俾後無以僞至荆  
州袁道潔始受于薛翁而易復傳袁乃以授永嘉薛士龍  
始薛授袁時嘗言洛遺學多在蜀漢間故士大夫聞是  
說者爭陰購之後有二張曰行成精象數曰演通于玄  
最後朱文公屬其友蔡季通如荊州復入峽始得其三  
圖焉季通家武夷今彭翁所圖疑出蔡氏惜彭不具本  
始

程先生楚翁

宋元學案補遺 卷八十四

三十四明叢書

綱目列本

程楚翁字□□婺源人元兵入臨安江東皆下楚翁結  
死士謀復郡城事泄被執脫去投馬廷鸞謝枋得在閩  
遂往從之及枋得被執北去無所依死逆旅中

姓譜

周先生岳

周岳

梓材謹案先生嘗聞道于疊山疊山卒先生祭之  
以文云某受罔極之恩資弱才薄安知如房杜王  
魏輩異時無負  
于河汾之門

文林楊先生應桂

父鑑附王伯羽

楊應桂弋陽人父鑑警秀不羣從鄉先生王伯羽學問

行藝出諸生徒右及先生中乙科時饒信爲江東士大夫窟數景定咸淳中湯尙書以耆俊謝禮部以忠鯁徐正言以隱逸風采聳然臨一時先生濡染出入不言而成良士以文林資調括蒼元僚歸

戴剡源集

梓材謹案先生又爲張鼎弼門人虞道園藍山書院記云張君始爲山長應桂繼之

### 余先生安裕

余安裕□□人疊山之甥少從疊山學咸淳四年以爲國子正字客有甚談其文學于疊山者疊山笑曰昔呂東萊中宏詞而歸學者羣登其門請升講座陳同父勸

宋學案補遺 卷八十四

三四明徵書 綱圖刊本

東萊勿許曰伯恭未是繫籍聖賢豈可升座東萊問其故同父曰官爲宰相可以生殺廢置人官爲臺諫給舍可以彈駁榮辱人官爲國子監可以考校舍法去取人開口高談性命縱有錯謬人無爭辨者畏其勢也此三等謂之繫籍聖賢東萊大笑而止今安裕爲國子正字乃繫籍聖賢宜乎子之敬畏而稱誦之也客大慚

綱鑑會纂

### 附錄

許浩曰子觀疊山因抑安裕而發繫籍聖賢之說心竊疑之意夫學問之至未至不得以位之有無崇卑而有

所加損也又疊山之言豈其然乎及驗之世則亦有然者今有文甚善也曰某之爲其所易者則蔑焉視之未甚善也曰某之爲其所尊而畏者則翕然稱之言之是非稱是誠有如疊山所云者然吾但患道弗聞耳如其聞之則所言幾于道人雖不吾尊信不患也奚必求爲繫籍聖賢以取目前之尊信也耶

### 楊先生謙之

楊謙之字謙叔其受氏爲武夷楊氏楊由侍讀學士徵之翰林學士億始後有徙信之弋陽爲弋陽人先生嘗

宋元學案補遺

卷八十四

三十四明徵書

續國刊本

監麻沙鎮後不復仕其所從師曰謝公君直與教授張君自號謙山 清容居士集

### 熊先生朝

### 余先生炎

合傳

### 莫先生若

合傳

雲濠謹案李源道疊山神道碑云丁卯以史館召不赴闕戶請道問之者翕如若周岳熊朝余安裕楊應桂余炎謝禹莫若聲皆知名周楊謝有軼事如前惟三先生無考余安裕自有傳

### 古爲門人

### 文林楊先生應桂

見上疊山門人

教授陳先生萬里

附師韓禾子誼天驥敏學

陳萬里字德甫弋陽人幼善屬文長從韓侍郎禾學詞章徐侍郎直可受理學謝公枋得張公卿弼植志節咸淳癸酉薦于鄉後起家廣信書院大修燕居堂面帶湖立諸生論古今成敗道理遺言微旨文質損益皆口授手畫諸生不忍去請于官留帶湖凡十年父南隱翁卒學者咸會葬焉家多書警校成善本謂諸子孫天佚吾老吾遺爾書守儒爲準守身爲本餘何言哉戴剡源教授信州言廣信多郡博士獨陳博士溫讓材智篤素慎

宋元學案補遺

卷八十四

三十四明叢書

約園刊本

行爲第一子誼天驥皆爲郡學官敏學字志仲太常太祝袁清容稱其粹然以容慎密不妄言

清容居士集

平山家學

曾先生正言

附子嚴卿

曾正言金溪人淳安令子良之子也國子進士父子並以文字行義師表其鄉子嚴卿字務光生于淳安故名嚴而字光讀書日有常程務求聖賢微言大旨而不從事記覽爲文主于理未始與人較其短長而一時負才氣者皆自以爲不及同里以士名者無不受業焉卒年

五十三門人相與私謚曰恭貞先生遺文有南明齋稿

三十卷傳于學者其長子堅博學有文能世其家

黃文獻集

雲濠謹案吳草廬贈曾德厚序云平山曾先生隱居金溪之陶原詩文自娛以終其身子觀順亦安貧自守講授鄉里薰其德而善者總總也觀順蓋卽正言之字

學士曾先生堅別見草廬學案補遺

平山門人

補  
隱君吳北齋先生定翁

附錄

幼歲儼如成人寒暑衣冠不少懈清修文雅與孫轍齊

宋元學案補遺 卷八十四 三四 四明叢書 綱目刊本

名而最善爲詩揭傒斯稱其幽茂疏澹可比盧摯

先生平日之言曰士無求用于世惟求無愧于世蓋名

言也

補  
饒先生宗魯

饒宗魯字心道臨川人嘗輯所聞于平山曾子良者爲

周易輯說別自撰易傳庸言

撫州府志

附錄

吳草廬序周易輯說曰金溪曾先生晚節隱居教授以通經學古能詩能文爲後進師臨川饒宗魯遊其門每

日授易所聞皆能記憶師既卒乃祖述其意撰著新辭  
文口談之質俚如傳注之純雅名曰周易輯說意或未  
安不敢輒改蓋有漢儒治經守家法之遺意焉

### 俞先生應元

俞應元字景隆撫州人業儒博敏嘗從曾子良學復肄  
業于白鹿洞受知江丞相及雙峯饒先生乃升居洞學  
講席久然後歸

程雪樓集

### 張氏門人

文林楊先生應桂

見上疊山門人

宋元學案補遺

卷八十四

三五 四明叢書

約園刊本

### 申先生益章

申益章弋陽人與楊應桂皆張希契門人至元十七年  
以來學者之眾無所息游也規爲學舍以處之名之曰

藍山書院

道園學古錄

### 方先生回孫

方回孫希契門人登泰定丁卯進士第

同上

### 疊山私淑

學士虞邵庵先生集

詳見草廬學案

### 張氏家學

張先生純仁

張先生顯忠 合傳

張純仁希契之孫登至治辛酉進士官平昌縣尹希契始爲藍山書院長買田以繼師弟子之食後先生與弟顯忠又以私田若干畝增其不足希契沒學者祠諸講堂之東使顯忠奉之 道園學古錄

宋元學案補遺 卷八十四

三  
天  
四  
明  
叢  
書  
約  
園  
刊  
本

宋元學案補遺卷八十四



宋元學案補遺卷八十五

目錄

深寧學案補遺

王徐門人

補王先生應麟

深寧學侶

補王先生應鳳

深寧講友

湯先生漢

詳見存齋晦靜息菴學案

宋元學案補遺 目錄

深寧同調

伯行先生

李先生夢登

深寧家學

補王先生良學

補王先生昌世

補王先生厚孫

深寧門人

補胡先生三省

補戴先生表元

補王先生惟賢

孔先生昭孫

史先生晏卿

趙先生孟傑

楊先生浚

剡源講友

吳先生化龍

林先生耕道

附師虞仲威

宋元學案補遺目錄

李先生明通

合傳

深寧私淑

曹先生毅

胡氏門人

袁先生栝

詳下類瀕門人

廖先生口

剡源家學

戴先生彥季

剡源門人

補袁先生栢

柳先生貫 詳見北山四先生學案

陳先生繹曾

陳先生成

陳先生規

凌先生愈

凌先生懋 合傳

王先生亦詵

袁先生太初

宋元學案補遺 目錄

舒先生叔恭 合傳

徐先生仁榮

謝先生仲潛

清容同調

紇石烈先生希元

鄭氏家學

補鄭先生覺民

補鄭先生眞

鄭先生鳳

遂初門人

瞿先生佑

胡氏續傳

胡先生世佐 別見東發學案補遺

清容家學

袁先生瓘

袁先生珧 合傳

清容門人

吳先生師道 詳見北山四先生學案

宋元學案補遺 目錄

張先生純仁

劉先生任時

高先生舜元

凌先生師德

姚先生應鳳

王先生口

別附

覺宗聖

深寧續傳

王先生漢章

宋元學案補遺

目錄

五

四明叢書  
鈔摺刊本

宋元學案補遺卷八十五

後學 鄧王梓材同輯  
慈谿馮雲掾

深寧學案補遺

王徐門人

補 尙書王厚齋先生應麟

梓材謹案宋史本傳先生所

著又有掖垣類稿二十二卷

梓材又案尙書孫遂初老人同谷賦云貫三代漢唐之事備闡宋張呂真之道行騰九原之儲孕專

一老于深寧是先生

亦爲張子私淑也

深寧經說

宋元學案補遺 卷八十五

一四明叢書

約園刊本

連山首艮艮萬物之所終始也八風始于不周卦氣始于中孚冬至爲曆元黃鐘爲律本太玄紀日于牛宿紀氣于中首而以罔冥爲元艮之終始萬物也

越絕外傳范子曰道生氣氣生陰陰生陽愚謂先陰後陽卽歸藏先坤之意闔而闢靜而動也

易十二篇今易乾卦至用九卽古易之本文鄭康成始以彖象連經文王輔嗣又以文言附乾坤二卦至文辭連屬不可附卦爻則仍其舊篇目自康成輔嗣合彖象文言于經學者遂不見古本 以上易

漢初去聖未遠帝王遺書猶有存者賈誼書修政語引黃帝曰道若川谷之水其出無已其行無止顯頊曰至道不可過也至義不可易也功莫美于去惡而爲善罪莫大于去善而爲惡故非吾善善而已也善緣善也非惡惡而已也惡緣惡也吾日慎一日帝嚳曰緣巧者之事而學爲巧行仁者之操而與爲仁也故節仁之器以修其財而身專其美矣德莫高于博愛人而政莫高于博利人故政莫大于信治莫大于慎吾慎此而已矣帝堯曰吾存心于先古加志于窮民痛萬姓之罹罪憂眾

生之不遂也故一民或饑曰此吾饑之一民或寒曰此我寒之一民有罪曰此我陷之也帝舜曰吾盡吾敬而以事吾上故見謂忠焉吾盡吾敬以接吾敵故見謂信也吾盡吾敬以使吾下故見謂仁焉吾取之以敬也吾得之以敬也此帝王大訓之存于漢者若高帝能除挾書之律蕭相國能收秦博士官之書則倚相所讀者必不墜矣

二十九篇是計卷若計篇則三十四去泰誓猶有三十  
一伏生所傳謂之今文則歐陽夏侯三家所傳及蔡邕

石經是也

仲虺之誥言仁之始也湯誥言性之始也太甲言誠之始也說命言學之始也皆見于商書

以上書

逸詩篇名若狸首驪駒祈招轡之柔矣皆有其辭惟采芻河水新宮茅鴟鳩飛無辭或謂河水沔水也新宮斯干也鳩飛小宛也韓詩外傳引逸詩尤多其孔筆所刪歟

白虎通諫諍篇妻得諫夫者夫婦榮恥共之相鼠妻諫夫之詩也其齊魯韓之說歟

宋元學案禮通

卷八十五

二

四明叢書

約圖刊本

韓詩序云黍離伯封作陳思王植令禽惡鳥論曰昔尹吉甫信後妻之說而殺孝子伯奇其弟伯封求而不得作黍離之詩其韓詩之說歟

唐禮志云讖緯亂經鄭玄主其說以禋祀祀昊天上帝此天也玄以爲天皇帝者北辰耀魄寶也兆五帝于四郊此五行精氣之神也玄以爲靈威仰赤熒怒含樞紐白招拒計光紀者五天也由是有六天之說顯慶二年禮官議六天出緯書南郊圜丘一也玄以爲二郊及明堂祭天而玄以爲祭太微五帝啟蟄而郊郊而後耕



而玄謂周祭感生帝靈威仰配以后稷因而祈穀皆謬論也以上詩

韓文公讀儀禮謂攷于今無所用愚謂天秩有禮小大由之冠昏喪祭必于是稽焉文公大儒以爲無所用何也

大戴禮哀公問投壺二篇與小戴無甚異禮察篇首與經解同曾子大孝篇與祭義相似而曾子書十篇皆在焉勸學禮三篇見于荀子保傅篇則賈誼書之保傅傳職胎教各經四篇也漢書謂之保傅傳易本命篇與家

宋元學案補遺

卷八十五

四 四明叢書

約監刊本

語同但家語謂子夏問于孔子孔子曰然吾昔聞老聃亦如汝之言子夏曰商聞山書曰云云大戴以子曰冠其首疑此篇子夏所著而大戴取以爲記也踐阼篇載武王十七銘蔡邕銘論謂武王踐阼咨于太師作席几楹杖器械之銘十有八章按後漢朱穆傳注及太平御覽諸書引太公陰謀崔駰傳注引太公金匱以諸書參攷之則又不止于十八章矣

記分三十一篇今逸篇之名可見者有三正記別名記親屬記明堂記曾子記禮運記五帝記王度記王霸記

瑞命記辨名記孔子三朝記月令記大學志

考工記磬氏疏按樂云磬前長三律二尺七寸後長二律尺八寸朱文公問蔡季通不知所謂樂云者是何書今考三禮圖以爲樂經書大傳亦引樂曰舟張辟雍鷓鷯相從八風回回鳳凰階階漢元始四年立樂經續漢志鮑鄴引樂經今其書無傳以上三禮

晉語司馬侯曰羊舌肸習于春秋楚語申叔時曰教之春秋皆在孔子前所謂乘檣杙也魯之春秋韓起所見公羊傳所云不修春秋也

宋元學案補遺

卷八十五

五四明叢書

約園刊本

臣不討賊非臣也子不復讎非子也讎者無時焉可與通此三言者君臣父子天典民彝係焉公羊子大有功于聖經

九世猶可以復讎乎雖百世可也儒者多以公羊之說爲非然朱子序戊午讜議曰有天下者承萬世無疆之統則亦有萬世必報之讎吁何止百世哉

穀梁言大禘之禮與毛詩雲漢傳略同言蒐狩之禮與毛詩車攻傳相合此古禮之存者以上春秋三傳

劉炫謂國語非邱明作葉少蘊云古有左氏左邱氏太

史公稱左邱失明厥有國語今春秋傳作左氏而國語爲左邱氏則不得爲一家文體亦自不同其非一家書明甚左氏蓋左史之後以官氏者朱文公謂左氏乃左史倚相之後故其書說楚事爲詳司馬氏謂左氏欲傳春秋先作國語國語之文不及傳之精也

國語

古文孝經漢志書序謂出孔壁而許沖上其父說文曰孝昭帝時魯國三老所獻其說不同至唐玄宗時議者排毀古文以闔門一章爲鄙俗不可行

孝經

論語終于堯曰篇孟子終堯舜湯文孔子而荀子亦終

宋元學案補遺 卷八十五

六四明叢書

約圖刊本

堯問其意一也

孟子

陸璣爲詩草木疏劉杳爲離騷草木疏王方慶有園亭草木疏李文饒有山居草木記君子所以貴乎多識也然爾雅不釋蒺藜字書不見椹橙學者恥一物之不知其可忽諸若終軍之對鼯鼠虞若虛之辨鼯鼠江南進上之問天雞劉原父之識六駁可謂善讀爾雅矣

爾雅

六經卽聖人之心隨其所用皆切至理

漢世經先出者不如後出盛傳于後世費氏易古文尙書毛詩小戴禮左氏春秋是也

困學紀聞

危者使平易者使傾易之道也處憂患而求安平者其  
惟危懼乎故乾以惕无咎震以恐致福

下陽舉而虢亡虎牢城而鄭懼西河失而魏蹙大峴度  
而燕危故曰設險以守其國狄患攘而民怨結宗藩弱  
而戚黨頽柄臣擿而宦寺恣寇叛平而方鎮強故曰思  
患而豫防之

謝山三箋曰姜維守漢樂諸城而魏得平行入蜀梁  
武帝不守采石而臺城坐困周德威失榆關而契丹  
取營平金人過獨松而笑宋之無備一也

宋元學案補遺

卷八十五

七 四明叢書

約園刊本

京氏謂二至四爲互體三至五爲約象儀禮疏云二至  
四三至五兩體交互各成一卦先儒謂之互體

以上易

謝山箋曰深寧于集鄭氏易注發明互體最精

商之澤深矣周既翦商歷三紀而民思商不衰攷之周  
書梓材謂之迷民召誥謂之讎民不敢有忿疾之心焉  
蓋皆商之忠臣義士也至畢命始謂之頑民然猶曰邦  
之安危惟茲殷士兢兢不敢忽也孔子刪詩存邶鄘于  
風繫商于頌吁商之澤深矣

謝山箋曰厓山未平時元人以告變之章大捕四明遺老以爲欲迎二王深寧所以唏噓而言此

烹魚煩則碎治民煩則亂故以叢脞爲戒器久不用則蠹政不常修則壞故以屢省爲戒多事非也不事事亦非也以上書

薄伐玁狁至于太原蓋自穆王遷戎于太原而太原爲戎狄之居宣王僅能驅之出竟而已其後料民太原而戎患亦深驪山之旣已兆于此其端自穆王遷戎始西周之亡猶西晉也

宋元學案補遺 卷八十五

八四明叢書  
約園刊本

謝山箋曰深寧此說有感于燕雲之爲禍烈也

皇父孔聖自謂聖也具曰予聖君臣俱自謂聖也自聖者亂亡之原光武詔上書者不得言聖大哉言乎

粹材謹案此條深寧蓋有感于荆舒父子與當時頌美之流

旣克有定靡人弗勝言天之勝人也藐藐昊天無不克聳言天之終定也申包胥曰人眾者勝天人曷嘗能勝天哉天定有遲速耳詩所以明天理也故不云人勝天謝山箋曰厚齋倦倦包胥其卽鄭所南盼望陳丞相

自占城至之意耳

君子在下位猶足以美風俗漢之清議是也小人在下位猶足以壞風俗晉之放曠是也詩云君子是則是倣爾士字版章必曰俾爾彌爾性務廣地而不務廣德者人君之深戒也不務德而勤遠略齊之霸所以衰狄之廣莫于晉爲都晉之亂所以萌

謝山三箋曰晉雖世有赤翟白翟中山之禍然不因此而亡國深寧特有慨于宋室耳

孔子于烝民加四字而意自明于緡蠻曰于止知其所止可以人而不如鳥乎此說詩之法韓子于菁菁者莪屑屑訓釋蓋少作也晚歲引詩言者成人重於刑典簡而當矣

羣臣進戒始以敬三卿授策終以敬此心學之原也伊尹訓太甲曰祗厥身召畢告康王曰今王敬之哉皆以此爲告君第一義

格物之學莫近于詩關關之雎摯有別也呦呦之鹿食相呼也德如鴈鳩言均一也德如羔羊取純潔也仁如

騶虞不嗜殺也

梓材案仁如騶虞上疑闕二句

鴛鴦在梁得所止也桑

扈啄粟失其性也倉庚陽之候也鳴鵙陰之兆也蒹葭

霜露變也桃蟲拚飛化也鶴鳴于九皋聲聞于野誠不可掩也鳶飛戾天魚躍于淵道無不在也南有喬木正女之操也隰有荷華君子之德也匪鱸匪鮪避危難也匪兕匪虎慨勞役也蓼莪常棣知孝友也繁蘋行葦見忠信也葛屨褊而羔裘怠也蟋蟀儉而蜉蝣奢也爰有樹檀其下維穀美必有惡也周原膺膺董荼如飴惡可爲美也黍以爲稷心眩于視也蠅以爲雞心惑于聽也綠竹猗猗文章著也皎皎白駒賢人隱也贈以勺藥貽我握椒芳馨之辱也焉得諉草言采其蟲憂思之深也

宋元學案補遺

卷八十五

十四明叢書

約園刊本

柞械斯拔侯薪侯蒸盛衰之象也鳳凰于飛雉離于羅治亂之符也相鼠碩鼠疾惡也采葛采芴傷讒也引而伸之觸類而長之有多識之益也

以上詩

明天理正人倫莫深切于春秋三忠臣書及而爲義者勸焉三叛人書名而不義者懼焉書克段許止而孝弟行矣書仲子成風而綱常立矣書卨鼎衛寶而義利辨矣書遇于清會于稷而亂賊之黨沮矣

春秋

宋人請猛獲于衛衛人欲勿與石祁子曰天下之惡一也名臣之言可訓萬世蓋祁子之學識見于不沐浴佩

王之時衛多君子淵源有自來矣

原繁曰臣無二心天之制也此天下名言萬世爲臣之大法西山讀書記取之博議貶繁恐未爲篤論

謝山箋曰此有感于留王之輩

楚有夏州以夏變夷衛有戎州以夷變夏

謝山三箋曰深寧特有感言之耳秦有夏聲不必謂其變西戎之俗

謂之鄭志以明兄弟之倫謂之宋志以正君臣之分

周之替也自原伯魯之不說學秦之亡也自子楚之不

習誦

子周公之孫也多饗大利猶思不義子贛之責公孫成也劉歆亦少愧哉

謝山箋曰此爲趙孟傳輩殺袁鋪以降元而發

公山不狃曰君子違不適讎國所託也則隱斯言也蓋有聞于君子矣背君父以覆宗國者不狃之罪人也

謝山箋曰斯言也爲呂文煥劉整范文虎諸人言之齊人歌曰惟其儒書以爲二國憂春秋之季已輕儒矣至戰國而淳于髡有賢者無益之譏秦昭王有儒無益



之問末流極于斯

謝山三箋曰斯言也爲元之賤儒言之

夫差之報越其志壯矣燕昭報齊似之取其大節而略其成敗可也慕容盛之討蘭汗其言曰免不同天之責凡在臣民皆得明目當世君子猶有取焉況吳乎

謝山箋曰此爲天水諸宗子言之

杜氏注云仲尼之徒皆忠于魯國史記載夫子之言曰夫魯父母之國國危如此二三子何爲莫出此夫子之訓也以上左氏傳

宋元學案補遺

卷八十五

十二四明叢書

約園刊本

謝山箋曰然則深寧之拜疏出關豈得已哉宋史不知本末書之曰遞使與曾淵于輩同科當改正

司徒掌教不言財司馬掌政不言兵鄉遂九畿兵財在其中井田封建足食足兵之本也周官之法不行無善教善政于是愛財用畏夷狄矣周禮

謝山箋曰古人原不言理財本常賦而範以定式故也大學言生財以賦式之禮壞也古人原不言治兵農卽兵也論語言足兵孟子言制梃以撻秦楚之堅甲利兵以軍禮壞也

君子欠伸一章余在經筵進講謂君以自彊不息爲剛臣以陳善閉邪爲敬講經理討古今有夜分日昃而不倦者上無厭斲之心下無顧望之意是故學以聚之而德益進問以辨之而理益明蓋因以規諷云

禮記

大戴禮盧辨注非鄭氏未文公引明堂篇鄭氏注云法龜文末考北史也

大戴禮記

劉盛不好讀書唯讀孝經論語曰誦此能行足矣安用多誦而不行乎蘇綽戒子威云讀孝經一卷足以立身治國何用多爲愚謂梁元帝之萬卷不如盛綽之一言學不知要猶不學也

孝經

互鄉童子則進之開其善也闕黨童子則抑之勉其學也

不舍晝夜釋文舍音捨集註亦云上聲而楚辭辨證云洪引顏師古曰舍止息也屋舍次舍皆此義論語不舍晝夜謂曉夕不息耳今人或音捨者非是辨證乃朱子晚歲之書當從之

孔子受道唯顏曾子貢原註子貢聞一以貫之之傳與曾子同

夫子之割之席曾子之簞一于正而已論學則曰正心論政則曰正身

以能問于不能以多問于寡有若無實若虛犯而不校顏子和風慶雲之氣象也富貴不能淫貧賤不能移威武不能屈孟子泰山巖巖之氣象也

四教以文爲先自博而約四科以文爲後自本而末商爲起子理明辭達也回非助我默識心通也

以上論語

曹交註謂曹君之弟按左傳哀公八年宋滅曹至孟子

宋元學家補遺

卷八十五

十四四明叢書

約園刊本

時曹亡久矣曹交蓋以國爲氏者

董仲舒云以仁治人以義治我劉原父云仁字從人義字從我豈造文之義邪愚謂告子仁內義外之說孟子非之若以人我分仁義是仁外義內其流爲兼愛爲我矣

謝山箋曰深寧之說蓋亦防附會如荆公者

孟子學伊尹者也當今之世舍我其誰也是亦聖之任以上孟子

謝山箋曰孟子只是伊尹一路上人若顏子便近乎

時韓子氣象近孟

吉日庚午既差我馬午爲馬之證也季冬出土牛丑爲

牛之證也

歷數

說齋云人心思漢王郎假之而有餘人心去漢孔明扶之而不足

謝山箋曰書中再引說齋此語豈徒感季漢也痛厓

山耳

袁宏以伏滔比肩爲辱似知恥矣而失節于桓溫之九錫恥安在哉

宋元學案補遺 卷八十五

十五 四明叢書

約園刊本

謝山箋曰此指葉李輩營立名節而不終

君子其潛如龍非迅雷烈風不起其翔如鳳非醴泉甘露不食司馬德操諸葛孔明俱隱于耕稼而仕止殊魏元成徐鴻客俱隱于黃冠而出處異如用之易地則皆然

晉簡文詠庾闡詩云志士痛朝危忠臣憂主辱東魏孝靜帝詠謝靈運詩曰韓亡子房奮秦帝魯連恥本自江海人忠義動君子至今使人流涕

謝山箋曰傷德祐之北行也

祖逖曰晉室之亂非上無道而下怨叛也晉之德淺淺矣姚弋仲曰亟自歸于晉王猛曰勿以晉爲圖人心知義非後世所及也

謝山箋曰亦以比宋之無失德而致歎于姚弋仲王猛之不若則隱指夏竦輩也

陳無淮無荆襄無蜀而立國三十二年江左猶有人也謝山箋曰此有感于劉整之以蜀呂文煥之以襄陽夏貴之以淮西並降于元而當時中外諸臣遂不能自支也

宋元學案補遺

卷八十五

十六四明叢書

一約圖刊本

止齋曰國初以科舉誘致偏方之士而聚之中都由是家不尚譜牒身不重鄉貫

謝山箋曰宋人多輕去其鄉賢者不免譜牒之學亦至宋而衰

先儒論本朝治體云文治可觀而武績未振名勝相望而幹略未優然攷之史冊宋與契丹八十一戰其一勝者張齊賢太原之役也非儒乎一韓一范使西賊骨寒膽破者儒也宗汝霖李伯紀不見阻于耿汪黃三姦則中原可復讐恥可雪采石卻敵乃眇然幅巾緩帶一參

贊之功儒豈無益于國哉縉紳不知兵介冑不知義而天下之禍變極矣

謝山箋曰橫渠弟子有種忠憲南軒弟子有趙方胡文定公自登第逮休致凡四十年實歷不登六載朱文公五十年間歷事四朝仕於外者僅九考立于朝者四十日道義重而爵位輕所以立言不朽歐陽子司馬公之貶馮道春秋之法也我朝太宗謂范質欠世宗一死所以立萬世爲臣之訓

大觀八行因周禮之六行附以六德之忠和姦臣不學如此

宋元學案補遺

卷八十五

十七

四朝叢書

約園刊本

程子曰河北見鯀隄無禹隄鯀堙洪水故無功禹則導之而已

以上攷史

一叢深花色十戶中人賦白樂天謂牡丹也豈知兩片雲戴卻數鄉稅鄭雲叟謂珠翠也侈靡之蠹甚矣

有問心遠之義于胡文定者公舉上蔡語曰莫爲嬰兒之態而有大人之器莫爲一身之謀而有天下之志莫爲終身之計而有後世之慮此之謂心遠

以上評詩

邱宗卿謂場屋之文如校人之魚與濠上之得意異矣

評文

梓材謹案深寧引此語與慈湖謂文士之文云云並及之謝山三箋云引宗卿語見場屋之文不足觀引慈湖語見凡爲詞章之學者無所得是兩層

化書曰奢者富不足儉者貧有餘奢者心常貧儉者心常富季元衡儉說曰貪饕以招辱不若儉而守廉干請以犯義不若儉以全節侵牟以聚仇不若儉而養福放肆以逐欲不若儉而安性皆要言也

孝經言卿大夫之孝引詩云夙夜匪懈言士之孝引詩云夙興夜寐讒鼎之銘曰昧且不顯後世猶忌叔向所以戒也三晨晏起一朝科頭管幼安所以懼也鷄鳴而起決擇于善利之間爲舜而已矣

尹和靜謂動靜一理伊川曰試驗之適聞寺鐘聲曰譬如此寺鐘方其未撞時聲固在也伊川喜曰且更涵養朱文公在同安夜聞鐘鼓聲聽其一聲未絕而此心已自走作因此警懼乃知爲學須專心致志先儒于鐘聲之入耳體察如此

善讀書者或曰此法當失或曰一卷足矣奚以多爲或不求甚解或務知大義不善讀者蕭繹以萬卷自累佳

儻以五千卷自矜房法乘之不治事盧殷之資爲詩

晁景迂曰博之以五經而約之以孝經論語博之以太史公歐陽公史記而約之以資治通鑑康節先生曰二十歲之後三十歲之前朝經暮史晝子夜集學者當以此爲法

夫子雅言詩書執禮而性與天道高第不得聞程子致人大學中庸而無極太極一語未嘗及

以上雜識

梓材謹案謝山困學紀聞三箋于易修辭條箋云易以辭爲重語意微有病召平董公條箋云此深寧有感于身世之言據袁清容集言深寧當元初嘗爲俗吏所窘其時甬上故公相家子弟皆不免

至正學案補遺

卷八十五

十九四明叢書

約園刊本

于折辱惟杜門用晦而已久之始有稍稍致敬于深寧者會修學宮求深寧所記然深寧杜門如故也士不以秦賤經不以秦亡俗不以秦壞言雖壯而心則痛攷深寧序桃源世譜已有此數語詩孝經引詩條箋云陸文安公所云六經皆我注腳之語斯之謂也觀深寧所云而後知其不足驕孟子水心條箋云此亦因賤儒之世而鼓勵子弟耳攷史曲禮少儀條箋云明末陳繼儒弟子有此氣象見黃梨洲思舊錄不知繼儒何以得此攷史李微之條箋云南軒受孝宗知遇最深自不應以人言遽去東萊則似不必又徵之條箋云此以二公學術言之謂呂學深穩而稍不同陸學則自成其是也觀鵝湖之會可見評詩湯伯紀條箋云深寧蓋以自傲雜識呂成公條箋云此名言也深寧其有感于晦翁同甫黃中子靜之事乎以上困學紀聞已見學案正編故總錄全箋于此

深寧居士集



孝弟修于家而仁遜興德齒尚于鄉而風俗厚理義明  
于心而賢才盛善信充于己而事業顯慶元府學重建  
大成殿記

自慶曆諸老模範後進淳熙大儒闡明正學惟聖賢是  
式惟德性是爲小而灑掃應對大而格物致知如耳濡  
目染充然有得慶元路重建儒學記

古者士有常心家無殊俗八歲入小學十年就外傅二  
十五家爲閭閻有左右塾里中之老有道德者爲左右  
師坐兩塾灑掃應對是謹詩書禮樂是習孝弟忠信是

宋元學案補遺

卷八十五

一王國明叢書

一約園刊本

修蒙養豫教薰陶涵濡是以人有士君子之行廣平書

院記

慶曆淳熙前後九賢教行于一時澤被于百世郡學有  
祠舊矣因鬱攸而廢復舊誌記其作新士習之機歎覺  
有先後道無古今高山仰止景行行止匪徒慕之亦允  
蹈之將有聞風興起者先賢祠堂記

義理在人心萬古不磨綱常在宇宙億世不泯伏生申  
公高堂生之經學士不以秦而賤萬石君家之孝謹魯  
兩生之節操俗不以秦而薄言良貴者不以人爵言不

朽者不以世祿脩其在我而已

桃源世譜引

古者蒙養豫教罔不在初六年教之數與方名八歲學六甲五方書計之事九年教之數日十年請肄簡諒循循有序由是有名數之學陶靖節所以錄聖賢羣輔也君子恥一物不知譏五穀不分七穆之對以爲洽聞束帛之談謂之寡學其可不素習乎

小學紺珠序

幼承義方晚遇艱屯炳燭之明用志不紛困而學之庶自別于下民開卷有益述爲紀聞

困學紀聞序

惟大學始教格物致知萬物備于我廣大精微一草木

宋元學案補遺

卷八十五

王四明叢書

約園刊本

皆可以類推卓爾先覺卽物精思體用相涵本末靡遺

原註先覺指下文  
周程邵朱四先生

水華庭草玩生意以自怡

周雞雛觀

仁乾坤具梅枝

程

鉅而苞萬彙乎觀物

邵

纖而析眾芳

乎楚辭

朱

約不膚陋博不支離蓄德致用一原同歸

爾

雅翼後序

以互體求易左氏以來有之凡卦爻二至四三至五兩體交互各成一卦是謂一卦含四卦繫辭謂之中爻所謂八卦相盪六爻相雜唯其時物雜物撰德是也惟乾坤無互體蓋純乎陽純乎陰也餘六子之卦皆有互體

坎之六畫其互體含艮震而艮震之互體亦含坎離之  
六畫其互體含兌巽而兌巽之互體亦含離三陽卦之  
體互自相含三陰卦之體亦互自相含也

序

輯周易鄭註

靈彖謹案四庫書經部著錄先生所編周易鄭康  
成註一卷提要稱其能于散佚之餘蒐羅放失以  
存漢易之一綫可謂篤志遺經研心古義者矣又  
謂近時惠棟別有參訂之本體例較密然經營册  
始實自先生云又著錄詩考一卷提要云考三家  
之詩說者也又詩地理考六卷提要稱其書全錄  
鄭氏詩譜又旁採爾雅說文地志水經以及先儒  
之言凡涉於詩中地名者皆萃成編然皆採錄遺  
文案而不斷故得  
失往往非存云

宋元學案補遺

卷八十五

三

四明叢書

約園刊本

聖人作經載道學者因經明道學博而不詳說無以發  
羣獻之眇旨說詳而不反約無以析眾言之殺亂故必  
泝正學之源而後能通乎聖人之海粵自木鐸聲寢經  
與道榛塞孟子闢邪距詖羽翼孔道七篇垂訓法嚴義  
精知性知天易之奧也以意達志詩之綱也言稱堯舜  
書之要也井田爵祿之制可以知禮王霸義禮之辨可  
以知春秋儒者稱之曰通五經噫若孟氏斯謂之通矣  
擬劉向五經通義序

太極肇分天先成而地後定天依形地附氣地囿于天

者也而言地理者難于言天何爲其難也日月星辰之度終古而不易郡國山川之名屢變而無窮是故圖以經之書以緯之仰觀俯察其用一也

地理通釋自跋

雲濠謹案四庫史部著錄通鑑地利通釋十四卷提要稱其中徵引浩博考核明確而敘列朝分據戰攻尤一一得其要領于史子最爲有功原書無序後人以書後自跋移冠于前所云上章執徐柄壯之月乃元世祖至元十六年庚辰八月是時宋亡已三年蓋用陶潛但書甲子之義書內稱梓慎爲梓謹亦猶爲宋諱云又著錄先生通鑑答問五卷提要云書以通鑑答問爲名而多涉于朱子綱目蓋綱目本因通鑑而作故其所論出人于二書之間又言其尊崇新例似尹起莘之發明刻覈古人似胡寅之管見如漢高祖過魯祀孔子本無可貶乃反譏漢無真儒文帝除盜鑄之令本不可訓

宋王學案補遺

卷八十五

三四明藏書

約園刊本

乃反稱仁及天下與其所著他書殊不相類其眞麇蓋不可知或伯厚孫刻玉海時僞作此編以附其祖于道學歟又著錄漢制考四卷提要稱其大致精核具有依據又錄漢藝文志考證十卷提要謂其摭摭舊文各爲補註不載漢志全文惟以有所辨論者摘錄爲綱略如經典釋文之例其傳記有此書名而漢志不載者亦以類附入凡二十

六部各疏其所註于下而以不著錄字別之云書不云乎汝不惟商裔成人宅心知訓嗟爾後進惟憲

言是式沈潛乎經術貫穿乎史籍外以致用內以崇德

費隱一原敬義俱立應正學之不墜尙前修之可及

跋

袁絮齋答舒相仲書

梓材謹案深寧之學具在于斯深寧之節莫切于晚楊梅之說互見絮齋學案補遺

梓材又案阮亭居易錄載陳庶常汝成所遺厚齋文集寫本僅五卷明鄭真干之所輯蓋四明文獻之一種非先生專集也

### 附錄

遷國子錄進武學博士疏言陛下閱理多願治久當事勢之艱輿圖蹙于外患人才乏而民力殫宜強爲善增修德無自沮怠恢宏士氣下情畢達操綱紀而明委任謹左右而防壅蔽求哲人以輔後嗣旣對帝問其父名曰爾父以陳善爲忠可謂繼美

守軍器少監經筵值人日雪帝問有何故事先生以唐

宋元學案補遺

卷八十五

三西四明叢書

約園刊本

李嶠李义等應制詩對因奏春雪過多民生飢寒方寸仁愛宜謹感召

遷將作監帝視朝謂先生曰爲學要灼見古人之心先生對曰嚴恭寅畏不敢怠皇克勤克儉無自縱逸強以取下制事以斷此古人之心然操舍易忽于渺綿兢業每忘于游衍帝嘉納之

賈似道拜平章事葉信公江益公各求去似道亦求去先生奏孝宗朝闕相者亦逾年帝亟取以喻之似道聞先生言大惡之語包恢曰我去朝士若王伯厚者多矣

但此人素著文學不欲使天下謂我棄士彼盜思少自  
貶恢以告先生笑曰迂相之思小負君之罪大

黃東發謝先生舉著述科曰蓋遇某官光明碩大之資  
清修雅持之操符衡旌別眾弊冰消簪筆論忠孤忠月  
皎適開中興躋太平之會孰不謂安懷憂治世危明主  
之心我獨入告偉矣講明之素炳然議論之丹此真文  
章之正宗益信國家之巨擘本諸身而若是于教人而  
可知宜此狂愚特蒙題品

謝皋羽呈王尚書詩曰寒風吹鬢影吝淚溼衣塵千里

宋元學案補遺 卷八十五

三五四明藏書

約閣刊本

見積水滿城無故人船歌甌雪盡劍舞越花新獨憶絲  
綸老相從話所親

袁清容上王尚書曰伏惟內翰尚書先生南州元老故  
國重臣望壓縉紳聊復浮湛于閩里文驚華夏未妨談  
笑于江湖恥申公之蒲輪便管寧之紗帽樹人爲急獎  
士尤先子誠齋人侈以都邑之富波及晉國化其潢汙  
之卑是用忘揣顛蒙惠徼恩育鉤玄提要在明公爲壯  
歲之筌蹄糾繆繩愆于後生爲百世之模範儻獲書傳  
于琬刻尤當襲藏于巾箱與汝共之深議中郎之隘非

吾徒也尚祈夫子之憐欲報無從永言先愧

雲濠謹案清谷又謝王尚書有言爲指範道蘊經綸化閭里之澆風愍潛纓之弱息至誠樂易許傳新著之書雅量恢宏不棄一偏之士云云

又祭王尚書曰楸以蒙昧請業門下反復可教授以端緒有疑必開有謬必舉語其平生載出載處冀登斯堂舉觴以祝詎期須臾望公以哭

又序困學紀聞曰先生年未五十諸經皆有說晚歲悉焚棄而獨成是書其語淵奧精實非紬繹玩味不能解

雲濠謹案清谷集有挽深寧詩其二曰晚歲艱難意衡門老病身蜀山迷望帝楚澤痛靈均皮弁終

宋元學案續編

卷八十五

王四明叢書

約園刊本

辭召深衣晚任眞蓋棺今論定千載有遺民其四曰再世登龍舊淵源可再窺西山遺正緒東瀾結冥知腹笥名空在眉梨壽竟違重歌妾薄命寒淚滴塵瓶

牟隆山序困學紀聞曰蓋九經諸子之旨趣歷代史傳之事要制度名物之原委以至宗公鉅儒之詩文議論皆後學所當知者公作爲是書各以類聚考訂評論皆出己意發前人之所未發辭約而明理融而達該遂淵綜非讀書萬卷何以能之

黃晉卿曰厚齋尚書于書無不讀記誦絕人且練習臺閣故事有不知必問焉暮年深自晦匿不與世接而東

南學者以爲宋三百年文獻所存莫不翕然宗之  
貝清江曰自厚齋尙書倡學者以考亭朱氏之說一時  
從之而變故今粹然皆出于正無陸氏偏駁之弊  
又曰四明之學惟尙書之廣博精深論者謂兼東萊西  
山二家之長非袁楊所能及

鄭干之曰誥命之體南渡以來龍溪汪公平園周公號  
爲冠冕若厚齋王公尤所謂傑然者也咸熙德祐間社  
稷傾危近在旦夕而公四入中書徧行諸房詞命除日  
填委他舍人閣筆不下公獨從容授之若行雲流水冷  
然然而莫知紀極蓋會集羣言而以己意發之信所  
謂博極羣書者也

謝山困學紀聞三箋曰干之跋深寧兩制文字之言  
如此今讀困學紀聞第十九卷足以見深寧平日從  
事于此者果非一日矣干之又云公詞命激厲奮發  
足以感泣三軍按清容挽詩亦有丹詔三軍泣之語  
然則深寧之忠其寄之代言之文思以挽既去之人  
心而扶不支之天命者良可傷矣

黃南山先賢深寧王先生贊曰春秋絕筆瑞應在麟宋



泮訖籙瑞應在人尼父泣麟先生自泣出匪其時吁嗟  
何及

謝山句餘土音王尚書汲古堂詩竹林沈沈天宇碧  
汲古傳忠垂御畫其中孕出雙靈鳥接翅飛來文五  
色長公尤克昌其家文獻淵涵苞八極浙東學統邁  
明招西山東澗遞正席爰以大宗集大成區區詞科  
乃餘力稜稜風節遭殘宋大聲疾呼終何益從此扁  
戶畢殘年日聞空堂三大息可憐困學紀中語此志  
倔強固猶昔商山四皓魯兩生不以坑儒盡耆德淨  
邱高堂濟南叟不以焚書絕遺籍石奮家風在躬行  
不以崇詐泯舊澤天留碩果繫孤陽由來霜雪不能  
食莫謂茲堂僅百弓足爲故國扶殘脈遺文百卷歸  
羽陵學案文案都剝蝕流傳少作詞科書猶爲身陋  
資典冊孫枝一縷日就衰錦里門庭無豔色祇有東  
壁光瞳瞳夜墮堂前震木石原註云尙書學術世徒  
以博洽視之其實則餘緒也

又鮎埼亭詩集同谷覓深寧先生墓不得詩逝者如  
可作先生吾所歸空吟遂初賦莫覓浚儀碑

深寧學侶

補常博王默齋先生應屬

附錄

劉後村懷王制參詩曰因交明允知坡穎喜少公文更雅醇方幸儒林得吾子奈何宰相失斯文未揮潞國告廷制久作河陽入幕賓自古堦簾宜迭奏開元張垙與張均

深寧講友

文清湯東澗先生漢

詳見存齋晦靜息菴學案

宋元學案補遺

卷八十五

三

四明叢書  
約園刊本

深寧同調

貞惠德齋先生伯行

伯行系出玉呂伯里氏大父家西北部父以積功領南宿州軍分鎮燕縣後家于大名府之清豐縣焉先生幼失怙母徐氏躬牧蒔紉織以贍稍長從學里中張蔡公尹大名見而奇之至元二十二年授承事郎調金壇縣長遷承直郎行省理問官省中事急速必命之詣御前皆得允旨以歸世祖曰伯行昔朕以黑髯使臣目之今察其相貌誠溫暖絜正俾以重任宜無負相桑哥方據

政寢命不下授奉議大夫行省都鎮撫二十九年授慶元路治中慶元多故宋公相家時翰林學士王公應麟閉門不納客先生首尊禮開說俾學者師事之大德元年遷浙東海右道肅政廉訪副使復分治慶元縣有慶湖總戎官久據潭爲田將輸官租以絕口先生立決以溉民田撫循瘡痍刮驕冗者素所習知而獨于鄉校諄切訓諭謂爲宣化所宜急擢工部侍郎陞尙書至大元年加正議大夫授兩浙都轉運使力丐辭再授資善大夫監國院使復辭不允三年奉旨過江南具條所行

宋元學案補遺

卷八十五

三四明叢書

符園刊本

事宜卽得疾寓舍四年卒年六十有一先生平居簡默所至率招師訓諸子晚自號德齋延祐四年特贈資政大夫諡貞惠

清容居士集

### 教授李先生夢登

李夢登字仲實餘姚人父早卒與伯氏午發鬻能斬斲刻厲至元丙子鄉校燬帥鄉人新之提學趙孟至聞其才檄充徽州月泉山長不赴授明學正明之儒先如內翰深寧王公猶無恙先生虛心事賢直躬贊長肅客合羣有蔽通之有忤調之有危掖之儀門書閣禮殿論

堂齋廡諸役有煩任之錢穀會計有籍公之寮案憤訟如潰河而庠校賴之不廢郡遂以學事委其主攝旣而秩滿扁舟賦歸時花樹木爲休閒之計所居之室曰雲心並西一軒曰帶經大德丁未有命授瀏陽州教授卒年六十四

戴剡源集

### 深寧家學

補 王先生良學

梓材謹案梨洲原本謂先生嘗從三江李氏游卽以屬之李博士元白弟子蓋仍寧波府志之誤不知深寧爲博士孫壻博士卒于紹定三年深寧纔八歲安得有子以從博士惟博士從孫明新亦稱

宋元學案補遺卷八十五

三 正明叢書

約園刊本

三江李先生先生得而從之

補 承務王靜學先生昌世

梓材謹案先生晚自稱靜學居士著靜學稿二十卷

### 附錄

尙書名重當世諸公謂宜錄其嗣人以表盛德薦章交上先生力辭曰士之大節嗣守爲難敬身所以敬親肥遯所以無不利矧以介直之資與世寡諧倘得讀父書求己志以畢此生足矣不願乎外也

嘗戒二子曰務學以實勿事虛文持身以誠勿循詭道

毋以貧忘古禮毋以卑墜家聲

補教授王遂初先生厚孫

附錄

元延祐初科制行改治詩經初李國博元白授詩于舒文靖公王與舒李世親盡得其原委

袁文清歸里第輒問所學對曰近於濂洛關輔建安西蜀諸書稍已通習惟讀書記衍義正宗意有所得以其明潔縝密有成法易知而可守也

文清著四明志命之分撰二考且言子家世太史亦嘗

宋元學案補遺

卷八十五

三十四明叢書

約園刊本

究心否曰經與史同出異名自有編年司馬氏爲記傳隋志始稱正史非古也作史必曰三長年代協體統之會人物萃品題之歸敘事實詳不爲繁修詞有要不爲簡彼諛聞寡見雜出眾手舛訛遺漏欲以博信久遠豈不難乎因歷舉歷代高下得失甚備文清大喜復閱其文作而歎曰先師之道茲不墜矣

嘗爲郡庠訓導演說明理辨析疑難諸生悅服往時博士朔望講義就章立題卒一篇而止先生病其拘取四書五經關世教者爲之直說抑揚反覆聞者竦然

既老嘗語人曰天地生人之初吾不得而知也可知者  
理而已理之在人初非不善克遂其初斯足矣乃號遂

初老人

深寧門人

補朝奉胡梅磻先生三省

梓材謹案戴剡源題蕭子西詩卷後云子西詩經  
其姊丈王丞公達善校定又自言與丞公倡酬之  
日惟避地天台時爲多方其時同遊佳朋友皆無  
恙舒舜侯在馬巖劉正仲在雁蒼胡元魯在峽石  
元魯當亦  
先生之字

雲濠謹案台州府志先生  
所著復有竹素稿一百卷

宋元學案補遺 卷八十五

重四明叢書

約園刊本

附錄

袁清容祭之曰先生負淵海之學執事物之樞用功于  
青雲決科之前大究若訥小得若愚網羅搜抉極竹素  
之祕而其微細委瑣猶不遺于初虞龔釋例子杜氏著  
履霜堅冰之旨條分目舉而牛李棄地之爭黨于制父  
之議前人之有疑者雖取舍有在以明迂叟當時之不  
得已至于孜孜衛翼拾遺補誤亦幾乎司馬氏之忠臣  
而無負

謝山困學紀聞三箋曰胡氏註通鑑實成于吾寧之

甬上見袁清容集不知何以不見深寧樵史之書是時宋室初亡深寧蓋杜門不接後進也

陳石士師答魯賓之書曰胡身之不以文名而其于

通鑑之學則深且博

梓材謹案先生實出深寧之門特其注通鑑地理未嘗商榷于深寧爲不可解耳

雲濠謹案四庫書目著錄司馬溫公資治通鑑元胡三省首注提要云袁清容集載先友淵源稱其乙酉歲留袁氏家塾日鈔定注自序稱乙酉微漏與袁所說正合惟袁稱定注而今本題作首注疑出胡氏所自改又云通鑑文繁義博貫穿最難身之所釋于象緯推測地形建置制度沿革諸大端極爲賅備故唐紀開元十二年內注云溫公作通鑑不特紀治亂之迹而已至于禮樂曆數天文地

宋元學案補遺卷八十五

三語四明叢書

約園刊本

理尤致其詳讀者如飲河之鼠各充其量蓋本其命意所在而于此特發其凡可謂能見其大矣至通鑑中或小有牴牾亦必明著其故能參證明確而不附會以求其合甚得注書之體又著錄胡氏資治通鑑釋文辨誤十二卷提要稱其書援據精核多足爲讀史者啟發之助所云音訓之學因文見義各有攸當不可滯于一隅又云晉朱齊梁陳之疆里不可以釋唐之疆里其言實足爲千古注書之法云

補  
戶部戴剡源先生表元

梓材謹案剡源集先生自序云自號曰剡源先生因以名其集或稱質野翁充安老人又案袁清容誌先生墓云一字曾伯至大庚戌卒年六十七又案清容述先大夫師友淵源言先生有榆林集五

卷十

梓材又案謝山鮎埼亭詩集榆林村中弔戴帥初  
詩首云剡源老子詩傳盛曾從巽齋復厚齋攷剡  
源文集送曹士宏序云歲壬戌余初遊武林識廣  
陵歐陽公權先生于祕書之署又云余時年少自  
銜節每從其所歸未嘗不發慙面汗也是先生曾  
從巽齋之證其序又云以抗學博士弟子識拜劉  
先生會孟會孟亦居廬陵又云余受劉公之愛于  
文字間特厚則先生又及劉氏之門矣又案方桐  
江序應翔孫經傳蒙求云王伯厚尚書學極天下  
之博長子四歲子昔嘗事之戴帥初博士學極天  
下之粹少子十七歲今子畏友也稱之爲四明二  
先生然剡源爲方桐江詩集序云同游之士來謂  
表元子于門牆袷佩中若知言  
者則先生嘗及方氏之門矣  
雲濠謹案袁清容祭戴先生在至大四年三月丙  
申蓋先生以是年卒其師剡源在戊寅之秋亦見  
祭文又案剡源集有  
質野堂記充安閣記

宋元學案補遺 卷八十五

三五 四明叢書

約園刊本

雲濠又案王阮亭居易錄海寧刻戴剡源集四卷  
餘姚黃太冲定本也戴以古文名延祐大德間與  
柳貫齊名袁桷師事之阮亭又言昔  
在京師借鈔其集于陳赤衷蔡獻云

剡源講義

古之善處富貴而謙者莫如舜禹周公以大聖人而能  
取人爲善能聞善言則拜能小心恐懼流言天下誦其  
功業燁然至于今不衰善處貧賤而謙者莫如孔孟孔  
子能困阨陳蔡而彈琴自如孟子能不見諸侯而辭萬  
鍾之祿天下後世誰得而並之

易謙尊而光卑而不可

踰



大畜之卦內乾外艮乾者健也艮者止也人之學行於內能健則無閒斷不一之病于外能止則無淺疏輕出之悔其曰多識前言往行者平時或得于考究或聞于講明耳濡目染心領意會今日積一善明日積一善日日積之以至無所不通無所不悟如富人多藏貨物而不妄用如深山大澤草木生之寶藏與焉而不見其運動一旦臨是非據利害剖析無不中節施行無不合宜此大畜之所以爲美也人不多畜其學問德行而速于欲行其志者可不爲戒哉

大畜象曰天在山中君子以

宋元學案補遺

卷八十五

三六四明叢書

約園刊本

多識前言往行

說命三篇中指實事多引空言少期其身必以伊尹期其君必以堯舜淵源氣象上與禹稷皋陶下與孔孟初

不相遠

書說命

天下之藝惟其辛苦力學而後能者不如天性之自然天性之自然發之于內耳目之聰明接之于外有不學學必精矣豈惟藝人之學爲然聖賢君子之事亦如此也

禮記良冶之子四句

此三言豈但可宰季氏蓋千萬世宰天下法也聖道未

明人才日陋爲學者未能治己而治人爲政者不暇信人而信己纖悉于小節而鹵莽于大綱牢籠于虛譽而闊略于實德聞仲弓之風可不愧汗自省也哉

論語仲

弓爲季氏宰問政章

利一也孟子之所非與周易之所取何以異命一也修身之所俟與巖牆之所避何以殊仁一也司馬牛之所難與管仲之所近何以別諸君子其求之

子罕言章

當孔子時周道雖衰先王之禮猶有存者可以訪問髣髴若老聃萇宏師襄之類是也然其人多隱逸放棄故

宋元學案補遺

卷八十五

三毛 四明叢書

約園刊本

時論目之爲野人至於威儀曲節華飾過盛則幾傷其本而反以爲君子仲尼感歎風俗之日移自言吾不用禮樂則已耳幸而用則寧取前一輩質朴之人而後一輩之過華者在所損節而亦不盡以爲非也其立言之婉寄意之切學者正當玩味

先進子禮樂章

中是不偏不倚無過不及庸是平常此二字惟聖人能行之若非聖人決然有偏倚決然有過不及決然不能平常故處事而無偏倚無過不及與夫合于平常者天下之至理也

中庸子曰中庸其至矣乎民鮮能久矣

人未有不誠于父母兄弟者也今有爲人子者曰我誠  
孝於父母矣而父母或不我悅我誠恭于兄矣而兄或  
不我友是其理殆不然誠患不能持久耳使我能誠于  
爲孝而持久無間斷父母安有不我悅使我能誠于爲  
恭而持久無間斷兄安有不我友推而於夫婦誠其敬  
推而于朋友誠其義皆能持久無間斷而推而于鄉里  
于邦國誠其信皆能持久無間斷而行愈力其徵愈廣  
又推而達于四方萬里之遠而四方萬里之遠服之質  
于鬼神而鬼神宜之被于豚魚而豚魚孚之其精神功  
用遂與天地同運爲悠遠爲博厚爲高明而中庸之能  
事畢矣

至誠無息節

### 剡源文集

人嘗言有才不得位及有位何嘗見其才顧其志何如  
耳

稼軒書院興造記

物之久莫如石先秦以來古文奇字載於石者必傳然  
徒以久而不以賢古之賢而能傳傳而久者則不賴於  
石是故以石而傳人不若以人而傳石也

當塗戶曹掾

### 續題名記

亢宗之難不如承宗之易進趨之有餘不如恬素之不  
及

清華堂記

水無心人之習于動者得之以爲心雲無意人之習于  
靜者得之以爲意及乎淵停坎蓄風起雨作動者未嘗  
不靜靜者未嘗無動而二者卒不自知其然也

水心雲

意樓記

采色養目之昏鄭衛養耳之聾滋味服御養口體之衰  
惟以學問養心者無憂而常安無辱而常貴

養心齋記

象數者起于無而寄于有理者妙于有而歸于無寄于

朱元學案補遺卷八十五

居四明叢書

約園刊本

有者其變可知可言歸于無者不可知不可言也

讀易

蠡測序

古之君子欲明道于天下者不能使人無異而嘗惡人  
之苟同以爲異則道可因人而明苟同之情雖一時權  
然無失而初不能以相發

王雙溪尚書小傳序

人之精氣蘊之爲道德發之爲事業而達之於言語詞  
章自夫子之徒沒言道者不必貴文言文者不必兼道  
如此幾二千年迨新安子朱子出學者始復不敢雜道

于文

紫陽方便君文集序

居是家而無以正其子弟非良父兄也居是鄉而無以正人之子弟非良士也

陳氏三子字序

仁始于不忍欺孩童及其懋之也至于爲堯舜之博濟義始于恥穿窬及其懋之也至于可以爲夷齊之讓國

凌氏二子字序

無必豐于名必豐于其所可名無必充于欲必充于其所可欲

贈曹子貞編修序

顏真卿張巡之不得死于牖下君子榮之謂之考終命李陵孔光之惜身顧蔭君子慚之謂之媮生

題京兆劉

侯事後

宋元學案補遺

卷八十五

四十四明叢書

約園刊本

易以象爲書而理附焉亦猶人之有是耳目口鼻四體然後可以論其視聽言動云爾而世之言理者先去象不知去象則理于何所附而存哉

題王晦仲讀易筆記

後

君子之于書爲其可以正人心息邪說也則存之孔叢子者矯矯然守其經生之學試讀而行之其心之于貧賤患難也不苟辭之矣此非孔氏子孫若其徒孰能爲

哉

讀孔叢子

人性剛柔得于天宜若不可以矯焉者然有修之成德而爲君子亦有陷之失中而爲小人則不可徒委之天矣

佩韋辨

言之未出童子能然言之既出壯夫所難端木費辨季由傷勇恂恂充公藏珍自重徐行無驚善養非鈍亨心在坎致命惟困

周氏彝軒銘

附錄

年十三卽加冠入鄉校從里師習詞賦輒棄不肯學諸父強之乃遊臨安

宋元虞案補遺 卷八十五

四明叢書

約園刊本

先生兩授徒于鄞于宣于杭

陸子方寄戴帥初先生詩曰詞章科目溯當年璧水名流孰子先杜甫生逢天寶末陶潛空憶義熙前明庭結綬懷新渥暗壁移燈理舊編約對青山談出處一冬澗雪長新泉

袁清容志其墓曰自昔孔門首分四科歷代之士悉不能兼有尊德行者後文學世嘗病焉先生爲文尤多于忠厚孝悌之語後之纂言者其必有所考

又刻遺文疏曰剡源子少負奇志晚成大名漱六藝之

菁華窮百世之源委如得溫璞以成連城之壁若真言  
金以合四懸之鏞世方尊崇老益平實夫既人慕其學  
是宜家有其書失今不圖斯咎誰執十年之計在木庶  
得廣傳同心其利斷金允宜其贊不在是舉曷成斯文  
宋潛溪序先生文集曰先生之文新而不刊清而不露  
如青巒出雲姿態橫逸而連翩弗斷如通川縈紆十步  
九折而無直瀉怒奔之失豐城之劍荆山之玉縱埋沒  
泉壤爲已久神光上貫於霄漢者終弗能掩也其先生  
之謂乎

宋元學案補遺 卷八十五

四明叢書

約園刊本

黃南山先賢剡源戴先生贊曰有宋遺老避世投閒先  
生穎出薰陶其間商鼎周彝古雅清奇規模後學望重  
當時

補王先生惟賢

春秋指要自序

世之釋春秋者不知幾家集眾說析諸聖亦可謂多矣  
然欲彼此專門前後異戶卒無至當精一之歸者未能  
大明聖人之心猶爲三傳所惑也欲明夫聖人之心當  
上正天時下測傳例天時不正近于誣僭傳例不正流

于苛峻聖人志在春秋以尊王承天爲重公平正大存  
心直書其事善惡自見寧有如後儒所言其文則史其  
義則竊取之舊史自有義因之不能廢也三代所尙不  
同皆以寅月起數聖人所書周正卽夏之正文定胡氏  
知周不改夏月于春秋反疑聖人改月少穎林氏灼見  
春秋紀歲必用夏正而弗知周不改夏正欽若天時自  
岷隱戴氏始元年春正月公卽位尙載事必皆庸焉書  
王于春正之閒亦因魯史之舊也垂義詔後朱子嘗謂  
春秋正義明道貴王賤霸尊君抑臣內夏外夷以爵氏  
名字土地日月爲褒貶之例若法家深刻乃傳者鑿說  
聖人于史冊闕文時月失次弗敢私意增損明矣汲書  
已載晉曲沃莊伯十二年正月魯隱公之元年正月也  
皆用夏正建寅之月爲歲首雖今文以晉正月作十一  
月下以皆言上爲竹書傳寫之誤甚明傳周正月今十  
一月之釋蓋祖漢儒三正之謬長曆于僖五年春正月  
辛亥朔日南至昭二十年春正月己丑日南至遂曲爲  
之辭夫日南至乃冬至也安得謂之春蓋不知行夏之  
時見諸行事有聖言在習于改月之誤而弗察況古人



篆隸歷代相變自然當有闕誤三傳經書相異二百四十餘年亦豈聖人自爲異哉後世以爲聖人之所存乃其所去予習春秋于志學之年出入眾說久之中更大禘天誘其衷蓋知易簡天下之理得推明夏時一以貫之不亦易乎屏退凡例行所無事不亦簡乎就其如子言者芟煩證異務盡指要歷十年甫獲成書稍革支離之失懋彰謹嚴之遺此天下公言非一人私言庶後人咸知周末嘗改天時孔子初非改周制凡用春秋之義苛刻繳繞皆古史法不逆詐不億不信述而不作吾猶

及史之闕文聖心昭融經訓表揭不至窮年竟日昧其淵源顧世方懷恐見破之私意無從善服義之公心各護所師而不知經政如魯家臣知有三家不知有公誠能以經別傳之眞僞不求同俗而求同理斯獲盡美于春秋然不觀三傳原始要終則是非得失罔知攸指此以傳考經之事迹當並行不相悖也特不可拘褻貶凡例蔽于夏時周正耳吁三傳作春秋散春秋之失也棄經任傳故君子于春秋沒身而已矣

孔昭孫字明遠三衢人孔子五十二世孫也官慶元學正時王尚書厚齋師表後進門無雜賓先生以通家子執經正譌有教授某恣睢自負語侵尚書先生乃憤然曰吾不能與之共處疏其謬誕十數事鳴于憲府人益奇其抗直皇慶元年授慈溪縣主簿郡人咸曰是斥故教授者飭躬以廉民莫敢病終袁州知事泰定元年卒年六十二

清容居士集

### 史晏卿

史晏卿

宋元學案補遺 卷八十五

四明叢書

約園刊本

梓材謹案史氏譜忠定次子彌正彌正第六子宜之之子子晏卿官朝議大夫晏卿疑卽曼卿傳寫之

### 趙先生孟僕

趙孟僕

雲濠謹案宋史宗室世系表太祖之裔與權之子兄弟九人長爲孟傳四爲孟何先生其季也與權謚清敏樓迂齋高第孟傳與謝昌元降元則墮其家聲矣

### 楊溪

楊溪

梓材謹案三先生並爲深寧門人見深寧年譜

剡源講友

吳先生化龍

吳化龍字伯秀又字漢翔奉化人著有左氏蒙求戴剡源序之稱其爲鄉校諸生時與之寒同枕饑同竈比試于有司亦同業也當是時學徒如林問疑請益者八面而坐人人得所欲又言其于左氏傳又有筆記通纂于毛氏詩又有集義等書

剡源文集

林先生耕道

附師虞仲威

太學李先生明通

合傳

宋元學案補遺

卷八十五

四明叢書

約園刊本

林耕道與剡源爲鄉友剡源嘗送之往信州因寄李明通云余與林李皆遊故中書虞公仲威之門其詩曰虞公全盛時桃李何紛紛冠蓋蔽白日談笑起青雲林翁我鄉曲同業又同門如何三十年白頭始相聞全家作楚鬼隻影窮江源起手問曲折口澀不肯言寧非衣食牽猶賴齒頰存歎此皆有數吾書已云云下盡浮世塵上通先天根事來卽順受不得勞悲欣我老耕破硯百錢混人羣聽之如飲醇油油至微醺所恨各有役東帆復西轅平生李元禮歸爲致寒暄

戴剡源集

雲濠謹案剡源送鉛山王亦說歸鄉序云余友李君明通釋褐太學第一清修博學高文章亦說之鄉之輓鳳也可以見李先生之概矣又案李先生廣信人

深寧私淑

巡檢曹先生毅

曹毅字士宏□□人官四明丈亭巡檢方桐江送之以詩并呈前尚書王公伯厚云之子傳古今妙年著儒冠顧肯易戎服屑爲游徼官未喜弓刀武尙愛齏鹽酸紫面頰骨聳赤心膽氣完得非真將種終當拜漢壇曰子俎豆學素不夢冀棺甬東富海物彙鮮供烹餐曰子豈

宋元學案補遺

卷八十五

四明叢書

約園刊本

嗜味啖茹實所安其惟伯厚父三入專金鑿萬古貯胸次四溟涸毫端今年七十五兩紀歌考槃舉世一影獨晚進再拜難庶幾因此行搢衣趨門闌幸不辭孺悲晝夜勤仰鑽列宿其辰極眾羽朝祥鸞萬物各從類同心臭如蘭去去不可追着鞭駛征鞍我亦意欲往惜哉步

蹠跚

方栢江集

胡氏門人

文清真清容先生梅

詳下剡源門人

廖先生口

梓材謹案謝山爲梅磻藏書記云延平廖公禮致其家俾以授其子弟是梅磻之門有廖氏者矣

### 剡源家學

#### 戴先生彥季

戴彥季帥初子邵復孺次韻謝先生云曲江宴集義熙年諸老風流競酒船後世尚存金殿策前修已化玉樓仙日斜江燕春尋壘月冷湘靈夜促絃握手莫傷遲莫恨一經猶得似韋賢謂其父與先大父同登咸淳辛未榜蟻術集

### 剡源門人

宋元學案補遺

卷八十五

四六四明叢書

約園刊本

### 補文清袁清容先生稿

梓材謹案剡源爲清容贊記云其所從游之賢者台劉君正仲父爲反復于伯夷柳下惠清和以爲之銘是先生故劉氏學侶也又案先生誌劉隱君墓云晚歲先會稽郡公延入塾教諸甥梅相與論經旨往復不避輩行云云

梓材又案先生爲承旨王公構請證狀自稱門生是先生嘗及文肅之門又案先生述先大夫師友淵源于王尚書應麟云先子命梅受業門下十年于戴教授表元云後留塾中于舒嶽祥云俾梅住事之蘇滋溪誌先生墓亦言長從尚書王公講求典故制度之學又從舒嶽祥習詞章既又接見中原文獻之淵懿故其學

問核實而精深云云

梓材又案元史儒學戴表元傳言其門人最知名者曰袁梅梅之文其體裁議論一取法于表元者

也是先生之于刻源特傳其文耳又案先生爲蒲氏論孟答問總序自言幼承父師獨取黃輔二先生之書而讀之則先生蓋私淑于勉齋潛庵矣又案先生爲司獄潘君墓誌云元貞元年柄掌呂成公麗澤祠于時壽俊有數公能言乾道淳熙遺事嘗曰麗澤選不輕二潘君眞名士子繼二潘亦僅僅焉是先生與二

潘皆東萊私淑

雲濠謹案先生有易說春秋

說又清容居士集五十卷

### 袁清容說

漢武表章六經興太學至後漢尤盛唐附益之制愈詳密今可考也自宋末年學者層腐舌敝止攻四書之註凡刑獄簿書金穀戶口靡密出入皆以爲俗吏而鄙棄

宋元學案補遺

卷八十五

四九四明叢書

約園刊本

之卒至國亡而莫可救近者江南學校教法止于四書近于宋世之末尚甚者知其學之不能通也于是大言以蓋之議禮止于誠敬言樂止于中和其不涉史者謂自漢而下皆霸道其不能辭章也謂之玩物喪志殊不知通達之儒灌膏養根非本于六經不可也

### 清容居士集

載籍極博莫嚴于五經教人之法莫詳於三物揚子雲云邱陵學山而不至于山惡夫晝也

慶元路鄞縣學記

醫之書作于上古乎後人猶疑也陰陽氣運之說與易

書禮相脗合蟲魚草木之精詳于詩尤近之然其辭義  
與古卒莫能通曉非專治者不能也

慶元路醫學記

事莫尚乎辭辭非理不能以定人事吉凶由妄而咎以  
興先之以變占是易殆卜筮之書矣器由動成動斯靜  
矣取靜觀動將于是乎則斯其爲象也大矣夫子于說  
卦焉始彙之彙以窮其變占則變占者筮之始也康節  
作方圖環中圖合于天人皆本說卦若繫辭傳設卦之  
方窮神之妙其詳于爻者毫釐不能以易積數以成變  
易以動肇於方寸散於六合幽眇廣大取而莫窮應而

宋王龜谷遺

卷八十五

五十四明叢書

約園刊本

莫遺因卦以測善算險者不能窮也舉世舍是矛盾互  
持雖百世莫能以解吾故曰非繫辭傳不能以知易是  
說也邵子之說非僕之說也

統石烈氏易集傳序

在易之居業則曰修辭立誠而蓄德懿德必在夫聞見  
之廣旁曲通譬是則經史之外立凡舉例屈指不能以  
遽盡也揚雄氏作法言其意亦有取夫是

王先生困學

紀聞序

爲學之道用志不能不一用力不能不專農夫莽而廣  
種不如狹墾之爲實也工人泛而雜學不如一藝之爲

精也往者書未模印時爭傳寫授讓校余所藏之書不能十一而士以三年通一經其自得之實皆足以傳世垂後其視余之書多無成者豈古人所謂沃土無善民之說歟

袁氏新書自序

五經專門之說不一既定于石渠鴻都嗣後學者靡知有異同矣易學以辭象變占爲主得失可稽也王輔嗣出一切理喻漢學幾于絕息宋邵子朱震始申言之後八百餘年而始興者也春秋家劉歆尊左氏杜預說行公穀廢不講啖趙出聖人之旨微見劉敞氏葉夢得氏

宋元學案補遺卷八十五

五十四明叢書

約園刊本

呂大圭氏其最有功者也尊王褒貶則幾于贊是千餘年而始著者也書別于今古文晉世相傳馴致後宋時則有若吳棫氏趙汝談氏陳振孫氏疑焉有考過千百年而能獨明者也詩本于大小序諸家詩已成毛公說尊獨蘇轍氏始刪鄭樵氏悉去之朱子祖之此又幾二千年而置議焉者三禮守鄭玄氏正義皆旁證曲附唐趙匡氏始知其非宋諸儒駁鄭幾不能以立甚者疑周官非聖人書卓識獨見雖逾千百世亘萬古而不泯是則寧能以一時定論爲是哉

龔氏四書朱陸會同注



解經而括其義例繫辭傳惟盡之釋章句以盡旨意記禮者得之三傳例立經之義乖矣稽古萬言書之旨微矣昔之盛時口相傳授猶懼其臆度玄言興微旨不復有統緒隱惕之立是殆猶近古也明經設而帖括煩禮科設而義羅作將安取士哉

書凌生功德曆後

嘗觀易而知乾坤之用焉坤固順也而承天者逆也乾坤定而人行乎其中仰觀乎天七政繫焉猶不得與天同則人之所以法坤者猶法天也事生道有爲貧富天

宋元學案禮遺卷八十五

陸四明叢書

約園刊本

壽遵其自然庸鉅知吾之所謂達者非順也耶故動心忍性者逆之用存心養性者順之體也

書順堂記後

仁人心也非性也仁果靜乎靜者仁之所獨性之靜者人之所同也然則聖人之言靜壽其果不可知乎聖人與眾同夫豈獨專其靜哉養其心者惟靜者爾矣感物而靜斯得之矣感物而動記禮者之失也夫子之言曰感而遂通天下之故斯靜也非動也

書真定武仁夫靜

壽堂記後

存神內觀形不能以久矣刻意外治氣由是而彌衰水

頽土敝維物之災人爲物靈其道安在內不可穢外不可悖湛然長存于物何類故操尺寸之智者成尋丈之失勤錙銖之功者獲倍蓰之益御天地之一氣持陰陽之兩端吾見其清而不介絜而自全也

潛心齋銘

一貫之旨忠恕而已其語簡而易明大賢之教人曰不妄語聖人之教子則曰立與言二字而已過于文則漫不加省切于近則易以自持

書孫參事訓子八字說

附錄

先生自贊曰幼承父師之準繩壯緝文獻之淵懿守先

宋元學案補遺卷八十五

聖三十四明義書

約圖刊本

天之中爲初心究三聖之易爲一致氣弱而詞愈卑學疏而用益疑寥寥兩京耳受目接者不能紹傳吁何可言

又自贊曰訥文詞而三直承明之廬拙騎射而五遊朔漠之域居安以窮犧爻之變比事以糾麟經之釋至于見幾歸田服恬淡而守貞白識者謂爲知止而歸而獨慊然猶以爲有形迹也

戴剡源記清容齋曰袁生生于萬石之家而躬寒素之操處未弱冠之年而志丈夫之事日取古聖賢之言味

之而學其道而求其清焉已乃有所不嫌于語而容人是圖是河生之所聞于道者過耶道未有清而不能容亦未有不能容而得清者也生歸而益治其學懼不能清焉苟爲能清端居而家巷陸徐行而州里遜凡生所學于古聖賢人之道與其所言舉無閒然矣

吳禮部上先生書曰先生世鄞中大家聞人於呂子輩行言論風旨相及先生漸漬其淵源而博聞精藝之學親從其徒而得其書又嘗憩金華之下坐麗澤之上致其景行之志而修其教育之方得之于呂子者多矣

宋元學案補遺

卷八十五

吾國叢書

約園刊本

王繼學題開平百首詩後曰玉海雲生貝闕高騎鯨人去採芝邀深江一夕秋風到瑟瑟珊瑚湧翠濤

蘇滋溪曰袁氏自越公喜藏書至今收覽益富嘗曰余少讀書有五失泛觀而無擇其失博而寡要好古人言行意常退縮不敢望其失懦而無立纂錄故實一未終而屢更端其失勞而無成聞人之長將疾趨從之輒出其後其失欲速而好高喜學爲文未能蓄其本其失又甚者也公之斯言深中學者貪多苟且之弊

黃南山先賢文清袁先生贊曰四明文獻宋斯唐虞在

元宦達惟公一夔祖孫勝賞有堂有像流水高山吁嗟絕響

太常博士王瓚議謚文清曰故翰林侍講學士袁公以清修雅重之資濟之以博綜宏肆之學漁獵經史上下古今蓄之厚資之深脩詞立誠出爲世用鏗錫炳耀大縱厥詞等屈賈而上之視六朝而下弗有也茲非所謂文乎自筮仕至于請歸積三十年寵膺殊渥踐歷清華再入集賢八登翰苑柄文衡掌帝制與謀國論藻飾太平歸潔其身始終一致茲非所謂清乎以言節惠實曰

宋元學案補遺

卷八十五

五

四明叢書  
約園刊本

稱情

謝山困學紀聞三箋曰清容絕不知學其爲史靜清作墓志竟不言其紹朱子之統其論東發先生亦但稱其清節而已今其集中亦有說經文字則裝點其固陋耳其實清容依附正獻正肅以爲先型又受業深寧門下而以彌甥得登靜清之堂乃懵然于此可惜也

又結琦亭詩集新得袁伯長學士研試筆賦之其二曰此地溯文獻陽源最長雄史存梅磻簪經發竹林

筒呵護欣無恙煙雲尚不窮故應靈淑氣長吐石田  
中又配京和賦伯長學士研詩因借鈔其集其一曰  
斯文應有寄我老已將休爲撫遺編在寧從一研留  
膏肓箴五失師友重千秋此意沈吟久無爲石丈羞  
梓材謹案謝山句餘土音經袁文清公羅木堂址  
詩有云攻媿不作深寧死甬江作者歸領袖先朝  
文獻貯滿胸剡源梅礪迭指授自註云伯長初事  
戴剡源長在深寧之門復從舒嶽祥遊故其學最  
有原本據此文清又爲舒氏門人案  
之本詩是文清又爲胡氏門人也

文肅柳先生貫

詳見北山四先生學案

助教陳先生釋曾

宋元學案補遺 卷八十五

美 四明叢書

約園刊本

陳繹曾字伯敷處州人口吃而精敏異常諸經注疏多  
能成誦文詞汪洋浩博其氣煜如也官至國子助教  
元史

教諭陳先生成

陳成字養晦奉化人戴帥初居剡源得之時年二十許  
而豐姿器識如四五十者

戴剡源集

雲濠謹案剡源集有送陳養晦赴松陽校官詩又  
送陳養晦教諭之象山詩又送陳養晦謁閩風舒  
先生詩四首是先生  
嘗及閩風之門矣

陳先生規

陳規字養直奉化人從剡源遊剡源先生嘗題其居曰  
縮軒先生亦以潛窩扁其宴休之室而黃晉卿爲之記  
黃文獻集

雲濠謹案剡源集有陳養直字序

又鄰友陳養直請賦山心樓詩

附錄

剡源潛窩詩一歌曰生誠潛于學兮寧惘惘以行其朴  
兮毋噉噉以爲覺兮再歌曰生誠潛于名兮春華之英  
英兮須風霜以成兮三歌曰生誠潛于德兮薄處以厚  
吾宅兮抑貨而不獲姑釋而食兮

宋元學案補遺 卷八十五

至正四明叢書

約園刊本

凌先生愈

凌先生懋 合傳

凌愈字彥道凌懋字彥德安吉人其父官宣城時招剡

源館中所教學徒也 戴剡源集

雲濠謹案剡源集有瓶城軒序云吳興凌德庸規  
寢旁小軒爲習讀修身之所而榜先賢法言守口  
如瓶防意如城者名之瓶  
城未知于二先生何屬也

王先生亦詵

王亦詵鉛山人遠學于剡源期月歸省親請益剡源書

序以遺之 剡源文集

梓材謹案剡源有招王奕世再招奕世二詩其一云聞說銅山下書屏四面開銅山蓋卽鉛山

### 教官袁先生太初

舒先生叔恭合傳

袁太初舒叔恭剡源之徒也剡源嘗喜兩生至云舒郎十八白眉長四海龍門有明父袁郎皎潔巧步趨出語珠圓吾所許人言風骨須晚秀早慧饒饒天謾與吾評此論殊未公峻詆曾經孔文學剡源文集

梓材謹案剡源集有于杭州九月送袁太初赴寧海教官詩

### 徐先生仁榮

宋元學案補遺 卷八十五

五六一四明叢書

約園刊本

徐仁榮剡源之徒也嘗送其侍親遊山詩云蚤識梁松拜居成潘岳游一年歸雁雨四月落花秋溪味涼供酒山聲盡入舟歸來佇新語莫但作吳謳剡源文集

### 謝先生仲潛

謝仲潛金陵人始剡源以文學掾遊金陵每出經義策諸生以觀其能占對與否而鼓舞抑揚之同時執簡數百人先生常在鼎甲中及爲吳江教官能禮貌舊彥自民伍起余太學周孔明于庠校閒待以賓客不用官府法剡源文集

清容同調

紇石烈先生希元

紇石烈希元著有易集傳清容序之稱其篤志嗜古于易精思以求搜摭疑義私嘗歉然莫能以對卒能先予以成書不鑿以求通不拘以強附會其粹精足以垂世云

清容居士集

鄭氏家學

補 教諭鄭求齋先生覺民

附錄

宋元學案補遺 卷八十五

至元四明叢書

約園刊本

戴九靈序先生求我齋文集曰以道鄭先生之出實與文清敬叔二公相先後朝講夕辨學日以肆自經史傳記諸子以及天文地理曆算兵刑食貨醫卜釋老之書罔不悉究其所爲文章雖不盡守近世師儒繩尺而規模議論要不隨人之後至其佳處自可追配古人

貝清江序求我集曰蓋其學極該博自袁楊而下皆推公一人而文特緒餘而已雖然達而在上以行道爲心窮而在下以立言爲事觀其言可以知其道也孰得以優劣論之哉



補教授鄭先生眞

梓材謹案貝清江序先生集言其執書曰眞幸預門生之列是先生嘗及貝氏之門

鄭先生鳳

鄭鳳字千奇千里駒千之眞之弟修仁縣主簿貝清江

瓊銘其母墓云實生三驥亦顯于時

鄞縣志

遂初門人

瞿先生佑

瞿佑字宗吉錢塘人洪武中以薦歷仁和臨安宜陽訓導陞周府右長史永樂間下詔獄謫戍保安洪熙乙巳

宋元學案補遺 卷八十五

空四明叢書

英國公奏請赦還令主家塾著有詩經正葩

約園刊本 經義考

胡氏續傳

提舉胡先生世佐 別見東發學案補遺

清容家學

袁先生瓘

袁先生瓘 合傳

袁瓘袁珖清容子俱力學 程雪樓集

雲深謹案瓘字敏存請言于剡源剡源爲之箴見剡源集先清容卒清容集有其耐祭耐廟二文後贈承事郎

清容門人

邱中吳先生師道

詳見北山園先生學案

張先生純仁

張純仁廣信人也清容校文南宮得之調鄞縣丞

清容

居士集

劉先生任時

劉任時廣信人從袁清容遊入國學將敘次佐胄子講誦歸省其母試于鄉清容序以送之

清容居士集

高先生舜元

宋元學案補遺

卷八十五

卒

四明叢書

約園刊本

梓材謹案清容居士集答問七條皆答先生之問則亦清容之徒也

凌先生師德

凌師德清容之徒也試于國子復類登于寶興清容爲

作功課曆引

清容居士集

進士姚納軒先生應鳳

姚應鳳字時和慈谿人自幼習家學卽以文字爲業頗自雄其才爲文喜馳驟每屬筆于廣眾中詞鋒橫逸一座皆驚後持以謁同郡袁清容清容告之曰子文不受束縛然法度自不可廢也先生領之自是務爲莊重簡

嚴日益深邃遂擢高第所著有納軒稿若干卷藏于家  
姓譜

王先生口

王生金華人清容作詩送之

清容居士集

梓材謹案清容觀真文忠公畫像詩跋云向遊學  
婺女得拜端明公之次子令尹道家世遺事纏繞  
不絕口今復見其孫申伯于鄞申伯爲王忠  
簡公曾孫清容贈詩者未知卽申伯否也

別附

覺宗聖

覺宗聖臨海人內翰袁文清歸老四明章甫指紳與人

宋元學案補遺 卷八十五

三三四明叢書

約園刊本

佛老之徒無不登其門蓋其學問之博洽議論之源委  
文章之雄深蔚然師表一世而宗聖實與及門 陳夷白  
集

深寧續傳

王先生漢章

王漢章曾稽人厚齋尙書之裔孫也見世之巧于宦者  
或至喪身而辱先乃欲拙守其先業而題其齋以示警  
戴九靈繹其意而銘之 戴九靈集

宋元學案補遺卷八十五

宋元學案補遺卷八十五

宋元學案補遺

卷八十五

三

四明叢書

約園刊本

宋元學案補遺卷八十六

目錄

東發學案補遺

東發先緒

黃先生得一

黃先生一鵝

二王門人

補黃先生震

東發學侶

宋元學案補遺 目錄

四明叢書  
約園刊本

補陳先生著

東發講友

劉先生養晦

東發家學

補黃先生叔雅

補黃先生叔英

補黃先生正孫

東發門人

陳先生若

岑氏先緒

岑先生翔龍

本堂家學

陳先生觀

附子撰

補陳先生深

補陳先生樞

黃氏續傳

黃先生炳文

翫庵門人

宋元學案續編

約園刊本

岑先生良卿

陳氏門人

胡先生世佐

胡氏門人

胡先生廣

王先生藹

宋元學案補遺卷八十六

後學 鄧 王梓材 同輯  
慈溪 馮雲濠

東發學案補遺

東發先緒

黃先生得一

黃得一字仲清慈溪人官機察號壺隱先生東發叔祖其卒也東發祭其墓云在昔先人來從東嘉富而好德樸不務華迨我叔祖始以文振幼未得師起而自奮又云齋志莫售爰俟來者篤教猶子彬彬儒雅始余周晬公賜之詩匪徒言賀以遠大期既而稍長受書吾父俾繼先志必稱叔祖 東發文集

朝奉黃先生一鶚

黃一鶚世居慈溪縣鳴鶴鄉宗正少卿震之父贈朝奉

郎 清容居士集

二王門人

文潔黃於越先生震

梓材謹案袁清容集隸庵記稱彥實先大

夫文節先生豈先生私諡一作文節耶

雲濠謹案袁清容述先大夫師友淵源言先生以清介聞賈相知之守撫州兼本路提點刑獄迄不

能合坐論去又云性不喜鄉里  
獨作書以所爲日鈔一編寄贈  
伴材謹案先生文集先生嘗登葉西澗之門蓋受  
知師也又受知于王修齋見與修齋書獨受先生  
難兄難弟之知云云又于麀省齋  
奔亦爲門下士見所作大監行狀

### 杜洲問答

#### 易之首乾意在剛德乎

杜洲先生曰不特此也夫學忌乎雜德完乎純若乾  
之六爻未雜乎陰何其純也孔子贊曰大哉乾乎剛  
健中正純粹精也良以此耳故以命言卽於穆不已  
以德言卽純亦不已以學言卽自強不息以治言卽  
時乘六龍萬善備矣孰居其右

宋元學案補遺

卷八十六

二四明叢書  
約園刊本

#### 既云六龍道固不一乎

杜洲先生曰卽一陽也因時而見易地而然此龍所  
以有六也聖人詳言純一中之變化也詎謂不一噫  
乾之道時而已矣卦言元亨利貞時也爻言潛見躍  
飛亦時也得之者其惟孔子乎雖以夷惠之聖而猶  
有歎焉者存故孟子曰君子不由

果爾則无妄也何以于此則曰乾于彼天雷則曰无妄  
杜洲先生曰上下皆乾則乾之名不可易若謂之无



妄者見妄而融之也此純乎天者妄無可見妄得无妄名之乎外乾內震者是剛自外來而爲主于內此乃復也復則不妄矣較之純乎天者似少異焉是乾與无妄名不苟立也雖然妄甚微矣无妄亦至精矣豈獨辱身垢行乃謂妄乎卽非禮之禮非義之義皆妄也卽禮矣義矣而意必固我猶存是亦妄也故无妄者必純乎天命而後已焉故繫辭曰元亨利貞見義同乎乾也而更申戒之曰匪正有眚不利有攸往益見无妄在純也

无妄合天何以言災

杜洲先生曰子不聞愠于羣小孔子也不殄厥愠文王也正惟无妄而後有災亦惟有災而后可以試无妄也故无妄災自外來也卦言有眚見道當自盡文言有眚見遇當自盡文言有災見遇當自安此聖人微旨也

何謂易有太極是生兩儀兩儀生四象四象生八卦八

卦定吉凶

杜洲先生曰道本一也不能不分而爲兩如以分言

有上有下以情言有親有疏以德言有仁有義萬物皆然又上中有下下中有上親中有疏疏中有親仁中有義義中有仁此兩不能不四也引而申之四又不能不八也其中分淑分慝則吉凶生于八矣第曰二曰八卽有方有體矣神果如是乎神無方也易果如是乎易無體也故孔子于成象之外乃言生于太極乎蓋儀者儀此極也象者象此極也卦者掛此極以示人也吉者順此極凶者逆此極也夫旣爲儀此極則儀亦借設之名是儀而無乎儀也何儀之有然

宋元事案補遺

卷八十六

四四明叢書

約園刊本

則象也卦也何獨不然故曰道不可見道不可名故曰易者象也象者像也只一太極而已矣

吾知易無方矣道一貫矣

東發日鈔

案孝經一爾古文今文特所傳微有不同如首章今文云仲尼居曾子侍古文則云仲尼閒居曾子侍坐今文云子曰先王有至德要道古文則曰子曰參先王有至德要道今文云夫孝德之本也教之所由生也古文則曰夫孝德之本教之所由生文之或增或減不過如此

于大義固無不同至于分章之多寡今文三才章其政不嚴而治與先王見教之可以化民通爲一章古文則分爲二章今文聖治章第九其所因者本也與父子之道天性通爲一章古文則分爲二章不愛其親而愛他人者古文又分爲一章章句之分合率不過如此于大義亦無不同古文又云闔門之內具禮矣乎嚴父嚴兄妻子臣妾猶百姓徒役也此二十二字今文全無之而古文自爲一章與前之分章者三其增爲二十二所異者又不過如此非今文與古文各爲一書也

讀孝經

宋元學案補遺

卷八十六

五十四明藏書

約園刊本

攻乎異端斯害也已孔子本意似不過戒學者他用其心耳後有孟子闢楊墨爲異端而近世佛氏之害尤甚世亦以異端目之凡程門之爲佛學者遂陰諱其說而曲爲回護至以攻爲攻擊而以孔子爲不攻異端然孔子時未有此議論說者自不必以後世之事反上釋古人之言諸君子又何必因異端之字與今偶同而回護至此耶

聖人之道泛應曲當無非此理故曰一以貫之忠以盡己恕以及人則此道之所以泛應曲當而能一以貫之

者也異端借一貫之字以證不二之說近或推之愈高謂道本自一不必言貫此固非後學所敢言諸儒疑一貫之道大而忠恕不足以當之至有天人體用等辨恐亦不若平心只味本文也

性與天道子貢明言不可得而聞諸儒反謂其得聞而歎美豈本朝專言性與天道故自主其說如此耶要之子貢之言正今日學者所當退而自省也

他日使二三子盍各言爾志此泛言所志非指出仕之事也今此四子侍坐而告以如或知爾則何以哉此事

指出仕之事而非泛使之言志也老安少懷之志天覆地載之心也適人之適者也浴沂詠歸之樂吟風弄月之趣也自適其適者也曾皙固未得與堯舜比豈得與夫子比而形容之過如此亦合于其分量而審之矣性者此理素具於此心人得之於天以生者也自一陰一陽之謂道而繼之者善于以賦予于萬物人爲萬物之靈其性之所自來固無有不善而既屬于人則不能以盡同故夫子一言以蔽之曰性相近也至孟子當人欲橫流之時特推其所本然者以曉當世故專以性善

爲說自此言性者紛紛矣由今觀之謂性爲相近則驗  
之身稽之人參之往古攷之當今上探之聖賢下察之  
眾庶無一不合信乎其爲相近也謂性爲皆善則自己  
而人自古而今自聖賢而眾庶皆不能不少殊推禹湯  
文武之聖亦未見其盡與堯舜爲一孟子蓋獨推其所  
本然者以曉人也言性之說至本朝而精以善者爲天  
地之性以不能盡善者爲氣質之性此說既出始足以  
完孟子性善之說世之學者乃因此陰陋吾夫子之說  
而不敢明言其爲非則曰性相近是指氣質而言若曲

爲之回護者然則孟子之言性何其精而夫子之言性  
何其粗耶竊意天命之謂性所謂天地之性是推天命  
流行之初而言也推性之所從來也所謂氣質之性是  
指既屬諸人而言也斯其謂之性者也夫子之言性亦  
指此而已耳本朝之言性特因孟子性善之說揆之人  
而不能盡合故推測其上者以完其義耳言性豈有  
加于夫子之一語哉且天下之生凡同類者無有不同  
而纖悉則不能盡同此其所以爲造化之妙如桐梓之  
生一也而枝條花葉之橫斜疏密則無一同然要其所

以爲桐梓者終相若也此相近之說也而可以知人矣人之形體一也而耳目口鼻之位置美惡則無一同然要其所以爲人者終相若也此相近之說也而可以知其無形者矣人之能言一也而其聲音之清濁高下則無一同然要其所以爲人聲者終相若也此相近之說也而可以推人之性矣其賦自天何有不善自陰陽雜揉屬之人而謂之性宜不能粹然而皆善此相近之說也奈何獨主性善之說而遂廢性相近之說耶故嘗謂夫子言性相近惟指其實然者故他日言中人以上中

宋元學案補遺

卷八十六

八四明叢書

約園刊本

人以下生而知學而知人品節節不同皆與相近之言無戾孟子專言性善惟推其本然者故他日言二之中四之下性之反之先覺後覺人品亦各各不同終歸于夫子相近之說學者亦學夫子而已夫子未嘗言性言性止此一語何今世學者言性之多也無亦知其性之相近而戒其習之相遠可乎

原註孟子言忍性是性不能皆善也忍亦習之義也

以上讀論語

門人以有若言行氣象類孔子而欲以所事孔子事之有若之所學何如也曾子以孔子非有若可繼而止之

孔子自生民以來未之有宜非有若之所可繼而非故  
貶有若也有若雖不足以比孔子而孔門之所推尚一  
時皆無有若比可知咸淳三年升從祀以補十哲眾議  
必有若也祭酒爲書力詆有若不當升而升子張不知  
論語一書孔子未嘗深許子張據此章則子張正欲事  
有若者也子張之未能爲有若昭昭也陸象山天資高  
明指心頓悟不欲人從事學問故嘗斥有子孝弟之說  
爲支離奈何習其說者不察因剗攻之于千載之下耶  
江漢秋陽之喻曾子蓋甚言夫子道德盛大彰著灼然

宋元學案補遺

卷八十六

九四明叢書

約園刊本

非他人可擬之狀而講象山之學者又往往襲取以證  
精神之說恐本旨亦不如此

離婁下篇多平居講貫之言而欲其自得一章功夫次  
第爲尤詳蓋云功深力到自然而得故言欲其自得晦  
庵子或問發明已備而世乃有以自得爲己之獨得至  
或傲然特立異論而不顧者可深省矣十九章言舜由  
仁義二十章禹湯文武周公二十一章言孔子作春秋  
二十二章自謂未得爲孔子之徒而私淑諸人蓋歷舉  
列聖之事而企焉自任與承三聖意相近特每更端而

言之耳當通爲一章而誦味之也餘皆敘孟子之言行以繼之末章乞墦之喻警士大夫求富貴掩其苟求之迹而反敢以富貴驕人者最爲切至

言性莫善于孟子孟子言性莫詳于告子上篇然爲辯告子發也非無故而言也已而繼之以人心得養失養之分齊王一暴十寒之喻究詰于舍生取義本心之眞反覆于宮室妻妾外誘之惑辨析乎養其小體養其大體之孰重孰輕無非歸之實踐履以全其在我者也性學之說至本朝愈詳而晦庵集其成今觀孟子之言性如此晦庵之發其旨趣又如此學者宜熟誦而深思矣尙騰口說者何也

中行之道惟聖者能之故顏子具體而微其學猶無傳傳者必其剛毅有立如曾子子思皆然三傳而至孟子遂能尊孔氏而闡揚墨明王道而黜霸功卓然有功萬世焉嗚呼盛矣而世猶或譏之然李泰伯以富國強兵爲學其譏孟子宜也如司馬公大儒亦譏之豈非孟子說誘時君變化百出溫公守樸意見所不合歟吁此可與權之難也



騶虞歐公之說甚明而晦庵特于詩序兼存之者以騶  
虞詩與麟趾相應麟爲獸則騶虞亦當爲獸故詩傳以  
毛說爲主耳華谷析騶虞爲二恐未安雖以禮記天子  
以騶虞爲節樂官備也爲據以騶與虞兩者爲備然云  
樂官備者不云以有騶有虞爲官備也

管仲能一匡天下功莫大焉故夫子許之其後孟子闢  
之者蓋勸時君以行王道爲萬世立訓耳自春秋而降  
惟漢高祖功在管仲之上惟諸葛公義在管仲之上惟  
周世宗行事在管仲之上餘皆在其下若管仲之可議  
者聖賢寧不爲仲則苟焉爲之耳管仲救世之功何可  
當也而世以其救衛爲小惠且罪其專封耶

無衣之詩晉武公篡逆而賂周釐以成其奸者也詩序  
以爲美晉武公俗儒因爲之曲說其所以黨惡右奸開  
後世亂臣賊子之門甚矣惟朱文公之辨足以植萬世  
之綱常至嚴華谷之辨論雖不若文公之激烈而事情  
則悉矣若詩中之詞則戴岷隱得之

華黍六詩自劉原父案儀禮鄉飲與燕禮皆以笙入與  
歌相閒以爲笙者有聲無詞詩非亡失乃本無其詩黃

氏因之雪山亦云唐有上柱鳳雛平調清調瑟調平持  
命喙七曲有聲無詞至晦庵云六詩曰笙曰樂曰奏而  
不言歌則有聲而無詞明矣其說尤著今詩記詩緝世  
所共用者乃皆不從其說蓋以亡其辭之亡非有無之  
無也愚案古者亡卽無字如夷狄之有君不如諸夏之  
亡是亡卽無也亡其辭之說云出于毛公毛公漢人漢  
世以亡爲無王雪山云西漢亡一人之獄是也若詩記  
之辨則曰國語叔孫穆子聘晉伶簫詠歌鹿鳴之三鹿  
鳴三篇既可與簫相和而歌則南陔以下豈不可與笙  
相和而歌乎故亡爲失亡之亡愚謂國語言歌則鹿鳴  
三篇有辭之可歌也儀禮不言歌則南陔六詩無辭之  
可歌也此不足疑也又詩緝之辨則曰本無其辭則無  
由有其義序本因其詞而知其義後亡其辭則惟有序  
所言之義存耳愚謂古之樂章今之琴譜類也琴譜有  
操辭具存者鹿鳴之詩之類也有徒存其譜而無辭曲  
之可歌者如長清短清與長側短側之類雖無其辭未  
嘗無其義也此亦不足疑也

劉元城嘗言我藝祖不事虛文至太宗朝方用兵河東

羣臣已作詩歌淮夷固魯積患也僖公僅嘗從齊威公會諸侯于淮反因此見止于齊明年乃得歸可羞之甚者也魯臣反作詩歌以誇大其功雖曰祈願之辭然亦魯之所以不競歟

以上讀詩

大禹謨人心惟危一章卽堯嘗授舜之辭舜申之以授禹而加詳焉耳豈爲言心設哉近世喜言心學捨全章本旨而獨論人心道心甚者單據道心二字而直謂卽心是道蓋陷于禪學而不自知其去堯舜禹授受天下之本旨遠矣蔡九峯之作書傳嘗述朱文公之言曰古

宋元學案續

卷八十六

十三四明叢書

約園刊本

之聖人將以天下與人未嘗不以治之之法而併傳之可謂深得此章之本旨者九峯雖亦以是明帝王之心而心者治國平天下之本其說固理之正也其後進此書傳于朝者乃因以三聖傳心爲說世之學者遂指此書十六字爲傳心之要而禪學者借以爲依據矣愚案心不待傳也流行天地閒貫徹古今而無不同者理也理具于吾心而驗于事物心者所以統宗此理而別白其是非人之賢否事之得失天下之治亂皆于此乎判此聖人所以致察于危微精一之閒而相傳以執中之

道使無一事之不合乎理而皆無過不及之偏者也聖賢之學由一心而達之天下國家之用無非至理之流行明白洞達人人所同歷千載越宇宙有不期而同何傳之云縱以舜之授禹有人心道心之說可曰傳心若堯之授舜止云執中未嘗言及于心也又安得以傳心言哉

無逸君子所無逸近世諸儒皆以所爲處所謂君子以無逸爲所說理雖精愚恐讀得太重于本文似立說生意蓋無逸之書最爲明白終篇無一語理意用字如後

世苦于作文者之爲此語若曰君子所能無逸者以先知稼穡之艱難乃逸則知小人之依故雖身居安逸而此心終不敢自逸耳所字疑只是虛字平平說過如繼自今嗣王則其無淫于觀及時人否則有愆先儒多以則字訓法則之則疑亦皆虛字平心讀之自見其無他也又書中誕字肆字惟字多是古語助辭今誕必訓大惟必訓思多有不通而自爲之說以形容之惟肆字訓故字處多協

王氏曰序卦先後有偏雜卦則糅雜眾卦以暢無窮之

用愚案序卦之後有雜卦猶既濟之後有未濟所以昭  
易之無窮歟

邵康節得陳希夷數學創爲先天之圖移易卦之離南  
坎北爲乾南坤北曰此取易之天地定位也然易曰離  
者明也南方之卦也坎者水也正北方之卦也則離南  
坎北經有明文矣天地定位於經未嘗明言其爲南北  
也何以知其此爲先天之卦位言徒以卦位言或彼或  
此猶固未可知今以事理之實可見者考之則風一從  
南卽盎然以溫風一從北卽冷然以寒南方屬夏其熱

如此北方屬冬其凍如此離南坎北信乎其如今易經  
之言矣康節移之以位乾坤將何所驗以爲信耶康節  
旣移乾坤于南北又移艮以居西北移兌以居東南曰  
此取易之山澤通氣也然易曰艮東北之卦也又曰兌  
正秋也則艮居東北兌居正西經有明文矣若山澤通  
氣特言其通氣而已於經未嘗明言艮爲西北兌爲東  
南也康節何所攷而指此爲先天之卦位若以事理之  
實而攷之山必資乎澤澤必出於山其氣相通無往不  
然豈必卦位與之相對而後氣可相通耶康節旣移東

北之艮於西北遂移震于東北而移巽于西南曰取易之雷風相薄也然易曰震東方也又曰巽東南也則震居東北巽居東南經有明文矣若雷風相薄特言其相薄而已於經未嘗明言震爲東北巽爲西南也康節何所攷而指此爲先天之卦位若以事理之實攷之震惟居正東巽惟居東南遇近而合故言相薄若遠而相對安得相薄而東北爲寅時方正月又豈雷發之時耶康節既移離坎之位以位乾坤乃移離于正東移坎於正西曰取易之水火不相射也然南方爲離北方爲坎經文萬世不磨若水火不相射特言其性相反而用則相資耳于經未嘗明言離爲東方之卦坎爲西方之卦也康節又何所見而指此爲先天之卦位說者指火爲日遂以離爲東指水爲月遂以坎爲西然案說卦先言離爲火然後言離爲日獨言坎爲水而未嘗言坎爲月蓋日乃太陽之精非特可以離言月乃太陰之精非特可以坎言月雖陰而其出必于東日雖陽而其沒必于西周流運轉晝夜不停非若水火之定位于一方者比也又可借日月以代水火爲言耶易畫于伏羲演于文王

繫于孔子傳之天下萬世惟此一易而已未聞有先天後天之分也雖曰未有天地已有此理然而作易始于伏羲不言先天康節特託易以言數諸儒未有以此而言易者也

以上讀易

晦庵先生嘗云聖人欲率天下以尊齊晉且謂楚在春秋時非桓文遏之則周室爲其所并此尙論其世者也聖人能與世推移世變無窮聖人之救其變者亦無窮春秋之世王室微諸侯強其始故抑諸侯以尊王室及諸侯又微而夷狄強則又抑夷狄而扶諸侯尊王室固

宋元學案補遺

卷八十六

十七 四朝叢書

約園刊本

所以尊王也扶諸侯亦所以爲尊王地也聖人隨時救世之心如此而世儒乃動以五帝三王之事律之此議論所以繁多聖人書法甚簡隨字可以生說此議論所以愈見其繁多宜褒貶凡例之說得以肆行其間也今惟以春秋之世而求聖人之心則思過半矣

朱文公嘗謂十二公各不同隱桓時王室新遷號令不行天下皆無所主莊僖時伯政自諸侯出天下始有統一宣公時楚莊盛強夷狄主盟成公時晉悼公出楚始退聽繼而吳楚又爭霸定哀時政自大夫出終春秋之

世無如之何愚案此言十二公之時世變也若十二公之交于世者隱公初與宋伐鄭後因齊之求反受鄭賂而伐宋此反覆以摟諸侯之始也桓公成宋督之弑亂助鄭突之篡奪又不自量亦求宋以平鄭宋卒不許復轉而仇宋其所交于當世者顛倒滋甚矣莊公忘父事讎以求昏于齊致哀姜復致文姜之惡身死國亂二子殲焉固無足道閔公八歲而爲慶父所立再歲而爲慶父所弑眞可閔而無可議者也僖公遭值齊桓晉文之霸會盟征伐一惟霸主是從文公昏怠凡霸王之會鄰國之好皆委之大夫魯于是始衰宣公以公子遂賂齊立己之私恩終身事齊絕不與諸侯交成公以行父有歸父謀去三桓之私怨大舉伐齊盡反前人之事齊者以事晉襄公困于齊與邾莒之師晉悼公爲之伐齊執邾莒晉平公與楚弭兵魯又兩事晉楚昭公伐季氏不克如齊如晉皆莫之救卒死乾侯定公用孔子會夾谷用子路墮三都盟伐皆親之差強人意惜其事之不克終哀公時楚衰吳強魯又始改事吳凡十二公之交于世者如此而其強弱始終之變亦可考焉



霸業惟齊爲盛惟晉爲久惟齊桓晉文爲可以言霸世稱五霸者非也霸之爲言王室旣衰方伯出而攘夷狄以安中國齊桓晉文是也宋襄狂愚戕中國而結夷狄霸之反也秦穆楚莊以夷狄而脅中國霸之變也皆不可言霸也霸惟齊晉安有五哉故孔子于春秋言其事則齊桓晉文蓋春秋之世主之者齊桓晉文耳孟子勸時君行王道其力詆桓文者有爲之言也後之讀春秋者弗察也凡桓文之功皆指以爲桓文之罪嗚呼獨不觀桓公未霸天下之亂爲如何桓公霸而天下定矣桓

公甫沒天下之亂又如何文公霸而天下又定矣此春秋之世生民倚之爲司命周之宗社所恃以不泯不滅而顧以爲罪可乎特其行事皆出智力苟焉隨世以親功名而世習旣漓卿大夫之弑奪僭竊者終不可盡禁故孔子作春秋筆削以裁之曰其義則某竊取之爾

上讀春秋

樂記孔氏疏謂此書有樂本有樂論有樂施有樂言有樂禮有樂情有樂化有樂象有賓牟賈有師乙有魏文侯蓋十一篇合爲一篇且謂漢武帝時河間獻王與諸

生其采周官及諸子所作愚案此書間多精語如曰人生而靜天之性也感于物而動性之欲也如曰好樂無節于內知誘于外不能反躬天理滅矣皆近世理學所據以爲淵源如曰天高地下萬物散殊而禮制行矣流而不息合同而化而樂興焉又晦庵先生所深嘉而屢歎者也

中庸案家語子思所作實得聖門之親傳非漢儒所集其他記禮比也晦庵以命世特出之才任萬世道統之託平生用力盡在四書四書歸宿卒于中庸其該貫精

宋元學案補遺卷八十六

二十四明叢書

約園刊本

備何可當也至若中庸章句序道學淵源盡在此書尤不容不朝夕吟誦

程氏謂大學乃孔子遺書初學入德之門無如大學者至晦庵先生表章四書遂以大學爲稱首然其銓次皆與記禮元書不同謹先錄記禮本文以存古昔然後抄章句于其後以便誦習云晦翁嘗云大學章句次序皆明白易曉不必或問但致知格物與誠意較難理會不得不明辨之耳又云或問乃注腳亦不必深理會今愚所抄故全以章句至或問則斟酌其說而間附之然詳

說將以反約也由或問而反之章句由章句而反之正文此晦庵本心也致知一章則參用董丞相之說移置本經元文以足之以試觀其合與否爾

當祭而告疾急則失之遽不釋服而往禭則近乎褻獻公爲之君子不以爲非者恕其有尊賢之心也

天子棺槨未必待遠取諸百祀不至豈神之罪而廢其祀雖人之罪亦何至于死苟其行此民將不勝擾豈所謂死無害于人者耶

天理卽指性而言變性言理理者天之所賦而具于性

宋末學案補遺

卷八十六

三

四明叢書  
約園刊本

者也知者我之知而曰誘于外者我之心知誘于外物非知在外也

齊之爲言齊也齊者致一也齊而一于思親則外事絕矣思親不害于爲齊也若謂齊不可有思恐淪于莊子心齊之說後世竊之爲禪學者也程氏講明正學而門人多流于禪往往多附益之學者宜謹孔子云祭思敬以上讀禮記

周禮實漢成帝時劉歆始列之七略王莽時劉歆始奏置博士爾周禮始用于王莽大敗再用于王安石又大

敗夾深以爲用周禮者之過非周禮之過是固然矣然  
未有用而效者恐亦未可再以天下輕試哉

讀周禮

太極之理至精而太極之圖難狀得晦翁剖析分明令  
三尺童子皆可曉遂獲聞性命之源以爲脫去凡近之  
基本卽盍反實修其在我者矣或乃因其餘說或演或  
辨浸成風俗不事躬行惟言太極嗚呼周子亦不得已  
言之孔子惟教人躬行耳

程氏遺書乾坤六子之說一以爲乾坤退處而用六子  
一以爲六子之用卽乾坤是甲之錄不若乙之通養生

宋元學案補遺卷八十六

三四明叢書

約園刊本

延年之說一以爲人力可勝造化一以爲天命不可損  
益是前之錄不若後之確善惡之判曉然也錄者謂惡  
亦不可不謂性又謂天下善惡皆天理此雖窮極底蘊  
之辭然恐不若直言擇善之爲徑鬼神之事難明也錄  
者謂風肅然起于人心之怖畏又謂雷擊人起于惡氣  
之相觸此雖曉喻世俗之辭然恐不若泯于忘言之爲  
得洒掃應對與佛家默然處合此殆言功夫之始程子  
平日之言本斥佛學之無用而謂吾儒自灑掃以上便  
是聖人事也敬其心不接視聽此殆指收斂之極耳程

于平日之言本主視聽之以禮而斥禪學之絕耳聞目  
見爲喪天真也大抵孔孟之學大中至正之極而二程  
之學正以發明孔孟之言不幸世之學者借佛氏之名  
售莊列之說稍不加審則動必陷入于彼今欲辨程錄  
之真僞無他亦觀其于孔孟之說相合或于莊列之言  
相似與否耳

愚苦多忘凡讀者必略記所見至讀朱子語類則如仰  
觀造化之大莫知所措辭然嘗詳之夫子作六經後來  
者溺于詁訓未害也濂洛言道學後來者借以談禪則

宋元學案補遺

卷八十六

三十四明叢書

約園刊本

其害深矣此無他凡近者猶可進而至于高明一流于  
高空則恐無復可返之期誤人未央也乃今朱子解剝  
濂洛之圖象哀列二程之遺書以明道學之正傳者如  
此窮極釋氏之作用爲性辨詰諸老之流入禪學以明  
其徒之似是而非者如彼使道學之源不差而夫子之  
道復明此其有功天下萬世較之施于用世者撥亂反  
正豈足喻勞烈之萬分一哉至若謂易本卜筮謂詩非  
美刺謂春秋初不以一字爲褒貶皆曠世未聞之高論  
而實皆追復古始之正說乍見駭然熟輒心靡卓識雄

辨萬古莫儔而世俗猶以一時異論之士對言之何耶  
以上讀本朝諸儒理學書

太史公不載茅茨土階之說而古史增之愚意茅茨土  
階始墨氏借以言儉而形容浮實之言恐非聖帝垂衣  
裳氣象

夫子天地也若之何形容夫子日月也若之何繪畫若  
敘其出處以傳後世則太史公爲庶幾獨其信齊東野  
人之語謂夫子由野合而生爲可鄙耳蘇子不能本家  
語顏氏擇堦之事以易之而徒紛亂其不可易者蓋蘇

宋元學案

卷八十六

西四明叢書

約園刊本

子雖假夫子之說以發身而實則老子之學故其失若  
此

蘇子辨宰我無從叛之事辨子貢無亂齊之事皆有功  
聖門至其贊子夏則曰異哉今世之教者聞道不明而  
急于夸世非性命道德不出于口教者未必知而學者  
未必信務爲大言以相欺天下之僞由此而起則陰詆  
程氏之學而後來僞學之禁殆本此也

戰國二百餘年間惟魯仲連正名義止帝秦爲天下士  
惟孟荀明王道宗孔氏爲萬世士彼紛紛者不足言士

春秋繁露謂性有善莠而未能爲善惟待教訓而後能爲善謂性已善幾于無教孔子言善人吾不得而見之而孟子言人性皆善過矣是未明乎本然之性也漢世之儒惟仲舒仁義三策炳炳萬世曾謂仲舒之繁露而有是乎歐陽公讀繁露不言其非真而譏其不能高其論以明聖人之道且有惜哉惜哉之歎夫仲舒純儒歐公文人此又學者所宜審也

參同契乃方士煉丹之書然必冒周易爲稱者煉丹取

宋元學案禮遺

卷八十六

三五四明叢書

約圖刊本

子午時爲火候是爲坎離因用乾坤坎離四正卦于橐籥之外其次言屯蒙六十卦以見一月用功之早晚又次言納甲六卦以見一月用功之進退又次言十二辟卦以分納甲六卦而兩之要皆附會周易以張大粉飾之其實煉丹無符于易易本無預于煉丹而今世言火候者因以三百八十四爻爲一周天以一爻直一日而爻多日少終不相合其妄可知近世蔡季通學博而不免于雜當留意此書而晦翁與之游因爲校正其書頗行然求其義則終無之

以上讀諸子

原道曰堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟子軻之死不得其傳焉所謂傳者前後相承之名也所謂道者卽原道之書所謂其位君臣父子其教禮樂刑政其文詩書易春秋以至絲麻宮室粟米蔬果魚肉皆道之實也故曰以是而傳以是者指原道之書所謂道者而言之以明中國聖人皆以此道而爲治也故他日論異端又曰果孰爲而孰傳之耶正言此之所謂道者無非實而其傳具有自來彼之所謂道者無非虛而

初無所自傳云爾非他有所面相授受之密傳也託附程錄者乃發爲異說稱譽原道以爲此必有所見若無所見所謂傳者傳箇甚麼嗚呼異哉堯舜禹湯文武周公孔孟相傳之道備見于原道一書豈復他有險怪歇後語陰幽不可名言如異端所謂不立文字單傳心印之傳者哉

東坡作韓文公廟碑詞絢雲錦氣轟霄漢振古一奇絕也然一言以蔽之不過謂其閒氣所生不爲死生禍福奪此殆坡公胷中所自得因之而發歟若文公之所以



爲文者則似未暇盡及也蓋自孟子沒而異端作中國之不爲夷狄者幾希公始出而排斥之天地之所以位人之所以異于禽獸中國之所以異于夷狄一一條晰明盡而世始昭若發蒙孔孟而後所以扶植綱常者文公一人而已孟子沒而邪說熾性理之不蕩于空虛者幾希公始出而指喜怒哀樂愛惡欲七者以爲情指仁義禮知信五者以爲性又獨于五者之要指仁與義二者謂由是而之焉則爲道且謂舍是而言道者非吾之所謂道孔孟而後所以辨析義理者文公一人而已夫惟綱常非徒禮樂刑政之可扶也我朝是以復極其根于性命之源性非徒三品之可盡也我朝是以復析其微于本然之性氣質之性之別功有相因理日以明譬之事業文公則撥亂世而反之正者也我朝諸儒則于反正之後究極治要制禮作樂躋世太平者也文公之所以爲文者其大若此豈曰文起八代之衰止于文字之文而已哉

臨川王氏嘗爲詩以譏昌黎曰紛紛易盡百年身舉世無人識道眞力去陳言誇末俗可憐無補費精神然世

未有以其言爲然者也蓋人生一日必盡一日之事此  
卽造化生生不息之理今謂百年易盡而先自棄不爲  
者偷也異端之言也人生未有一日不由于斯道此卽  
盈天地閒昭然著見之理今謂道爲有真而人不能識  
者誕也異端之言也世更八代異端肆行昌黎始出而  
斥異端明聖道以六經之文爲諸儒之倡其有補斯世  
論者謂功不在孟子下今臨川譏其無補枉費精神者  
蓋其溺于異端之學所見然也不足疵昌黎也且王氏  
雖習異端初未嘗槁馘山林恪守朴陋求其所謂道之  
真者亦不過費竭精神從事文墨正欲學爲昌黎而特  
未至耳奈何身自爲之而反以譏人耶

本論謂堯舜三代時禮義明佛不能入善矣復使當時  
其人已入其法不行則爲確論今案佛生西方當周之  
衰去中國極遠不相通至漢開西域而佛說入益盛至  
後漢以漸入中國者時勢則然非昔不能入而今可入  
也謂禮義者勝佛之本當修其本以勝之善矣然人不  
爲佛之徒屋不爲佛之居徒有其虛文浮傳於世如異  
說妖術之類則可使人講明禮義此之信不彼之信是

爲勝之今案齊梁元魏以來自萬乘以以下尊事之人民  
歸其陷誘右袒夷狄以攻吾中國之仁義山川爲其吞  
併立寨中國以腴吾民生之膏血雖有禮義已無所施  
顧反日講而修之則佛無所施矣必火其書廬其居又  
果何見也且公之爲此說特譬之善醫者不攻其疾務  
養其氣耳獨不聞若藥不暝眩厥疾不瘳乎客感外毒  
深入心腹而不攻之去且立而視其死矣何氣之可養  
養氣之說特可施之攻疾已去之後疾已危劇氣僅一  
縷捨疾不攻而徒養氣亦何氣之可養乎甚矣故佛法

之害政昌黎之說盡之佛教之害人心晦庵之說盡之  
不能明言其所以害而徒疾聲大呼以泄其憤石徂徠  
之怪說盡之歐陽公所謂上續昌黎斯文之傳者正以  
闢佛一事然本論不過就昌黎改易新說而適以消剛  
爲柔如閉關息兵惟敵之縱而自我修政事者爾嗚呼  
殆所謂能言距楊墨者皆聖人之徒歟

歐公晚年之鬱鬱者被陰私之謗也時議之謗及陰私  
者激于公主濮議之力也而公之主濮議深苦至集爲  
濮議者四卷錄其次第又設爲或問以發明之然滔滔

數萬言皆以禮記爲所生父母降服一語爲未嘗因降服而不稱父母耳然旣明言所後者三年而于所生者降服則尊無二上明矣謂所生父母者蓋本其初而名之非有兩父母也未爲人之後以生我者爲父母已爲人之後以命我者爲父母立言者于旣命之後而指本生之稱自宜因其舊以父母稱未必其人同此一時並稱兩父母也公亦何苦力辨而至于困辱危身哉況帝王正統相傳有自又非可常人比耶

蘇子謂武王非聖人孔子所不敢言也謂孔氏之家法

宋元學案補遺

卷八十六

三十四明叢書

約園刊本

孟軻始亂之儒者所不忍言也謂荀文若爲聖人之徒自昔立議論者無此言也于武王孟子何損于荀文若何益焉可爲蘇子惜耳

南豐爲人後議謂不當絕本生父母之名豈爲濮議發耶然亦正論也要必存本生之名可也

范石湖謂原道論一出則儒術益明二氏不廢此殆公佛學中自有所見然史越王亦學佛者嘗以此諫壽皇何石湖之異耶

水心外集士學二篇謂孔孟守三代之說于春秋戰國

之世迂闊之名自此始今必得真迂闊者而用之其庶乎古者養士而後取今不養而取之當因今之學以取士而務養其心思案此乾淳閒議論也然不知養其心者當何如耶若近年以來士習實壞于學縣有學則無恥者分其糧公府終歲無炊煙郡有學則強狹者多取市井子之資聚食其中以庇門戶七箸聲歎輒雲散無踪國有學則爭圖分數乞免解免省者千歧萬轍上亦屈法從之甚至受金叩闕助權勢去異己者士習之壞反皆學校之爲鬪之于勝負之場而誘之于利祿之區

曰可以養其心有是理否乎果欲養其心必也因今之學而用古之道州縣學盡除職俸太學盡除校分無勝負之爭無利祿之誘而後士得自有其心而自養之心雖乾淳之論而其時學法已行不明言其非疑有遺論且天下何嘗無賢士之自養者何世無有學校科舉之較程文如博奕偶勝于士之賢否何預要在謹簡于入仕之後幸而得賢者能者則必用之不幸而得愚不肖者雖自學校科舉中來必終斥之用舍不于學校不于科舉而于其人庶幾士習稍知趨向若夫轉移變化

又自在本原之地若曰因今之學以取士而欲養其心  
愚未之能信 以上讀文集

### 東發文集

國之所與立者以士大夫士大夫所能爲國之與立者  
以氣節使氣節消磨而爲和平則賢者幾無益于人國  
此世道命脈之所繫社稷安危之所關也臣願陛下恢  
張聖聽表厲直言以洗濯其晶明之質以養成其剛大  
之氣使視人閒之富貴如浮雲而以天下之利害爲切  
己社稷靈長終必賴此漢人有言士修于家壞于天子

宋元學案補遺 卷八十六

三四明叢書

約園刊本

之庭今世之士未及修于家而陛下之法先已壞之矣  
此亦士習根本之所係也人才雖有次第先後之殊陛  
下皆當致其涵養作成之力否則士大夫之風俗既壞  
天下事豈不愈趨于壞而甚可慮也哉 戊辰輪對劄子

理學至本朝而大明先帝心契朱某大中至正之說陛  
下力究先帝心傳面命之旨凡陰陽造化之原性命心  
情之別儒生學士皓首窮經而未能舉其要者陛下下一  
一剖析曲當領會無遺真足以上繼堯舜禹湯文武之  
傳矣然此其講明也非其施行也自昔帝王之學始于

格物致知正將推而極之於治國平天下爾陛下上繼堯舜禹湯文武之學而未能遠復堯舜禹湯文武之治者獨何歎夫天下之說有真有偽有正有邪邪者未能洞照則正者非實得偽者未能盡絕則真者尙雜糅請爲陛下別白言之夫自有天地而凡流行于其閒者無非實理自聖人出而輔贊天地而凡推行于其閒者無非實用天地所賦之性我有之人亦有之我是以順而導之以能化草木鹿豕之羣爲仁義禮樂之懿是之謂教天地所生之物我資之人亦資之我是以財而成之

以能變茹毛飲血之俗爲宮室衣食之安是之謂政二帝三王躬踐其精粹以淑天下其見之記載者是之謂書先聖孔子條列其本末以詔後世其見之傳授者是之謂大學陛下深放其閒果有一事之詭異否果有一字之空言否人生果能外此而一日以有立否此其所謂正者也此其所謂真者也夫何世變如輪無暫停息成之極卽壞之漸治之餘卽亂之初時則有忘吾聖人之恩出而肆其胸臆創爲邪僞者心者人之所能與天地參二帝三五之治天下先聖孔子述二帝三王之治

以詔後世皆本此心而被乃曰心不可有當禁滅之如  
死灰此欲以力排正大之說而不知初無此理也老子  
本一隱士死于中國事載莊周之書甚明也邪僞者乃  
誣老子度關西去留道德五千言黃帝本上古聖人葬  
于橋山漢武帝嘗過而祭之事載司馬遷之史可覆也  
邪僞者并誣黃帝乘龍上天名之爲道家始祖陛下試  
觀嘗有此事否也其源不過如此其後附之爲神怪者  
益不足辯是天下本無所謂道教也邪僞者架空也佛  
本西域國王之子厭世俗而求寂滅刻苦深山老病以  
死本無他異也中國邪僞之流乃緣之而繆爲譯書誣  
佛爲有丈六金身備極奢侈謂能使盜賊小人之屬我  
者皆可轉而生天下至達磨本佛氏破戒之徒嘗入中  
國不過故去亦無他異也邪僞者又緣之而謬稱教外  
別傳誣達磨爲能三蘆東渡隻履西歸而肆爲幻妄壞  
佛本說至謂淫坊酒肆無非道場陛下試思果有此理  
否也其源不過如此其後假之而肆兼并者益不足道  
是天下本無所謂佛教也邪僞者架空也惟其本無是  
教而皆邪僞者爲之也故其傳雖歷千載之久而其說



終無一毫之驗如漢武帝之未嘗長生如梁武帝之莫能延祚滔滔皆是不勝舉也人惟生長習熟于其中信服既深致遠成泥愈不驗信愈篤如禱晴而益雨禱雨而益晴則諱之而不言及晴久而自雨雨久而自晴卽食之以爲功大凡天人之感通止由至誠之一念豈有他術哉此其事之至顯而易見者猶且甘于自欺若此其餘乞福渺茫祈佑將來者益無可證厥今流弊之極棄父母而爲之者半天下竭膏血而奉之者徧天下家不可以爲家國不可以爲國舉世紛紛不知何事陛下

深攷其閒果有一事之非詭異否果有一字之非空言否人生或如其說不婚不嫁不田不蠶人之類滅已久果能一日以有立否此其所謂邪者也此其所謂僞者也陛下究心于先帝心傳面命之學以繼堯舜禹湯文武相傳之統必了然于彼邪者僞者之架空而後能粹然于此正者眞者之切實于此正與眞者快如沃心則去其邪與僞者易于反掌而致知格物之學眞可達之治國平天下之效惟陛下果斷而力行之

大率二書發明光儒未及處極多眞是有功後學知仁

勇三節經旨本自分曉文公獨以三近者勇之次正未  
曉何謂執事與之條列剖析卻一與經文正合君子  
誠之爲貴誠之正是用工處前輩止以之字作助語執  
事改其說而以孟子思誠爲證至如既稟之如字親新  
之通用索隱之作素本因古字之從宜此雖字學中來  
亦皆足爲前輩之拾遺其他大義不暇徧舉惟以蒲蘆  
爲螺贏雖本爾雅然螺贏蟲類恐與地道敏樹不相應  
以周公追王二祖爲改葬雖以下文葬祭爲證然二祖  
之葬既久恐改葬亦是重事如謂葬時以諸侯之禮則

改時以天子之禮若棺外之物猶可改也棺內切身之  
冠冕亦可改之而易七章爲九章之類乎切身者不可  
改改外物孰重輕況下文明言父爲士子爲大夫葬以  
士祭以大夫則葬禮合因在日之誓祭方用今日之新  
二祖之生爲諸侯葬以諸侯爲已合禮周公祭以天子  
之禮足矣正不必改葬也

還戴縣丞中庸大學要義書

讀晦翁四書者多有辨說以爲自得且謂若無自得之  
功而徒信紙上語非學也愚謂若止挑剔一兩語便謂  
自得新意則世之自得者多矣講說已備于前體行正

屬于我輩苟不思自做人如何而惟騰口說恐今世所  
少者正不在言語間也

答唐仲華

士大夫居上位必待下之求而後舉將何以息天下奔  
競而下之忍其羞而求舉者將何爲耶某嘗妄謂學校  
本以養士今士習反壞于學校選舉本以銓士大夫今  
士大夫心術反壞于選舉立法之弊一至此甚

與葉中

嶽

某聞君子居其官必思行其道又聞古之仕者去之時  
猶如至之日蓋一日居其官必使一日無愧于其官可

宋元學案補遺

卷八十六

三七四明叢書

初園刊本

也安有低回竊祿苟偷歲月而可以爲官者哉某之官  
尉也尉者慰安其民之名也世乃以其去民最近悉委  
之文牒豪民黠吏因得借以爲喉使毒民之具豈惟尉  
失其職其爲世之非道事也大矣某今願盡爲百姓大  
鳴其不平用敢于攬轡諏咨之始首條一二以聞

通新

憲使余主一書

自古惟孔子爲大中至正之極據實平說參之愚夫愚  
婦亦無不合自孟子出來便是立議論但其所以立論  
之心無非欲教人爲善爾只如孔子言性相近習相遠

此六箇字參之聖人稽之眾庶求之往古驗之當今無  
人不然無往不合此平實語也孟子道性善人皆可爲  
堯舜人性固本善而不能人人皆善人固可爲堯舜而  
未嘗見有能爲堯舜者此立爲議論以誘人爲善而非  
復孔子平實之比也至伊洛說出天地之性氣質之性  
亦不過爲孟子解性善之說人生而有性已是氣質之  
性其中天地之性已自然付與所謂天地之性原非未  
生以前虛空中別可言性則亦不逃乎性相近之說也  
自此以後諸儒翻倒得一新說一方便歸之爲宗師孔

夫子言語反成堂前太公說古老言語無復顧之者矣  
若各師其師而不以孔子爲師流弊安有窮已哉

同陳

總領

邑之以餘姚名以其爲帝舜舊地也設學校以教人自  
帝舜命契爲司徒始也舜之教人也使父子有親君臣  
有義夫婦有別長幼有序朋友有信人之所以異于禽  
獸中國之所以異于夷狄家之所以和國之所以治皆  
不越此五者今之學古之學也今之教卽古之教也今  
之不古若者何也古無利祿之誘今利祿誘之也然利

祿何足以誘我也人之窮達制于天而利祿之有無繫于命不以求而得不以不求而喪吾惟卽父子而父子在所親卽君臣而君臣在所敬卽夫婦卽長幼卽朋友而各盡其所當然者予以從容乎義理之常而安行乎吾生之素苟能此道而大者立矣則課試可也科舉可也亦帝舜數納以言之遺意未害其爲教也否則謂讀書爲鉤致利祿之具疲其神于岐辟之學窮其力于聲病之文父子君臣夫婦長幼朋友五者之大倫反不知實踐而無愧則雖游于斯息于斯弦誦于斯口談義理

宋元學案補遺

卷八十六

三九四明叢書

約園刊本

皆非其實亦胡取乎學校之教舜之所以始爲庠序者豈若是其然也

餘姚重修學記

余友吾子雲處其弟甚和作一堂日相團欒其閒名之曰怡如而俾余誌其意蓋欲朝夕觀省使怡怡之樂久而弗失也余謂此以聖人之訓維持本心之良目擊斯存無動弗契尙何余言之待哉然余聞善事父母者有怡色有怡聲由其父母之愛而流行于兄弟之閒則怡怡其如自然而然所謂原于父母之天者也苟其天也孰得而渝自妻子之言日入則非天矣自日與少年者

詡詡笑語遊戲徵逐則非天矣一聞言之行一異好之奪天者或不免有時而渝矣然則可不反觀而痛省之乎詩曰此令兄弟綽綽有裕不令兄弟交相爲旅此言各盡其在我而無責其在彼也兄或不友弟自不可以不恭弟或不恭兄自不可以不友苟能此道矣雖睽必合雖失必還此則全其天之要者昔橫渠先生嘗釋斯千之詩以式相好矣無相猶矣爲但知相愛無相效尤其旨深矣

怡如堂記

人之所得于天以爲人者理也人事之既盡而感應之

宋元學案補遺

卷八十六

四十四明叢書

約園刊本

不可必者數也理者君子之所交行數者非君子之所與知古之君子修其在我本非責報于天顏子雖天原憲雖貧從容乎天理之常去之萬世有餘榮盜蹠雖壽慶封雖富顛倒于物欲之私在當時已狗彘不啻如以數言孰得孰失是天下亦無理外之數故君子之學惟知有理而已是理也惟孟子見之明而守之剛故曰人之所以異于禽獸者以其有仁義也又曰仁者人也又曰仁之于父子也義之于君臣也有性焉君子不謂命也孟子之所以卓然爲大丈夫富貴不能淫貧賤不能

移亦惟知有天之理而數非其所問焉爾今而後燕居乎天理之堂而深味乎孟子之言則君此心豈不休哉  
李氏天理堂記

道原于天闡于伏羲傳于堯舜禹湯文武周公而集大成于孔子苟有異于孔子者皆非吾之所謂道矣戰國時楊墨嘗害此道孟子闢之而道以明漢魏以降佛老嘗亂此道韓文公闢之而道又明唐中世以後佛氏始改說心學以蕩此道濂洛諸儒講性理之學以闢之而道益明伊川既沒講濂洛性理之學者反又浸淫于佛

宋元學案補遺

卷八十六

四明叢書

約園刊本

氏心學之說晦庵先生復出而加之是正歸之平實而道益大明其說雖根柢于無極太極實則歸宿于仁義中正雖探原於陰陽性命實則體驗于躬行踐履雖亦未嘗不主於心實則欲正此心以達之天下國家之用非其他所謂卽心是道絕物而立于獨棄實而流于虛也  
撫州臨汝書院山長廳記

夫人心與造化流通尤于其始初而興起一候蟲時鳥之應一春花秋月之新猶使人之意也消況日爲太陽之精而朝爲日出之初劃如天開萬象昭蘇人于斯時

以旦氣之方清對大明之東生天光內發靈臺虛明陰濁有不期而自清善念有不期而自興倘能由此念念而續日日而新人亦何天之閒哉

穆存齋朝陽書院記

古者養非飲食之謂在優游以成其器教非文字之謂在切磨以進其德士今得日游于學矣苟尚惟飲食以爲養師今得日講于學矣苟尚惟文字以爲教視前日亦何能大相過且六經之說具在諸儒之說愈詳夫人能言之而人才反不古若者其故果安在良由利祿之途既開卑陋之習以成有隙必投見利必動其本既非

宋元學案補遺

卷八十六

四朝叢書

約園刊本

雖學無益或反滋其欺耳夫亦反而求其大者使小者不得奪乎天生萬物何物非天人爲最靈實與天一字宙吾廣大日月吾精明風雲吾變化飛潛動植吾仁心流動陰陽代謝吾窮達有定士苟以此而爲心以此心而爲學則亦何卑陋之能濁而實德之不充耶

撫州重建教授廳記

建教授廳記

孔子之教人多以孝弟忠信而未嘗言及性與天道孟子生人欲橫流之時始出而言心與性周子生傳註訓詁之後始出而言陰陽性命之源皆發明其所自來使



人歸宿于所實用人知此身之所主者心此心之所具者性此性之所本者天造化流行純一不雜此身雖小造化雖大而此身實與造化參則超然獨立于萬物之表利慾不得而昏卑陋不得而入凡吾孝弟忠信之行自然無玷無缺故凡孟子周子之說無非隨時救弊警夫人心以翊吾孔子之教非故外立一說而求爲過高也今世之士置孝弟忠信而不言而想造化陰陽之莫測躬行講說判爲二途苟如是而自以爲得焉果實得乎否耶

江堂實得齋記

宋元學案禮遺 卷八十六

四明叢書

約園刊本

仁義禮智之性具在人心所以開而明之者則存乎教詩書禮樂之教具在方冊所以講而行之者則繫乎師故師必明聖經而後可以淑人心必淑人心而後可以轉移風俗自世教不明經術道微上之試于我者本以性命道德本以古今治亂而我之應于上者自以其穿鑿自以其浮靡今日之試于上者尙能言及天理尙能言及仁政他日之施于民者自或流于人欲自或流于貪刻言行相違窮達異趨國負士乎士負國乎法弊人乎人弊法乎程君之教人以經也固不離乎文也而文

卽理之寓言卽行之副窮卽達之占也君子教人豈必  
他求亦惟因其文使各踐其實而已

授廳記

撫州新建增差教

縣之有學于教養爲最切蓋士方少長閭里聞見未雜  
父詔其子兄率其弟必先使挾策遊縣學于斯時也蚤  
正而素定之是水方出而澄其源木初生而培其本關  
係異日之成就夫豈小小我朝如明道之宰扶溝如晦  
翁之仕同安休風善教至今聞者興起曾謂今人而不  
之若乎忠肅公五世孫嘉興陳君巖昉爲居是官者刊

宋元學案補遺

卷八十六

四十四明校書

約園本

列姓氏求余記其說余聞司馬公記諫院題名謂某也  
忠某也邪讀者爲之凜然今縣學官題名忠邪固未易  
見惟曰某善教養某不善教養亦懼觀者之指摘爾然  
諫官雖尊風采止于一時縣學官雖卑教養垂乎長久  
是尤不可不深究其心也

長興縣主學廳題名記

天地初賦之善雖聖神何能加毫末而此善一入于氣  
質之稟往往易溺而流于柔變化氣質以盡復其天地  
本然之善是又存乎其人焉故人而用心不剛則見善  
雖明與無識同安爲人子孫而繼志不力則襲其爲善

之虛鮮亦不淫于富貴爲善之不可一日不勇固如此  
質善堂記

蓋嘗乘巨氣之方清對晨光之熹微顧瞻庭竹露葉殊  
垂下視其本微濕環之狀若連管灌畦之爲因而潛心  
探索有以窺天地相與流通之機矣向使地惟隤然塊  
處非有廣川大谷以脈絡其閒則流通之無所造化亦  
幾乎息萬物將安從生今海周匝于地勢之四垂朝夕  
吐納無一息停長江入河復統眾流以相與渾灑流轉  
其內雖鑿地得泉爲沼爲井氣亦蒸蒸上騰與海之茫  
茫江之浩浩升而爲雲浮而爲漢者同一暢達則造化  
之勞乎坎亦明矣

水竹村記

此心齊一之謂齋士大夫謂所居曰齋蓋所以維持此  
心者已一字該之矣夫心者吾身之主宰靈明廣大與  
造化相流通所以治事而非治于事惟隨事謹省則心  
自存正不待治之而後齋一也危微精一之語萬世道  
學之原要不過求所謂中者而執之故自數聖人而傳  
之孔子惟曰居處恭執事敬與人忠則心不待言而自  
貫通于動靜之閒曾子親得孔子之傳亦惟曰謀不忠

乎交不信乎傳不習乎則心不待言而自昭徹于流行之際孟子嘗言君子以仁存心則心有所主非虛空以治心可知今果善學會子雖不一一襲步邯鄲焉可也  
省齋記

蘧伯玉欲寡其過而未能此恥之始事也切己者也至其後恥獨爲君子此恥之終事也推己者也余嘗讀書見古人心與天地同固慨然恥其不及矣未幾掩卷而俛忘之依然故吾無恥也又嘗筮仕見州縣或以非道加其民固勃然恥于力不能救矣未幾因循苟祿非甚

宋元學案補遺

卷八十六

吳四明叢書

約園刊本

不可者亦或奉行之依然故吾無恥也已未能自恥而暇爲人恥乎孟子曰恥之于人大矣周子曰人大不幸無恥今而後痛切自恥庶幾獲爲君子之歸  
恥獨記

人生而知愛其親是良心莫先于孝也親親而後能仁民仁民而後能愛物是百行莫先于孝也孩提之童卽授之以孝經之書是講學莫先于孝也孝無一日而可忘則孝經亦豈容一日忘  
劉養晦孝經解序

千枝一本耳萬派一源耳林林總總者徧天下其初皆一人之身耳然木有幹水有脈次第之來可尋也人之

序烏乎尋曰在古有小宗大宗在後世以名字爲行耳  
姜山族譜序

古者風俗淳厚能行者未必能言往往或暗合于道而不自知近世道學大明性與天道之妙敏如子貢所親炙夫子而不得聞者今童子亦類能誦習其辭而不差然議論日工躬行日慊夫乃徒知擇之云爾而已乎故中庸之言擇善必言固執言擇乎中庸必以不能替月守爲戒言擇乎中庸得一善必以拳拳服膺而弗失爲勸蓋擇之者致察于人心道心危微之間書所稱惟精者也既擇矣執之守之而弗失始道心常爲之主而人心聽命書所謂惟一者也精矣一矣始于能擇終于無可擇傳不云乎口無擇言身無擇行書所謂執中者也學問之道達乎上下一也要在實用吾心而已

宋後

詩本情情本性本天

張史院詩跋

蠶方浴而桑生兒方產而乳生果孰使之然者天之生

斯物必有以養此物理固然爾

書曹氏作鳴鶴氏遺珠

頌後

宋元學案補遺

卷八十六

聖七四明叢書

約園刊本

不敢毀傷望人爲不孝其親者解豈爲孝其親者戒耶  
孝子毀傷辨

歇後鄭五作宰相搖頭不敢當自知蓋審也使人人如  
鄭五則居其官者皆其人豈有欺君誤國貪權固寵之  
患愚故三歎三詠于五而贊之曰自知其必能相而相  
之者古今一伊尹也自知其必不能相而不相之者古  
今一鄭五也人皆曰必不能相己獨曰必能相而汲汲  
于相者滔滔皆鄭五罪人也嗚呼伊尹吾不得而見之  
矣得見鄭五者斯可矣

歇後鄭五辨

宋元稹補遺

卷八十六

四十四明藏書

約園刊本

米價低昂今權在富室也富室若曰不抑價者太守待  
我厚也官不我抑而我自抑之者我自待厚也均此人  
也小民終歲勤動以有此粟我何修何爲乃安坐而奄  
有此粟靜言思之愧也不時而奄有此粟已不免愧今  
勤動而有此粟者反不得食此粟而死矣我安坐而奄  
有此粟者猶忍斫此粟而不之發又宜何其愧也蠶  
方浴而桑生兒方產而乳生人民徧育于天下而五穀  
生五穀爲民設也民生饑死矣而五穀尙忍爲我私是  
猶奪之桑而不以飼蠶奪之乳而不以哺兒其有愧于

天何如也生吾鄉而長于我者吾父吾兄行也生吾鄉而幼于我者吾子吾孫比也雞犬相聞守望相助疾病相扶持少長嬉戲平居詡詡笑語一家均也一旦艱食不思分己以予之而反騰價以困之平日之情何在鄉黨之義何取其有愧于人何如也

再喻上戶榜

咸淳四年五月一日任史館檢閱繳申慈湖壽張行實狀

某鄉之先賢有慈湖先生聞學楊公諱簡壽張先生侍郎張公諱慮慈湖爲時儒宗壽張亦文行表表皆先帝

宋王學案補遺卷八十六

四九四明叢書

約園刊本

朝名法從皆足垂示將來法合立傳又有吳公從龍紹定四年逆全之變提孤軍爲先鋒策應轉戰無前賊益兵圍之數重不幸所乘馬中流矢遂爲賊擒賊載其名旗僞稱援兵給泰州開城從龍至城下大呼曰建康右軍統制吳從龍馬傷被執非降賊者揚州初不破泰州可死守賊不勝忿怒刃交下猶罵賊不絕口竟寸轡以死先帝矜之詔爲立廟官其後方逆全猖獗時維揚閉守未知爲計但始得泰州城一開卽賊之窟穴多而揚州孤事未可知從龍從容就義以一死爲國忠謀視解

揚事殆過之又非尋常死節比若不爲之立傳何以勵  
臣子之節某生晚雖不及登三君子之門而聞風興起  
公議所在有不容遏謹於鄉里訪求先求到慈湖封志  
一軸壽張行狀一冊吳統制子孫未知所在先錄到淳  
祐十年應參政陳請褒寵劄子一本見到又聞有觀文  
趙公彥逾之子鉸夫世傳清德先帝初年西山真公德  
秀嘗薦其爲廉吏第一亦未知曾不附傳所合具申乞  
賜臺判送始先將見到志狀委官修成附傳附入理宗  
實錄其鉸夫事併下契勘以憑搜訪

宋光宗案種遺

卷八十六

五十四明藏書

約園刊本

咸淳八年正旦曉諭敬天說

一日月星辰風雷雨露皆是天 凡皆顯然在目名曰  
造化以長我育我又生五穀蔬果以活我性命若使  
有一欠闕我便無以爲生於此無一不敬方爲敬天  
若拜祭塔廟迎引社會枉費財物等事皆是信邪  
造罪卽非敬天

一朝廷是天 天生太祖皇帝以仁立國今我皇上恭  
儉厚下凡前代嚴刑重斂遊幸土木調遣征行干戈  
爭戰擾民之事一毫無之上自堯舜方見本朝我生



何幸得在今日此等恩德將何以報又其行事皆是  
代天如立條法是禁姦戢暴使我歸善如取官賦是  
養軍衛邊使我安樂于此知慚知愧依公服理以上  
體朝廷使天下長長如此太平方爲敬天 若自逞  
雄豪不有官法皆非敬天

一父母是天 天生萬民生生不息故父母之氣便是  
天之氣父母生我父母便是天自父母又分爲兄弟  
宗族內外姻眷無非此一氣于此能備盡恩愛方爲  
敬天 若爲財物所昏爲血氣所使一有違忤皆非

敬天

一自身亦是天 人身四肢百骸皆從鼻息取天之清  
氣以能生活如魚在水以水而活其理一般故凡我  
之舉動言語非我自能之也皆天也至于人之一心  
又爲一身之主虛明知覺名曰天君我舉一念人雖  
未知此心先知卽是天知人必先使此心端正方爲  
敬天 若起念害物或欺心瞞人皆非敬天

咸淳八年歲終特薦州縣官申省狀

通判如隆興府熊震龍之通暢精明羅大椿之老成純

厚滕巖瞻之開爽溫雅吉州余東之清介練歷何夢桂  
之明暢廉靜撫州黃與仁之端重明練呂圻之學行端  
方贛州曾大發之操修嚴正有守建昌軍涂演之勤敏  
多惠皆貳郡而有其實者也

教授如袁州李漸之士論歸重吉州程申之之操修端  
謹瑞州林永年之端凝和粹南安軍黃明豐之素行純  
實臨江軍余世昌之醇茂有文建昌軍周三異之端重  
粹明章又新之簡重朴實皆分教而有其實者也

判官如瑞州邱富國之詳明正直臨江軍陳琥之明練  
勤敏撫州李龍金之端靖詳明江州陶應元之端方公  
正皆贊畫而有其實者也

錄參如瑞州邢桐孫之明練有才隆興軍熊應申之詳  
明得譽江州張杲之惻怛詳審瑞州楊承翁之通暢辦  
事臨江軍張自之敏捷文華皆治獄而有其實者也  
司戶如瑞州劉應桂之勤敏適用司法如南安黃墜之  
公廉有守皆爲郡僚而有其實者也

豐城凋邑也黃吳老爲之踰年賦役俱平紀綱大振吉  
水劇邑也鄭聞孫爲之踰年政役備修精采頓異與國

荒邑也窮鄉頑拒不受政役何時爲之數月聲聞立起  
予素不率化之鄉立之師以教其子弟民知向化踴金  
窮邑也流民搶掠謂之出甲田子鎮爲之數月勸誘有  
方有罪以種桑聽贖爭役以種桑多寡分爲先後民知  
務本商豐頑民嘗殘燬之邑也楊休撫定其亂再造此  
邑四年之久一方懽服如楊眉孫宰高安公介清勤徐  
思訖宰上高廉勤平易翁仲德宰永新不畏疆禦黃桂  
宰南康才略優裕張鉉宰靖安廉整有條汪塾宰萬安  
和平安靖胡巖如宰進賢正直安詳陳自然宰奉新嚴

宋元學案補遺

卷八十六

五十四明叢書

約園刊本

肅整齊黃公立之宰雩都詳明振職洪坊之宰安遠詳  
重得體凡皆作邑有聲尤不容不薦

縣丞則進賢有吳君房分寧有郭巨用皆究心水利措  
置有方樂安有黃申明潔無私廬陵有羅鈞端實有才  
主簿則危順吉在豐城以材華稱董殊在吉水以賢廉  
稱趙崇灼在崇仁以和平稱趙崇燦在宜黃以廉謹稱  
趙時夫在南城以廉靖歷練稱縣尉則王應龍在進賢  
以才幹稱趙必琮在大冶以廉明稱羅可權在寧都以  
才美稱羅應新在清江以俊拔稱袁端祥在湖口以才

廉稱陳子升在南城以清俊稱喻元在高安以才諳稱  
何晉在上高以廉能稱婁南良在萬載莫雷顯在通山  
皆以廉靜有志稱凡皆筮仕有立不容于不薦

梓材謹案東發嘗特薦撫州州學教授程紹開有  
奏狀在集中詳見雙峯學案補遺又案是年撫州  
舉官告天文二前篇保舉知崇仁事周汝同以其  
勤于政事臨汝書院山長黃翔龍以其恬于進取  
撫州教授鄭濟以其安于樸素後篇保舉知樂安  
縣事於享祖居官詳謹撫州錄事參軍張龍應居  
官廉明宜黃縣尉段世忠居官勤敏又是年兼江  
西提舉舉官告天文常平司舉本司幹辦公事趙  
必趨德性吏事皆有過人隆興府司法晏世口有  
文墨且明吏事茶鹽司舉贛州教授徐龍雲謂其  
廉靖惟盡職業又常平司舉臨川縣主簿趙良球  
茶鹽司舉廣昌縣尉趙時至吉善廉謹孤寒無援

宋元學案補遺

卷八十六

五志

四明叢書

約園刊本

又常平司舉永新知縣翁仲德茶鹽司舉豐城知  
縣黃吳老上高知縣徐思訖常平司舉南豐知縣  
楊休皆作邑有聲又明年撫州及提舉司舉官告  
天文提舉茶鹽司舉本司幹公事韓伯高寬平常  
平司舉吉州判官趙孟必明敏茶鹽司舉臨江軍  
教授趙孟遠有文有才崇仁主簿趙崇敬不苛不  
刻常平司舉豐城主簿危順吉南城縣尉陳子升  
皆以才識表見本州舉司法謝公竝廉靖無求宜  
黃主簿趙崇燦寬慈不擾內與申省狀復  
者五人皆可見先生之好賢而愛材矣

附錄

出判廣德軍初孝宗頒朱子社倉法于天下而廣德則  
官置此倉民困于納息至以息爲本而息皆橫取民窮  
至自經人以爲朱子之法不敢議先生口不然法出于

堯舜三代聖人猶有變通安有先儒爲法不思揅其弊耶況朱子之法社倉歸之于民而官不得與官雖不與而終有納息之患乃爲別置田六百畝以其租代社倉息約非凶年不貸而貸者不取息

知撫州補刻六經儀禮修復朱子祠樹晏元獻里門曰舊學坊制祭社稷器復風雷祀勸民種麥禁競渡船焚千三百餘艘用其丁鐵劫軍營五百間

其同靖安張知縣書曰蒙以慈溪爲說而賜之褒號夫慈溪者某所居之邑名非某所以自名也朝廷以慈溪

宋元學案補遺

卷八十六

五十四明叢書

約園刊本

而名其邑非某以慈而名其溪也宰是邑則可以居是名如陶彭澤是也執事宰靖安名靖安則可某居慈溪而名慈溪則慈溪生齒何啻十萬計爭此名者當幾人豈因流俗之言誤認以爲道號之類歟

戴剡源贈黃彥實序曰余少壯時州之慈溪有黃東發先生以經術行誼政業爲江南名卿緣桑梓故每與余評覈古近人物以爲士之生世誠不可無材蓋當時方以闕閔科舉取士幸而有父兄之素場屋之目卽扳援而試之試之以文墨記覽錢穀獄訟之類俱不可則名

之曰道德展臂雅揖垂紳緩趨浮沈談笑羣眾中不失繩墨則咎任不加而品級馴致惟先生輩起寒素實用所長取知于人寸量尺敘然後至故其語執之良堅後生晚學化之亦皆矯然有自勵之色而先生歸而私督其家庭子弟者尤嚴于他人

黃晉卿送慈溪沈教諭詩序曰臨川陸氏與朱子並以性理爲學而其爲說莫適相通雖鵝湖之會終不能挈而合之也言陸氏之學者以慈溪楊文元公鄞袁正獻公父子爲巨擘士生其鄉知有陸氏而已宗正少卿黃公亦慈溪人始以朱子之學倡于其閒而務以躬行爲本其大意謂陸氏以簡自高而以支離病朱子是徒見其窮探極討爲說之詳似乎支離而不知眞修實踐所守之約固未嘗不簡易也使宗卿與文元同時寧不足發鵝湖所未決之餘論乎

沈遠序黃氏日鈔曰學以孔孟爲師師者道之所存其文則六經之書也講習以窮理躬行以達用斷乎不可易者宋儒標榜角立互有異同而象山陸氏始倡爲高遠驚世之論謂此心本明不假言議惟當自求以得之

凡講學卽是異端六經皆吾注腳一時聞人風靡從之  
獨慈溪黃東發氏篤行周程朱子之說以上探孔孟六  
經之旨一切反之躬行以爲實用于士必以操行自立  
于官必以職業自見至讀論語而于孝弟忠信文公所  
以教人者蓋佩服終身焉故自強仕用明經家法取科  
第積州縣吏能歷監司郡守所至有異政仁民厚俗一  
本之禮義立朝諤諤敷對無隱情雖遭讒去國未究其  
設施而言論氣節千載有光斯可謂不負所學者矣

又曰子惟科目利誘之弊至趙宋而極其以道學云者

宋元學案補遺

卷八十六

五十四明藏書

約園刊本

又皆從事空言而于躬行大業或未之能然彼其立異  
矯時固爲賢知之過望而可知其非百餘年閒未有以  
折衷猶賴先生詳辨力詆著之方冊俾孔孟周程朱子  
正大之學燦然復明如杲日行空沈陰積霧廓焉爲之  
一清有目者皆可覩也方陸學盛行慈湖楊氏宗陸者  
也于公爲鄉人公未嘗苟從末俗波蕩中卓見定力一

人而已

梓材謹案四庫全書著錄黃氏日鈔九十五卷提  
要云是書本九十七卷其中八十一卷八十九卷  
原本並缺其存者實九十五卷也黃氏與楊慈湖  
同鄉貫慈湖爲陸氏學黃氏則自爲朱氏學不相

附和是編以所讀諸書隨筆劄記而斷以己意有  
僅摘切要數語者有不摘一語而但存標目者併  
有不存標目而采錄一兩字者大旨于學問掛佛  
老由陸象山張橫浦以上溯龜山上蔡皆議其雜  
禪雖朱子校正陰符經參同契亦不能無疑于治  
術排功利詆王介甫甚力雖朱子謂周禮可致太  
平亦不敢遽信其解說經義或引諸家以翼朱子  
或舍朱子而取諸家亦不堅持門戶之見蓋芟氏  
之學朱一如朱之學程反復發明務求  
其是非中無所得而徒假借聲價者也  
梓材又案經義考載先生讀詩一得一卷存楚卽  
讀詩日鈔也其自序推原東萊以下諸家爲讀詩  
之本說則未嘗  
不私淑東萊矣

黃南山先賢文潔黃先生贊曰仰惟宗人生值宋季程  
朱是師今古畢記尊其所聞行其所知逢時孔艱厥德

普施

姚世昌曰五經朱子于春秋禮記無成書東發取二經  
爲之集解其義甚精蓋有志補朱子之未備者且不欲  
顯故附于日抄中其後程端學有春秋本義陳澥有禮  
記集說皆不能過之

謝山句餘土音南湖賦黃文潔先生寓亭詩古巖斤  
鹵區天挺蓋世豪不傳之祕自遺經乃以露簾兼雪  
鈔諸儒墜言肉貫弗獨奉建安爲斗杓霜松風柏凜  
歲寒肯爲宰相兄子撓歸田來湖上誓將老衡茅會



逢厄運丁陽九渡江北騎驚飛濤行都廟社且塗地  
何況區區一寓寮圖書法物成敝屣如醉如噉譟黍  
苗南遷杖錫東同谷一枝何處奠山鷓出門輒有碍  
誰復謂天高日惟一餐祈速死誰其知者問謝翺當  
年湖上早雲散其既于今益已遙誰知百世後有客  
茫茫賦大招原註云文潔避地杖錫見剡源所作墓  
表避地同谷見皋羽詩其寓月湖見延祐慶元志

雲濠謹案謝山鮎埼亭集配京借鈔東發史稿列傳十篇子家所勵有也詩云抱遺老子趨庭日責馬曾聞購日鈔一卷遺文參宋史問君何以報瓊瑤配京卽廬外翰月船先生也

宋元學案補遺

卷八十六

五十九

四明叢書

約園刊本

### 東發學侶

#### 補知州陳本堂先生著

梓材謹案先生字子微本堂其號也著有希本堂集九十五卷別撰歷代統紀以淑子弟可知學士極之史學固其家學也

雲濠謹案任松鄉重建文公書院記云先是前朝請大夫趙公崇燾有志改築卒不就其猶子必慕圖寶鹿山以進其壻前太學博士陳先生著規示之又云或曰州刺史之功刺史不有曰是惟陳君之力陳君力足以任斯文之寄而不屈于貳道足以起學者之慕而不閑于欲故創置書院凡九云云是先生之于學事尤爲有力焉

### 舒文靖公書堂講義

序卦曰剝者剝也物不可以終盡剝窮上反下故受之以復易之義奧矣哉季秋之月寒氣總至天地始肅草木黃落萬物就枯配以易卦是之謂剝剝于上九曰碩果不食蓋剝爛矣而有不爛者存剝落矣而有不落者在一爻之陽生生所脈也一實之妙萃萃所根也然獨陽在上五陰在下變則陰極其機甚危而水冰地凍之既滅所以固吾之陽氣上騰下降之不通所以安吾之陽體靜者其動之府終者其始之機故至七日則來復伊川先生所謂變于上則生于下無閒可容息者是也碩果陽也君子也君子者道之寄也然不觀此卦之上九不足以見碩果不觀變之極不足以見君子夏道既衰君子幾無所容而伊尹爲碩果商受肆虐君子類罹僇辱而箕子爲碩果春秋爲何如吾夫子爲碩果戰國爲何如吾孟子爲碩果孤秦之暴儒術滅于焚坑而齊魯兩生招之不至卓然自全獨能見禮樂本意非碩果而何兩漢之末人物盡于黨錮既而諸葛孔明南陽高臥志復漢室非先主不輔先儒以爲庶幾禮樂非碩果而何八代更禪紛紛籍籍以至于隋而汾亭獨以古學

淑諸生是碩果在文中子唐之中葉佛骨之來滿庭阿  
佞而昌黎忘身闕佛是碩果在韓愈氏五季大亂之後  
五星聚奎之朝諸賢方爲之交泰旣而黨碑一立善類  
爲空元城了齋相繼淪沒而劫灰不燼者尹和靖爲碩  
果抱道歸然者楊龜山爲碩果不問其所成之大小不  
問其所詣之淺深不問其所得之疵而未純不問其所  
入之偏而未全凡可以與斯文凡可以衛吾道凡可以  
詔來世凡可以激高風由是焉以道德師表一世以事  
業照耀千古以忠言直氣見之周行以清標粹行見之

宋元學案

卷八十六

空四明叢書

約園刊本

鄉國胥此焉出而各隨所復不必計其人之存與亡不  
必計其世之久與暫行聖人之道則聖人之復行賢人  
之道則賢人之復也所謂剝復之義豈不昭昭然可見  
哉

附錄

宋亡避兵遷徙流離困頓晚隱居奉化感慨君國時時  
見之詩文而氣體雄深詞旨悱惻一洗晚宋之陋

東發講友

劉先生養晦

劉養晦東發之友也東發稱爲粹德之士嘗序其孝經解云博取諸書之嘗及于孝者萃而爲孝經解寧多而毋敢略寧淺而毋敢深雖爲童子設而關其終身也雖爲家庭設而關乎天下也繼自今人皆以養晦之心爲心而暢然自反無一日而忘孝經亦將無一日而忘孝世道其庶矣乎

東發文集

### 東發家學

補處士黃先生叔雅

### 附錄

宋元學案補遺

卷八十六

全四明叢書

約園刊本

袁清容祭之曰世儒諛聞昧焉求容天命罔知曳裾幢幢迄莫有成祇尤其逢惟我仲正甫白韜其躬退讓益卑殖學若農謙兮虛谷訥兮太沖恭不近卑夷不失中又曰惟歲壬辰盛名日起泮宮舒遲不泄其美維我先子一見驚喟曰姿宇儀觀先大夫是似大夫令名士有定謀謂君嗣之克踵厥歟奉于家塾羣幼漸被彼幼困蒙迄莫有技僕實與君針芥密投窮元蒼根探源渠搜比律爲均擣珍爲羞彼昧不知議莫與酬

補教授黃慙庵先生叔英

附錄

袁清容爲作巖庵記曰古之君子事至而名隨人棄我  
取自謙之道也聞彥實居山中閉門讀書益不妄交求  
古聖賢摧折困踣之本發而不可犯者養之至也

黃晉卿誌其墓曰文潔先生三子俱克治其家學而彥  
實最少介然特立不務爲苟同尤酷肖焉

補 隱君黃尙綱先生正孫

附錄

先生履行端粹爲學者所尊慕雅不喜記誦辭章之習

宋正學案續遺 卷八十六

空齋四明叢書

約園刊本

東發門人

戶曹陳先生若

陳若東發之壻也謝皋羽寶幢山尋黃提刑舊避地處  
詩曰甬東寺裏逢陳若雙袖龍鍾行帶索問知黃公舊  
避逃寶幢山下生叢薄日惟一食禱先靈不願拾得不  
死藥仰天呼號得正終一往不復知城郭公初著書女  
立旁公死母亡家蕩落子爲戶曹取公女欲敘因由來  
與語得與子行林莽聞月落山空識其處

謝晞髮集

粹材謹案是詩原本作子爲戶曹取公女似皋羽  
自爲東發壻者然皋羽傳任松鄉所作言其嘗布

衣杖策參人軍事蓋參文丞相軍非爲戶曹又言其疾革語其妻劉並非黃氏故知戶曹取女皆謂陳若非自謂也傳寫之訛無疑

岑氏先緒

岑先生翔龍

岑翔龍字雲起餘姚人踰弱冠卽起家爲高節書院長調和州教授又調江陵教授幼警敏能文辭注慕高潔以禮自持植廢舉缺罔有怠事鄉里稱孝謹事大府能使貴盛者咸愛重之大德九年卒年四十有五未一紀兄子良卿登進士又三年子士貴亦登進士

清容居士

集

宋元稟案禮遺

卷八十六

空齋四明叢書

約園刊本

本堂家學

縣尉陳先生觀

附子漢

陳觀字國秀奉化人咸淳甲戌進士調臨安府新城縣尉太學博士著于先生爲兄博士倅貳臨安嘗館于其家晚歲足不入城府州爭迎致率諸生以請業先生一至卽謝去徜徉巖壑侍博士窮幽抉奇連唱屬和有帙曰棣華集其自爲詩文曰竅蚓集蒿里集延祐五年三月疾忽作猶力書中庸一章以授其子漢漢復能以儒

白守云 清容居士集

補 教授陳先生深

雲濠謹案方桐江續集月泉銘序云曰明陳汝寶為婺州月泉書院山長將行紫陽方萬里為言月泉之義以送之是先

生不獨為教授也

補 學士陳先生極

附錄

黃南山先賢奉川陳先生極贊曰煌煌列祖繩繩進士風節蟬聯卓冠宋史先生父子家學有傳千載直筆通

鑑續編

宋史家禮遺 卷八十六

六五 四明叢書

約園刊本

雲濠謹案四庫全書著錄先生通鑑續編二十四卷提要稱其首述盤古至高辛氏以補金氏所未備為第一卷次披契丹在唐及五代時事以志其得國之故為第二卷其二十二卷皆宋事始自太祖終於二王以繼通鑑之後故以續編為名然大書分注全仿綱目之例當名之曰續綱目仍襲通鑑之名非其實也沈周客座新聞載其著此書時書宋太祖云匡胤自立而還未輟筆忽迅雷擊其案壓端坐不懼曰霆雖擊吾手終不為之改易也此雖小說附會之談亦足以見其以褒貶自任乃造作此

說云

梓材謹案先生手錄賦題備忘十五卷阮亭居易錄云蓋備場屋之用者有嘉靖十六年丁亥石東居士跋略云子經無子其遺書皆歸外孫古氏古氏自四明徙居餘姚

黃氏續傳

黃先生炳文

黃炳文東發之孫也戴九靈以詩寄之有云四明朱學

有誰傳爾祖淵源已百年世澤豈徒遺簡在家風親覩

遠孫賢 戴九靈集

巖庵門人

岑先生良卿

岑良卿餘姚人黃彥實壻岑氏館其家以詩書授子弟

彬彬于于鉤深纂玄融液品節各就條貫掉鞅于詞場

者尤宜焉延祐五年先生以詩義上禮部第二七年其

宋元學案補遺卷八十六 空四明叢書

約園刊太

弟士貴亦貢于鄉云 清容居士集

雲濠謹案宋庸庵集有岑氏聯  
桂東樓詩蓋爲先生兄弟也

陳氏門人

提舉胡先生世佐

胡世佐字伯衡寧海人梅礪先生三省之孫梅礪嘗注

資治通鑑以儒業傳家先生從學于舅氏陳本堂 梓材

礪子幼文爲本堂壻先生其子也則本  
堂乃先生外祖當是從學本堂之子 通五經累舉不

第慶元路總管阿般圖知其賢招致郡庠爲五經師以

淑後進遂家于鄞至正二十二年中書參政危素薦授



江浙儒學副提舉不赴文學德行爲時所重云

寧波府志

胡氏門人

縣令胡先生廣

胡廣字文剛鄞人從鄉先生胡世佐授毛詩討論校讎問學淵博敦行誼造紛華爲文冲澹純雅工律詩文士過從無虛日洪武中司訓邑庠後調四川之安岳縣歸里優游山水寓物寫意自謂乾坤腐儒所著有雲屋集成化四明志

宋元學案補遺 卷八十六

李士四明叢書

約園刊本

王先生謫

王謫字用吉鄞縣人工詩文能琴善寫梅竹從胡世佐受毛氏詩中洪武五年鄉試以祖母老歸侍旣終養再薦舉明經授太原孟縣令廉而有爲越三年入覲疏便民事歸至宿州以疾卒

成化四明志

宋元學案補遺卷八十六

宋元學案補遺卷八十七

目錄

靜清學案補遺

陽王門人

補史先生蒙卿

史氏家學

史先生芳卿

史先生璧孫

史先生莖孫 合傳

宋元學案補遺

四明叢書  
約園刊本

史先生望孫 合傳

史氏門人

補程先生端禮

補程先生端學

袁先生桷 詳見深寧學案

畏齋講友

張先生天祐

畏齋同調

補王先生起宗

蔣氏師承

翁先生伯章

積齋講友

孫先生友仁

積齋同調

史先生公珽

畏齋門人

補蔣先生宗簡

補樂先生良

朱子學案補遺 目錄

鄭先生覺民 詳見深寧學案

蔣氏講友

王先生厚孫 詳見深寧學案

蔣氏同調

吳先生夢炎 別見鶴山學案補遺

積齋家學

程先生徐

積齋私淑

王先生受益 附師楊澄原

宋元學案補遺卷八十七

後學 鄧 王梓材同輯  
慈谿 馮雲濠

靜清學案補遺

陽王門人

補 教授史果齋先生蒙卿

雲濠謹案戴剡源爲先生字序云爾東史君蒙卿其族昆弟之字皆別以景既有字君景召者矣年長學成而疑之以書來剡源曰是不嫌吾志願有易也遂爲易字曰景正而告之以其說雲濠又案先生有文集二十卷易說十卷

史果齋語

宋元學案補遺 卷八十七

四明叢書 約園刊本

書自有當熟讀者自有當玩讀者自有當看者自有當編鈔者惟經要熟讀非同他書皆讀二百遍也至看通鑑則朱子已令只一遍便要作濟河焚舟計蓋可知也讀書如銷銅聚銅入爐大鞴扇之不銷不止極用費力作文如鑄器銅既銷矣隨模鑄器一治卽成全不費力所謂勞于讀書逸于作文者此也

附錄

果齋先生常於座閒大書靜存動察四字以自檢點 讀書分年日程

先生嘗授平江首都博士皆不果仕家貧無資門弟子  
執業者屢交戶外

先生于諸經窮探微旨證墜緝缺不溺于謏聞剖釋正  
大而折衷一歸于前哲論古今得失必探情偽以暴其  
罪正色憤排若造庭而受其責也

其詩文多感憤自喻王尚書厚齋嘗勉曰思深辭悲學  
陶靖節其得之

天台多名山心樂之僑居者八年

嘗以書貽袁清容曰斯文剝喪餘數十年師表郡縣學

宋元學案補遺

卷八十七

一二四明叢書

約園刊本

者應格則得未嘗干其人後生不說學亦未嘗知學別  
偽務實而挽之古子宜勉焉

黃晉卿曰四明之學祖陸氏而宗楊袁其言朱子之學  
者自黃氏震史氏蒙卿始黃氏主于躬行而史氏務明  
體以達用

鄧巴西序先生文集曰先生蚤知覃思六經長益雋永  
關洛之緒言以推窮化幾探索理奧故其言精覈雅  
贍可規古作者之林譬之美麩蘖以爲酒醴均律呂以  
中琴瑟有本者固如是

又曰先生有易究未及見然所論河圖洛書足以抉先  
儒未發之蘊又以見學者踵襲固滯寧使先聖王之旨  
鬱而不彰者可悲也

### 史氏家學

#### 史先生芳卿

史芳卿字季敷句東人嗜古學作夏小正經傳攷句證  
以山陰傅氏本及采儀禮集解參究同異附以釋音復  
以先儒解經所引小正語及事相附近可以考訂者隨  
事疏于傳文之下脫行者列敘于後

危大樸集

宋元學案補遺 卷八十七

三四明叢書

約園刊本

梓材謹案先生爲果齋先生季弟

夏小正經傳攷三卷經義攷云存

#### 史先生壁孫

#### 史先生莖孫 合傳

#### 史先生堃孫 合傳

史壁孫莖孫堃孫皆靜清子袁清容銘靜清墓云生爲  
完人歸藏于邱有子繼學曷怨以尤

清容居士集

### 史氏門人

#### 補授程畏齋先生端禮

雲濠謹案元史儒學傳言先生獨從史氏游以傳  
朱氏明體適用之指學者及門甚眾仕爲衢州路

儒學教授卒  
年七十五

### 讀書分年日程

雲濠謹案是書原本入歲未入學之前讀性理字  
訓原註云程逢原增廣者下文小學書畢讀程氏  
增廣字訓綱原註云此書鈐定性理語約而義備  
加警家脈訣最便初學案逢原號勿齋名若庸見  
雙峯

學案

雲濠又案次讀近思錄原註云看葉氏解續近思  
錄註云蔡氏編見性理羣書又小學讀經習字演  
文必須分日條原註云假如小學簿紙百張以七  
十五張印讀書日程以二十五張印習字演文日  
程可用二百日又四書本經既明之後條原註云  
為學之法自合接續明經今以其學文不可過遲  
遂讀史次讀韓文次讀雜駢次學作文然後以序  
明諸經覽者詳焉又看通鑑條原註云四書既明

至元學案補遺 卷八十七

四一四明叢書  
約園刊本

胸中已有權度自此何書不可看又讀楚辭條朱子井田譜後又有夏氏井田譜

### 刊印日程空眼簿式

### 讀經日程

詳見工程  
專治一書

年 月 日 生員

一 早令倍讀冊首已讀書全  
昨日書一編太長則分

起 一 面試倍讀  
昨日書

一 面授本日書計  
字數以約大段

止 起 一 面以大段分細  
段令朱記段數

一 每細段面令讀正過句  
讀字音面說正過文義

一 令每細段先讀百  
編即又倍讀百編

一 數足排試倍讀倍說  
過面墨銷朱記後段

一 段足令通作大  
段倍讀試過

一 挑試夜間  
已玩索書

止 起 一 面授說已讀書就令  
反復說大義面試過

一 隻日之夜玩  
索已讀書

止 起 一 又玩索  
性理書

止 起

一 雙日之夜以序倍讀 起  
又溫讀 起  
一 凡平日已讀書一遍 止  
性理書 止

一 凡善忘誤處朱 起  
記即補熟墨銷 止  
令假日做定本點 止  
句讀圈發字音

讀看史日程 五日一周 年 月 日 生員  
詳見工程

一日 以序倍讀四書 以序倍讀 夜讀看性  
經注或問一編 經正文 理書并溫

一日 以序倍讀本 以序倍讀 夜讀看性  
經傳注一編 經正文 理書并溫

一日 看讀說 參合 夜讀看性  
看史 攷釋文

一日 看讀說 參合 夜讀看性  
看史 攷釋文

一日 看讀說 參合 夜讀看性  
看史 攷釋文

宋先學案禮遺 卷八十七 五 四明叢書 約園刊本

日填起止 思勉齋

讀看文日程 年 月 日 生員

一日 以序倍讀四書 以序倍讀 夜考索制  
經注或問一編 經正文 度治道書

一日 以序倍讀本 以序倍讀 夜考索制  
經傳注一編 經正文 度治道書

一日 溫記 經正文 夜考索制  
通鑑 經正文 度治道書

一日 讀看玩 溫記 夜抄點  
記文法 溫記 夜抄點

一日 讀看玩 溫記 夜抄點  
記文法 溫記 夜抄點

一日 讀看玩 溫記 夜抄點  
記文法 溫記 夜抄點

日填起止及 所考所鈔 思勉齋



讀作舉業日程十日一周旋九日讀年月日生員

一日以六日之以九

一日早以飯後日之夜隨

一日讀四頭場讀看三場

一日書本文字編鈔四類

一日傳注以性理制抹截

一日或問度治道故而復

一日三日始而事周復

一日溫經駢韓

宋元學案補遺卷八十七 六四冊叢書 約園刊本

一日文夜改

一日以全日作所作

日填起止及所讀思勉齋

看鈔點詳見工程年月日生員

小學習字日程讀經四日內分

一演文一日詳見工程早令倍讀冊首已讀書至

一昨日書一徧太長則分令影寫智永千文楷書約一

一二十紙寫五七日一易樣以已讀說小

一學書作口義呈改簿

一說認記字門類平仄虛賓動靜等

一漸長學切韻攷字始音偏傍音義假借等

一夜以序倍讀  
一已讀書一編

日填起止  
所看所作

思勉齋

附錄

先生歸後郡守王元恭踵門禮請先生爲學者師帥闈  
及旁郡廣行鄉飲酒禮皆俟先生討論而後定

謂諸生曰學問之道具在聖經賢傳吾嘗述之矣真知  
實踐則存乎其人尙懋之哉

戴剡源送程敬叔教諭赴建平詩曰爾之王父東諸侯  
朱門行馬高修修嚴君家學又繼美年少鄉書推上游

宋元學案補遺

卷八十七

七

四明叢書  
約園刊本

我生苦晚百無益猶及步趨陳太邱飄零不死見三世  
爾復預此能言流風神清羸談炙轂生理蕭條書汗牛  
今年別我忽遠役天馬放鞞難停留問渠何官縣博士  
橫山之西江東陬此邦固是吳楚會風淳土樸衣冠稠  
亦聞巖谷多古跡最喜道途稀使騶公堂講罷看山坐  
香鼎茶鐺相勸酬熱官干騎豈不好白日公庭愁督郵  
飲冰茹檠善自愛歲晚相期釣滄洲

黃晉卿跋讀書工程曰易曰君子進德修業欲及時也  
記誦辭章云乎哉記誦辭章末矣後生小子猶有廢而

弗事者程君敬叔排年工程之書所爲作也敬叔以文學行誼高一時其傳蓋本于考亭門人晏氏進修之功不必盡出是書夫亦度中人以下所可企及姑爲是以誘掖之云爾古者大學之道比年入學中年考校一年視離經辨志三年視敬業樂羣五年視博習親師七年視論學取友謂之小成九年知類通達強立而不反謂之大成卽其排年之工程也學者苟能因今人之所可及而求古人之所必致敬叔將于是書之外有私淑艾焉行遠自邇登高自卑在乎勉之而已

黃南山先賢畏齋先生贊曰考亭鳴道先生有傳填倡箴和伯仲後先佐王之才希聖之學四方仰之二程出洛

陸桴亭曰四明程端禮有家塾分年讀書法教童子讀四書五經先令讀正文既畢然後讀註亦可蓋子弟讀書大約十歲前有記性以後漸否若令先讀正文雖子弟至愚未有不于十歲前完過者此亦讀書之一法

陳石士師重訂讀書分年日程序曰元程畏齋先生本朱子意作讀書分年日程一編以示學者俾知誦

數講貫之法其事甚易而其效甚大且涉非爲科舉之士言之也然而爲科舉之學者循其法以行之固足以免荒經蔑古之失而漸以趨夫博問強識之途乾隆年間特詔天下郡縣學校頒發此書以勵學者嘉惠儒林之意豈非至優極渥而爲士子者所當敬謹遵奉勿替者歟

梓材謹案四庫全書著錄先生讀書分年日程三卷提要云是書有延祐二年自序謂一本補漢卿所萃朱子讀書法修之史稱所著有讀書工程國子監以頒示郡縣卽此書也然書末又有程氏自跋歷敘崇德吳氏平江陸氏池州馮氏及江浙諸處鈔刊各本而不及國子監頒示事則本傳所云

宋王忠文公遺卷八十七

九四明叢書

約園刊本

或其身後之事歟

補編修程積齋先生端學

梓材謹案先生泰定甲子進士元史本傳作至治辛酉進士第又云遷太常博士命未下而卒

春秋本義自序

孔子何爲修春秋明禮義正名分辨王霸定夷夏防微慎始斷疑誅意其意皆天下國家之事其要使人克己復禮而已三代盛時禮義明名分正上明下順內修外附民志旣安奸僞不作孔子生於此時春秋無作也周綱墮諸侯縱大夫專陪臣竊命四夷內侵人道悖于下

天運錯于上災異薦臻民生不遂孔子既不得出而正之則定詩書正禮樂贊周易而常道著矣復修春秋卽事以立教而其所書皆非常之事人知其事之非常則常道有在夫知非常則知己之所當克知常道有在則知禮之所可復故春秋不書常事屬辭比事使人自見其義而已孟子曰其文則史孔子曰其義則丘竊取之此之謂也若邵子謂錄實事而善惡形于其中朱子謂直書其事而善惡自見者蓋有以識夫筆削之意若董子謂正其誼不謀其利明其道不計其功者又此經之大旨也三傳者之作固不可謂無補于經也然而攻其細而捐其大泥一字而遺一事之義以日月爵氏名字爲褒貶以抑揚予奪誅賞爲大用執彼以例此持此以方彼少不合則輾轉生意穿鑿附會何范杜氏又從而附益之聖人經世之志泯矣後此諸儒雖多訓釋大抵不出三家之緒積習生常同然一辭使聖人明白正大之經反若晦昧譎怪之說可歎也已幸而啖叔佐趙伯循陸伯冲孫泰山劉原父葉石林陳岳氏者出而有以辨三傳之非至其所自爲說又不免褒貶凡例之弊復

得呂居仁鄭夾漈呂樸鄉李秀巖戴岷隱趙木訥黃東發趙浚南諸儒傑然欲掃陋習而未暇致詳也端學之愚病此久矣竊嘗採輯諸傳之合于經者曰本義而問附己意于其末復作辨疑以訂三傳之疑似作或問以較諸儒之異同廿年始就猶未敢取正于人蓋以此經之大積蔽之久非淺見末學所能究也嘗謂讀春秋者但取經文平易其心研窮其歸則二百四十二年之事之義大小相維首尾相應支離破碎刻巧變詐之說自不能惑聖人惻怛之誠克己復禮之旨粲然具見而鑒

戒昭矣則是編也雖于經濟心法不敢窺測然知本君子或有取焉耳

梓材謹案先生春秋三書張天祐序以爲本程朱之論殫平生心力輯諸說之合經旨者爲本義以發之訂三傳之不合於經者爲辨疑以正之又推本所以去取諸家之說者作或問以明之張氏蓋內閣書目則謂本程子之學折衷百家而爲之說四庫全書著錄春秋本義提要云是書乃其在國學時所作所採自三傳而下凡一百七十六家卷首具列其目寧波府志及千頃堂書目均稱所採一百三十家未喻其故也首爲通論一篇問答一篇綱領一篇其下依經附說類次羣言間亦綴以案語左傳事迹卽參錯之眾說之中體例頗爲樛雜其大旨仍主常事不書有貶無褒之義故所徵引大抵係復以後之說往往繳繞支離橫加推衍事事求其所以貶又稱其頗能糾正胡傳又著錄

春秋或問提要稱其與本義相輔而行論說轉勝  
本義又本永樂大典校補春秋三傳辨疑二十卷  
提要云不信三傳之說創于啖助趙匡其後析爲  
三派孫復尊王發微以下棄傳而不駁傳者也劉  
敞春秋權衡以下駁三傳之義例者也葉夢得春  
秋識以下駁三傳之典故者也至于程氏乃兼三  
派而用之且併以左傳爲僞撰變本加厲罔顧其  
安至是而橫流極矣又言此書于研求書法糾正  
是非亦千慮  
不無一得云

謝山句餘土音二程學舍詩楊李宗槐堂心學于斯  
在其時獨善翁師友實一輩文孫有靜清別紹考亭  
派乃授之二程連舟得津逮敬叔談春秋經學良精  
粹時叔分年程蒙求亦攸賴當年橫舍中絃歌發清

宋元學案補遺

卷八十七

十二四明叢書

約園刊本

籟太白莊高東湖深杖履到處有清音如何尙書忘  
家學屈身異代玷故林原注云大程之學不如小程  
未可以並稱也又云時叔子徐以元尙書爲明侍郎  
然卒不得令終喪其家聲爲可惜

文清真清容先生楸

詳見深學學案

畏齋講友

帥幕張先生天祐

張天祐口口人四明程時叔春秋本義三傳辨疑或問  
書成而卒翰苑諸公欲進于朝移文浙東憲司俾鈇梓

以傳至正五年委自監郡與先生提督刊梓先生嘗爲  
帥府幕與時叔之兄敬叔父交且久云 程氏春秋本義  
序

畏齋同調

補縣尹王起巖先生起宗

王起宗號起巖乃吳草廬門人江東名士也常招程敬  
叔教其子弟建江東書院以處之學徒如雲衣食或不  
充咸資于先生敬叔喪偶有孤女如己出豐其奩具以  
遣之 東園友聞

宋元學案補遺 卷八十七

十三 四明叢書

約園刊本

梓材謹案東園友聞原書未舉起巖之名合之  
正編王楚鼇傳蓋卽其父起宗也因以實之

附錄

無名氏東園友聞曰曩余遊學金陵日與同門二三輩  
謁見起巖王先生起巖曰新學切當以禮義廉恥四者  
存心涵養得熟家業不患不成功名不患不至學問不  
患不精上而天子下而庶人何莫不本於四者乎余且  
且而思之四者根于心內有所主則揖讓進退合其節  
動用制作得其宜取予得其當剛介有所守矣內無所  
主則傲縱自肆譎張貪暴不可勝言矣驗諸行事觀諸



人亦于是言而益信

蔣氏師承

翁先生伯章

翁伯章天台人

積齋講友

孫先生友仁

孫友仁

積齋同調

史逢廬先生公珽

宋元學案補遺 卷八十七

十四 四明叢書

約園刊本

史公珽字搢叟鄞縣人居教授程積齋端學薦主甬東書院棄去自號蓬廬居士著有學易衍義象數發揮寧波府志

畏齋門人

補 蔣敬之先生宗簡

梓材謹案先生所著有易集義詩笈問春秋三傳要義若干卷文集十卷

附錄

郡庠延先生爲小學師尋挈其徒寓湖心僧寺聚易春秋諸家之說而折衷焉

補  
教諭樂仲本先生良

附錄

王忠文送先生序曰仲本受業于敬叔程先生承師之所傳因時之所尚朱氏之學仲本蓋已致其力矣陸氏之學向之所以祖而宗之者承傳之自故未泯也仲本可不兼致其力耶

教諭鄭求齋先生覺民

詳見深寧學案

蔣氏講友

教授王遂初先生厚孫

詳見深寧學案

宋元學案補遺 卷八十七

五十四明徵諸

初園刊本

蔣氏同調

山長吳先生夢炎

別見鶴山學案補遺

積齋家學

程先生徐

程徐字仲能端學子仕元爲兵部尚書入明爲吏部侍郎洪武二年上詔孔子釋奠止行于曲阜孔林天下不必通祀先生上疏極言其略曰發揮三綱五常之道載之于經儀範百王師表萬世人極不墜者孔子之力也天下不可一日無孔子之道則教不可一日廢天下不

可一日無孔子之教則祀不可一日廢今使天下之人  
讀其書由其教行其道而不得通祀焉非所以崇本始  
報功德也帝允其奏改刑部侍郎尋陞尙書

寧波府志

謝山鮎埼亭詩集古井歎爲程尙書金夫人作云尙  
書大儒子不死非所期尙書且不死而反得之妻妻  
挈女俱死古井生香泥長虹夜半覆古井光與余闕  
李徽祠堂齊吁嗟乎尙書不死非所期尙書究竟死  
東市發歎噫失身早不決應悔負屢屢國史旣舛謬  
地志復漏遺我歌古井神淒迷原注明史作尙書傳

宋元學案補遺

卷八十七

十六

國朝叢書

約園刊本

謂其病卒謬也尙書以不良死見閒中今古錄至夫  
人殉國府志闕然益爲可歎

積齋私淑

助教王先生受益

附師楊澄原

王受益字子謙山陰人受春秋于楊先生澄原元至正  
壬寅中浙江鄉試省臣版授仁和縣學教諭病春秋傳  
注多而局于事例聖人作經之旨因以不明乃取汪克  
寬纂疏李廉會通程端學本義三書折衷其是非務在  
明經不爲科舉追地名之曰春秋集說凡五十餘萬言

復病其言之多而學者不能悉記欲定從簡未克故不  
及行于世洪武八年舉本縣學教諭歷冀滌陝三州學  
正官止國子助教卒而王鈿志其墓

經義考

宋元學案補遺卷八十八

目錄

巽齋學案補遺

劉氏門人

補歐陽先生守道

巽齋講友

胡先生敬之

羅先生希揚

文氏先緒

宋元學案補遺

目錄

文先生儀

文山師承

朱先生渙

曾先生鳳

胡先生季從

王先生國望

陳先生堯舉

須溪師承

王先生泰來

曾先生子淵

附傳

周先生焱

異齋家學

歐陽先生浚

歐陽先生致遠

異齋門人

補文先生天祥

補劉先生辰翁

宋元學案補遺目錄

一四明叢書  
約園刊本

補鄧先生光薦

王先生義端

聶先生□

解先生夢斗 別見清江學案補遺

趙先生孟僩

戴先生表元 詳見深寧學案

□先生□ 別見槐堂諸儒學案補遺

文山講友

補張先生千載

王先生幼孫 別見象山學案補遺

文山同調

鄒先生瀛

劉先生子俊

劉先生沐

孫先生棗

彭先生震龍

陳先生繼周 附子棗

陳先生龍復

宋元學案補遺 目錄

三四 明發書 約園刊本

張先生唐 詳見南軒學案

張先生雲

張先生汴 別見槐堂諸儒學案補遺

呂先生武

鞏先生信

蕭先生明哲

杜先生濟 別見南湖學案補遺

林先生琦

蕭先生資

徐先生臻

金先生應

何先生時

劉先生欽 附韓華叔顏斯立顏起巖

劉先生伯文

易先生相

鍾先生寅

梁先生和叔

陳先生應乙

宋元遺書補遺 目錄

四明叢書

鈔本

劉先生觿

方先生興

張先生瑛

張先生珩 合傳

錢先生申叟 附弟翔龍

吳先生希奭

胡先生文可 附弟文靜

熊先生桂

王先生夢應



譚先生端伯

梅先生寬夫 別見滄州諸儒學案補遺

桂先生子恭

王先生奕 別見存齋晦靜息庵學案補遺

吳先生名揚

薛先生魁祥 附顧近仁

徐先生卿孫

張先生和孫

牟先生大昌 附從子天與

宋元學案補遺 目錄

五 西明叢書

約園刊本

趙先生時賞

吳先生文煥

林先生棟 合傳

謝先生杞

許先生由 合傳

李先生幼節 合傳

蔡先生蒙吉 附師侯安國

陳先生肅

附傳

張先生履翁

顏先生斯理

合傳

鍾先生克俊

杜先生抑之

附師李梅亭

劉鄧講友

楊先生壯行

文氏家學

文先生天禎

元剛學仙

宋元學案補遺 目錄

六一 漢明叢書

約圖刊本

王先生義山

文山家學

文先生應麟

附子起東起南

文山門人

補

王先生炎午

趙先生文

趙先生疆

合傳

張先生慶之

陳先生子敬

繆先生朝宗

蕭先生燾夫

蕭先生敬夫

台傳

梅邊講友

劉先生應鳳

彭先生逢達

梅邊同調

方先生鳳

詳見龍川學案

吳先生思齊

同上

宋元學案補遺 目錄

嚴先生侶

詳見木鐘學案

文山私淑

信先生世昌

龔先生開

滕先生堞

須溪門人

戴先生表元

詳見深寧學案

劉先生元

父口

易先生立中

鄧氏門人

補張先生珪

徐先生□ 附子舜輯

聶氏門人

文先生璋

文先生□ 合傳

何氏家學

何先生天聲

徐氏家學

宋王學案補遺 目錄

入 四庫全書

初國刊本

徐先生必茂 附子鑑

鍾氏家學

鍾先生柔 附師劉震

鍾先生恕

稼村門人

何先生異孫

仲元家學

劉先生仕先

劉先生珣 附子同孫均

仲元門人

解先生觀

詳見草廬學案

蓮峯家學

陳先生元龍

陳氏門人

戴先生希文

宋元學案補遺 目錄

九 國朝叢書  
約圖刊本

宋元學案補遺卷八十八

後學 鄞 王梓材 同輯  
慈谿 馮雲濠

巽齋學案補遺

劉氏門人

補 著作歐陽巽齋先生守道

雲濠謹案先生一字迂父

巽齋遺文

國之存亡民之死生寄於士士之人品高下卽與世道爲重輕志士仁人儻自任必自養挾書遊學皆當端居

宋元學案補遺 卷八十八

一四 朔 藏書  
約園刊本

深念之矣 州學三賢祠堂記

天不能逸人勞逸無壯老 逸老堂記

山之腰曰翠微謂自下望高蒼然一色至此而所見微也百圍之木在上平地以爲不盈拱把鴻鵠高舉卑飛之雀自疑過之君子抗志浮雲之表不求合乎卑凡之見彼不我見則我尊矣雖然君子何容心不能揮手謝眾人亦不能人人引其手而使與己俱也 翠微亭記

學仕非二事理法非二物法吏不知學固不足道學士大夫不讀法亦豈可哉 書朱文公與趙忠定公帖

附錄

里人聘爲子弟師主人瞰其每食舍肉密歸遺母爲設  
二器馳送乃肯肉食

舉進士廷對言國事成敗在宰相人才消長在臺諫昔  
者當國惡箴規言者疑觸迂及其去位共謂非才或有  
迎合時宰自效殷勤亦有疾惡乖方苟求疵類以致忠  
邪不辨黜陟無章唱名徐儼夫爲第一儼夫握先生起  
曰吾愧出君上矣君文未嘗不在我也

遷著作佐郎兼崇政殿說書兼權都官郎中經筵所進

宋元學案補遺

卷八十八

一

四明叢書

皆切於當世務

約園刊本

先生與文山辨承心制曰君所處變之又變而或者於  
無過中求有過援經引古皆不類而又鋟木摹紙流傳  
四方莫曉用意所在君於國於家公私得失自了然於  
心雖不必較畢竟此於世教人倫有關係不可以流俗  
誤方來所以喞然不能自已於言也

梓材謹案此語見文山答歐陽祕嘗承心制說蓋  
文山先人卒生母改適劉氏及其卒而人議文山  
當服齊衰三年文山以爲當承心制故先生有是  
辨說文山通廟堂書傳論承心制事云龍溪友議  
叔行天下一時聞者爲之疑或後巽齋歐陽祕書  
守道爲或問衢州曾添教鳳爲詳目謂二先生發

此稿義禮意昭然  
會亦文山師也

劉後村答歐陽祕書書曰某歸老故山祿賜之餘生事  
粗足宰物者嘗因舍問所欲僕云千足萬足實無所求  
諸公貴後罕通書古心道誼交其召也某以異齋託之  
亦及一二背時朋友不知其力能推轂天下士否因一  
健者之故使翹館不敢揖客館閣不敢儲材此何理哉  
文文山賀巽齋先生遷居詩云先生挾策當留畚不待  
辛勤有屋廬宅樣只還齊里舊鄉風好似潁川居鏡湖  
今日賀外監瀛館前年虞祕書天下經綸猶一室時人

宋元學案補遺

卷八十八

三四明徵書

約園刊本

尙敢說吾迂

又挽先生詩曰徘徊西河上月落眾星稀哲人萎中道  
雨絕將安之昔者麗鴻藻玉振含清暉名理軼晉魏雅  
言襲軻思連駕覲馳道並坐侍端闈及門懷燕婉升堂  
接逶迤方期黃鵠翔忽作朝露晞黔婁不蓋體延陵有  
遺悲層阿翳塞樹平楚曖希微帷幌衣廣柳縞冠涕如  
縻水從章江去雲遶楚山飛已矣如有聞斯文不在茲  
又爲像贊曰歐陽巽齋望宗六一辛丑掇科親老謝職  
色難愉婉思報親恩學通經史有本有根司戶處州化



被變貊別駕建昌益樹名節轉官祕著不爲苟諛說書  
崇政講貫唐虞都官刑曹讞獄詳備考文成均濟濟多  
士疏抗龍顏宜絕嗜好欲心一萌良心隨耗天子嘉納  
年高與祠橫經論道一世宗師及門之徒不將卽相河  
汾王通雲龍下上名齋以異殊非過情六一之學實傳  
先生

吳草廬題宏齋異齋遺墨後曰玉谿翁嘗登盱江宏齋  
先生廬陵異齋先生之門予于二先生皆聞其風而不  
及識今見翁所藏六詩一書如見其人焉得包之卓偉  
則於道可以進取得歐陽之醇厚則於非道有所不爲  
觀者因是踴躍奮迅以希前修可也

異齋講友

錄參胡先生敬之

胡敬之吉水人與歐陽異齋講學白鷺書院歷任修職  
郎沅州錄事參軍除淫祠釋冤獄後以論史彌遠被斥

人物志

鄉舉羅松野先生希揚

羅希揚字士鼎晚號松野先生正甫從子淳祐癸卯與

兄希旻並舉神童及再舉漕司皆第一每與歐陽巽齋  
劉須溪講明道學造端高遠

解春雨集

文氏先緒

太師文革齋先生儀

文儀字士表廬陵人丞相文山父也氣質端重進止有  
尺寸讀書夜以繼日每有所鈔錄揮汗呵凍弗輟故學  
博而文多可傳人稱爲篤志君子

吉安府志

梓材謹案文山述事實云遺墨有室藏三十卷隨  
意錄三十卷其指南別錄有告先太師墓文是先  
生贈至  
太師云

宋元學案補遺

卷八十八

五四明叢書

約園刊本

附錄

嘗言滯學守固化學來新以一革字志韋佩人皆稱革  
齋

書警語徧窗壁如三尺在目

嘗謂宗族一本誼不得不恤愛范文正公義田記規模  
次第曰吾得志當放此行之

及卒誅者曰我公之德言矩行規世智黃閒我心坦夷  
市利血刃我範驅馳生平所爲事皆可質鬼神而無疑  
是得其概矣

文山師承

知州朱約齋先生渙

朱渙字約齋廬陵人文信國受業師嘉定中進士任大

理寺丞知衡州文章政事名重一時

人物志

梓材謹案先生亦號約山文山集有和朱衡守約山韻下四句云蕪言汲鱉猶須復或謂顏愚亦可如把酒對花姑勿論春行後長莫妨徐又闕山寄朱約山云先生曾有空同約那裏江山未是奇又壽朱約山八十三歲八十韻又回朱約山賀生日云鄉有達尊獲在嫡孫之行我生初度誤蒙大老之知是先生於文山爲鄉前輩未見其爲受業師也

監丞曾秀峯先生鳳

宋元學案補遺 卷八十八

六四明叢書 約園刊本

曾鳳字朝陽號秀峯文山之師也太學釋褐累遷監丞會京師亂走衢衢尋陷及景炎登極衢添倅蕭霄龍首倡返正先生自衢至劔隨行府之汀丁丑春以梅州添差通判將行會行府移中先生避地于汀之鄉落六月以病卒

文文山集

梓材謹案先生嘗典衢教文山回其書言某數月於師門極閒闕顧山水荒唐不自知年歲之遲遲闕禮多矣尙庶幾先生索之於形骸之外云

胡觀洲先生季從

胡季從號觀洲文山童子師也後與之書曰某童而習

之受業解惑有所自來惟今父族母族矜佩而立受道者七人焉將同堂合席以私淑之軫恃鉗鎚之舊爲此數字以北面請云

文山文集

### 王東廬先生國望

王國望號東廬先生文山之師也官從政郎袁州軍事推官景定三禩進士策御前文山覆校殿廬一日初考官舉一卷擬上乙覽會一字近廟中嫌名文山以才難白詳定官請所以處臨軒之日賜出身文山銘其母墓曰事孰爲大事親爲大守孰爲大守身爲大使先生失

宋元學案補遺

卷八十八

七四明叢書

約園刊本

身爲親憂雖高科如之何先生雖不得高科爲臣忠爲子孝身在焉親固榮也諗先生曰然

文文山集

### 通判陳鳳岡先生堯舉

陳堯舉南豐人淳祐中進士官至通判臨江軍營承江西運司檄考試廬陵士子拔擢文文山咸謂其知人居官甘澹泊無一毫妄取學者尊爲鳳岡先生

姓譜

### 附錄

文文山與書曰先生聞多而學廣事熟而心精古人重師友至有塗竄片言隻字以冀萬分益者鳴絃千室中

有老門生在焉知公不能用其恇然矣

須溪師承

王太初先生泰來

王泰來字太初廬陵人劉會孟之師也父兄俱仕宋延賞弗及試藝屢屈晚值世變既貧且病而詩愈工會孟每稱其詩爲廬陵八邑之冠

吳草廬文集

曾先生子淵

曾子淵字深甫鄉城人劉辰翁年七八與西家二三兒共受書屬對於先生見其垂髻映墨黑盡口樹筆髻閒

宋元學案補遺

卷八十八

八四明叢書

約園刊本

俯首鈔六經他解附注傍每葉字如蟻計平生若此何啻百餘萬字云

劉須溪集

附傳

縣令周衡齋先生焱

周焱吉水人寶祐進士官南昌知縣宋亡誓不復仕閉門著書以娛老有通鑑論斷四書衍義行於世

吉安府志

附錄

王義山序四書衍義曰衡齋先生取宋高第不特史學精於理學尤精也近世眞西山作中庸大學衍義而不

及論孟非若衡齋所衍爲全書也

異齋家學

布衣歐陽先生浚

歐陽浚字資深異齋先生之子世先生之學頽然布衣  
文文山集

進士歐陽先生致遠

歐陽致遠不知其名異齋先生從子也國子進士嘗與

信公友善

柳待制集

異齋門人

宋元集卷八十八

九四明叢書

約園刊本

補 忠烈文文山先生天祥

雲濠謹案先生本字天祥其紀年錄正文云理宗  
端平三年子以五月二日子時生大父夢子騰紫  
雲而上命名雲孫既長朋友字曰天祥後以字貢  
於鄉字之者改曰履善理宗寶對策見其名曰此  
天之祥乃宋之瑞也朋友遂

又字之曰宋瑞而通稱之

雲濠又案先生元初諡忠武明景泰中改

諡忠烈國朝道光二十三年從祀孔廟

梓材謹案先生自幼卽慕歐陽修楊邦乂胡銓之

爲人則固文忠忠簡之私淑也又案顧問序正節  
李侯褒忠錄云由唐宋而來仗節取義之士屢矣  
從學周中來者二人侯與文山公是也侯從東萊

呂先生遊東萊嘗亟稱之與文山之學  
淵源同也豈先生之學亦出於東萊耶  
梓材又案文山壽江古心詩題云古心江先生以  
舊廬出鎮長沙癸酉十月乙亥是爲七十六歲門

人文某以一節趨走部內謹擬古體一首爲壽是先生嘗及江氏之門又通江丞相善謂某在門牆諸孫輩行中則先及江氏弟子之門而後及江氏之門也又案先生祭胡石壁文有云登門何晚哭野何遽胡都承當是先生受知師

### 文山文集

聖人之作經也本以該天下無窮之理而常足以擬天下無窮之變天地無倪陰陽無始人情無極世故無涯千萬世在後聖人亦安能預窺逆觀事事而計之物物而察之然後世興衰治亂之故往往皆六經之所已有凡六經垂監戒以爲不可者少犯之則關安危大犯之則決存亡是何哉聖人知有理而已

宋元學案續遺

卷八十八

十四朝明藏書

約圖刊本

每誦一義善可以爲法卽驗之身曰吾嘗有是乎無則勉之每說一事惡可以爲監卽揣之心曰吾嘗有是乎有則改之言則慮其所終行則稽其所敝豈惟制治於未亂保邦於未危充道學之用經綸天下之大經範圍天地之化而不過

以上輪對劄子

且夫奸人之入相也使非此人者與之相爲表裏以揜陛下之聰明密爲游揚以開陛下之信用則賢者必不以好名中傷言者必不以譁競逐去學校之持公論者

必不以諂橫得禍士大夫之秉直節者必不以貪賊加罪朝廷清一言路光明邪人何自而赫張民瘼何自而墮隔人離而陛下何以不覺寇至而陛下何以不知彼其憑陛下恩寵以爲奸人與主故顛倒宇宙濁亂世界而得以無忌憚使陛下今日訟過於天地負媿於祖宗結怨於人民受侮於夷狄則豈獨一奸人爲之哉原情定罪莫重於與主而奸人次之

己未上皇帝書

天命人事常判然不相侔而前言往傳動必以天爲訓者人雖藐然萬物備於我苟爲凡民則已大之爲聖賢秀之爲士天地民物孰非一己之責任重致遠皆性命之當然也

上丞相書

某聞古者家有塾黨有庠士生其時而爲師者非其家之父兄則其鄉之所與也是以不獨屑屑於言語文字之末而聖賢誠正脩齊之學蓋在所法焉

與孫子載書

今天下大勢所以削弱不支實坐於文物制度之密區區直欲割去繚繞使內外手輕腳便如此而後可以立

國中

回聶吉甫

非有志念不足以洗冤澤物非有力量不足以懲暴詰



姦賀翁丹山兼憲

取士於天下將以爲天下用人之常情其窮也不爲利  
疚則其達也不可以非義屈後之臨大節斷大事決非  
異時簞食豆羹見於色者之所能也

吉州州學  
貢士莊記

夫在上有師道則在下有善人脩於家有正學則天子  
之庭有真儒

衡州耒陽縣進士題名記

爲臣忠爲子孝出於夫人之心內有不待學而知勉而  
行者古之人行乎忠孝之實而不必以名知於人此人  
道之自然也若夫處時之變遭事之不幸始有不得已

宋元學案補遺

卷八十八

十三四明叢書

約園刊本

而忠孝之名歸焉則亦有可憫者矣

忠孝提綱序

陰陽大化絪縕磅礴人得之以生其爲性不出乎剛柔  
而變化氣質則在學力

送彭叔英序

凡道各有入處凡學各有悟處程氏以敬張氏以禮示  
人以從入也而游於程張氏之門者或得於靜坐或得  
於主一或得於去一矜字悟之不必同也凡入皆以悟  
凡悟皆可入

題賈端老不忘室

天下危莫危者心天下樂莫樂者心操而存之防其危  
優而柔之會其樂

題張德從畏心堂

乾稱進德者三而象曰天行健君子以自強不息聖人復申之曰終日乾乾行事也君子之所以進者無他法天行而已矣進者行之驗行者進之事進百里者吉行三日進千里者吉行一月地有遠行無有不至不至焉者不行也非遠罪也

題戴行可進學齋

易象雲者二一以爲君子用世之象一以爲君子樂天

歲番陽徐應明梯雲峽

命者令也天下之事至於不得不然若天實使我爲之此之謂令而自然之命也自古忠臣志士立大功業於

宋元學案禮通

卷八十八

十三四明叢書

一約園刊本

當世往往適相解后而計其平生有非夢想所及蓋不幸而國有大災大患不容不出身扞禦天實驅之而非夫人之所欲爲也當天下無事仕於是時者不見兵端豈非命之至順蓋至於不得已而用兵犯危涉險以身當之則命之參差爲可閔矣士大夫喜言兵非也諱言兵亦非也如以爲諱則均是臣子也彼有王事鞅掌不遑啓居至於殺身而不得避是果何辜吾獨何爲而取其使如以爲喜則是以功業爲可願總總然利天下之有變是誠何心哉是故士大夫不當以爲諱亦不當以

爲喜委質於君惟君命所使君命卽天命惟無所苟而  
已 跋彭叔英談命錄

夫川之水道之體也山之泉性之象也故善盡道者以  
敬而操存之則猶之川而不息焉善盡性者以敬而涵  
育之則猶之泉而不雜焉蓋有欲則息惟敬爲能不息  
有欲則雜惟敬爲能不雜

川上之事純亦不已誠者之天也泉猶性也泉動而出  
猶性動而爲情也是則有幾焉誠無爲幾善惡始以敬  
而持此幾終以幾而達此誠則山泉其川水之源川水

宋元學案禮禮

卷八十八

十四四明叢書

約園刊本

其山泉之流會而通之混然一貫故曰敬者聖學成始  
而成終者也 以上吳郡中山泉說

自漢儒以大中訓極而極之流遂爲苟容至先儒以極  
爲四外標準而學者始知極自唐儒以博愛謂仁而仁  
之道遂爲小惠至先儒以仁爲包四德而學者始識仁  
自漢晉以來有恕己恕人之說而恕之弊遂爲姑息至  
先儒以恕爲如心而學者始明恕聖人浸遠道學無傳  
於是漢人之中庸唐人之模稜皆足以自附於此三字  
之義天下之不見聖久矣尙賴伊洛諸君子出而扶聖

經千載之祕而後之學者遂得襲其遺餘以求進於道  
案傳專言恕者其事有二子曰己所不欲勿施於人大  
學言上下前後左右有絜矩之道此言如愛己之心而  
愛人者也大學言有諸己而後求諸人無諸己而後非  
諸人此言如治己之心而治人者也然而如愛己之心  
而愛人則先儒必歸之窮理正心如治己之心而治人  
則先儒必以強於自治爲本蓋未能窮理正心則吾之  
愛惡取舍未必得正而推己及物亦必不得其當然未  
能強於自治則是以不正之身爲標的將使天下之人

皆如吾之不正而淪胥以陷則吾之爲恕者豈不相遠  
而吾夫子所謂終身可行者豈若是哉故夫論語一貫  
之恕中庸違道不遠之恕又必以忠並言蓋惟忠而後  
所如之心無往非正而凡窮理正心強於自治皆求以  
不悖乎忠而已也抑予聞之論語之忠恕至誠無息而  
萬物之各得其所也聖人之事也中庸之忠恕盡己之  
心而推以及人也學者之事也吾儕小人由前之所以  
用力者求以進於中庸之忠恕則聖人忠恕之天豈曰  
己之菲薄而無足以進諸曾子之唯哉

以上徐應  
明恕齋說

百聖在天六經行世譬之五穀皆美種也錢鈔必序茶  
蓼必薅既堅既好實穎實粟不然畧聞蜀之蹲鴟拾燕  
趙之棗栗而吾未嘗不飽也嗚呼此豈樂饑常法哉勉

說

聖賢豈別一等天人爲之苟有六尺之軀皆道之體不  
可以其不可能而遂自暴自棄也徐階程名說

其以深衣爲吉服則今之緇冠爲不必易也如其以爲  
凶服則受弔者固當以檀弓練冠爲法而往弔者亦須  
如之玄冠不以弔故也深衣吉凶通服說

宋元學案禮通

卷八十八

十六四冊藏書

約園刊本

天文者人君之一鏡也觀鏡可以察妍媸觀天文可以  
察善否熙朝殿講周易賁卦

爵祿之石厲世磨鈍頑夫奔走廉隅蕩盡中流之柱障  
山回瀾巖巖具瞻千古如山嗟今之人模稜義利金銀  
銅鐵攪爲一器淬去穢濁刮出光明他山之石有如斯

銘彭叔英砥齋銘

附錄

自爲童子時見學宮所祠鄉先生歐陽修楊邦乂胡銓  
像皆謚忠卽欣然慕之曰沒不俎豆其閒非夫也

除祕書省正字劉後村行誥辭云掄魁登瀛故事也然始進大率以虛名既久乃知其實踐爾則異於是初以遠士奉董生之對繼以卑官上梅福之書天下誦其言高其風知爾素志不在溫飽麟臺之召其來何遲語有云居大名難又云保晚節難爾其厚養而審發之使輿論翕然曰朕所親擢敢言之士可

文山卽事詩云宇宙風煙闕山林日月長開灘通燕尾  
伐石割羊腸盤谷堪居李廬山偶姓康知名總閒事一  
醉棹滄浪

宋元學案補遺 卷八十八

初國刊本

由循州駐南嶺元將張宏範兵奄至眾不及戰丞相倉皇出走爲千戶王惟義所執厓山破軍中置酒大會宏範勸之降丞相泣曰國亡不能救死有餘罪況敢有二心乎宏範義之遣使護送入燕拘兵馬司者四年

過零丁洋詩云辛苦遭逢起一經千戈落落四周星山河破碎風拋絮身世飄搖雨打萍惶恐灘頭說惶恐零丁洋裏歎零丁人生自古誰無死留取丹心照汗青

又憶太夫人詩云三生命孤苦萬里路酸辛屢險不一險無身復有身不忘聖天子幾負太夫人定省今何處

新來夢寐頻

又先太師忌日詩云萬里先人忌呼號痛不天遺孤餘  
二紀曠祀忽三年永恨邱園隔遙憐弟妹圓義方如昨  
日地下想興然

又哭妻文云烈女不嫁二夫忠臣不事二主天上地下  
惟我與汝嗚呼哀哉

雲濠謹案仁和錢越訂正先生紀年錄載歐陽夫  
人得疾問浣婢索衣上舊香囊曰此伴吾未嘗須  
臾離也落齒時得之父母祭文云云得之丞相吾  
死必仍懸吾心前將以見吾父母見吾夫子地下  
而無媿也

宋元學案補遺 卷八十八

文四明叢書

約園刊本

自序指南錄後曰嗚呼予之及於死者不知其幾詆大  
首當死罵逆賊當死與貴酋處二十日爭曲直屢當死  
去京口挾匕首以備不測幾自到死經北艦十餘里爲  
巡船所物色幾從魚腹死眞州逐之城門外幾榜徨死  
如揚州過瓜州揚子橋竟使遇哨無不死揚州城下進  
退不由殆例送死坐桂公橋土圍中騎數千過其門幾  
落賊手死賈家莊幾爲巡徼所陵迫死夜趨高郵迷失  
道幾陷死質明避哨竹林中邏者數十騎幾無所逃死  
至高郵制府檄下幾以捕係死行城子河出入亂屍中

舟與哨相後先幾邂逅死至海陵如高沙常恐無辜死  
道海安如皋凡三百里北與寇往來其間無日而非可  
死至通州幾以不納死以小舟涉鯨波出無可奈何而  
死固付之度外矣嗚呼死生晝夜事也死而死矣而境  
界危惡層見錯出非人世所堪痛定思痛痛何如哉

又曰嗚呼予之生也幸而幸生也何爲所求乎爲臣主  
辱臣死有餘僇所求乎爲子以父母之遺體行殆而死  
有餘責將請罪於君君不許請罪於母母不許請罪於  
先人之墓生無以救國難死猶爲厲鬼以擊賊義也賴

宋元學案遺

卷八十八

十九四明叢書

約園刑本

天之靈宗廟之福修我戈矛從王於師以爲前驅雪九  
廟之恥復高祖之業所謂誓不與賊俱生所謂鞠躬盡  
力死而後已亦義也嗟夫若予者將無往而不得死所  
矣向也使予委首於草莽予雖浩然無所愧怍然微以  
自文於君親君親其謂予何誠不自意返吾衣冠重見  
日月使旦夕得正邱首復何憾哉復何憾哉

自序集杜詩曰昔人評杜詩爲詩史蓋其以詠歌之辭  
寓紀載之實也而抑揚褒貶之意燦然於其中雖謂之  
史可也予所集杜詩自予顛沛以來世變人事概見於



此矣是非有意於爲詩者也後之良史尙庶幾有攷焉  
王深寧困學紀聞曰文宋瑞指南錄爲或人賦云悠悠  
成敗百年中笑看柯山局未終金馬勝遊成舊雨銅駝  
遺恨付西風黑頭爾自誇江總冷齒人能說褚公龍首  
黃扉眞一夢夢回何面見江東原注南齊樂預謂徐孝  
嗣曰人笑褚公至今齒冷謂褚淵也

鄭所南文丞相敘曰藝祖曰宰相須用讀書人大哉王  
言直驗於三百年後

又文丞相贊曰忠烈之氣上屬於天日月晶明天地無  
愆忠烈之氣下蟠於地草木光潤地道感利人道差忒  
天亂地惑通之爲夜一氣悽惻公之大名與國一德乾  
坤或毀大宋無極

徐世隆挽文丞相曰大元不殺文丞相君義臣忠兩得  
之義似漢皇封齒日忠於蜀將斫頭時乾坤日月華夷  
見海嶺風霜草木知只恐史官編不盡老夫和淚寫新  
詩

鄧中齋文丞相贊曰目煌煌兮疏星曉寒氣英英兮晴  
雷殷山頭碎柱兮璧完血化碧兮心丹嗚呼孰謂斯人

不在世間

謝皋羽書文山卷後詩曰魂飛萬里程天地隔幽明死不從公死生如無此生丹心渾未化碧血已先成無處堪揮淚吾今變姓名

林霽山讀文山集詩曰黑風夜撼天柱折萬里風塵九溟竭誰欲扶之兩腕絕英淚浪浪滿頸血龍庭戈鋌爛如雪孤臣生死早已決綱常萬古懸日月百年身世輕一髮苦寒尙握蘇武節垂盡猶存臬卿舌膝不可下頸可截白日不照吾忠切哀鴻上訴天欲裂一編千載虹

宋元學案補遺

卷八十八

三十四明叢書

約園刊本

光發書生倚劍歌激烈萬壑松聲助幽咽世間淚灑兒女別大丈夫心一寸鐵

楊仲宏題文丞相書梅堂詩曰大廈就傾覆難以一木支惟公抱忠義挺然出天姿死既得所處自顧乃不疑惻愴大江南名與日月垂我行見遺墨再拜墮涕洟名堂有深意亦惟歲寒枝可知平昔心慷慨非一時戔戔著棟宇昭昭示民知勿使風雨敗承慰千古思

許圭塘序文丞相傳曰丞相文公少年越厲有經濟之志中爲賈沮徊翔外僚其以兵入援也大事去矣其付

以鈞軸也降表具矣其往而議和也冀萬一有濟爾平生定力萬變不渝父母有疾雖不可爲無不用醫藥之理公之語公之心也是以當死不死可爲卽爲逸於淮振於海眞不可爲矣則惟有死爾可死矣而又不死非有它也等一死爾昔則在己今則在天一旦就義視如歸焉光明俊偉俯視一世顧膚敏禿將之士不知爲何物也推此志也雖與嵩華增高可也

王忠文記丞相畫像曰自古人臣秉忠執節以身死國者有之矣然未有盛於公者也觀其從容蹈道慷慨就

宋元學案補遺 卷八十八

臣四明叢書

約園刊本

義大地可易而志不改金石可變而操愈堅其視死如歸誠有非苟然者人孰無死惟死得其所故雖死而不泯公之死有繫於三綱五常爲甚重是可謂能處死矣豈非死得其所者歟

謝山鮎埼亭詩集揚州石刻文信公畫像歌序云正德十年壽光劉侍郎御徵甫所勒其序云得之揚州文公苗裔也乾隆八年揚人陸君鍾輝乞予作歌歌曰西湖天水盡冥冥白雁飛過無堅城廬陵相公脫虎口來向淮南謀集兵可憐吳會少淨土剩餘揚州

眞州雙柱撐李公苗公雙忠貞揮戈欲挽虞淵旌相  
公此來會逢適合從或可緩頰成兩淮全力足恢復  
所仗元老爲主盟此策果成事難料三宮未必向北  
平豈知反間忽橫生李公旣心動苗公空淚零相公  
變作劉洙行參從寥寥杜大卿天教孤臣不遽死蘆  
中文人艤舟迎將無岷江之神靈神靈幸脫相公死  
兩淮從此莫扶傾李公頸血碧苗公寨火青夏貴老  
奴竟輸誠神傷閒關出百死再入甌閩開行營空坑  
戰敗五坡繫燕市三年目未瞑魂隨陽鳥返沙汀李

宋元學案補遺

卷八十八

三三四明徵書

約園刊本

公苗公迓九京一慟褻裳朝穆陵百年潦盡寒潭清  
厓山哀歌滿祠亭淮南俎豆亦爭馨壽光柱史扶世  
教繪圖勒石昭精英孫枝一葉尙足徵定是惠州太  
守老雲初相公自具大光明那須異人傳慧燈不是  
神夢告髮繩至今須眉還崢嶸我歌足當廟碑銘

補博士劉須溪先生辰翁

梓材謹案先生嘗登江丞相  
乙門見程雪樓集致樂堂記

附錄

陳定宇曰須溪江古心之愛友文字有好議論惜無全

篇純雅者其學不自朱子來是其天資高後來漸漸迂僻如註杜詩多說得迂晦教人費力解說可怒其人好怪父喪七年不除以此鈞名

補侍郎鄧中齋先生光薦

梓材謹案先生本名刻字光薦見辟疆園宋文選

附錄

文文山爲作東海集序曰東海序者友人客海南以來詩也海南詩而曰東海集者何魯仲連天下士友人之志也友人自爲舉子時已大肆力於詩於諸大家皆嘗

宋元學案補遺

卷八十八

王西四明叢書

約園刊本

登其門而涉其流其本贍其養銳故所詣特深到余嘗評其詩渾涵有英氣鍛鍊如自然美則美矣猶未免有意於爲詩也自喪亂後友人挈其家避地遊宦嶺海而全家燬於盜孤窮流落困頓萬狀然後厓山除禮部侍郎中且權直學士矣會南風不競御舟漂散友人倉卒蹈海者再爲北軍所鈎致遂不獲死以至於今凡十數年間可驚可愕可悲可憤可痛可悶之事友人備嘗無所不至其慘戚感慨之氣結而不信皆於詩乎發之蓋至是動乎情性自不能不詩杜子美夔柳子厚柳州以

後文字也

縣令王先生義端

王義端字元剛富州人受經於廬陵歐陽巽齋與兄義山俱有名以恩監江陵白水鎮遷武岡綏寧令文丞相起兵江西辟與幕議曰事已至此去將安歸涕泣謝之自是終其身不出或勸之仕曰我不能死可復仕乎

程雪樓集

聶先生口

聶口字吉甫號心遠先生口口人與解莊山文文山同

宋王學補遺卷八十八

三五四明叢書

約園刊本

師歐陽巽齋文山家居時先生主其家爲西塾師

解春兩集

解莊山先生夢斗

別見清江學案補遺

趙先生孟僊

趙孟僊黃巖人宋宗室嘗遊廬陵歐陽守道劉辰翁之門文丞相開浙西閩以從事辟之偕行僅五十日而宋亡先生遂隱爲道士又爲僧因自號爲三教遺逸所著

有湖山汗漫集

趙譜

附錄

文文山卒爲文祭之慟絕復蘇臨終口占曰王室之裔

文山之客千古忠赤拱手而逝

戶部戴剡源先生表元 詳見深寧學案

口玉谿先生口 別見槐堂諸儒學案補遺

文山講友

補張先生干載

棹林謹案屈氏習是編載先生名一鸚云文山遇刑日卽竊其首藏之他所繼收其骸骨火化而歸先一日文山之子夢父言吾之體骨感一鸚帶還矣已而果至後人謂生死交情干載一鸚先生之名殆因是而互異耶

王自觀先生幼孫 別見象山學案補遺

宋元學案補遺 卷八十八

王國明鼓書 約園刊本

文山同調

侍郎鄒先生瀾

鄒瀾字鳳叔吉水人後徙永豐少慷慨有大志從文文山勤王補武資至將軍益王立領江西招諭副使聚兵寧都復興國永豐二縣進兵部侍郎兼江東西處置副使及永豐敗從文山閒關嶺道未幾復出開督府分司永豐興國境上北兵驟至脫身走潮州及文山被執亦自殺當是時從文山勤王死事者瀾與劉子俊等凡十

有九人 宋史

機宜劉先生子俊

劉子俊字民章廬陵人嘗中漕試少與文山同里相友善文山開督府興國先生詣府計事補宣教郎帶行軍器監簿兼督府機宜空坑兵敗先生收兵保洞源接應郡縣尋入廣與元兵遇戰敗復招集散亡與鄉瀕同趨潮州文山兵敗被執自詭爲文山意使元兵不窮追文山可閒走也未幾別隊執文山至相遇於途各爭眞贋至大將至始得其實乃烹先生

宋史

府簿劉先生沐

宋元學案禮遺

卷八十八

二七四明叢書

約園刊本

劉沐字淵伯廬陵人文山隣曲也文山好奕與之對奕窮思忘日夜以爲常及起兵辟補宣教郎督府機宜文山出使領兵還文山歸開府南劔先生收部曲來會改授太府寺主簿專將一軍爲督府親衛會空坑兵敗被執至豫章父子同日死焉生性沈實而鬪機晝夜應酬

晷不倦云

宋史

縣令孫先生臬

孫臬字實甫吉州龍泉人獻簡公莽之後文山長妹壻也

雲濠案文山長妹名懿孫

文山起兵檄先生招忠義士補宣教郎



帶行監官告院知龍泉縣文山擁兵出贛里人奉先生復龍泉拒守不下尋爲叛者所陷

宋史

縣令彭先生震龍

彭震龍字雷可永新人文山次妹婿也

雲濠案文山次妹名淑孫

山起兵補宣教郎帶行大社令知永新縣會文山出使被執先生遁歸吉州已失乃結峒獠起兵文山兵出嶺先生接應復永新元兵至爲親黨所執至帥府要斬之

宋史

忠節陳先生繼周

附子集

宋元事舉禮選

卷八十八

三十四明藏書

約園刊本

陳繼周字碩卿寧都人淳祐三年貢於鄉以捕盜功行未奏名授廉州司法歷知永豐高安衡陽縣咸淳十年詔徵勤王文山方守贛州卽日舉兵遣先生問計先生慨然爲具言閩里豪傑子弟與凡起兵之處其爲方略甚詳於是留先生幕中晝夜調度授先生江西安撫司準備差遣率贛士以從先生雖弱不勝衣而年德有以服人士視爲父兄進止疾徐惟指呼無敢先後詔改先生合入官帶行監文思院差充江淞制置司主管機宜及元兵已下贛先生擊兵於農將以有爲贛州總管先

事襲先生父子殺之贈敷文閣待制諡忠節次子鏗從  
文山攻江西病死

宋史

### 少卿陳先生龍復

陳龍復泉州人與文文山同登第歷官太府少卿文山  
開府南劍分司潮州積糧治兵文山賴之及移屯爲元  
兵所襲死焉

姓譜

梓材謹案先生號清岐文山集杜詩稱其沈厚朴  
茂有前輩風流平生所歷州縣皆以清儉著名蓋  
其不免時年  
七十三云

### 朝奉張先生唐

詳見南軒學案

宋元學案補遺

卷八十八

五十四明叢書

約園刊本

### 敢勇張先生雲

張雲吉州人嘗爲敢勇將文山師入衛嘗隸麾下及文  
山以使命被執乃引兵自婺建劔汀取道歸時吉州已  
降謀興復夜襲元兵質明猶戰渴赴水死

明一統志

### 修撰張先生汴

別見槐堂諸儒學案補遺

### 環衛呂先生武

呂武太平洲步卒也文山出使應募從行偕脫鎮江之  
難沿淮東走海道賴其力爲多文山開府南劍以前功  
補官遣之結約州縣起兵相應道阻復崎嶇數千里卽

文山於汀梅挺身患難化賊爲兵以環衛官將數千人出江西以遇士大夫無禮死於橫逆一軍揮涕而葬之蓋其忠鯁出天性不避強禦而好面折人過多觸忌諱故及於禍云

宋史

### 承宣鞏先生信

鞏信安豐軍人爲荆湖都統沈勇有謀本隸蘇劉義部曲文山開督府劉義以之請文山官至團練使同督府都統制江西招討使初至都府文山以義士千人付之則曰此輩徒累人爾乃招淮士數千自隨文山自興國趨永豐元兵追其後戰於方石嶺中數矢傷重不能戰自投厓石而死土人葬之顏色如生贈清遠軍承宣使立廟旌之

宋史

### 督幹蕭先生明哲

蕭明哲字元甫泰和人性剛有膽氣明大節少舉進士文山開府汀州辟充督幹架閣監軍師出嶺先生以贛縣義民復萬安連結諸砦拒守兵敗被執不屈死於隆

興

宋史

司農杜先生澂

別見南湖學案補遺

宋元學案補遺

卷八十八

三四明叢書

約園刊本

檢院林先生琦

林琦閩人也德祐二年元兵既迫臨安先生於赭山結集忠義數千人捍禦海道以功補宣教郎督府主管機宜文字充檢院文山開府南劍佐其幕先生外文采內忠實數涉患難無怨懟辭及潮州移屯俱被執至建康以憂憤死

宋史

幕書蕭先生資

蕭資吉水人丞相幕下書吏通文墨丞相入廣於患難中扶持甚至及空坑兵敗護衛太夫人全督府印有功

宋元事案補遺

卷八十八

三四明藏書

約園刊本

潮陽移屯與元兵遇死之

吉州正氣錄

典樞徐先生臻

徐臻溫州人父官河南德祐元年春往省以道阻會文山勤王往依之以筆札典機密小心精練文山被執先生脫難復來願從文山北行扶持患難備殫忠款至隆興病死

宋史

梓材謹案文山全集集杜詩卷作正將徐榛

都監金先生應

金應吉水人以筆札往來又丞相門下二十年從丞相

勤王授兵馬都監丞相被執左右皆散先生上下相隨  
更歷險難奔波數千里及脫走鎮江以憂憤死

吉州正氣錄

梓材蒞案文山指南  
錄稱其性烈而知義

### 附錄

文山哭金路分詩曰明朝吾渡海汝魄在他鄉六七年  
華短三千客路長招魂情黯黯歸首事茫茫有子應年  
長平生不汝忘

### 縣令何堅白先生時

何時字了翁樂安人文信公同年進士也入江西轉運

宋元學案補遺 卷八十八

三國明叢書

約園刊本

司幕遷臨江軍司理參軍改知興國縣信公起兵辟署  
帥府機宜帶行監文思院信公入衛先生留司吉州下  
先生脫身歸鄉里益王立信公開府南劍先生起兵趨  
興國接引聚兵復崇仁縣未幾元軍奄至兵敗削髮爲  
僧竄迹嶺南賣卜自給自號堅白道人

宋史

### 鄉貢劉先生欽

附鞠華叔顏斯立顏起巖

劉欽字敬德吉水人鄉貢士有風節上下古今健於議  
論行府至汀先生來就招諭使鄒淵北軍奄至死於亂  
兵同死者鞠華叔顏斯立顏起巖皆吉之豪傑

吉州正氣錄

梓材謹案先生號絜舻文山集有賀劉敬德補入  
太學書又文山答歐陽祕書承心制說云此母適  
劉生男曰欽出繼於黃塘  
劉氏未知其別一人否

### 右科劉先生伯文

劉伯文字政平吉水人以武舉賜第從文丞相勤王景  
炎二年督府駐輿國先生受檄結約遠近至袁州仰山  
廟爲巡兵所執搜其行李得文書甚多先生慷慨自引  
一不以累人獨斬於市家屬徙燕 吉州正氣錄

### 安撫易先生相

易相廬陵人官直學士安撫使從勤王復吉贛駐師廬

宋元學案補遺 卷八十八

三三四 朔方叢書 約園刊本

陵旬日間敗於方固石下死之 吉安府志

### 鍾先生寅

鍾寅廬陵人文丞相空坑兵敗與劉欽等合戰死之 吉安府志

### 義士梁先生和叔

梁和叔龍泉人咸淳盜起集義兵保障鄉里後文丞相  
領兵討賊先生傾貲運餉賊平丞相曰此非吾之能乃  
汝之功也 吉安府志

### 縣尉陳先生應乙

陳應乙吉水人公安縣尉因忤賈似道乞歸後從文丞相勤王有功

吉安府志

計議劉先生箬

劉箬永豐人咸淳進士素以節義自許元兵入臨安三宮北遷先生撫膺大慟既聞益王卽位於福州乃徒步至行在從文丞相勤王授軍前計議後與元兵戰歿於陣

邑志

招討方先生興

方興字義軒臨湘人宋亡與張世傑文天祥共圖恢復

宋元學案補遺 卷八十八

江西通志 卷八十八

約園刊本

以功加招討使死厓山之難

一統志

義士張先生瑛

義士張先生珩

合傳

張瑛張珩皆吉水人周貧三十餘年丞相募義士勤王先生兄弟從募俱死於兵

吉安府志

招討錢先生申叟

附弟翔龍

錢申叟名淵龍吉水人文丞相勤王以先生爲招討副使率兵復泰和會元帥李恆遣偏師至力戰鍾步與弟翔龍同日死之丞相被執北行過戰場爲文祭之

吉安府志

忠義吳先生希奭

吳希奭安福人

梓林案督府忠義傳作攸人云其先世積善急義鄉里德之

文丞相

起兵自以名通於督府聚眾數千復袁州萍鄉與北兵會據險待命以眾寡不敵一門三十口俱死

吉州正氣錄

參謀胡先生文可

附弟文靜

胡文可字可山泰和人有謀略便騎射文丞相起兵先生從之參謀禮為上賓先一夕丞相夢火為更名夢炎丞相敗先生亦被執脫歸後集兵赴難而死其弟文靜先授提督時無敢拒北兵者拒即屠而泰和已下乃招

宋元學案禮遺

卷八十八

三五四明叢書

約園刊本

致文靜不屈曰寧死不負趙氏竟死之而一家屠

吉安府志

通判熊先生桂

熊桂湘潭人咸淳十年進士通判贛州年七十餘與趙璠張唐同起兵復衡山等縣明年督府文丞相兵敗人心失望元行省兵復陷所復諸縣先生被害并屠其家

督府忠義傳

縣尉王先生夢應

王夢應字聖與攸人咸淳甲戌進士調廬陵尉與陳子全等通於督府文丞相復萍鄉縣袁州總管遣來萬戶



舉兵來爭先生率數百人遇於明州嶺戰數合北軍敗走未幾益兵再大戰北軍又遁餘兵奔袁州會傳永新兵敗督府師潰其眾亦潰先生竄歸收淮潭散遣舊兵已卯春厓山已亡乃率數百人閒行入永新境依顏明叔後其眾復散先生母妻兒女皆歿惟一身存

督府忠義傳

### 譚先生端伯

譚端伯字應元茶陵人文山舉兵勤王先生率族眾應之文山與之劄曰湖南九郡爾實統之後爲元兵所獲令其供狀先生書曰兩手撥開南浦雲人誰似我一口

宋元學案補遺

卷八十八

三十四明徵書

約圖刊本

吸盡西江水我自擔當竟不屈而死

楚紀

縣尉梅裕堂先生寬夫

別見滄洲諸儒學案補遺

### 成忠桂先生子恭

桂子恭字伯允貴溪人以破蔡功授瑞州都監謝疊山貽書文山曰子恭忠銳沈鷲許國馳驅志大而任不稱尋從孟洪朝陵寢洪閱其行囊惟習氣說一帙洪入朝

奏其忠潔遷洪吉臨三府都延使授成忠郎卒

江西通志

### 邑博王先生奕

別見存齋晦靜息庵學案補遺

### 架閣吳先生名揚

吳名揚字叔瞻金溪人咸淳進士文信公勤王拔置賓  
幕奏除禮兵二部架閣踴躍赴義意氣傾動一時

江西通志

縣令薛先生魁祥

附顧近仁

薛魁祥字壯行平陽人有文行登咸淳進士授淳安尉  
宋革命遂棄官在汀著書辟連江宰不就每與文文山  
言及宋祚輒歔歔流涕其忠憤見於詩辭有河渚詠史  
等作同郡顧近仁字力行才器雋邁亦以革命不仕學  
者尊之曰江南先生有詩萬餘首名小慚集

溫州舊志

侍郎徐先生卿孫

宋元學案補遺 卷八十八

三七四明叢書

約園刊本

徐卿孫字麒仲

梓材案文山  
集作麟仲

清江人在宋起身儒科卽

以治縣最當時升朝一再遷爲御史爲諫官垂三年初  
見卽以勵人才飭軍政結民心三事爲告繼是累十百  
疏反覆諄切無非論邊之日取足謀帥而拔李芾於久  
廢薦文天祥於列郡以襄事而陳李庭芝之決不可用  
卽責時宰陳宜中循行故事如坐而待亡官至尙書兵

部侍郎

元文類

張哲齋先生和孫

張和孫號哲齋臨海人文丞相自通州泛海過其家爲

題綠漪堂有清風隨地到直節與天通之句且約其舉  
義先生欣然聚海艘移檄召募後張宏範至見壁間檄  
捕得之先生曰吾生爲宋民死爲宋鬼遂遇害

台州府志

都將牟北藜先生大昌

附從子天與

牟大昌字逢明號北藜黃巖人性忠義驍勇絕倫宋末  
應文信公義檄與姪天與聚兵勤王浙東提刑杜淵聞  
其賢辟爲都將天與副之未幾元陷台州率眾禦之題  
其幟曰大宋忠臣牟大昌義兵今起應天祥等語遇於  
黃土嶺力戰而死元兵屠其家

台州府志

宋元學案補遺

卷八十八

三六

四明叢書

約園刊本

### 趙先生時賞

趙時賞字宗白和州宗室也居太平州咸淳元年進士  
第知旌德縣德祐元年北軍至境先生擁民兵捍戰有功  
升直寶章閣軍器太監從二王入閩中益王卽位擢  
知邵武軍未幾言者以棄城論罷之文丞相開都督府  
於南劍奏辟參議軍事江西招討副使與宗室孟滌提  
兵趣贛州取道石城復寧都縣數以偏師當一面戰比  
有勝先生風神明俊議論慷慨有策謀尤爲丞相所知  
及空坑之役兵敗走吳溪爲追兵所執不屈死之

宋史

吳先生文煥

林先生棟 合傳

吳文煥官督府架閣林棟官督遣皆閩士有幹實宣勞  
幕府空坑之敗被執尋遇害 文山全集

謝先生杞

許先生由 合傳

李先生幼節 合傳

謝杞官督機祕書許由李幼節並官督幹架閣閩士之  
秀皆登科祕書太學名士空坑之敗不知所終 文山全集

宋元學案遺 卷八十八

三五 四明叢書

一約園刊本

僉書蔡先生蒙吉 附師侯安國

蔡蒙吉程鄉人生而穎悟八歲能背誦五經從福建鄉  
貢進士侯安國學春秋了其大義登寶祐四年進士第  
授從政郎韶州司戶兼司法未上而值世變郡守湯執  
中檄權梅州僉書事義兵總督德祐二年冬元招討使  
易正陷梅州先生被執正大舉兵趨潮州羈先生於興  
寧使其下陳一元權知興寧守之先生罵曰吾知盡忠  
報國耳詎肯苟生耶爲一元所殺暴其尸三日顏色不  
變一元異而瘞之時年三十有二明年三月文信國復

梅州嘉其忠爲文祭之收骸骨歸葬其鄉

廣東戴志

樞密陳蓮峯先生肅

陳肅字文端海陽人宋末避亂鮑江教授蓮花山下講明正學文文山過潮召見與語奇之檄爲參謀不就至元初以賢良應聘賜第舉署總管府事累遷樞密同知卒所著有蓮峯集

廣東黃志

附傳

張先生履翁

顏先生斯理

合傳

宋元學案續遺 卷八十八

四十四明叢書

約園刊本

張履翁顏斯理俱永新人與彭震龍同舉義兵歿血城守值元兵突至有劉磐者爲內應城遂破三人被執不屈同時死之里人稱三姓爲勤王忠義之家

吉安府志

上舍鍾先生克俊

鍾克俊龍南人轉運使佻之後也國學上舍生聞三宮北遷糾集義旅知勢不可爲登馬祖巖遙望中原悲歌賦詩有自許有身埋漢土終憐無淚哭秦庭之句遂赴

龍頭江而死

人物志

教授杜帶溪先生抑之

附師李梅亭

杜抑之字伯陽號帶溪崇仁人李梅亭高第嘗官教授  
文山之弟之師也文山與書云吾弟一出幸無他徵執  
事教訓何以臻此

文山文集

劉鄧講友

奉訓楊先生壯行

楊壯行字伯學眉山人參知政事棟之曾孫自父南安  
路總管公畿居廬陵先生倜儻好學問喜交游一時名  
人若鄧中齋劉辰翁皆忘年與之游以父廢除修武校  
尉至廣西慶遠南丹安撫司經歷以疾告老授奉訓大  
夫衡州路管府判官致仕

道園學古錄

宋元學案補遺

卷八十八

罕二四明叢書

約園刊本

文氏家學

教諭文先生天禎

文天禎廬陵人丞相兄也寶祐閒鄉舉署廣濟學教諭  
造士有方士風不變宋亡丞相死節先生不仕寓廣濟  
之五里橋東家世業儒

湖廣流寓志

元剛學侶

提學王稼村先生義山

王義山字元高富州人學工詞賦宋景定進士知新喻

縣歷永州戶曹湘潭縣豪與李氏爭田不遂獻之學先生引春秋齊人來歸汶陽之田書來歸者心悅而歸者也李非心服先聖其肯受乎以還李姓入元提舉江西學事退老東湖之上環所居皆種蓮名其堂曰君子又於先廬之側扁其所曰稼村學者稱稼村先生所著有稼村類稿

江西通志

稼村遺文

生初古歟古則三代有之矣非古也三代以前吏皆循不循吏名吏皆良不良吏名班固稱堯舜文武循吏之效固自言耳皆尚書所無有漢傳循唐傳良已不古傳而祠又不古

臨江章侯心祠記

文山家學

隱君文先生應麟

附子起東起南

文應麟吉州人丞相諸孫倜儻尚志節景定中丞相弟璧守惠州先生與之偕屢勸璧修城堞建樓櫓積芻蕘糧儲以嚴守備璧易其言及元兵至竟以城降先生恥之攜二子起東起南遁於東莞之東渚遂家焉今其子孫日蕃爲名族

廣東黃志

宋元學案續編

卷八十八

五三四明叢書

一約園刊本

梓材謹案廣州志云璧以城降先生哭曰城亡與亡職也奈何墮家聲挈其二子遷於東渚以事龐畝深自引匿終身不至城市云

文山門人

補 上舍王梅邊先生炎午

吾汶稿

臣子之於君父臨大節決大難事可爲則屈意忍死以就義必不幸則仗大節以明分故身執而勇於就義當以臬卿張巡諸子爲正

丞相不死當有死丞相者矣死於勢死於人以怒罵爲

宋元學案補遺

卷八十八

四明叢書

約園刊本

烈死於怒罵則肝腦腎腸有不忍言者矣雖湯鑊刀鋸烈士不辭苟可就義以歸全豈不因忠而成孝

以上並生祭文

丞相文

禮非孔子不議然漢立原廟原重也且廟於所嘗幸郡國至宣帝時合一百六十七所諸陵不與焉漢不必論也周公制禮者也魯周公之後也周公祀文武於洛邑魯建公別廟於許田非耶此禮之變而厚者也朱文公以洛祀文武爲得禮之意漢明帝遺詔無起廟今文武官之私廟此有其祀有其時有其財者王珪以寢廟



被劾下至豪門富室貯聲伎藏貨賄列棟連臺猶以爲  
隘誰能爲先人專掃一室者此禮之變而薄者也禮以  
義起觀過知仁過而薄行道之人猶或非之過而厚聖  
人復起不能禁也

張縣尉舊祠堂記

附錄

揭曼碩書王鼎翁文集後曰文丞相之死國必不係於  
王鼎翁之文其文見不見又不可知而鼎翁之志則甚  
可悲矣

歐陽原功序吾汶稿曰王鼎翁字宙奇士也士之趣人

宋元學案補遺 卷八十八

四明叢書

約園刊本

以自裁者惟朱雲於其師蕭望之然望之特一身計耳  
鼎翁之爲言爲天下萬世之爲人臣者計也嗚呼雄哉  
教授趙先生文

趙先生彊

合傳

趙文字惟恭又字儀可廬陵人三貢於鄉仕南雄府教  
授與弟彊同出文丞相之門嘗從勤王於軍政多所參  
決彊死於軍中先生請歸養所著有青山集

江西通志

梓林謹案辟彊園宋文選載先生注

泉雲詩序自稱廬陵青山趙文儀可

張先生慶之

張慶之字子善其祖從建康徙吳先生少有志操爲舉子業速長棄不習出入經史百氏精思績學擬太玄作測靈又撰孔孟衍語絕意仕進初文文山知平江先生齒諸生之列洎宋亡集杜詩備述文山平生大節

姓譜

### 陳先生子敬

陳子敬贛州人以貧雄鄉里嘗從文文山遊文山闔汀洲先生募集民兵屯卑口據下流及文山攻贛先生與合謀忠效甚著後不知所終

宋史

### 知州繆先生朝宗

宋元學案續編

卷八十八

學五

四明叢書

約園刊本

繆朝宗淮陰人環衛官知梅州有忠義嘗從文文山於平江文山歸福安又自婺聞道以從

姓譜

### 從仕蕭先生燾夫

蕭先生敬夫

合傳

蕭燾夫永新人與兄敬夫俱文山客先生爲詩有豪俊氣文山起兵補從仕郎及彭震龍謀復其縣先生贊之縣受屠兄弟俱死之

宋史

梓材謹案文山集杜詩稱先生工詩與字從余出力久其兄詩尤豪傑亦嘗客吾門是先生兄弟皆文山門人又文山觀大水記云時館中有臨川杜伯揚義山蕭敬夫是敬夫爲文山門人之證

梅邊講友

簽判劉先生應鳳

劉應鳳字堯舉

梓材案元作應鳳字克舉茲從王梅邊生祭文丞相文序語改正

安福

人咸享癸酉鄉試明年對大廷以言忤時相寘第五授簽判元兵逼江南嘗署建昌軍事以時事日非遂隱去以文自娛然好尚莊子戰國策故人謂其文有霸氣文丞相被執先生過王鼎翁對牀賦詩憫之有天留中子墳孤竹誰向西山飯伯夷之句

吉州人文紀略

彭先生逢達

朱子學案補遺

卷八十八

四庫全書

約園刊本

彭逢達字元觀口口人王炎午之友也授徒其里嘗悵惘如有所失旦日以御酒肉告神明爲事問之則曰余九歲喪父而母復失明居危地遭厄運扶攜保抱教養冠昏使能挾策四方皆母廢目中所爲者今且十二年矣初謹醫治望其愈今不可治無復望矣每言罷輒悽斷一日告炎午曰日收家報母鼻左患剝而左目明未幾右亦如之君每爲余有母喜且爲吾母失明惜敢不以告炎午曰盛彥螭感泣劉元棄官歸養而二母廢目爲之瞭然今子無二子之遭而母目自開其必佑於

神明有自來矣雖然目本於肝氣而養於腎水今以七  
衰之年腎水必衰十二年喪明其疾已痼以痼遇衰明  
恐其暫何不亟歸使母識子遂取果餌納之袖而亟之  
歸又四年而其母卒

吾汝稿

梅邊同調

文學方存雅先生鳳

縣丞吳全歸先生思齊

並詳龍川學案

隱君巖高節先生侶

詳見木鐘學案

文山私淑

宋元學案補遺

卷八十八

四明叢書

約園刊本

信先生世昌

信世昌字雲父東平人公子無忌之後嘗爲太常丞北  
方之儒也隸陵都陵都使伴文山文山稱其知古今識  
道理中原遺黎甚惓惓於本朝作詩見贈云宗廟有靈  
賢相出黔黎無害大皇明京師爲之傳誦其大意以爲  
高麗地方數千里昨喪其半遂稱藩大元喜其不拒并  
侵疆歸之今傳如故大宋衣冠正統非高麗比北必不  
敢無禮於吾社稷也

文山指南錄

龔先生開

龔開字聖子淮陰人少負才氣博學好古尤邃經術宋亡節操孤峻嘗作文天祥陸秀夫傳吳萊稱其不減遷固詩老蒼有骨肉

姓譜

### 滕先生堞

滕堞字仲復婺源人生宋末入元義不仕嘗求文丞相遺墨得所書過金陵驛詩日懸於堂焚香拜泣過西湖拜岳將軍墓賦詩以摑憤鬱時稱其學會朱陸而得其同云

姓譜

### 須溪門人

宋元學案補遺 卷八十八

四明叢書

約園刊本

### 戶部戴剡源先生表元

詳見深寧學案

### 撮合劉先生元

父口

劉元字仲元吉水人父大庾尉饒財仗義建義塾於吉水故城延四方學者聘劉須溪先生爲之師先生爲高弟子元初辟爲掾累攝吉水令而邑大治日以其暇講學於鄉先生周衡齋聶心遠曾古澗劉介軒夏靖軒梁奎峯解莊山造詣高明辭官卒業解伯中觀我其壻也

解春  
雨集

### 縣佐易先生立中

易立中字中甫太和人少登劉大博先生之門藁濱膏馥呻畢弄翰往往度越流輩旣而以才選從事古豫章郡調臨川宜春例陞縣府史之長得章貢雋都至縣未及上以疾卒

吳文正集

鄧氏門人

補承旨張澹庵先生珪

附錄

虞道園誌其墓曰公資本高明又輔以學力積世勲崇期世其家以經濟自任臨事決議侃侃正色勇於敢言干判萬折人所不堪公志不爲少變而氣益昌雖貴倖臨之姦黠侮之公一以誠慤自處久之而各失其所恃者多矣究而論之蓋古所謂社稷之臣者乎

徐果齋先生口

附子舜輯

徐口號果齋出入信庵中齋之門子舜輯陸子方送之詩曰彥霖父子魏公客持國之兄招不得豪華落盡漳水流主人石眠扁醉白天傾地坼古今愁浣花窮殺老參謀窗寒雪壓燈昏夜門靜蟲吟葉落秋平生故人渺江浦誰往省之遺宗武惜哉赤白兩洪崖敢道交情棄

如土回舟蘋浦思依依窗憶桃花鱗繪肥竹西騎鶴不可去西州萬里將安歸南山之陽木已老南山之陰木已稿不信春風吹不蘇珍重歲寒宜自保

牆東類稿

梓材謹案信庵未知何人豈卽信國耶

聶氏門人

文先生璋

文先生口 合傳

文璋文山季弟又從弟佚其名文山與聶吉甫書云先人季子生二十年矣號曰學文實未知方有從弟一人

宋元學案補遺

卷八十八

辛

四明叢書

約園刊本

同堂而習年相若而學相似也閣下肩與之盟豈惟二子得以受教云

文文山集

梓材謹案文山集又有與孫子載書註云季弟與從弟從學又與周德甫云爲季弟從弟聘

何氏家學

縣尉何竹洲先生天聲

何天聲字德載樂安人了翁時之弟也舉進士得官先生夙悟十二而孤母兄束之於學以遂有成是爲竹洲先生初尉曲江干擻有聲蚤緣伯氏獲識文信公及在兵閒因相上下志與事異幡然來歸餐英枕石者二十

三年而後卒

程雪樓集

徐氏家學

主簿徐先生必茂

附子鑑

徐必茂字幼學南昌人宋侍郎卿孫之子侍郎自官衡山居朝所從師皆名當世士講授經學涉知源委家庭因事設教雖酌接萬變必本深厚先生服行唯謹嘗輯其語作家傳遺事以誡子孫丁侍郎憂葬祭禮無違者每之墓所輒孺慕如初侍郎有文稿若干卷燼於火先生購求百艱卒校讎爲定本思弗泯先德得侑祠於學

宋元學案續編

卷八十八

五十四明叢書

約園刊本

宮待侍郎之師友已所從師子弟必曲盡恩意季妹適文丞相之子陞館屋西偏情義款洽研訂經史日書一事取切於進修者夜聚羣從講習及所著談叢多要語也嘗受命尉潭之長沙主汀洲上杭簿以母老不肯晨昏離左右最後遺其子鑑從師王某遊京師得廣交道益見聞云

鄧巴西集

鍾氏家學

學正鍾一峯先生柔

附師劉巖

鍾柔字元剛龍南人宋忠義克俊之子也生甫一歲宋



初改物兵燹猶未息祖母吳氏母劉氏挾之走南雄既  
長歸從鄉先達雷州推官劉震游融貫經史子集諸家  
握筆頃刻千餘言廣東帥閩及海北廉訪使者交薦之  
署雷州學正辭歸講授從者數百人共推尊之號曰一  
峯先生所著書有諸經纂說易書詩衍義敝帚集

宋文憲集

### 山長鍾先生恕

鍾恕字以行柔子至正鄉貢進士署濂溪書院山長不  
赴薦學勵行不墜家聲

人物志

### 稼村門人

宋元軍案補遺

卷八十八

至四明藏書

約園刊本

### 何先生異孫

何異孫□□人著有十一經問答五卷楊東里云此書  
爲小學設所謂十一經者書詩春秋儀禮周禮禮記論  
語孝經大學中庸孟子不及於易者非小學所及也

經義考

梓材謹案四庫全書著錄十一經問答提要舉其  
第一卷中論論語莫春者稱王稼村先生於杭州  
府學講此章稼村爲王義山之號義山宋進士入  
元官江西儒學提舉何氏及見其講經則當在元  
初據此則先生嘗  
在稼村講席下矣

### 仲元家學

劉先生仕先

劉仕先仲元子學於家

解春雨集

隱君劉章江先生珣

附子同孫均

劉珣字道章仕先子學者稱章江先生平生未嘗發一非禮之言鰥居四十年如一日讀書絕欲一榻蕭然君子咸以爲難少時學易冬不附爐夏不揮扇造次顛沛書冊未嘗去手奉親避亂所至遇盜賊不忍肆皆曰此劉孝子也誠敬之積感動人如此洪武辛亥有司強舉至京師以贖辭還杜門不出門人子孫受學者教之子

宋元學案補遺

卷八十八

五三四明叢書

約園刊本

同克肖隱德孫均字宗平嘗夜誦習諸經史性命道德之說先生亦自誦以助其勤每至達旦因命爲縣學生曰其以行吾所學爲耳必勉之宗平官翰林檢討

解春雨集

仲元門人

鄉舉解先生觀

詳見草廬學案

蓮峯家學

廉訪陳先生元龍

陳元龍字仲章文端孫以經明行修授福建廉訪使政聲洋溢以疾歸隱龜山闡明濂洛之道戴希文嘗從學

云 廣東黃志

陳氏門人

隱君戴野民先生希文

戴希文名昌以字行海陽人博通經史不樂仕進自號野民敦行誼鄉人宗之至正間總管王翰治潮值寇賊搶攘學校廢弛乃聘先生主教事著有航錄行世

廣東戴志

宋元學案補遺

卷八十八

四明叢書

一約園刊本

宋元學案補遺卷八十八

宋元學案補遺卷八十九

目錄

介軒學案補遺

考水先緒

補

胡先生師藝父允濟

曹氏先緒

曹先生口

黃程門人

補

董先生夢程

宋元學案補遺 目錄

四明叢書  
約圖刊本

槃澗門人

補

董先生琮

補

程先生正則

附傳

余先生木

張先生葆舒

胡氏家學

胡先生斗元詳下朱氏門人

朱子私淑

補 曹先生涇

曹氏學侶

鮑先生壽孫

方回 別見西山真氏學案補遺

陳先生櫟 詳見滄洲諸儒學案

竹洲先緒

馬先生廷鸞

補 介軒家學

補 董先生鼎

宋元學案補遺 目錄

介軒門人

補 沈先生貴瑄

補 胡先生方平

補 許先生月卿

玉齋講友

汪先生深

山屋講友

補 齊先生魯瞻

山屋同調

四明叢書  
約園刊本

孫先生嵩 附弟彪

項先生天覺

怡堂學侶

齊先生夢龍

古山門人

補程先生時登

桃谷家學

補余先生芭舒

桃谷門人

宋元事案補遺 目錄

三四明叢書  
約圖刊本

補王先生希旦

余氏門人

徐先生子鄧 附師舒成大

朱氏門人

補胡先生斗元

曹氏門人

補馬先生端臨

馬先生端復

沈氏門人

補 范先生啓

齊先生魯瞻 詳上山屋講友

玉齋家學

補 胡先生一桂

山屋門人

補 江先生凱

補 程先生榮秀

汪先生炎昶 詳下孫氏門人

程先生直方 別見張昶諸儒學案補遺

宋元學案補遺 目錄

四 四明叢書  
約園刊本

孫氏門人

補 汪先生炎昶

江先生凱 詳上山屋門人

節初家學

齊先生琦 別見張昶諸儒學案補遺

登庸門人

操先生琬

朱先生坦 別見雙峯學案補遺

考水家學

補 胡先生炳文

考水門人

俞先生洪

雲峯講友

程先生琰

雲峯同調

補 胡先生浚

曹氏門人

夏先生達才

附師宋士嘉子宏毅

宋元學案補遺 目錄

五十四明叢書

約園刊本

深山家學

補 董先生真卿

汪氏門人

趙先生汧

詳見草廬學案

息齋家學

補 余先生仲敬

雲峯家學

胡先生醇父

雲峯門人



補 程先生仲文

補 王先生儼

程先生可紹

姚先生璉

張先生存中

吳先生性初

汪先生克寬

詳見雙峯學案

雲峯私淑

顧先生權

父達卿

宋元學案補遺目錄

六四叻叢書

約圖刊本

雙湖續傳

董先生養性

宋元學案補遺卷八十九

後學 鄧王梓材 同輯  
慈谿馮雲濠

介軒學案補遺

考水先緒

補 胡易簡先生師夔 父允濟

胡師夔婺源人本出江南李氏金陵圍急逃來寄姓爲胡其子昌義遂以明經中科九世至國子司業仲與汪內翰藻齊名弟侃亦著書有棣華集又三世至先生父允濟徙考水以學行推擇爲鄉校正先生通五經尤精

宋元學案補遺 卷八十九

一四明叢書  
約園刊本

易撰史纂是爲易簡居士一門十餘葉紉素相傳號明

經胡氏 戴刻源集

曹氏先緒

朝奉曹敬齋先生口

曹口號敬齋清父涇之父方桐江祭曹朝奉文稱其有才甚高有學甚奧于國可斷于王可謀謂科第九世在其子矣復場屋其焉求身立四朝田野昇平而閒暇年登九袞歲時康健以優游視太公而過之與四皓乎爲儔彼當世之士勢燄薰天而聲名掃地曾未若此之無

愧而心休 方桐江集

黃程門人

補 州判董介軒先生夢程

梓材謹案元史胡庭芳傳云初饒州德興沈貴瑄受易于董夢程夢程受朱熹之易于黃榦是介軒之得傳于勉齋者易學也

附錄

張純愚答陳定宇書曰吾鄉自式車董介軒先生開其源式車吳菊園先生貢士沈毅齋先生浚其流提幹許山屋先生考亭山長朱小翁先生式車齊怡堂先生兄弟太常簿汪溪陽先生主簿胡餘學先生數者先後相續不但文辭古雅而以近思錄爲四子之階梯以四子爲六經之階梯必使人人習之邇來雖有較競病弄平仄者彼自彼此自此不相侔也

槃澗門人

補 董復齋先生琮

雲濠謹案萬姓統譜言先生號復齋慶元間進士任龍陽簿明程朱之學

補 程古山先生正則

梓材謹案許氏狀程先生時登云德興槃澗董先生銖得考亭夫子之傳其鄉隣有程正則先生亦

私淑考亭之學似先生別  
有師承非卽槃澗弟子也

附傳

余先生木

余木德與人少孤與弟季芳力學事母 饒州府志

張先生葆舒

張葆舒號虛緣德與人著有書蔡傳訂誤 江西通志

胡氏家學

孝善胡先生斗元 詳下朱氏門人

朱子私淑

宋元學案補遺 卷八十九

三四明叢書

約園刊本

補主簿曹宏齋先生涇

宏齋遺文

微士自淳祐壬子歲魏公靜齋克愚來爲守始知服深  
衣蓋由特製賜紫陽生涇在列焉靜齋之先君子鶴山  
先生精于經是必合法自是同儕轉相倣慕人具一通  
學校期集用準襴襪以爲簡便然習而不察一仰成于  
縫人行之且五十年而予亦六十七歲耄矣其不察猶  
夫人也陳君壽翁以舊說見教訓故敘次若出于其自  
爲言而未嘗不本之先儒要其歸于經意卒無背也其

爲說字字研審其大節目則曲裾圓袂之辨衣裳幅數連屬之當令人一見渙然至于以兩句十四字爲續衽鈎邊之訓酷似孟子說詩例比呂氏尤爲峻潔而鄭氏之云亦可因是推之以還本自然微壽翁鄭意晦矣嗚呼古大人格物之學也人人于讀書遇事平心而玩觸類而長如此亦何經之不可窮何理之不可通而何事之不可處哉

跋陳壽翁深衣說

### 附錄

至元中授紫陽書院山長招致生徒創闢學宮及歸養

宋元學案補遺

卷八十九

四 四明叢書

初圖刊本

不復出州里士林宗之

陳定字曰宏齋每歸休寧其族人爭相留款公曰喫無錢之酒食害有益之光陰遂亟去

又雲萍小錄曰櫟于先生自少景慕不啻水之江星之斗也丙申二月入泮道過長林橋因納拜謁館下先生欣然與進降屈年德加平生歡自此相獎借訓誨者甚至雖慈父哲兄之我愛良不是過自丙申至庚子無歲不見無月不書愛之有加焉無替也

又祭先生文曰吾郡鉅儒方公萬里疇其亞之曰曹夫

子三百餘年止莪豐苞長育涵濡或克有此止齋之大  
晦庵之理萬選萬中勿游肯綮已未別闢以次名擬官  
題小誤暫尼芳趾戊辰高科筮仕方始使早十年明堂  
杞梓豈近鼎革句稽而止此何足言言聊爾爾倦仕養  
親蘭膳嘉旨僅長紫陽爰淑多士元祐全人無瑕可指  
方之方公節尤奇偉不爲公惜翻爲公喜學者宗師斯  
文統紀永棟孔堂願何窮已忽乃風傳公疾不起驚呼  
失聲吾願已矣

曹氏學侶

宋元學案補遺 卷八十九

五十四明藏書 約園刊本

漕舉鮑先生壽孫

鮑壽孫字子壽歙縣人宗巖子先生早慧中咸淳漕解  
第一時年甫十八至元丙子郡將李世達軍叛郡賊竊  
發富者皆不能免或拽先生父子至賊所父子爭代死  
賊心憐之願求索不已忽大風起叢林間疑有騎軍至  
遂散父子俱免 歙縣志

梓材謹案歙縣志學校西疇書院在棠樾宋鮑壽  
孫元曹湮方同皆講學其中是先生亦講學者而  
獨以宋別之則先生

之節高于曹方矣  
雲濠謹案先生號雲松方桐江爲鮑子壽詩集序  
云鄉先達丞相程公元鳳奏補君門客登仕郎前

浙東提刑汪公應元丞相表弟君祖母夫人乃其姊教君業童子科君母吳夫人乃梅齋鄉先生吳公之女孫早誨以外家之傳其文獻所自如此而加以世德積善云云可以見其淵源矣

知州方虛谷回

別見西山真氏學案補遺

鄉舉陳定宇先生櫟

詳見滄洲諸儒學案

竹洲先緒

丞相馬玩芳先生廷鸞

馬廷鸞字翔仲樂平人甘貧力學里人聘爲童子師遇有酒食饋則念母藜藿不給爲之食不下咽淳祐進士調池州教授以禮帥諸生累遷太學錄召試館職時外

宋王學案補遺

卷八十九

六十四明叢書

一約園刊本

戚謝堂厲文翁內侍盧允升董宋臣用事先生試策言彊君德重相權收直臣防近習大與時迕遷祕書省正字丁大全雅慕先生欲鈎致之先生不爲動試策稍及大全及當輪對大全私謂王持屢往囑焉先生素厚持屢密露大意持屢給曰君猶未改秩姑託疾爲後圖乎先生曰此微臣千一之遭其何敢不力持屢以告大全乃候對殿門格不得見翼日劾罷宋臣遣八廂貌士索奏稿稿雖焚聞者浸廣忌者愈深而先生之名重天下開慶元年吳潛入相召爲校書郎景定元年兼沂靖惠

王府教授權樞密院編修官時賈似道自江上還位望赫奕先生未嘗親之遷編修擢起居舍人薦士二十人進中書舍人歷遷禮部侍郎咸淳元年進端明殿學士三年同知樞密院事五年參知政事進右丞相八年九疏乞罷政九年知紹興府浙江安撫大使度宗初年詔詢故老專以修攘大計叩之趙葵極意指陳似道作色先生辭相位帝惻怛久之曰丞相勉爲朕留先生言臣死亡無日恐不得再見君父然國事方殷疆圉孔棘天下安危人主不知國家利害羣臣不知軍前勝負列

宋元學案補遺

卷八十九

七四明叢書

約園刊本

闕不知陛下與元老大臣惟懷永圖臣死且瞑目頓首涕泣而退自罷相歸又十七年而卒所著六經集傳語孟會編楚辭補記洙泗裔編讀莊筆記張氏祝氏皇極觀物外篇諸書

宋史

雲濠謹案先生著有尚書蔡傳會編又儀禮本經疏會九卷經義考並云佚

碧梧經說

書序自爲一編故以昔在帝堯起于篇首後接舜典則曰虞舜側微接禹謨則曰皋陶矢厥謨禹成厥功益足證古序自爲一篇而相續之辭如此蓋史氏舊文也今



史記序傳亦自爲一篇

儀禮爲書于奇辭奧旨中有精義妙道焉于纖悉曲折中有明辨等級焉不惟欲人之善其生且欲人之善其死不惟致嚴于冠昏朝聘鄉射而尤致嚴于喪祭後世徒以其推士禮而達之天子以爲殘闕不可考之書徐而觀之一士也天子之士與諸侯之士不同上大夫與下大夫不同等而上之固有可得而詳者矣周公之經何制之備也子夏之傳何文之奇也康成之注公彥之疏何學之博也

宋元學案補遺

卷八十九

八四明叢書

約園刊本

梓材謹案前條蓋蔡傳會編中語後條則先生序儀禮本經疏會也

愚按記不隨經注疏各爲一書讀者不能遽曉此猶古易之彖象文言繫辭各自爲書鄭康成所以欲省學者兩讀而爲今易也文公于禮書之離者合之于易書之合者離之亦學者所當知也

附錄

方桐江丞相大觀文馬公先生挽詞曰四載咸淳相艱哉去國情極知幾事密或遂好謀成董卓傲荀爽陳桓免屢嬰爲公翻左漢尚覺寸丹明

又曰病篤辭台席明年遂失襄少容公展布豈遽國危  
亡此老爲微子吾君類偃王欺孤木綿鬼寸斬亦何傷  
周公謹浩然齋視聽鈔曰留有餘不盡之巧以還造物留  
有餘不盡之意以還朝廷留有餘不盡之財以還百姓留  
有餘不盡之福以還子孫馬碧梧常題于壁不知誰語也  
介軒家學

補董深山先生鼎

粹材謹案明一統志言先生受業于黃榦得其端緒

讀尙書語

宋元學業補遺 卷八十九

九四冊藏書 約園刊本

一書之中其于明德新民之綱修齊治平之目卽堯典  
已盡其要而危微精一四言所以開知行之端主善協  
一四言所以示博約之義務學則說命其入道之門爲  
治則洪範其經世之要也他如齊天運則有義和之曆  
定地理則有禹貢之篇正官僚則有周官之制度修己  
任人則有無逸立政諸書煨燼壞爛之餘百篇僅存其  
半而宏綱實用尙如此故嘗謂六經莫古于書易雖始  
于伏羲然有卦未有辭辭始于文王爾六經莫備于書  
五經各主一事而作耳易主卜筮卽洪範之稽疑也禮

主節文卽虞書之五禮也詩主詠歌卽后夔之樂教也  
周禮設官卽周官六卿率屬之事也春秋褒貶卽皋陶  
命德討罪之權也帝王修齊治平之規模事業盡在此  
書學者其可不盡心焉

梓材謹案先生子真卿跋尚書輯錄纂注云先世  
以來多習書經先君子克承家學復私淑朱子緒  
論于蔡氏傳尤用力焉吳草廬序云季亨父篤行  
信于鄉里年六十八而終四庫書目著錄是書提  
要云是編雖以朱子語錄及他書所載朱子語謂  
之輯錄又采諸說之相發明者附列于末謂之纂  
注自序稱集傳既爲朱子所訂定則與自著無異  
又稱蒼萃成朱子之一經則仍以朱子爲主也吳  
序稱其作是書有同有異俱有所裨如解西伯戡  
黎則從吳棫解多士則從陳櫟解金縢則兼存鄭

宋元學案補遺 卷八十九

十四明菴書

約園刊本

孔二義不以蔡傳之從鄭爲然云云然則董氏于  
集傳不免有所未愜恐人以源出朱子爲疑故特  
引朱子之說補其闕失其舉集傳歸之朱子猶曰  
以朱翼朱則不以異蔡爲嫌耳四庫又著錄孝經  
大義

八卷

附錄

熊勿軒序先生孝經大義曰其書爲初學設故其詞皆  
明白易曉熟玩之則其間義趣精深又有非淺見謾聞  
所能窺者輒爲刊之鼇峯書塾以廣其傳此豈惟學者  
修身齊家之要而有國有天下者亦豈能外是而他有  
化民成俗之道哉

介軒門人

補 沈敬齋先生貴珩

梓林謹案先生嘗增

廣程蒙齋小學字說

雲濠謹案貝清江爲瀟峯祠堂記云毅齋先生爲

正蒙解以備朱子之未備而王禱樂器乾稱猶缺

元德興丞上饒鄭復初補

其三篇新安胡雲峯序之

補

胡玉齋先生方平

雲濠謹案徽州府志載先生字師魯受易于董夢

程夢程受于黃榦故得朱子之真傳合本義啟蒙

注通釋一書又爲外翼四

卷與易餘閒記行于世

玉齋河圖洛書說

宋元學案補遺 卷八十九

十二四明叢書

一約園刊本

河圖以生成分陰陽以五生數之陽統五成數之陰而  
同處其方陽內陰外生成相合對待以立其體而道其  
常交泰之道也

洛書以奇偶分陰陽以五奇數之陽統四偶數之陰而  
各居其所陽正陰偏奇偶既分流行以致其用而肇其  
變尊卑之位也

附錄

熊勿軒跋先生易學啟蒙通釋曰其窮象數也精深其  
析義理也明白且其閒有言先後天方位暗與圖書數

合者不符而同然後知天下之公理非但一人之私論也

梓材謹案四庫書目著錄易學啟蒙通釋二卷提要云此書發明朱子易學啟蒙之旨蓋易之爲道理數並存不可滯于一說朱子因程傳專主明理故兼取邵子之數以補其偏非脫略易理惟著此書以言數也後人置本義不道惟假借此書以轉相推衍至于支離繆轉而不已豈朱子之本旨乎方平此書雖亦闢數學而根據朱子之書反覆詮釋所採諸書凡黃幹董誥劉燾陳植蔡淵蔡沈六家皆朱子門人又蔡模徐幾翁詠三家模蔡淵子幾詠皆淵之門人故所行說尚不至如他家之竟離其宗是亦讀啟蒙者所當考矣又案謝山學案劄記云補雙湖父子遺書先生雙湖之父也

補提舉許山屋先生月卿

宋元易學補遺 卷八十九

十一四明叢書

約園刊本

雲濠謹案一統志先生後字宋士父大寧有學行先生登第時除元杰力攻史嵩之史陰翫之先生率三學諸生伏闕訟冤宋亡哀經終身

玉齋講友

汪先生深

汪深字所性鄱陽人胡玉齋私淑之友也嘗作周易占例自爲之序足以發朱子之所未發

胡雙湖說

周易占例自序

易之初其以六十四卦示人以占之例亦已廣矣求君父之道于乾求臣子之道于坤婚姻于咸恆漸歸妹待

于需進于晉行師于師爭訟于訟聚于萃散于渙以至  
退于遯守于困安于泰鼎危于明夷蹇盈于豐大有壞  
于損蠱家人之在室旅之在塗旣未濟損益大小過大  
小畜得失進退之義雖卦名之爲七十九字文義明白  
條例具足亦可決矣此未有文王卦辭之前已可占而  
斷者况又三百八十四爻而示之以變乎

文王于蒙嘗起其占筮之教矣其言曰匪我求童蒙童  
蒙求我初筮告再三瀆瀆則不告利貞周子曰筮者叩  
神也再三瀆瀆則不告矣此文王之所以起其例也夫  
占而撰著積十有八變必成一卦卦必有卦辭爻必有  
爻辭何以言其告不告也蓋誠意專一而筮則神之告  
之卦辭爻辭應合所問如占婚姻與之咸恆曰納婦吉  
曰勿用取女曰歸妹征凶无攸利占征伐曰利用侵伐  
曰在師中吉曰不利行師曰勿用師占田獵曰田獲三  
狐曰田獲三品曰卽鹿无虞曰田无禽若此者皆所謂  
告也若夫卦辭爻辭不應所占之事此則誠意不至二  
三之瀆而所謂不告者也此卽文王之所謂不告也不  
然則得卦爻必有辭以告之又何以有不告之云

山屋講友

補縣令齊先生魯瞻

梓材謹案戴剡源誌項玉林天覺墓云徽發源與饒樂平德興多明經士如吳君遇龍許君月卿沈君貴瑤李君睦齊君興龍夢龍之倫皆喜從君遊許沈諸君皆舉其名則先生當名興龍字魯瞻夢龍蓋其兄弟行也又案陳定宇答吳仲文甥有云齊魯瞻沈毅齊高第名興龍實祐丙辰文榜則興龍果其名而實沈氏門人矣張純愚答定宇書有云式車齊怡堂先生兄弟怡堂蓋先生別字

附錄

官蒲圻令值元兵下江南先生義不食粟佩印綬以歸曰全吾印以還吾君全吾身以還吾親遂溺死

宋元學案補遺 卷八十九

十四 四明藏書

約園刊本

山屋同調

太學孫良山先生嵩

附弟巖

孫嵩字元京休寧人以薦入太學宋亡歸隱自號良山以示意時許月卿增江愷及汪炎昶皆絕意當世俱從之遊其詩悲壯激烈弟巖字次舉亦不仕著爽山集

徽安

通志

梓材謹案宋文憲爲汪茂遠墓銘言元既滅宋先生悲哀不自勝歸隱休寧山中誓不與接發爲賦詠以寄其無窮之思同時進士許月卿亦入婺源山中製齊衰服之以識其終身哀宋之意二公皆新安之節義士也

附錄

方桐江贈孫元京近以詩見示曰道豈與身窮相逢兩  
秀翁高懷眞惘惘薄藝媿空空同谷吟山雪愚溪感候  
蟲斯人何可作尙獲見餘風

又曰舉世無高見斯文有正音稍工仍要拙寧古不爲  
今末俗難容喙空言苦用心未妨全瘦勁卻恐太幽深  
項玉林先生天覺

項天覺字希聖婺源人躬帥二弟承師稟學日記千餘  
言援筆爲文俊氣奕煜不肯休時徽婺源與饒樂平德

宋元學案補遺

卷八十九

十五 四明叢書

一 卷四 刊本

興相犬牙號多明經生如吳遇龍許月卿沈貴瑤李睦  
齊與龍夢龍之倫皆負場屋重價皆喜從之游增創玉  
林精舍益延師聚書講學云

戴剡源集

怡堂學侶

進士齊節初先生夢龍

齊夢龍字覺翁號節初德興人與兄興龍先後登宋寶  
祐景定年篤著有周易附說卦變圖

董季真說

古山門人

補 太學程先生時登



太學遺文

深衣成書司馬氏最先出王氏祖司馬時有異同而皆不能不爲唐孔氏所惑子朱子蓋嘗病之是以晚歲所服有與家禮異如續衽鈎邊之類者惜家禮爲初年本旣失而不及訂定也信齋楊氏旣以所聞于節齋蔡氏者附注于家禮之後矣然先生于諸法之所去取折衷不但此一條也時登因不自揆以傳爲綱註之足以發傳者列于傳之左疏之足以釋註者附于注之下參次諸家而斷之朱子名曰補疏而附冠巾屨之屬總而名

宋元學案補遺

卷八十九

十六四明叢書

約園刊本

之曰深衣翼其質之經傳而無所見求之他書而不知其左驗者閒以愚意妄述其說以俟來者正焉本篇自司馬氏王氏外有曹易者頗取朱子之書以詆其說然其因先生而正之者旣不明言其所自若自以爲得有先生所引而未發又不能參合考訂以求其義復不自知其所失且重複不瑩視兩家若詳而實略若醇而實疵也黃氏說本朱子楊氏早學于朱子晚受稿于黃故附注特詳焉

深衣翼自序

大學曰物有本末其本亂而未治者否矣以是考之堯

舜之所以帝禹湯文武之所以王漢唐之所以僅治而  
旋亂秦隋之所以大亂而遂亡者效蓋可見也宋受天  
命以道治天下于是河南二程子出始取是書而推明  
之崇正數劄叔子豈徒託之空言哉自是厥後朱子有  
章句西山有衍義雖至治之澤未溥而大道之要已明  
矣歷代指掌舊嘗有圖顧綱目有圖義例多舛因復爲  
此以備觀覽名曰大學本末圖起春秋迄五季凡若干  
年君德之修否治體之醇疵國祚之短長世道之否泰  
井然易見歲月舉而天時明正閏分而君道立災異記  
而人事驗君子小人內外之位定而盜賊僭亂消長之  
勢分唐虞三代之君其本正而未隨之故修身而下四  
者之目詳天下國家事既簡而治亦隆漢唐以來之君  
不反其本而求其末故修身以下四者之目略天下國  
家事徒煩而治愈寡人知大學之道有時而不彰而不  
知大學之道無時而易也嗚呼我之爲是圖也可以  
感矣事及帝王而圖始春秋大學帝王心法治法春秋  
之法外意也歐陽子修五代史曰此亂世之書也吾用  
春秋之法師其意不襲其文故述本紀以法治而正亂

君嗚呼本之大學之道繩之以春秋之法後之觀是圖者其必有所感矣

大學本末圖說自序

附錄

往師程古山搜探幽微會博于約

登太學明年而宋鼎移歸杜門謝遊客四方請益之士嘗輻輳盈席一時名流多出其門元訪遺才每物色之輒謝去

許瑤狀其行曰先生博極經傳之奧探隲性命之原斟酌羣言一以其歸于易則確守程朱傳義而不惑于玄

宋元學案補遺 卷八十九

十八 四明叢書

約圖刊本

虛之論書則備讀諸家而求其疏通知遠之實詩則要性情之發而驗其興觀羣怨之機禮則審于節文度數之宜而略其繁文縟節之末樂則考于蔡氏之書而求夫聲氣之允春秋則厭夫括例之拘而直探夫聖人筆削之旨著大學本末圖說自堯卽位甲辰迄周顯德乙未貫穿經史于綱條之內著中庸中和說述朱子論述答問之語審未發已發之機而探索性情體用之全太極圖通書西銘則錯綜爲之互解諸葛武侯八陣圖則解駁而爲之通釋

桃谷家學

補 余息齋先生芑舒

雲濠謹案先生字德新董季真跋其父尚書輯錄纂註言真卿仰遵先訓求正于當世儒先與先君之舊交如葵初王先生希旦雙湖胡先生一桂定字陳先生櫟息齋余先生芑舒多得所討論于朱蔡此書似爲大備云

桃谷門人

補 隱君王葵初先生希旦

雲濠謹案先生字愈明見陳定字別集

王葵初說

宋元學案補遺 卷八十九

四明叢書

約園刊本

善讀易者要識聖人畫卦作易來處無非太極河圖理數自然之妙則繫辭啟蒙是其機括又須分別四聖之易通卦名義然後以本義程傳相參考沿流溯源由縉探精分合看之遠近取之則數存象列言盡理得上極天地自然之易于是始信易與天地準窮理盡性開物成務內聖外王之學備于斯易何止五經之原其天地鬼神之奧豈欺我哉

余氏門人

鄉貢徐雨軒先生子鄧 附師舒成大

徐子鄧字志禹德與人學尚書以鄉先輩舒成大與余本爲師宗人節甫爲友未弱冠以尚書應鄉貢進士舉晚歲學成行尊世念疏落而故相集賢馬公退休于家時時相過訪道德之遺言考古今之故實所居西偏有齋曰化龍至是改名雨軒嘗謂子弟曰孔孟之道昭如星日學之者可以修身繕性可以康時濟物秦漢以還異說朋興其慎所習勿爲虛誕蹇淺者所咻庶幾有益于世聞 戴剡源集

朱氏門人

宋元學案補遺 卷八十九

二 子四明叢書 約園刊本

補 孝善胡先生斗元

雲濠謹案先生精于易從遊者二百人

附錄

少孤師朱文公從孫小翁受書說年十四始從小翁聞易簡居士所授易學刻意探述日玩一爻至七日則通玩六爻循環習之無窮白首以爲常亦以此教其徒尤以不逮養爲終身憾春秋朔望拜祀像涕泗不能已塋壠親躬拜掃老不避勞人謂年彌高而慕彌深者于先生見之

曹氏門人

補 教授馬竹洲先生端臨

馬氏經籍考

秦燔經籍而獨存醫藥卜筮種樹之書學者抱恨終古然以今考之易與春秋二經本末具存詩亡其六篇或以爲笙詩元無其辭是詩亦未嘗亡也禮本無成書戴記雜出漢儒所編儀禮十七篇及六典最晚出六典僅亡冬官然其書純駁相半其存亡未足爲經之疵也獨虞夏商周之書亡其四十六篇爾然則嬴秦所燔除書

宋元學案補遺 卷八十九

二五 四明叢書

初園刊本

之外俱未嘗亡也若醫藥卜筮種樹之書當時雖未嘗廢絕而並無一卷流傳至今者以此見聖經賢傳終古不朽而小道異端雖存必亡初不以世主之好惡爲之興廢也

連山歸藏乃夏商之易本在周易之前然歸藏漢志無之蓋二書至晉隋間始出而連山出于劉炫僞作者史明言之度歸藏之爲書亦此類爾

夫子所定之書其亡于秦火而漢世所不復見者蓋杳不知其爲何語矣况三墳已見削于夫子而謂其書忽

出于元豐閒其爲繆妄可知來際好奇而尊信之過矣  
况又詳孔安國書序所言則墳典書也蓋百篇之類也  
八索易也蓋彖象文言之類也今所謂三墳者曰山墳  
氣墳形墳而以爲連山歸藏坤乾之所由作而又各有  
所謂大象六十四卦則亦是易書而與百篇之義不類  
矣豈得與五典並稱乎

漢儒林傳言孔氏有古文尚書孔安國以今文讀之唐  
藝文志有今文尚書十三卷注言玄宗詔集賢學士衛  
包改古文從今文然則漢之所謂古文者科斗書今文

者隸書也唐之所謂古文者隸書今文者世所通用之  
俗字也隸書秦漢閒通行至唐則久變而爲俗書矣何  
尚書猶存古文乎蓋安國所得孔壁之書雖爲之傳而  
未得立于學官東京而後雖名儒亦未嘗傳習至隋唐  
閒方顯人往往猶以僻書與傳視之繕寫傳授者少故  
所存者皆古物尙是安國所定之隸書而未嘗改以從  
俗字也噫百篇之書遭秦火而亡其半所存者五十八  
篇而其閒二十五篇者書雖傳而字實不諧于俗傳于  
漢者爲科斗書傳于唐者爲隸書皆當時之人所罕習

蓋出自孔壁之後又復晦昧數百年而學者始得以家傳人誦也

詩書之序自史傳不能明其爲何人所作而先儒多疑之至朱文公之解經則依古今文析而二之而備論其得失而于詩國風諸篇之序詆斥尤多以愚觀之書序可廢而詩序不可廢就詩而論之雅頌之序可廢而十五國風之序不可廢何也書直陳其事而已序者後人之作藉令其注得經意亦不過能發明其所已言之事而已不作可也詩則異于書矣然雅頌之作其辭易知

宋元學案補遺

卷八十九

二五 四明叢書

約園刊本

其意易明故讀文王者深味文王在上以下之七章則文王受命作周之語贅矣蓋作者之意已明則序者之辭可略而敷衍附會之間一語稍煩則祇見其贅疣而已至于讀國風諸篇而後知詩之不可無序而序之有功于詩也蓋風之爲體比興之辭多于敘述風諭之意浮于指斥蓋有反覆詠歎聯章累句而無一言敘作之意者而敘者乃一言以蔽之曰爲某事也苟非其傳授之有源探索之無舛則孰能臆料當時指意之所歸以示于載乎而文公深詆之且于桑中溱洧諸篇辨析



尤至以爲安有刺人之惡而自爲彼人之辭以陷于所刺之地而不自知者哉其意蓋謂詩之辭如彼而序之說如此則以詩求詩可也烏有捨明白可見之詩而必欲曲從臆度難信之序說乎其說固善矣然愚以爲必若此則詩之難讀者多矣豈直鄭衛諸篇哉夫芣苢之序以婦人樂有子爲后妃之美也而其詩語不過形容采掇芣苢之情狀而已黍離之序以爲閔周室宮廟之顛覆也而其詩語不過慨歎禾黍之苗穗而已此詩之不言所作之意而賴序以明者也若捨序以求之則其

所以采掇者爲何事而慨歎者爲何說乎叔於田之二詩序以爲刺鄭莊公也而其詩語則鄭人愛叔段之辭耳揚之水椒聊二詩序以爲刺晉昭公也而其詩語則晉人愛桓叔之辭耳此詩之序其事以諷初不言刺之意而賴序以明者也若舍序以求之則知四詩也非子雲美新之賦則袁宏九錫之文耳是豈可以訓而夫子不刪之乎鴟羽陟岵之詩見於變風序以爲征役者不堪命而作也四牡采芣之詩見於正雅序以爲勞使臣遣戍役而作也而深味四詩之旨則歎行役之勞苦

敘饑渴之情狀憂孝養之不遂悼歸休之無期其辭詔一耳此詩之辭同意異而賴序以明者也若捨序以求之則文王之臣民亦怨其上而四牡采薇不得爲正雅矣卽是數端而觀之則知序之不可廢序不可廢則桑中溱洧何嫌其爲刺奔乎蓋嘗論之均一勞苦之詞也出於敘情閔勞者之口則爲正雅而出於困役傷財者之口則爲變風也均一淫泆之詞也出於奔者之口則可刪而出於刺奔者之口則可錄也均一愛戴之辭也出於愛叔段桓叔者之口則可刪而出於刺鄭莊晉昭者之口則可錄也夫芣苢黍離之不言所謂叔於田揚之水之反辭以諷四牡采薇之辭同變風文公胡不翫索詩辭別自爲說而卒如序者之舊說求作詩之意於詩辭之外矣何獨於鄭衛諸篇而必以爲奔者所自作而使聖經爲錄淫辭之具乎且夫子嘗刪詩矣其所取於關雎者謂其樂而不淫耳則夫詩之可刪孰有大於淫者今以文公詩傳考之則指以爲男女淫佚奔誘而自作詩以敘其事者凡二十有四如桑中東門之墜溱洧東方之日東門之池東門之楊月出則序以爲刺淫

而文公以爲淫者所自作也如靜女木瓜采芣邱中有  
麻將仲子遵大路有女同車山有扶蘇籜兮狡童褰裳  
丰風雨子衿揚之水出其東門野有蔓草則序本別指  
他事而文公亦以爲淫者所自作也夫以淫昏不檢之  
人發而爲放蕩無恥之辭而其詩篇之煩多如此夫子  
猶存之則不知所刪何等一篇也或曰文公之說謂春  
秋所記無非亂臣賊子之事蓋不如是無以見當時事  
變之實而垂鑒於後世故不得已而存之所謂並行而  
不相悖也愚以爲未然夫春秋史也詩文詞也史所以  
紀事世之有治不能無亂則固不容存禹湯而廢桀紂  
錄文武而棄幽厲也至于文辭則其淫哇不經者直爲  
削之而已而夫子猶存之則必其意不出於此而序者  
之說是也或又曰文公又嘗云此等之人安於爲惡其  
於此等之詩計其平日固已自其口出而無慚矣又何  
待吾之鋪陳而後始知其如此亦復畏吾之憫惜而遂  
幡然遽有懲創之心耶愚又以爲不然夫羞惡之心人  
皆有之而況淫佚之行所謂不可對人言者市井小人  
至不才也今有與之語者能道其宣淫之狀指其行淫

之地則未有不面頰發赤且慙且諱者未聞其揚言於人曰我能奸我善淫也且夫人之爲惡也禁之使不得爲不若愧之而使之自知其不可爲此鋪張揄揚之中所以爲閔惜懲創之至也或曰序者之序詩與文公之釋詩俱非得於作詩之人親傳面命也序求詩意於辭之外文公求詩意於辭之中而予何以定其是非乎曰愚非敢苟同序說而妄擬先儒也蓋嘗以孔子孟子之所以說詩者讀詩而後知序說之不謬而文公之說多可疑也孔子之說曰誦詩三百一言以蔽之曰思無邪

孟子之說曰說詩者不以文害辭不以辭害意以意逆志是爲得之夫經非所以誨邪也而戒其無邪辭所以達意也而戒其害意何也詩發乎情者也而情之所發其辭不能無過故其於男女夫婦之間多憂思感傷之意而君臣上下之間不能無怨懟激發之辭十五國風爲詩百五十有七篇而其爲婦人而作者男女相悅之辭幾及其半雖以二南之詩如關雎桃夭諸篇爲正風之首然其所反復詠歎者不過情慾燕私之事耳漢儒嘗以關雎爲刺詩矣此皆昧於無邪之訓而以辭害意

之過也而况邶鄘之末流乎故其怨曠之悲遇合之喜雖有人心者所不能免而其志切其辭哀習其讀而不知其旨易以動盪人之邪情泆志而况以鋪張揄揚之辭而序淫泆流蕩之行乎然詩人之意則非以爲是而勤之也蓋知詩人之意者莫如孔孟慮學者讀詩而不得其意者亦莫如孔孟是以有無邪之訓焉則以其辭之不能不鄰乎邪也使篇篇如文王大明則奚邪之可言乎是以有害意之戒焉則以其辭之不能不戾其意也使章章如清廟臣工則奚意之難明乎以是觀之則

知刺奔果出於作詩者之本意而夫子所不刪者其詩決非淫泆之人所自賦也或又曰文公嘗言雅者二雅是也鄭者緇衣以下二十一篇是也衛者邶鄘衛三十九篇是也桑間衛之一篇桑中是也二南雅頌祭祀朝聘之所用也鄭衛桑濮里巷狹邪之所作也夫子於鄭衛蓋深絕其聲於樂以爲法而嚴立其詞於詩以爲戒今乃欲爲之諱其鄭衛桑濮之實而文以雅樂之名又欲從而奏之宗廟之中朝廷之上則未知其將以薦之於何等之鬼神用之於何等之賓客乎愚又以爲未然

夫左傳言季札來聘請觀周樂而所歌者邶鄘衛鄭皆在焉則諸詩固雅樂矣使其爲里巷狹邪所用則周樂安得有之而魯之樂工亦安能歌異國淫邪之詩乎然愚之所論不過求其文意之指歸而知其得於性情之正耳至於被之絃歌合之音樂則儀禮左傳所載古人歌詩合樂之意蓋有不可曉者夫關雎鵲巢閨門之事后妃夫人之詩也而鄉飲酒燕禮歌之采蘋采芣夫人大夫妻能主祭之詩也而射禮歌之肆夏繁蕤渠宗廟配天之詩也而天子享元侯歌之文王大明緜文王與周之詩也而兩君相見歌之以是觀之其歌詩之用與詩人作詩之本意蓋有判然不相合者不可強通也則烏知鄭衛諸詩不可用之於燕享之際乎左傳載列國聘享賦詩固多斷章取義然其太不倫者亦以來譏諷如鄭伯有賦鶉之奔奔令尹子圉賦大明及穆叔不拜肆夏甯武子不拜彤弓之類是也然鄭伯如晉子展賦將仲子鄭伯享趙孟子太叔賦野有蔓草鄭六卿餞韓宣子子鬻賦野有蔓草子太叔賦褰裳子游賦風雨子旗賦有女同車子柳賦籟兮此六詩皆文公所斥以爲

淫奔之人所作也然所賦皆見善於叔向趙武韓起不聞被譏乃知鄭衛之詩未嘗不施之於燕享而此六詩之旨意訓詁當如序者之說不當如文公之說也或曰序者之辭固有鄙淺附會居然可見者先儒疵議之非一人矣而子信之何邪曰愚之所謂不可廢者謂詩之所不言而賴序以明者耳至詩之所已言則序語雖工不讀可也況其鄙淺附會者乎蓋作序之人或以爲孔子或以爲子夏或以爲國史皆無明文可考然鄭氏謂毛公始以置諸詩之首則自漢以前經師傳授其去作詩之時蓋未甚遠也千載而下學者所當遵守體認以求詩人之意而得其庶幾固不宜因其一語之贅疣片辭之淺陋而欲一切廢之鑿空探索而爲之訓釋也夫關雎韓詩以爲衰周之刺詩賓之初筵韓詩以爲衛武公飲酒悔過之詩皆與毛序反者也而韓詩說關雎則違夫子不淫不傷之訓是決不可從者也初筵之詩夫子未有論說也則詆毛而從韓夫一韓詩也初筵之序可信而關雎之序獨不可信乎邨柏舟毛序以爲仁人不遇而作文公以爲婦人之作而引列女傳爲證非臆

說矣然列女傳出於劉向向上封事論恭顯傾陷正人引是詩憂心悄悄慍於羣小之語而繼之曰小人成羣亦足慍也則正毛序之意矣夫一劉向也列女傳之說可信而封事之說獨不可信乎此愚所以疑文公惡序之意太過而引援指摘似爲未當此類是也夫本之以孔孟說詩之旨參之以詩中諸序之例而後究極夫古今詩人所以諷詠之意則詩序之不可廢也審矣愚豈好爲異論哉

昔夫子之言曰述而不作又曰蓋有不知而作之者我

無是也又曰多聞闕疑異時嘗舉史闕文之語而歎世道之不可存夏五郭公之書而不欲遽正前史之缺誤然則聖人之意蓋可見矣蓋詩之見錄者必其序說之明白而旨意之可考者也其軼而不傳者必其序說之無傳旨意之難考而不欲臆說者也或曰今三百五篇之序世以爲衛宏毛公所作耳如子所言則已出於夫子之前乎曰其說雖自毛衛諸公而傳其意旨則自有此詩而巳有之矣鴟鴞之序見於尙書碩人載馳清人之序見於左傳所紀皆與作詩者同時非後人之臆說



也若序說之意不出於當時作詩者之口則鴟鴞諸章初不言成王疑周公之意清人終章亦不見鄭伯惡高克之迹後人讀之當不能曉其爲何語矣蓋嘗妄爲之說曰作詩之人可考其意可尋則夫子錄之殆述而不作之意也其人不可考其意不可尋則夫子刪之殆多闕疑之意也是以於其可知者雖比興深遠詞旨迂晦者亦所不廢如芣苢鶴鳴兼葭之類是也於其所不可知者雖直陳其事文義明白者亦不果錄如翹翹車乘招我以弓豈不欲往畏我友朋之類是也於其可知者雖詞意流泆不能不類於狹邪者亦所不刪如桑中溱洧野有蔓草出其東門之類是也於其所不可知者雖詞意莊重一出於義理者亦不果錄如周道挺挺我心曷扁禮義不愆何恤於人言之類是也然則其所可知者何則三百五篇之序意是也其所不可知者何則諸逸詩之不以序行於世者是也歐陽公詩譜補亡後序曰後之學者因迹前世之所傳而較其得失或有之矣若使徒抱焚餘殘脫之經俛俛然於去聖千百年之後不見先儒中間之說而欲特立一家之論果有能哉

此說得之

周禮一書先儒信者半疑者半其所以疑之者特不過病其官冗事多瑣碎而煩擾耳然愚嘗論之經制至周而詳文物至周而備有一事必有一官毋足怪者有如闕闕卜祝各設命官衣膳泉貨俱有司屬自漢以來其規模之瑣碎經制之煩密亦復如此特官名不襲六典之舊耳固未見其爲行周禮而亦未見其異於周禮也獨與百姓交涉之事則後世惟以簡易闕略爲便而以周禮之法行之必至於厲民而階亂王莽之王田市易

宋元庫集禮通

卷八十九

三三四明禮書

約圖刊本

介甫之青苗均輸是也後之儒者見其效驗如此於是疑其爲歆莽之僞書而不可行或以爲無關畦畛之意則不能行愚俱以爲未然蓋周禮者三代之法也三代之時則非直周公之聖可行雖一凡夫亦能行之三代而後則非直王莽之矯詐介甫之執愎不可行而雖賢哲亦不能行其故何也蓋三代之時寰宇悉以封建天子所治不過千里公侯則自百里以至五十里而卿大夫又各有世食祿邑分土而治家傳世守民之服食日用悉仰給於公上而上之人所以治其民者不啻如

祖父之於其子孫家主之於其臧獲田土則少而授老  
而收於是乎有鄉遂之官又從而視其田業之肥瘠食  
指之眾寡而爲之斟酌區畫俾之均平貨財則盈而斂  
乏而散於是乎有泉府之官又從而補其不足助其不  
給或賒或貸而俾之足用所以養之者如此司徒之任  
則鄉大夫州長以至閭胥比長自遂大夫縣正以至里  
宰隣長歲終正歲四時孟月皆徵召其民考其德藝糾  
其過惡而加以勸懲司馬之任則軍有將帥有帥卒有  
長四時仲月則有振旅治兵爰舍大閱之法以旗致民

行其禁令而加以誅賞所以教之者如此上下蓋察察  
焉幾無寧日矣然其事雖似煩擾而不見其爲法之弊  
者蓋以私土子人痛痒常相關脈絡常相屬雖其時所  
謂諸侯卿大夫者未必皆賢然既世守其地世撫其民  
則自不容不視爲一體既視爲一體則姦弊無由生而  
良法可以世守矣自封建變而爲郡縣爲人君者宰制  
六合穹然於其上而所以治其民者則諉之百官有司  
郡守縣令爲守令者率三歲而終更雖有龔黃之慈良  
王趙之明敏其始至也茫然如入異境積日累月方能

諸其土俗而施於政令往往期月之後其善政方可紀  
纔再期而已及瓜矣其有疲憊貪鄙之人則視其官如  
逆旅傳舍視其民如飛鴻土梗發政施令不過受成於  
吏手既受成於吏手而欲以周官之法行之則事煩而  
政必擾政擾而民必病教養之恩意未孚而追呼之苛  
嬈已極矣是以後之言善政者必曰事簡夫以周禮一  
書觀之成周之制未嘗簡也自土不分胙官不世守爲  
吏者不過年除歲遷多爲便文自營之計於是國家之  
法制率以簡易爲便慎無擾獄市之說治道去太甚之  
說遂爲經國庇民之遠猷所以臨乎其民者未嘗有以  
養之也苟使之自無失其養斯可矣未嘗有以教之也  
苟使之自無失其教斯可矣蓋壤土旣廣則志慮有所  
不能周長民數易則設施有所不及竟於是法立而姦  
生令下而詐起處以簡靖猶或庶幾稍涉繁夥則不勝  
其瀆亂矣昔子產聽鄭國之政其所施爲者曰都鄙有  
章上下有服田有封洫廬井有伍此俱周官之法也然  
一年而與人謗之曰孰殺子產吾其與之三年而誦之  
曰子產而死誰其嗣之按鄭國土地褊小其在後世則

一郡耳夫以子產之賢智而當一郡守之任其精神必足以周知情僞其念慮必足以洞究得失決不如後世承流宣化者之以苟且從事也而周制在當時亦未至盡隳但未能悉復先王之舊耳然稍欲更張則亦未能遽當於人心必俟歷以歲月然後昔之謗讟者轉而爲謳歌耳況賢不及子產所泣不止一郡且生乎千載之後先王之制久廢而其遺書僅存乃不察時宜不恤人言而必欲行之乎王介甫是也介甫所行變常平而爲青苗諉曰此周官泉府之法也當時諸賢極力爭之蘇長公之言曰青苗雖云不許抑配然其開願請之戶必皆孤貧不濟之家若自有贏餘何至與官交易此等鞭撻已急則繼之逃亡逃亡之餘則均之鄰保蘇少公之言曰出納之際吏緣爲姦法不能禁錢入民手雖良民不免非理費用及其納錢雖富民不免違限受責如此則鞭笞必用而州縣多事矣是皆言官與民賒貸之非便也蓋常平者糶糴之法也青苗者賒貸之法也糶糶之法以錢與粟兩相交易似未嘗有以利民而以官糶之法以錢與粟兩相交易似未嘗有以利民而以時計

息取之似實有以濟民而以官法行之則反爲繁擾然  
糶糴之說始於魏文侯常平之法始於漢宣帝三代之  
時未嘗有此而賒貸之法則周官泉府明言之豈周公  
經制願不爲其簡易者而欲爲其煩擾者耶謂周禮爲  
不可信之書則左氏傳言鄭饑子皮以子展之命餼國  
人粟戶一鍾宋饑司城子罕請於平公出公粟以貸使  
大夫皆貸司城氏貸而不書爲大夫之無者貸宋無饑  
人齊陳氏以家量貸而以公量收之則春秋之時官之  
於民固有賒貸之事雖當時未嘗取二分之息如青苗  
之爲然熙寧諸賢皆言非病其取息之多也蓋以爲貧  
者願貸貸予之而不能償則虧官富者不願貸抑配予  
之而責令保任貧者代償所逋則損民而無所益固不  
若常平之交手相付聽從民便之爲簡易兩得之然左  
氏所述鄭宋齊之事謂之善政以爲美談未嘗見其有  
熙豐之弊何也蓋鄭宋齊列國也其所任者罕氏樂氏  
陳氏則皆有世食祿邑與之分土而治者也介甫所宰  
者天下也其所任者六七少年使者四十餘輩與夫州  
縣小吏則皆干進徇時之徒也然非鄭宋齊之大夫盡

賢而介甫之黨盡不肖也蓋累世之私土子人者與民情常親親則利病可以周知故法雖繁而亦足以利民暫焉之承流宣化者與民情常疏疏則情僞不能洞究故法雖簡而猶懼其病民也以青苗賒貸一事觀之則知周禮所載凡法制之瑣碎煩密者可行之於封建之時而不可行之於郡縣之後必知時識變者而後可以語通經學占之說也

春秋古經雖漢藝文志有之然夫子所修之春秋其本文世所不見而自漢以來所編古經則俱自二傳中取

宋元學案補遺 卷八十九

三六四明叢書

約園刊本

出經文名之曰正經耳然三傳所載經文多有異同則學者何所折衷如公及邾儀父盟於蔑左氏以爲蔑公穀以爲昧則不知夫子所書者曰蔑乎曰昧乎築郟左氏以爲郟公穀以爲微則不知夫子所書曰郟乎曰微乎會於厥慙公穀以爲屈銀則不知夫子所書曰厥慙乎曰屈銀乎若是者殆不可勝數蓋不特亥豕魯魚之偶誤其一二而已然此特名字之訛耳其事未嘗背馳於大義尚無所關也至於君氏卒則以爲聲子魯之夫人也尹氏卒則以爲師尹周之卿士也然則夫子所書

隱三年夏四月辛卯之死者竟爲何人乎不寧惟是公羊穀梁於襄公二十一年皆書孔子生按春秋惟國君世子生則書之子同生是也其餘雖世擅國政如季氏之徒其生亦未嘗書之於冊夫子萬世帝王之師然其始生乃鄒邑大夫之子耳魯史未必書也魯史所不書而謂夫子自紀其生之年於所修之經決無是理也而左於哀十四年獲麟之後又復引經以至十六年四月書仲尼卒杜征南亦以爲近誣然則春秋本文其附見於三傳者不特乖異未可盡信而三子以其意增損者

有之矣蓋襄二十一年所書者公穀尊其師授而增書之也哀十六年所書者左氏痛其師亡而增書之也俱非春秋之本文也三子者以當時口耳所傳授者各自爲傳又以其意之所欲增入者攙入之後世諸儒復據其見於三子之書者互有所左右而發明之而以爲得聖人筆削之意於干載之上吾未之能信也

齊論多於魯論二篇曰問王知道史稱爲張禹所刪以此遂無傳且夫子之言禹何人而敢刪之然古論語與古文尚書同自孔壁出者章句與魯論不異惟分堯曰



子張問以下爲一篇共二十一篇則問王知道一篇亦孔壁中所無度必後儒依倣而作非聖經之本真此所以不傳非禹所能刪也

前史藝文志俱以論語入經類孟子入儒家類直齋陳氏書錄解題始以語孟同人經類其說曰自韓文公稱孔子傳之孟軻軻死不得其傳天下學者咸曰孔孟孟子之書固非苟揚以降所可同日語也今國家設科語孟並列於經而程氏諸儒訓解二書常相表裏故合爲一類今從之

宋元學案補遺 卷八十九

學十四明義書

約圖刊本

### 文獻通考小序

竊意古之諸侯者雖曰受封於天子然亦由其行義德化足以孚信於一方人心翕然歸之故其子孫因之遂君其地或有災否則轉徙他之而人心歸之不能釋去故隨其所居皆成都邑蓋古之帝王未嘗以天下爲己私而古之諸侯亦未嘗視封內爲己物上下之際均一至公非如後世分疆畫土爭城爭地必若是其截然也昔湯武雖以征伐取天下然商惟十一征周惟滅國者五十其餘諸侯皆襲前代所封未聞盡以宇內易置而

封其私人周雖大封同姓然文昭武穆之邦與國咸休亦未聞成康而後復畏文武之族偪而必欲夷滅之以盡置之子孫也愚嘗謂必有公天下之心而後可以行封建自其出於公心則選賢與能而小大相維之勢足以綿千載自其出於私心則忌疏畏偪而上下相猜之形不能以一朝居矣

以上封建考序

竊嘗以爲物之反常者異也其祥則爲鳳凰麒麟甘露醴泉慶雲芝草其妖則山崩川竭水湧地震豕禍魚孽妖祥不同然皆反常而罕見者均謂之異可也

物異考序

宋元學案補遺

卷八十九

四十二四明叢書

約園刊本

### 馬先生端復

馬端復丞相廷鸞子曹弘齋研窮經學尤精講朱晦翁書爲文典故有法丞相招置賓塾教先生兄弟

歙縣志

沈氏門人

補 隱君范求邇先生啓

雲濠謹案江南通志載先生云理宗時三徵不起賜號風月處士

縣令齊怡堂先生魯瞻

詳上山屋講友

玉齋家學

補 鄉舉胡雙湖先生一桂

雲濠謹案元史先生著有周易本義附錄纂疏十五卷及啟蒙易傳三篇又作十七史纂朱子詩傳附錄纂疏及人倫事

歷代編年諸書

梓材謹案熊勿軒序董深山孝經大義云余友人新安胡庭芳挈其高第番陽董眞卿訪余雲谷山中是先生特熊氏講友後人輯元儒言行錄於熊去非謂學者翕然歸之胡一桂其最著者儒林宗派遂以先生爲熊氏弟子誤矣

### 附錄

陳定宇祭先生文曰嗚呼儒者明經莫難於易先生家學易乃世習易百十家不輕所宗啟蒙本義獨宗晦翁晦翁十八以易薦鶚先生亦然可覘家學晦翁著書以

宋元學案補遺

卷八十九

聖三四明叢書

約圖刊本

身之退先生著書以身之贅大肆其力幾絕韋編附錄纂註海內廣傳玉齋爲父雙湖爲子啟蒙通釋並傳濟美景伯父子俱註左氏名傳書亡豈公家比又以餘力晦翁明詩雖未拜讀以易可知晦翁忠臣先生其一以儒明經功孰與匹方壽斯文棟孔子堂訃音忽傳有淚其滂

梓材謹案四庫書目著錄先生易本義附錄纂疏十五卷又易學啟蒙翼傳四卷提要云一桂之父方平嘗作易學啟蒙通釋一桂更推闡而辨明之故曰翼傳凡爲內篇者三一曰舉要以發詞變象占之義二曰明筮以考史傳卜筮卦占之法三曰辨疑以辨河圖洛書之同異皆發明朱子之說者

也爲外篇者一則易緯候諸書以及京房飛候焦贛易林揚雄太玄司馬光潛虛以至邵子皇極經世諸法亦附錄其概以其皆易之支流故別之曰外大致與其父之書互相出入而方平主於明本旨一桂主於辨異學故體例各殊焉

### 山屋門人

補江雪砥先生凱

雲濠謹案江南通志作江愷字伯成稱其潛隱耽著述時多貢楮絲民甚病之先生以書白部使者貢得蠲程旬軒嘗稱之曰欲知隱不爲徒隱須看當時免貢書徽州府志稱其貢禮闈宋亡衣齊衰隱居學者稱雪江先生

補提舉程先生榮秀

宋元學案補遺 卷八十九

墨三四明叢書 約圖刊本

### 附錄

調嘉興教授爲教率先行義後課試錢穀有餘以整濂洛之書補其梓木又嘗復新范文正陸宣公祠訂正其遺文哀其記典爲景行錄

以家禮出朱文公歿後中多未之禮復取文公言行有涉於禮者爲翼禮以傳

薦授浙江儒學副提舉自以年邁舉婺源胡雙湖一桂四明程畏齋端禮自代

先生爲學一以治心爲主所至必揭四箴及敬齋箴於

壁以自警

汪古逸先生炎昶

詳下孫氏門人

程前村先生直方

別見張祝諸儒學彙補遺

孫氏門人

補 汪古逸先生炎昶

汪炎昶字懋遠婺源人幼能詩長而淵源六經發揮朱子之微旨而疏之曰四書集疏其教人必使循序漸進其文奇而有法

江南通志

梓林謹案南宋文範作者考載先生云許月卿之壻趙訪之師也

宋元學案補遺卷八十九

四函圖明叢書

約園刊本

附錄

趙東山狀其行曰先生幼有奇志然短於記誦常以堅苦自勵至忘滄寐遂於書無所不讀鉤深探賾洞極淵奧雖素號博學者蔑能加也

又曰先生雖老不廢講學時海寧有陳壽翁先生方家居著書嘗請先生所註四書觀之先生與陳公初不相識卽盡送其書陳公所且告之曰平生無他技能唯不護疾忌醫是其所長千萬不必致疑於直言也

宋潛溪誌其墓曰先生壯時元有天下已久宋之遺俗

變且盡矣而先生衣冠動作語言禮度猶宋人也後生小子見之咸以爲前代之遺賢而先生亦曰吾古逸民也學者因稱之爲古逸云

江雪石先生凱

詳上山屋門人

節初家學

山長齊易巖先生琦

別見張祝諸儒學案補遺

登庸門人

學錄操先生琬

操琬字公琰樂平人少博學有才氣從程時登學一時

宋元學案補遺

卷八十九

四孟四明叢書

約園刊本

朋友如朱公遷董彝皆遂義理汎博古今先生摩礪其間所造益深元至正四年舉於鄉歷池州學錄洪武初詔起山林遺逸之士預修元史先生年七十餘入館閣帝命儒臣與談論酬答如響舉事無所遺尋以疾歸田里

饒州府志

鄉舉朱先生坦

別見雙峯學案補遺

考水家學

補山長胡雲峯先生炳文

梓材謹案四庫書目著錄先生周易本義通釋十二卷提要謂先生程敏政新安文獻志所謂篤志

朱子之學者也是書據朱子本義折衷是正得探諸家易解互相發明序題延祐丙辰蓋仁宗之三年初名精義後病其繁冗刪而約之改名通釋所著雲峯集中有與吳草廬書曰本義通釋郭文卿守浮梁時爲刊其半出之太早今梅之無及也刊本今以呈似中有謬戾閣下削之繩之幸甚云云考雲峯生於宋理宗淳祐十年其與草廬書時稱年七十則當在延祐七年庚申在作序之後三年其所悔者改正與否則不可考矣又著錄四書通二十六卷提要云是編以趙順孫四書纂疏吳真子四書集成皆闕朱子之緒論而尙有與朱子相反者因重爲刊削附以己說以成此書凡朱子以前之說嫌於補朱子之遺皆斥不錄故所取於纂疏集成者僅十四家二書之外又增入四十五家則皆恪守考亭之學者也又稱章句集註所引凡五十四家今多不甚可考察模集疏間有所註亦不甚詳是書尙一一載其名字頗足以資訂證云

宋元學案補遺

卷八十九

四明叢書

約園刊本

### 考水門人

#### 俞先生洪

俞洪口口人考水胡公門人弟子也考水卒先生等一

百十五人相與考次平生言德用古隱君子私諡例尊

稱之爲孝善先生

戴剡源集

#### 雲峯講友

#### 程蛟塘先生琰

程琰字伯圭德興人父龍斗宋咸淳進士官上饒主簿先生因先塋在邑之蛟塘自署曰蛟塘子讀書務臻實

踐與胡雲峯鄒季友徐廷玉往還講習著有易經注義  
書經注義

豫章書

雲峯同調

補胡先生澂

胡澂字□□婺源人事繼母孝兄弟同居終其身嘗建  
明經書院以延學者又輸田三百畝充膳費善事不可  
勝紀

徽州府志

曹氏門人

夏先生達才

附師采士嘉子宏毅

宋元學案補遺

卷八十九

聖七四明叢書

約園刊本

夏達才字行可休寧人幼聰敏嗜學師鄉先生采士嘉  
曹提幹

雲濠案提幹  
恐卽希文

每夜讀書殘燈達曙大德丙午中

浙省第一授徒於家以聖賢之學爲本四方從學者眾  
子宏毅能文有放翁集

姓譜

深山家學

補董先生眞卿

梓材謹案大德甲辰深山命先生從師雙湖讀易武夷山中

附錄

周易會通自序曰以四聖人之易各標經傳於其首以



別之雖不分卷而先後之序已明程朱傳義夾註其下  
名曰集解而以程子朱子曰別之既不異書則理象之  
旨咸在繫辭以後程子無傳姑以經說補之天台本程  
朱子皆有語錄今朱語則兼取先師所編采其精詳而  
有緒者各益其未備續於傳義之後名曰附錄而以程  
子朱子語別之諸家之說唯音訓以呂氏爲主悉附經  
文他可互相發明者全用先師纂疏各廣以聞見之所  
及翼於語錄之次名曰纂註而以某氏曰別之管窺一  
得之愚亦閒附於其末合而命之曰周易經傳集程朱  
解附錄纂註此愚編集是書之凡例綱目也

宋元學案補遺

卷八十九

四明叢書

約園刊本

楊士奇曰易會通鄱陽董季真輯五經先儒所論著者  
易最多而精義悉具此書至於經傳古今之辨先儒傳  
授之詳披卷瞭然可爲易書集大成者也

雲濠謹案四庫書目提要云真卿嘗受學於胡一  
桂斯編實本一桂之纂疏而廣及諸家初名周易  
經傳集程朱解附錄纂註其後定名會通者則以  
程傳用王弼本本義用呂祖謙本次第既不同而  
或主義理或主象占本旨復殊先儒諸說亦復見  
智見仁各明一義斷斷爲門戶之爭真卿以爲諸  
家之易途雖殊而歸則同故兼搜博採不一其說  
務持象數義理二家之平卽蘇軾朱震林栗之書  
爲朱子所不取者亦並錄焉視胡一桂排斥楊萬  
里易傳不肯錄其一字者所見之廣狹謂之青出

於藍可也

汪氏門人

隱君趙東山先生沔

詳見草廬學案

息齋家學

補徵君余靜學先生仲敬

附錄

孩時便識日月字長讀書過目成誦爲文操筆立就

曾赴浙闈與同輩詣望江亭觀濤遂成吳山賦雄壯跌

宕眾皆歎服試不偶退而潛心周程之學大有所得

宋元學案補遺

卷八十九

四九四明叢書

約園刊本

讀書先六經及子史至相卜地理亦造閩奧

雲峯家學

胡先生醇父

胡醇父字清父雲峯族弟從雲峯學七年而遇革命雲

峯稱其醇而敏讀書多察理密制行亦無可非云

陳定宇別集

雲峯門人

補程先生仲文

附錄

雲峯序大學釋旨曰予沈潛讀四書六十年近爲纂疏  
集成有訛舛處不得已爲通友朋得之則鋟之梓子悔  
之早程仲文舊從子遊子以其嗜學極愛之今所著大  
學釋旨辭簡嚴密圖明該貫視章句有所發揮於子通  
有所傳授識者表章之薦剡交□將以上聞仲文年方  
壯學者方進未已此書之出視予得毋又早乎雖然知  
人易受知難自知尤難大學誠意章言自知之真也仲  
文其益務自知庶不負識者之知乎仲文勉之雖然予  
年八十亦不敢不自勉也

宋元學案補遺 卷八十九

五十四明叢書

約園刊本

補  
王先生傳

梓林謹叅先生號牧菴雙溪六世孫襲天文地輿  
禮樂制度百家之言爲格物誌嘗爲雙溪刊其文  
集見雙溪  
集後序

程孝則先生可紹

程可紹字致和婺源人號孝則居士幼從伯父林隱先  
生復心與雲峯胡先生學修身謹行克自樹立中年由  
高安鎮西徙居里中市溪北築亭水濱曰觀濶爲延師  
教子之所居之左起屋立龕奉先世神主取大雅詩語  
題曰孝則堂刻朱子孝經刊誤以勵後學鄉先生汪仲

魯王伯武爲之序嘗與趙東山遊師山鄭先生之門情好深厚云

東山存稿

### 教授姚先生璉

姚璉一名廷用字叔器歙縣人弱冠從胡雲峯先生遊呂仲實嘗問曰論語說心幾處對曰不踰矩聖人之心三月不違賢人之心飽食終日眾人之心有心哉隱士之心仲實稱善授紫陽書院學官旋授松江青龍鎮教諭又改諭杭州錢塘縣又改太平教授時參政董搏霄初復杭州賊大侵徽饒行省假公與參政討賊因上十

宋元學案補遺 卷八十九

五十四明叢書

約園刊本

策參政大奇之無何還歙諸帥防歙者交章薦授本郡推官領帥幕事又大帥樞密院判某移書起鎮睦俱不就日與宋景濂孫道安輩結社論文講學賦詩自署雲山一懶翁於世泊如也明太祖至徽延訪耆碩守臣鄧愈以名聞與唐仲實等同被召見事具載御製五倫書所著有鳳池山房集及書文若干卷學者稱鳳池先生

歙縣

志

### 張先生存中

張存中字伯庸

梓材叅胡雲峯集作德庸經義考云新安人

雲峯門人與雲

峯同郡著四書通證雲峯極稱之以附於四書通之後

江南通志

四書通證自述

四書集註明理用事簡明為尙至集成而理愈晦矣雲峯胡先生去其晦而取其明則理通矣今趙氏箋義出而事益繁存中不揆僭越去其繁而存其簡則事亦通矣

附錄

胡雲峯序四書通證曰學者於余之通知四書用意之

宋元學案補遺 卷八十九

五三 四明叢書 約園刊本

深於通證知四書用事之審

梓材謹案四庫書目著錄先生四書通證六卷

吳先生性初

吳性初羅田人胡敬存高第亦嘗從游於雲峯

陳定宇別集

鄉舉汪環谷先生克寬

詳見雙峯學案

雲峯私淑

顧靖夷先生權

父達卿

顧權字用衡其先自蘭溪徙居崑山父達卿與胡雲峯同里友善期有子當使為士及得先生篤意教之先生

力學博通羣典尤究心於易爲文刻意有古作者矩度  
遭時多艱隱居不仕爲鄉校師卒門人私謚靖夷先生

姑蘇志

雙湖續傳

縣令董先生養性

董養性字邁公樂陵人至正中嘗官昭化令攝劍州事  
入明不仕終於家所著有高閒雲集撰周易訂疑十五  
卷序例一卷易學啟蒙訂疑四卷周易本義原本十二  
卷自序謂用力三十餘年乃成其說皆以朱子爲宗蓋

宋元學案補遺 卷八十九

五至 四明叢書

約園刊本

胡一桂陳櫟之末派也 四庫書目提要

宋元學案補遺卷八十九

宋元學案補遺卷九十

目錄

魯齋學案補遺

魯齋師承

補趙江漢先生復

附傳

楊先生惟中

侍其先生軸

文康先緒

宋元學案補遺 目錄

楊先生天德

陵川師承

高先生巖

江漢所傳

補許先生衡

魯齋講友

補姚先生樞

補竇先生默

楊先生恭懿

趙先生吉甫

牧庵師承

李先生德輝

白氏先緒

白先生天祿

李氏先緒

李先生從華

附李徵

李先生從謙

合傳

李先生從益

合傳

宋元學案

目錄

二

四明叢書

約圖刊本

魯齋學侶

王先生旭

劉先生容

魯齋同調

補 劉先生德淵

補 張先生文謙

董先生文忠

雪齋學侶

賈先生損之



辛先生愿

元先生好問

別見明道學案補遺

補楊先生奐

陳先生賡

陳先生庾

附門人甯源李統

薛先生立

庸齋講友

張先生德直

吳先生傑

宋五學案補遺

目錄

三

四明叢書  
約園刊本

劉先生繪

李先生國維

杜先生仁傑

劉先生好謙

庸齋學侶

楊先生果

麻先生革

別見明道學案補遺

孟先生攀鱗

郭先生鎬

李先生廷

宰先生沂

行齋先緒

張先生子厚

附師趙雋

張先生腴

合傳

行齋師承

趙先生元

附子顯

雪齋同調

商先生挺

附子琥

宋學案補遺

目錄

四

四明叢書  
約園刊本

楊先生庸

嚴氏師承

李先生楨

李氏同調

陳先生祐

祖忠

李先生微

別見陳水學案補遺

李先生獻卿

定齋學侶

李先生獻能

李先生獻甫 別見明道學案補遺

漢卿學侶

毛先生憲 父冲霄

江漢學侶

補王先生粹

補郝先生經

江漢同調

補硯先生彌堅

陵川同調

宋元學案補遺

目錄

五四明鏡書

約園刊本

賈先生輔

江漢門人

梁先生樞

趙先生或 父珪附弟勵勵師張宏

侍其門人

董先生文炳

董先生文蔚

董先生文用

董先生文進

甄先生昌祖

張先生延 別見泰山學案補遺

魯齋家學

補許先生師可

魯齋門人

補姚先生燧

補耶律先生有尙

補呂先生盛

補劉先生宣

宋學案補遺 目錄

六

四明叢書  
約園刊本

補賀先生伯顏

補白先生棟

補王先生都中

補李先生文炳

補字憐吉斛先生

補暢先生師文

補王先生寬

補王先生賓

齊先生履謙 父義

杜先生思敬

康里先生不忽木

康里先生秃忽魯

馮先生善主

附師張簡之

楊先生桓

韓先生邦傑

譚先生克修

父彥清

史先生克恭

耶律先生惟重

宋元學案補遺

目錄

七

四明叢書  
約園刊本

張先生源

潘先生澤

野仙鐵木兒先生

王先生楫

李先生善甫

馬先生充實

王先生孚

默勒吉先生堅童

李先生銓

雷先生觀

附見潛齋門人

李先生茂卿

許先生辰

許先生約

董先生士珍

康里先生夔夔

見下文貞家學

別附

把仲輝

牧庵講友

宋學補遺

目錄

八

約園刊本

克烈先生士希

附子慕顏鐵木

姬先生文龍

父德附弟震龍

牧庵同調

虞先生擊

別見蘇氏蜀學略補遺

李先生洞

附詳草廬草案

劉姚同調

黃先生丙炎

附子興孫

文肅同調

高先生克恭

父嘉甫

雪齋門人

楊先生古

雷先生益

附見雪齋門人

劉先生安國

附見勉齋學案補遺

趙先生伏

漢卿家學

寶先生履

漢卿門人

王先生口

附子珍

宋元學案補遺 目錄

九 四明叢書

約園刊本

文康門人

齊先生履謙

見上魯齋門人

李氏家學

李先生頰

道濟門人

補董先生朴

戎先生益

正獻家學

董先生士珍

見上魯齋門人

敬之門人

張先生澄

尤虎先生邃

紫陽門人

員先生擇

王先生暉

別見張祝諸儒學案補遺

秦先生仲

庸齋家學

薛先生友諒

宋石廬案補遺

目錄

十

四明叢書  
約圖刊本

善夫門人

劉先生敏中

父景石

孟卿門人

嚴先生忠嗣

見下行齋門人

潛齋門人

雷先生復始

附弟豫世忠恆益觀

孔先生治

別見張祝諸儒學案補遺

節齋家學

陳先生天祥

別見蘇氏蜀學略補遺



陵川家學

郝先生彝

郝先生采麟

陵川門人

補

苟先生宗道

張先生宏略

張先生宏範

賈先生文備

孔先生進

宋元學案補遺

目錄

十二

四明叢書  
約園刊本

崔先生杲

忠獻家學

董先生士元

董先生士選

別見草廬學案補遺

牧庵門人

貫先生小雲石海涯

孔先生濤

附師留馭齋

閻先生宏

父鼎吉附子然

鄧先生文原

詳見北山四先生學案

劉先生致

劉先生時中

崔先生口

汝南門人

蔡先生文淵

別見靜修學案補遺

舉安家學

賀先生太平

別見雙峯學案補遺

存齋門人

高先生璉

宋五學案補遺目錄

十三四明叢書

一約園刊本

河南家學

河南王子口

文懿門人

蘇先生天爵

詳見靜修學案

文貞家學

康里先生回回

康里先生嶮嶮

學士師承

陳先生高

損齋門人

孔先生治

別見張祝諸儒學案補遺

高氏門人

姚先生子敬

鄧先生文原

詳見北山四先生學案

魯齋私淑

田先生若思

陳先生鈞

附王□

趙先生思恭

宋重案補遺

目錄

十三四明叢書

約園刊本

劉先生輝

父汝舟附兄文振師陳子中

陳先生仁本

吳先生師道

詳見北山四先生學案

漢鄉再傳

郁先生繼善

附師劉伯淵

龍岡門人

王先生結

行齋門人

嚴先生忠嗣

節齋續傳

陳先生思謙 別見張祝諸儒學案補遺

獻武家學

張先生珪 詳見巽齋學案

子山門人

陳先生達

胡先生希仁 別見草廬學案補遺

瑞庵門人

朱先生顯道

宋元學案補遺 目錄

十四 四明叢書  
約園刊本

宋元學案補遺卷九十

後學 鄧 王梓材  
燕谿 馮雲濠 同輯

魯齋學案補遺

魯齋師承

補 隱君趙江漢先生復

梓材謹案郝文忠公與先生論性書云先生及朱子之門而得其傳袁然傳道于北方之人則亦韓子周子之徒蓋謂私淑朱子耳非親及晦翁之門也

雲濠謹案先生國朝雍正二年從祀孔廟

江漢遺文

宋元學案補遺 卷九十

一 四明叢書  
約園刊本

君子之學至于王道而止學不至于王道未有不受變于流俗也三代聖人以心學傳天下後世見于伊尹傅說之訓君子將終身焉明王不與諸子各以其意而言學學者不幸而不得見古人之全體蓋桓文功利之說興而義堯舜文之意泯矣

凜然正氣惟諸葛孔明王景略諸人不爲流俗之所回奪然而隨世就功周旋于散微之末已又不能無偏而不起之患大抵君相造命之地既已曖昧不明而瞽宗米廩教養之法因以廢格不舉故雖有命世絕異之材

卒亦不能邇也非其不能邇也而其故則可知已

以上楊紫

陽文集序

附錄

別著伊洛發揮以標其宗旨朱子門人散在四方則以見諸登載與得諸傳聞者共五十有三人作師友圖以寓私淑之志

又取伊尹顏淵言行作希賢錄學者知所嚮慕

與人交尤篤分誼元遺山文名擅一時其南歸也先生贈之言以博溺心末喪本爲戒以自修讀易求文王孔子之用心爲勉

宋元學案補遺

卷九十

二

四明叢書

約園刊本

郝陵川送漢上趙先生序曰窮先生者此行也達先生者亦此行也先生嘗蹈夫常矣而未蹈乎變也嘗行夫一國矣而未行乎天下也天其或者欲由常以達變由一國以達天下歟

又曰昔之所學者富一身而已今也傳正脈于異俗衍正脈于異域指吾民心術之迂開吾民耳目之蔽削蕪蔓斷邪枉破昏塞俾六經之義聖人之道沛如河海魏如泰華充溢旁魄大放于北方如是則先生之道非窮

也達也

又與漢上先生論性書曰自伊洛入于江漢自江漢入于閩越百有餘年之間蟬聯荆楚蔓衍巴蜀蠶湧旁魄彌亘嶺海如之日至南而極極則復北矣蓋天之道也于是近歲以來吳楚巴蜀之儒與其書浸淫而北至于秦雍復入于伊洛泛入三晉齊魯遂至燕雲遼海之間而先生巍然以師道自處學者雲從景附又爲伊洛發揮一書布散天下使孔孟不傳之緒家至日見則道之復北雖存乎運數其昌明指示心傳口授則自先生始嗚呼先生之有功于吾道德于北方學者抑何厚耶而經牽制于時不能奉杖履弟子之列抑又何不幸耶不能親炙而以書先生其忍棄之哉

姚牧庵序江漢先生行實曰古之人爲知己死者有之無有爲知己而生者先生以古人所不爲者報之先公而先公所受先生也已多矣奚德哉

吳淵穎序胡氏春秋通旨後曰自宋季德安之潰有趙先生者北至燕燕趙之間學徒從者殆百人嘗手書經傳及春秋胡氏傳故今胡氏之說特盛行

又曰先正有云世之去聖日遠故學者惟傳經最難仁甫當天下擾攘之際乃能盡發先儒傳疏而傳之不亦難乎

附傳

忠肅楊先生惟中

楊惟中宏州人知讀書有膽略事元太祖從伐宋凡得名士數十人收伊洛諸書送燕都建太極書院延儒講授慨然欲以道濟天下拜中書令累遷江淮京湖安撫使卒諡忠肅

姓譜

案學案補遺 卷九十

四 四明錢書  
約園刊本

提學侍其先生軸

侍其軸汴人汴陷時龍虎衛將軍董俊以先生爲賢禮

請歸教子後官眞定提學

袁清河集

文康先緒

運判楊先生天德

楊天德字君美其先美原人徙同官高陵其父雅好儒而仲兄茂寔克家厚資之使游學登興定二年進士第歷補尙書都省掾遷轉運司度支判官京城不守流寓宋魯間十年而歸長安自讀書入仕至于晚歲風節矯



矯始終不少變晚讀大學解治及伊洛諸書大嗜愛之  
常語人曰吾少時精力奪于課試殊不省有此今而後  
知吾道之傳爲有在也埋沒篆刻中幾不復見天日目  
昏不能視書猶使其子講誦而朝夕聽之以是自樂及  
有疾親友往問之談笑歌詠不衰曰吾晚年幸聞道死  
無恨矣子恭懿孝廉篤寔克紹先志又能行古道其治  
喪一從先生遺命用司馬氏朱氏考訂古禮云

許魯齋  
遺文

陵川師承

御史高先生疑

宋元學案補遺 卷九十

五四明叢書

一約圖刊本

高疑字士美遂州人以身幹精絕拔爲樞密院都事學  
術純正轉監察御史金亡入燕喪子感疾而卒居順天

當語郝伯常以讀書作文法故其卒賦詩以哭之

郝陵  
某

自注

江漢所傳

補文正許魯齋先生衡

雲濠謹案先生大德二年追  
贈司徒至大二年封魏國公

梓材謹案蘇滋溪爲耶律文正有尙神道碑云初  
公受學于許文正于文正言行默而識之其後考  
次年譜錄之于書凡日用纖悉取以爲師法焉而  
文正德業學術之微因以表見于世是卽魯齋遺

書所附載考  
歲略者也

### 小學大義

古者民生八歲上至王公下至庶人之子弟皆令入小學教之以洒掃應對進退之節禮樂射御書數之文及其十有五歲自天子之元子眾子公卿大夫元士之適子與凡民之俊秀者皆入大學教之以窮理正心修己治人之道此小學大學之所以分也當其幼時若不先習之于小學則無以收其放心養其德性及其年長若不進之于大學則無以察夫義理措諸事業先之以小

宋元學案補遺 卷九十一

六四明叢書

約園刊本

學者所以立大學之基本進之于大學者所以收小學之成功也三代盛時賢才輩出風俗醇厚蓋由盡此道也自秦始皇焚書以後聖人經籍不全無由可考古人爲學之次第班孟堅漢史雖說小學大學規模大略然亦不見其間節目之詳千有餘年學者各以己意爲學其高者入于空虛下者流于功利雖苦心極志博識多聞要之不悖于古人者鮮矣至唐韓文公始引大學節目以爲爲治之序及前宋伊洛諸先生又表章大學一篇發明古者大學教人之法近世新安朱文公以孔門

聖賢爲教爲學之遺意參以曲禮少儀弟子職諸篇輯爲小學之書四卷其綱目則有三曰立教明倫敬身

立教者明三代聖王所以教人之法也蓋人之良心本無不善由有生之後氣稟所拘物欲所蔽私意妄作始有不善聖人設教使養其良心之本善去其私意之不善其上者可以入聖其次者可以爲賢又其次者不失爲善人此先王之時所以民用和睦上下無怨而比屋可封也然所謂教者非出于先王之私意蓋天有是理先王使順其理天有道先王使行其道因天命之自

宋元學案補遺 卷九十一

七 四明叢書

約園刊本

然爲人事之當然迺所謂教也故引中庸天命之謂性率性之謂道修道之謂教數語爲說蓋爲教而不本于道則非教也爲學而不本于道則非學也道者何父子也君臣也夫婦也長幼也朋友也此天之性也人之道也知此則爲師者知所以教人之道爲弟子者知所以進學之方矣

明倫明者明之也倫者倫理也人之賦命于天莫不各有當然之則如父子之有親君臣之有義夫婦之有別長幼之有序朋友之有信乃所謂天倫也三代聖王設

爲庠序學校以教天下者無他明此而已蓋人而不能  
明人之倫理則尊卑上下輕重厚薄淆亂而不可統理  
其甚者至于父不父子不子君不君臣不臣夫婦長幼  
朋友各不居其夫婦長幼朋友之分豈止淆亂而不可  
統理將見禍亂相尋淪于禽獸而後已此所以古之教  
者必以明倫爲教而學者必以明倫爲學

敬身序引孔子言君子無不敬也敬身爲大身也者親  
之枝也敢不敬乎不能敬其身是傷其親傷其親是傷  
其本傷其本枝從而亡聖人以此垂戒則知凡爲人者

宋元學案補遺

卷九十

八

四明叢書

約園刊本

不可一日離乎敬也況人之一身實萬事萬物之所本  
于此有差則萬事萬物亦從而差焉豈可不敬乎敬身  
之目其則有四心術威儀衣服飲食心術正乎內威儀  
正乎外則敬身之大體得矣其衣服飲食二者所以奉  
身也苟不制之以義節之以禮將見其所以養人者反  
害于人也分而言之心術威儀修德之事也衣服飲食克  
己之事也統而言之皆敬身之要也蓋惟敬身故于父  
子君臣夫婦長幼朋友之間無施不可此古人修身必  
本于敬也

稽古載三代時聖人賢者已行之迹其綱亦有三立教  
明倫敬身用此事跡以實前言其外篇嘉言善行皆載  
漢以來賢者所言之嘉言所行之善行其綱目亦各有  
三立教明倫敬身此外篇也衍內篇之言以合外篇則  
知外篇者小學之支流約外篇之言以合內篇則知內  
篇者小學之本源合內外而兩觀之則小學之規模節  
目無所不備朱文公集小學之書大意如此

讀易私言

初初位之下事之始也以陽居之才可以有爲矣或恐

宋元學案補遺 卷九十一

九四明徵書

約圖刊本

其不安于分也以陰居之不患其過越矣或恐其懦弱

昏帶未足以趨時也四之應否亦類此義無應則或困于弱有應則

或傷于蹇坎無應而凶大抵柔弱則難濟剛健則易行

頤有應而凶之類是也故諸卦柔弱而致凶者其數居多豫剝坎恆困井旅小過未濟剛健

而致凶者惟頤大壯夬而已若總言之居初者易貞居

上者難貞易貞者由其所適之道多難貞者以其所處

之位極故六十四卦初爻多得免咎而上每有不可救

者始終之際其難易之不同蓋如此

艮大居初者凡入陰柔處下而其性好止故在謙則合

時義而得吉在咸則感未深而不足進也以是才居遁則後于人而有厲然位卑力弱反不若不往之爲愈也蹇之時險在前也止而不往自有知幾之譽勉于進則陷乎險也艮以止于初爲義故但戒以利永貞漸之才宜若此也雖小子有言于義何咎旅雖有應而不足援也斯其所以瑣瑣乎小過宜下而反應于上斯其有飛鳥之凶乎柔止之才大率不宜動而有應動而有應則應反爲之累矣

謙最吉小過最凶

坤六居初者凡入坤柔順處下其初甚微而其積甚著故其處比與否之初也皆能獲吉豫有應在上是動于欲而不安于分也凶亦宜乎

二二與四皆陰位也四雖得正而猶有不中之累況不得其正乎二雖不正而猶有得中之美況正而得中者乎四近君之臣也二遠君之臣也其勢有不同此二之所以多譽四之所以多懼也二中位陰陽處之皆爲得中中者不偏不倚無過不及之謂其才若此故于時義爲易合時義既合則吉凶可斷矣究而言之凡爲陽者本吉也陽雖本吉不得其正則有害乎其吉矣雖得正

矣不及其中亦未可保其吉也必也當位居中能趨時  
義然後其吉乃定凡爲陰者本凶也陰雖本凶不失其  
正則有緩乎其凶矣雖失正矣苟居中猶可以免其凶  
也不正不中悖于時義然後其凶乃定故陽得位得中  
者其吉多焉陰失位失中者其凶多焉要其終也合于  
時義則無不吉悖于時義則無不凶也大矣哉時之義乎  
乾九二九剛健之才也而承乘又剛健是剛健之至  
也處陰得中有溥博淵泉時出之義臣才若此其于職  
位蓋綽綽然有餘裕矣夫剛健則有可久之義得中則

有適時之義兼二者而得雖無應可也況六五虛中以  
待己者乎此八卦所以皆無悔吝而有應者尤爲美也  
兌九二兌之九二剛而得中也雖上承于柔邪不足爲  
累此以得中之義爲勝也獨節之爲卦自有中義所不  
足者正而已今旣不正矣其何以免于凶乎

巽九二兌之中以剛爲說巽之中以剛爲入皆有才適  
用之臣也然兌務于上

上一陰  
爲主

巽務于下

下一陰  
爲主

其勢

有所不同如井之義貴于上行也而九二無應徇己才  
而下之違時拂義人莫肯與以谷射襄做取象其亦宜

乎

坎九二下陰柔之始也上陰柔之極也而已以陽剛之才獨居中焉是己無賴于彼而彼有待于己也加以至尊應之則險道大行不爾則幾于困矣大率有應而道行則以貞幹之義爲重無應而處中則以須守之義爲重錯舉而言則卦之才皆備焉

坤六二否之時不爲窮厄所動豫之時不爲逸欲所牽非安于義分者莫能也坤之六二居中履正且又靜而順焉宜其處此而無敗也雖然創物兼人陽之爲也柔順貞靜陰之德也以陰之德而遇剝觀則剝傷于柔而觀失于固矣夫何故時旣不同義亦隨異此六爻所以貴中正而中正之中有隨時之義也

震六二六二陰柔而在動體雖居中履正然下乘陽剛成卦之主其勢不得安而處也非惟其勢不得安而處揆其至性亦不肯安而處也或上應或下依有失得之辨焉復無應而下仁吉之道也過此則違道而非正矣頤益之方受彼也上下之來又何患焉无妄之世方存誠也或應或依祇足爲累他卦皆以乘剛之義爲重也



屯震  
噬嗑

大率處則乘剛動有得失非坤二柔中之比也

艮六二以剛處上以柔處下尊卑之勢順也艮之大體既備此象矣而六二又承剛履柔居中得正宜其處諸卦而無過也雖然柔止之才動拘禮制若當大有爲之時則有不可必者故在蹇未能濟處艮莫能止究其用心忠義正直終不可以事之成否爲累也

離六二初與三剛而得正皆有爲之才也然其明照各滯一偏惟六二中正見義理之當然而其才幹有不逮其明善者甚矣才智之難齊也得有應于上則明有所附矣然非剛之善用明實明之能自用也大抵以剛用明不若以明用剛之爲順故八卦應五附三其勢略等而離之六五有應于下者爲最美也

三卦爻六位惟三爲難處蓋上下之交內外之際非平易安和之所也故在乾則失于剛暴在坤則傷于柔邪震動而無恆巽躁而或屈離與艮明止係于一偏坎與兌險說至于過極皆凶之道也然乾之健雖不中也猶可勝任坤之順雖不正也猶能下人二者之凶比他爻爲少緩若夫坎之與兌以陰處陽以柔乘剛不中不正

悖時忤義其爲凶切矣是知乾坤爲經次兌爲重總而論之亦曰多凶而已矣

乾九三過剛而不中難與義適然以其有才也故諄諄焉戒命之曰夕惕曰敬慎曰艱貞庶或有可免者不然則用所偏而違乎義矣凶其可逃乎

四四之位近君多懼之地也以柔居之則有順從之美以剛居之則有僭逼之嫌然又須問居五者陰邪陽邪以陰承陽則得于君而勢順以陽承陰則得于君而勢逆勢順則無不可也勢逆則尤忌上行上行則凶咎必

宋元通纂禮運

卷九十

十四四明叢書

約園刊本

至離之諸四皆是也震則四爲成卦之主才幹之臣也且能動而知戒是以有補過之道以陽承陽以陰承陰皆不得于君也然陽以不正而有才陰以得正而無才故其勢不同有才而不正則貴于寡欲故乾之諸四例得免咎而隨之四夫之四有凶悔之辭焉無才而得正則貴乎有應故艮之諸四皆以有應爲優無應爲劣獨坤之諸四能以柔順處之雖無應援亦皆免咎此又隨時之義也

乾九四九而居四勢本不順然以其健而有才焉故不

難于趨義又上卦之初未至過極故多爲以剛用柔之義以剛而用柔是有才而能戒懼也有才而能戒懼雖不正猶吉也

兌九四處下而說則有樂天之美處上而說則有慕爵之嫌初九雖無應猶可也九四雖有應尙多戒辭也然以剛說之才易得勝任故有應者無不吉而無應者亦有免之道云

離九四陽處近君而能保其吉者以其有才而敬慎故也火性上炎動成躁急非惟不順君之所用且反爲君之所忌也恣橫專偏鮮有不及禍惟噬嗑之去間睽離之相保與羈旅而親寡之時取君義爲甚輕故其所失亦比他爻爲甚緩究而言之固非本善之才也

震九四離之成卦在乎中故以中爲美震之成卦在乎下故以下爲貴若是則震之九四乃才幹之臣也君之動由之師之動亦由之其功且大矣其位已逼矣然而卒保其無禍者何哉蓋震而近君有戒慎恐懼之義以陽處陰有體剛用柔之義持其術以往其多功而寡過也宜乎雖然功大位逼而不正不可以久居其所也久

居其所則勳德反下此恆之所以戒于田无禽歟  
巽六四陰柔之質自多懼也順入之才能承君也以是  
而處每堪其任故八卦皆無凶悔之辭  
坎六四其以陰柔得位而上承乎中正之君略與巽同  
然又有以險之性焉以此處多懼之地則宜矣故八卦  
亦無凶悔吝之辭

艮六四以柔止之才承柔止之君雖己身得正而于君  
事則有不能自濟者必藉陽剛之才而後可以成功故  
離九應之則終得昏媾震九應之則顛頤獲吉至于止  
乾之健納兌之說皆可成功而有喜不爾處剝見凶處  
蒙蠱見吝矣艮以能止爲義能止其身則无咎可也

坤六四坤之六四不問有應與否皆無凶咎蓋爲臣之  
道大體主順不順則無以事君也

五五上卦之中乃人君之位也諸父之德莫精于此故  
在乾則剛健而斷在坤則重厚而順未或有先之者至  
于坎險之孚誠離麗之文明巽順于理艮篤于實皆能  
首出乎庶物不問何時克濟大事傳謂五多功者此也  
獨震忌強輔兌比小人于君道爲未善觀其戒之之辭

則可知矣

乾九五剛健中正得處君位不問何時皆無悔吝惟履之剛決同人之私暱不合君道故有厲有號咷也

兌九五下履不正之強輔上比柔邪之小人非君之善道也然以其中正也故下有忌而可勝上有說而可決大哉中正之爲德乎

離六五強輔強師而六以文明柔中之才而麗之悔可亡也事可濟也然更得九二應之爲貴故大有睽鼎未濟皆吉而他卦止以得位得中而免也

宋王學案禮記卷五十一

十七四明叢書

約園刊本

震六五九四陽剛不正之臣爲動之主而六五以柔中乘之其勢可嫌也得九二剛中應之其勢頗張故恆大壯解歸妹比他卦爲優而豐之二五以明動相資故其辭亦異焉

巽九五以巽順處中正以君臣相得而剛柔相濟相得則無內難相濟則有成功不待于應自可無咎應則尤爲美也

坎九五以剛陽之才處極尊之位中而且正可以有爲也然適在險中未能遽出故諸卦皆有須待之幾夫能

爲者才也得爲者位也可爲者時也有才位而無其時不緩待之則有咎矣

艮六五君輔皆柔且無相得之義本不可有爲也以六有靜止得中之才上依而下任也故僅能成功然非可大有爲也更或無應則獨依剛傅于君道爲愈下矣坤六五坤六居五雖不當位然柔順重厚合于時中有君人之度焉得九二剛中應之則事乃有濟故師泰臨升或吉或无咎而他卦則戒之之辭爲尤重蓋陰柔之才不克大事且鮮能永貞故也

上上事之終時之極也其才之剛柔內之應否雖或取義然終莫及上與終之重也是故難之將出者則指其

可由之方否解困事之既成者則示以可保之道豐无

家人才適時甚足貴也隨離時過適則難與行也乾坤

革漸才適時甚足貴也臨艮時過適則難與行也乾坤

泰大過恆益巽兌節中孚小過既濟義之善或不必勸則直云其吉可也

大有剝大畜遯睽鼎勢之惡或不可解則但言其凶也屯訟比噬

夷夫歸妹豐旅有始不得志而終無悔吝者同人有始

巽小過既濟有始不得志而終無悔吝者同人有始

壓其欲而終有禍敗者萃因其偏而用者才尙可也晉

升反其常而動者事已窮也師謙質雖不美而冀其或

改焉則猶告之

豫大壯益震節

位雖處極而見其可行焉則亦

論之

需蹇

艮有成終之義故八卦皆善

蒙蠱賁剝大畜頤損艮

履係

于所履觀係于所生吉凶不敢主言也大抵積微而盛過盛而衰有不可變者有不能不變者六爻教戒之辭惟此爲最少大傳謂其上易知豈非事之已成乎

### 論陰陽消長

凡陰陽消長皆始于下故得下則長失下則消自始長而至長極凡八消自始消而至消盡凡八長蓋消之中復有長焉長之中復有消焉長中之消其消也漸微消

宋李素補遺 卷九十一

十九四明說

約圖刊本

中之長其長也亦漸微故一復

復

長而至三

益三復消而

爲二

震二長而至四

无妄

四復消而爲二

明

二長而至四

家四復消而爲三

豐

三長而至五

同人

五復消而爲二

二長而至四

中孚

四復消而爲三

歸妹

三長而至五

履五復

消而爲三

泰

三長而至五

小畜

五復消而爲四

大壯

四長而

不消遂至于極也雖然此姑論六畫者然也積而至于

九至于十二以至于無窮則所謂純陽純陰者正猶一

尺之筭日取其半萬世不竭其細微之極非特不可取

而得亦不可視而見也是知天下古今未有無陽之陰

亦未有無陰之陽此一物各具一太極一身還有一乾  
坤也孟子謂萬物皆備于我者是已第未得一元之數  
沿而下之以見吾生亦未得吾生之數沂而上之以見  
其元安得如康節邵先生者從而問之

長

一三

二四

二四

三五

二四

三五

三五

四極

消

五三

四二

四二

三一

宋康黎遺卷九十

王四明遺卷  
約園刊本

四二

三一

三一

二盡

梓材謹案四庫書目著錄先生讀易私言一卷提  
要言其書論六爻之德位大旨多發明繫辭傳同  
功異位柔危剛勝之義而又類聚各卦畫之居于  
六位者分別觀之蓋健順動止入說陷麗其吉凶  
悔吝又視乎所值之時而必以正且得中爲上孔  
子象象傳每以當位不當位得中行中爲言術所  
發明蓋本斯旨云四庫又著錄魯齋遺書八卷附  
錄二卷提要云嘉靖乙酉山陰蕭鳴鳳校刊于泮  
白爲之序序後復有題識云舊本名魯齋全書竊  
謂先生之書尚多散佚未敢謂之全也故更名遺  
書又四庫存目錄魯齋心法一卷提要云此書卽  
全書中語錄之下卷而摘其語錄上卷之三十二  
條非全書之外  
別有此書也

魯齋語錄



不聽父命者則爲不孝不聽君命者則爲不忠其或不聽天命者獨無責耶君父之命或在可否之間設教者猶曰勿逆勿怠況乎天命大公至正無有不善何苦而不受命乎

責得人深者必自恕責得已深者必薄責于人蓋亦不暇責人也自責以至于聖賢地面何暇有工夫責人見人有片善早去做學他蓋不見其人之可責惟責己也顏子有之以眾人望人則皆可以聖賢望人則無完人矣子曰賜也賢乎哉夫我則不暇

宋石學案補遺

卷九十一

二十四明

約園刊本

責己者可以成人之善責人者可以長己之惡

喜怒哀樂愛惡欲一有動于心則氣便不平氣既不平則發言多失七者之中惟怒爲難治又偏招患難須于盛怒時堅忍不動候心氣平時審而應之庶幾無失世人懷智挾詐而欲事之善豈有此理必盡去人僞忠厚純一然後可善其事至于死生禍福則一歸之天命而已人謀孔臧亦可以保天命人能攝生亦可以保神氣自暴自棄而有凶禍皆自取之也

教人使人必先使有恥又須養護其知恥之心督責之

使有所畏榮耀之使有所慕皆所以爲教也到無所畏不知慕時都行不將去

凡在朋儕中切戒自滿惟虛故能受滿則無所容人不我告則止于此耳不能日益也故一人之見不足以兼十人我能取之十人是兼十人之能矣取之不已至于百人千人則在我者可量也哉

前人謂得便宜事莫得再做得便宜處不得再去休說莫得再只先一次已是錯了汝旣多取了他人底便是欠下他底隨後卻要還他世間人都有合得底分限你

朱子家範

卷九十一

三四明敬書

約園刊本

如何多得他便宜萬無此理又人道得便宜是落得便宜實是所得便宜無幾而于天理人心欠缺不可勝道天理也不容汝人心也放你不過外面事不停當反而求之此心歉然于義理所欠多矣如何得安稍能自思自反者此理不難見也其反報甚速大可畏也可謂愛便宜者之戒

或謂人依道理行多不樂故不肯收斂入來放曠不守法度卻樂多只于那壁去了以故爲學近理者少而多喜于自恣放言自適此何故曰天下只問是與不是休

問樂與不樂若分明知得這壁是那壁不是雖樂亦不從也如家有諸子一子服田力穡以堂構爲己任一子荒縱飲宴市樓若論樂與不樂力田之苦誠不如市樓之樂爲其父祖者愛力田者乎愛荒縱者乎使誠知服田力穡之爲樂無窮也則于荒宴不肯一朝居矣然誠不知耳苟能知之必不如是也所以大學要致知孔子曰政寬則民慢慢則糾之以猛猛則民殘殘則施之以寬寬以濟猛猛以濟寬政是以和斯不易之常道也

革人之非不可革其事要當先革其心其心旣革其事有不言而自革者也

恐害己者必思所以害人也豈知利人則未有利于己者也至于推勘公事已得人情適當其法不旁求深入是亦利人之一端也彼俗吏不達此理專以出罪爲心謂之陰德予曰不然履正奉公嫉惡舉善人臣之道也有違于此則惡者當害之而反利之善者當利之而反害之明不能逃其刑責幽不能欺于神明顧陰德何有焉

每臨事且勿令人見喜既令人見喜必是偏于一處隨  
後便有弊既不令人喜亦不令人怒便是得中

地力之生物有大數人力之成物有大限取之有度用  
之有節則常足取之無度用之無節則常不足生物之  
豐歉由天用物之多少由人

爲人臣者常存心于君以君心爲心承順不忘願國家  
之事都得成就卽是至公心可謂仁也于自己爲臣之  
分各有所當職常保守其分不致虧失可謂義也

人要寬厚包容恰要分限嚴分限不嚴則事不可立人

宋元學案補遺 卷九十

三四四明叢書

約園刊本

得而侮之矣魏公素寬厚及至朝廷事凜然不可犯也  
所以爲當世名臣今日寬厚者易犯威嚴者少容于事  
業之際皆有病

天地只是箇生物心聖人只是箇愛物心與天地心相  
似百端用意只是如此禮樂刑政皆是也刑法家說便  
不如此便失了聖人本心便與事物爲敵一切以法治  
之無復仁恩

聖人如何能使百姓無訟只是說說不著實的人向聖  
人面前不敢盡意說他那妄誕的虛辭蓋因聖人能明

自家底明德于事理所止處件件都明白能使百姓每畏服他自然無那顛倒曲直相爭訟底所以訟不待聽而自然無了

小兒或飢或寒自家不會說爲慈母底保愛他用心誠求探求他所欲雖不能盡中其意也不甚相遠若百姓底好惡比小兒又容易曉爲人上底但推此心誠實去求之未有不得其所欲者

古者大學之道以修身爲本凡一事之來一言之發必求其所以然與其所當然不牽于愛不蔽于憎不因于喜不激于怒虛心端意熟思而審處之雖有不中者蓋

鮮矣

人之情僞有易有險險者難知易者易知易知者雖談笑之頃几席之間可得其底蘊難知者雖同居共事閱月窮年猶莫測其意之所向雖然此特係夫人之險易者然也又有眾寡之辨焉寡則易知眾則難知難知非不智也用智分焉易知非多智也合小智而成大智也故在上之人難于知下在下之人易于知上其勢然也處難知之地御難知之人欲其不見欺也蓋難矣

審而後發發無不中否則觸事遽喜喜之色見于貌喜之言出于口人皆知之徐考其故知無可喜者則必悔其喜之失甚至先喜後怒先喜是則後之怒非也號令數變無他焉喜怒不節之故

任用人材興作事功自己已有一定之見然不可獨用己意則排沮者必多吾事敗矣稽于眾取諸人以爲善然後可

魯齋遺文

人君惟無喜怒也有喜怒則贊其喜以市恩鼓其怒以

宋王象巖遺

卷九十

王六四明叢書

約園刊本

張勢人君惟無愛憎也有愛憎則假其愛以濟私藉其憎以復怨甚至本無喜也誑之使喜本無怒也激之使怒本不足愛也強譽之使愛本無可憎也強短之使憎若是則進者未必爲君子退者未必爲小人以至賞罰生殺鮮有得其正者人君不悟日在欺中方仗若曹邕發細隱以防天下之欺尚可防耶大抵人君以知人爲貴以用人爲急用得其人則無事于防矣旣不出此則所近者爭進之人耳好利之人耳無恥之人耳賢者以公爲心以愛爲心不爲利回不爲勢屈寘之周行則庶

事得其正天下被其澤然或遭時不偶務自韜晦有舉  
一世而人不知者雖或知之而當路之人未有同類不  
見汲引獨人君有不知者人君雖或知之召之命之涖  
如廝養而賢者有不屑就者雖或接之以貌待之以禮  
而其所言不見信用有超然引去雖或信用復使小人  
參于其閒責小利明近效有用賢之名無用賢之實賢  
者亦豈肯尸位素餐徒費廩祿取譏諍于天下也上治道疏  
嘗謂天下古今一治一亂治無常治亂無常亂亂之中  
有治焉治之中有亂焉亂極而入于治治極而入于亂

亂之終治之始也治之終亂之始也治亂相循天人交  
勝天之勝質揜文也人之勝文勝質也天勝不已則復  
而至于平平則文著而行矣故凡善惡得失之應無妄  
然者而世謂之治治非一日之爲也其來有素也人勝  
不已則積而至于偏偏則文沒不用矣故凡善惡得失  
之迹若謬焉者則世謂之亂亂非一日之爲也其來有  
素也析而言之有天焉有人焉究而言之莫非命也命  
之所在時也時之所向勢也勢不可爲時不可犯順而  
處之則進退出處窮達得喪莫非義也與賈先  
生書

梓材謹案時實先生引薦魯  
齊故魯齋爲是語以辭之

附錄

姚樞時方以道學自任傳伊洛之學于南士趙仁甫先  
生往蘇門求之得易程氏傳春秋胡氏傳書蔡氏傳詩  
朱氏傳與論語孟子集註大學中庸章句或問小學之  
書讀之深有所契皆手鈔以歸  
謂吾自傳伊洛之學心與理融終夜以思手舞足蹈有  
不知其所以然者

至元八年以集賢殿大學士召守國子祭酒先生喜曰

宋李學案補遺 卷九十

三五四一明徵書  
幼園刊本

此吾事也所選弟子皆幼穉先生待之若成人愛之如  
己子出入進退嚴若君臣其教諄煦懇至日改月化雖  
童子皆知三綱五常之重

十三年命以國子祭酒領太史院事曆成復還懷太子  
眞金與書曰公勿以道不行爲憂公身安道有時行矣  
惟勉自愛

先生在中書日命牙僧雇一僕役特選一能應對閑禮  
節者進卻之曰特欲老實耳他日領一蓬首垢面愚騃  
之人來遂用之僧請問其故先生曰諺云馬騎上等馬



牛用中等牛人使下等人馬上等能致遠牛中等良善人下等易馴若其聰明過我則我反爲所使矣假如司馬溫公家一僕三十年止稱君實秀才蘇子瞻學士來謁聞而笑之明日改稱大參相公公驚問以實告公曰好一僕被蘇東坡教壞了這便是格子輟耕錄

先生所至人樂從之去人莫能舍服其教心感誠服終身不敢忘聽其言雖武人悍士無不感悟也

卒旣葬四方學者有不遠數千里來哭墓下者

宋學案禮道

卷九十

二五  
約圖刊本

爲主或質以他說則曰賢且專主一家則心不亂矣及

江左混一始得閱其文亦病其太多

考歲略

呂端善祭先生文曰維蒙古生嶷然古風稔公之教在耳蘊公之化于躬雖所賦有厚薄所得有纖穠惟公擇其尤者相之導之以陰誘其衷使之默識心通視明聽聰謀嘉慮忠言行諫從則可以鞏國家無疆之祚惟寧永生民無疆之休惟洪

歐陽文公爲神道碑曰聞河內政虐還自蘇門十餘年間雖顛沛流離行不愧影其與人交中剛外和一芥取

予必揆乎義人與之居雖有忤求馴致俱化所至學者  
翕然歸之察其誠至始留館下既留誘掖忘倦身教屬  
屬言教循循于是師道日立友道日親在魏友實默蘇  
門友姚樞相與論辨探幽抉微詣者懼伏

又曰其爲學也以明體達用爲主其修己也以存心養  
性爲要其事君也以責難陳善爲務其教人也以洒掃  
應對進退爲始精義入神爲終雖時尙柄鑿不少變其  
規矩也

又曰先生平時頗病文籍之繁嘗曰聖人復出必大芟  
而治之斯則周衰以來文勝之弊猶將有以正救于其  
閒是豈淺之爲志者乎

又曰先生天資之高固得不傳之妙于聖賢之遺經然  
純篤似司馬君實剛果似張子厚光霽似周茂叔英邁  
似邵堯夫窮理致知擇善固執似程叔子朱元晦至于  
體用一原顯微無閒超然自得于不動而敬不言而信  
者又有濂洛數君子所未發者焉

姚牧庵爲祠堂記曰五百年必有王者興其閒必有名  
世者出惟公足以當之蓋太祖皇帝建國丙寅而先生

生于己巳上距宋慶元庚申朱子之卒纔十年當興王之會續傳道之業必有數存焉

姚牧庵曰先生之學一以朱子之言爲師窮理以致其知反躬以踐其實始而行其家終而及之人故于魏于輝于秦樞衣其門所在林立盛德之聲昭聞于時宦諸胄學其教也入德之門始惟由小學而四書講貫之精而後進于易詩書春秋耳提面命莫不以孝弟忠信爲本四方化之雖吏爲師刀筆筐篋之流父以之訓其子兄以之勸其弟者亦惟以是爲先語述作固不及朱子之富而扶植人極開世太平之功不慚德焉

宋學案補遺

卷九十

三三四明藏書

約園刊本

陳石堂序序先生大學要略直說曰吾閩自有天地以來爲草木篁竹之地至唐始有書聲書聲三百年而文公朱子生焉道統在焉心之無在不在也許平仲覃懷人也相後不百年而相去數千里一旦于吾朱子之書忻喜踴躍如獲連城上以廣一人堯舜之心下以起同類曾閔之行而復能具體實踐藹然于立身處家進退行藏之際六合旣一北方人物之美趣尙之正不絕于南來者之口而四書之檐發于武夷之下踰江淮黃河

越行華出居庸雁行玉門以及于日月之所照霜露之所墜是固平仲之功亦無非帝降之使然也當時朱子燈火之前夜半不寐推牀之際豈知身後之契在于太行之東與其書之彌滿天地哉大要降衷秉彝無閒于混然中處之類但須勤行敬守則不患于無相知者明道先生子程子曰但得道在不繫今與後己與人吾子朱文公許魯齋亦云

陳鈞序曰古者大學教人之法備見于大學之書河南程子尊信而表章之上接孔子不傳之統下開後世入

宋學案補遺

卷九十

三四明發書

約園刊本

學之門其功至矣地相近而得其傳者許公也公之源派流行益廣今中書宰相御史中丞行中書右丞其正傳也凡仕于朝仕于外有道德之潤以及于民者亦皆許公之徒也

虞道園曰南北未一許文正公先得朱子之書伏讀而深信之持其說以事世祖而儒者之道不廢許公實起之是以世祖□□以來不愛名爵以起天下之處士雖所學所造各有以自見其質諸聖賢而不悖俟乎百世而不惑者論者尙慊然也

蘇滋溪曰國家初有中夏士踵宋金餘習以記誦詞章相誇尚許文正公始以孔孟之書程朱之訓倡明斯道一時師友講習若河汾伊洛之盛

王忠文擬傳曰衡天資宏毅卓然有守當艱難窮阨之時其操益堅聞一善言見一善行不啻飢渴之得飲食而于榮名世利畏之若探湯終始表裏一本于誠敬故天下信之無異辭聞君命未嘗不卽起然卒亦未嘗枉尺而直尋每入奏對以格君心爲己任氣象雍容言雖切直而無忤也出入禁中衛士輒舉手加額曰是欲堯舜吾君民者也逮其晚年義精仁熟道出羣物之表身備四時之和胸中浩然純乎天理而動靜語默周旋出入之頃無非至教天下之士聞之者知敬望之者知畏親之者知愛遠之者知慕而視其進退仕止爲朝廷之重輕其身任斯道之寄如此

宋潛溪名臣頌曰濂洛之學傳自武夷重徽疊照日星昭垂逮我許公尊聞行知若親握衣寒泉之麋張皇幽眇釐析毫絲如皋陶淑問畢其情辭如后羿注矢不失其馳旣入闕域遂升堂基橫經冑監矜佩鏘如祛其人

私偏其天彝釋其偏歧挽其九衢德成材達昭用于時  
黼黻帝治甄陶泰熙明體適用公實庶幾無德弗報四  
海祝尸於乎許公百世之師

薛文清讀書錄曰魯齋吾莫測其爲何如人但想其大  
而已元人有以北海有許衡南有吳澄並稱者此非後學  
所敢輕議然卽其書求其心考其行評其出處則二公  
之實可見

又曰魯齋召之未嘗不往往則未嘗不辭善學孔子者  
也

又曰魯齋厭末末文弊有從先進之意

又曰魯齋力行之意多

又曰許魯齋詩云萬般補養皆虛僞只有操心是要規  
惟心得而實踐者乃知其言之有味

劉戡山人譜曰許魯齋設教懇款周悉必使通曉嘗問  
諸生此章書義若推之自身今日之事有可用否書中  
無疑看出有疑有疑卻看出無疑方是有益

又曰許魯齋嘗云爲學以治生爲本此言出甚爲世所  
譏議後人當善會其意知非教人謀利也貧窮之累人

甚矣古今來有不爲此敗節喪名者幾人學者須是習勤服勞搏節儉約勿使游手游食以致仰事俯畜無所依賴而已昔司馬溫公爲相每詢士大夫私計足否人怪而問之公曰倘衣食不足安肯爲朝廷而輕去就耶正是同此意見

馬平泉曰薛文清亟稱魯齋之大而曹貞予謂事元明學魯齋之大用世儒過貶不亦甚乎余博觀魯齋爲人其生平恢宏縝密德合坤乾可謂粹然完善者矣其臨終顧語其子之言或謂其悔事元也吾疑焉

朱子語類

卷九十

三五四明叢書  
一約園刊本

夫世祖之于魯齋不可謂不見知且始終敬禮不衰道雖未大行君臣之義立矣若如或人所云如君臣大義何然則奚爲出此言曰魯齋必自顧歉然而有所大不安于心者但無所告訴人亦未有知之者耳觀太子與書曰公無以道不行爲憂屢進屢退立乎人之本朝而道卒不行非歉歎然則先生之爲此言也其在斯乎其在斯乎嗚呼若先生者雖未及于夫子之立道綏動至于生榮死哀後世儒者未有如先生者也

陳石士師書山水先生訓子帖後曰其言陸子固筦  
庫三年而學進及學者就日用米鹽零雜瑣屑之務  
而可以研求人情物理尤與許文正儒者治生爲要  
語相表裏所謂治生者刻苦其身以自奮非干求乎  
人以自污也故孔子賢顏子之屢空而稱其簞瓢陋  
巷之不改其樂顏子不可幾矣漢儒之且耕且讀及  
傭力爲學者非皆所謂能治生者乎

魯齋講友

補  
文獻姚雪齋先生樞

宋才學補遺

卷九十

三

四明叢書  
約園刊本

附錄

繼拔德安得江漢先生趙復見公公戎服而釋不以華  
人遇之至帳中見陳琴書曰西域人知事此乎公爲一  
莞

世祖在潛邸奇其才動必召問且使授世子經

拜昭文館大學士詳定禮儀事

又請禁宋鞭背黥面及諸濫刑

許魯齋和姚先生韻曰去去迷途莫問津問來還恐不  
知真因時用舍固有會與道卷舒宜在人百尺竿頭愁



據險一庵林下樂爲鄰孰輕孰重何須論夢想故園桑  
柘春

宋潛溪名臣頌曰奕奕龍泉神彩內明視之如空其鋒  
所指無物不斷捷疾如風媿之文獻雄姿英發靡有不  
同在前無古在後無今有志卓卓倡道蘇門上沂泗沂  
下探闕洛施子有政蔚爲王佐務盡忠諤立經陳紀禮  
賢黜邪風動四方大開文明輦致雅樂實自魯邦不殺  
之諫晝夜諄諄舌不得藏治定功成渾然無迹莫窺所  
存左許右竇二人同心扶乾植坤如帶如礪信誓弗渝

宋志學案補遺

卷九十

三

四明叢書

約園刊本

永世有聞

梓材議案黃氏千頃堂書目云五經要語至元三  
年姚樞竇默王鶚商挺楊果等纂進凡二十八類  
是亦可見先生提要之學矣又案元史裕宗傳少  
從姚樞竇默授孝經及終卷世祖大悅設食饗樞  
等裕宗世  
祖嫡子也

補  
文正竇漢卿先生默

附錄

帝嘗謂侍臣曰朕求賢三十年惟得竇漢卿及李俊民  
二人又曰如竇漢卿之心姚公茂之才合而爲一斯可  
謂全人矣

劉文貞大理途中寄竇侍講先生曰昔聞名德仰高山  
遞識高賢未敢攀富貴不求驚見擢田園成趣喜歸閑  
一心止水常平湛萬事浮雲任往還解把陽和涵養就  
不言春色滿人間

宋潛溪名臣頌曰有卓實公閭闔而馴雍雍而惇炳炳  
而文大衣垂紳似不能言及摧權姦勢將排山綱常之  
陳皦若白日照耀天下至今有赫大道旣明旁鑿亦精  
九箴所及以死爲生其學之醇其志之忠宜耄矣之嗟  
發自帝衷

文康楊先生恭懿

楊恭懿字元甫奉元人力學強記書無不讀尤深于易  
禮春秋父歿水漿不入口者五日至元七年與許文正  
公俱被召先生不至十一年太子下教中書俾如漢惠  
聘四皓者以聘先生乃至京師侍讀學士徒單公履請  
設取士科先生言宜敕有司舉有行檢通經史之士試  
以經義論策則士風還淳民俗趨厚而國家得才矣帝  
善之會北征先生遂歸田里十六年詔于太史院改曆  
授集賢學士兼太史院事十八年辭歸是後凡三召皆

不行二十一年卒年七十元

梓材謹案先生官至昭文館大學士領太史院事與許文正公同謚文康見蘇滋溪文集

附錄

童而讀書記識強敏日數千言時艱從父中大夫逃亂而東不恆其居閒關險阻未嘗怠弛其業

年十七侍中大夫西歸無田于郊假室以居鄉鄰或繼其匱皆謝不取惟服勞以爲養暇則力學綜博于書無不經目而究其心者摳衣之徒戶外滿履橫經入問爲析疑義源源其辭若決江河而下之

宋元學案補遺 卷九十一

元四明叢書 約園刊本

年二十四始得朱子集註章句四經太極圖小學近思錄諸書歎曰人倫日用之常天道性命之妙皆萃此書今入德有其門矣進道有其塗矣吾何獨不可及前修

踵武哉

以上神道碑

魯齋與先生論梁寬甫病症書曰近世論醫有主河間劉氏者有主易州張氏者張氏用藥依準四時陰陽升降而增損之正內經四氣調神之義醫而不知此妄行也劉氏用藥務在推陳致新不使小有怫鬱正造化新新不停之義醫而不知此無術也然而主張氏者或未

盡張氏之妙則瞑眩之劑終莫敢投至失幾後時而不救者多矣主劉氏者或未悉劉氏之蘊則劫效目前陰損正氣遺禍于後日者多矣能用二家之長而無二家之弊則治庶幾乎

姚牧庵送宰伯魯遊秦序曰有楊元甫者吾師與之抗禮者也其學也粹而正其操履也堅而不渝其執親之喪也哀而禮其能也博而肆尤邃史學讀至落落奇傑之士必慷慨感激思見其人

蕭徵士剡誌其墓曰朱文公集周程夫子之大成其學

宋李學案補遺 卷九十

四十一 約園刊本

盛于江左北方之人聞而知者固有其人求能究聖賢精微之蘊篤志于學真知實踐主乎敬義表裏一致以躬行心得之餘私淑諸人繼前修而開後覺粹然一出乎正者惟司徒暨公

梓材案司徒謂許文正公

趙拙存先生吉甫

趙吉甫其先蜀人徙居玉沙與許魯齋友善魯齋至武昌首問先生謂人曰吉甫爲人天資聰俊高某一著則其人可知矣自號拙存以文學名于世

姓謹

牧庵師承

忠宣李先生德輝

李德輝字仲實潞縣人生五歲父且卒指先生謂其家人曰吾爲吏治獄不任苛刻人蒙吾力者眾天或報之是兒其大吾門乎及卒先生號慟如成人適歲凶家儲粟纔五升其母春蓬稗炊藜菟而食之先生天性極孝梯操履清慎年十六監酒豐州祿食充足甘旨有餘則市筆札錄書夜誦不休謝絕所與游少年求長者講學以卒業歷授太原路總管凡可以阜民者無不爲之後爲安西行省左丞西南夷羅施鬼國旣降復叛先生遣

宋重刊通鑑卷九十一

罕二四明錄書

約圖刊本

張孝思諭鬼國趣降乃改鬼國爲順元路卒年六十三蠻夷聞訃哭之哀如私親爲位而祭者動輒千百人

元史

梓材謹案姚牧庵爲狀其行云卒後七日資政大夫中書左丞安西行中書省之命下又云贈光祿

大夫中書右

丞溫忠宣

白氏先緒

庶官白頤樂先生天祿

白天祿太原人彥隆父雖官而不顯居頤樂堂號頤樂

先生

姚牧庵集

李氏先緒

李先生從華 附李徵

李先生從謙 合傳

李先生從益 合傳

李從華朔州人官樞密都事其父誨曰家世朔州罹亂離朝夕習騎射今邊宇寧謐諸兒宜守儒顯親毋刻木吏爲也先生受其言朝夕以詔二弟從謙從益俾從學於九山李先生徵從謙官總判從益以子銓貴追封冀

國公謚端敏 清容居士集

魯齋學侶

宋孟業補遺 卷九十

學三四明敕書  
約園刊本

王先生旭

王旭東平人嘗上魯齋先生書自稱晚進謂孟子致齊卿之位齊王欲中國而授孟子室養弟子以萬鍾而孟子不可以爲辭十萬而受萬而先生之所以眷焉于此者其必有以處此矣而旭也未聞其說焉何如返蘇門之故隱臥西山之白雲遠續洙泗之微言近考伊洛之正派使聖傳不墜後學有歸旭也不敏請握衣執筆以書先生于文公之後云 元文類

總管劉先生容

劉容字仲寬其先西寧青海人其父徙于雲京先生幼穎悟稍長喜讀書中統初以國師薦入侍皇太子于東宮命專掌庫藏每退直卽詣國子祭酒許魯齋衡魯齋亦與進之至元十五年立詹事院先生上言曰太子天下本苟不得端人正士左右輔翼之使傾邪側媚之徒進必有損令德聞者是之命爲大學司議改祕書監出爲廣平路總管後以疾卒于官年五十二元

魯齋同調

補徵君劉道濟先生德淵

宋元學案補遺 卷九十 四明 約圖刊本

附錄

郝陵川送先生序曰道之不行也非爲佛老小人之相害也由君子之自不行耳道之不競也非止謂君子之不自行也由反倡佛老小人之爲禍耳

又送先生序曰天期不愆屬運而會則結余髮斂余衽高山仰止景行行止其無空老矣若道濟者其誼之高學之正器之遠以大又非余輩之可企也所謂昌揭之士也其興明盛之功也必矣

王秋湖表其墓曰先生性癖直有操守好學能自刻厲

及游溲南王先生門思素辨惑等說自足廢飢史爲專門之業

又曰晚節知圓鑿方柄不能與時阿合乃以所得成就學者言言傳後著之爲書數萬言其說爲天地立極爲生民立本爲聖賢立法

補忠宣張頤齋先生文謙

附錄

至元改元秋詔公行省事中興羌俗素鄙野事無統紀公求蜀士爲人僕隸者得五六人援恩例理而出之俾通明吏教以案牘旬月之間樞機品式粗若可觀羌人始遣子弟讀書土俗爲之一變

拜大司農卿立諸道勸農司巡行勸課敦本業抑游末設庠序崇孝弟不數年功效昭著野無曠土栽植之利遍天下奏開籍田祭先農先蠶皆自公始尋又奏立國子學以魯齋許公爲祭酒選貴胄子弟教養之所成就人材爲多

晚歲篤于義理之學摳衣魯齋求是正之有自得之趣以上神道碑



虞道園爲張氏新塋記曰嗚呼微朱子聖賢之言不明于後世微許公朱子之書不著于天下微公則許公之說將不得見進于當時矣庸非天乎

### 奉訓董先生文忠

董文忠字彥誠真定藁城人仕至僉書樞密院事至元間官奉訓大夫時侍講徒單公履欲行貢舉知上于釋崇教抑禪乘是隙言儒亦有是科書生類教道學類禪上怒已召姚文獻樞及文正與一左相廷辨先生自外入上曰汝日誦四書亦道學者先生曰陛下言士不治

宋元學案禮遺

卷九十一

學五四明叢書

約園刊本

經究心孔孟之道而爲賦詩何關修身何益爲國由是海內之士稍知從事實學臣今所誦皆孔孟言烏知所謂道學哉而俗儒守七國餘習求售己能欲錮其說恐非陛下上建皇極下修人紀之賴也事爲之止君子以

爲善于羽翼斯文

姚牧庵集

梓材謹案元史先生本傳卒封壽國公謚忠貞元清河集董氏家傳同惟吳草廬撰先生墓表作正獻虞道園撰忠獻行狀蘇滋溪撰董士良神道碑亦並作正獻豈其先謚忠貞後改正獻耶

### 雪齋學侶

尙書賈先生損之

賈損之

辛先生愿

辛愿字敬之福昌人年二十五始知讀書音義有不通者搜訪百至必通而後已由是博極羣書且善于文辭尤以是非黑白自任家甚貧素負高氣又不能從俗俯仰元光初李獻能元好問在孟津先生往見之獻能爲設美饌先生放筴歎曰平生飽食有數每見吾二弟必得嘉食明日道路中又當與老飢相抗去矣

宋文  
憲集

附錄

宋文學案補遺

卷九十

四明叢書

約園刊本

嘗謂王鬱飛伯曰王侯將相世所共嗜者聖人有以得之亦不避得之不以道與夫居之不能行己之志是欲澡其身而伏于廁也此言他人難聞子宜保之其志趣如此

員外元遺山先生好問 別見明道學案補遺

補  
文憲楊紫陽先生奩

雲濠謹案先生遺山集六十卷又  
有大興近鑑三卷正統書六十卷

正統八例總序

嗚呼正統之說禍天下後世甚矣恨其說不出乎孔孟

之前得以滋蔓瀰漫而莫知翦遏也通古今考之既不  
以逆取爲嫌而又以世系土地爲之重其正乎後之逆  
取而不憚者陸賈之說倡之莽操祖而誨之也不曰予  
有慙德不曰武未盡善也以湯武之順天應人而猶以  
爲未足況爾邪以世系言則禹湯文武與桀紂幽厲並  
矣不曰賊仁者謂之賊賊義者謂之殘殘賊之人謂之  
一夫而容並之以土地言則秦之滅六國晉之平吳隋  
之平陳苻秦之窺伺梁魏周齊之交爭不息者所激也  
不曰以力假仁者霸霸必有大國以德行仁者王王不

待大湯之七十里文王之百里以王道爲正也王道之  
所在正統之所在也不然使創者不順其始守者不慎  
其終抑有以濟夫人主好大喜功之慾必至糜爛其民  
而後已其爲禍可勝計耶是以矯諸儒之曲說懲歷代  
之行事蔽以一言總爲八例曰得曰傳曰衰曰復曰興  
曰附曰絕曰歸孰爲得若帝擊而後陶唐氏得之夏殷  
絕而湯武得之是也以秦隋而始年必書曰得何也庶  
幾乎令其後也未見其甚而絕之私也見其甚而不絕  
亦私也一世而得再世而傳固也武德貞觀之事旣書

高祖曰得繼之曰太宗得之何也原其心也其心如之何謂我之功也功著矣奪嫡之罪其能掩乎而曰傳者誕也悲夫處化之兵未洗靈武之號又建啟之不正習亂宜然是故君子惜之此變例之一也孰爲傳曰堯而舜舜而禹禹而後啓周之成康之類是也曰衰者如周道衰于幽厲漢政衰于元成之類是也曰復者何如少康之布德太甲之思庸宣王之修明文武之功之類是也晉惠中宗則異于是所謂反正者也故附見之此蔣父之論也惠帝旣復而奪之何也咎其爲賈后所制

至廢其子以成中外之亂德之不剛也德之不剛君道失矣猶中宗改號而韋后與政使武氏之燼復著也曰與者何存之之謂也有必當與者有不得不與者昭烈帝室之胄卒續漢祀必當與者也晉之武帝元魏之孝文不得不與者也昭烈立魏其存乎曰操莽之惡均卻莽而納操誠何心哉黨魏媚晉陳壽不足責也而曰不取于漢取于羣盜之手其獎篡乎魏晉而下訖于梁陳狃于篡弒若有成約今日爲公爲相國明日進爵而王矣今日求九錫明日加天子冕旒稱警蹕矣今日僭卽

皇帝位降其君爲王爲公明日害之而臨于朝堂矣吁  
出乎爾者反乎爾其亦弗思矣乎史則書之受禪先儒  
則目曰正統訓也哉曰晉不以爲得者何斥其攘魏也  
斥而與之何也順生順逆生逆天也天之所假能廢之  
哉曰後乎此者不得與斯何也惡之也何惡之惡其長  
亂也不然亂臣賊子曷時而已乎公羊曰錄內而略外  
舍劉宋取元魏何也痛諸夏之無主也大明之日荒淫  
殘忍抑甚矣中國而用夷禮則夷之夷而進于中國則  
中國之也且肅宗掃清鉅盜迴軫京闕不曰復而曰興  
何也暴其自立也五代而與明宗柴郭何也賢明宗之  
有王者之言也願天早生聖人是也周祖以其厚民而  
約己也世宗不死禮樂庶乎可興柰何不假之年而使  
格天之業隕于垂成也曰陷者何夏之有窮泥漢之有  
諸呂新室晉之永嘉之禍唐之武韋安史巢溫之僭叛  
是也始皇十年而從陷例何也曰置秦于大亂不道者  
始皇也誘始皇于大亂不道者李斯也人主之職在掄  
一相是年也斯之復相之年也惡惡者疾故揭爲不哲  
之鑑以著輔相之重也曰景帝卽位之初明帝之永平

八年而書陷者何以短通喪而啟異端也短通喪者滅天性也啟異端者亂天常也雖出承平之令主而不正其失何以嚴後世之戒曰絕者自絕之也桀紂胡亥之類是也曰歸者何以唐虞雖有丹朱商均而謳歌獄訟歸于舜禹桀紂在上而天下臣民之心歸于湯文矣曰漢之建安十三年繫之劉備何也以當陽之役也夫我不絕于民其絕我乎詩之皇矣乃眷西顧求民之莫斯其旨也商紂之交紂德爾耳悠悠上天不忍孤民之望亟求所以安之而其意常在乎文王之所以潛德音也曰歸或附之以陷何也示無二君也敢問唐虞之禪夏后殷周之繼存而不論何也曰聖人筆削之矣起于周敬王之癸亥何也曰痛聖人既沒微言之不聞也西周之世書秦之事何也著其漸也秦之僭叛不能制則周之弱見矣秦人承三代之餘混疆宇而一之師心自恣絕滅先王典禮而專任執法之吏厲階既作流毒不已嗚呼王道之不明賞罰之不修久矣然則發天理之誠律人情之偽舍是孰先焉曰通載者二帝三王致治之成法桀紂幽厲致亂之已事也曰通議者秦漢六

朝隋唐五季所以興亡之實跡也因以仰述編年之例  
具錄而無遺索其梗概不過善可以爲訓惡可以爲戒  
而已前哲之旨果中于理所取也敢強爲之可否苟有  
外于理所去也必補之以鄙見者將足成其良法美意  
也而忍肆爲斬絕不根之論徒涉于乖戾耶蓋得失不  
爾則不著善惡不爾則不分勸戒不爾則不明雖綿歷  
百千世而正統之爲正統昭昭矣卓然願治之君苟察  
斯言而不以人廢日思所以敦道義之本塞功利之源  
則國家安寧長久之福可坐而致其爲元元之幸不厚  
矣乎

附錄

歲癸巳金元帥崔立以汴京降先生微服北渡冠氏帥  
趙壽之卽延致口待以師友之禮門人有自京師載書  
來者因得聚而讀之

郝陵川上紫陽先生論學書曰伏觀先生韓子辨正統  
例還山教學志洋洋灑灑若括元氣而翕闢之其事其  
辭其理皆有用者也非世之逐末之文也天其或者悔  
禍而自先生發源歟不窒塞不天闕而遂承其流推而

放之四海則道之用可白而至治可期也不見諂于江  
左諸公矣

元遺山贈答楊煥然詩曰詩亡又已久雅道不復陳人  
人握和璧燕石誰當分關中楊夫子高誨世所聞十年  
玄尚白藜藿甘長貧有來河水篤四海付斯文斯文有  
定在桓生知子雲古來知己難萬里猶比鄰千人國中  
和要非心所親東楚西南秦望君勞我神相逢不得語  
別去徒殷勤白雲不可贈相思秋復春

趙江漢序紫陽文集曰先生資機敏而明通卽其文可

宋元學案補遺

卷九十一

至

四明叢書

約園刊本

以得其爲人善學以爲己必有所入之地唐韓愈氏以  
雖義而不取爲主先生讀之自爲渙然不逆於心使其  
得君行道推是心以列諸位實王道之本原雖不能盡  
充其說退而斂然以是私淑諸己先生固已得之矣

參議陳默軒先生慶

陳賡字子颺猗頓人與長弟平陽提舉庾季弟東平勸  
農使膺齊名太原元好問號爲三鳳先生言論必本于  
理喜怒不形于色時稱長者以行省言授河東兩路宣  
慰司參議其學闡肆演迤以力行爲本有默軒集二十



卷塢西漫錄十二卷嵩隱談露五卷弊帚集十卷

程雲樓集

提舉陳澹軒先生庾

附門人甯源李焄

陳庾字子京默軒之弟也元初覃懷許文正衡進而師于上保定劉徵君因退而師于下名賢遺老並列周行而先生亦起爲河東儒師少與趙定劉繪張澄同學號爲四秀嘗膺平陽高雄飛之招署郡教授日與高第弟子甯源李焄之徒講習問辨來學日眾會中書令耶律鐸奏置經籍所平陽命先生校讎所事世祖徵至六盤山與語大悅中統初以宣撫張德輝薦授平陽路提舉

宋元學案補遺

卷九十一

五十四明藏書

約園刊本

校官進德義樹教化勉學戒惰風俗爲之一變年六十八卒其與人交必盡其道陵川劉昂霄太原元好問河中李獻卿洛陽李微奉天楊奐虞鄉麻革濟南杜仁傑曹南商挺諸賢咸相友善其教人一本諸道德仁義或問政曰以禮曰何謂禮曰臨事以敬律身以義用人惟賢養民惟惠體風俗而施教察過失而立防行之以寬柔簡易之道輔之以中正裁制之宜謹之以進退賞罰之節故曰有禮政事得其施無禮政事失其施也或問政之大者曰政莫大于守法愛民任廉去姦曰刑可用

乎曰懇懇用刑不如行恩孳孳求姦未若禮賢且民不見德惟刑是聞公之政殆矣或問寡過曰行不歸義皆過也反求諸義其庶乎問寡欲曰無過則欲自寡臨終手書爲學之要凡九篇以遺子孫其所著書有經史要論三十卷三代治本五卷唐編年二十卷澹軒文集三十卷方爲春秋解未成會卒

程雪樓集

教授薛庸齋先生立

薛立字微之河南人制行立言穎然當世縉紳尊之曰庸齋先生生而不羣入少華晝夜誦習不以辟地廢又

宋史卷九十九

卷九十九

辛酉四月

約園刊本

從明理學者遊遂一以聖賢爲宗元初遊大同過應州高韓二帥喜而薦之中令耶律公得應州教授俾子弟學焉楊奐廉訪河南辟居幕府先生從之始定居洛西一時英俊若中山楊果縉雲李微虔鄉麻革雲中孟攀鱗蒲城郭鎬李廷河中李獻卿洛陽宰沂皆友也中統初召爲平陽太原宣撫不起授提舉河南學校亦不起日與女几辛愿稷山張德直太原元好問南陽吳傑洛西劉繪淄川李國維濟南杜仁傑解梁劉好謙講貫古學且以淑人伊洛之閒復蔚然矣先生高明樂易誘掖

不倦及門者後皆知名有易解中庸注聖學心學編皇極經世圖說道德經解陰符經論說有詩三百篇曰適

意集

程雪樓集

梓材謹案雪樓又爲洛西書院碑言國初賈尙書損之辛徵君愿元員外好問揚轉運奐陳參議廣兄弟姚少傅樞諸儒皆講學其開庸齋繼至風教大行云

庸齋講友

同知張先生德直

張德直字伯直平陽人貞祐三年進士釋褐新平簿辟藍田令秩滿父老詣行臺留再任去之日爲立生祠移

宋李彥輔遺

卷九十

李孟四明叢書

約園刊本

沔池通許召補省掾選授右警巡使終于同知武勝軍

節度使事

中州集

吳先生傑

吳傑字□□洛陽人

劉先生繪

劉繪字□□洛西人

李先生國維

李國維字□□淄川人

徵君杜先生仁傑

杜仁傑字仲梁一字善夫濟南人與元遺山善元時累

徵不起

金文雅作者考

梓材謹案清容居士集載王瓠山云肄業郡學杜先生仁傑深器之虞道園田氏先友翰墨序稱先

生善

劉先生好謙

劉好謙字□□解梁人

庸齋學侶

文獻楊西庵先生果

楊果字正卿蒲陰人幼失怙恃自宋遷亳復徙許昌以

宋季學素補遺

卷九十

五十四冊叢書

一約圖刊本

章句授徒爲業流寓轆軻十餘年金正大甲申登進士第爲偃師令改滿城改陝諸縣以其治效爲最金亡世祖中統元年設十道宣撫使命先生爲北京宣撫使明年拜參知政事及例罷猶詔與左丞姚樞等日赴省議事至元六年出爲懷孟路總管大修學廟以老致政卒于家年七十五諡文獻有西庵集行于世

元史

隱君麻先生革

別見明道學案補遺

文定孟先生攀鱗

孟攀鱗字駕之雲內人幼日誦萬言能綴文時號奇童

金正大七年擢進士第仕至朝散大夫招討使汴京下  
北歸居華陽丙午爲陝西帥府評議官遂家長安世祖  
中統三年授翰林待制同修國史至元初召見條陳七  
十事世祖悉嘉納之後論王百一許仲平優劣對曰百  
一文華之士可置翰苑仲平明經傳道可爲後學矜式  
帝深然之復以病請西歸帝令就議陝西五路四川行  
中書省事四年卒年六十四延祐三年贈翰林學士承  
旨平原郡公諡文定元史

郭先生鎬

宋元學案補遺 卷九十

辛巳四明叢書  
約園刊本

郭鎬

李先生廷

李廷

宰先生沂

宰沂字伯魯將遊秦姚牧庵送之以序牧庵文集

行齋先緒

酒官張先生子厚附師趙雋

張先生腴合傳

張子厚佚其名張氏本出于遼東烏若族金併烏若遷

之隆安至其父黃縣君官洛水遂爲洛水人先生資穎  
悟略通經史工書翰醫學亦過人黃縣初令樂城召趙  
雋德新授館德新名士仕亦達先生與兄腴味道從之  
學德新愛先生有千里駒之目居母喪以孝聞承安四  
年卒年三十有五嘗用黃縣廩仕爲監博平酒稅然非  
其好也季澄

元遺山集

行齋師承

主簿趙愚軒先生元

附子頤

趙元字宜之定襄人經童出身舉進士不中以年及調

宋史藝文志

卷九十

五十四

約圖刊本

鞏西簿未幾失明自少日博通書傳作詩有規矩秦和  
以後有詩名河東李屏山爲賦愚軒愚軒先生自號也  
南渡以後往來洛西山中趙閑閑雷御史王子文許至  
忠崔懷祖皆愛之子頤有隱節

中州集

雪齋同調

文定商先生挺

附子琥

商挺字孟卿濟陰人其先本姓殷氏避宋諱改焉先生  
年二十四汴京破北走依冠氏趙天鈞與元好問楊奐  
遊遊東平嚴實聘爲諸子師實卒子忠濟嗣辟先生爲

經歷出爲曹州判官未幾復爲經歷贊忠濟興學養士  
世祖在潛邸受京兆分地聞其名遣使徵至鹽州入對  
稱旨字而不名楊惟中宣撫關中先生爲郎中明年惟  
中罷廉希憲來代陞爲宣撫副使後罷宣撫司還東平  
世祖卽位以廉希憲及先生撫陝蜀中統元年改宣撫  
使爲行中書省進希憲爲右丞先生爲僉行省事二年  
進參知政事四年賜金符行四川行樞密院事至元元  
年入拜參知政事建議史事附修遼金二史宣令王鶚  
李治徐世隆高鳴胡祇通周砥等爲之甚合帝意二年

分省河東俄召還三年帝留意經學先生與姚樞竇默  
王鶚楊果纂五經要語凡二十八類以進六年同僉樞  
密院事七年遷僉書八年陞副使九年封皇子忙阿刺  
爲安西王立王相府以先生爲王相王薨王妃使先生  
請命于朝以子阿難答嗣帝以年少祖宗之訓未習卿  
姑行王相府事初通使郭琮郎中郭叔雲與王相趙炳  
搆隙或告炳不法妃命囚之六盤獄以死朝廷疑擅殺  
之執琮叔雲鞠問伏辜王府女奚微以預二郭謀臨刑  
望以求生語連先生及其子璫十六年籍其家二十年

復樞密副使俄以疾免二十五年卒年八十有詩千餘篇尤善隸書延祐初贈魯國公謚文定子五人長子琥字台符至元十四年以姚樞許衡薦拜江南行御史臺監察御史二十七年徵拜中臺監察御史三十年遷國子司業卒有彝齋文集元史

學士楊潛齋先生庸

楊庸洛士也姚文獻樞宣撫東平嘗聞先聖大賢之後詩書不通義理不究與凡庶等版先生選孔顏孟三族諸孫俊秀者授之而學夫禮姚敘庵集

宋壘案補遺 卷九十

六十四朝叢書 約開刊本

梓材謹案先生號潛齋嘗爲昭文館大學士亦見牧庵集

嚴氏師承

萬戶李先生楨

李楨字幹臣其先西夏國族于也金末以經童中選既長入爲質子以文學得近侍太宗嘉之賜名鄂爾綽勒筆且齊玉出于必閣赤歷授軍前行中書省左右司郎中奏尋訪天下儒士令所在優贍之後授襄陽軍馬萬

戶卒于合州元史

李氏同調



忠定陳節齋先生祐 刑忠

陳祐一名天祐字慶甫寧晉人世業農祖忠博究經史鄉黨皆尊而師之既沒門人諡曰茂行先生先生少好學家貧母張氏嘗翦髮易書使讀之長遂博通經史穆王府署爲其府尙書王旣分土于陝洛表爲河南府總管下車之日首禮金季名士李國維楊杲李微薛立咨訪治道商議古今奏免征西軍數百家及椒竹諸稅糧料等錢又上便民二十餘事朝廷皆從之世祖卽位分陝洛爲河南西路中統元年眞除爲總管以清慎見稱

宋史卷九十九

卷九十九

空四朝數書

約圖刊本

在官八年如始至之日至元二年調官法行改南京路治中三年賜虎符授嘉議大夫衛輝路總管申明法令創立孔子廟修比干墓且請于朝著于祀典嘗上書世祖言樹太平之本有三一曰太子國本建立宜早二曰中書政本責成宜專三曰人材治本選舉宜審事雖未能盡行時論稱之六年置提刑按察司首以先生爲山東西道提刑按察使除僉中興等路行尙書省事朝廷大舉伐宋遣之僉軍山東十四年遷浙東道宣慰使檢覆慶元台州民田還至新昌值玉山鄉盜倉猝不及爲

備遂遇害年五十六追封河南郡公諡忠定先生能詩

文有節齋集弟天祥元史

李先生徵 別見涑水學案補遺

進士李定齋先生獻卿

李獻卿字欽止號定齋居士 歸潛志

雲濠謹案歸潛志又云李獻能欽叔昆弟皆以文學有名從兄欽止獻卿先擢第繼以欽叔又繼以仲兄欽若獻誠從弟欽用獻甫故李氏有四桂堂

定齋學侶

郎中李先生獻能

宋孟秦遺 卷九十

三四明鏡書

約園刊本

李獻能字欽叔河中以省元賜第廷試第一人宏詞優等授應奉翰林文字歷以鎮南軍節度副使充河中經歷河中陷獨得一船走陝州被召以道梗不能赴就權陝府行省左府司郎中軍變遇禍先生文章行業過人處甚多而天下獨以其純孝爲不可及云 中州集

附錄

爲人誠實樂易洞見肺腑與人交不立崖岸雖小書生以愛兄之道來亦殷勤接納傾篋倒度無復餘地時輩以此歸之

副使李先生獻甫 別見明道學案補遺

漢卿學侶

巡檢毛聰山先生憲 父冲霄

毛憲一名順字吉父肥鄉人父冲霄金扶溝主簿金亡反其鄉與竇司徒文正公遊母全前卒事繼母成維孝十五能自植授徒其鄉姚文獻公聞其善學大書夙夜以思無益不如學也十字爲勸扶溝卒廬墳終喪司徒爲翰學授檢討官日爲史太尉忠武公講治鑑歲餘辟主鄆陵簿求便母養歸爲邢之書表令史及除濟南上

宋季學案補遺 卷九十

杏 四明叢書 新圖刊本

口巡檢乃太息曰吾家素儒顧棄所素而遂盜邪從養

其子於松滋號聰山老而彌篤于學 姚牧庵集

江漢學侶

補 酒官王子正先生粹

梓材謹案秀水莊氏金文雅作者攷有王元粹字子正初名元亮後改平州人正大末爲南陽酒官遭亂黨爲黃冠師與從弟鬱同以詩名元遠山穎亭留別詩同李治仁卿張肅子敬王元亮子正卽先生初名也

附錄

郝陵川與北平王子正先生論道學書曰昨承先生惠

顧謂經之質可問津伊洛以闡明道學經自惟揣涼昧  
不足以辱惠教又不足負任且復有感而未自信者焉  
又哀王子正詩曰鹿去中州道不行先生今日死猶生  
長鯨萬里朔風急獨鶴一天秋月明擬見斯文還太極  
遽收浩氣反元精世無程邵知音少雲黯燕山恨不平  
蒲文忠郝陵川先生經

梓材謹案先生誌元遺山墓云先生與家君同受  
業于先大父經復逮事先生者有年是先生嘗爲  
元氏門人又案先生爲洋源劉先生良辭謂嘗奉  
杖履則又爲劉京叔門人又聞其上紫陽先生論  
學書則先生又嘗  
受業于楊紫陽矣

李元學案補遺 卷九十一

李四明叢書

約園刊本

雲濠謹案先生所著又有太極鴻原古錄通鑑書  
法玉衡貞觀剛注三子一王雅行人志各數十卷  
陵川經說

昊天之日府春秋冬夏之謂也聖人之四經易詩書春  
秋之謂也昊天以時授人聖人以經法天是則四經也  
謂之五何哉其一則禮樂也夫論性者言四端而不及  
信序五行者土配旺于木火水金故易書詩春秋之間  
禮樂爲之經緯雖五而爲四也

盡天下之情者詩也盡天下之辭者書也盡天下之政  
者春秋也易也者盡天下之心者也

六經一理爾自師異傳人異學各窮其所信而遂至于不一彼以爲是而此以爲非彼以爲非而此復以爲是師弟異而父子不同誕妄者入于讖緯馮藉者入于叛逆刻深者入于刑名噫甚矣

宋元學案補遺 卷九十

圭 四明叢書

新刊本

一貫圖說



道本于一行于二復于一靜者一之體也動者一之用也動所以行夫靜二所以終夫一也一動一靜道有太極而理之體具矣極信而長神則生矣極屈而消鬼則生矣一二生三數則生矣奇耦具兩象則生矣神鬼數象是生萬變理之用具矣一動生陽一靜生陰一陰一陽太極有天而氣之體具矣陽精焯麗日則生矣陰魄分曜月則生矣陽暉昭布星則生矣陰體潛構辰則生矣日月星辰是生萬象氣之用具矣靜陰生柔動陽生剛一剛一柔太極有地而形之體具矣一剛化柔水則

生矣一柔化剛火則生矣剛根于柔木則生矣柔蘊于剛金則生矣水火木金是生萬物形之用具矣動靜有理陰陽有氣剛柔有形五行八卦合爲一易乾道成男坤道成女一男一女太極有人德之體具矣靜陰不易命則生矣動陽變易性則生矣剛宰不易心則生矣柔見變易情則生矣命性心情是生萬事德之用具矣道形而上推而下之貫極而爲一理貫天而爲一氣貫地而爲一形貫人而爲一德而道之大體具人形而下推而上之貫已之一德貫地之一形貫天之一氣貫極之

一理而道之大用具于是道貫天地人理貫氣形德人  
貫地天道德貫形氣理而上下一道一理貫萬變一氣  
貫萬象一形貫萬物一德貫萬事而從橫一道神貫鬼  
數象日貫月星辰水貫火木金命貫性心情而始終一  
道動貫陽剛男靜貫陰柔女變貫象物事事貫物象變  
而反復一道故孔子謂吾道一以貫之其理蓋如是矣  
然而道之功用委之太極著之天地萬物而歸之人人  
必一其德而後可復歸于道故人得其道則謂之德失  
其道則謂之不德必立命養性存心制情以一其德而  
致諸道人得其道則天地萬物得其道人失其道則天  
地萬物悖其道故孔子又謂一日克己復禮天下歸仁  
焉以道觀人則道貫人以人觀道則人貫道人能貫道  
然後可以踐形下學上達乘化入聖盡在是矣

正心四箴

傳曰心有所恐懼則不得其正有所憂患則不得其正  
有所忿懣則不得其正有所好樂則不得其正四者皆  
本心之固有得其理則雖有而無非其理則不得其正  
心亦因之以亡故申而爲正心四箴以自警云

直大而方本然之勇莫我敢遏何懼何恐僞妄自私內  
曲而老股栗聲嘶氣竭身倒

恐懼箴

知命樂天憂患外來在我者盡无妄之災憂從己召患  
亦自取畏壓巖牆夫孰援汝

憂患箴

見理不明咸其自怨隕身及親忿然不顧自反而縮橫  
逆我加修己以道戮人以瑕

忿憤箴

善善惡惡乃其良好宜惡而好好樂非道禮義悅心芻  
豢悅口單食瓢飲樂哉孰有

好樂箴

陵川文集

卷之五

十

六

約園刊本

天地者道之區宇也萬物者道之郵傳也聖人者道之  
主宰也莫不出乎道莫能離乎道而人爲甚焉故道之  
賦予則謂之命其得之理則謂之性其制宰之幾則謂  
之心其發見酬酢則謂之情其血氣之所嗜則謂之欲  
其義理之所得則謂之德全心之德則謂之仁盡心之  
德則謂之忠推心之德則謂之恕實心之德則謂之誠  
德之品節則謂之禮德之中和則謂之樂敬者持夫此  
者也智者知夫此者也勇者行夫此者也修夫此者賢  
也盡夫此者聖也昧夫此者愚也

論道



道造太極之命太極造天地之命天地造人物之命人造萬事萬物之命而且成太極天地之命者也始則受命次則聽命次則造命次則復命

論命

無所不本之謂本無所不有之謂性無所不統之謂心無所不著之謂情則性也者命之地心之天而道德之府也

論性

命者性之本原情者性之功用心者性之樞紐性與情爲體段充周而無不具命與心爲主宰發微而無不在

論心

聖學案補遺

卷九十一

卷九十一

四明叢書

約園刊本

情也者性之所發其至于流而不返者非情之罪欲勝之也

論情

是氣也自聖人而至于下愚其稟之也一也自赤子而至于耄期其用之也一也自生而至于死自死而至于生其本之也一也然其所以爲聖所以爲賢所以爲君子爲小人者存養之功至與不至也

論氣

仁者人所固有也一念之合理一念之仁也一事之中節一事之仁也一物之得所一物之仁也

論仁

自太極而下教在天地宓犧而下教在聖人仲尼而下

教在六經

論教

初治六經之時以爲感發志意者莫過乎詩于是乎先  
治詩二帝三王之心傳口授者莫過乎書于是乎詩而  
後書先王治世之具莫大乎禮樂于是乎治禮大經大  
法撥亂反正莫大于春秋于是乎治春秋窮理盡性以  
至于命以際天人之學者莫大于易故以爲終身之學

鐵佛寺  
讀書記

夫道之大兼天下之名而不自以爲名一物一事自有  
一道自爲一名分而言之皆事物之名也合而言之皆

朱學案補遺

卷九十一

辛四明叢書

續圖刊本

道之名也故易爲乾坤等六十四卦各自以爲名太極  
天地爲人與萬物各自以爲名命性心爲三綱五常百  
行萬事各自以爲名無非道也于是曰易道神道天道  
地道人道皆以道爲名而道之名自若也道祇一理爾  
以其莫不由之以行故名之曰道豈可持以爲學而自  
爲一家哉

與北平王子正  
先生論道學書

夫道之在人謂之性所謂仁義中正而主靜焉者也統  
而言之則太極之全體也分而言之則命陰而性陽也  
命靜而性動也天命而人性也人性而物理也合而言

之祇一道焉爾又何有論說之多乎哉道之在人一而  
靜純粹至善充實之理而已又焉有異端之多乎哉漢

上趙先生  
論性書

蓋自佛老盛而道之用雜文章工而道之用晦科舉立  
而士無自得之學道入于無用惟其無自得也故內輕  
而外重上紫陽先  
生論學書

道之統一其傳有二尊而王其統在位則以位傳化而  
聖其統在心則以心傳位傳者人人得之故常有在不  
忘心傳者非其人則不可得是以或絕或續不得而常

宋章案禮運

卷九十

三十四明發書

約圖刊本

也周子祠  
堂碑

昔也自宓犧至于舜道傳而天天傳而人而人自道矣  
自湯至于文王人傳而天天傳而道而人亦道矣自周  
公至于孔子道傳而書書傳而人而人猶道矣孔氏而  
下人失其道孟軻猶能道其道天其天人其人書其書  
使人不入于楊墨而爲孔顏矣後雖佛老更與異端並  
作揚王韓歐之徒衡而爭之猶能扼其吭而斷其舌使  
人知有此道矣送常山劉  
道濟序

蓋毛氏之學規模正大有三代儒者之風非三家所及

也卒之三家之說不行毛詩之詁訓傳獨行于世惜其闕略簡古不竟其說使後人得以紛更之也故滋蔓于鄭氏之箋雖則云勤而義猶未備總萃于孔氏之疏雖則云備而理猶未明嗚呼詩者聖人所以泰天下之書也其義大矣性情之正義理之萃已發之中中節之和也文武周召之遺烈治亂之本原王政之大綱中聲之所止也天人相與之際物欲相錯之間欣應翕合純而無間先王以之審情僞在治忽事鬼神贊化育奠天位而全天德者也觀民設教閑邪存誠聖之功也所過者

宋五經案釋遺

卷九十一

卷四 明教書

一約園刊本

化所存者神聖之用也正適于變變適于正易之象也美而稱誦刺而譏貶春秋之義也故詩之爲義根于天道著于人心膏于肌膚藏于骨髓厯澤渥浸浹于萬世雖火于秦而在人心者未嘗火之也願豈崎嶇訓釋鳥獸蟲魚草木之名拘拘屑屑而得盡之哉

朱子毛詩集傳序

竊嘗以爲後世雖無大聖人兼綜諸聖以述夫聖如孔子之集大成苟不以一人自私曲學自蔽專門自聖削去畦町芟夷滋蔓排斥一我開示公道合漢魏唐宋諸儒之學順考其往逆徵其來積數千百年之學問數十

百人之能事契其所見會其所得合天下以一心通天  
下以一理貫古今以一易聖一而後世百之聖十而後世  
千之遡流求源問津以濟乎道則亦庶乎其可也

周易外傳序

嘗聞之師讀易者當先讀繫辭其次說卦序卦雜卦其  
次讀乾坤二卦既精且熟然後讀屯蒙諸卦此學易之  
序也蓋意言象數之本皆在于是矣故取太極一章以  
爲學易之標準類繫辭文言說卦象象之名義標諸太  
極之前而演其隱微諸太極之後而演其顯問津洙泗  
以及河洛遍參諸儒庶幾數年之後可以學易

太極演自序

來正學案傳遺

卷九十一

生三四

明職講

約圖刊本

天之于人有所窮而後有所不窮窮者其時也不窮者  
其道也是以聖人于易每申明窮之理而輒繫之不窮  
于乾則繫之以坤于泰則繫之以否于剝則繫之以復  
于既濟則繫之以未濟復爲之言曰易窮則變變則通  
通則久則道之所以不窮者皆自夫窮而得之也

春秋外傳

自序

夫大匠之作室必先定規模量其高卑廣厚間架棟宇  
有成室于胸中而後基構則不愆于素聖人制作一經  
垂訓萬世又非一室之比豈無素定之規模乎夫其經

天緯地彰往察來始終先後本末原委有一定不易之  
經然後有一定不易之法自隱公至獲麟年雖遠國雖  
眾事雖多則若網在綱有條不紊所謂吾道一以貫之  
者在夫是也學者乃于條目之外事迹之下求聖人之  
旨難矣哉故必挈其綱持其要探其本原觀其規模迺  
泐從之然後順流而下則浩乎其沛然矣

春秋制作  
本原自序

夫傳之不同自夫傳口之不同也必推本傳之所自而  
後傳可一也仲尼于魯哀公十一年冬自衛反魯刪詩  
定書繫周易而十四年西狩獲麟乃作春秋十六年夏

宋元學案補遺

卷九十

朱西四明叢書

約園刊本

四月卒則其書之成歲月無幾當是之時聖門高第從  
聖人在外遷徙往來多歷年所分仕他國札瘥天昏漸  
以凋落蓋口授之際在夫曾參氏而已何者曾參少孔  
子四十六歲于諸弟子年最富而其質亞于顏氏故獨  
得一貫之傳而子貢冉求終不聞性與天道夢奠之年  
一王之義必屬之曾子矣故曾子之學獨爲正大以致  
知格物誠意正心爲學之本則春王正月之義也一貫  
之道大一統之旨也推而爲忠恕則予奪之法繫矩之  
道也以是傳之子思子思傳之孟軻孟軻氏以其師說

遂言制作之本曰春秋天子之事春秋無義戰詩亡然  
後春秋作孔子成春秋而亂臣賊子懼其事則齊桓晉  
文其文則史其義則丘竊取之以是數語發明春秋之  
大綱後之言春秋者皆莫出乎此其說有所自而然也  
惜孟軻氏凡而不目不著其傳而爲之傳而使後之學  
者紛紛也自孟軻氏發明大綱傳春秋者三家左氏公  
羊氏穀梁氏其書皆出于西漢而皆不著其傳爲左氏  
學者謂爲左邱明與聖同恥親授經于仲尼爲經作傳  
邱明雖見稱于仲尼而顏曾諸弟子問答之際一不及  
焉而不廁于不及門十人者之列豈大經大法不授之  
顏曾之徒而獨授之邱明乎且其傳載易文言詩三頌  
及孝經等皆仲尼晚年所作而經終孔丘卒傳終悼公  
十四年韓趙魏滅智伯事在春秋後二十有七年其作  
傳則又在于滅智伯後數年必不甫滅智伯而書之也  
如是則傳之成在仲尼沒後四五十年之間耳大率以  
七十年計之則邱明見稱之日年甫十六七聖人與之  
並稱名以爲同恥則賢于顏曾遠甚賢于顏曾而稱顏  
曾者屢顏曾問答之際相稱道又屢而不復一及邱明

諸弟子記註之書如論語曲禮檀弓等及孟軻荀況諸子之論說亦不一及焉按太史公十二諸侯年表謂孔子之作春秋七十子之徒口授其傳指魯君子左邱明具論其語成左氏春秋則口授其傳指者七十子論其說而成書者邱明也則邱明論七十子所傳之語耳非親授經于仲尼也先儒謂邱明殆先賢老彭之流故聖人尊之如此是已藝文志謂左邱明魯史也杜預序謂邱明身爲國史躬覽載籍亦是已蓋左氏魯左史世掌策書故以左爲氏如漢倉氏庫氏之類仲尼沒傳其經于諸弟子之閒而在七十子之列以其史策爲經作傳故事見始末而多得其實焉劉向別錄謂邱明授曾申申授吳起此必有所自然亦可見曾子之傳爲不易也申曾子之子起曾子之門弟子也夫論語曲禮檀弓曾子問大學中庸等皆出于曾子之門人樂正子春曾元曾申之徒爲之記錄而子思孟軻傳之也豈大經大法不傳之于曾子而傳之于邱明乎劉向所錄蓋邱明上有曾子字而失之矣春秋所譏多父子夫婦淫逆之事故不能親授之子使邱明輩轉相傳之申曾子之子而



受春秋于邱明曾子于諸弟子年最少則邱明又少子  
曾子其學出于曾子無疑也嚴氏春秋又引觀周篇云  
孔子將修春秋與左邱明乘如周觀書于周史歸而修  
春秋之經邱明爲之傳共爲表裏此尤妄焉者也聖人  
修經不敢公傳道之口授弟子豈與其徒公然如京師  
採天子之史而觀之以譏貶當世必不然矣聖人修經  
高第如曾閔文字如游夏而皆不與豈獨與邱明共之  
乎親授傳旨猶不敢與又況與聖人同時並修分爲經  
傳乎故此爲尤妄焉者也爲公穀之學者以孝經說云

春秋屬商孝經屬參閔因序云孔子受端門之命制春  
秋之義使子夏等十四人求周史記得百二十國寶書  
遂謂公羊高穀梁淑受經于子夏彼皆漢興以來讖緯  
曲說豈可以爲按夫聖人修經子夏以文字稱使之從  
周太史請求記錄與魯史左驗卒成其書事或有之謂  
春秋之義授之商而商傳之公穀二氏而爲之傳則未  
敢以爲然也而公羊氏于昭公二十五年稱孔子者一  
文公四年稱高子者一莊公三十年稱子司馬子者一  
閔公二年稱子女子者一隱公二年定公元年稱子沈

子者二莊公三年二十四年僖公二十年二十四年二  
十八年稱魯子者五穀梁氏于桓公三年十四年僖公  
十七年成公五年昭公五年哀公十三年稱孔子者六  
定公元年稱沈子者一隱公五年桓公九年稱尸子者  
二桓公二年稱子貢者一僖公二十四年稱遽伯玉者  
一公羊氏終篇非惟不及子夏但稱孔子者一而孔門  
高第皆不及焉穀梁氏亦不及子夏而稱孔子者六稱  
子貢者一而其餘高第亦皆不及焉夫加子于上者辟  
聖人直稱子也直稱子尊而師之也故公羊氏之稱子  
沈子子司馬子女子與自稱子公羊子皆其師友也  
其稱高子與穀梁氏之尸子沈子等皆其師也故尊之  
與孔子同穀梁氏于隱公五年自稱曰穀梁子而上不  
加子穀梁氏之門人尊稱之也其遽伯玉則記孔子之  
時賢大夫之言亦著其師之所授者也獨公羊氏稱魯  
子者五與孔子直稱子同則著其師之所傳故推尊之  
如孔子亦如孔子既沒門弟子之稱有子師事而尊稱  
之也既尊之又屢稱之豈非本其所自而樂道之歟孔  
門之高第一不及焉語孟傳注無所謂魯子者而屢稱

焉故疑魯爲曾曾魯之文相近傳寫之誤遂以曾子爲魯子昔人辨古文之差以魚爲魯此豈非誤曾爲魯乎且公羊氏于昭公十九年許世子止弑君之傳以樂正子春爲說樂正子春曾子之弟子則魯子爲曾子無疑也左氏則言授之曾申公羊氏則屢稱曾子穀梁氏言子貢而不及子夏蓋左氏公羊氏皆出曾子而穀梁氏受之沈子尸子之徒沈子尸子之徒則受之曾子也二氏之傳出于曾子非出于子夏明矣三傳之傳皆本之曾子故其傳正左氏之傳本自史臣是以序事精博麗緝典贍而約之以制使聖人筆削之旨有徵而可按公穀二氏口授其義而爲之傳故其文約其辭切其辨精反復詰折使聖人微婉之旨可推而見由曾子而來轉相授受其人不能皆如子思是以不及孟軻氏之醇而其說亦有戾于聖人者故春秋之旨由二傳而得者十六七由三傳而惑者十四五

春秋三傳  
折衷自序

附錄

徒順天家貧書則負薪火爲養暮則讀書居五年爲守帥張柔賈輔所知延爲上客二家藏書萬卷先生博覽

無不通

粹林謹案先生神道碑  
云張貢子弟皆從質學

拘宋十六年從者皆通于學

公被留既久上書未主移文相府開陳古今和戰利病  
喻以禍福存亡之利害數十萬言皆不報又數以詭計  
撼公公曰吾家業儒凡七世矣願肯虧忠義大節以辱  
中州士大夫乎

嘗自箴曰不學無用學不讀非聖書不爲憂患移不爲  
利欲拘不移邊幅事不作章句儒達必先天下之憂窮  
必全一己之愚賢則顏孟聖則周孔臣則伊呂君則唐  
虞斃而後已誰毀誰譽詎如韋如脂趨趨囁囁爲碌碌  
之徒歟

宋元學案遺

卷九十

八十四期

約閱刊本

初遣山元先生學于公之大父亂後往來燕趙間一見  
大奇之曰吾子狀類先生才識閒出家世淵源有所積  
而然也遂相與論作詩作文法復勉公以百世遠大之  
業江漢趙先生愛公文筆雄贍練達性理謂之曰江左  
爲學讀書如伯常者甚多然似吾伯常挺然一氣立于  
天地之間者蓋亦鮮矣自是而名重焉

其爲先天圖說曰經自東髮問學卽以是圖心觀意會  
迄今二十餘年始則見黑白于紙上後乃見動靜于心  
中涵茹旣久推而放之則見開闢于天地參錯于萬物  
變化于鬼神重重相因井井不紊死生消息莫非自然  
反之于心會爲一圖乃申而爲之說以明先生之意云  
苟宗道狀其行曰公生于喪亂之後能疑學振拔不爲  
流俗所移以蓋世豪邁之氣堅忍不渝之志爲成已成  
物之學故能深造自得一體用兼本末貫萬物而不遺  
至于太極先天造物之機道德性命之情之妙與夫聖  
賢心傳踐履之實古今開濟天下之要則尤精察洞究  
粹然一出乎孔孟之正諸子以下不屑論也蓋將唱鳴  
吾道揮斥百家邪說之蠹橫聖門而禦侮高明正大挺  
然一世之傑所以能建奇功立大節著書傳道以大儒  
名天下後世其或賦詩飲酒邀賓接物而英風逸氣有  
足以動人者此特公游泳陶寫之餘事耳

虞疏齋爲先生神道碑曰壬辰之變靜直君流寓燕趙  
閉公年十餘歲沈塞靜重狀貌瓌奇精敏有志趣盡力  
于職及其爲學晝或忘舖通昔詰且衣服危坐諷誦不

輟劬勤如此凡五六年劓劓掄摩磊砢而直廉舉而輝  
涵積揉累日殊月異擷芳萬腴充而足之沂源洙泗以  
肩周程雷風斯文陶冶當世慨然以爲己任山峙川駛  
天游神遇屹乎莫移浩乎莫禦變化不可測矣

又曰公幼至孝撫諸弟極厚待宗族疏近如一篤友樂  
施德于己者雖細惠必報然偉特方嚴風岸峭立眾不  
可攀薰良猶姦題帖無貸故用世之志適際可爲已墮  
奇擯旣處幽折日以立言載道爲務撰續後漢書繼丕  
儕權還統章武以正壽史之失功于斯術者不旣多乎

宋壘業補遺

卷九十

全

明

約園刊本

宋潛溪名臣頌曰瞻彼郝公上師孔顏挺然一氣立天  
地開銜命出使仗節弗屈十有六齡有如一曰礎門塹  
垣不翅獄庭臣節甚重萬死實輕吐其岨奇見于直筆  
奸雄雖亡誅之則力漢有蘇武嚙氈海上郝公繼之雙  
壁相望

江漢同調

補司業硯鄖城先生彌堅

附錄

滕東庵祭先生文曰於戲教授東垣淵淵乎經義之學

司業成均表表乎忠孝之教其起之暮也固非淺淺之  
可議其去之果也又非庸庸之可效公之歸老猶振頽  
波遽云逝矣爲之柰何

陵川同調

萬戶賈先生輔

賈輔字元德中山之祁人生六歲而孤養于舅氏終之  
家自知讀書卓犖山立貞祐初以功授祁之蒲陰尉從  
定山東遷左副元帥官制行授行軍千戶權順天河南  
等道軍民萬戶卒年六十有三生平喜爲學聚書數萬

宋史卷九十九

卷九十九

卷九十九

約園刊本

卷每令講讀必爇香北向而聽之跼躄甚恭或勸之少  
安曰彼老佛者凡出一言則謂之說法人亟拜不已  
今聞聖人之道敢不致敬乎尤喜獎拔後進歲時諸生  
卽賀輒先拜或止之曰天下賤士久矣士不知自重亦  
久矣吾所以若是者示不敢以位爲貴使爲士者知道  
之在己亦當自貴也晚年惟讀論孟曰是聖賢傳心之  
要典而世謂之小經吾欲使與六經並爲大可乎

郝陵川集

梓材謹案陵川又銘其夫人毛氏墓云經自弱冠  
館于公門教授諸子者七年蓋其子六人文備文

兼文遠文進

文慶文亮

江漢門人

梁象軒先生樞

梁樞宣德人初習詞賦卽棄去已聞京師建太極書院  
趙江漢復講學其中徒步往從之旣見得江漢所書希  
賢錄讀之歎曰心同道同希之當在我也久之辭歸從  
學者日眾晚嗜易以觀象名軒學者稱象軒先生

畿輔通志

趙先生彧

父珪附弟勵勵師張宏

趙彧廣平人世居盧龍范陽閒父珪字君璋僑居洺州  
爲州將成侯兵曹入監太倉姚牧庵稱其學約而醇官

李學集補遺

卷九十一

五十四明書

約圖刊本

久而卑操窮而確先生從江漢先生趙復遊有善學習  
與耆宿友年二十四卒弟勵僉嶺北湖南道肅政廉訪  
司事爲廣平府教授張宏弟子

姚牧庵集

侍其門人

董先生文炳

董文炳字彥明欒城人忠烈龍虎公俊長子也龍虎沒  
時年始十六率諸稚弟事母李夫人夫人有賢行治家  
嚴篤于教子先生事侍其先生警敏善記誦自幼儼如  
成人以父任爲彙城令累拜參知政事申書左丞卒贈



平章政事諡曰忠獻先生好讀書延禮儒士若潁南王若虛先生真定提學侍其先生存則師尊之沒而卹其孤教諸子不暫廢公退日一再至塾程其學與儒者講明聖人之道評品史事夜分乃休

元清河集

### 董先生文蔚

董文蔚字彥華忠烈俊之次子也重厚寡言不事嬉戲立志勤苦讀書忘倦及長善騎射膂力絕人事母至孝接人謙恭中統二年世祖置武衛軍爲千戶帝北狩留屯上都至元五年以疾卒于上都之炭山泰定中贈明

宋王學案補遺

卷九十一

六十四明

約圖刊本

威將軍隴西郡伯

元史

雲濠謹案先生爲忠獻弟元清河集稱先生率諸弟事忠獻甚宜弟道云

### 董先生文用

董文用字彥材忠烈公第三子也伯兄忠獻公文炳教諸弟有法先生內承家訓而外受學侍其先生軸故學問早成世祖在潛藩命之主文書講說帳中丁巳世祖令授皇太子經又使爲使召遺老于四方而太師竇默左史姚樞鶴鳴李俊民敬齋李治玉峯魏璠偕至于是王府得人爲盛庚申世祖卽建元中統先生持詔宣

諭邊郡且擇諸軍充侍衛改元至元召授金符爲西夏中興等路行省郎中歷轉通議大夫禮部尙書遷翰林集賢學士知祕書監廿五年拜御史中丞舉胡祗通王暉雷應荆幼紀許楫孔從道十餘人爲按察使又舉徐淡魏初爲行臺中丞當時以爲極選累遷爲翰林學士承旨大德元年卒年七十有四先生爲學以誠實爲主本故其文章議論皆質直忠厚不爲華靡歷事三朝每以忠言正論爲己任

道園學古錄

雲濤謹案先生加贈少保改封趙國公諡忠穆吳文正公爲作墓表

宋王學案補遺卷九十

八十四別錄卷之四

約園刊本

### 董先生文進

董文進字養正忠烈第四子剛毅莊栗簡言笑嗣忠獻爲棗城令修孔子廟廣黌舍招名儒躬行舍菜禮執經

問道以先諸生

元清河集

### 處士甄先生昌祖

甄昌祖字茂先師侍其先生軸交秋澗王惲

元文類

梓材謹案先生先世自無極徙恆蘇滋溪天爵狀其行而宋本銘其墓碣稱之曰處士云

教授張先生延

別見泰山學案補遺

### 魯齋家學

補文簡許先生師可

附錄

魯齋與之書曰高凝來聞汝肯自勉礪勝于前日我心甚喜永識其果然乎

又曰我生平長處在信此數書其短處在虛聲牽制以有今日今日之勢可憂而不可恃也汝當繼我長處改我短處

又曰比見且專讀孟子孟子如泰山巖巖可以起人偷惰無恥之病凝也相與輔導之

宋學案補遺 卷九十一

八十四明誠書

約圖刊本

魯齋門人

補文公姚牧庵先生燧

牧庵文集

一元之氣不能皆陽故陰時出而乘之然而制陰者必陽也世道不能常泰于君子故小人迭出而否之然制小人者必君子也聖人作易于君子小人之際必寓其扶陽抑陰之意聖人何容心哉順天道一小人生而君子必與之並生焉生此者所以制彼也

年有少壯老之不侔氣有明昏憊之殊致故爲善于少

壯之日則易而自立于衰暮之節則難惟學則一而已矣孟子曰我善養吾浩然之氣又曰以直養而無害又

曰是集義所生者夫如是謂之學

以上盧威仲文集序

世家弟子蓋三千焉身通六藝者七十二人而弟子傳則曰孔子曰受業身通者七十有七人皆異能之士也夫既曰身通六藝矣雖未盡合聖人爲教之本然而猶有所指名也其曰受業身通竟不發爲所通何業亦晦焉而已耳又曰皆異能之士聖人爲教于以修敘彝倫而容異能者于其閒孔子自言七十有七人則七十二

人者誰復是五人耶

老子爲聖人所與者不經見子入太廟每事問況老子周守藏室之史問禮則有之使及見其書曰失道而後德夫德而後仁失仁而後義失義而後禮己不知道德仁義禮根于人心之固有而視爲世降之不同未必不見黜于孔子況爲其道乎哉

邊嘗適魯徒觀諸生以時鄉飲大射其家迷眩于規規節文之細低徊不去以爲是足盡聖人之道斯正經生博士之汨汨以皓首者也豈聖學爲己之切致哉

由孟而視子思師也由子思而視曾子又師也子思孔子孫也弟子于師孫于祖坐而誦道者有之非可並南面燧知四子已避讓于冥冥中不能一日自安其身一堂之上況又祀無繇蒧鯉于庭其失至于崇子而抑父又非遷之失矣

以上汴梁廟學記

仁者必知知者必仁不仁不足以爲知不知不足以爲

仁非知者不必有仁仁者不必有知也

仁知堂記

自唐開元配食顏子拔曾子于諸子以足十哲前宋則躋孟子與顏氏並雖金百年未之或改後宋則益以曾

宋齋案稱遺

卷九十

平九四明齋書

約園刊本

子子思進子張于曾子之舊故江之南位十哲上亞聖人者四焉宋北平北方學者安顏孟而異曾思浙憲首請黜之當國之臣不然之也其時一侯爲憲河南是時襄陽未入山南猶其所莅也不講而遽之黜自今以觀顏曾之于夫子同見而知伯魚前死則子思亦見而知者惟孟子後百有餘歲爲聞而知子思學曾子孟子學子思而得其道統之傳則曾思之功效不優于孟子乎顏氏前死有聖人者存未嘗爲書質之于經事十九見贊夫子者纔一問仁與爲邦二焉一以修己一以治他

人皆見稱于夫子與不待爲問而自謂之者也曾子述  
孝經大學子思作中庸孟子則自著七篇之書學者賴  
之至今爲書三子二子獨見黜是外其師而弟子是尊  
子聞而知者仍祀不變而顧後所見而知者焉皆不知  
爲何說也

襄陽廟  
學碑

書以垂治忽詩以正性情易以際人天而春秋以謹名  
分著懲勸其刪定繫作雖一出仲尼之手以諸賢弟之  
問聖師之對示萬世以操存涵養爲傳心之要典者惟  
論語爲然而君誦之終身不治他經雖不治他經以推

宋三子學碑

卷九十一

約圖刊本

治他經譬則破竹將無有迎刃而不解其節者

大倉監  
趙君神

道

附錄

先生生三歲而孤育于伯父樞伯父隱居蘇門謂先生  
蒙暗教督之甚急先生不能堪楊公奐馳書止之曰燧  
令器也長自有成爾何以急爲且許醮以女

先在蘇門山時讀通鑑綱目嘗病國統散于逐年不能  
一覽而得其離合之概至告病江東著國統離合表若  
千卷年經而國緯之如史記諸表將附朱子凡例之後

復取徽建二本校讐得三誤焉序于表首略曰其一建  
安二十五年徽本作延康元年凡例中歲改元在興廢  
存亡之際以前爲正當從建本于建安二十五年下注  
改元延康其二章武三年徽本大書三年後主禪建興  
元年建本無三年則昭烈爲無終徽建皆曰後主于君  
臣父子之教所害甚大是起十四卷盡十六卷凡曰後  
主者皆失于刊正也當于三年下注帝禪建興元年明  
年大書帝禪建興二年庶前後無齟齬也其三天寶十  
五載註肅宗皇帝至德元年明年惟曰二載爲無始當

大書二載上加肅宗皇帝至德使上同于開元三者鈞  
失而建安之取至德之去固在也若章武之距建興纔  
三年耳遽有帝父主子之異豈不于統大有關乎

先生爲中臺御史時忽御史大夫謂曰我天子以汝賢  
故擢居耳目之官今且歲餘至如興利除害之事未嘗  
有片言及之但以薦舉爲務何耶先生答曰某所薦者  
百餘人皆經世之才其在中外並能上裨聖治則某之  
報效亦勤矣又何待屑屑于興利除害然後爲監察御  
史之職任乎大夫曰眞宰相器也歎賞久之

柳道傳爲謚議曰先正許魏文正公之在吾元實當世  
祖皇帝恢拓基圖之始倡道明宗振起來學一時及門  
之士獨稱集賢大學士姚公燧爲能或纂厥緒以大其  
承然觀公之言而考夫文正公之學則其機籥之相須  
殆不啻山鳴而谷應雲興而龍翔也他日良史執筆以  
傳儒林則公在文正之門豈直儕之游夏而已

補文正耶律先生有尙

附錄

許文正公爲京兆提學先生逾弱冠閒關數千里羸糧

奎章案補遺 卷九十

三十四明鏡齋

約園刊本

往從之遊文正見其學苦而志篤深器異之

其學邃于性理而尤以誠爲本儀容辭令動中規矩識  
與不識莫不服其爲有道之君子

文正南歸諸生祖餞于國都門外文正悉語之曰他日  
能令師道尊嚴惟耶律某能之汝等當以事我之禮事  
之可也

授國子司業一蒙古生不請命遠出聞先生欲深責之  
祈中貴求免先生曰教法不可廢也竟扑之

其立教以義理爲本而省察必真以恭敬爲先而踐履



必端慤凡文詞小技綴緝雕刻足以破裂聖人之道者皆屏黜之是以諸生知趨正學崇正道以經術爲尊以躬行爲務悉爲成德達材之士大抵其教法意遵魯齋之舊而勤謹有加焉

元史傳

其教人也師道尊崇凜乎若不可犯出言簡而有法廟堂議論成均教授人皆聳聽恐不卒得聞

既歸老屏居別墅未嘗一入城府自稱汝南野老表所居曰寓齋終日端坐略無惰容

補文穆呂先生塋

宋學案補遺 卷九十一

空三四明藏書

約園刊本

梓材謹案先生七世祖公緒與宋丞相公著爲從昆弟祖避亂去鄉里父徙北郡復至關中家焉廉希憲宣撫京兆聘魯齋教授生徒故先生從之學見元史本傳梓材又案蘇滋溪爲呂文穆神道碑云呂端善字伯充而史名塋是有二名卽一人也

附錄

徵爲國子司業以未終喪辭改華州知州勸農興學具有成效及代民爭留之

大德中河東關隴地震月餘不止先生與集賢學士蕭灝各設問答數千言以究其理且移書廟堂陳救災弭患之道

公退居于里日與韓擇蕭剡同恕講論道義從容函丈而關陝學徒從者益盛

魯齋與伯充書曰葬禮遵用遺言依倣古制信道力行至于如此楊元甫之亞也敬歎敬歎

雲濠謹案蘇滋溪題魯齋先生手書後云許魏公手書四幅寄京兆呂君輔之及其子翰林侍讀學士伯充者也又言嘗讀魯齋所述呂君墓誌云君生子未逾年日買書爲教養計擇師就學學必以稽古踐實爲貴云

補 忠憲劉先生宣

附錄

宋石渠寶笈 卷九十

宋四朝書 約園刊本

自幼喜讀書有經世之志宣撫張德輝至河東見而器重之還朝薦爲中書省掾

諡議曰廉方公正曰忠行善可紀曰憲公性至孝鄉里著聞見知寶文貞公門無私謁政有慈惠奏牘本□□正非拘儒曲士引據高遠不達權宜者比其行善可紀信矣江淮省臣貪虐不法公以其罪上語泄馳賄中外柄臣黨惡誅鋤忠良檄加覈公慮身辱徒損臺威中道以殞時論寃之其廉方公正又信矣

補 惠愍賀舉安先生伯顏

雲濠謹案虞道園學古錄有上都留守賀惠愍公  
廟碑又賀丞相神道碑及墓誌銘父仁傑諡忠貞  
元史先生本傳云至正三  
年追封涇陽王改諡忠宣

附錄

近侍或言八佞之五章若訕今日者盍去諸上以問公  
公曰夫子爲當時言距今二千餘載豈相及哉且國家  
受天命爲天子有天下固當下比古之遯遠小名而自  
居乎上然之

拜左丞相行都留守以民之不知教也始大爲學舍禮  
儒師以風化之是以吏民不識貴強之凌暴承其教戒  
仰之若神明焉相率爲祠于西門之外設公像而祝之  
補副使白先生棟

附錄

始由太原徒行至河內致其父書魯齋先生願遊其門  
因翰林侍讀高凝得操几杖主凝家二年而歸侍其親  
而魯齋亦召北矣

改僉燕南河北道提刑按察司事其考已疾行至衛而  
卒而其妣亦疾乃朝夕哀死事生卽教授于輝明年姚  
牧庵召直翰林感其毀瘁骨見衣表弔哭之餘其徒數

十人拜庭進退朋讓賓敬之道習焉然魯齋成法也

補清獻王本齋先生都中

梓材謹案先生序俞石湖周易集說云都中至元乙丑嘗從先生指授未幾奔走宦途弗能卒業茲守鄆陽泉監與先生偕行公餘聽講又得聞所未聞是先生固俞氏門人也

補李先生文炳

附錄

魯齋祭之曰惟生總角從吾誦詩讀書善言日親惡言日疏二十安學志向吾儒經史晝夜筆硯朝晡道則周孔治惟唐虞究始與終論精及粗事我甚專敬我無渝不恤異議不爲俗拘較之後生鮮或能踰

宋重案補遺 卷九十

六六四明叢書

約園刊本

又曰我來自西跋涉崎嶇省汝視汝操立何如身出門庭名聯士夫斐然成章不忘其初我竊慰喜有汝生徒遂意老日相與鄰居益汝新聞卒我前圖

又曰昔者憂汝多病而瘳此別安強謂必無虞訃音忽來告汝身殂我初聞之恍如乘虛撫手痛悼放淚長呼

補郡王孛吉斛先生

梓材謹案元文類有程鉅夫所撰丞相卜孛吉台封河南王制稱爲開府儀同三司河南河北等處行中書省左丞相

補 文肅暢先生師文

附錄

幼警悟家貧無書手錄口誦過目輒不忘弱冠謁許魯齋與魯齋門人姚燧高凝皆相友善

拜監察御史糾劾不避權貴上所纂農桑輯要書

補 知州王先生寬

附錄

裕宗嘗召見先生兄弟語之曰汝父起于諸生貧無貲蓄今賜汝鈔五千貫用盡可復以聞

宋元學案補遺 卷九十一

宋元四明叢書

初園刊本

補 祕監王先生賓

附錄

性資開敏初從許文正公游小學四書悉能通其大旨亦傳贊善星官曆法之學

先生少長富容儀雅潔若寒士

文懿齊先生履謙

父義

齊履謙字伯恆沙鹿人父義善算術六歲從父至京師年十一教以推步星曆盡曉其法十三從師聞聖賢之學自是以窮理爲務非洙泗伊洛之書不讀至元十六

年初立太史局改準新曆補星曆生預修曆經曆議二  
十九年授星曆教授大德二年遷保章正始專曆官之  
政至十四年仁宗卽位嘉尙儒術臺臣言先生有學行  
可教國學子弟擢國子監丞改授司業與吳草廬並命  
時號得人每五鼓入學風雨寒暑未嘗少怠其教養有  
法諸生皆畏服未幾僉太史院事延祐元年復爲司業  
律已益嚴教道益張至治元年拜太史院使泰定二年  
奉使宣撫江西福建黜罷官吏之貪污者四百餘人蠲  
免括地虛加糧數萬石州縣有以先賢子孫充房夫諸  
役者悉罷遣之福建憲司職田每畝歲輸米三石民不  
勝苦先生命准令輸之由是召怨及還京憲司果誣以  
他事未幾誣先生者皆坐事免先生始得直復爲太史  
院使卒先生篤學勤苦家貧無書及爲星曆生在太史  
局會祕書監輦亡宋故書留置本院因晝夜諷誦深究  
自得故其學博洽精通尤精經術著大學四傳小註一  
卷中庸章句續解一卷論語言仁通旨二卷書傳詳說  
一卷易繫辭旨略二卷易本說四卷春秋諸國統紀六  
卷經世書人式一卷外篇微旨一卷二至景考二卷

經串演撰八法一卷諡文懿元史

齊太史語

春秋以同會異以一統萬蓋始魯終吳合二十國之史記而爲之者也間嘗敘類成書曰諸國統紀降周于魯尊爲內屈也先齊于晉以霸易親也繫荆及吳懲僭以正也其道名分之意所以經緯乎書法義例之中者則亦先儒引而未發之奧云耳予何言焉

春秋諸國統紀敘錄

孔子嘗曰我欲觀夏道是故之杞而不足證也我欲觀

宋學案補遺 卷九十一

五十四明藏書

物園刊本

商道是故之宋而不足證也我觀周道幽厲傷之吾舍魯何適矣此聖人所以託魯史以寓王法也故學春秋者當先觀聖人所書一魯十二公二百有四十二年之事其文可證也其誼可推也其治亂得失反復一代之變可覆而視也始于隱元者魯史之所自起也志禮樂志征伐志會盟志賦稅志軍用志城築志田邑志災異志世卿志夫人內女獨備于諸國者非特爲詳內錄也夫以春秋而視周典則魯爲極亂以魯而視當時齊晉諸國則豈無所謂一變再變至道難易之等差哉因其

事著其筆削蓋所以訓也後之作者尙有考于斯故敘魯國春秋統紀第一

詩降黍離于國風示天下不復有雅春秋夷周室于侯邦傷王道莫之能亢也當是時周史固在也十三王之世次先後可考也然而春秋不以周統書元而但以周正首事其意可知也書歸物者三書來求者三書錫命者三書出師者三書天王出居于鄭繼書天王居于狄泉入于成周書王札子殺召伯毛伯書天王殺其弟佖夫繼書王室亂王子猛卒德日腴力日蹙變日極矣孔

宋元學案補遺

卷九十

一百四明叢書

約周刊本

子曰如有用我者吾其爲東周乎蓋傷周室陵遲雖有繼世之王亦不能以復興矣此制作之本旨也豈有禮樂征伐不自己而出哉故敘周王春秋統紀第二

公羊氏曰大國言齊宋夫宋王者之後而中國之望也陳舜之後也杞夏之後也宋商之後也原其始封皆公爵也而在春秋陳但稱侯杞則始稱侯至莊之二十七年書伯僖之三十三年降而書子訖春秋之世凡三書而三降焉惟宋獨終始公爵雖襄公圖霸無功戰敗身傷而宋爲諸侯之望曾不改舊故晉文以解宋圍而成



一戰之霸悼公以討魚石而興三駕之功春秋外平不  
書至宋楚平則書之其大勢可見矣故敘宋國春秋統  
紀第三

五霸前此未有也齊創之而晉次之也雖然當是時王  
道衰諸侯恣威勢以相脅傾詐以相尙天下皆是也大  
則宋魯衛鄭之邦小則邾莒滕薛之國其能知尊周者  
誰歟以禮爲國者誰歟推其本心無非桓文也考其行  
事亦無非桓文也其所以不爲桓文者非不欲也特智  
有所不逮力有所不及耳故孟子論春秋不舉他國而

宋左傳家稱遺

卷九十

百二四明叢書  
約園刊本

獨以二公爲稱者意蓋如此故敘齊國春秋統紀第四

近代永嘉陳氏有言古者諸侯無私史晉之乘楚之檮  
杌魯之春秋皆東遷之史也今以此考之春秋凡諸侯  
書卒者皆有國史以考其世次者也其不書卒者或國  
滅失其本史或國雖在而未有史皆無所考其世次者  
也又其世次有入春秋卽見者有近後方有者若秦至  
文十八年始書康公卒薛至莊三十一年始書薛伯卒  
杞至僖二十三年始書成公卒莒至成十四年始書渠  
邱公卒邾至莊十六年始書邾子克卒許至僖四年始

書穆公卒楚至宣十八年始書莊王卒吳至襄十二年始書王壽夢卒晉則至僖九年始書獻公卒凡此其史之所起有久近故其世次所書有先後然則陳氏之言于是乎信故敘晉國春秋統紀第五

子路問于孔子曰衛君待子而爲政子將奚先孔子曰必也正名乎名不正則言不順事不成禮樂不興刑罰不中而民無所措手足夫靈公黜其子而子其孫出公不父其父而禰其祖蒯聵爭入曼姑圍戚至此則人倫之不正甚矣故夫子因子路之問而啟之然此言也雖

宋學案補遺

卷九十

百二十四期藏書

約國刊本

則專爲衛輒而發夷考春秋所書若州吁若惠公若公孫剽本其禍亂無非不知正名之罪然後知夫子之言所包者廣非止于一人一事而已也不然衛以康叔封國察其政俗兄弟吾魯加以內無專國之臣外少諸侯之事于斯時也苟能君君臣臣父子兄弟弟夫夫婦婦人倫之無不適其正也其于禮樂之興也何有故敘衛國春秋統紀第六

古者王制諸侯之爵次其先後有序在周官大司馬設儀辨位以等邦國猶天建地設不可亂也及春秋時禮

制既亡霸者以意之向背爲升降諸國以勢之強弱相上下故自入春秋蔡常先衛隱十年伐戴書宋人蔡人衛人桓五年伐鄭書蔡人衛人陳人十四年又伐鄭書齊人蔡人衛人陳人十六年會于曹猶書宋公蔡侯衛侯皆先衛也自是厥後伐鄭之役納衛惠之師遂序于衛陳之下矣雖云至有後先亦以國勢孱弱不能自強于治可見矣其世從楚而受楚禍也宜哉故敘蔡國春秋統紀第七

春秋赴告之說始于左氏其言曰諸侯有命告則書不

宋五經補遺

卷九十

百三十四朔藏書

約園刊本

告則否師出臧否亦如之雖及滅國滅不告敗勝不告克不書于策其意本謂鄰國相好或同惡以相仇或同利以相濟于是乎有赴告之命如傳言宋人取邾田邾人告于鄭曰請君釋憾于宋弊邑爲道鄭人以王命告伐宋之類非謂每事每國必皆赴告凡春秋所有事皆當時承赴告而書者誠如此言不惟當時諸國封壤有遠近情好有疏密而且國有諱忌事固有不可告與夫不當告及不能告者而春秋備書之桓五年春正月甲戌己丑陳侯鮑卒甲戌之下本闕陳佗作亂事而左傳

以謂陳亂國人分散故再赴昭九年夏四月陳災陳亡矣定無來告者而胡氏以謂叔弓會楚子于陳還言之朝凡若此者皆泥于赴告之說之弊也要之春秋之作各從本史于理爲通赴告之說恐不盡然也故敘陳國春秋統紀第八

鄭在春秋列國最爲後封于諸姬爲近然當春秋之初鄭爲亂階書克段書來輸平書歸祊書假許田書從王伐鄭皆特筆也其後方楚之北征諸夏而鄭與陳蔡許四國適當其衝陳蔡許終始春秋甘爲楚之從而鄭介

宋五經補遺

卷九十

百四四朔藏書  
約園刊本

晉楚之間居二國必爭之地朝從楚盟晉師暮至暮從晉盟楚師朝至其爲國也難哉向非子產以禮自固使晉楚之暴不能加焉則鄭國之邱墟當不終于春秋矣善乎劉安世之論曰鄭蕞爾國又時有君臣之亂得子產然後安然子產爲政時晉楚漸衰又能事之區區小國攝乎大國之間能自保已爲難若妄作則滅亡矣傳稱子產善相小國謂此也故敘鄭國春秋統紀第九

春秋書用兵輕重淺深各有不同而其甚莫極于滅滅者亡國之重辭也宋景公入曹以曹伯陽歸春秋止書

入而左氏傳其事謂曹伯陽好田弋鄙人公孫彊因進田弋之說陽好之彊因言霸說陽乃背晉而好宋宋伐之晉不救而遂滅故嘗因是考之經有書滅而實未嘗滅者襄六年書莒人滅鄆昭四年書取鄆是則鄆未嘗滅定六年書鄭游速帥師滅許以許男斯歸哀三年書許男成卒則是許未嘗滅亦有經書入而傳則謂滅國亦不復見者僖三十年書秦人入滑傳謂滅滑而還而滑亦不復見哀八年書宋公入曹傳謂晉不救而遂滅而曹亦不復見蓋未嘗滅者或復存之其入而國不復

宋志卷之九十一

卷九十一

五十四明發書

約園刊本

見者皆自亡也故敘曹國春秋統紀第十

秦自穆公始入春秋僖十五年與晉惠公戰于韓原其勢固已悍然矣及再納晉文主盟中華穆公外雖從晉盟會內則蓄其威武投閒抵隙待時而發故文公方卒今年滅滑明年伐晉用敗穀之帥出罪己之言威行東華奄宅西戎斯可謂秦之顯功矣故春秋秦自彭衙以前入滑圍鄭盟于翟泉會于溫師于城濮凡穆公之事莫不皆備錄之康共而下則若不盡記者非闕文也直謂其不足詳耳故敘秦國春秋統紀第十一

春秋降爵之國薛自侯降爲伯滕自侯降爲子杞自公降爲侯又降爲伯又降爲子雖其所以降不可知固以見其國勢腴削日就卑替或曰薛與滕杞自入春秋不與諸侯會盟者各百餘年至成五年蟲牢始書杞伯成十三年伐秦始書滕人襄元年圍彭城始書薛人其曰日就卑替者何也曰是又不然夫春秋之有會盟本所以控大國扶小國也故其徵令不濫而諸侯有序葵邱之盟盟之大者也而與盟者止于八國杞滕薛不在焉踐土之盟亦盟之大者也而與盟者亦止于八國杞滕

宋史案補遺 卷九十

夏四明叢書 約園刊本

薛亦不在焉此桓文之盛而小國所以賴也霸政下衰盟會數而賦役煩雖大國容有不至而小弱如杞滕薛之倫莫不奔走而聽命雖空乏其國家困踣于道路而有不遑恤者且宋災細故也爲會而更所喪者十有二國也城杞末務也相率而受其功者亦十有二國也甚而至于晉定之召陵之役在會者十有八國而劉子且不數焉其得失可知也由是言之其得與于會盟者非進之也適所以就其卑替耳故敘薛國春秋統紀第十

杞既降而書子矣而又退從人臣之列其降而書子吾不知其所以來退從人臣之列則有任其責者矣何以其退從人臣之列也以襄二十九年書杞子來盟則見之也經有書來盟者矣桓十四年鄭語來盟閔二年齊高子來盟僖四年楚屈完來盟文十五年宋華孫來盟宣七年衛孫良夫來盟皆人臣也固未有諸侯書來盟者亦未有與諸侯盟而不書公者也左氏曰杞文公來盟書曰子賤之也此說非也賤之之意其不在于書子也夫杞夏之後而天子之事守也禮秩之降一至于此

宋亞案禮遺

卷九十

頁七

四明叢書  
約圖刊本

宜乎夫子嘗曰吾說夏禮杞不足徵也故敘杞國春秋  
統紀第十三

春秋以諸侯而旅見于諸侯惟二事滕侯薛侯邾人牟人莒人是也何以知爲旅見卽其所書而知之也古者諸侯之邦交名位不同禮亦異數至于旅見則必均其辭號者所以一貴賤齊等威也然則謂之侯者以君禮見者也不謂之侯者不以君禮見者也滕本非侯也薛亦然或者之說有如此者故敘滕國春秋統紀第十四莒介居齊魯之境齊雖見伐而莒曾不敢少陵齊焉

則自宣公平莒及邾莒人不肯至再會齊伐之干戈相尋迄無寧歲當襄公之世曾不數年而莒人伐我者三侵我者一亦可謂之強國矣故春秋書莒每次于鄭曹之下至于入向取牟襄滅郟皆強國事也故敘莒國春

秋統紀第十五

春秋世卿非惟大國有之雖小國亦有之矣莒牟夷邾庶其男我邾快黑弓是也若邾儀父或以爲子克字或以爲大夫之名按魯有行父歸父晉有林父鄭父甲父是皆大夫名然則謂儀父爲名者非無據也夫邾魯附

宋臺榭補遺 卷九十一

百六十四明藏書 約園刊本

庸之國其來朝于魯者數矣而魯之君臣所以每加兵于邾者其意責邾之不恭猶深也故旣納其邑又分其田旣又入國而以其君歸必期至于滅亡而後已豈先王保小寡之道哉公行鮮有不書至者惟伐邾則悉不書至豈以邾爲邦域之中七百里之內歟故敘邾國春秋統紀第十六

春秋之班齊侯爵也自入僖公常序于宋公之上邾子爵也常序于薛伯之上許男爵也常序于曹伯之上復有在邾侯之上者甚而至于蜀之盟秦序宋上鄭序齊



上皆習亂之事也故統紀自內魯至于降周而下並依王爵曰公曰侯曰伯曰子曰男爵同以親晉當先齊以齊爲霸者之倡特列居侯爵之首荆吳僭號王爵不加焉故附于五等之後凡此庶幾春秋聖人所以道名分之意云故敘許國春秋統紀第十七

春秋自遷不書有遷之者而後書然書曰某人遷某者遷以內屬也宋人遷宿齊人遷陽是也書曰某遷于某者遷以避難也邢遷于夷儀衛遷于帝邱蔡遷于州來許遷于葉于白羽于容城是也雖所遷不同而其國之

危弱不能自守一也悲夫故敘宿國春秋統紀第十八荆吳僭竊名號不與中國通者各十餘世自入春秋雖其因事制宜誼存筆削然其君書卒其大夫書名書聘使書會盟書帥師皆與諸夏冠帶之國並列無間蓋二國之罪以先王王法論之則外之攘之誅之絕之可也以春秋信史言之則聖人拳拳于夷夏盛衰之變者深矣詳其事存其實錄所以爲後世鑑也故其書法如此故敘楚國春秋統紀第十九

吳國于東南去中夏尤遠成七年吳伐郟始見于經于

鍾離于善道于桓于向皆諸侯就而會之其來交于中國者于戚而止耳雖則資之以疲楚然吳亦亢矣艾陵之戰齊黃池之駕晉其末流有必至者春秋書之欲後世謹其始也故敘吳國春秋統紀第二十

梓材謹案四庫全書著錄先生春秋諸國統紀一卷目錄一卷提要云此書乃其延祐丁巳爲國子司業時所作自序謂今之春秋蓋聖人合二十國史記爲之自三傳書言衰貶于諸國分合與春秋所以爲春秋槩未之及故類敘此書以修諸家之闕凡二十有二篇首魯次周次宋次齊次晉次衛次蔡次陳次鄭次曹次秦次薛次杞次滕次莒次邾次許次宿次楚次吳自內魯尊周外各以五等之爵爲次其入春秋降爵者則隨所降之爵列之而楚吳以僭王殿焉目錄謂此皆國史具在聖人

宋李燾補遺 卷九十

百十四明錄書

約園刊本

據以作春秋者又以諸小國諸亡國釐爲二篇附錄于末目錄謂此無國史因二十國事所及而載者皆先于各國下列敘大勢與其排比之意題曰某國春秋統紀蓋據墨子有百國春秋徐彥公羊疏有孔子求周史記得百二十國寶書之文故不主因魯史從赴告之義也吳草廬序稱其纓數旁通務合書法間或求之太過要之不荷爲言蓋瑕瑜不掩已有微詞矣

附錄

公年十七補星曆生同輩多司天世家子忌公才能太史王恂召問算數皆不能對獨公隨問隨答太史稱之許文正公楊文康公俱應詔治曆公侍左右數請益焉吳文正公覽公著述爲之敬服屢歎當世無知公者

蘇滋溪撰神道碑曰公之學自大經諸史天文地理禮樂律曆下至陰陽五行醫藥卜筮無所不能而于經術爲尤甚立言垂訓簡易明白不蹈故常以徇人不求新奇以驚世其于聖賢意旨蓋多有所發焉

文定杜先生思敬

杜思敬□□人其父奮起行伍顯立勳勞遂得給衛世祖潛邸及遊許文正公之門益知講學原委初仕御史臺都事轉治書侍御史權姦伏辜臺臣以失言併逐世祖獨亮其忠命涖職如故未幾除戶部侍郎歷右司左郎中出爲順德安西總管就僉陝西行中書省事尋移汴梁總管復入爲侍御史議事上前首當帝意拜中書參知政事進四川行省左丞以疾不行召爲中書左丞能以忠誠爲格君之本以安靖爲出治之基卒謚文定

柳待制集

文貞康里先生不忽木

不忽木一名時用字用臣世爲康里部大人康里卽漢高車國也先生資稟英特進止詳雅世祖奇之命給事裕宗東宮師事太子贊善王恂恂從北征乃受學于國

子祭酒許魯齋衡日記數千言魯齋每稱之以爲有公輔器世祖欲觀國子所書字先生年十六獨書貞觀政要數十事以進帝知其寓規諫意嘉歎久之至元十三年與同舍生堅童太答禿魯等上疏言欲人材眾多通習漢法必如古昔徧立學校然後可帝覽之喜十四年授利用少監歷拜昭文館大學士平章軍國重事大德二年特命行中丞事三年兼領侍衛司事卒年四十六其學先躬行而後文藝居則簡默及帝前論事吐辭洪暢引義正大以天下之重自任知無不言武宗時贈純

宋史案補遺 卷九十一

皇 四明叢書  
約圖 附本

誠佐理功臣開府儀同三司上柱國魯國公諡文貞元史

附錄

虞道園爲吳文正公神道碑曰董忠宣公于選拜行臺御史中丞入奏事首以先生爲薦及任樞府又薦之一日議事中書起立謂丞相曰于選所薦吳澄經明行修大受之器論道經邦可助治世平章軍國重事不忽木曰樞密質實所薦天下士也丞相逮事世祖親見用人之道平章許文正公高第之得其傳者是以知重忠宣之言

文肅康里先生禿忽魯

禿忽魯字親臣康伊聶之孫自幼入侍世祖命與額森特穆爾不忽木從許魯齋學帝一日問所學先生與不忽木對曰三代治平之法也帝喜曰康秀才朕初使汝往學不意汝卽知此除蒙古學士奉議大夫客省使進兵部郎中遷僉太史院嘗宴見世祖屢開說古今治亂政要多所裨益歷遷江浙右丞樞密副使大德七年卒年四十八贈大司徒趙國公謚文肅

元史

主簿馮先生善主

附師張簡之

宋元學案新編

卷九十一

百三十四明叢書

約園刊本

馮善主字君協右北平石城人性至孝初學于張簡之聞許文正公以經學教胄子徒步至京師從之文正歎其淳篤文正歿千里赴弔于懷欲廬其墓諸生弗欲懷人義之遺布三百疋曰吾爲許先生來因利之弗忍爲也乃歸服心喪三年未嘗御酒肉至元二十五年始以耶律祭酒薦得平灤路儒學正教授冀州遼所至以其出許先生門爭從之游初石城兵燬夫子廟弗治先生度而新之拜闕里求孔顏孟十哲像祀之廟主興州宜興簿政化大行改蔚州安定未行卒于家

程雪樓集

司業楊先生桓

楊桓字武子兗州人幼警悟讀論語至宰予晝寢章慨然有立志由是終身非疾病未嘗晝寢弱冠爲郡諸生一時名公咸稱譽之中統四年補濟州教授後由濟寧路教授召爲太史院校書郎奉敕撰儀表銘曆日序文辭典雅賜楮幣千五百緡辭不受遷祕書監丞至元三十一年拜監察御史有得玉璽于木華恭曾孫碩德家先生辨識其文曰受天之命旣壽永昌乃頓首言曰此歷代傳國璽也亡之久矣今宮車宴駕皇太孫龍飛而璽復出天其彰瑞應于今日乎卽爲文述璽始末奉上于徽仁裕聖皇后成宗卽位先生疏上時務二十一事一曰郊祀天地二曰親享太廟修四時之祭三曰先定首相四曰朝見羣臣訪問時政得失五曰詔儒臣以時侍講六曰設太學及府州儒學教養生徒七曰行誥命以褒善敘勞八曰異章服以別貴賤九曰正禮儀以肅宮庭十曰定官制以省內外冗員十一曰講究錢穀以裕國用十二曰訪求曉習音律者以協太常雅樂十三曰國子監不可隸集賢院宜正其名十四曰試補六部

寺監及府州司縣吏十五曰增內外官吏俸祿十六曰  
禁父子骨肉奴婢相告訐者十七曰定婚姻聘財十八  
曰罷行用官錢營什一之利十九曰復笞杖以別輕重  
之罪二十曰郡縣吏自中統前仕宦者宜加優異二十  
一曰爲治之道宜各從本俗疏奏帝嘉納之未幾陞祕  
書少監預修大一統志秩滿歸褒州以贄業悉讓弟楷  
鄉里稱焉大德三年以國子司業召未赴卒年六十六  
先生爲人寬厚事親篤孝博覽羣籍尤精篆籀之學著  
六書統六書源原書學正韻大抵推明許慎之說而意

宋學案補遺 卷九十

皇五 四明叢書

約園刊本

加深皆行于世元

史

梓材謹案姚牧庵爲潘廉訪澤神道碑云伯氏懼  
公平昔之善泯而不聞求其同門友祕書少監楊  
桓狀其事廉訪嘗遊魯齋之門碑云同門則亦魯  
齋門人也又案先生號損齋至元十九年撰修闕  
里廟垣記蓋先生嘗繼

楊潛齋師表于魯云

梓材又案先生又號辛泉四庫全書著錄六書統  
二十卷提要云前有翰林直學士硯彌堅序又有  
國子博士劉泰後序而其自序爲尤詳大旨以六  
書統諸字故名曰統凡象形之例十會意之例十  
有六指事之例九轉注之例十有八形聲之例十  
有八假借之例十有四其象形會意轉注形聲四  
例大致因戴侗六書故門目而衍之指事假借二  
例則楊氏以意鉤稽自生分別又言變亂古文始  
于戴侗而成于桓侗則小有出入桓乃至于橫決  
而不顧云又四庫存目錄六書源原十二卷提要

云六書統備錄古文篆籀此書則專取說文所無或附見于重文者錄之又錄書學正韻三十六卷提要云是書兼以字母等韻各分標一二三四以辨其聲之高下然或有或缺體例不一所列之字兼存篆隸二體逐字之下注云統指統形統聲統意統注者見于六書統者也注云原指原形原聲原意原注者見于六書源原者也指即指事形即象形聲即諧聲意即會意注即轉注省其文耳其所分韻目大槩因集韻之舊而稍有訂改究不免變亂之嫌云

附錄

虞道園序六書存古辨誤韻譜曰至元中祕書少監楊武子善大小篆所著六書統以詔書刻之尙方多出己意篇帙浩穰刻梓在尙方學者莫之能究觀焉

宋學案補遺 卷九下

頁六 四明叢書

約園刊本

總判韓先生邦傑

韓邦傑秦人姚牧庵送宰先生伯魯序云秦士又有韓邦傑劉無競呂伯充者皆吾師之弟子也年皆長于燧若韓之能官劉之天資之美呂之問學之該徹皆燧所不敢望而及計之今日呂以練服在躬未可出之二人有造先生之館煩從者爲燧一訊安焉

姚牧庵集

梓材謹案牧庵之于三先生皆以字舉呂伯充名璽已見學案正編魯齋弟子劉季緯劉安中皆秦人劉無競必居一于是矣

附錄



魯齋與韓總判書曰總判邦傑舊友相別之久相去之遠公務匆冗乃不能忘相從之舊殊慰懷想而無競又論爲學爲政皆有進長尤可喜也

提刑譚先生克修

父彥清

譚克修德興懷來人姚牧庵與之同事許文正公父彥清官至陝西四川道提刑按察使西南夷羅羅斯內附以爲副元帥同知宣慰使卒嘗與牧庵爲忘年友文正以初入見潛藩之年驛召至秦後四年宣慰使至見其道德之容聞其仁義之言考其卓絕之行變世之志樂

宋元學案補遺

卷九十一

聖四明叢書

約園刊本

天之心出謂人曰今顏子也文正還懷宣慰爲之牧以求言焉則謂之曰學者或滯于形迹而不適用中理合而一之始可謂善學者猶導以用世之方身親接久而始示以性理之妙而操修之又使其子盡棄其學而事之先生事裕皇出爲江南湖北河南北陝西漢中三道提刑按察使牧庵稱其秉受懿美得之天問學修爲受之師忠信愷弟臨政與人皆踐其父武云

姚牧庵集

雲濠謹案魯齋遺書有留別譚彥清書又案元史譚資榮傳子二人曰澄曰山阜澄好讀書又習國語爲監縣多善政卽彥清也

史先生克恭

史克恭字子敬雲中人知華州廣之長子年十八華州  
丐老遂襲爲州騎射精妙得其家學他皆夏去紉綺豪  
習會罷世侯遷刺同州葭州移刺秦州未上卒年三十  
五許文正公至秦從學八寒暑文正嘗譽其厚重篤勤  
有人道資姚牧庵集

耶律先生惟重

耶律惟重魯齋之徒也魯齋嘗答其書云西山詩說與  
文公詩傳異同此非區區所能辨然夙昔愛生勤學似

宋元學案補遺 卷九十一

夏四明叢書

約園刊本

不欲虛其所問雖自知淺陋猶喜一言之春秋壞于三  
傳此說固矣然盡去三傳而不讀吾恐擬議之失又甚  
于左傳書義壞于漢儒之序此說固矣然盡欲去之而  
不讀吾恐臆度之差又甚于漢儒之序程朱以來講明  
究析其可疑可信亦略有說蓋自焚滅之後歷千餘歲  
其間變故又復不少遺脫舛誤焉能盡如洙泗之舊雖  
語孟二書亦有可疑學者但當求其旨意以身體之日  
積月累庶或有益至于此等疑議姑闕之可也

魯齋遺書

張先生源

張源魯齋之徒也劉靜修示之詩云堂高餘慶在道重  
魯齋傳洗眼名家後驚心太學年白頭負風鑑青佩兒  
時賢明日鹿門隱須君拜我前

靜修遺集

副使潘先生澤

潘澤字澤民宣德府人伯仲氏皆善厚殖其家資先生  
讀書壯而遊許魯齋之門盡翼故習而氣質大變養親  
不違其志事兄愛以敬官浙西廉訪副使

姚牧庵集

貞獻野仙鐵木兒先生

野仙鐵木兒親受學于許文正公深知治國之說及爲

宋元學案補遺

卷九十

夏一四明叢書

約園刊本

陝西行省平章登蕭勤齋剡并劉季偉姓名于朝卒贈

咸寧貞獻王

蘇滋溪文集

王濟川先生楫

王楫蒲人魯齋之卒也先生衰經赴葬司賓者辭曰門  
人衰禮歟先生曰吾師也藝術之師歟賓主之師歟吾  
猶懼乎報之無從吾將以愧夫王通氏之門人耳

王忠文集

梓材謹案魯齋遺書有與王濟川評議書濟川當是先生之字

知州李先生善甫

李善甫□□人及許文正公之門于平章不忽木爲同

舍生其爲學內而修身齊家外而爭君治民一以文正爲歸至大四年爲行省赴調京師檢校宰臣奏爲沁知

州程雲樓集

### 判官馬先生充實

馬充實字士輝河內人八歲遭大喪從母完顏氏攜載以從其夫李俟長萬夫隨征六盤六盤爲高昌要衝高昌之俗收經史立校官地與西域接故其聲音文字詳于諸國先生得其說而習焉世祖大一寰宇命以其國語別立文字用于印章宣敕其字母與西域相近先生

宋元學案補遺

卷九十

皇一四

約閱刊本

旁曲通暢單出雜比會其指歸學者爭詣門請業許文

正公薦于上以儒服入見于柳林授將仕郎懷孟路蒙

古教授再授承事郎襄陽路均州判官方文正講授鄉

里時靳許可遊其門者察以歲月始命執弟子禮獨見

先生篤厚溫謹卽俾就列授性理大義以躬行爲先文

正侍帝所無虛日上問文正卿弟子孰爲誠實卽以先

生對後有奏爲河渠使者又將奏爲蒙古院學士皆力

謝不受至元二十九年卒年六十

清容居士集

### 教授王先生孚

王孚字公信永平人游學洙泗之間學益進人師禮之  
嘗及許文正公門所與遊者皆一時名公卿兼通天文  
卜筮兵法嘗用憲臺薦教授冀州以恩封從事郎道園  
學古錄

平章默勒吉先生堅童

默勒吉堅童字永叔闕公子少孤甫十歲卽從王文康  
鶚遊旣長奉命入國學從魯齋遊弱冠入侍禁廷授中  
順大夫侍儀奉御遷中議大夫同修起居注及奉使濟  
南見楊桓賢遂薦之歷授正議大夫燕南河北道肅政  
廉訪使遂拜河南省平章政事驛召赴闕未拜以疾卒

宋平章案補遺

卷九十

臣等明較書

約圖刊本

年三十九

元史

學士李先生銓

李銓朔州人入國子學師許文正嘗官翰林侍講學士

清谷居士集

修撰雷先生觀

附見潛齋門人

李先生茂卿

李茂卿□□人嘗同姚牧庵受學司徒許公

姚牧庵集

傳簡許先生辰

許辰字君猷一名忽魯出孫曲沃人從其父國楨事世祖于潛邸進退莊重世祖喜之賜今名俾從許魯齋學入備宿衛忠慎小心累以中書右丞署太常事改陝西行中書省右丞有足疾不能行特授大司徒食其祿終身追封趙國公諡僖簡元史

### 許先生約

許約魯齋門人皇慶二年以魯齋列于大成從祀之位與同門合辭而祭之元文類

### 清獻董先生士珍

宋丞相禮遺

卷九十

皇朝四明叢書

續國朝本

董士珍字周卿藁城人正獻公文忠之子也幼從許文正公學淹貫經史與人交終日恭敬歷官中書參知政事至河南江北行省左丞在朝四十餘年絕跡勢途性嗜學好善言言動可法羣從每嚴憚之卒年五十九卒生平學術得諸父命師訓爲多歐陽圭齋集

### 承旨康里先生燮燮

見下文貞家學

### 別附

### 把仲輝

把仲輝亦魯齋之徒也魯齋嘗與書云衡也與子爲師

與令親爲友不能善誘善導使入孝慈顧相怨交惡反  
出衰俗之下益自知平日區區初無小補德之涼薄其  
誤人乃如此可勝負愧又云汝今日所處固爲甚難然  
天下公議必責備于臣子必責備于賢者父之過卽子  
之過也正當反躬自克百倍其勇令親之失亦汝之失  
也此若不悟勢將滔滔有無窮之悔矣

魯齋遺書

牧庵講友  
總管克烈先生上希 附子慕顏鐵木

勗實帶克烈氏蒙古人晚易名士希字及之世爲斡手

宋元學案補遺 卷九十

皇三 四明 藏書 約園 刊本

軍千戶徙家河南鳴皋至元中授武義將軍佩金符尋  
遷武德將軍進本軍總管卽所屯建伊川書院立里社  
以教導民大德二年以足疾旬閒大肆于學手不釋卷  
與中書右丞陳天祥翰林學士承旨姚燧虞摯侍御史  
趙簡諸老游居十餘歲公卿交薦將起以翰林會卒子  
慕顏鐵木賢而有文藏書萬餘卷無不究覽

程書樓集

姬先生女龍 父德附弟震龍

姬文龍字伯陽絳州人世業儒銜金之季年其父德避  
地襄鄧間又渡江居鄂雖遭時多艱所至必擇師教子

故先生自少卓然有立宋咸淳四年以詞賦擢進士第  
主郢之京山潯岳州教授荆湖制置使汪立信辟郢之  
長壽令尋兼僉書判官廳事宋亡例以校官授之先生  
斂身而退遂家于郢徜徉林壑以終老焉時中朝舊家  
鉅儒姚公燧馮公岵亦就家郢各遣子弟執經受學姚  
公疾革語其子曰吾世衣冠大族有如此不諱喪禮勿徇  
流俗姬先生深明禮學汝當資之初先生連值父母喪  
廬墓哀號三年不歸與弟光州文學掾震龍同居無間  
言性耿介或有餽遺一切不取年八十卒

蘇滋溪文集

宋元學案補遺

卷九十

三四四明叢書

約園刊本

牧庵同調

虞先生摯

別見蘇氏蜀學略補遺

李概之先生洞

附詳草廬學案

劉姚同調

宗簿黃先生丙炎

附子興孫

黃丙炎

雲濠案一作炳炎

字純宗崇仁人咸淳進士歷官宗正

簿北兵至黃萬石棄撫州走先生不能挽遂歸隱劉伯  
宣姚燾高凝爲憲使具禮幣迎先生于洪學聽其講說  
遣子受學欲薦于朝固拒之子興孫字祖烈十歲能詩



文先生沒憲使辟祖烈繼其事皆再世稱弟子翰林集  
賢交薦不赴

人物志

附錄

劉須溪銘宗正墓曰不幸而以身從人又不幸而以文  
致身雖有孔明公瑾之才而用之如陳琳阮瑀又如溫  
石二子而不得爲許遠張巡豈非命乎

文肅同調

尙書高先生克恭

父嘉甫

高克恭字彥敬其先西域人後占籍大同父嘉甫以力

宋元學案補遺

卷九十

皇明四明叢書

約園刊本

學不苟媚事權貴奉母居燕時往還皆知名士嘉甫朝  
夕講肄遂得大究于易詩書春秋及關洛諸先生緒言  
雅不樂仕歸老房山先生蚤習父訓于經籍奧義靡不  
口誦心研務極源委至元十二年由京師貢補工部令  
史歷遷山西北道廉訪副使時暢純甫爲僉事先生  
疏詣臺言不可居純甫之上者有三大概謂純甫自大  
師南征卽掾行省敷歷中外幾二十二年而某資歷尙  
淺純甫文學行誼夙出倫輩高風勁節夙所景慕而不  
能及況兄事純甫義則兄弟情均骨肉躋等居上情實

未安擢先生江南行省治書侍御史而純甫亦他遷時人多先生之讓復召入爲工部侍郎轉翰林直學士授吏部侍郎尋除彰德路總管未赴改刑部侍郎京師旱自秋八月不雨至于六月先生陞尙書言明刑本以弼教人道莫大于君臣父子夫婦兄弟之敘今子證父婦證夫弟證兄奴證主榜掠成獄大傷風化理宜禁絕又中外囚繫歲瘐死不下數百人凡此逆于陰陽之和者也除大名路總管卒年六十有三積官至大中大夫先生易簀命喪葬用朱文公法及區畫家事甚悉此心不

宋元學案補遺

卷九十

夏三 四明叢書

列國刊本

以生死亂眾謂講學之驗嘗舉江南文學之士教君善

姚子敬陳無逸倪仲深于朝皆官郡博士

鄧巴西集

雪齋門人

楊先生古

楊古文獻弟子文獻自版小學書語孟或問家禮俾楊中書版四書田和卿版尙書聲詩折衷易程傳書蔡傳春秋胡傳皆版于燕又以小學書流布未廣教先生爲

沈氏活版與近思錄東萊經說諸書散之四方

姚牧庵集

雷先生益

附見潛齋門人

學正劉先生安國

附見勉齋學案補遺

趙先生伏

趙伏

漢卿家學

集賢竇先生履

竇履文正公默之子也先生挺特有父風官至集賢大

學士

王忠文集

漢卿門人

王鏡潭先生口

附子珍

宋學案補遺

卷九十

夏孟四明叢書

一約園刊本

王鏡潭者金華人也游廣平竇文正公門小心謹畏十有六年傳其鑱石鍼刺之術及倦游歸江南銳意以活人爲事因卽蘭皋舊隱扁其堂曰種德竇氏之學遂大

行東南子珍字國瑞陳夷白與之遊

夷白齋集

雲濠謹案貝清江集醫鏡密語序言文貞嘗注銅人鍼經密語一卷未成而沒鏡溪及其子瑞庵增注而成之瑞庵卽國瑞別號與清江交鏡溪鏡潭未知孰是

文康門人

文懿齋先生履謙

見上魯齋門人

李氏家學

總管李先生頴

李頴潞縣人忠宣子官嘉議大夫安西路總管兼府尹諸軍敖拉姚牧庵久遊忠宣之門又與先生嘗同受學

云姚牧庵集

道濟門人

補修撰董龍岡先生朴

附錄

其事親孝與人交智愚貴賤一待以誠或有犯之者夷然不與之校

宋壘集禮選

卷九十

夏天四明叢書  
約圖刊本

元明善銘其墓碣曰先生之學蓋明理爲本篤行爲要最其所至則文雅安恬者也其教人也善因其才而究其器故千里間化之

戎先生益

戎益民部尙書劉道濟門生

王秋湖集

正獻家學

清獻董先生士珍

見上魯齋門人

敬之門人

參議張行齋先生澄

張澄字之純別字仲經先生早孤能自樹立避地洛西  
率資無旬日計而泰然以閉戶讀書爲業嘗從辛敬之  
趙宜之講學故詩文皆有律度兵後居東平中州集

梓材謹案先生官至參議其爲鄆縣令也元遺山  
爲東平新學記稱其七歲入小學師名士龍江張  
某自誦讀至剖析義理者餘十年行聖公孔元措  
必其爲特達之器以其子妻之是先生之師不獨  
辛趙二  
氏也

梓材又案遺山爲行齋賦序謂戊子冬十月長壽  
新居成仲經張君從予卜鄰得王氏之敗屋焉取  
君子素其位而行  
之義名曰行齋云

尤虎先生選

宋元學案補遺 卷九十

夏亮 四明叢書  
約園刊本

此虎邃字士元先名玆字溫伯女直納鄰猛安也雖貴  
家刻苦爲詩如寒士喜與士大夫遊初受學于辛敬之  
習左氏春秋後與侯季書交築室商水大野中惡衣糲  
食以吟詠爲事詩益工時劉京叔在淮陽屢相從講學  
迨北兵入河南被命提兵戍亳州已而亳亂見殺年未

四十也歸潛志

紫陽門人

員先生擇

員擇紫陽門人早侍函丈偏得紫陽之道擔披遺藁釐

爲八十卷

江漢遺文

文定王秋澗先生惲

別見張昞諸儒學案補遺

知州秦歌竹先生仲

秦仲字山甫世爲洛陽大族嘗從紫陽楊先生學知名

給事裕宗潛邸後知昭州有善政郡治無事每游歌竹

山賦詩爲樂自號歌竹山人卒于官

道園學古錄

庸齋家學

學士薛先生友諒

薛友諒字□□庸齋之子也官翰林學士思續前志式

宋學案補遺 卷九十

夏正四明叢書 約園刊本

承遺則爰建義塾用迪教事學者彬彬粲然復興又購

司馬氏獨樂園故址創五賢堂以祀伊洛諸儒以廣教

養之所延祐元年陟義塾爲洛西書院五賢堂爲伊洛

精舍先生居官幾五十年所至興學崇教以致其治嘗

請陞周程諸儒從祀孔子旣建書院精舍又構禹廟長

淵之上以箕子配

程雪樓集

梓材謹案先生有九先生祠上梁文見元文類

善夫門人

文簡劉中庵先生敏中

父景石

劉敏中字端甫章邱人幼卓異不凡年十三語其父景石曰昔賢足于學而不求知豐于功而不自衒此後人所弗逮也父奇之鄉先生杜仁傑愛其文亟稱之嘗與同儕各言其志曰自幼至老相見而無愧色乃吾志也至元十一年由中書掾擢兵部主事拜監察御史歷爲翰林學士承旨以疾還鄉里先生平生身不懷幣口不論錢義不苟進進必有所匡救援據今古雍容不迫爲文詞理備辭明有中庵集二十五卷延祐五年卒年七十六追封齊國公謚文簡

元史

宋元學案補遺

卷九十一

學

四明叢書  
約圖刊本

孟卿門人

萬戶嚴先生忠嗣

見下行齋門人

潛齋門人

雷伯靜先生復始

附弟豫世忠恆益觀

雷復始字伯靜始字國明避家諱改字闕輔學者也事昭文大學士楊潛齋最稱善學許文正公聞其名嘗書示進學之要友五弟豫世忠恆益觀甚篤教誘之際凜乎若嚴師其卒也蕭徵士料哭之曰嗚呼若伯靜者以夷曠淵默之資醇正精微之學篤信允蹈之力道被其

身教行其庭使出而遇必爲知務識治之臣而其成其施已此竟不淑耶牧庵以爲知言

姚牧庵集

### 附錄

姚牧庵送雷季正見魯齋序曰以先生平昔樂教之心且熟子之兄伯靜之名嘗哀其願見未得竟抑志以卒有弟如此篤道而善學行己以化鄉岸然不流于今俗翹然自視以古人千里贏糧而就正焉又觀夫人有可進成德達才之具必不拒其見也

梓材謹案季正蓋伯靜季弟名觀者也牧庵送宰先生序所云秦士修撰雷君蓋卽其人又案牧庵

### 宋元學案補遺 卷九十

星 四明叢書

約園刊本

集歸來園記云歲壬子余與今合禮泉雷君損之交又云始余從先世父中書左轄公受讀四書君與橫經几席爲同業損之蓋亦伯靜弟名益者是與牧庵同在文獻之門矣

### 衍聖孔先生治

別見張祝諸儒學案補遺

### 節齋家學

### 文忠陳先生天祥

別見蘇氏蜀學略補遺

### 陵川家學

### 郝先生彝

郝彝字仲常陵川弟讀書學道不求官達以醇德篤行

終弟庸字季常

郝陵川行狀



梓材謹案陵川二弟史稱皆有名季常嘗與中都海牙入宋問執行人之罪苟宗道爲陵川行狀云撫青弟妹甚厚則是二弟者皆文忠所教育而成之者矣

### 朝列郝先生采麟

郝采麟伯常子以文學行治擢真侍從爲集賢直學士

朝列大夫

元文類

梓材謹案虞疏齋擊爲伯常神道碑稱其孤采麟次公生平事來謂擊曰夫子足銘則先生虞氏門人也

### 附錄

袁清容書郝伯常題黃鶴樓水龍吟詩曰公之子爲侍

宋元學案補遺 卷九十

皇四明嚴書 約園刊本

讀學士嘗與桷言公奉使時侍讀甫四歲後回京師年十九以戎服見拜且泣公閉目不顧進退□□其父友命易衣冠以進始與語前賢典刑峻整若是

陵川門人

補祭酒苟先生宗道

附錄

宗道

梓材案姓譜本文作苟宗直與黃氏學案補本郝經附傳作宗道者異姓譜又一條趙彥深水人下

文並同疑莫能定

弱冠從郝經使宋被留儀真經授以道以儒

名家仕至國子祭酒詩文書畫皆有晉唐風致

姓譜

梓材謹案先生父士忠字信之陵川集稱爲河陽  
遊士陵川爲其墓銘序云余之先君子晚年與宗  
道之父游處里閭相得而甚相洽又云以余父之  
執且其子受學于余故嘗聞其緒論而見其梗概  
且言宗道沈郁力學已爲偉器是先生爲陵川門  
人之證顧其上文云宗道以門生從行陵川爲先  
父行狀以宗道與趙泰尙文爲門生相與謀謚靜  
直虞摯爲陵川神道碑云父思溫既歿其徒相與  
號靜直處士闕復誌墓亦云考歿門人謚曰靜直  
處士則先生本在靜直之門豈其先從靜直而後  
又受學陵川耶其爲陵川  
行狀則又自署門生矣

陵川贈都事苟正甫詩曰接屋連牆受學初  
嶄嶄頭角氣凌虛捋鬚未敢刺雙虎回首還看總一  
豬未齧子卿瓊上雪且傳黃霸獄中書天教三士從  
重耳返國尊王

宋元憲案補遺

卷九十一

臺西四明叢書

約園刊本

儘有餘

又自序春秋外傳曰河陽苟宗道嘗受業于予時以書  
狀官從行于是五年之間講肄不輟甲子春宗道請傳  
春秋之學且志其說而無書以爲據乃以故所記憶者  
爲春秋外傳蓋自三傳之外而爲是不敢自同于三傳  
也以春秋正經多不同乃爲論次作章句音義八卷求  
聖人之意者必探其本以爲綱乃作制作本原三十一  
篇十卷春秋一書在于事必比事而觀其義可見乃爲  
比類條目一百三十篇十二卷三傳之說不同故聖經

之旨不一乃爲三傳折衷俾經之大義定于一凡五十卷卷首又著三傳序論列國序論一卷嗚呼窮于人而不敢自窮于天是以爲是非敢妄意于古之聖賢之窮而亦爲之書也其閒訛缺謬戾者甚眾俟變通之日取諸書以考賁之庶幾有成而見素患難之意云既具草以授宗道復爲書此以冠篇首

忠毅張先生宏略

張宏略字仲傑定興人武康公柔第八子也有謀略通經史善騎射嘗從武康鎮杞徒亳武康致仕受金虎符

宋元學案補遺

卷九十

皇朝四明叢書

約園刊本

順天路管民總管行軍萬戶仍總宣德河南懷孟等路諸軍屯亳者後解兵職宿衛京師至元三年城大都佐其父爲築宮城總管十三年城成授中奉大夫淮東道宣慰使十六年遷江西宣慰使以疾歸亳特命爲河南行省參知政事元貞二年卒諡忠毅

元史

附錄

王濬南答張仲傑書曰所論道學自是儒者本分事抑老夫衰謬日負初心不足進也吾子年壯氣銳乃能屏去豪華之習而專力于此好之樂之自謂有得他時所

治未可量老夫將受教之不暇而反能爲之發藥哉

獻武張先生宏範

張宏範字仲疇武康公第九子也善馬槊頗能爲歌詩  
中統初授御用局總管三年改行軍總管至元元年授  
順天路管民總管佩金虎符二年移守大名六年授益  
都淄萊等路行軍萬戶復佩金虎符領益都兵戍鹿門  
堡十一年北兵渡江爲前鋒十四年歸還授鎮國上將  
軍江東道宣慰使十五年宋張世傑立廣王昺于海上  
俾往平之授蒙古漢軍都元帥獲宋丞相文天祥于五

宋正統案補遺

卷九十

夏四明叢書

約圖刊本

坡嶺使之拜不屈義之待以賓禮送至京師獲宋禮部  
尙書鄧光薦命子珪師事之十六年嶺海悉平入朝未  
幾瘴癘疾作而卒年四十三謚武略至大四年加贈齊  
國公改謚忠武延祐六年加封淮陽王謚獻武

元史

莊武賈先生文備

賈文備字仲武蒲陰人左副元帥輔之子父卒襲行軍  
千戶職復襲左副元帥職兼領順天路累改湖廣行省  
參知政事致仕以疾卒贈江西等處行中書省左丞追

封武威郡公謚莊武

元史

孔先生進

孔進一作晉陵川之徒也陵川作詩以勉其學云萬卷  
撐腸是丈夫豈宜冠玉作庸愚學書便得吾家法開卷  
願爲君子儒十載甘心作蘇武九齡誰意得童烏天將  
男子屠龍技著力須探領下珠

陵川集

崔先生泉

崔泉字晉之高陽人業進士卓犖不羣嘗從陵川授左

氏春秋

陵川集

忠獻家學

宋元學案補遺 卷九十

頁七 四明叢書

約園刊本

忠愍董先生士元

董士元一名布哈字長卿忠獻文炳長子也自襁褓喪  
母祖母李氏愛之謂忠獻曰俟兒能言卽令讀書數歲  
從名儒受學及長善騎射叔父文蔚卒無子命先生襲  
爲千夫長出師南征以功遷武節將軍與哈喇圖以部  
兵赴敵身被十七鎗肩昇至營而絕年四十二諡節愍  
追封趙郡公改諡忠愍

元史

平章董先生士選

別見草廬學案補遺

牧庵門人

文靖貫酸齋先生小雲石海涯

小雲石海涯畏吾兒人其父楚國忠惠公名貫只哥先生遂以貫爲氏復以酸齋自號年十二三膂力絕人稍長折節讀書目五行下吐辭爲文不蹈襲故常其旨皆出人意表初襲父官爲兩淮萬戶府達魯花赤一日呼弟忽都海涯語之曰吾生宦情素薄願祖父之爵不敢不襲今已數年矣願以讓弟卽解所綰黃金虎符佩之比從姚牧庵燧學燧見其古文峭厲有法及歌行古樂府慷慨激烈大奇之選爲英宗潛邸說書秀才宿衛禁

宋元學案補遺

卷九十

賢四明叢書

約園刊本

中仁宗踐祚條六事凡萬餘言拜翰林侍讀學士知制誥同修國史稱疾辭還江南賣藥于錢塘市中詭姓名易服色人無有識之者晚年爲文日遼詩亦冲澹所至士大夫從之若雲泰定元年卒年三十九贈集賢學士追封京兆郡公諡文靖有文集若干卷直解孝經一卷

史元

梓材謹案邵巴西集翰林侍讀學士貫公文集序云余任在詞林職司撰著獲事翰林承旨晁先生先生于當世文章士少許可然每稱貫公妙齡才氣英邁宜居代言之選先生之受知于牧庵如是知事孔存齋先生濤附師留默齋

孔壽字世平衢州人先聖五十三世孫也八歲能屬文  
大父應祥俾受業留默齋年二十舉茂材異等婦翁徐  
聖予從事江東憲府攜以行涿郡盧公柳城姚公前後  
持使者節先生皆爲之執弟子禮由是學益進用察舉  
署寧國路儒學錄補溧陽州儒學教授至治三年試東  
平第一以泰定元年賜進士超授崑山州判官改吳江  
州調桂陽州判官遷湖州路總管府知事卒年五十七  
有存存齋稿廟里譜系家居不事生業惟書五千卷而

已黃文獻集

宋程棗補遺 卷九十

夏四明叢書

約園刊本

奉議閣先生宏 父鼎吉附子然

閻宏字子濟洧州人父鼎吉字和卿尉瀏陽日勤于筆  
錄如易正義論語注漢紀傳舊唐傳治鑑節文選杜詩  
註十餘書無慮數百萬言先生弱不好弄而嗜學母氏  
歸寧亦挾書以從不暫廢誦鄉鄰異之姚牧庵辭直翰  
林客鄧先生方壻南陽醫學提舉劉大亨亦家鄧以其  
文爲贅牧庵以所得文法告之及示其所注遺山集牧  
庵曰子有進道之資而弊參天地贊化育精神于此耶  
斯與箋爾雅蟲魚奚異恐以是小知妨大受也先生不

以其言爲逆其聽而止于是夏去矜鷲多識敦信義理  
之學反躬而篤其行以承事郎出檢校江西省列曹諸  
掾卒年五十二又明年官奉議大夫廣州路治中之制  
始下子然以恩澤尉新建好學而文

姚牧庵集

文肅鄧匪石先生文原

詳見北山四先生學案

都事劉先生致

劉致字□□石州人父彥歷官廣州懷集令卒權殯長  
沙大德中姚牧庵遊長沙先生爲父丐銘且手所爲文  
取正焉牧庵稱其清拔宏麗爲之不已可進乎古人初

宋元學案補遺

卷九十

百單四明叢書

約園刊本

任永新州判終浙江行省都事

較耕錄

待制劉先生時中

劉時中□□人官翰林待制至順壬申以牧庵全集自

中書移命江浙以郡縣□□□命工鍍木

姚牧庵集

雲濠謹案牧庵集有武昌寄劉時中詩有挾是文  
武資未憂身恫瘼大路橫至寶誰不收裏還云云

徵君崔先生□

崔□姚參政門人爲徵君謝子蘭簡以詩云牧庵夫子  
久絕筆巾笥藏書手澤存白首逝將深報國青雲多是  
舊同門去年雪裏西郊別何日花前北海樽芳草淒淒



春又晚杜鵑聲裏憶王孫

謝龜巢稿

汝南門人

參政蔡先生文淵

別見靜修學案補遺

舉安家學

丞相賀先生太平

別見雙峯學案補遺

存齋門人

高先生璉

高璉平山人淮安路總管良弼之子常師事劉存齋篤

學力行

城牧庵集

宋元學案補遺 卷九十

夏正四明叢書

約園刊本

河南家學

河南王子口

別見雙峯學案補遺

文懿門人

參政蘇滋溪先生天爵

詳見靜修學案

文貞家學

平章康里時齋先生回回

康里回回字子淵追封東平王文貞公子也文貞嘗從許文正公游親傳其正學先生自幼習聞家庭之訓于經史精微政治得失多所研究以大臣子宿衛禁中成

宗命爲集賢學士以年幼辭不受大德末復用薦者言  
擢朝列大夫太常少卿轉太常卿歷陞翰林侍講學士  
知制誥遷江浙等處行中書省右丞文宗立拜宣政院  
使擢中書右丞太師太平王權勢熾燄炙手可熱先生  
視之澹如面折廷爭簪簪不少貶故大臣多不樂先生  
者謀出于外乃除陝西等處行中書省平章政事先生  
度爲時不容力辭還第杜門讀書不出者數年至正元  
年卒年五十一先生從幼至老嗜學不倦于書無所不  
讀而尤深于易故其見于文章不爲斬絕深刻之辭而

宋壘案補遺

卷九十

壘

四明叢書  
約園刊本

理致自然淵永弟懷子山亦以文學政事致位二品世  
號雙璧先生家法嚴峻雖極寒隆暑必正衣冠而處子  
山旦夕燕見不命之坐不坐也性不樂異端之說仁宗  
以三教異同爲問先生對曰釋氏以明心見性爲宗道  
家以修真鍊性爲務皆一偏一曲足乎自己至于儒者  
之學則修己治人以仁義化成天下此所以萬世不可  
易而帝王所宜究心者也上爲之嘉歎晚以道之行止

繫于時乃以時齋自號云

宋文憲集

梓材謹案文憲集止作康里回其弟懷攷元史文  
貞傳云子回回懷是先生兄弟本以二字名

文忠康里先生巖巖

康里巖巖字子山不忽木子也幼肄業國學博通羣書其正心修身之要得諸許魯齋及父兄家傳長襲宿衛始授承直郎集賢待制歷陞奎章閣學士院大學士知經筵事尋拜翰林學士承旨知制誥兼修國史知經筵事提調宣文閣崇文監先是文宗勵精圖治先生嘗以聖賢格言講誦帝側順帝卽位思更治化先生侍經筵日勸帝務學帝輒就之習授欲寵以師禮力辭不可凡四書六經所載治道爲帝紬繹而言必使辭達感動帝衷敷暢旨意而後已一日進讀司馬光資治通鑑因言國家當及斯時修遼金宋三史歲久恐致闕逸後置局纂修實由先生發其端又請行鄉飲酒于國學使民知遜悌及請褒贈唐劉蕡宋邵雍以旌道德正直雅愛儒士甚于饑渴達官有怙勢者言曰儒有何好君酷愛之先生曰世祖以儒足以政治命裕宗學于贊善王恂今祕書所藏裕宗做書當時御筆于學生之下親署御名習書謹呈其敬慎若此世祖嘗暮召我先人坐寢榻下陳說四書及古史治亂至丙夜不寐世祖喜曰朕所以

令卿從許叔平學正欲卿以嘉言入告朕耳卿益加懋敬以副朕志今汝言不愛儒寧不念聖祖神宗篤好之意乎且儒者之道從之則君仁臣忠父慈子孝人倫咸得國家咸治違之則人倫咸失家國咸亂汝欲亂而家吾弗能禦汝慎勿以斯言亂吾國也儒者或身若不勝衣言若不出口然腹中貯儲有過人者何可易視也達官色慙既而出拜江浙行省平章政事明年復以翰林學士承旨召還卒實至正五年年五十一家貧幾無以爲斂諡文忠

元史

宋正學集補遺

卷九十一

四明藏書

約園刊本

學士師承

縣尹陳先生高

陳高字子正平陽人至正進士授慶元錄口慈溪尹皆有聲未幾方氏起乃浮海過山東河南謁王太傅論江南虛實安危其言媿媿王欲官之辭不受尋卒其爲文上本遷固下獵諸子詩溯漢魏齊梁以下弗論也自號不繫舟漁者蘇太守序其文

溫州府志

損齋門人

衍聖孔先生治

別見張祝諸儒學案補遺

高氏門人

博士姚先生子敬

姚子敬江南人尚書高公彥敬舉于朝官郡博士公每念其貧且年逾五十自刑部白之都堂曰薦賢非秋官職然不敢以辟嫌後賢士宰相從其言將官之七品吏部厄以銓法不果行一日公問人生至貴者何先生方隱度以對公曰無求先生每誦斯語與鄧善之交相傲勵期不負公知云

鄧巴西集

附錄

宋王案禮遺

卷九十

國朝一明藏書

國朝刊本

鄧匪石祭姚子敬文曰歷觀人生芝菌殊倫禍福糾纏孰運化鈞彼庸瑣類振武要津子好姘修自貽蹇屯蚤馳英茂凌厲無羣探幽河洛考蹟典墳九流百氏羅絡輪囷瑰詞藻思玉櫝之珍袞冠被褐長揖縉紳藐視雲浮不見戚欣解后朋簪酒酣氣振俗子顏汗唾若垢塵諸賢論薦梯之青雲一官陸沈齋志莫伸

文肅鄧匪石先生文原

詳見北山四先生學案

魯齋私淑

縣令田儼齋先生若思

田若思曹人崇仁令平居私淑樂嘗有聞許公之說名

齋以儼

吳文正集

庶官陳先生鈞 附王 □

陳鈞□□人其序魯齋大學要略云愚宦遊南北頗得託交于公之徒相與講公之學久矣今也始得是書于昌江鎮守王氏之家伏而讀之其要也能發其微其略也不傷于簡又云王氏雖不獲登公之門而能廣公之學亦可嘉也

經義考

朝列趙先生思恭

宋元學案補遺 卷九十

國朝一明叢書

約園刊本

趙思恭字仲敬安陽人淹貫儒術精通法律以才行見

知諸先達歷僉河北河南道肅政廉訪司事進朝列大

夫徙治燕南卒年五十五先生讀書尤喜義理之學陸

宣公奏議真文忠公大學衍義許文正公集玩繹未嘗

去手吳文正爲墓碑稱其耽研理趣謹飭名檢繁許文

正是式是範云

吳文正集

附錄

虞道園爲神道碑曰公之讀書六經之外非有益于世教者弗觀如程朱之遺言則手自編錄及卒于官幾無

以爲斂真介然有守君子哉

知州劉先生輝

父汝舟附兄文振師陳子中

劉輝字文大汴人父汝舟讀書通周易嘗遇異人授以皇極數學遂決意不仕自號夷門老人以先生官贈文林郎先生自幼端重不戲養母別居棗林之南莊且日就其兄文振與姊壻陳子中學焉久而家益貧念無以爲養因教授其鄉終日危坐顏色毅然諸生進退悉就規矩歷官紹興路同知餘姚州事以選授上海縣尹縣在東海之濱其民多豪強輕于犯法所謂三甲五甲嘗

宋壘案補遺

卷九十一

夏四明叢書

約園刊本

再挺爲亂尤號難治因出藍田呂氏鄉約朔望率父老子弟會坐學宮講行之升降揖拜彬彬禮讓皆樂生自愛交相勸戒居歲餘有母喪縣人爲之罷市兩甲民嘗以頑獷被罪者亦拜哭來祭踰年除戶部主事不赴終喪改知餘姚州事卒年六十一每語學者曰朱子小學魯齋教人心法也人能熟讀自足循循而進雖讀萬卷書亦奚益哉所至務以德教化民轉譬曲喻不施鞭扑而人自畏服云

貢玩齋集

陳先生仁本

陳仁本天台人以魏國許文正之學播于海隅至正二年卽慶元府治之東構祠塑像列于學宮將以春秋專祀于公而又以姚趙二公合食于堂終歲設教養士三年踰浙右泛二江游金陵以需成成性齋文集口臺端

郎中吳先生師道

詳見北山四先生學案

漢卿再傳

郁先生繼善

附師劉伯淵

郁繼善□□人深于醫術其砭烙之妙得之鳳陽劉伯淵伯淵得之太師竇文正故學有淵源爲時所重姓譜

宋學案補遺

卷九十

夏

四明叢書  
約園刊本

龍岡門人

文忠王先生結

王結字儀伯定與人少聰雋讀書數行俱下從太史董朴受經深于理學累官翰林學士中書左丞卒官太原郡公諡文忠故相張珪曰王結非聖賢之書不讀非仁義之言不談時以爲名言所著有易說詩文十五卷姓譜

雲濠謹案元史本傳稱先生晚歲于易著易說十卷臨川吳澄讀而善之

附錄

嘗以時政八事陳列廟堂曰立經筵以養君德行仁政



以結民心育英材以備貢舉擇守令以正銓選敬賢士  
以勵名節革冗官以正職制辨章程以定民志務農桑  
以厚民生其言剴切純正

出爲順德路總管郡政大治屬邑鉅鹿沙河唐宰相魏  
徵宋璟墓存焉乃祠二公于學表其言論風旨風勵多  
士

行齋門人

萬戶嚴先生忠嗣

嚴忠嗣泰安長清人武惠公實之第三子也少從張澄

宋元學案補遺 卷九十

嚴四明叢書

約園刊本

商挺李楨學略知經史大義其兄忠濟授以東平人匠  
總管遙領單州防禦使事充東平路管軍萬戶元史

節齋續傳

通敏陳先生思謙 別見張祝諸儒學案補遺

獻武家學

承旨張先生珪 詳見巽齋學案

子山門人

學士陳先生達

陳達字元達宋丞相宜中弟自中之孫也本永嘉人自

中娶于蘭溪楊氏因家焉先生父萍仕元爲宣政院使  
自少徵入宿衛學書于康里子山杜清碧詔書欽安殿  
榜稱旨擢端本堂司經正字文學官立朝謇諤嘗劾禿  
魯帖木兒忤旨賴太子營救得不死辭官歸永嘉從進  
士陳高授尙書語及時事輒流涕復召爲翰林學士不  
起明師下溫州自沈于淵軍士引出之持佩刀自裁軍  
士奪之乃斷髮示無用安置濠州遇赦還蘭溪病風痺  
聞有薦于朝者卻藥弗御而卒蘇太史伯衡表其墓曰  
公伯祖宜中以攻丁大全而編管建昌公以劾禿魯帖

宋元學案補遺 卷九十

聖四明叢書  
約園刊本

木兒而幾見殺生與厄會何絕相似也及元亡公分致  
死以徇國其心與乃祖行軍司馬死分水關同諒一門  
之內百歲之間風烈相終始所謂世篤忠貞者哉

金華府志

縣尹胡先生希仁

別見草廬學案補遺

瑞庵門人

朱先生顯道

朱顯道橋李人業攻醫得九鍼補瀉法于王瑞庵實出  
賈文貞公之傳性尤急于治人人賴以全者甚眾

貝清江集

宋元學案補遺卷九十

宋元學案補遺卷九十一

目錄

靜修學案補遺

劉氏先緒

劉先生秉德 附門人孔文振

劉先生述

江漢別傳

補 劉先生因

靜修講友

宋元學案補遺 目錄

四明叢書  
約圖刊本

補 滕先生安上

劉先生祥

梁先生至剛 附子泰

靜修同調

何先生瑋

安氏先緒

安先生松 父滔

恕齋講友

焦先生悅 父德義附師吳藜軒

趙氏先緒

趙先生秉溫

附師馮巽亨

趙先生秉正

劉氏門人

補烏先生沖

補郝先生庸

補李先生道恆

補林先生起宗

葉先生志道

宋元學案補遺

目錄

二四明叢書  
約四刊本

賈先生壤

賈先生璞 合傳

趙先生密

徐先生景巖

皇甫先生巽

梁先生師恭

梁先生師安 合傳

王先生綱

張先生潛

劉先生英

梁先生泰 附見翻修講友

李先生蒙

王先生果 合傳

李先生貞 合傳

何先生口

靜修私淑

補安先生熙

默庵講友

空齋案補遺 目錄

王先生仲安

王先生儀伯 附師董宗道

蘇氏先緒

蘇先生榮祖 附師賈口

蘇先生志道

滕氏門人

趙先生時勉 附子藝

王先生祁 詳見草廬學案

張先生曇

三  
四明叢書  
約園刊本

蔡先生文淵

許先生質合傳

何氏家學

何先生口見上靜修門人

賈氏家學

賈先生彝

賈氏門人

任先生亨祚

安氏門人

宋元學案補遺 目錄

四四明叢書  
約園刊本

補蘇先生天爵

王先生口

趙先生口合傳

滋溪講友

張先生在別見明道學案補遺

楊氏講友

甄先生克敏附師郭士文

靜修續傳

烏古孫先生良楨

胡先生炳南 附楊九萬

宋先生濂 詳見北山四先生學案

滋溪門人

商先生企翁

宋學案遺

目錄

五

四明叢書  
約園刊本

宋元學案補遺卷九十一

後學 鄞 王梓材同輯  
慈谿馮雲濠

靜修學案補遺

劉氏先緒

劉先生秉德 附門人孔文振

劉秉德改名國寶字長卿容城人靜修之叔祖也登興定二年進士第釋褐涇陽縣主簿改藤縣尹終于奉直大夫鄭州防禦判官爲學不喜作詞章貞祐間避地河南隱于豫州之許封山從學者惟孔文振茂林脩竹清

宋元學案補遺 卷九十一

一四明叢書  
約園刊本

泉怪石終歲無人惟琴書在側 靜修詩  
文拾遺

劉先生述

劉述字繼先靜修之父也生六歲值貞祐之變從親南渡廿六遭壬辰之革飢險備嘗重至鄉土刻意于學十年之間天文曆數陰陽醫方之書無不通性學史學尤所喜者後至順天隱居教授杜門絕交惟以教子爲事

云 靜修詩  
文拾遺

江漢別傳

補 文靖劉靜修先生因



雲濂謹案先生初名駟字夢驥後改名字見墓表亦號汎翁見眞異安氏祭先生文又案先生著有四書精要及詩五卷號丁亥集

### 靜修敘學

性無不統心無不宰氣無不充人以是而生故材無不全矣其或不全非材之罪也學術之差品節之紊異端之害惑之也今之去古遠矣眾人之去聖人也下矣幸而不亡者大聖大賢惠世之書也學之者以是性與是心與是氣卽書以求之俾邪正之術明誠僞之辨分先後之品節不差篤行而固守謂其材之不能全吾不信也保下諸生從余問學有年矣而余梗于他故不能始卒其成失教育美才之樂故爲陳讀書爲學之次敘庶不至于差且紊而敗其全材也

先秦三代之書六經語孟爲大世變旣下風俗日壞學者與世俯仰莫之致力欲其材之全得乎三代之學大小之次第先後之品節雖有餘緒竟亦莫知適從惟當致力六經語孟耳世人往往以語孟爲問學之始而不知語孟聖賢之成終者所謂博學而詳說之將以反說約也聖賢以是爲終學者以是爲始未說聖賢之詳遽

說聖賢之約不亦背馳乎所謂顏狀未離于嬰孩高談  
已及于性命者也雖然句讀訓詁不可不通惟當熟讀  
不可強解優游諷誦涵泳胸中雖不明了以爲先入之  
主可也必欲明之不鑿則惑耳六經既畢反而求之自  
得之矣

治六經必自詩始古之人十三誦詩蓋詩吟咏情性感  
發心志中和之音在焉人之不明血氣蔽之耳詩能導  
情性而開血氣使幼而常聞歌誦之聲長而不失刺美  
之意雖有血氣焉得而蔽也詩而後書書所謂聖人之

情見乎辭者也卽辭以求情情可得矣血氣既開情性  
既得大本立矣本立則可徵夫用用莫大于禮三代之  
禮廢矣見于今者漢儒所集之禮記周公所著之周禮  
也二書既治非春秋無以斷也春秋以天道王法斷天  
下之事業也春秋既治則聖人之用見本諸詩以求其  
情本諸書以求其辭本諸禮以求其節本諸春秋以求  
其斷然後以詩書禮爲學之體春秋爲學之用一貫本  
末具舉天下之理窮理窮則性盡矣窮理盡性以至於  
命而後學夫易易也者聖人所以成終而成始也學者

于是用心焉是故詩書禮樂不明不可以學春秋五經不明不可以學易

夫不知其粗者則其精者豈能知也邇者未盡則其遠者豈能盡也學者多好高務遠求名而遺實踰分而遠探躐等而力窮故人異學家異傳聖人之意晦而不明也

六經自火于秦傳注于漢疏釋于唐議論于宋日起而日變學者亦當知其先後不以彼之言而變吾之良知也近世學者往往舍傳注疏釋便廢諸儒之議論蓋不

宋元學案補遺

卷九十一

四一四明叢書

約園刊本

知議論之學自傳注疏釋出特更作正大高明之論爾傳注疏釋之于經十得其六七宋儒用力之勤創偽以真補其三四而備之也故必先傳注而後疏釋疏釋而後議論始終原委推索究竟以己意體察爲之權衡折之于天理人情之至勿好新奇勿好辟異勿好詆訐勿生穿鑿平吾心易吾氣充周隱微無使虧欠若發強弩必當穿徹而中的若論罪囚棒棒見血而得情毋慘刻毋細碎毋誕妄毋臨深以爲高淵實昭曠開廓懇惻然後爲得也

六經既治語孟既精而後學史先立乎其大者小者弗能奪也胸中有六經語孟爲主彼廢興之迹不吾欺也如持平衡如懸明鏡輕重寢馳在吾目中學史亦有次第古無經史之分詩書春秋皆史也因聖人剛定筆削立大經大典卽爲經也史之興自漢氏始先秦之書如左氏傳國語世本戰國策皆掇拾記錄無完書司馬遷大集羣書爲史記上下數千載亦云備矣然而議論或駁而不純取其純而舍其駁可也後世史記皆宗遷法大同而小異其創法立制纂承六經取三代之餘燼爲

百世之準繩若遷者可爲史氏之良者也班固前漢書與遷不相上下其大原則出于遷而書少加密矣東漢史成于范曄其人詭異好奇故其書似之然論贊情狀有律亞于遷固自謂贊是吾文之奇作諸序論往往不減過秦則比擬太過三國陳壽所作任私意而好文奇功偉績往往削沒非裴松之小傳一代英偉之士遂爲壽所誣後世果有作者必當改作以正壽之罪奮昭烈之幽光破曹瞞之鬼蜮千古一快也晉史成于李唐房杜諸人故獨歸美太宗耳繁蕪滋浸誣談隱語鄙泄之

事具載之甚失史體三國過于略而晉史過于繁南北七代各有其書至唐李延壽總爲南北史遺辭記事頗爲得中而其事蹟污穢雖欲文之而莫能文矣隋史成于唐興亡之際激訐好惡有浮于言者唐史二舊書劉昫所作固未完備文不稱事而新書成于宋歐宋諸公雖云完備而文有作爲之意或過其實而議論純正非舊書之比也然學者當先舊而後新五代二書皆成于宋舊則薛居正新則歐陽子也新書一出前史皆廢所謂一洗凡馬空者也宋金史皆未成金史只有寶錄宋

事纂錄甚多而東都事略最爲詳備是則前世之史也學者必讀全史歷代考之興廢之由邪正之迹國體國勢制度文物坦然明白時以六經旨要立論其間以試己意然後取溫公之通鑑宋儒之議論校其長短是非如是可謂之學史矣學者往往全史未見急于要名欲以爲談說之銚觜吻之備至于通鑑亦不全讀抄撮鉤節通鑑之大旨溫公之微意隨以昧沒其所以成就亦淺淺乎

史旣治則讀諸子老莊列陰符四書皆出一律雖云道

家者流其間有至理存取其理而不取其寓可也素問一書雖云醫家者流三代先秦之要典也學者亦當致力孫吳姜黃之書雖云兵家智術戰陣之事亦有名言不可棄也荀子議論過高好奇致有性惡之說然有王霸之辨仁義之言不可廢也管子一書霸者之略雖非王道亦當讀也揚子雲太玄法言發孔孟遺意後世或有異論者以其有性善惡混之說劇秦美新之論事莽而篡漢韓子謂其文頗滯澀蘇子謂艱險之辭文膚淺之理而溫公甚推重之以爲在孟荀之上或抑或揚莫適所定雖然取其辭而不取其節可也賈誼董仲舒劉向皆有書惜其猶有戰國縱橫之餘習惟董子三策明白純正正孟軻之亞非劉賈所企也文中子生於南朝偏駁之後隋政橫流之際而立教河汾作成將相基唐之治可謂大儒矣其書成于門弟子董薛姚竇之流故比擬時有太過遺辭發問甚似論語而其格言至論漢儒所未道者亦孟軻氏之亞也韓子之書刪削駢麗李唐一代之元氣也與漢氏比隆矣其詆斥佛老扶持周孔亦孟軻氏之亞也諸子旣治宋興以來諸公之書周

程張朱之性理邵康節之象數歐蘇司馬之經濟往往肩漢唐而踵三代尤當致力也

孔子曰志于道據于德依于仁矣藝亦不可不游也今之所謂藝與古之所謂藝者不同禮樂射御書數古之所謂藝也今人雖致力而亦不能世變使然耳今之所謂藝者隨世變而下矣雖然不可不學也詩文字畫今所謂藝亦當致力所以華國所以藻物所以飾身無不在也

學詩當以六藝爲本三百篇其至者也三百篇之流降

宋元學案續編

卷九十一

八四明叢書

約園刊本

而爲辭賦離騷楚詞其至者也詞賦本詩之一義秦漢而下賦遂專盛至于三都兩京極矣然對偶屬韻不出乎詩之律所謂源遠而末益分者也魏晉而降詩學日盛曹劉陶謝其至者也隋唐而降詩學日變變而得正李杜韓其至者也周宋而降詩學日弱弱而後強歐蘇黃其至者也故作詩者不能三百篇則曹劉陶謝不能曹劉陶謝則李杜韓不能李杜韓則歐蘇黃而乃效晚唐之萎蘼學溫李之口新擬盧仝之怪誕非所以爲詩也

至于作文六經之文尙矣不可企及也先秦古文可學  
矣左氏國語之頓挫典麗戰國策之清刻華峭莊周之  
雄辨穀梁之簡婉楚詞之幽博太史公之疏峻漢而下  
其文可學矣賈誼之壯麗董仲舒之冲暢劉向之規格  
司馬相如之富麗揚子雲之邃險班孟堅之宏雅魏而  
下陵夷至于李唐其文可學矣韓文公之渾厚柳宗元  
之光潔張燕公之高壯杜牧之之豪縟元次山之精約  
陳子昂之古雅李華皇甫湜之温粹元微之白樂天之  
平易陸贄李德裕之開濟李唐而下陵夷至于宋其文  
可學矣歐陽子之正大蘇明允之老健王臨川之清新  
蘇子瞻之宏肆曾子固之開闔司馬溫公之篤實下此  
而無可學矣學者苟能取諸家之長貫而一之以足乎  
己而不蹈襲麋束者出而時晦以爲有用之文則可以  
經緯天地輝光日月也

字畫之工拙先秦不以爲事科斗篆隸正行草漢氏而  
下隨俗而變去古遠而古意日衰魏晉以來其學始盛  
自天子大臣至處士往往以能書名家變態百出法度  
備具遂爲專門之學故宋高祖病不能書不足厭人望



劉穆之使放筆大書亦自過人一紙可三四字其風所  
尚如此至于李唐學書愈眾字畫于士大夫固爲末技  
而眾人所尚不得不專力學者苟欲學之篆隸則先秦  
款識金石則魏晉金石刻唐以來李陽冰等所當學也  
正書當以篆隸意爲本有篆隸意則自高古鍾太傅王  
右軍顏平原蘇東坡其規矩準繩之大匠也歐陽率更  
張長史李北海徐浩柳誠懸楊凝式蔡君謨米芾黃魯  
直萃之以厲吾氣參之以肆吾博也雖或不工亦不俗  
矣技至于不俗則亦已矣

如是而治經治史如是而讀諸子及宋興諸公書如是  
而爲詩文如是而爲字畫大小長短淺深遲速各底于  
成則可以爲君相可以爲將帥可以致君爲堯舜可以  
措天下如泰山之安時不與志用不與材則可以立德  
可以立言著書垂世可以爲大儒不與草木其朽碌碌  
以偷生子子以自存忝天之至善壞己之全材也曷哉  
諸生毋替茲命

橫書記

書之在橫也寂然不動道之體立所謂易有太極者也

及受命而出也感而遂通神之用行所謂是生兩儀兩儀生四象四象生八卦八卦定吉凶吉凶生大業者也猶之圖也不用五與十不用云者無極也而五與十則太極也猶之易也潔靜精微潔靜云者無極也而精微則太極也知此則知夫積中之蓄以一而具五十無用而無所不用謂之無則有謂之實則虛也而其數之流行于天地萬物之間者則亦陰陽奇偶而已矣故自掛扐之奇而十二之則陽奇而進之不及夫偶者爲少陰陰偶而退之不及夫奇者爲少陽而四之則三四五六合夫畫奇全偶半合夫數而畫亦于是焉合其多少則合其位之陽少而陰多故有自一進一而爲偶自偶退一而爲奇之象也自過揲之策而十二之陽奇而退之不及夫偶者爲少陰陰偶而進之不及夫奇者爲少陽而四之則六七八九合夫數奇三偶二合夫畫而數亦于是焉合其多少則合其數之陽實而陰虛故有自一虛中而爲偶自二實中而爲奇之象也蓋掛扐之奇徑一而過揲之奇圍三而掛扐過揲之偶鈞用半也故分掛扐過揲而橫觀之則以陰爲基而消長有漸分四象

而縱觀之則亦以陰爲平而低昂有漸其十二之則自右一而二自左二而三其四之則自右三而六自左六而九如水之流行觸東而復西其消長則其自然之淪漪其判合則其盈科而後進者也此皆自夫一行邵子之說而得之知此則知夫誤推一行三變八卦之象謂陰陽老少不在乎過揲者爲昧乎體用之相因而誤推邵子去三用九之文謂七八九六不在乎掛扚者又昧乎源委之分也由此而極其奇偶之變以位則陽一而陰二也以數則天三而地兩也初變之徑一而圍三以爲奇者三而得之是以老陽少陰之數多也後二變之圍四用半以爲偶者二而得之是以少陽老陰之數少也分陰分陽則初一變皆奇而後二變皆偶也迭陰迭陽則去掛一初一變皆偶而後二變皆奇又如畢中和天地人之說也其變也自一生二二生四而又四之四生八八生十六而言則畫卦之象也自四乘而十六者二畫卦之數也再變而得四象之象者四畫卦之數也三變而得八卦之象者亦畫卦之數也自兩儀之陰

陽而言其用數則乾兌離震皆十二而巽坎艮坤皆十二也自八卦之陰陽而合其體數則乾坎艮震三十二而巽離坤兌三十二也自二老二少之陰陽而言其饒之之數則又如四象之七八九六也六變而得四象之畫則每位之靜變往來得十畫卦之數也又二畫則總其數矣其數也皆靜者爲多變者爲少而一爻變者居中二靜與變皆老陰爲多老陽爲少而二少居中積畫成卦則每卦之靜變往來得十五畫卦之數也又三畫則總其數矣其數也亦皆靜極者爲至多而變極者爲至少而又一爻二爻進退于其間其靜與變則皆坤爲至多乾爲至少而三男三女進退于其間因而重之則每卦之靜變往來得三十畫卦之數也又六畫則總其數矣其進退多少皆與八卦之例同也此皆自歐陽子七八常多九六常少之一言而推之與夫後二變不卦不知其爲陰而使二者之數與成卦同二少之數與二老同而參差益甚其初一變必鈞不知其爲陽而于乾坤六子之率勉強求合乃若四十九蓄而虛一與五十蓄虛一而掛二者固有間矣此以蓄求卦者也若夫以

卦而求變也則自夫交易已成之體爲變易應時之用由兩儀而上自紆而促八卦循環而其序不亂以遠御近以下統上而皆有文之可尋也以變而求占也則自靜極而左之一二三四五自動極而右之一二三四五極自用其極而一則專其一居兩端而分屬焉二則分其爻居次兩端而分屬焉動則上爻重而靜則下爻重也三則分其卦居中自爲兩端而分屬焉前則本卦重而後則之卦重也動中用靜靜中用動靜多主貞動多主悔而皆有例之可推也然自此而極言之則以六甲納之其卦之序不亂也以互取之其序有漸而亦不亂也以伏求之其序亦有漸而不亂也以世位反圖而推之則一而二二而四四而八八而十六進退有序逆順以類而不亂也以策數卽圖而攷之則在兩儀而一消長在四象而二消長在八卦而四消長在十六而八消長在三十二而十六消長故長中八消消中八長皆震爲巽之消而坤爲乾之消巽爲坤之長而乾爲震之長而不亂也以機變之數應圖而推之則其多少又合乎一一爲乾八八爲坤以少爲息以多爲消而亦不亂也

是則按圖畫卦揲著求卦莫不脗合矣然而朱子猶以  
大衍爲不自然于河圖而變揲之左可以形右卦畫之  
下可以形上者又以爲短于龜也其三索之說則一行  
有成說既取之于本義後復以爲不必然而卦之陰陽  
之奇偶畫與位合則大傳有明文既著之筮說而不明  
言于啓蒙是又恐後人求之過巧而每遺恨不能致古  
人之詳者也若以奇策之數合之圓圖之畫則四十八  
一卦之畫也其奇之十二卽乾之陰而策之三十六卽  
其陽也三十六自九進而得之也九陽也三十六亦陽  
也全陽也其奇之二十卽兌離之陰也而策之二十八  
卽其陽也二十八自七進而得之也七陽也二十八陰  
也陽合于陰也其奇之二十四則坤所去之半也而策  
則所用之二十四陰也二十四自六進而得之也六陰  
也二十四亦陰也全陰也其奇之十六卽艮坎自上所  
去之十六也而策之三十二卽其所用之平并上所餘  
之八陰也三十二自八進而得之也八陰也三十二陽  
也陰合于陽也其震巽之不用則猶乾之不用陰坤之  
不用陽也其奇策之八方數之變也掛扚之六圓數之

變也此邵子之說也然前之奇策之所當陰不若陽之齊後之六八之所應圓不若方之備是必有深意也第未能考而知之又不知朱子之意以爲如何此因積著而記之

靜修文集

早因躁狂若將有志中實脆屈未立已頽換厥無成實由貪懦時馳意去凜不自容顧念初心恍然如失

告先聖文

虞道園曰觀乎此言則靜修道德之所至可見矣

唯恭于諾何也曰各有所施也呼之則其音必內故唯

宋元學案補遺

卷九十一

十六

四明叢書

約園刊本

以趨赴之若趨物而奉之也命之則其聲必外故諾以承受之若與物而受之也失其所施則文理從而亂矣豈但是乎凡物無無對者無無陰陽者而聲亦然其意象之清濁闕闕亦莫不合也姑以進退存亡吉凶消長體之則可見矣此天機之所發而禮樂之所由生雖天地亦不知其所以然者豈但人乎物之聲亦然豈但聲乎凡形色氣味皆然而而況古今之時變事物之倫理聖人何嘗加損于其閒哉誰妙此理而宰此心者心焉而已矣必盡夫心也然後聲爲律而身爲度苟爲不然

幾何其不爲無適非道之道作用是性之性也

唯諾說

天生此一人而一事固能辦也蓋亦足乎己而無待于外也嶺南多毒而有金蛇白藥以治毒湖南多氣而有薑橘茱萸以治氣魚鼈螺蜆治濕氣而生于水麝香羚羊治石毒而生于山蓋不能有以勝彼之氣則不能生于其氣之中而物之與是氣俱生者夫固必使有用于是氣也猶朱子謂天將降亂必生弭亂之人以擬其後以此觀之世固無無用之人人固有有可處之世

也

讀藥書漫記

宋元學案補遺

卷九十一

十七 四明叢書

約園刊本

嗚呼天地至大萬物至眾而人與一物于其閒其爲形至微也自天地未生之初極天地既壞之後前瞻後察浩乎其無窮人與百年于其閒其爲時無幾也其形雖微而有可以參天地者存焉其時雖無幾而有可以與天地相終始者存焉故君子當平居無事之時于其一身之微百年之頃必慎守而深惜惟恐其或傷而失之實非有以貪夫生也亦將以全夫此而已矣及其當大變處大節其所以參天地者以之而立其所以與天地相終始者以之而行而回視夫百年之頃一身之微曾



何足爲輕重于其間哉然其所以參天地而與之相終始者皆天理人心之所不容已而人之所以生者也于此而全焉一死之餘其生氣流行于天地萬物之間者凜千載而自若也使其舍此而爲區區歲月筋骸之計而禽視鳥息于天地間而其心固已死矣而其所以不容已者或時發焉則自視其身亦有不若死之爲愈者是欲全其生而實未嘗生欲免一死而繼以百千萬死嗚呼可勝哀也哉

孝子田君墓表

附錄

宋學案遺

卷九十二

十六西明叢書

約園刊本

司業硯彌堅教授眞定先生從之游同舍生皆莫能及獨中山勝安上差可比司業皆異待之謂先生父曰令子經學貫通文詞浩瀚當爲名儒

年未弱冠才器超卓日閱方冊得如古人者友之常作希聖解弔荆柯文豪邁不羈之氣可見

常愛諸葛孔明靜以修身之語表所居曰靜修閒遊郎山雷溪又號雷溪真隱

家雖甚貧非其道義一毫不取于人

先生師道尊嚴學子造門隨其材品而教焉講說諸經

理明義正聽者心領神會

先生書畫像自警曰所以承先世之統者如是其孤所以當眾人之望者如是其虛嗚呼危乎不有以持之其何以居

至元二十年春辟先生于保定先生以疾辭固辟之乃至拜右贊善大夫以吏部郎中夾谷之奇爲左贊善大夫時已立國子學李棟宋衍李謙皆以東宮僚友繼典敎事至是命先生專領之而以衍等仍備咨訪裕宗嘗曰吾聞金章宗時有司論太學生廩費太多章宗謂養

奎元學案補遺

卷九十一

十九四明叢書

約園刊本

出一范文正公所償豈少哉其言甚善

元史裕宗傳

蘇滋溪表其墓曰初朱子之于四書凡諸人問答與集註有異同者不及訂歸于一而卒或者輯爲四書集義數萬言先生病其太繁擇爲精要三十卷簡嚴精粹實于集註有所發焉

梓材謹案四書集義真西山弟子盧孝孫所著凡一百卷四庫書目著錄先生四書集義精要二十一卷提要稱其書芟削存辭標舉要領使朱子之說不惑于多歧云

又曰嗚呼天之生賢也豈無意乎自義理之學不競名節廢頹凡在有官見利則動有國家者欲圖安寧長久

之治必崇禮義廉恥之風敷求碩儒闡明正學彰示好惡之心作新觀聽之幾使人人知有禮義廉恥之實不爲奔競僥倖之習則風俗淳而善類興朝廷正而天下治世祖皇帝再三聘召先生者其以是歟

袁清容曰元平江南文公書稱載以來劉先生篤志獨行取文公書會粹而甄別之其文精而深其識專以正蓋隆平之興使夫道德同而風俗一承熄續絕不在于目接耳受而有嗣也

宋文靖修改封諡陞從祀文曰伏見劉某以天挺英

宋元學案補遺

卷九十一

二四明叢書

約圖刊本

邁之姿廓自得正大之學負浩然之氣崇高尙之志真知力行清修苦節其言論則主乎大經大法其念慮則存乎致君澤民傳注有功出處合直衷考盛德克配前人如蒙上聞從祀賢廡不惟彰我朝有大賢之才接道統之正抑且表聖上崇儒重道興起斯文之心且爵封容城郡公諡曰文靖容城乃保定一縣卽非郡國以靖配文義若未稱宜從合干部分太常禮官改議封諡相應

黃晉卿跋先生遺墨曰其言小學書不取鄧伯道朱壽

昌事善發明朱子言外之意

宋潛溪名臣頌曰先生之心嶽鎮川澄先生之操玉溫石貞先生之學寤寐六經岐陽之鳳魯郊之麟和氣襲人盎然陽春發其性情抱其深醇或出或潛與道周旋九京可作吾爲執鞭

馬平泉曰易蠱之上九不事王侯高尚其事其劉靜修之謂乎然歐陽玄嘗稱其不欲遺世獨往則當宋元之際生民陷溺偶一出援之且已曾拜承德郎而歸何以于集賢學士之徵而固辭耶所稱不欲遺世

宋元學案禮遺

卷九十一

三十四明叢書

約園刊本

獨往者安在余聞之士各有志內斷于神明要之以終身必非他人所能伸縮矣元之初政大綱不立奸慝橫恣世祖雖有圖治之心而酷烈嗜殺豈大有爲之主哉先生所以決去不顧耳許平仲之所不能得于世祖者靜修遂焉信乎其爲不召之臣余讀趙惕庵困亨錄言許平仲之興學耶律晉卿之止殺宜百世尸祝之若先生之風足以廉頑立懦固亦當俎豆不替者也

靜修講友

補文穆滕東庵先生安上

附錄

靜修爲作退齋記曰中山滕君仲禮早以學行知名而爲人則慷慨有大節者也以退名其所居之室旣以寧失于有所不爲戒在于无妄之往自銘矣而又請予以記之余固知仲禮之不爲老氏之退者然亦豈眞失于有所不爲者也

劉齋齋先生祥

劉祥字仲祥號齋安肅人不樂仕進著書自娛與劉

宋元學案補遺

卷九十一

三三 四明叢書

約園刊本

靜修友善靜修嘗稱其明敏博物專門理學

議輔通志

隱君梁南溪先生至剛

附子泰

梁至剛字浩然新安人好論古今談至理與劉靜修遊往返不厭或勸之仕曰堯舜之世而有巢由吾何仕乎終身肥遯自號南溪老人子泰有高行嘗學于靜修

議輔

通志

梓材謹案孫夏峯奇逢撰靜修祠碑記云先生肥遯嗜學得與靜修把臂行吟靜修嘗爲南溪老人行贈之則先生蓋靜修學侶而非弟子也

靜修同調

文正何先生瑋

何瑋字仲韞易縣人易國武昌公伯祥子也始襲父職知易州兄行軍千戶卒復襲之鎮亳州至元三十一年拜中書參知政事大德四年授侍御史以母病辭七年授御史中丞京師孔子廟成先生言唐虞三代國都閭巷莫不有學今孔廟既成宜建國學于其側從之九年冬將有事于南郊議配享先生曰嚴父配天萬世不易不果行武宗卽位于上都授太子副詹事復遙授平章政事商議中書省事至大元年拜中書左丞未幾擢河南行省平章政事建諸葛亮祠立書院以地三千畝贈之三年改行尙書省平章政事卒贈太傅追封梁國公

諡文正元

史

梓材謹案程雪樓爲先生神道碑云年十六歲從張蔡公柔見世祖又言其所至以興學薦賢崇孝弟長恩信恤孤寡爲任嘗奏請割田千九畝入大名校官出御史臺錢五十萬建國學以地三千畝立書院于南陽祠忠武侯三千畝入揚州三皇廟又請置洪澤芍陂屯田萬戶府儒學教授自太平還購書數萬卷迎劉先生因爲師參議中書薦劉宣等十餘人

安氏先緒

照磨安恕齋先生松

父滔

宋元學案補遺

卷九十一

三三四明叢書

約園刊本

安松字延幹太原離石人金亡遷真定父潛真定儒學  
正先生少學于家庭尊聞行知聲聞偉然至元閒由薦  
起家歷官江東宣慰司照磨爲吏廉謹治獄多陰功謝  
事歸教授于家嚴條約以身先之弟子從者多至百人  
動作悉有規矩講解明白不爲繳繞章句學子熙煦

稿

梓材謹案滋溪又爲默庵行狀云祖潛登經童第  
金亡徙山東愛真定風土家焉歲戊戌試中選占  
儒籍以郡博士舉貳其學事費游子弟多出其門  
是徙真定始爲藥城人者先生之父也號石峯

附錄

宋石峯案補遺

卷九十一

十四四明叢書

一約圖刊本

蘇滋溪與西管李士興書曰安氏自石峯恕齋默庵祖  
子孫三世或家于斯游于斯者七十餘年矣凡使是鎮  
之人誦詩讀書立身行道敬老而慈幼善俗而化家莫  
非安氏之教使之然也

恕齋講友

焦先生悅

父德義附師吳藜軒

焦悅字子和真定人父德義以孝行聞于鄉先生弱不  
好弄端重如成人始入鄉校卽知嚮學師弗煩于訓誨  
稍長從吳藜軒游黎軒明經先生講求誠意正心之學

一言一行皆求合于規矩同游者敬而畏之嘗與同郡  
安熙講說六經之旨伊洛諸儒之訓莫不究其精微久  
之辟州佐史未幾謝去又辟爲郡掾曹數月辭歸執親  
之喪三年不宿于內君子以爲難家庭雍睦雖盛暑必  
具衣冠以見子孫子孫亦能緝學修行先生嘗曰學者  
將以行其學學焉而弗踐履何以學爲哉故畫之所行  
夕則書之其不可書者則有所不爲也鄉之先進若翰  
林王文恭公恕齋安先生咸器重之中臺御史表其學  
行可爲人師遂授眞定郡學官先生勉起就職訓誘諄

空齋集補遺

卷九十一

五十四明叢書

約圖刊本

諄唯恐不至而學者亦樂聞其說歲餘不出號其居曰  
兌齋年七十有二卒先生始學爲詩卽有理趣其詩百  
餘首詩講疑一編並藏于家

蘇滋  
溪集

趙氏先緒

文昭趙先生秉溫

附師馮異亨

趙秉溫字行直世爲蔚州蜚狐人父昭毅大將軍由監  
中山家焉先生資端重不苟戲笑稍長從金進士馮異  
亨學世祖居潛藩命侍左右中統元年帝卽位命與參  
知政事李某行右三部事至元五年劉太保奏起朝儀



詔先生及史松等十人其討論之立侍儀司拜先生禮部侍郎兼知侍儀事十年詔收天下圖籍立祕書監進少中大夫兼少監事十九年拜昭文館學士知太史院侍儀事未幾加大學士三十年卒年七十有二先生事親孝待諸弟極友愛恒懼諸房子孫或踰非義謹述昭毅遺言以訓敕之大抵謂奉親以孝臨喪以哀居官以廉律身以正凡吾子孫當服膺弗失苟或不然則告于家廟其擯斥之不以兄弟數子是海內稱家法者言趙氏先生左右世祖四十餘年帝愛之不名仁宗在位追

宋史

卷九十一

三四明錄書

約圖刊本

念至元舊臣俾圖厥像置禁中各詢其行事至先生則曰是非起朝儀趙某耶詔贈司徒謚父昭而昭毅亦謚襄穆俱追封定國公

蘇溪集

### 忠敏趙先生秉正

趙秉正字公亮文昭公秉溫之弟也官至江西湖東道肅政廉訪使卒年六十七贈禮部尙書天水郡侯謚忠敏僉江西湖東道提刑按察司事時江南旣歸版圖後生漸趨刀筆之習先生行部大郡遣吏奉書幣迎故縉紳先生劉辰翁鄧光薦黎立武舍于學宮命諸生從授

經訓業成者復其家士風由是浸盛先生嗜讀書不尙章句獨喜古人奇節偉行雖在行陣寘書袖間下馬休輒誦讀軍中相謂趙生宋平出橐中金購書萬卷輦致其家以其副分貽順德懷孟許三郡學官北方之士賴焉與文昭公爲家訓以示子孫

蘇滋溪集

劉氏門人

補  
秘書烏存齋先生冲

附錄

安敬仲與先生書曰熙一來此行及三載獨學無友益

宋元學案補遺

卷九十一

三七四明叢書

約圖刊本

以荒惰然隨分讀書小作程課玩心觀理更于應事接物閒體驗警省亦略有効但覺悔尤山積日夕增懼耳易說精要想已就緒丁亥集亦當脫稿恨不得陪侍左右側聞高論也四書集義精要近因讀朱子文集對校一過尙多疑誤別紙錄呈幸因書來以一言可否之使得有所據依也疑此書初脫稿先生未使學者校勘故多有此誤雖非大義所關然亦不可不訂正也近因看詩傳亦欲取朱子文集及語錄之言凡涉論詩有與集傳相發明者依精要例寫出以便初學亦似有益

補 郡守郝先生庸

附錄

靜修送季常序曰季常于其兄使宋之二年請介行人以問罪遣之而宋人不納後十年又請焉下大臣會議以爲不可明年又請焉不得已復遣之至建康而還幾死者凡十數其事雖無成而其可與有爲者于此亦可以見之

補 李先生道恆

梓材謹案靜修遺文有道貴堂說云河間李先生撫邵氏詩名堂曰道貴疑卽先生

宋學案遺 卷九十一

三六四明叢書

約園刊本

補 隱君林魯庵先生起宗

雲濠謹案蘇滋溪銘先生墓碣云字伯始年七十有六復號至元之二三年終于家門生會葬者百餘人又稱先生嘗作志學指南圖以爲學道之標準心學淵源圖以爲入聖之極功又作中庸大學論語孟子諸國孝經圖解小學題解發明魯庵家說共數十卷大抵以程朱之言爲宗云

附錄

劉文靖公以風節問學著名當世先生欲往從之游無以爲介擔簦負笈齋沐立于其門者三日文靖嘉其立志之卓命序弟子之列先生聞其講說深思體踐極其至而後已

久之以家貧思省其親文靖授以治家之法先生歸而  
行之家日益裕已而往復卒業

事親孝溫清定省皆有禮節親喪廬墓克盡其哀行既  
著聞士之從者益眾

講授經訓毫分縷析使諸生心領意會出入左右咸中  
規矩

### 孝子葉先生志道

葉志道字士心德興人受學于劉靜修事母至孝母歿  
廬墓側有馴虎烏巢之瑞事聞旌其門更徵之不起

饒州

宋元學案補遺 卷九十一

三九四明叢書

約園刊本

府志

### 賈先生壤

賈先生璞 合傳

賈壤涿州房山人弱冠聞容城劉先生以理學淑多士  
偕其兄往從焉容城愛其兄弟性靜而樂學命其兄名  
曰璞字抱真先生名曰壤字巢夫所以期待者非淺久  
之學若有得隱處州閭以奉其親敷教于家遠近學徒  
恆百餘人先生懇懇爲陳經義祖述容城之訓爲多繪  
孔子像且望率里人祠之爲文渾厚質實不尙華靡初

用薦者授涿州學正再調宣德府教授至元元年卒子

彝

燕滋  
溪集

總管趙先生密

趙密字仲理奉聖州礬山人先生生世家喜狗馬射獵  
既長聞容城劉先生號稱大儒燕趙多士咸往受業先  
生亦趨函丈執弟子禮容城告以聖賢之訓歲餘盡去  
豪習故相何璋數稱其賢嗣爲鷹坊都總管廉以律已  
嚴以御下才不滿用識者惜之

燕滋  
文集

徐先生景巖

宋元學案補遺

卷九十一

三四明蔽書

約圖刊本

徐景巖靜修之徒也未冠能文章既長而講學不輟至  
元十二年卒疾革泣謂靜修曰養未終學未成廿六年  
而死亦虛生也欲吾子一言于石庶其不朽以少慰焉  
其遺言于父祐及故人徐子懌亦然

靜修  
遺文

皇甫先生巽

皇甫巽口口人其父安國以靜修爲鄉先生使執贄來  
見而欲有以字而教之乃字之以伯陽而爲之說

靜修  
遺文

侍講梁先生師恭

梁先生師安

合傳

梁師恭□□人嘗及靜修之門以經行見徵侍講弟師  
安建廟立學廣敷師訓靜修祠碑記

王先生綱

王綱新安人師容城居母喪以哀毀致疾繼而其父病  
作而先生竟以憂卒容城爲銘其墓靜修遺文

張先生潛

張潛初名某從靜修學旣長而更幼名靜修命之以潛  
而爲之說靜修遺文

梓材謹案先生未詳其里黃文獻晉卿跋靜修遺  
墨言從汝南張君獲觀且謂君之先大夫受業先

梁學案補遺

卷九十一

三十四明叢書

約園刊本

生之門故先生書此以  
授之未知卽先生否也

隱君劉先生英

劉英字原蒙新安人早歲爲吏聞靜修之學折節相從  
靜修始拒之終與之甚厚及靜修卒先生遂一意深隱

終身不出畿輔通志

梁先生泰附見靜修講友

李先生蒙

王先生果合傳

李先生貞合傳

李蒙王果李貞與劉英梁泰皆負笈從靜修遊爲建書院于三臺蓋人各有學學足相成云

靜修祠碑記

何先生口

粹材藎案何文正公爲兩淮運使時有詩夢吉先生教子疏考之程雪樓集文正神道碑蓋自太平遠迎劉先生爲師又案文正夫人張氏有子三德嚴嘉議大夫衛率使德異早世德溫武略將軍副萬戶趙氏有子二德讓德謙未知其並從靜修否也先是田尙書亦疏請靜修教子靜修以水齧先墓遷避之不及往云

靜修私淑

補  
隱君安默庵先生熈

宋學案續遺 卷九十一

三三 四明叢書

約制刊本

粹材藎案蘇滋溪狀其行云憲司數以其行薦于朝卒無所就不幸以疾卒年四十有二雲濠謹案先生有默庵文集十卷其他詩傳精要續皇極經世書四書精要考異了亥詩註以未脫稿藏于家

四書集註辨略序

道之大原出于天其傳在聖賢吾夫子旣不得君師之位獨以列聖相傳者筆于經曾子傳之子思子思傳之孟子孟子沒而其傳泯焉至濂溪夫子不由師傳默契道體建圖著書二程夫子擴而大之然後斯道復明至朱夫子以爲道之不明由說經者不足以得聖賢之意

于是竭其精力作爲傳註以著明之至于一字未安一詞未備必沈潛反復以求至當而後已故章旨字義莫不神明辭順易知易行所以妙得古人本旨于數千載之上其閒于天命之微人心之奧可謂極深研幾發其旨趣而無所遺矣獨以世衰道微俗生鄙儒膠于見聞安于陋習于朱子之說多不得其旨意而妄疑之甚或不能知其句讀于其平生爲學始終之致及所論著多未之見故其所說掣肘矛盾支離淺迫殊不近聖賢氣象原其本意蓋欲藉是以取名率然立論曾不知其爲害之甚也使其年益高于天下之理玩之益熟必當恭然悔其平日之所爲而火之矣

梓材謹案此先生以王滸南爲說非朱子集註趙郡陳氏增多其說懼而爲書以辨之者也其後陳果深悔而焚其書然後學者始服先生談經之精識見之卓而于朱子之學爲有功云

### 敬仲文集

追憶舊聞卒究前業洒埽應對謹行信言餘力學文窮理盡性循循有序發明聖道以存諸心以行諸己以及

于物以化于民

告先聖文

可尊者德可畏者天無處不有無時不燃念慮之發必



有其幾勿隱其隱勿微其微從事于斯是曰慎獨自此  
精之萬物並育豪髮有閒天理弗存利欲紛拏厥心則  
昏於戲戒哉敬作此箴書諸座隅以警其心

慎獨箴

附錄

甫十歲終日儼然端坐一室博考經籍晝誦夜思至忘  
寢食悉通其大旨

聞容城劉氏以理學淑多士欲往從游以烏君叔修爲  
先容劉許之將行會劉卒往拜其墓錄其遺書而還始  
聞劉訃先生與烏書曰某欲見先生之心無須與忘先

宋元學案遺

卷九十一

三四四明叢書

約園刊本

生欲教之意亦甚厚豈意天喪斯文先生沒矣而今而  
後惟當問學親賢取友勉力孳孳死而後已庶可不負  
先生私淑之教朋友期望之心及某勉力大業之初意  
也

其學汪洋靜邃謂文以載道辭不勝不足以言理故其  
言脩以立于詩章幽而不傷慕貞潔之實以自任其道  
教人持敬爲本解經爲末毫縷以析果知之必驗其所  
行弟子相從者常百餘人

嘗病近世治春秋者第知讀左氏不考正經因節左氏

傳文議論敘事始末依倣通鑑綱目作小字分注經文之下以類相從凡左氏浮夸乖戾之語悉去之秦漢以來大儒先生之言及諸家之說可取者附註其後庶觀春秋者有以考傳讀春秋者亦知有經其大旨一以朱子爲本而達于程張以求聖人之意絕筆于莊公之十二年

袁清容表其墓曰眞文忠公與朱文公同里生不及焉文公之學眞實紹之侑食于廟于祠無異辭集賢劉公生愈後闡揚合一劉公功與眞公並安君不得見劉公而道實有傳盛矣哉春陵之學四方爲有準矣

宋元學案補遺

卷九十一

五 四明叢書

約園刊本

歐陽元功爲先生畫像贊曰寤寐乎明善誠身之書步趨乎格物致知之學闢西三鱸未必榮于教授之四世荀陵八龍奚以過于伯仲之一壑豈非白茅重而忠信著玄酒醇而嗜慾薄者乎鍾期伯牙有同世而不相遇者吾故于默庵之神交而益以重容城之先覺也

又爲先生祠堂記曰劉氏高亢明爽梯級峻絕士親炙者寡安氏簡靚和靜襟韻敞夷士樂附者眾異時有祠宜乎

默庵講友

王先生仲安

王仲安安敬仲之徒也與敬仲時相見敬仲稱渠讀四書甚有得處時與之語亦多有警助

默庵文集

王先生儀伯

附師董宗道

王儀伯亦敬仲之徒也年二十五六曾從董宗道受四書詩經傳敬仲稱其好學不倦作文字亦可觀歲一至中山時來晤語云

默庵文集

蘇氏先緒

宋元學案補遺 卷九十一

至天四明叢書

約園刊本

領稅蘇威如先生榮祖

附師賈口

蘇榮祖字顯之真定人性穎異童龀已若成人從鄉人賈先生授業讀書一過輒成誦事大父孝早嗜學每歸至夜分戒叩戶者勿亟曰大父方安寢也時南北兵阻售書價視珍貝先生得書必手鈔校讐無豪忽舛異迺已司歷或失其傳先生因金大明曆積算爲書數十篇多易其舊其學自經史百氏陰陽卜筮書靡不研隲尤邃伊洛之旨必以孝弟忠信爲本嘗曰學貴適用也里閭之昏姻喪塋者每從之問禮先生援古訓式縷解銖

分不爲世俗陰陽家拘忌之說轉運司辟先生領眞定  
稅以大父病歸終孝養者七年而卒嘗欲辨宗法以合  
昭穆建家廟以嚴祭祀設門塾以訓鄉之子弟志未就  
而歿取易家人之上九榜其齋曰威如故學者因號威

如先生子志道

鄧巴西集

梓材謹奏虞道園爲其子墓誌銘云考榮祖以公  
貴贈奉直大夫同知中山府事飛騎尉眞定縣男

附錄

先生教子尤嚴或曰君纔一子盍少寬輒正色曰可以  
一子故廢教耶

宋元學案補遺

卷九十一

三十四明徵書

約園刊本

歐陽元功爲威如先生畫像贊曰英英紫芝皎皎素絲  
冥搜遠討默識近思子雲精深季海孝友德人之容君  
子之守

郎中蘇先生志道

蘇志道字子寧父榮祖子官至中憲大夫嶺北等處行  
中書省左右司郎中卒先生幼不好弄寡言笑不妄交  
爲吏視文書可否奉行不待請言者坐曹歸卽闔門不  
通問謁對妻子如嚴師友內外肅然好讀書尤尊信大  
學及陸宣公奏議未嘗去左右篤于教子餘俸輒置書

遺之子亦善學卒以儒成名卽天爵也

道園學古錄

附錄

歐陽元功爲郎中畫像贊曰維子寧父爲名卿十其心  
塞淵如古君子旣合于古詎諧于時職是已直勿究厥  
施居家嗃嗃在國諤諤屹如長松矯如一鷲蚤以讜言  
屢忤權相晚著惠愛足食邊饟剛者必仁仁必有後宜  
兩有子簡自造秀遺像儼然不亡者存九原可作孰敢  
吏雲

滕氏門人

宋元學案補遺

卷九十一

三六四明叢書

約園刊本

縣尹趙先生時勉

附子藝

趙時勉字致堂世家蔚州蜚狐先生幼聰警絕人及長  
事師國子司業滕安上問學粹精治身修潔大父文昭  
公秉溫旣薨諸父多官于外先生始經紀其家趙氏族  
大而盛嘗悼近世之士貴爲公卿而享祀其祖禮同庶  
人乃稽司馬氏朱氏祭儀家禮爲祠堂于正寢之側凡  
喪祭昏冠議而行之建學家塾延師以訓其宗族子弟  
之無依者里人亦多來學焉起爲承事郎侍儀通事舍  
人俱職未幾會有佞幸除爲侍儀官者先生曰是豈可

與共事耶卽移病去久之起爲承務郎右八作司同提  
舉先生曰吾學儒者也豈能吝出納以爲有司之事乎  
又移病去居數年出尹定陶先是俗頗佻訟富室子弟  
或珥筆習吏覲免徭役先生興學宮禮師儒悉使就學  
執弟子業躬爲訓督日新月化而習俗亦或少變焉子  
藝由國學弟子員補侍儀舍人調靖海尉與蘇滋溪天  
爵嘗同門學相友善

蘇滋溪  
文集

王先生祁

詳見草廬學案

兵曹張先生曇

宋志案待遺 卷九十一

五十四明藏書  
約圖刊本

張曇平州人參知政事昂霄子少知好禮讀書日記數  
千百言弱冠爲兵曹掾聞其師滕司業卒中山謀請臨  
哭其喪不許因棄掾得就哭還金敖務自多學記覽以  
博其用而不幸早卒

馬石  
田集

參政蔡先生文淵

許先生質

合傳

蔡文淵東平人官國史編修師滕司業狀司業之行與

門生許質請姚牧庵表其阡云

姚牧  
庵集

梓村謹案先生官至參政蘇滋溪爲耶律文正有  
尚神道澤云故參知政事蔡公文淵始由諸生擢

爲學官公加敬禮引爲同列士咸多其識量是參政本爲耶律氏門生

何氏家學

何先生口 見上靜修門人

賈氏家學

賈先生葬

賈彝教授巢夫子官翰林國史編修 蘇滋溪集

雲濠謹案先生嘗爲容城縣大夫爲靜修祠加崇飾見楊僉事靜修祠堂記

賈氏門人

任先生亨祚

宋元學案補遺 卷九十一 四十四明叢書 約園刊本

任亨祚賈教授巢夫門生爲述其狀 蘇滋溪集

安氏門人

補參政蘇滋溪先生天爵

梓材謹案先生爲靜修墓表云天爵之生也不獲見先生及游成均得臨川吳文正公澄爲之師是先生亦爲草廬門人虞道園爲真定蘇氏先塋碑云巢爲國子師天爵爲生則先生又及虞氏之門其爲齊文憲神道碑則言以天爵少

在公學故以墓隧之文見焉云云

雲濠謹案元史本傳先生著有國朝名臣事略十五卷文類七十卷詩稿七卷文藁三十卷松廳章疏五卷春風亭筆記二卷詩七卷文三十卷又有遼金紀元黃河源委二書未及脫稿又案四庫全書著錄先生治世龜鑑一卷提要稱所採皆宋以前善政嘉言而大旨歸于培養元氣云

讀詩疑問

當夫子自衛反魯時魯哀公十一年冬也前六十八年魯襄公二十九年吳子使札來聘請觀周樂爲歌周南召南次歌邶鄘衛次歌王歌鄭歌齊歌幽歌秦歌魏歌唐歌陳歌檜然後歌小雅大雅歌頌終焉由今觀之所正者獨幽以下詩也而雅頌何嘗不得其所乎若曰左氏後出而作傳何獨幽之下雅之上不得其次歟

詩三百篇婦人女子作者居十之三夫以淫邪婦人而能爲此豈聖人潤色之歟不然後世老師宿儒反有不能及者何也

宋毛學案補遺

卷九十一

聖四明叢書  
約圖刊本

夫鄭衛之詩蓋多淫亂之詩也平王以下朝廷雅正之樂歌亦豈少歟至夫子定詩獨取鄭衛淫亂之詩而棄宗周雅正之樂歌何也或曰平王東遷王室衰微不復能爲祭祀朝聘之樂歌矣夫以天王之尊不能爲此而魯諸侯之國也獨得爲燕享之頌歟

淇澳衛人美武公之德賓之初筵武公飲酒悔過而作抑亦武公作使人日誦于其側以自警皆衛詩也一錄于風一錄于小雅一錄于大雅何也豈聲音節奏亦有



豐殺廉肉之不同歟果然則諸侯之詩亦可謂之雅矣  
七月周公以成王未知稼穡之艱難故陳后稷公劉風  
化之所由使瞽矇朝夕諷誦以教之也公劉召康公以  
成王將涖政當戒以民事故誦公劉之事以告之也當  
成王時召公爲保周公爲師皆作詩以戒王今七月錄  
于風公劉錄于雅何也周禮籥章氏祈年于田祖則歛  
幽雅蜡祭息老物則歛幽頌豈幽詩亦可爲雅爲頌歟  
果然是一詩而雜三體矣豈所謂雅各得其所乎

六月采芑江漢常武四詩其事略同而六月采芑載之

宋王學集補遺 卷九十一

四三 四明叢書

約圖刊本

小雅江漢常武載之大雅何也

詩有變風變雅之文先儒以二南二十五篇爲正風自  
邶迄豳一百三十五篇爲變風然則成王盛時齊晉陳  
衛所得之正風孔子編詩皆棄而不收何也

王制曰天子五年一巡狩命太師陳詩以觀民風今考  
之詩自成至宣列國之風無一篇可見平桓以後天子  
未嘗巡狩也而所編之詩如此其多是果孰陳之歟

孟子曰王者之迹熄而詩亡詩亡謂黍離降爲國風而  
雅亡也夫風雅體製不同音節亦異雅非可降爲風也

謂夫子編詩而降之耶則未編之前亦不聞名爲雅也  
樂有五音十二律詩之雅頌祭祀燕享之樂歌也必當  
時所作而用之所以協乎五音十二律也二南國風民  
俗歌謠之詩也今亦用之于樂其聲音節奏果能協于  
五音十二律乎不知古人因詩以度樂歟抑亦因樂以  
爲詩歟若曰因詩以度樂則白華南陔等詩又將何以  
爲樂歟

詩自唐虞有之書所謂詩言志歌永言是也及夫子定  
詩獨取周詩僅及商頌數篇而已虞夏之詩皆棄而不  
取何也若曰恐虞詩歲遠而亡然則子在齊聞韶三月  
不知肉味其所聞者非舜樂歟

先生自述曰戊辰之冬閱朱子詩集傳呂氏讀詩記  
偶有所疑輒筆錄之蓋將就有道而正焉非願學固  
哉高叟之爲詩也

梓材謹案先生兼閱東萊書而其所著  
名曰讀詩疑問則未嘗不私淑東萊也

附錄

元統元年復拜監察御史在官四閱月章疏凡四十五  
上自人君至于朝廷政令稽古禮文閭閻幽隱其關乎

大體繫乎得失者知無不言所劾者五人所薦舉者百有九人

至正四年召爲集賢侍講兼國子祭酒先生自以起自諸生進爲師長端已悉心以範學者

明年出爲山東道肅政廉訪使尋召還集賢充京畿奉使宣撫究民所疾苦察吏之姦貪其興除者七百八十有三事其糾易者九百四十有九人都人有包韓之譽然以忤時相意竟坐不稱職罷歸

趙東山序滋溪文集曰公世儒家自其早歲卽從同郡

宋元學案補遺

卷九十一

四四明叢書

約圖刊本

安敬仲先生受劉公之學旣入胄監又得吳公虞公齊公先後爲之師故其清修篤志足以潛心大業而不惑于他歧深識博文足以折衷百代而非同于玩物至于德已盛而閑之愈嚴行已篤而節之愈密出入中外三十餘年嘉謨偉績著于天下而一誠對越中立無朋屹然頽波之砥柱矣

又曰公平居教人必以程朱爲模範而力求在己不務空言則從事于聖明之道而審夫得失之機也明矣故汭以爲讀公之文則當求公所學而善論學者又必自

其師友淵源而推之可也

王先生口

趙先生口 合傳

梓材謹案滋溪狀默庵行實云故憲使中山王公侍儀趙君以禮幣延于家塾俾教諸子以及鄉人願學者是默庵之門有王趙諸先生也

滋溪講友

教授張先生在 別見明道學案補遺

楊氏講友

憲書甄先生克敏 附師郭士文

宋元學案補遺 卷九十一 學五 四明叢書 約圖刊本

甄克敏字德修世爲真定儒家少與翰林楊俊民俱學于郭先生士文聰敏卓然不類童子奉父母盡孝深居一室羅列圖史部使者以其名薦當得河南憲司書史

不果就年三十八卒 蘇滋溪集

靜修續傳

司農烏古孫約齋先生良楨

烏古孫良楨字幹卿正憲澤子臨潢人好讀書至治二年蔭補江陰州判官調武江縣尹有惠政累遷爲監察御史先生以帝方覽萬幾不可不求學自輔于是連疏

願招延儒臣若許衡者數人實臣於禁密常以唐虞三代之道啓沃帝衷日新其德實萬世無疆之福又言隱士劉因道學經術可比許文正公從祀孔子廟廷皆不報歷陞右丞兼大司農辭不允家居輒訓諸子曰吾無過人者惟待人以誠人亦以誠遇我汝宜志之自號約齋有詩文奏議凡若干卷藏于家

元史

進士胡先生炳南

附楊九萬

胡炳南容城人以五經登元末進士第隱居自樂屢徵不就與楊九萬等講道林尖山卒配饗靜修

歲輔通志

宋元學案補遺

卷九十一

學六四明叢書

約圖刊本

宋先生濂

詳見北山四先生學案

滋溪門人

商先生企翁

商企翁滋溪門人爲滋溪畫像贊曰積之豐虛以容持之恭屹以崇安其所遇孰問窮通汲引後學誨諄告忠蘊之爲精華發之爲事功素絕響而嗣音淪芳流以之東昔嘗歎先正之美莫或繼踪猶獨于公復以見古人

之風

滋溪集附錄

宋元學案補遺卷九十一

宋元學案補遺卷九十二

目錄

草廬學案補遺

草廬先緒

吳先生鐸

貢氏先緒

補貢先生士瞻

補程戴門人

補吳先生澄

宋元學案補遺 目錄

一 四明叢書  
約圖刊本

草廬講友

補虞先生汲

許先生文薦

草廬學侶

詹先生崇朴

何先生中

別見靜明寶峯學案補遺

袁氏先緒

袁先生公壽

李氏先緒

補 李先生季淵

草廬同調

補 貢先生奎

補 黃先生澤

補 武先生恪

熊先生復

余先生國輔

貢氏學侶

貢先生仲堅

宋元學案補遺 目錄

資中學侶

補 李先生洞

草廬家學

補 吳先生富

草廬門人

補 元先生明善

補 虞先生集

補 貢先生師泰

補 鮑先生恂

補 夏先生友蘭

補 袁先生明善

補 李先生本

補 李先生棟

補 朱先生夏

補 楊先生準

補 皮先生潛

補 解先生觀

補 黃先生虛

玉虛齋補遺 目錄

三四明齋書  
約園刊本

補 王先生祁

補 李先生擴

補 包先生希魯

補 熊先生本

補 許先生晉孫

補 饒先生敬仲

虞先生槃

皮先生濛 附子霖

解先生蒙



董先生士選

曾先生堅

曾先生藝

曾先生欽

合傳

蕭先生泉

合傳

黃先生常

合傳

吳先生尙志

周先生濂

合傳

王先生子清

聖學考補遺 目錄

蘇先生天爵

詳見靜修學案

周先生伯琦

陳先生禧

張先生恆

陳先生壺

曾先生仁

康先生震

吳先生皋

柳先生從龍

四明叢書

約園刊本

唐先生荷

李先生路

李先生岳 合傳

鄒先生志道

張先生達

吳先生浚

王先生起宗 附詳靜清學案

鄭先生世忠 別見張祝諸儒學案補遺

鄭先生教忠 同上

空學案補遺 目錄

五四明叢書

一教圖刊本

鄭先生保忠 同上

王先生進德

焦先生位

陳先生徵 附兄誠善

史先生師魯

喻先生立 附師皮季賢王佐才龍觀復

譚先生觀

戴先生順

鄔先生達

范先生一漢

附師劉福遠

葉先生恆

見下虞氏門人

明安達見先生

道園講友

補杜先生本

曾先生巽申

陳氏師承

補傅先生定保

鮑氏講友

宋元學案補遺

目錄

六四明叢書

納圖刊本

牛先生諒

張氏講友

余先生闕

青陽學侶

賈先生良

青陽同調

楊先生顯民

葛先生闕孫

魯先生眞

董先生思賢

天倪講友

夏先生天祐

虞氏家學

虞先生槃

見上草廬門人

虞氏門人

董先生守忠

董先生守懋

合傳

董先生守思

合傳

宋元學案補遺 目錄

七

四明叢書  
約園刊本

袁氏家學

袁先生明善

見上草廬門人

貢氏家學

貢先生師謙

貢先生師道

資中門人

補趙先生沆

朱先生升

詳見滄洲諸儒學案

東山學侶

詹先生烜

武氏門人

佛家奴先生

完者不花先生

合傳

元氏門人

劉先生文度

附子鈔孫麓崧堃

馬先生祖常

別見北山四先生學案補遺

道園家學

虞先生豐

宋元學案補遺 目錄

入四明叢書

約園刊本

虞先生登

合傳

道園門人

補陳先生旅

補王先生守誠

補劉先生霖

貢先生師泰

詳上草廬門人

李先生本

同上

李先生棟

同上

周先生伯琦

見上草廬門人

吳先生彤

吳先生儀

李先生裕

詳見北山四先生學案

汪先生克寬

詳見雙峯學案

趙先生沆

詳上資中門人

朱先生仁卿

葉先生恆

父遜

倪先生居敬

朱先生禮悌

合傳

空齋案補遺

目錄

九

四明叢書  
約圖刊本

劉先生性

劉先生聞

劉先生伯溫

李述魯先生遠

詳見蕭同諸儒學案

康先生敏

韓先生豫

王先生鑑

李先生亨

廉先生充

楊先生維禎 詳見長齋學案

袁先生渙

宋先生德潤

鄧先生口

陳氏講友

鄭先生杓

玩齋家學

貢先生性之

玩齋門人

宋學案補遺 目錄

十四 明政書

約園刊本

劉先生中

高先生異志

謝先生肅

翟先生元學

胡先生虛白

朱先生鑑

涂先生穎 見下水北門人

何先生昇

趙先生贄

酒先生穆泰 合傳

楊先生迥 合傳

桂先生郁 合傳

鄭先生貫 合傳

錢先生用壬

鮑氏門人

聞人先生樞 附師夏日孜

鄭先生闕

陳先生亮 附門人趙志道再傳程蕃

宋重纂補遺 目錄

十二 四明叢書

約園刊本

袁氏門人

黃先生勉

朱氏家學

朱先生復亨

楊氏門人

蕭先生夢得

楊先生景行

皮氏家學

皮先生榮



觀我家學

解先生琛 附弟元章

觀我門人

胡先生希仁

包氏家學

包先生宏

包氏門人

傅先生箕

王先生槐

宋元學案補遺 目錄

十二四明叢書

初國刊本

丁氏家學

丁先生之翰

山泉家學

解先生琛 見上觀我家學

山泉門人

陶先生元幹

陶先生口

莫先生純甫

董氏家學

董先生守忠 見上虞氏門人

董先生守懋 同上

董先生守思 同上

周氏門人

程先生與權 曾祖萬里父傑附師吳存

高先生巽志 見上玩齋門人

謝先生徽 附弟恭

天倪家學

陳先生汝秩

宋學案補遺 目錄

十三四明叢書

約園刊本

陳先生惟允 合傳

杜氏門人

補張先生理

陶先生宗儀 別見北山四先生學案補遺

蔣先生師文

李先生至剛

藍先生仁

藍先生智 合傳

陳先生達 別見魯齋學案補遺

張氏講友

黃先生鎮成 詳見九峯學案

余氏家學

余先生德臣

余氏門人

戴先生貞

詳見北山四先生學案

涂先生穎

見下水北門人

郭先生奎

汪先生仲魯

宋學案補遺 目錄

十四 四明叢書

約圖刊本

王先生無霸

汪先生河

劉先生炳

水北家學

楊先生原

水北門人

涂先生穎

趙氏門人

范先生準

別見滄洲諸儒學案補遺

金先生居敬

汪先生洗 詳下汪氏門人

汪先生蔭

吳先生玉林 父淵

任先生原 別見雙峯學案補遺

任先生序 同上

程先生汝器

陳先生盤 別見滄洲諸儒學案補遺

陳氏家學

宋元學案補遺 目錄

十五 四明叢書  
續圖刊本

陳先生碩

陳氏門人

宋先生訥

東吳家學

吳先生伯宗

宋氏家學

宋先生方山

蕭氏門人

楊先生升雲

俞先生鎮

別見北山四先生學案補遺

吳先生從彥

周先生通

賢可家學

楊先生介

陶氏門人

都先生從善

草廬私淑

李先生衡

宋學案補遺

目錄

十六

四明叢書  
約開刊本

劉先生有年

汪氏門人

范先生準

別見滄洲諸儒學案補遺

汪先生洗

附曾孫仲和玄孫神鷲

貢氏續傳

貢先生鏞

附師劉師邵

宋元學案補遺卷九十二

後學鄒王梓材同輯  
慈谿馮雲濠

草廬學案補遺

草廬先緒

吳先生鐸

吳鐸文正之祖也工進士詩賦精通天文星曆之學寬

厚不屑細務文正年譜

貢氏先緒

補隱君貢先生士瞻

宋元學案補遺 卷九十二

四明叢書  
約圖刊本

附錄

先生甫冠以詞賦試漕司中程明年黜于儀曹卽自訟  
曰學之時其道未足以爲己志已在于爲人亦可謂謬  
用其心矣謬用其心雖有志于爲人其能平哉乃力自  
學行歌詠息偃以忘其年視世俗之好無足累心者

雲濠講案馬石田集言先生以文靖  
貴累贈祕書太監追封廣陵郡侯

程戴門人

補文正吳草廬先生澄

雲濠謹案先生明正統入年從祀嘉靖九年罷祀  
國朝乾隆三年復祀

梓材謹案先生晚字伯清其爲元中子黎立武碑  
云澄亦門人蓋先生固黎氏撫州校文時所貢士  
也又案先生名或作激激蓋澄  
之本字也故經議考並書作散

### 草廬語要

先王教士以詩書禮樂爲四術若易者卜筮之繇辭春  
秋者侯國之史記爾自夫子贊易辭春秋之後學者始  
以易春秋合先王教士之四術而爲六經

通天地人曰儒一物不知一事不能恥也洞觀時變不  
可無經廣求名理不可無諸子游戲詞林不可無諸集  
旁通多識不可無紀錄而其要在聖人之經聖人之經  
非如史子文集雜記雜錄之供涉獵而已必飲而醉其  
醇食而飽其馥斯可矣

宋學案補遺

卷九十二

一二四明叢書  
蔚園刊本

時之爲時莫備于易程子謂之隨時變易以從道夫子  
傳六十四象獨于十二卦發其凡而贊其時與時義時  
用之大一卦一時則六十四時不同也一爻一時則三  
百八十四時不同也始于乾之乾終于未濟之未濟則  
四千九十六時各有所值引而伸觸類而長時之百千  
萬變無窮而吾之所以時其時者則一而已

一元凡十二萬九千六百歲分爲十二會一會計一萬

八千歲天地之運至戌會之中爲閉物兩間人物俱無  
矣如是又五千四百年而戌會終自亥會始五千四百  
年當亥會之中而地之重濁凝結者悉皆融散與輕清  
之天混合爲一故曰渾沌清濁之混逐漸轉甚又五千  
四百年而亥會終昏暗極矣是天地之一終也貞下起  
元又肇一初爲子會之始仍是渾沌是謂太始言一元  
之始也是謂太一言清濁之氣混合爲一而未分也自  
此逐漸開明又五千四百年當子會之中輕清之氣騰  
上有日月有星有辰日月星辰四者成象而共爲天  
又五千四百年當子會之終故曰天開于子濁氣雖搏  
在中閒然未凝結堅實故未有地又五千四百年當丑  
會之中重濁之氣凝結者始堅實而成土石溼潤之氣  
爲水流而不凝燥烈之氣爲火顯而不隱水火土石四  
形而共爲地故曰地闢于丑又五千四百年而丑會終  
又自寅會之始五千四百年當寅會之中兩閒人物始  
生故曰人生于寅也

原理

天地之初混沌洪濛清濁未判莽莽蕩蕩但一氣爾及



其久也其運轉于外者漸漸輕清其凝聚于中者漸漸  
重濁輕清者積氣成象而爲天重濁者積塊成形而爲  
地天之成象者日月星辰也地之成形者水火土石也  
天包地外旋繞不停則地處天內安靜不動天之旋繞  
其氣急勁故地浮載其中不陷不墜岐伯所謂大氣舉  
之是也天形正圓如虛毬地隱其中人物生于地上地  
形正方如博骰日月星辰旋繞其外自左而上自上而  
右自右而下自下而復左天之積氣爲辰凡無星處皆  
是猶地之土也積氣之中有光耀爲星二十八宿及眾  
星皆是猶地之石也日月五緯乃陽陰五行之積成象  
而可見者浮生太虛中與天不相係著各自爲運行遲  
速不等天左旋于地外一晝夜一周匝自地之正午觀  
之則其周匝之處第二日子時微有爭差蓋周匝而過  
之觀天者定其闊狹名曰一度每日運行一周匝而過  
一度至三百六十五日三時有奇則地之午中所直天  
度始與三百六十五度四分度之一有奇日亦左行晝  
行地上夜行地下晝夜一周匝但比一度則不及一度  
蓋日之行也與地相直處日月齊同無過不及而天之

行也與地相直處一日過一度二日過二度三日過三度故曆家以是及天而退一度者爲右行一度蓋以截法其易算爾天傾倚于北如勁風旋繞其端不動曰極上頂不動處謂之北極高出地上三十六度其星辰常見不隱以偏倚于北方故曰北極下躋不動處謂之南極低入地下三十六度其星辰常隱不見以其偏近於南方故曰南極南北二極相去之中天之腰也謂之赤道日所行之道春秋二分正與天之赤道相直故其出沒與地之卯酉相當是以景短而晷長晝刻多而夜刻少夏至以後又移而南至秋分則與赤道相直秋分以後行赤道南冬至則去南極最近故曰日南至而其出沒則與地辰申相當是以景長而晷短晝刻少而夜刻多冬至以後又移而北至春分則又與赤道相遠日極于南而移北則爲冬至下年日道極南復北之時三百六十五日餘三時不滿故天度一周之時三百六十五日四分日之一而有餘日道一周之時三百六十五日四分日之一而不足天度有餘日道不足故六十餘年之後冬至所值天度率差一度是謂歲差月亦左行

尤遲于日一晝夜不及天十三度十九分度之七蓋日  
行疾于月而退度不及天一度反若遲然月行遲于日  
而退度不及天十三度有奇反若速然日之行三十日  
五時有奇而歷一辰則爲一月之氣月之行二十九日  
六時有奇朔虛六時不滿積十二氣盈凡五日三時不  
滿十二朔虛凡五日七時有奇一歲氣盈朔虛共十日  
十一時有奇將及三載則積之三十日而置一閏月之  
有餘爲氣盈月之不足爲朔虛氣盈朔虛之積是爲之  
閏餘五星之行亦猶日月其行有遲速其行過于天則  
爲逆其行與天等則爲留其行不及天則爲順日月五  
星之與天體相值也由北直南而從分之謂之度由東  
至西而橫截之謂之道月之行也二十九日半有奇而  
與日同度是爲朔十四日九時有奇而與日對度是爲  
望合朔之時從雖同度橫不同道若橫亦同道則月掩  
日而日蝕對望之時從雖同度橫不對道若橫亦對道  
則日射月而月蝕其蝕之分數由同道對道所交之多  
寡月朔後初生明時昏見于庚下明上暗象震上弦時  
昏見于丁下明已多而上猶暗象兌望之時昏見于甲

全體皆明象乾望後初生魄時晨見于辛下暗上明象  
巽下弦時晨見于丙下暗已多而上猶明象艮晦之時  
晨見于乙全體皆暗象坤地西北高而多山東南下而  
多水先天方圖法地乾始西北坤盡東南故天下之山  
其本皆起于西北之昆崙猶乾之始于西北也天下之  
水其流皆歸于東南之尾閭猶坤之盡于東南也天有  
四象地有四形日月天之用星辰天之體水火地之用  
土石地之體立天之道曰陽與陰立地之道曰柔與剛  
日陽中陽月陰中陰星陰中陽辰陽中陰水柔中柔火  
柔中剛土剛中柔石剛中剛錯而言之則天亦有剛柔  
地亦有陰陽日陽也月陰也星剛也辰柔也水陰也火  
陽也土柔也石剛也日火之精爲夏之暑月水之精爲  
冬之寒星體光耀爲晝之明辰體昏暗爲夜之晦水氣  
下注而爲雨火氣外旋而爲風土氣上蒸而爲露石氣  
內搏而爲雷人稟氣于天賦形于地耳目口鼻爲首猶  
天之日月星辰也脈髓骨肉爲身猶地之水火土石也  
心膽脾腎四臟屬天肺肝胃膀胱四臟屬地指節十二  
合之二十四有天之象焉掌文後高前下山峙川流有

地之德焉物有飛走草木四類細分之十六飛飛者鴻  
鵠鷹鷂之屬性之飛飛之性也飛走者鷓鴣雞鴨鳧之屬  
情之飛飛之情也飛木者佳鳩燕雀之屬形之飛飛之  
形也飛草者蜂蝶蜻蜓之屬體之飛飛之體也走飛者  
蛟龍之屬性之走走之性也走走者熊虎鹿馬之屬情  
之走走之情也走木者猿猴之屬形之走走之形也走  
草者蟻蛇之屬體之走走之體也木飛者松柏之屬性  
之木木之性也木走者樟檉之屬情之木木之情也木  
木者棧樸荆榛之屬形之木木之形也木草者楮穀木  
芙蓉之屬體之木木之體也草飛者竹蘆之屬性之草  
草之性也草走者藤葛之屬情之草草之情也草木者  
蒿艾之屬形之草草之形也草草者菘芥之屬體之草  
草之體也陽本實陰本虛也陽爲氣陰爲精陽成象陰  
成形陽主用陰主體則陽反似虛陰反似實是不然天  
之積氣雖似虛然其氣急勁如鼓皮物之大莫能禦故  
曰健曰剛曰靜專曰動直則實莫實于天地之成形雖  
似實然其氣疏通如肺氣升降出入其中故曰順曰柔  
曰靜翁曰動闢則虛莫虛于地然則陽實陰虛者互說

也陽虛陰實者偏說也

先生自跋曰往年因郝仲明見問一時答之之辭如此聽者不能悉記吾言故命史從旁書之皆先儒之所已言非吾之自言也有人傳錄以去題其名曰原理殊非吾意今廬陵士廓成子又逐節畫而爲圖可謂有志然此特窮理之一端爾人之爲學猶有切近于己者當知所先後也

草廬經說

人身膚最外肌次之筋次之骸最內以肌膚以筋束

宋學宋補遺

卷九十二

九 國明叢書

約園刊本

骸四者之聚爲身有禮義則凡講說皆信實之言凡脩爲皆睦嫻之行形體皆莊重堅固而不怠惰放肆也其于人倫則生事葬祭孝敬追慕亦惟此禮義爲大端緒也人情之動有愛惡哀樂喜懼之情以禮義治之則發皆中節無所乖戾所謂順也情極其順則不違天所與我之性而上達于天道矣三言所以先敬身中明倫終盡性至命三者皆禮義之功惟聖人能知禮之不可不爲而不已于爲也壞亂之國喪敗之家亡身之人惟不知禮而去之故至此

禮記禮運

周禮考注自序

周官一篇成王董正治官之全書也執此以考周禮之六官則不全者可坐而判也夫冢宰掌邦治統百官均四海執此以考天官之文則其所載非統百官均四海之事可以知其非冢宰之職也司徒掌邦教敷五典擾兆民執此以考地官之文則其所載非敷五典擾兆民之事可以知其非司徒之職也宗伯掌邦禮治神人和上下司馬掌邦政統六師平邦國執此以考春夏二官則凡掌邦禮掌邦政者皆其職也舍此則非其職也司寇掌邦禁詰姦慝刑暴亂司空掌邦土居四民時地利執此以考秋冬二官則凡掌邦禁邦土者皆其職也舍此則非其職也是故天官之文有雜在他官者如內史司士之類是也亦有他官之文雜在天官者如甸師世婦之類是也地官之文有雜在他官者如大司樂諸子之類是也亦有他官之文雜在地官者如閭師柞氏之類是也春官之文有雜在他官者如封人大小行人之類是也亦有他官之文雜在春官者如御史大小胥之類是也夏官之文有雜在他官者如銜枚氏司神之類

是也亦有他官之文雜在夏官者如職方氏弁師之類是也至如掌祭之類吾知其非秋官之文縣師廩人之類吾知其爲冬官之文緣文尋意以考之參諸經籍以證之何疑之有此歐蘇之所未悉也可不著之

梓材謹案四庫全書著錄先生易纂言十卷提要云是書用呂祖謙古易本經文每卦先列卦變主爻每爻先列變爻次列象占十翼亦各分章數其訓解各附句下音釋考證則徑附每卦之末傳附每章之末闕有文義相因卽附辨于句下者偶一二見非通例也證于諸經好臆爲點竄惟此書所改則有根據者爲多如師卦丈人吉改大人吉據崔憬所引子夏傳比卦比之匪人下增凶字據王肅本小畜卦輿說輻改輿說輹據許慎說文尙得載改尙德載據京房虞翻子夏本泰卦包荒改色

奎元學案遺 卷九十二

約園刊本

荒據說文及虞翻本大畜卦曰閑輿衛改日閑輿衛從鄭玄虞翻陸希聲本萃卦萃亨刪亨字從馬融鄭玄虞翻陸績本困卦剛別改剛危據荀爽王肅陸績本鼎卦其形渥改其形剛據鄭玄本比象比吉也刪也字據王昭素本賁象補剛柔交錯四字據王弼注震象驚遠而懼邇也下補不喪七鬯歸吉利貞據王肅本坤象履霜堅冰改初六履霜據魏志坎象樽酒益貳刪貳字據陸德明釋文繫辭上傳繫辭焉而明吉凶下補悔吝二字據虞翻本繫辭下傳何以守位曰仁改何以守位曰人據王肅本未得之利改未耜之利據王昭素本以濟不通下刪致遠以利天下六字據陸德明釋文序卦傳故受之以履下補履者禮也四字據韓康伯本皆援引古義具有源流不比師心變亂其餘亦多依胡瑗程子朱子諸說證所自爲改正者不過數條而已惟以繫辭傳中說上下經十六卦十八爻之文定爲錯簡移置于文言傳中則悍然臆斷



不可以爲訓矣然其解釋經義詞簡理明融貫舊  
間亦頗賅洽在元人說易諸家固終爲巨擘焉是  
條可與謝山讀纂言相發明又易纂言外翼提要  
云考澄所作小序原書蓋共十二篇一日卦統以  
入經卦之純體合體者爲經六十四卦之雜體者  
爲緯乃上下經篇之所由分二曰卦對以奇耦反  
易成二卦上下篇相對三曰卦變言奇偶復生奇  
偶其用無窮四曰卦主因无妄傳而推之以明一  
經之義五曰變卦言剛柔交相變而一卦可爲六  
十四卦六曰互卦言中四爻復具二卦以爲一卦  
七曰象例凡經之取象皆類聚之以觀其通八曰  
占例言元亨利貞吉凶无咎其義皆本于天道九  
曰辭例乃象例占例所未備而可以互見者十曰  
變例言揲筮四營十八變之法十一曰易原明河  
圖洛書先後天圖十二曰易流備舉揚雄以下擬  
易之書今缺卦變變卦互卦三篇易流缺半篇易  
原疑亦不完然其餘尙首尾整齊無所遺失卦統  
卦對二篇言經之所以釐爲上下乃程朱所未及

宋學案補遺

卷九十二

十四明叢書

約園刊本

象例諸篇闡明古義尤非元明諸儒空談妙悟者  
可比謝山學案劄記于是卷標云補先天互體圖  
蓋據黎州易學象數論所引言之今見是書鈔本  
斯圖已佚惟原序第六論互卦有曰重卦有上下  
二體又以卦中四畫交互取之二三四成下體三  
四五成上體卽提要所謂中四爻復具二卦爲一  
卦也四庫又著錄書纂言四卷提要云古文尙書  
自貞觀敕作正義以後終唐世無異說宋吳棫作  
書埤傳始稍摭擊朱子語錄亦疑其僞然言性言  
心言學之語宋人據以立教者其端皆發自古文  
故亦無肯輕疑者其考定今文古文自陳振孫尙  
書說始其分編今文古文自趙孟頫書古今文集  
注始其專釋今文則自此書始自序謂季世晚出  
之書別見于後然此四卷以外實未釋古文一篇  
經義考以爲權詞其說是也又著錄孝經定本一  
卷提要云所定篇第雖多分裂舊文而詮解簡明  
亦秩然成理朱子刊誤旣不可廢則此書亦不能  
不存又著錄春秋纂言十二卷總例七卷提要云

是書采摭諸家傳注而開以己意論斷之首爲總  
例凡分七綱八十一目其天道人紀二例吳氏所  
創作餘吉凶軍賓嘉五例則與宋張大亨春秋五  
禮例宗互相出入然其縷析條分則較大亨爲密  
矣又著錄儀禮逸經二卷提要稱是篇掇拾逸經  
以補儀禮之遺凡經八篇曰投壺禮曰奔喪禮取  
之禮記曰公冠禮曰諸侯遷廟禮曰諸侯饋廟禮  
取之大戴禮記而以小戴禮記相參定曰中霽禮  
曰祥子太廟禮曰王居明堂禮取之鄭康成三禮  
注所引逸文其編次先後皆依行禮之節次不盡  
從其原文蓋做朱子儀禮經傳通解之例其傳十  
篇則皆取之二戴記曰冠儀曰昏儀曰士相見儀  
曰鄉飲酒儀曰鄉射儀曰燕儀曰大射儀曰聘儀  
曰公食大夫儀曰朝事儀其士相見公食大夫二  
儀取宋劉敞之所補敞擬記而作者尙有投壺儀  
一篇亦見公是集中草廬偶遺之明何喬新嘗取  
以次朝事儀後云又錄禮記纂言三十六卷提要  
言其書每一卷爲一篇大旨以戴記經文龐雜疑

朱子家補遺

卷九十二

十三四明叢書

約園刊本

多錯簡故每一篇中其文皆以類相從俾上下意  
義聯屬貫通而識其章句于左其二十六篇次第  
亦以類相從虞集稱其始終先後最爲精密先王  
之遺制聖賢之格言其僅存可考者旣表而存之  
各有所附而其糾紛固泥于專門名家之手者一  
旦如有條理無復餘蘊其推重甚至云

雲濠謹案王阮亭居易錄云吳草廬于諸經皆有  
纂言詩獨無之又言黃太學俞邵借草廬書纂言  
四卷二十八篇所謂今文尙書也視蔡注加詳有  
正德辛巳草廬十世孫理跋嘉靖己酉吳與顧應  
祥序漢  
本也

文正文集

朱子著章句或問擇之精語之詳矣惟精也精之又精  
鄰于巧惟詳也詳之又詳流于多其渾然者巧則裂其

粲然者多則惑雖然此其疵之小也不害其爲大醇

劉氏

中庸簡  
明傳序

杜元凱讀左傳注曰優而柔之使自求之歷而飫之使自趨之若江海之浸膏澤之潤渙然冰釋怡然理順然後爲得淵哉乎其言也豈惟讀左傳宜然凡讀他書皆然

徐安道左傳事類序

邵子曰聖人之經渾然無跡如天道焉春秋書實事而善惡形于其中矣至哉言乎朱子謂據事實書而善惡自見其旨一也

齊氏春秋諸國統紀序

李學案補遺

卷九十二

十四

四明藏書

約園刊本

夫人之生也以天地之氣凝聚而有形以天地之理付畀而有性心也者形之主宰性之邪郭也此一心也自堯舜禹湯文武周公傳之以至于孔子其道同道之爲道具于心豈有外心而求道者哉而孔子教人未嘗直言心體蓋日用事物莫非此心之用于其用處各當其理而心之體在是矣操舍存亡惟心之謂孔子之言也其言不見于論語之所記而得之于孟子之傳則知孔子之教人非不言心也一時學者未可與而言之有所未及爾孟子傳孔子之道而患學者之失其本心也

于是始明指本心以教人其言曰仁人心也放其心而不知求哀哉又曰學問之道無他求其放心而已矣又曰耳目之官不思而蔽于物心之官則思先立乎其大者而其小者不能奪也嗚呼至矣此陸子之學所從出也夫孟子言心而謂之本心者以爲萬理之所根猶草木之所有本而苗莖枝葉皆由是以生也今人談陸之學往往曰以本心爲學而問其所以則莫能知陸子之所以爲學者何如是本心二字徒習聞其名而未究竟其實也

此心人人所同有反求諸身卽此而是以心而學非特陸子爲然堯舜禹湯文武周孔顏曾思孟以逮邵周張程諸子蓋莫不然故獨指陸子之學爲本心學非知聖人之道者也應接酬酢千變萬化無一而非本心之發見于此而見天理之當然是之謂不失其本心非專離去事物寂然不動以固守其心而已也

以上仙城本心樓記

道在天地間猶水之在大海道之中有人猶水之中有器浸灌此器者水也納受此水者器也水中之器或沈或浮而器中之水或入或出器與水未合一也水在器

中凝而爲冰則器與水合不相離而水爲器所有矣人之于道猶是也有以凝之則道在我無以凝之則道自道我自我道豈我之有哉人之生也或智或愚或賢或不肖均具此性則均受此道不于賢智而豐不于愚不肖而嗇也愚不肖之不賢智者何也能凝不能凝之異耳嗚呼子思子言道所以有貴于能凝者歟凝之方尊德性而道問學也德性者我得此道以爲性尊之如父母尊之如神明則存而不失養而不害矣然又有進修之功焉蓋德性之內無所不備而理之固然不可

宋學案補遺

卷九十二

十六

四明藏書

約園刊本

不知也事之當然不可不行也欲知所固然欲行所當然舍問學奚可德性一而學問之目八子思子言之詳矣不待予言也廣大精微高明中庸故也新也厚也禮也皆德性之固然當然者盡之極之溫之知之問學以進吾所知也致之道之敦之崇之問學以修吾所行也尊德性一乎敬而道問學兼乎知與行一者立其本兼者互相發也問學之力到功深則德性之體全用博道之所以凝也夫

凝道山房記

進士之治經吾朱子以爲經之賊文之妖今之文格雖

比宋末微異然亦卑卑淺陋之甚曾是之謂明經乎羣  
試有司擢取小官曾是之謂顯親乎余每慨臨川金谿  
之士口有言輒尊陸子及訊其底裏茫然不知陸子之  
學爲何如雖當時高第門人往往多有實行蓋未有一  
人能得陸子心法者陸學之孤絕而無傳悒矣哉

臨川  
逸士

于君玉汝甫  
妻墓誌銘

附錄

夜讀書至旦母憂其過勤節膏火不多與候母寢燃火  
復誦習

朱子學案補遺

卷九十二

七四明叢書

續編刊本

七歲能默誦五經十歲知爲學之本大肆力于朱子諸  
書尤以大學爲入道之門必日誦二十過如是三年十  
五遂以聖人之道自任作勤謹二箴敬和二銘

年十六謁見程先生若庸于臨汝書院歷觀其標貼壁  
間之說不盡合于朱子之學公乃一一請問如所謂大  
學乃正大高明之學然則小學其卑小淺陋之學乎程  
先生悚然曰若庸處此未見有知學能問如子者

十九作自新自修消人欲長天理克己悔過矯輕警惰  
諸銘以自策勵

嘗與人書曰天生豪傑之士不數也夫所謂豪傑之士以其知之過人度越一世而超出等夷也戰國之時孔子徒黨盡矣充塞仁義若楊墨之徒又滔滔也而孟子生乎其時獨願學孔子而卒得其傳當斯時也曠古一人而已眞豪傑之士哉孟子沒千有餘年溺于俗儒之陋習淫于老佛之異教無一豪傑之士生于其間至于周程張邵一時迭出非豪傑其孰能與于斯乎又百年而朱子集數子之大成則中興之豪傑也以紹朱子之統自任者果有其人乎澄之齟齬惟大父家庭之訓是聞以時文見知于人而未聞道也及知聖賢之學而又欲推之以堯舜其君民而後已實用其力于斯豁然似有所見坦然知其易行而力小任重固未敢自以爲是而自料所見愈于人矣

虞道園曰是時先生方弱冠而有志自任如此

樂安鄭松招先生居布水谷乃著孝經章句校定易詩書春秋儀禮及大小戴記

元貞元年八月如龍興城中士友及諸生請開講郡學公說修己以敬章反覆萬餘言聽者千百多所感發

至大元年召爲國子監丞先是許文正公爲祭酒始以朱子小學等書授弟子久之漸失其舊先生至旦燃燭坐堂上諸生以次授業日昃退燕居之室執經問難者接踵而至先生各因其材質反覆訓誘之每至夜分雖寒暑不易也

陞司業用程純公學校奏疏胡文定公太學教法朱文公學校貢舉私議約之爲教法四條一曰經學二曰行實三曰文藝四曰治事

作學基學統二篇使人知學之本與爲學之序

宋學案補遺

卷九十二

十九四明叢書

約圖刊本

尤有得于邵子之學校定皇極經世書又校正老子莊子太玄經樂律及八陣圖郭璞葬書

四方學者日益眾公雖疾必強起教之又衣食之故學者多至卒業而後去

家貧嘗從鬻書者借讀踰日而還之鬻書者曰子盡讀之乎先生曰試舉以問我鬻書者每問一篇輒終其卷迺止彼人遂獻其書先生歸至揚州時憲使趙宏道及寓公珊竹玠虞擊賈鈞趙英詹士龍元明善等先後留先生身率子弟諸生受業



游先生之門南北之士前後無慮千百人門人袁明善言嘗聞先生論及門之士先生恨然曰聞吾郡多俊秀宜有可望者二年其第三子京爲撫州路儒學教授迎先生至城府學者無不見焉進而教之靡閒晨夕雖偶病少閒未嘗輟其問答居久之則又問明善曰得無有未見者乎

其于易學之五十餘年其大旨宗乎周邵而義理則本諸程傳

公曰讀敬銘則使人心神收斂百慮俱消如在靈祠中

宋王象補遺

卷九十二

二十四明叢書

約園刊本

如立嚴師側悽悽乎其似秋而不覺足之重手之恭也讀和銘則使人心神怡曠萬境俱融有弄月吟風情傍花隨柳想熙熙乎其似春而不知手之舞足之蹈也

臨川野老自贊曰身形瘦削春林獨鶴眼睛閃爍秋霄一鷗遠絕塵滓大同寥廓自鳴自和自歌自樂

李鶴鳴序先生儀禮逸經曰俊民泰定初嘗拜先生于翰苑先生之學雖不敢妄議姑卽禮經而論之秦焰旣熄掇拾遺餘兼收並蓄得傳于後漢儒之力也依稀論著以傳其舊唐儒之學也會通經傳洞啓門庭以祛千

載之惑朱子之特見也若夫造詣室奧疏別戶牖各有歸趣則至先生始無遺憾焉世有好禮之士先觀注疏舊本次考朱子通解然後取先生所次所釋而探研之乃知後民之言爲不妄也

揭文安爲神道碑曰許公居王畿之內一時用事者皆金遺老得早以聖賢之學佐天子開萬世無窮之基故其用也宏吳公僻在江南居畎畝之中初大臣強起而不受其官後朝廷歷聘而用之雖事上之日晚而得以聖賢之學爲四方學者之依歸爲聖天子致明道敷教之實故其及也深

虞道園狀其行曰周子程子之書既定于朱子之手而張子邵子之書先生始爲校定次第正其訛缺張子書擊東西銘于篇首而正蒙次之又以邵子爲孔子以來一人而已蓋其于邵子之學深有所會悟也先生之博通妙契有未易言者門人眾多浩不可殫各以其所欲而求之各以其所能而受之蓋不齊也乃著學基一篇使知德性之當尊著學統一篇使知問學之當道所謂窮鄉晚進無良師友而有志于學者循此而學之庶乎

其不差矣

又爲先生畫像贊曰業廣而精德用而尊釐析羣言以究斯文章甫玄端書冊左右愷悌君子天錫眉壽

又送李擴序曰先生之爲教也辯傳注之得失而達羣經之會同通儒者之戶牖以極先聖之闕奧推鬼神之用以窮物理之變察天人之際以知經綸之本禮樂制作之具政刑因革之文考據援引博極古今各得其當而非夸多以穿鑿靈明通變不滯于物而未嘗析事物以爲二使學者得有所據依以爲日用常行之地得有所標指以爲歸宿造詣之極噫近世以來未能或之先也

宋先學案補遺

卷九十二

三十四明叢書

約園刊本

宋潛溪名臣頌曰紫氣蟬聯神物蜿蜒有開必先山川降神自元而貞篤生哲人慎斯勤斯絕乎等夷于道早知厲如秋霜煦如春陽何德之昌抱膝而居氣蓋八區闕而弗舒玩心神明操觚弗停輿衛聖經學徒是依毛之有騏甲之有龜鼈其淵冲以消吝封心熙氣融大明當軒屢聘益尊施教成均北許南吳先後合符人文之

敷

王忠文議孔子廟廷從祀曰元興許衡起于北方尊用  
朱氏之學教人既有以任斯道之重而其時吳澄起于  
南方能有見于前儒之所未及孝經大學中庸易詩書  
春秋禮皆有傳注彙括古今諸儒之說而折衷之其于  
禮經尤多所刪正凡以補朱氏之未備而其真修實踐  
蓋無非聖賢正大之學則其人又可謂有功聖人之道  
固宜與許衡同列于從祀而不可以或遺也

又送樂仲本序曰先儒以爲陸氏主于尊德性朱氏主  
于道問學然尊德性道問學未始可以偏廢此臨川吳  
氏學基學統之篇所由作也會而同之願真知允蹈何  
如爾

草廬講友

補編修虞井齋先生汲

虞汲剛簡孫登之子爲黃岡尉僑居臨川之崇仁與吳  
澄友善澄稱其文清而醇嘗再至京贖族人被俘者十  
餘口以歸由是家益貧晚稍起家教授以翰林院編修

致仕

姓諱

許先生文薦

許文薦字季文世居撫之宜黃徙崇仁先生詩工而奇  
不談仙佛而談考亭朱氏青田陸氏學欣然意會人莫  
能知獨與草廬上下其議論 吳文正集  
草廬學侶

山長詹先生崇朴

詹崇朴字叔厚安樂人經義融貫卓爲名儒大德中夏  
友蘭建鰲溪書院吳文正公爲作啓請先生主其教事  
學者多所成就所著有奎光集藏于家 姓譜

學師何太虛先生中

別見靜明寶峯學案補遺

宋龜案補遺 卷九十二

三四 四明叢書

約園刊本

袁氏先緒

袁先生公壽

袁公壽字仁仲其先南豐人遷臨川之樓撫山有暴客  
卒來犯眾爲擊殺之吏按其事特爲患害家以是益貧  
先生不以動心爲學甚力自經史醫藥辨方卜日之書  
靡不精究置書冊滿座有隙暇未嘗廢讀鄉之子弟以  
束脩求誨每盡心焉其爲教尤以己所不欲勿施于人  
之語爲切要懇懇爲諸生言之又好施與 道園學古錄

李氏先緒

補  
孝子李先生季淵

李季淵字浩卿臨川人李氏之仲也李氏居宅之後有竹千百竿作亭其中名之曰環翠鄉先生孫履常書程伯子所賦環翠亭詩于其上使其父兄子弟覽觀而諷詠焉後先生與其從子本訪盧道園山中道斯亭之勝道園爲之記曰李氏之先有活人陰德竹之生意沛然似之李氏羣從子弟八九人皆好讀書伊吾庭戶聲若金石其秀挺玉立又庶幾近之且聞其好賓客琴書觴詠無虛日詩曰有斐君子如切如磋如琢如磨亦有從

李學案補遺 卷九十二

五十四明鏡書

約園刊本

容于猗猗之間者乎

道園學古錄

梓村謹案道園又爲君子堂記云臨川李本伯宗之大父以郡史從軍治屬縣數鄉之民旣而延鄉先生孫轍履常甫教二子於家齋舍在蓮池上履常取周子語題之曰君子亭二子卽先生與其兄伯源也

草廬同調

補  
文靖貢雲林先生奎

附錄

十歲輒能屬文及壯讀書并日夜忘寢食于經子史傳無所不治于其章義辭句類數名制委曲纖妙無不究

詣

大德六年中書奏授太常奉禮郎兼檢討上書言先王之制禮雖節文有經而本誠貴質惟不蔽于禮之文而得禮之意則可以對越而無慊不然煩爲之節無益也朝廷多采其議

丁祕監艱延祐元年服闋起除承事郎江西等處儒學提舉明年就官大書其坐之屏曰讀書之中日有其益飲水之外他無所求諸生講說文義爲師弟子揖讓周旋日匡坐堂上人見其色和其容謹其言繹繹有理趣退而燕處聞其哦詠之音若程工督計者故士之履恆滿戶外其及門者亦進不怠以止

雲濠謹案先生以天曆二年卒年六十有一贈翰林直學士追封廣陵郡侯謚曰文靖其所著曰雲林小槩曰聽雪齋曰青山漫吟曰倦游集曰豫章齋曰上元新錄曰南州紀行凡百有廿卷草廬書頁仲章文案後稱爲江南之英與吾鄧善之袁伯長俱掌撰述于朝各能以文自見云

補山長黃資仲先生澤

黃楚望語

唐人考古之功如孔穎達賈公彥最精密陸德明亦然宋代諸儒經學極深但考古之功却疏若以宋儒之精

用漢魏晉諸儒考古之功則全美矣

附錄

嘗見邵子論天地自相依附既以此思之因及河圖洛書渾天蓋天吾道異端不同之故以爲格物致知之端孰有大于此者晝夜思之弗得弗措也

教授江之景星洪之東湖考滿卽歸閉門授徒家人絕食不知所出而先生瞑目端居涵詠優游未嘗少變或與客談論終日揖讓如平時客不知先生未晚食也然終不降心以謀溫飽惟以經學失傳用是爲戚

宋學案補遺

卷九十二

三七

西明叢書

經國刊本

其于易以明象爲先惟因孔子之言上求文王周公之意爲主而其機括則盡在十翼作十翼舉要

嘗曰易有八卦有六十四卦有三百八十四爻有大象有小象有大傳繫辭有說卦有序卦有雜卦有河圖洛書蓍策之數學者當隨處用功各詣其極至于以一以貫之而後全易見矣

又曰古者占筮之書卽卦爻取物類象懸虛其義以斷吉凶皆自然之理乃上古聖人之所爲也文王周公作易特取一二立辭以明教自九筮之法亡凡著人所掌



者皆不可復見而象義隱微遂爲百世不遇之學矣乃作易學濫觴

雲濠謹案四庫書目著錄易學濫觴一卷提要言其說易以明象爲本其明象則以序卦爲本其占法則以左傳爲主大旨謂王弼之廢象數遁于玄虛漢儒之用象數亦失于繁碎故折衷以酌其平其中歷陳易學不能復古者凡十三事持論皆有根據云

其于春秋以事實爲先以通書法爲主其大要則在考覈三傳以求向上之功而其脈絡則盡在左傳作三傳義例考

其說易有常變而春秋則有經有權易雖萬變必復于

宋學案補遺 卷九十二

天四明叢書 卷四十九本

常春秋雖用權而不遠于經各以二義貫一經之旨

又懼夫學者得于創聞不復致思故所著書目雖多皆引而不發乃作易學濫觴春秋指要經旨舉略稽古管見示人以求端用力之方而易春秋全解則終身未嘗脫彙示人也其辨釋諸經要旨則有六經補注詆排百家異義則取杜牧之不當言而言之意作翼經罪言

其論周禮于官屬多寡之由職掌交互之故錯亂之說發尤精當其祭祀之法則兼戴記而考之作二禮祭祀述略禮經復古正言

吳草廬序六經補注曰楚筮貧而力學讀易春秋周官禮記爲之辨析補注弘綱要義昭揭其大而不遺其小究竟謹審灼有真見先儒舊說可信者拳拳尊信不敢輕肆臆說以相是非用功深用意厚以予所見明經之士未有能及之者也晚年見此寧不爲之大快乎予歎美之不足因以諭于學者蓋必于諸經沈潛反覆然後有以見其用工之不易用意之不苟云

趙東山狀其行曰先生寧使其學不傳于後終不肯自枉以授諸人是故能以數十年之勤盡究諸經于闕塞之餘而不能使聖人之心大明于天下後世蓋其道若是也豈非天乎

又序春秋師說曰黃先生所著經說曰六經辨釋補注曰翼經罪言曰經學復古樞要等凡十餘書所舉六經疑義共千有餘條其篇目雖殊而反覆辨難使人致思以求失傳之旨則一而已

又曰黃先生于春秋只令熟讀三傳于三傳內自有向上工夫謂二百四十二年之外自伯禽至魯國亡之春秋史官相承之法也二百四十二年之中隱公元年至

獲麟之春秋聖人之法也

梓材謹案四庫全書提要于東山春秋師說云明不忘所自也其作左傳補注序曰黃先生論春秋學以左邱明杜元凱爲主又作楚望行狀稱嘗考古今禮俗之不同爲文十餘通以見虛詞說經之無益蓋其學有原本而其論則持以和平多深得聖人之旨云

補典薄武先生格

雲稼謹案元史隱逸先生本傳云其從之學者多有所成

熊西雨先生復

熊復字庶可新建人以五經教授鄉里四方來學者常

數百人門人稱之曰西雨先生

南昌府志

宋東家補遺 卷九十二

三十四明鼓書

約閣刊本

附錄

草廬序先生春秋會傳曰三傳去聖未遠已失經意漢儒不合不公無足道千載之下超然獨究聖人之旨惟唐啖趙二家宋清江劉氏抑其次也徵嘗因三傳研極推廣以通其所未通而不敢以示人今庶可所輯會傳同者已十之七八諸家注釋未有能精擇審取如此者也

余先生國輔

余國輔金溪人輯經傳考異草廬序之曰以予之亦嘗

用力于斯也俾序其首又言所去取不悉與予同何當聚談細細商略以歸于至當之一

吳文正文集

貢氏學侶

貢先生仲堅

貢仲堅文靖之兄至治元年文靖謁告歸與先生奉母以居斂氣下聲昆弟相顧白首怡然

馬石田集

資中學侶

補李先生洞

李洞字旣之滕州人生有異質始從學卽穎悟彊記

宋學案補遺

卷九十二

三四明叢書

一綱圖刊本

爲文辭如宿習者姚牧庵以文章負大名一見其文深歎異之力薦于朝歷授奎章閣承制學士先生旣爲帝所知遇乃著書曰輔治篇以進文宗嘉納之會詔修經世大典先生方臥疾卽強起曰此大制作也吾豈可以不顧力疾同修書成旣進奏旋謁告以歸復除翰林直學士以疾不能起僑居濟南有湖山花竹之勝作亭曰天心水面文宗嘗敕虞道園製文以記之有文集四十

卷元史

草廬家學

補廉訪吳先生當

雲濠謹案元史本傳言先生卒年六十五諡忠烈

附錄

改國子助教勤講說嚴肄業諸生皆樂從之

梓材謹案經義考載先生周禮纂言云未見黃氏干頃堂書目謂其本大父之意爲是書又引陸元輔之說云羅一峯嘗言吳文正公考周官以正六典以大司徒之半補冬官之缺蓋取俞氏邱氏之論也伯尚書余未得見不審依古本爲注乎抑遽乃祖所定之次也

草廬門人

補文敏元先生明善

空齋集補遺 卷九十二

三四明叢書

約園刊本

元氏文集

夫槎者溝中斷也利小涉不大受也胡不虛其中使無不容牢諸外使無不載道爲之楫時爲之飄泊之于義渚繫之于德淵若然效大舟之實而不洩犯大水之運而不覆颯颯乎泚泚乎槎之進乎是者至矣

橫槎亭記

夫道不玄邈以爲高不空寂以爲深大則充周乎萬物小則流行乎一身法制謹嚴經權周密蓋不越易書詩春秋之外矣亦不離綱常事爲之間矣若夫盡學士之上達極聖賢之能事固非指顧可會文辭可判而君子

也而賢者也不諄諄歎德言曰君子德非徒德才言曰  
賢者才非徒才道明義足智周行圓其用而出也細不  
遺而鉅有措其舍而處也近者化而遠者格爲良臣爲  
大人爲節士爲真儒非由外假端在我爾無師而興固  
曰豪傑受業而成孰爲凡民 武昌路亭記

謂天無體舍日月星辰以求之并天亦無謂地無體舍  
水火土石以求之并地亦無蓋象于上者一不實天道  
廢矣形于下者一不實地道廢矣乾不一實感坤不一  
實應凡子于其閒者幾乎其熄矣而況于萬古之世億

宋元學案補遺

卷九十二

三四明叢書

鈔圖刊本

兆之人能不實而有其有哉雖然此徒以實觀之也天  
地之閒陰陽而止矣陽實也其體則虛陰虛也其用則  
實陽非虛物無以生陰非實物無以成故曰一實二虛  
還相體用惟虛也乃能受能受故神惟實也乃善出善  
出故化父道也母道也人物之以命相資也孰有壹之  
之理哉 虛室記

理學至宋九大儒言之可謂詳且明矣苟潛心于四書  
發之以近思錄而後進于易書詩春秋何理不窮以之  
修身治人聖賢事業不外乎是然理自難明言之易差

非明師良友講授之真幾何不有千里之繆哉

程氏四書章句

序

利固職起世亟羣懸息鈍乃德

古刻銘

梓材謹案馬石田爲神道碑稱其文有賦五詩凡一百六十三銘贊傳記五十九序三十雜著十五碑誌一百三十出入秦漢之間王阮亭居易錄引內閣藏書目錄載元清河集三十九卷有闕

附錄

陞翰林直學士知制誥同修國史有詔命節書文譯其  
關政要者以進公請與宋忠臣子集賢直學士文陞同  
譯潤書成每奏讀一篇上必善之曰二帝三王之道非

宋學案補遺 卷九十二

三四四明叢書

約編刊本

卿莫聞也

改禮部尙書正孔氏宗法以五十四世孫思晦襲封衍  
聖公事上制可之

草廬序元學士文彙曰學士自少負才氣蓋其得于天  
者異于人而又浸浸乎羣經蒐獵乎百家以資益其學  
增廣其識類不與人相同旣而任于內外應天下之務  
接天下之人其所資益增廣者又豈但紙上之陳言而  
已故其文脫去時流畦徑而能進古作者之道正矣而  
非易竒矣而非艱明而非淺深而非晦不狂亦不萎不

俚亦不靡也登昌黎韓子之堂者不于斯人而有望歟

梓材謹案草廬稱先生爲學士是未嘗以及門畜之然攷先生文集有吳幼清先生南歸序則固退

在弟子之列矣

補學士虞邵庵先生集

道園經說

昔者周公因堯舜禹湯之傳制典禮以成文武之業布之天下傳之後世周道之衰有司廢墜仲尼思周公之遺緒無其位以行之贊其辭于易載其蹟于書詠其聲于詩正其法于春秋而周公之制作盡在是矣

宋學案補遺

卷九十二

三五四明藏書

約園刊本

古人制作見于後世者學士大夫求之詩書易春秋而儀禮周官其專書也

道園集古錄

伏羲之卦文王申之神禹之疇武王詢之文無異也道無異也然而伏羲之作造化備矣何以有待于文王武王之心神明通矣何以猶待于箕子然則羣聖之奧有待于後世者猶無窮乎

廷試策問

昔者儒先君子論道統之傳自伏羲神農黃帝堯舜禹湯文武周公至于孔子而後學者傳焉顏子歿其學不



傳曾子以其傳授之聖孫子思而孔子之精微益以明著孟子得以擴而充之後千五百年以至于宋汝南周氏始有以繼顏子之絕學傳之程伯淳氏而正叔氏又深有取于曾子之學以成己而教人而張子厚氏又多得于孟子者也顏曾之學均出于夫子豈有異哉因其資之所及而用力有不同焉者爾然則所謂道統者其可以妄議乎哉

自濂洛之說行朱氏祖述而發明之于是學者知趨乎道德性命之本廓如也而從事于斯者誦習而成言惟

日不足所謂博文多識之事若將略焉則亦有所未盡者矣況乎近世之弊好爲鹵莽其求于此者或未切于身心而攷諸彼者曾弗及于詳博于是傳注之所存者其舛謬牴牾之相承旣無以明辨其非是而名物度數之幸在者又不察其本原誠使有爲于世何以徵聖人制作之意而爲因革損益之器哉

以上鶴山書院記

夫經也者無待于尊而常尊者聖人之心之所著也聖人之道之所載也通三才之知以知變化之本極經綸之妙吾心之運口又未始與聖人異也有能知其心之

大而尊之者乎由其道以推致聖人之至者乎是則尊經之大者

尊經閣記

今夫天道之行也必有斂肅以啓發生之機人之爲學何可無所涵養以爲動而泛應之地乎苟自始及終無一息之靜則隱微之間動機之發亦何以察其辨而致其力況于風靡瀾倒潰冒衝突而後從而制之將何及乎

大本堂記

無欲故靜靜之一言因人道以觀天之道最爲深著夫耳目口鼻之接飲食男女之際喜怒哀樂之發人之所

朱子家語遺

卷九十二

三毛洞明叢書  
約圖刊本

不能無者也而遽曰無欲豈易言哉孟子曰養心莫善於寡欲寡之云者未能盡至于無也周子曰寡焉以至于無是知寡欲者學者求爲無欲之漸也艮之彖曰艮其背不獲其身行其庭不見其人釋者曰外物不接內欲不萌此求爲無欲之道乎二程得周子其教人直以敬之一字而便從事焉知主乎敬則可以馴致于無欲

矣  
主靜齋記

古之學者于其先師則有釋奠釋菜之禮焉非廟之謂也前代之制夫子南面以其門人配而廟食于學宮我

國家因而推用之日以盛大賢守令有意于民事者必先用力于廟學謂之知本夫廟無與于學也然而道統之傳在是矣學于此者誦其詩讀其書習禮明樂于其間誠其道也不敢不俛焉以盡其力非其道也不敢雜然以妄用其心聖賢去之千載求諸彷彿之形容以端其所嚮導焉所繫不已重乎

新昌州重修儒學宣聖廟記

古之所謂學者無他學也心學而已耳心之本體蓋足以同天地之量而致用之功又足以繼成天地之不能者焉舍是弗學而外求焉則亦非聖賢之學矣然而其

宋學案補遺

卷九十二

三六

四明叢書

約園刊本

要也不出于仁義禮智之固有其見諸物雖極萬變亦未有出乎父子夫婦君臣長幼朋友之外者也故曰聖人者人倫之至而已聖人至而我未至故必學焉求其所以至則心思焉

思學齋記

志苟立矣雖至于聖人可也昔人有言曰有志者事竟成又曰用志不分乃凝于神此之謂也志苟不立雖細微之事猶無可成之理況爲學之大乎

尙志齋記

請以人事論之月到天心清之至也風來水面和之至也今夫月未盈則不足于東旣虧則不足于西非在天

心則何以見其全體譬諸人心有絲毫物欲之蔽則無以爲清墮乎空寂則絕物又非其至也今夫水滔滔汨汨一日千里趨下而不爭滯而爲淵注而爲海何意于衝突一旦有風鼓之則橫奔怒激拂性而害物則亦何取乎水也必也至平之水而遇乎方動之風其感也微其應也溥渙乎至文生焉非至和平譬諸人心拂嬰于物則不能和流而忘反又和之過皆非其至也是以君子有感于清和之至而永歌之不足焉

天心水面亭記

聖人之教人蓋以詩爲學矣孔子說豎民之詩曰爲此

卷九十二

三十四

詩固刊本

詩者其知道乎故有物必有則民之秉彝也故好是懿德戰戰兢兢如臨深淵如履薄冰曾子之所以終身也鸞飛戾天魚躍于淵子思之所以明道體也不以文害辭不以辭害志以意逆志是爲得之孟子之所以說詩也是以程子之于詩也嘗默推一兩字而誦之使人自解又曰今之學者未見意趣必不樂學欲以三百篇教之歌舞恐未易曉欲別作詩令朝夕歌之似當有助其意一也聖賢之於詩將以變化其氣質涵養其德性優游騷賦詠歎淫泆使有得焉則所謂溫柔敦厚之教習

與性成庶幾學詩之道也

鄭氏毛詩序

先正魯國許文正公實表章程朱之學以佐至元之治天下人心風俗之所係不可誣也近日晚學小子不肯細心讀書窮理妄引陸子靜之說以自欺自棄至欲移易論語章句直斥程朱之說爲非此亦未有見于陸氏者也特以文其猖狂不學以欺人而已此在王制之必不容者也

送李彥方闢憲詩序

百十年前吾蜀鄉先生之教學者自論語孟子易詩書春秋禮皆依古注疏句讀授之正經日三百字爲率若

宋章棻補遺

卷九十二

四十四期叢書

新園刊本

傳注史書文章之屬必盡其日力乃止率晨興至夜分不得口以爲當持身以尙孝友悌忠信厲節義爲事其爲文多尙左氏蘇子瞻之說及稍長而後專得從于周程之學焉故其學者雖不皆至博洽而亦無甚空疏及其用力于窮理正心之學則古聖賢之書帝王之制度固已先著于胸中及得其要則觸類無所不通矣

送趙茂元序

易書詩春秋禮之爲經五儒者蓋莫不欲通焉漢之專門名家則亦已固矣而先儒之說曰先通一經而明則

餘經可得而通也既而又有言曰論語大學中庸孟子之說通則諸經可得而通矣此皆要言也

送朱德嘉序

約之爲文從系蓋束絲之文也故凡斂束之事舉借用之如約束約信窮約之類是也易所謂納約自牖約信也孔子所謂不可久處約窮約也此以事言者也卽學而論之孔子又謂以約失之者鮮此約也不侈然自放之意取乎斂束者也顏子之約禮謂其所知既博其要在於復禮是約也猶云要也孟子謂曾子守約者對守義而言猶云守義守乎義則所守者約又謂反說約者蓋以說爲言自博而說歸乎約耳此數者文義雖不大相遠所指之地則異亦不得比而同之

約齋跋

宋王學案補遺

卷九十二

學二四明錄書

約圖刊本

吾聞君子之治乎斯民也作而新之如震斯驚時而化之如澤斯溥于以致雷雨滿盈之功于以成天地變化之道是故勇以發至仁之心誠以通至神之迹則善體物者矣

所翁龍跋

附錄

公五齡夙慧避地無書母楊夫人能倍誦論孟及春秋左傳歐蘇文之常誦者口授輒成誦九歲還長沙始得

墨本而公已悉通大意

故國名卿學士多寓是邦公入則受教家庭出則從諸公游于經傳百氏之說帝王之制有國家者興衰得失之由與其爲之之術無不學焉而典故沿革世家爵里考覈于近代者尤精詳

嘗與弟槃屏居一室日講所學因讀邵子書有契題其字曰邵庵故四方稱爲邵庵先生

嘗言先儒于致知之目其考乎二氏者皆將有所辨正非博聞之謂也蓋嘗接其徒扣其所以爲說然後歎夫

宋學案補遺

卷九十二

四三圖明叢書

一統圖刊本

聖人之教不明學者無所據依以爲下學上達之地而欲切究性命之原死生之故其不折而歸之者寡矣

先生自贊畫像曰邈乎千載之下而謂古今一時也眇乎五尺之軀而謂天地一體也廓乎不自知其所知也欲乎未能至其所至也俛乎若憂非有傷乎其內也泊乎若休無所待乎其外也服今人之服食今人之食同乎今之人聊以順吾際也讀古人之書誦古人之詩思夫古之人不知老之至也

趙東山狀其行曰成均之士數百人多宗戚子弟施教

者每不安厥職公爲助教卽以師道自任申國學之成法以嚴正大之規本聖賢之遺書以發精微之蘊明事理之是非通輕俗于性情修辭者陳義必精辨惑者無微不顯學者資質不齊俱獲其益有志者待公之退多挾策趨門下者以卒其業他館之士靡然宗尙多相率詣館下請益爲之師者一無閒言

又曰公于諸經之說不專主一家必博考精思以求致用之道謂易因卦立言暢于周公究于孔子首尾完具生乎千載之下而仰觀千載之上以凡人之資而欲窺

見天與聖人之道不可下此而他求也嘗得江東謝仲直氏傳授之說以先天八卦圓圖爲河圖九數而九位爲洛書而十數而五位者爲五位相得之圖心雅善之或請著論以伸其說則曰易道廣大何所不該誠得其自然之數則無往不合也然先儒有成言焉當存之以俟知者其不苟異如此

又曰臨川吳公當弱冠時卽以斯道自任據經析理窮深極微莫之能尙也及乎壯歲猶幡然以爲非是知類入德之方上達日新之妙蓋有同遊之士所不及知而



公獨得聞之者矣吳公沒其書大行讀者各以所見求之往往失其本真公每爲推本吳公成己之要以告人而後願學者得以致其意焉

陳石士師擬虞道園翰林珠玉集序曰抑嘗讀公所爲送李彥方閩憲詩慨國初許文正表章程朱之功而其學者或顯背謗毀之欲彥方之有以正其俗汲汲然以明道爲己任此其用意之深遠尤非詩人所能及矣

補參政貢玩齋先生師泰

宋元學案補遺 卷九十二

四明叢書

約園刊本

梓材謹案先生門生朱繼爲先生紀年錄云延祐閒雲林公待制翰林以公從學國冑時雪樓程公草廬吳公子翬魯公伯生虞公元功歐陽公相繼爲監官公游諸公閒涵濡漸漬所得者深是先生固諸公門下士也

貢玩齋集

伏羲觀馬圖而畫卦神禹因龜書而敘疇至我夫子繫易乃謂河出圖洛出書聖人則之則圖書似皆爲畫卦出而敘疇若無與焉此千歲之下辨議紛紜雖更周邵程朱諸大儒之論猶莫知所適從也況九疇之傳錯出乎五皇極之下蔡氏著書竟莫之正是學者不能無惑

焉 胡氏定正洪範集說序

夫我于天地間亦萬物之一也以一較萬其猶稊米之于太倉乎以萬歸一其猶太倉之于稊米乎故凡形色之可接者聲音之可求者氣類之可感者其數無窮也其變莫測也固非一身之所能備也而不知自物觀物則物物也物且萬萬也自我觀物則物豈外我一身哉且人也物也同得陰陽五行之氣以成形也亦同得陰陽五行之理以爲性也何其正通偏塞之不同耶蓋知覺運動之蠢然者物與人固無異也仁義禮智之粹然者人與物果無異乎是以散之爲萬殊斂之爲一理以一貫萬其所以爲備也亦大矣雖然體之而不實則羣疑之起足以害吾道行之而非恕則一念之私足以戕吾仁若然則一自一烏乎萬萬自萬烏乎一非知道者其孰能與于此

備萬齋記

附錄

公淳篤溫厚樂易可親所至之地學者雲集雖在官次教亦不倦前後受業于門者凡數百人

公在京師揭先天六十四卦圓圖于壁而虛其中禮部

員外郎程文名之曰玩齋故學者皆稱爲玩齋先生云  
延祐二年文靖提舉江西儒學公從行時吳文正公儼  
國子司業歸鄉里受業其門文正深許之

程黜南序東軒集曰先生脫吳門之難棲遲海上者三  
年益得肆其問學之功及丞相迫起之不得已爲兩浙  
運使才志又不得以大展則抑遏隱忍以就筆硯之末  
載其道于書故其陳義之高屬詞之密深厚爾雅又非  
前日友迂玩齋之比矣

余忠宣序泰父文集曰夫古之賢士多不兼于文藝文

宋元學案禮遺

卷九十二

學古四明叢書

約圖刊本

藝雖卑而世亦貴而傳之者愛其人不賢者之于文  
藝雖極其精人猶將賤之亦何以爲也泰父忠孝人也  
其功名事業當不待文與詩而傳而況于兼有之耶

王忠文序玩齋文集曰公之先君子文靖公在延祐中  
與諸公齊名公克承家又早游上庠受業諸公間故其  
問學培植深厚見于文章者氣充而能暢辭嚴而有體  
講道學則精而不鑿陳政理則辨而不夸誠足以成一  
家之言而繼前人之緒矣

補  
學士鮑西溪先生殉

梓材謹案先生著有學易舉隅三卷四庫書目著錄經部存目提要云仲子崇德人登至元乙亥進士薦爲翰林不就又云明史吳伯宗傳稱與吉安余詮高郵張長年登州張紳同薦恂年八十詮年亦七十並命爲文華殿大學士皆以老疾固辭遂放還惟紳授鄆縣教諭後官至布政使則恂固未嘗仕明陶宗儀輟耕錄載恂恂以妻父建德知縣俞鎮之力資緣中浙江鄉試第十四名考其籍乃嘉興其年乃至正甲申蓋名姓偶同非此鮑恂也

補州同夏先生友蘭

梓材謹案先生初名九鼎從草廬于國子監又得自從集賢大學士李公遊見草廬所作墓志

附錄

家居之儀時祭之禮一遵司馬氏朱氏所定

宋元學案補遺 卷九十二

聖朝明叢書

約園刊本

補袁樓山先生明善

雲濠謹案趙東山行狀言有袁誠夫者文正公高弟緝師說爲四書日錄旨意與朱子多殊請商訂先生爲條別是非數萬言袁公心服多所更定云又案虞道園志其父墓云某老病家居延明善于家塾使子弟執經而學焉是所謂教授于邵庵之門也

附錄

朱楓林跋中庸旁注曰中庸經朱子訓釋之後說者亦多其間最有超卓之見者饒氏也有融會之妙者思正李先生也精于文義切于體認者樓山袁氏述吳氏之說也

補 李先生本

附錄

虞道園記君子堂曰予與伯宗游已數年今歲留山居者踰月察其不自安于眾人之習真欲自致于君子靜而不滯進而不止有初有終庶幾無媿于斯堂者乎幾微之先歧路之差別不可以不慎也姑記其說而相與切磋琢磨以求其成焉

梓材謹榮道園嘗爲其大父仲華墓表云予過臨川有諸生李本來謁循循進退有學者之風先生爲道園學古錄後跋自稱門人則先生固自列于虞門矣

李學案補遺

卷九十二

四十四明叢書

約園刊本

又送之序曰昔者臨川吳公之講學無間于出處學者之及其門南北數千人既老就養郡庠語其門人曰吾郡庶有才俊之士乎郡之子弟無不得見焉伯宗得見公時年將三十未一年而公沒集之歸至斯郡也已不復見公庶及閒暇有所質問焉則無及已此伯宗之見予而深歎之者也

又曰蓋吾聞伯宗之爲學也取論語孟子大學中庸集注章句句句而誦之字字而索之不敢有閒也其于易詩書春秋禮記取先儒訓義以通之循環誦讀率數月

一周其後專取程氏遺書晝誦夜維旁及諸儒之文字  
言語參攷密究如此者又數年矣不敢以處家之難應  
事之雜而少廢也懼夫獨學之寡聞也求諸十室之近  
焉推之百里之遠焉猶懼夫輔己之未足也今茲又將  
游行于四方以觀乎都邑之大而取友焉韓氏之言曰  
業精于勤荒于嬉若伯宗者其無荒于嬉也哉

補  
李先生棟

雲濂謹案先  
生字伯高

附錄

宋元學案補遺 卷九十二

四明叢書

約園刊本

虞道園送之序曰本來居月餘予爲著君子堂以勉之  
後一月棟又來而云將游學于四方也夫子弟生于陰  
德之門譬諸草木生于沃壤其所因者厚矣然而嘉穀  
芳草之生有待于人力非若稂莠稊稗易于蕃茂也棟  
嘗學詩乎詩曰芄芃黍苗陰雨膏之言欲其潤澤長養  
之深也又曰芃芃棫樸薪之標之言有成材人將用之  
有不待己之求也又曰蒹葭蒼蒼白露爲霜蓋言其時  
至而器成則其所至亦遠也

梓材謹案先生兄弟儒林宗派皆列吳氏之  
門然觀道園之序並以名稱似亦虞氏門人

補 徵君朱先生夏

雲濠諱案先生嘗以春秋中延祐丁巳  
鄉貢進士舉王忠文公嘗序其文集

附錄

元會之學精敏闡博以明理爲本原講辨論議之際悉  
尊信其師說

補 楊玉華先生準

梓材謹案先生泰和人蕭元齋楊賢可之  
師楊達觀爲泰和鄉先生蓋卽先生也

補 通判皮先生潛

梓材謹案草廬年譜元貞十一年六月如臨江路  
病至百日止門人清江皮潛家文正集有送皮潛

宋元學案補遺 卷九十二

辛 四明叢書

約園刊本

赴官序有作  
皮潛者誤

補 鄉舉解先生觀

修史上書

天朝平金在先而事體輕平宋在後而事體重議者乃  
欲以先後爲尊卑而不知本輕重以正其大體夫今之  
職制先至者居右議者之論蓋本乎此臣愚觀之先至  
者宜居右先去者可居右乎正猶人家長幼先生者爲  
兄先死者得爲兄乎推之于國先興者爲尊先亡者得  
爲尊乎此先後之論所以不通也

有宋則及于漢而過唐其君則有若太祖太宗眞宗仁  
宗有若高宗孝宗皆賢明之主其大臣則有若李忠定  
公張忠獻公趙忠簡公皆傑出之佐論道學則有周程  
張邵朱呂之繼統論文章則有歐蘇王曾之名世論逸  
隱則有陳搏魏野林逋之清高論忠義則有若李若水  
楊邦乂李芾文天祥之死節有若趙韓王李文靖公寇  
萊公王沂公有若范文正公富鄭公韓魏公司馬溫公  
類皆炳炳烺烺足以追跡三代漢唐比之隘矣至于遼  
則與宋相鄰者百五十年金則首末百二十年遼惟聖  
素定恐非人力所得而繼續增損也

宗興宗二主歷九十年金惟世宗章宗二主歷四十餘  
年皆與宋講和號爲承平然以元魏孝文興禮樂崇文  
治方之恐猶有逕庭也然則宋之爲宋比之漢唐有光  
遼金之爲遼金比之元魏而猶慊譬之鳧鶴短長其天  
或者曰金人嘗甘心于徽欽靖康統絕則金當續矣臣  
愚應之曰周幽王嘗陷西戎之難平王東遷宗周黍離  
矣仲尼作春秋乃始明尊周之大義則周之統未嘗由  
幽王而遂絕也晉懷愍亦罹青衣之辱元帝南渡神州



陸沈矣朱子作綱目亦復帝晉則晉之統未嘗隨懷愍而遂亡也聖賢經世立法正以存天下之大防焉耳或者又曰高宗不能復讐嘗屈節稱臣于金豈復得居正統臣愚又應之曰唐高祖稱臣于突厥矣然頡利卒爲太宗所擒唐之統固自若也而何有突厥晉高祖稱臣于契丹矣德光入汴卒不得與漢爭則晉統自有繼之者而何論乎契丹大抵倉卒舉事不能仗義自立而屈己稱臣于人豈待智者而知其失策故繼世之君幸而如太宗則立雪其恥不幸如出帝則自底滅亡然而中夏有主則一夫之存亡固不容以變其統此五代史記所以係漢係周而初無與于契丹也

附錄

幼警敏嗜學不以食息廢大父莊山先生藏書萬卷先生竊讀殆遍受學于季大父主靜先生主靜善導誘與嘗舉所見朱儒諸老宿德儀刑嘉言善行先生益自刻苦天文地理兵刑曆律靡不精究尤深于易考宋史如指掌吳文正以宋書屬之嘗于虎邱山講學後又建東山書院于金釵嶺扁曰麗澤齋弟子自遠至者甚眾

明文

海

補 教諭黃先生盅

梓材謹案先生乃文正孫婿見文正神道碑虞道園為作大本堂記亦止云其後得婿公門未云以子妻之也又道園學古錄題跋有云宜春黃氏之先以澄陂名其堂余嘗為記之其子虛子中自其少時受學于臨川先生之門蓋有聞焉于是又欲予廣澄陂之義故為之言如此

補 王先生邴

梓材謹案揭文安為文正神道碑言中山王圻輩受業蓋卽先生猶詩所父書作圻父爾

補 李先生擴

雲濠謹案虞道園送之序謂李擴事吳先生最久先生之書皆得授而讀之先生又嘗使來授古文

聖學案補遺 卷九十二

五十四明徵書

狗園刊本

故于侯尤親近時蓋以國子學生將命以官云

補 文忠包先生希魯

雲濠謹案先生著又有易九卦衍義

補 熊萬初先生本

附錄

虞道園序先生舊兩集曰僕至郡少俊之士多不鄙來見問之多出萬初之門雖其後更他名師而篤實有質行多吾萬初所啓也然則文豈足以盡知吾萬初哉

補 州判許先生晉孫

雲濠謹案黃文獻詩先生墓言其弱冠游京師或  
介以謁趙文敏公又因文敏徧游大人先生之門  
以薦補國子學生一  
時名師儒皆大奇之

補  
饒先生敬仲

附錄

虞道園序其詩曰敬仲遺予五言長詩凡百韻陳義之  
大論事之遠引援乎往昔聖賢之業鋪張乎一代文章  
之體縱橫開合動蕩變化可喜可駭可感可歎及觀其他  
作往往不異乎此而此千言者尤足肆其馳騁云嘗著  
書一編述山水之情性臨川亟稱之首爲之序以傳于

宋元稟稿遺

卷九十二

善道四明叢書

約園刊本

世

縣尹虞先生槃

虞槃字仲常伯生之弟也延祐五年第進士授吉安永  
豐丞除湘鄉州判官秩滿除嘉魚縣尹卒先生幼時嘗  
讀柳子厚非國語以爲國語誠可非而柳子之說亦非  
也著非非國語時人已歎其有識詩書春秋皆有論著  
而春秋乃其家學故尤善讀吳草廬所解諸經義輒得  
其旨趣所在草廬亟稱之

元史

仲常遺文

學者敏于修而已敏于修則體無不具而用無不周其亦有外此而可以言學者乎孟子曰聖人百世之師也伯夷柳下惠是也伯夷柳下惠無以異于眾人也而可以爲百世之師者何哉修其身而已耳

蔡君字說

附錄

道園誌其墓曰于詩于書考諸傳注常病其傳襲爲說而無以知古昔之意皆定著其說凡數十篇其學尤粹于春秋以爲諸傳不足以得聖人之旨亦別著爲書尤病左氏之夸于辭而謬于實也遂并史漢之謬而論之

宋元學案補遺

卷九十二

五十四明叢書

約園刊本

梓材謹案道園所作誌文有云至撫之崇仁先君有友曰吳公澄幼清氏先夫人曰此大儒非常人比故我兄弟雖學于家庭而仲常常深究力攷已爲吳公所知據此似先生特草廬私淑弟子而萬姓統歸以爲同遊草廬之門

皮時中先生濛

附子霖

皮濛字以亨平江判官昭德之弟也嘗築別室里第之南數十步堂成求名於草廬乃題其堂曰時中又爲之辭焉後數年先生卒又數年堂燬而辭亦亡其子霖思先人之遺意更卜構堂仍其舊名請道園以意申之

道園

學古錄

解山泉先生蒙

解蒙字求我吉水人與兄觀我治易有名江鄉閒先生  
著有易經精蘊季通亦其兄弟也有易義

經義考

易精蘊大義

頤養之道以安靜爲無失二三動體故顛拂而凶四五  
靜體故顛拂亦吉震三爻凶艮三爻吉可見

頤六三

恆有二義利貞者不易之恆所以體常利有攸往者不  
己之恆所以盡變天地聖人所以能恆者以其能盡變  
也

恆象

寒學案補遺

卷九十二

五

四明叢書

約園刊本

梓材謹案春兩學士表劉章江墓云縉之家學傳  
于東山楊先生靜春劉先生四傳而至季大父伯  
中先生觀仲正先生蒙又講于吳文正公慨然有  
得精思力踐所至門人弟子靡至而從之乃建學  
舍于里東山之下四方之人畢集焉據此則先生  
亦在草廬之門矣

梓材又案先生字求我江西通志作字來我以字  
形相近而誤一字仲正蓋亦吳文正所更號山泉  
先生見學士送姚大同歸襄陽序四庫書  
目著錄易精蘊大義十二卷永樂大典本

平章董先生士選

董士選字舜卿棗城人忠獻文炳次子也幼從父居兵  
閒晝治武事夜讀書不輟宋平班師詔置侍衛親軍諸  
衛以先生爲前衛指揮使號令明正得士大夫心夫幾

以其職讓弟帝以先生同僉行樞密院事于湖廣久之  
召還歷爲江浙行省右丞遷汴梁行省平章政事又遷  
陝西先生平生以忠義自許尤號廉介自門生部曲無  
敢持一毫獻者治家甚嚴而孝弟尤篤時言世家有禮  
法者必歸之董氏其禮敬賢士尤至在江西以屬掾元  
明善爲賓友旣又得吳草廬而師之諸老儒及西蜀遺  
士皆以書院之祿起之使以所學教授晚年好讀易潛  
然終其身

元史

### 學士曾滄海先生堅

宋元學案補遺

卷九十二

五七四明叢書

一物園刊本

曾堅字子白臨川人其族分自南豐父祖皆宋進士書  
詩之業遠有端緒先生旣承家庭之訓又出從元夫鉅  
儒游鑽研六經孳孳惟恐弗力聞吳文正公講學華蓋  
山裹糧往叩之胸中疑難一旦冰釋後擢進士助教國  
子修撰翰林出任江西行省郎官入成均爲丞遂升司  
業進詳定副使拜監察御史已而復爲副使改翰林直  
學士而卒其文刻意以文定爲師宋潛溪序其文集稱  
其剛明正直政事多可書云

宋文憲集

梓材謹案先生嘗爲舒文靖公墓田記又序薛毅  
夫四明洞天丹山圖詠集自稱滄海逸史臨川曾

堅序有云余再以使事航海出慶元洋故得爲文靖墓田記也經義考有曾氏堅詩疑大鳴錄一卷黃氏千頃堂書目以爲吳江人仕元爲禮部員外郎徐達克元都同學士危素等出謁軍門太祖仍命原官後洪武初歷官雲南左布政使至宣德時尙存蓋與先生同姓名者非一人也

儀司曾先生塾

曾先生欽 合傳

蕭先生泉 合傳

州同黃先生常 合傳

曾塾樂安人因游京師蒙古國子監以弟坦長其地充侍儀司之屬嘗與兄之子欽及里中士蕭泉將同知耒

朱石學案補遺

卷九十二

至八四明叢書

約園刊本

陽州事黃常皆及草廬之門 文正文集

鄉貢吳先生尙志

周先生濂 合傳

吳尙志吁江人草廬禮記纂言纂成請鈔木遂與草廬之甥周濂集同門之士相與成之 禮記纂言跋

梓材謹案吳先生與朱禮德嘉並吁之鄉貢進士蓋德嘉以詩舉而先生以禮舉也虞道園送以序云聖人之教其子也學詩學禮而已爾集是以命弟子學詩于德嘉矣然則學禮者其將求之于尙

志平

王先生子清

王子清字寅叔金陵人皇慶初吳草廬以疾尋醫過金陵先生授之館執弟子禮而請學焉草廬稱其爲學不卑卑于世儒記誦詞章之習上慕古之聖人賢人而爲師可謂特見卓識而不得年以死是可慨也

吳文正集

參政蘇滋溪先生天爵

詳見靜修學案

參政周堅白先生伯琦

周伯琦字伯溫饒州人自幼從父待制應極宦遊京師入國學爲上舍生積分及高等去以蔭授將仕郎南海縣主簿三轉爲翰林修撰改宣文閣授經郎教戚里大

宋元學案補遺

卷九十二

五十四明藏書

綱目刊本

臣子弟每進講輒稱旨帝以先生工書法命篆宣文閣寶仍題扁宣文閣及摹王羲之所書蘭亭序智永所書千文刻石閣中嘗呼其字伯溫而不名會御史奏風憲宜用近臣特命僉廣東廉訪司事八年召入爲翰林待制累陞直學士除兵部侍郎與貢師泰同擢監察御史兩人皆南士之望一時榮之遷崇文太監兼經筵官出爲江東肅政廉訪使長槍鎖南班陷寧國先生與僚佐倉皇出走至杭州除兵部尙書改浙西肅政廉訪使丞相達識帖睦爾承制假參知政事招諭平江張士誠留



平江者十餘年士誠旣滅乃歸鄱陽尋卒先生博學工文章而尤以篆隸真草擅名當時嘗著六書正譌說文

字原二書又有詩文彙若干卷

元史

粹材謹案先生所著名堅白居士集亦名近光厯從集宋潛溪誌其墓云補國子生事吳文正公鄧文肅公虞文靖公于司業博士座下作野菊賦元文敏公稱之輒有名又云僉廣東廉訪薦處士陳明等六人于胡建豐湖白鶴二書院以祀蘇文忠公軾羅文質從彥拜監察御史薦中外官一百二十七人舉士二十五人襄襄不阿大臣皆嚴憚之雲濠謹案四庫著錄先生說文字原一卷六書正譌五卷提要云是二書前有字文公諒總序說文字原之首有自序又言此二書推衍說文者半參以己見者亦半瑕瑜互見通蔽相仍不及張有復古編之精密而亦不至如楊桓六書統之淺雜又

宋元案補遺

卷九十二

李四明叢書

約園刊本

陳先生禧

陳禧□□人著有周易略例補釋一卷草廬序之曰禧年甚少而篤志于經世武功而從事于文諸侯之子而齒于庶士以共學是其天質之異于人者也

經義考

張先生恆

張恆汝南人臨川吳草廬弟子善談名理

宋文憲集

粹材謹案先生爲草廬孝經章句後序稱草廬南還次廣陵郡子訪道詎經者日至恆往受業焉序

文甚詳  
不具載

陳先生珪

陳珪字伯高□□人生長素封之家而無膏粱紉綺之態既成章詣草廬讀書草廬每日談辨從旁竊聽悉能悟解卒年十九

吳文正集

曾先生仁

曾仁草廬學者元統元年草廬疾作召之曰生死常事耳須使吾子孫知之

文正年譜

山長康先生震

柴堯學案補遺 卷九十二

空四明叢書

約園刊本

康震字宗武泰和人嘗從吳草廬劉申齋學草廬孫湖廣左丞當薦爲慶陽書院山長秩滿當遷以親老歸作莊山書院招延學者館教之有思治集藏于家

吉安府志

教授吳平齋先生皋

吳皋字舜舉臨川人宋履齋丞相六世孫早師草廬得爲學之要文章森嚴有法教授臨江遂占籍焉號平齋

有吾吾齋類彙

撫州府志

柳先生從龍

柳從龍字雲九江人志行卓然年長于草廬而學于

草廬家闕闈之閒築精舍曰靜虛晨省之暇玩聖賢之書草廬爲作靜虛精舍記

江西通志

學諭唐先生術

唐術字景行永豐人博通經史刻志勵行從吳文正公遊深相契合至正庚寅中乙榜授宜春學諭元季兵亂先生仗義率眾以圖保障執于賊大罵不屈遂遇害

羅

集峯

進士李先生路

進士李先生岳

合傳

宋元學案補遺

卷九十二

空三國明叢書

約園刊本

李路乙卯進士李岳戊午進士從草廬遊草廬病其名之不雅馴爲之更名

吳文正集

梓材謹案文正送舒慶遠南歸序有云河間李岳及吾門以治周易義應舉

鄒先生志道

鄒志道宜黃人至元二十五年文正授徒宜黃縣明新堂鄰境有警乃奉母游夫人寓其舊廬

文正年譜

張先生達

達中山人元貞五年吳文正授應奉翰林文字同知誥國史院編修官辭去先生與同郡王圻河西張恆

輩皆從受業焉 揭文安集

吳先生浚

吳浚字德普崇仁貳令之孫草廬爲字說以教之 吳文正集

縣尹王起巖先生起宗 附詳靜清學案

鄭先生世忠

鄭先生教忠

鄭先生保忠 並見張祝諸儒學案補遺

王先生進德

王進德金陵人吳文正門人延祐五年遣集賢修撰虞

宋元學案補遺 卷九十二

奎三四明鏡書

約園刊本

集奉詔召文正于家行至儀真病作不復行渡江留其

家新書塾 道園學古錄

教授焦先生位

焦位字致中進賢人遊吳草廬之門授書經以純孝聞

洪武初辟池州教授 南昌府志

陳天倪先生徵 附兄誠善

陳徵字明善廬山人蘊懷瑰琦不屑屑求世用嘗讀莊

周氏書至曰和之以天倪因之以曼衍故以天倪爲自

號先生爲黃松瀑先生之甥幼嘗從草廬吳先生學取

宋相古心江公孫女其兄誠善亦厲志苦學正思齋文集

史先生師魯

史師魯燕人寓真州從草廬學稱其恪愿文正文集

喻先生立附師皮季賢王佐才龍觀復

喻立清江人延祐丙辰夏與何太虛中始識于封溪之上問何師曰師皮季賢氏則太虛友人也又嘗之武昌從王佐才龍觀復遊將造臨川山拜吳先生請一言以詔太虛歎曰子奚見吳先生為曰科舉外也雖求之不敢必得先生之學內也非必求安且得之能立距先生不十舍許願執箕膺楪而拚焉時先生之講說或聞一言守之終其身而不失豈不可乎知非堂彙

譚先生觀

譚觀臨川人草廬門人著有學庸輯錄四書通義引用

梓材謹案先生為文正孫壻見文正神道碑

戴先生順

戴順字德昌臨川人草廬門人同著學庸輯錄四書通義引用

姓氏

鄔先生遠

鄔達字達卿臨川人草廬門人同著學庸輯錄四書通義引用

氏姓

范先生一漢

附師劉福遠

范一漢字明善永豐人年十二三能文篤志道德性命之書能服行其言事父兄若交朋友信遇宗族鄉里之長者恭未及壯有學行辭章廩廩趣志成人初師里士劉福遠習舉業精熟尋執贄臨川吳先生門學諸經說大稱穎悟年二十五卒歐陽圭齋集

國子葉先生恆

見下虞氏門人

宋元學案補遺

卷九十二

空四明叢書  
約圖刊本

縣尉明安達兒先生

明安達兒樂安邑尉夏友蘭與之志同意合俱造草廬

之門受學

文正文集

道園講友

補待制杜清碧先生本

梓材謹案閩書張仲純理嘗從先生于武夷盡得其學又案先生講友不止一人其記懷友軒云皇慶初年以御史大夫木公薦在京師于時張君伯起以甲子科校書祕省詹君景仁亦辟掾貳公府三人者暇輒相從以問學切磋爲事云

編修曾先生巽申

曾巽申字巽初廬陵人本武城人邨公之高也少敏于學事親孝待兄弟宗族有禮慈而愛物兢兢然惟恐傷之好讀書手不釋卷著書滿家尤好內典體甚清羸終歲之閒齋居之日十九夜半卽起讀書至旦無曠廢愛古器物名書盡購之不計其貲嘗作武城書院于鄉聚族黨子弟而教之著鹵簿圖五卷書五卷郊祀禮樂圖五卷書三十卷至大間上之太常奏爲大樂署丞會其兄德裕告病歸同還西江之上延祐元年中書用御史集賢薦除遼陽等處儒學副提舉未上史館留爲編修官著周易治鑑及充廣郊祀鹵簿舊說繪中道外仗等圖循進奏爲翰林應奉文字知制誥兼國史院編修官未幾歸天曆二年以集賢照磨召薦爲太常博士未報三年閏七月遽以寒疾卒平生所著述自上進之外有志美集成三卷心性論理氣辨經解正訛合若干卷崇文鹵簿志十卷明時類彙若干卷超然集若干卷韻編杜詩若干卷補注元遺山詩十卷過閩錄二卷藏于家爲撫州儒學錄時道園之父寓崇仁道過必來見道園與其兄弟先後同朝而先生尤久善云

道園學古錄

陳氏師承

補學正傅古直先生定保

傅定保晉江人六歲能解大學事母至孝大德初用薦爲漳州學正首以太極圖西銘講說聽者悅服號古直先生

姓譜

鮑氏講友

尙書牛先生諒

牛諒字士良東平州人元末寓居嘉興與鮑恂張翼諸人友善學者多從之遊自顏其堂曰尙友明初應詔除

宋元學案補遺

卷九十二

六七四明叢書

約圖刊本

翰林院典簿同學士張以寧使雲南御製歌詩賜之歷陞禮部尙書著述甚富

樽李詩繫

張氏講友

忠宣余青陽先生闕

余闕字廷心一字天心廬州人

雲濠案先生唐兀氏世居武威以父官合肥家

焉遂爲合肥人

少喪父授徒養母與吳草廬弟子張恆遊文字

日進元統元年賜進士及第授同知泗州事召入應奉翰林文字轉中書刑部主事以不阿權貴棄官歸尋以修三史召復入翰林爲修撰累遷待制丁母憂歸廬州



盜起河南陷郡縣行中書于淮東改宣慰司副使僉都元帥府事爲都元帥府治淮西起先生分守安慶陞同知副元帥賊薄城城陷引刀自刎妻子女皆赴井死元

雲濠謹案葛姓統譜言先生天資英邁博學能文及死節事聞贈淮南行省平章政事諡文忠明諡忠宣命有司立祠祀之所著有青陽集經義攷引程邦民云嘗讀書青陽山中學者稱之曰青陽先生

粹材謹案宋潛溪爲先生傳言其謚曰忠愍追封夏國公且謂其每解政開門授徒蕭然如寒士五經悉爲之傳注多新意詩文篆隸皆精緻可傳

### 青陽遺集

三代及漢之君其見稱于當世者雖有不同然不過守

卷九十二

卷九十二

一四四明叢書

一約圖刊本

其先世之仁而已矣洪水滔天下民昏墊而成允成功者禹之仁啓之所以敬承者此也啓網祝征伐餉者湯之仁太甲以之處仁遷義太戊以之治民祗懼武丁以之嘉靖殷邦祖甲以之保衷庶民盤庚以之鞠人謀人之保居此所以稱聖賢也以言文王之仁則無凍餒之老以言武王之仁則行大義而平暴亂成王特制禮樂以文之而已耳康王特奉恤厥若而已耳其所以教化行刑罰措仁之決于民故也漢家制度視三代雖有媿然高帝之寬仁愛人實滅秦誅項之本原文帝之務在

養民景帝之遵用成業實卓然爲漢賢君其不及于三代者無太甲仁義之功無成王緝熙之學故耳

元統癸酉廷對

策

中國之水賴禹治之而悉平而河獨爲患至今未已者何也河失禹之道而治河者不以禹之所治治之也蓋河出崑崙合諸戎之水東流以入中國其性勁悍若人性之有強力其來也甚遠而其注中國也爲甚下又若建瓴水于峻宇之上則其所難治也固宜且中原之地平曠夷衍無洞庭彭蠡以爲之匯故河嘗橫潰爲患其勢非多爲之委以殺其流未可以力勝也故禹之治河自大伾而下則析爲三渠大陸而下則播爲九河然後其委多河之大有所瀉力有所分而患可平也此禹治河之道也自周定時河始南徙訖于漢而禹之故道失矣故西京時其受患特甚雖以武帝之才乘文景富庶之業而一瓠子之微終不能塞而付之無可奈何自瓠子再決而其流爲屯氏諸河其後河入千乘而德棣之河又播爲八港人指以爲太史馬頰河者是其委多河之大有所瀉而力有所分大抵偶合于禹所治河者由

是而訖東都至唐河不爲患者千數百年□□□王  
景隄防之力乃大不然使無屯氏及德棣諸河河之大  
無所瀉而力無所分景以尋丈之防而捍□猶螳螂之  
臂爲可以捍大車之奔吾不信也惟河之委旣多大有  
所瀉而力又有所分景之隄防特以捍漸水之衍隘焉  
耳送白彥明經歷赴行都水監序

余天性素迂常力矯治之然終不能入繩墨矯治或甚  
則遂病不能勝因思以爲迂者亦聖賢以爲美德遂任  
之一切從其所樂常行四方必迂者然後心愛之而與

宋元學案補遺

卷九十二

十四明叢書

約園刊本

之合凡捷機變者雖強與之然心終不樂也故暫合而  
輒去貢泰父文集序

聖賢道德之光積中而發外故其言不期其精而自精  
譬猶天地之化雨露之潤物之魂魄以生葩草毛羽極  
人之智巧所不能爲亦自然耳故學于聖人之道則得  
聖人之言學于聖人之言則非惟不得其道並所謂言  
胥不能至矣送葛元機序

余讀周易之謙未嘗不掩卷而歎曰聖人待小人之小  
一何如是其至也夫陽君子也陰小人也小人盛則于

君子故陰至三則履君子盛亦未嘗不下小人故陽至三則謙謙虛也陽本虛而云虛者不自滿假故屈而下于陰也是謙以下爲德者也初而謙謙下而又下者也二則浸以上矣故以鳴謙鳴者以言謙也三則益上而位高故以勞謙勞者以功謙者也以功而謙厚之至也厚之至而民焉有不服者乎故三之辭曰勞謙君子有終謙而民既服君子之道終矣謙既終民既服進而之四何施而可議聖人之心猶以爲吾之待小人未之厚也又白反而撝謙故四之辭曰無不利撝謙其德已厚

其謙已撝進而之五而小人者之終不可以化入也于是乎有侵伐之師故五之辭曰不富以其鄰利用侵伐不富以鄰德之盛也利用侵伐順之至也聖人之待小人至是可謂盡心焉耳矣昔者禹征有苗苗民逆命益之贊禹惟在于謙禹遂有舞干之譽此其所謂撝謙也謙猶撝而民不服則其侵伐者禹終得而已乎哉

送許具瞻

序

坤者天下之至文□□□□爲含章者美而含之六三之事也非盡坤之道也嘗觀于地川嶽之流峙至文

也風霆之流形至文也鳥獸草木之彙生至文也故孟子贊之以爲光大又以爲化光又以爲美在其中暢于四肢天下之文孰加焉而三獨含章何謂也夫乾尊道也坤卑道也故乾主于五而坤主于二若三四者爻之無位者也乾之四近于尊故曰或躍或可以進也坤之三近乎卑故曰含章可貞可晦而可用也夫子釋含章可貞以爲以時發者相時而動之意或曰可者僅詞也若四近乎尊而括囊矣上擬于尊則龍戰矣是故龍君象也若六五者可謂至尊而非據矣自非中德何以能

宋毛學案補遺

卷九十二

三十四明叢書

納園刊本

吉故曰黃裳黃中之色裳下之服夫惟有是中德故不失其體也

含章亭記

學校之教師法之化禮義之道聖人所以盡人之性也其教已立其化已行其道已成之後于是忠信立而殘賊息禮讓著而爭奪寡文理明而淫慝平其動之也神其漸之也深則夫民之心可與爲善可與爲惡可與爲治可與爲亂夫豈奪之以惡而與之以善易之以亂而誘之以治使其民至于如是哉亦盡其性而已矣

稷縣學記

鄭司農曰后土社神也蓋社以地言后土以神言社之

有后土猶郊之有上帝也曰帝曰后皆能宰之稱天子之社神曰后土諸侯而下之社神亦曰后土者猶郊之神曰上帝而五方主氣者亦謂之帝不以嫌也五土之神吐生萬物而稷者五穀之長也人非土不生非稷不養是以先王尊而祀之句龍有功于水土柱與稷有功于稼穡故以配食其神曰祀句龍以爲后土者猶所謂帝嚳而郊稷是也又周禮以血祭祭社稷五嶽其以血祭則非人鬼且其祀先五嶽則不得爲句龍亦明也

新修大寧宮記

宋光學系補遺

卷九十二

三

四明叢書

約園刊本

飛黃之疾一日千里駑馬弗輟十駕可至聖源于學不以其才或利而勉殊塗同歸人十已千人一已百孰云余愚而聖可作行百里者其半九十十里弗勉不入于室爾祖好修厥有台名勉茲學者聿觀其成

勉學齋銘爲江澤民作

附錄

先生號令嚴信與下同甘苦然稍有違令卽斬以徇嘗病不視事將士皆籲天求以身代先生聞強衣冠而出當出戰矢石亂下如雨士以盾蔽之先生卻之曰汝輩

亦有命何蔽我爲故人爭用命稍暇卽注周易師諸生  
謁郡學會講立軍士門外以聽使知尊君親上之義有  
古良將風烈

梓材謹案戴九靈題跋言公在浙東時有所著易  
說五十卷良嘗請以卒業公曰天假數年所見當  
不止此他日相  
示未晚云云

賈伯良爲作死節記曰時予自閩海還舒謁公于館下  
公延予門塾俾教授子弟翼日侍公于城之南樓語及  
國家顧謂余曰余荷國恩以進士及第歷省憲居館閣  
每愧無報今國家雖授余以兵戎重寄豈余所堪然古  
人有言爲子死孝爲臣死忠萬一不幸吾知盡吾忠而  
已

孝學案補遺 卷九十二

圭函 四明叢書  
續圖刊本

又贊曰於赫元運篤生名臣識綜今古學究天人并此  
大邦戎備整飭允文允武克著厥蹟古有巡遠公實邁  
之猗歟忠節敢揚頌詩

青陽學侶

賈先生良

賈良宿松人工文章篤于風義余忠宣闕嘗延入署訓  
其子弟忠宣闕門殉節先生爲文紀其事 一統志

雲濠謹案忠宣死節記末云至正戊戌太原  
賈伯良爲記伯良蓋其字太原或其族望爾

青陽同調

隱君楊水北先生顯民

楊顯民南昌人力學操行通古今之務家甚貧蕭然吟  
詠以自樂不肯就元科目余廷心稱爲南州有道士士  
所著有水北山房集

人物志

附錄

虞道園送楊生序曰豫章隱士楊君顯民至予舍有麗  
澤之益焉蓋嘗相與三歎而言曰君子與天地同其體

宋學案補遺

卷九十二

五

四明叢書  
新圖刊本

充達而無外而非固其形氣之私以貪生也與聖人同  
其心悠久而無窮而非局于意識之鑿以執一也故嘗  
觀于日晷之存而忽忽失于應酬之時者多矣又嘗觀  
于嚮晦之息而汨汨謬于夢寐之交者又多矣然則此  
心之神明此體之限量烏能充達至于純一者乎

余忠宣序楊君詩集曰比年大江之南山林之士有挾  
其文藝遊上國而遇知于當世士之彈冠而起者相踵  
京師大官之家皆有其客而遇知于當世者亦比比有  
之若豫章楊顯民者抱其才蘊不屑于科目甘自沒溺



于山林之間當士羣起而有遇之時而又終不肯一出以干時取譽是其中必有所負而然也予雖不識顯民然聞其人力學而操行通古今之務江南之士漸其澤而有名者甚眾其弟子之登科目仕州縣者亦能以政稱其家固貧而年又將老乃日蕭然吟詠以自樂無少怨怒不平之氣其殆古有道之士耶

陳夷白送徐叔良序曰豫章徐君從其鄉先生楊顯民氏學在京師也客翰林待制武威余公所而雅與新安程君以文善予雖不識顯民幸因程君而識武威公武

宋學案補遺

卷九十二

書四明叢書

一約園刊本

威公視顯民雖出處不侔要與程君皆強志篤行爲文章不詭仁義

### 編修葛先生聞孫

葛聞孫字景先累世皆隱合肥巢湖之上先生生十九年而孤能自策勵爲學天性警敏日誦數千言輒終身不忘居家孝友待朋友有信義嘗以貧出爲郡文學既而曰此非養志之道也尋不復仕其後宰相薦其文行可用擢翰林國史院編修官復辭不赴召而教授于其家諸生不遠齊楚之路皆來從之余廷心嘗謁之湖上

升堂拜其母束夫人先生侍側須鬢皓然進酒奉觴進  
退惟謹爲好言溫藉之食下始出坐館中爲諸生講先  
王之道諸生環列修整皆若有得焉者先生平生不事  
大言高論而行事皆聖賢之實用其用以教人亦必以  
此雖不肯出仕以盡其所學而其學之可用蓋不待出  
而後見也其文章平實稱其爲人有文集若干卷藏于  
家卒年六十一

青陽集

附錄

余忠宣輓葛編修曰昔別情何樂今還語向誰幽房通

空齋集補遺

卷九十二

七

四明叢書

幼圃刊本

里闕客館胃蕪絲未過徐公墓徒懷有道碑扁舟望湖  
曲清淚溼江籬

隱君魯先生真

魯真字起元開化人元統二年舉人隱居不仕邃于學

躬行實踐余闕薦之不起

浙江通志

梓材謹案先生著有  
周易注經義考云佚

府史董先生思賢

董思賢字深道台州人通書經大義事父母以孝聞嘗  
爲府史存心愛物處事多遺略余忠宣公持節按台察

其賢郡事悉俾經理一無冤滯疾且革取小像自贖復  
索紙書遺語云應世數盡萬物歸玄清風明月大道自  
然書畢而逝 台州府志

天倪講友

夏先生元祐

夏天祐字立卿上饒人著有正思齋文集番陽李存序  
之云立卿天資明敏高出倫輩于古人書無不讀彬彬

然文學之士矣 李俟庵集

雲濠謹案先生爲陳天倪墓誌云始子在杭計等  
山中得從黃松瀑先生游先生長不踰四尺自六

堯學案補遺

卷九十二

十六 四明叢書

約園刊本

藝百家之書無不讀而尤清介孤峭然以侏儒竟  
自爲道士當時名流如吳興趙文敏公巴西鄧文  
簡公皆斂衽畏敬又自言其于無錫梁溪之上始  
識天倪聚語已始知爲黃氏甥是則先生之師  
友可知又爲水南王先生哀辭云某嘗因杜君原  
父謁先生于當塗杜尊師之立玄館先生長身寬  
衣幅巾白鬚髮履屨徐出某以諸生謁拜其清言  
風致望而知爲厚德長者時方飢孽欲爲弟子都  
養弗可得又言先生初名鯉後入京學更名理字  
倫卿先生之所師尊者何多在玄教道教間耶又  
案先生右臂在襁褓爲乳母誤出其骨齡然以父  
兄之教在髻髻時卽知向學云云見其再奉監司  
達白野  
先生書

正思齋集

大哉宣聖以詩教我與觀羣怨皆與曰可誠篤是學感

發志意善善惡惡席全美刺詩人得失于焉考見妍媸  
在己反省毋眩和以處眾不至于流設使雷同其道亦  
繆懲創羞惡中惟一致溫柔敦厚慎勿暴氣用以事親  
孝哉有子移以爲忠曾不越此鳥獸草木名類匪一惟  
篤學問旁資多識可齋詩

虞氏家學

州判虞先生槃

見上草廬門人

虞氏門人

董先生守忠

宋元學案補遺

卷九十二

七

四明叢書  
約圖刊本

董先生守愨

合傳

董先生守思

合傳

董守忠守愨守思行省平章士選之子也平章在江西  
延虞汲于家塾以教之守忠雲南行省參知政事守愨  
侍正府判官守思知威州

元史

袁氏家學

袁樓山先生明善

見上草廬門人

賈氏家學

照磨賈先生師謙

貢師謙文靖次子師秦之弟兄弟皆孝弟純篤講學以世其家先生官從仕郎集賢院照磨

馬石田集

### 治中貢先生師道

貢師道字道甫奎之從子累遷翰林學士官國史院編修宣時修宋遼金三史總裁脫脫欲以遼金爲正統先生謂本朝上承中國帝王之統而與唐虞三代漢唐齊稱以承宋則正統在宋而不在遼金遂以此忤時議出補嘉興路總管府治中

姓譜

### 資中門人

聖學彙編

卷九十二

八十四

明徵書

約圖刊本

### 補 隱君趙東山先生訪

梓材謹案元史儒學黃楚望傳云門人惟新安趙訪爲高第得其春秋之學爲多明史先生本傳云往從九江黃氏游得六經疑義千餘條以歸已復往留二歲得口授六十四卦大義與學春秋之要復從臨川虞氏遊獲聞草廬之學又案宋文憲集汪先生炎昶墓銘以先生爲汪氏門人當狀汪先生行實又爲程孝則墓表云君昔與子遊師山鄭先生之門則先生又鄭氏門人也

### 東山存藁

聖賢之道大矣學者可不知其要乎嘗聞之吾之至尊至貴舉天下之物不足以加之者此心是也吾之至親至切舉天下之學不足以先之者求放心之謂也然非

眞有所見無以爲日用常行之地非眞有所得無以爲造詣歸宿之極所謂爲學之要者庶幾在此沆之所以日夜憂懼以求聞乎先覺之訓而未之有得者也

上虞學士書

尊翰云尊德性者存心之事靜時工夫也道問學兼致知力行而言動時工夫也致廣大而盡精微存心而致知也極高明而道中庸存心而力行也此一節尤不能無疑蓋動靜工夫皆是就心上說如所謂存養省察是也與致知名義事意不同可疑一也且以尊德性專爲

卷九十二

卷九十二

全四明叢書

約園刊本

靜時工夫則與存心而致知力行者自相牴牾可疑二也謂存心爲尊德性之事則可謂尊德性爲存心之事則不可可疑三也昔有以問爲致知學爲力行者朱子不以爲然今欲并包力行爲說可疑四也

答倪仲弘先生書

謂春秋隨事筆削決無凡例前輩言此亦多至丹陽洪氏之說出則此段公案不容再舉矣其言曰春秋本無例學者因行事之迹以爲例猶天本無度曆象卽周天之數以爲度此論甚當至黃先生則謂魯史有例聖經無例非無例也以義爲例隱而不彰則又精矣今沆所

纂述却是比事屬辭法其間異同詳略觸事貫通自成義例與先儒所纂所釋者殊不同然後知以例說經固不足以知聖人爲一切之說以自欺而漫無統紀者亦不足以言春秋也是故但以屬辭名書

與朱楓林書

朱子嘗謂范淳夫一生只將聖賢言語忙中節鈔一番便了所以見處全不精明淳夫高明博雅度越流輩久從二程夫子遊一時名世之士無不推服而後之大儒論其失乃如此則吾道之大誠有未易知者哉又嘗謂不用聖賢許多工夫亦看聖賢底不用某許多工

朱子學案禮記卷九十二

卷九十二

全四明叢書

初四明叢書

夫亦看某底不出其所謂聖賢工夫某工夫必有事實決非虛言然則苟不求其工夫所在以實用其力遽欲苟附益于聖經賢傳之間皆朱子之所不許也

答倪仲弘

夫集諸儒之大成以立言者莫若朱子論語集注篇端有曰明善而復其初者爲聖門之學發也其所謂初何所指乎以爲稟生受分之始耶則其氣節之雜固與理以俱賦矣以爲赤子之心耶則昔人蓋有聞襁褓之聲而知其爲大惡不仁者是孰爲初之可復耶彼謂先儒之已言爲易知而輒誦焉以自文者殆于富人子燕其

田疇惰其作業徒抱其遺契之齒而日數之以爲能不墜其家爾

留別范季賢序

人固與庶物並生者也苟無以反之則情識利害之閒將無以自別矧學不至于知至而意誠其氣機之竊發

者每起于芒忽而不自知而天理之存焉者寡矣

共學齋記

昔者吾夫子贊易刪詩定書正禮樂修春秋將以爲百王大典遭秦焚書滅學帝王經世之法遂斬然泯絕于斯時蓋自開闢以來宇宙橫分一大變也鄭康成當專門固陋之世以一家之學纂釋羣經具著成說孔穎達

宋完學案補遺

卷九十二

全四明叢書

約園刊本

考覈百家大明鄭義雖于聖人之道無聞而博古窮經斯亦勤矣自是四百餘年習爲定論至宋清江劉原父始以聰明博洽之資據經考禮欲盡排周秦以來傳注之失宋代經學之盛則公實張之而說者日親矣及子朱子出而羣言有所折衷遂定于一猶吾夫子之志也然朱子于易簡其辭微其義將使皆得自致于經晚歲猶拳拳禮學而弗克論著其成書貫闕疑而又深疑古今文之異體春秋獨得書法廢失之由折衷諸傳各極其當矣而門人學者于二經師說不能有所發明故君



子論古今經注以爲自朱子詩集傳之外俱不無遺憾也先生乃欲以近代理明義精之學用漢儒博物考古之功加以精思沒身而止此蓋吳公所謂前無古而後無今者也

黃楚望先生行狀

### 附錄

及就外傳讀朱子四書疑難不一師告以初學無過求意輒不釋夜歸取文公大全集語錄等書繙閱五鼓始休由是有悟遂屬志聖賢之學不事舉子業

還嚴陵請益于夏先生大之問易象春秋書法如何先

宋堯集補遺

卷九十二

古四明叢書

約圖刊本

生以所聞于黃先生者對夏先生歎以徒費心力爲戒因出示其家傳先天易書曰此羲易一大象也

時江西憲試詩題虞公擬策問江右先賢及朱陸二氏立教所以異同具對卒言劉侍讀有功聖經至論朱陸二子入德之門尤爲精切詳備末乃舉朱子曰子靜所說事是尊德性而熹平日所論却是道問學上多了今當反身用力去短集長庶不墮于一偏也又舉陸子曰追惟曩昔粗心浮氣徒致參辰豈足酬議以二說爲證使其合併于暮歲微言精義必有契焉子靜則已往矣

虞公評其後曰子常生朱子之鄉而得陸氏之說于二家之所以成己教人反覆究竟明白蓋素用力斯事者非綴緝傳會之比也

名其居曰東山精舍虞公嘗爲之記舉先生之言曰沓蚤歲學于鄉求程朱之餘緒誦習經訓辨析其文義之外無所致力焉誠恐終身不足知至畢世不能意誠古昔聖賢師弟之授受如斯而已乎竊嘗思之以求塗轍之正至于道南之歎而有感焉蓋其屬之龜山者必有所在而豫章延平所以授之朱子者亦非有他道也不然羅季二公無事業以見于時無文采以垂于後其所學者何學所事者何事而吾朱子所謂潛思力行任重詣極者亦將何所指乎此精舍之作所以願盡心焉者也

詹洄狀其行曰其於大學則謂三綱舉聖人事爲大學標準八目乃教學者用力之方故明明德新民傳中無學者工夫而修身傳中無聖人氣象其舉古之欲明明德于天下者而逆推其用力之序則明古之聖人亦必由學而至而學者之功必可至于聖人又以爲格物是

窮盡物理程子所謂講明義理分別是非之類是也致知是程子所謂明諸心又云潛心默識玩索久之庶幾自得之類是也二事不可合爲一惟程子言之甚明若曰致知在格物在字之義不同遂疑致分而爲二則傳中言齊家在修身修身在正心謂二者合爲一可乎且聞明道先生謂學者若無事可行且去靜坐之言而伊川先生每見人靜坐輒歎其善學反朱子得于羅李二公所相授亦必危坐終日以驗夫喜怒哀樂未發之前氣象爲如何而求其所謂中者久之而知天下之大本

爲有在乎是也由是雞初鳴則起澄心默坐涵養本源以爲致思之地而後凡所得于師友之指及文字與義有未通者必用向上工夫以求之于是造詣精深而一旦豁然矣

又曰新安自朱子後儒學之盛四方稱之爲東南鄒魯然其末流或以辨析之義纂輯羣言卽爲朱子之學先生獨超然有見于聖賢之授受不徒在于推究文義之間故其讀書一切以實理求之反而驗之于己非有以信其必然不已當時鄉先生皆留心著述所以羽翼程

朱之教者具有成書先生受而讀之猶謂未知爲學之要常曰讀書最患多疑每展卷則羣疑競起如蝟毛要須得程朱復作而命之而後可釋然爾是以質諸師而不得者卒求之程朱遺言而有見焉

宋潛溪序春秋屬辭曰子常蚤受春秋于九江黃先生楚望先生之志以六經明晦爲己任其學以積思自悟必得聖人之心爲本嘗語于子常曰有魯史之春秋則自伯禽至于頃公是已有孔子之春秋則起隱公元年至于哀公十四年是已凡一事中皆具二義必先考史法然後聖人之筆削可得而求矣子常受其說以歸晝夜以思忽有所得稽之左傳杜注備見魯史舊法粲然可舉亟往質諸先生而先生歿已久矣子常益竭精畢慮幾廢寢食如是者二十年一日豁然有所悟入且謂春秋之法在乎屬辭比事而已于是離析部居分別義例立爲八體以布列之集杜陳二氏之所長而棄其所短有未及者辨而補之何者爲史策舊文何者是聖人之筆削悉有所附麗凡暗昧難通歷數百年而弗決者亦皆迎刃而解矣

金居敬總序先生春秋四書曰其夏氏先天易說先生嘗以質諸虞公虞公復以得于前輩者授之于是遂契先天內外之旨而後天上下經卦序未易知也嘗得廬陵蕭漢中氏易說以八卦分體論上下經所由分與序卦之意如示諸掌然上無徵于羲皇成卦之序下無考于三聖象象之辭則猶有未然者及春秋本旨既明乃悟文王據羲皇之圖以爲後天卦序宋夏商之易以成一代之經蓋與孔子因魯史作春秋之意異□□□知黃先生所謂周易春秋經旨廢失之由有相似者蓋如

此

雲濠謹案四庫書目著錄先生周易文詮四卷提要言此書大旨源出程朱主于略數言理然其門人金氏稱其契先天內外之旨且悟後天卦序之義則亦兼用邵氏之學云四庫又著錄先生春秋師說蓋述其師九江黃氏之說提要稱其不忘所自又春秋左氏傳補注提要言其尊黃氏之說春秋以左氏傳爲主注則宗杜左有所不及者以公羊穀梁二傳通之杜所不及者以陳止齋左傳章指通之是書即采止齋之說以補左傳集解所未及其大旨謂杜偏于左傳陳偏于穀梁若用陳之長以補杜之短用公穀之是以救左氏之非則兩者兼得筆削義例觸類貫通傳注得失辨釋悉當不獨有補于杜解爲功于左傳即聖人不言之旨亦灼然可見蓋亦春秋家持平之論也又著錄春秋集傳提要云是書有自序及其門人倪尚誼後序尚誼稱是書初棄始于至正戊子一再刪削迄

丁酉成編既而復著屬詞義精例密乃知集傳初  
膏更須討論而序文中所列史法經義猶有未至  
歲在戊寅重著是傳草創至昭公二十八年乃疾  
疾難厄閣筆未續至洪武己酉遂卒自昭公二十  
八年以下尚據屬詞義例續之序中所謂策書  
之例十有五筆削之義八者亦尚誼更定而原本  
有訛誤疏遺者咸補正焉則此書成于尚誼之手  
然義例一本于東山猶東山書也又著錄春秋屬  
辭提要言其于春秋用力至深至正丁酉既定集  
傳初稟又因禮記經解之語悟春秋之義在于比  
事屬詞因復推筆削之旨定著此書其爲例凡八  
一曰存策書之大體二曰假筆削以行權三曰變  
文以示義四曰辨名實之際五曰謹內外之辨六  
曰特筆以正名七曰因日月以明類八曰辭從主  
人其說以杜氏釋例陳氏後傳爲本而亦多所補  
正云又春秋金鎖匙一卷提要云其書撮舉聖人  
之特筆與春秋之大例以事相類者互相推勘考  
究其異同而申明其正變蓋合比事屬詞而一子

宋元學案補遺

卷九十二

允四明叢書

約園刊本

旨以春秋之初主于抑諸侯春秋之末主于抑大  
夫中間齊晉主盟則視其尊王與否而進退之其  
中如謂聖人貶杞之爵降侯爲子與毛伯錫命稱  
天王稱錫爲以君與臣之詞召伯賜命稱天子稱  
賜爲彼此相與之詞雖尚沿舊說之陋而發揮稱  
法條理秩然程子所謂大義數十炳如日星者書  
亦庶幾  
近之矣

學士朱楓林先生升

詳見滄洲諸儒學案

東山學侶

詹先生烜

詹烜星源諸生爲東山行狀云烜自獲交先生不以疏  
謬適而教之往來請益遂得聞窮經之要及春秋筆削

之旨 東山存彙附錄

武氏門人

太尉佛家奴先生

僉樞完者不花先生 合傳

佛家奴爲太尉完者不花僉樞密院皆從武伯威學有

賢名 元史

元氏門人

學師劉先生文度 附子錡孫麓崧瑩

劉文度泰和人在元初以文鳴受知元文敏公薦爲興

癸學案補遺 卷九十二

九十四明叢書

約園刊本

國縣學師子錡字宗榮號快軒攻六藝學必欲驗諸躬

行獨居屋漏儼若上交神明正襟危坐從明迄暝不少

愆厥度客授章貢鍾氏夜漏下二十刻鍾之廬舍災烈

風驅火趨之若驚蛇鍾猶弗之寤先生弗念私橐之焚

擊門大呼而出之甫出煙焰漲天鍾泣曰活我家百口

者劉先生也子麓楚瑩皆明一經楚改名崧至正丙申

鄉貢進士仕爲職方郎中 宋文憲集

文貞馬石田先生祖常 別見北山四先生學案補遺

道園家學

虞先生暨

虞先生登合傳

虞豐虞登伯生從子侍仲父至京師以其弟兄之字說示衷清容而清容書其後云吳伯清之所期者至矣願因大父致政公命名之意而廣焉

清容居士集

道園門人

補監丞陳先生旅

附錄

先世以儒學稱先生幼孤其外大父趙氏學有源委撫

宋學案補遺 卷九十二

空 四明叢書

約園刊本

而教之先生得所倚篤志于學

先生于文自先秦以來至唐宋諸大家無所不究故其文典雅峻潔必求合于古作者不徒以徇世好而已

平生于師友之義尤篤每感道園爲知己其在浙江時道園歸田已數載歲且大比請于行省參知政事字亦魯翀親奉書幣請道園主文鄉闈欲爲問候計乃衝炎千里訪道園于臨川道園留旬日而別每語學者必以先生爲平生益友也

虞道園送陳碩曰莆田陳氏慶曆名法從故家也自眾



仲來京師集得友焉凡問學脩己之事有益於愚陋多矣又從知其父兄之賢也問所自出則南塘趙氏信乎其學之有傳矣

補左丞王先生守誠

梓材謹案先生元史本傳以至正九年卒年五十有四謚文昭有文集若干卷又載其遷太常博士續編太常集禮若干卷以進轉藝林庫使與著經世大典又案元史道園本傳云國學諸生若蘇天爵王守誠輩終身不名他師皆當世稱名鄉者是先生之在虞門尤其眉目也

附錄

宜賓縣尹楊濟亨欲于蟠龍山建憲宗神御殿儒學提

宋元學案補遺

卷九十二

卷三四明徵書

約園刊本

舉謝晉賢請復文翁石室爲書院皆采以上聞成之

補鄉舉劉先生霖

附錄

吉安府志載先生字雲章登進士無仕進意有太極圖解動靜元渾歲會數原諸篇深有理致

參政貢玩齋先生師泰

李先生本

李先生棟

並詳草廬門人

參政周堅白先生伯琦

見上草廬門人

副使吳先生彤

吳彤字文明臨川人從虞學士集危左丞素學二公深相器重補江西省理問所令史益種學績文不倦擢至正丁亥進士第授贛州路錄事署郡治中至正戊戌僞漢兵圍城踰三月城陷被執釋而官之以謀脫歸臨川入明以薦起拜國子博士同知嚴州府事洪武戊申擢僉湖廣等處提刑按察司事改山東超拜中順大夫北平等處提刑按察司副使薦剡人材惟恐失之卒年五十七

宋文憲集

宋學案補遺

卷九十二

九十三

四明叢書

約園刊本

附錄

虞道園爲賦秋堂詩曰清風拂高堂舊席忽已除下堂具甘旨上堂列琴書垂紳夙夜至再拜問起居誦詩已三百習禮少壯餘納交君子室執御長者車爲樂古之道誰能笑其迂

梓材謹案秋堂詩二首此則其二也序云秋堂者臨川吳生文明之親舍也生才甚清美賦詩婉麗無塵滓之泊觀其同門未之及也

鄉舉吳東吳先生儀

吳儀字明善金溪人登鄉先達虞文靖公之門至正丙

申舉于鄉會海內兵起無仕進意著三書曰稗傳曰類編曰五傳論辨辭義嚴密多先儒所未言時稱爲東吳先生

宋潛溪集

附錄

貝清江序先生文集曰古昔君子之立言其亦有不得已者乎孔子曰余欲無言孟子曰予豈好辨哉則其爲書者莫非憂世而作若諸子好爲異同祈勝于人者言雖繁而道益晦固不足貴矣余讀東吳先生五傳得失辨邪正論而深取之焉世之講春秋者非一胡文定公

宋學案補遺

卷九十二

宋編四明叢書

絢園刊本

謂聖人以典禮命討之權任諸己而于諸侯或進或退示一王之法樸卿呂氏則以聖人作春秋以尊王豈專進退諸侯哉二家各伸所見而有不同如此而先生盡發胡氏之說以斥呂氏之非亦豈有所左右耶孔子蓋曰知我者其惟春秋乎罪我者其惟春秋乎而范寧亦以一字之褒寵踰華袞之榮片言之貶辱過市朝之撻則聖人進退諸侯無疑顧一時窮經之士弗之考耳至于佛氏倡禍福以恐人而天下靡然向之唐宋諸儒攻之不能勝降于元季而其徒尤熾矣先生極論邪正于

風從瀾倒之餘其爲扶樹世道何如也蓋所謂不得已而言者使春秋之大義旣明中國之人心無惑吾可以無言矣嗚呼抑豈淺之爲儒者所及哉

推官李先生裕

詳見北山四先生學案

鄉舉汪環谷先生克寬

詳見雙峯學案

隱君趙東山先生沆

詳上資中門人

教授朱先生仁卿

朱仁卿盱江人在上庠十餘年爲安慶教授道園送之序云某在成均時嘗書廳壁記曰今吾學之所講其書

宋學案補遺

卷九十二

六五四明叢書

約園刊本

易詩書春秋論語大學中庸孟子其道則堯舜禹湯文武周公孔子所以明其道者顏曾思孟周程張邵朱之言也仁卿在此則遵是而學之往彼則循此而教之勿爲新奇以取名勿爲昏誕以徇俗賢而知者修此以善導之愚不肖者準此而砭訂之使賢而知者據而立愚不肖者有所化而改敦敦篤篤自信旣成又力行之三年宦成父兄子弟必有可望者慎勿自薄爲也

道園學古錄

葉先生恆

父遜

葉恆鄞縣人國子生父遜字謙父世隱不仕嘗欲以事

功見于世而無遇于用乃退而自修于家家有昏喪之事必求諸禮法遣先生宦學京師曰吾且老子必卒業乃歸道園司業成均程時叔擢進士爲僚先生用近臣薦補入學嘗由時叔以見道園

道園學古錄

梓材謹案吳文正表其母褚氏墓以爲恆又名遜當由傳寫之訛

侍讀倪先生居敬

教授朱先生禮悌

合傳

倪居敬字行簡永豐人延祐間入國學補國子伴讀循循退讓而人弗敢與之狎兢兢自持而人不得病其固

宋元學案補遺

卷九十二

九十六 四明叢書

約園刊本

言若不出諸其口而爲貴游講說論議則明乎學術之辨至地理名物人姓氏皆究知無所敢忽氣平色溫自其師友不敢以其生之遠而鄙夷之不及仕而卒于道路其同舍生盱江朱禮悌以其親之意求墓銘于道園其年除中興路儒學教授

道園學古錄

縣官劉先生性

劉性字粹衷廬陵人道園承詔讀進士對策于殿廬得先生與劉聞庭之文而奏之後知其賜官廬陵臨江因告以其說而屬之曰劉氏之書惟春秋意林及三傳權

衡刻本在學官而所著傳尙闕其他成書者猶十七八種惟西漢書注或附見于本書七經小傳學者或傳寫讀之其餘罕傳焉而靜春氏等諸著述未暇數也宜訪而廣之于是聞庭刻小傳于臨江先生刻弟子記于旌德道園學古錄

修撰劉容齋先生聞

劉聞字聞庭安福人天曆進士官太常博士帝祀南郊告祭太廟至寧宗室曰朕寧宗兄也當拜否對曰春秋魯閔公弟也僖公兄也祖廟之祭未聞僖公不拜帝乃

宋元學案補遺

卷九十二

在七四明叢書  
一經園刊本

拜擢爲翰林編修宋史成進修撰著有春秋通旨容齋文集吉州人物志

廉訪劉先生伯溫

劉伯溫夏臺人官太史蚤歲從道園成均及爲江右肅政使者哀集道園文付諸梓屬歐陽玄爲序歐陽圭齋集

祕書學尤魯先生遠

詳見蕭同諸儒學案

掌儀康先生敏

康敏國子伴讀掌儀以克復名其堂而道園爲之記道園

學古錄

典籍韓先生豫

韓豫衛輝人道園爲成均博士時由國子生選爲監學  
典籍從道園甚久

道園集古錄

王介軒先生鑑

王鑑字明卿真定安平人少卓異不羣長益耿介厲名  
節娶同郡富翁女資裝甚盛悉歸之一無所留壯遊燕  
都受學于虞邵庵之門用力于明體適用不攻詞藻朝  
貴薦其才行試以侍儀司舍人不就曰某雖不敏安能  
爲人所役哉卽還故里益加砥礪扁所居爲介軒因以

宋元學案補遺

卷九十二

先四明叢書

約園刊本

自號其父擢官平江路吳縣尹侍養終任樂吳中風土  
遂隱居吳城臨頓里西閉門獨處足跡不出戶者二十  
餘年應門惟一婦客至輒叩鄰家貰酒酒至對客劇飲  
酒乾乃已家貧無擔石之儲然非其義一毫不苟取于  
人其介老而彌篤性嗜蟬人或餽兩蒲青願易一詩曰  
吾豈可以口腹害物命耶盡放之江中而償其詩

平江記事

教授李先生亨

李亨番陽人入學數年以苦學薦擢爲伴讀三年得授

廣州教授

道園集古錄

憲屬廉先生充

廉充西域人察于諸生之中以爲浙西憲司屬其來學也不矜不揚退然就列執經問義歲無曠日友生服其敏師資許其通

道園集古錄

縣尹楊鐵崖先生維楨

詳見艮齋學案

袁先生渙

袁渙徐州人虞伯生弟子

儒林宗派

宋先生德潤

宋德潤字體仁臨川人寓居于吳取古之所謂成性存

宋元學案續遺

卷九十二

先四明叢書

約園刊本

存道義之門而心以爲是者當身體而力行之遂自題其所著曰成性齋文集其寄邵庵虞先生書云某睽違嚴範將二十載思在京日遊從于左右飽誨益而熟口飯星霜屢移如隔世狀嚮仰之思當何如哉

成性齋文集

文學鄧先生口

鄧口平江路人文貴之子業進士道園過吳嘗從學者

見之

道園學古錄

陳氏講友

鄭先生杓



鄭杓字子經興化人與陳眾仲爲文字友嘗著春秋解義表義覽古編次夾漈餘聲樂府又有衍極書專評字書吳與弼謂序論文字之學先生最近正宣撫使齊伯亨嘗採其書上之

福建通志

玩齋家學

理官貢貞晦先生性之

貢性之字友初泰甫從子初除簿尉有剛直名後補閩省理官元亡有薦之明祖者先生改名悅避居會稽門人私謚曰貞晦先生

姓譜

宋元學案補遺

卷九十二

一百四明叢書

約園刊本

附錄

自上都還錢塘玩齋尙書贈之詩云嗣宗諸姪仲容賢客路飄零雪滿頭曾爲頌椒留子美卻思戲蠟愛僧虔十年湖海三杯酒百里溪山一釣船何日兵戈得休息敬亭春雨共歸田

玩齋門人

校官劉先生中

劉中字庸道錢塘人都事子明子也從學于貢玩齋玩齋與子明手帖言令子學多進益且留此後遣其回去

之十有五年而先生遂以文學知名爲貢門高第

戴九靈集

梓材謹案東雜子集有送劉生入闈序云生嘗以茂才被肅政使丑的公之薦授校官不就今樂如于貢公而起也云云

### 文忠高先生異志

高異志字士敏肅縣人元末寓居嘉興師事宣城貢師泰番陽周伯琦遂昌鄭之祐爲文有氣骨成一家言以薦起鄆山書院山長洪武初徵修元史爲翰林編修累官至侍講學士太常少卿卒諡文忠

兩浙名賢錄

### 僉事謝密庵先生肅

奎壘案補遺

卷九十二

二百四明叢書  
約園刊本

謝肅字原功上虞人學問該博洪武中以明經舉授福建按察司僉事所著有密庵稟與唐肅齊名號會稽二

肅

姓譜

雲濠謹案戴九靈序先生密庵文集言其嘗一試江浙鄉闈不利輒謝絕場屋抱其遺經見尚書員公子吳山公一見卽待以奇士已而同泛大海相與朝夕論辨一意古學云

### 翟先生允學

翟允學河南人其舅戶部尚書李彥聞使闈海遺之從玩齋游惟日閉戶西廡下取經史諸書晝夜誦不輟聞有問則超然出人意表云

玩齋文集

胡先生虛白

胡虛白海昌人從貢玩齋學詩玩齋爲指授三經三緯

法極稱其好學

貝清江集

朱先生鏐

朱鏐海寧人玩齋高弟子嘗與謝肅劉中編玩齋集別

又爲年譜云

楊鐵崖集

梓材謹案先生父號肅齋名其堂曰一經以訓其子參政周伯溫書之而玩齋爲之記見玩齋集

常侍涂先生穎

見下水北門人

何先生昇

宋學案補遺

卷九十一

一百四明叢書

約園刊本

何昇會稽人與豫章涂穎皆玩齋門人嘗爲輯錄玩齋

集成編列卷數十

玩齋集序

趙先生贊

趙先生穆泰

合傳

楊先生洞

合傳

桂先生郁

合傳

鄭先生貫

合傳

趙贊邯鄲人玩齋門人玩齋校經宣文閣下以諸生禮見得執筆墨承事左右其後玩齋以使節廉問閩海先

生適從輒錄其歌詩數百篇門生迺穆泰楊洞桂郁鄭  
貫等請刻梓以傳而序之 玩齋集序

### 翰林錢先生用壬

錢用壬桐川人玩齋諸生其在翰林玩齋時爲兵部侍  
郎出平生所爲詩文受而讀之 玩齋詩集序

### 鮑氏門人

同知聞人先生樞 附師夏日孜

聞人樞字德機嘗從鮑仲孚受業又登江西夏日孜之  
門遂通易學至正癸卯中進士授承事郎易州同知未

卷九十一

四明叢書

約圖刊本

及上官以疾終 嘉興府志

### 郎中鄭味易先生閔

鄭閔字以純嘉定人少學易于元貢士嘉禾鮑恂自號  
味易叟崑山長洲更聘爲儒學訓導郡縣治易者多出

其門洪武中舉授禮部郎中 嘉定縣志

梓材謹案經義考鄭氏以仁周易集解十二卷  
前題長洲儒學訓導嘉定鄭以仁著與先生官籍  
邑里正合當非二人張雲章曰意者閔其本名  
而以字行仁與純又因聲同而傳寫譌之耶

### 陳亮先生亮

附門人趙志道再傳程蕃

陳亮蓮山人鮑仲孚深得大易之旨作書名曰學易理

隅而授之先生先生授之建安趙先生志道志道授之黃州程先生伯昌伯昌名蕃生而英爽超卓穎悟且奇貫通二氏之學于是重加訂正以明聖人作易之心更其名曰大易鉤玄

寧王口序說

袁氏門人

黃先生勉

黃勉臨川人從袁誠夫遊于道園之門

道園學古錄

朱氏家學

鄉貢朱先生復亨

宋學案補遺 卷九十二

一頁四明叢書

約園刊本

朱復亨元會之子至正丙申鄉貢進士能以文學世其家

王忠文集

楊氏門人

蕭元齋先生夢得

蕭夢得字宗元元齋其自號也泰和人與翰林待制楊景行師事鄉先生達觀楊氏潛心諸經而于易學尤精母卒廬墓左三年然後返遠近學者慕其文行咸願執經爲弟子若同里楊升雲永新吳從彥吉水周通嘉禾俞鎮皆爲名進士著有易學旁通

宋文憲集

待制楊先生景行

楊景行字賢可太和人登延祐二年進士第授會昌州判官會昌民素不知井飲汲于河流故多疾癘不知陶瓦以茅覆屋故多火災先生教民穿井以飲陶瓦以代茅茨民始免于疾癘火災豪民十人號十虎干政害民悉捕置之法乃創學舍禮師儒勸民斥腴田以膳士弦誦之聲遂盛調永新州判官累遷歸安縣尹所歷州縣皆有惠政所去民皆立石頌之以翰林待制朝列大夫致仕年七十四卒

元史

宋治學案補遺

卷九十二

夏四明叢書

約園刊本

梓材謹案虞道園學古錄有楊賢可詩序

皮氏家學

皮先生棨

皮棨字維楨清江人平江判官潛之子也母虞氏道園長女弟弱冠以文學稱于鄉負志甚高卒年三十九道園誌其墓稱其敏學意氣蓋有父風

道園學古錄

觀我家學

解先生琛

附弟元章

解琛字元琛吉水人淵靜先生子從伯父觀我求我學

遇亂侍親避居于鄉之高原未嘗廢學與弟元章相友  
出入必偕昕夕講怡如也治經不惑傳注訓詁以踐履  
爲先卒年四十六

解春雨集

觀我門人

縣尹胡先生希仁

胡希仁字時中吉水人授古田令有林晉者餽白金數  
百兩干薦剗先生卻之不受平章燕支不花聞而美之

曰子何減于楊震

吉安府志

梓材謹案解學士爲古田尹胡公墓志云嗜學無  
倦其叔父小山先生爲高安學官時年十三從之

宋季學案補遺 卷九十二

夏四明叢書

約園刊本

官又云其始從學春秋于子叔祖蒼霖先生繼從  
果齋夏先生二十北游舉茂材異等授冀州棗強  
縣教諭需次還家余叔祖伯中先生建東山書院  
于鄉公從授易經居宿館下逾二年酒之康強任  
弟子自遠至者數百人學舍不能容晚及  
子山巖公之門則先生之淵源可見矣

包氏家學

文學包訥居先生宏

包宏字用夫進賢人希魯次子洪武初舉文學至京上  
問陰陽鬼神對稱旨奉使山西察苛政至洪洞縣官舍  
疾革大書于壁曰學傳乎道統心貫乎一德功被乎天  
下言利乎後世此聖賢之學君子之事也書畢正衣冠

端坐而逝有訥居文集六書補義各若干卷

人物志

包氏門人

縣尹傅先生箕

傅箕字拱辰包希魯門人以進士任延平路錄事轉本

縣尹政尚廉平人咸慕之洪武閒召不起

人物志

王先生槐

王槐字□□亦包氏門人

丁氏家學

教諭丁先生之翰

雲定學案補遺 卷九十二

一頁四期鼓書

約園刊本

丁之翰字季蕃新建人儼子幼從父授經穎悟絕人稍長精五經學明初授本縣教諭遷進賢學性剛介不隨流俗造士以明體爲先著潛夫集及編本府圖志

南昌府志

山泉家學

解先生琛

見上觀我家學

山泉門人

陶先生元幹

陶元幹襄陽人解山泉先生蒙以易學家居授徒子弟自遠至者甚眾進先生兄弟爲最賢其爲人皆淳謹好



學云

解春雨集

梓材謹案湖廣總志載先生嘗注易世稱爲陶易

陶先生闕

莫先生純甫

莫純甫□□人山泉門人

解春雨集

董氏家學

參政董先生守忠

府判董先生守懋

知州董先生守思

並見虞氏門人

周氏門人

學錄程先生與權

曾祖萬里父傑附師吳存

程與權樂平人曾大父萬里述論語大學中庸說傳家

塾父傑字世英爲學精勤饒之名士吳進士存周博士

伯琦望重一時迺節衣食致禮幣命先生往受業焉且

言爲學當明經訓不當專尙文辭先生官大都路儒學

錄初游京師嘗因博士館于蘇滋溪家

蘇滋溪文集

文忠高先生巽志

見上玩齋門人

助教謝先生微

附弟恭

謝徽字元慤長洲人洪武初應召修元史授翰林編修兼教功臣子弟辭歸再起爲國子助教博學工文辭與高季迪齊名所著有蘭廷集弟恭字元功亦能詩所著

曰蕙廷集

姓譜

梓材謹案宋潛溪誌周伯溫墓云其子宗仁以門人謝徽狀請銘蓋伯溫門人也

天倪家學

陳先生汝秩

陳先生惟允

合傳

陳汝秩字惟寅閬州人

雲濠案正思齋文集以天倪爲廬山人

陳夷白嘗

奎案案遺

卷九十二

覓四明叢書

約園刊本

爲其字說序其父天倪師事吳文正公誦詩書百家之言以隱德終于吳家徒四壁獨遺書數百卷先生與弟惟允誦習之復儒業起家而惟允尤善鼓琴

陳夷白集

杜氏門人

補 提舉張先生理

附錄

白雲齋曰仲純內篇諸圖乃述邵朱二子先天之學

雲濠謹案四庫書目著錄大易象數鉤深圖提要云蓋仲純主于陳搏先天之學朱子所謂易外別也

孝子陶南村先生宗儀

別見北山四先生學案補遺

蔣先生師文

蔣師文建陽人從杜伯原學以思勉扁其讀書之齋吳

正傳師道申述其義而爲之銘

吳禮部集

雲濠謹案禮部集有題儀禮經注點校記異後云杜君原父令其徒蔣師文傳點君文見東萊呂子點校本且記與今本異者見示據此則先生嘗爲儀禮之學

李先生至剛

李至剛永嘉人僑居錢唐城東蓋五峯先生之從子弟

早有氣節嘗從武夷杜清碧遊

具清江集

李學案補遺

卷九十二

一頁四明叢書

納園刊本

博士藍先生仁

僉事藍先生智

合傳

藍仁字靜之崇安人洪武中爲武夷山長後任博士學

詩子杜清碧弟智字明之先從三山清源林先生學壽

秋又從靜之學詩子清碧以明經舉任廣西按察司僉

事清廉仁惠著于一道

姓譜

學士陳先生達

別見魯齋學案補遺

張氏講友

貞文黃存齋先生鎮成

詳見九峯學案

余氏家學

余先生德臣

余德臣忠宣長子忠宣守舒死節時年十八能熟記諸經書慟曰吾父死于忠吾何以生爲乃溺死于後園之深池

忠宣死節記

余氏門人

提舉戴九靈先生良

詳見北山四先生學案

常博涂先生穎

見下水北門人

參軍郭先生奎

卷九十二

卷九十二

皇朝四明叢書

初編刊本

郭奎字子章巢縣人少從余忠宣闕治經忠宣亟稱之青陽遺集其所藏弄也明初參朱文正軍坐文正事死

宋潛溪趙東山爲序其望雲集

安徽通志

左司汪先生仲魯

汪仲魯名輅以字行婺源人元末與弟同集義旅保鄉邑明興歸附同爲張士誠所殺乃授先生安慶稅令召見講西伯戡黎篇授左春坊左司先生敦實閒靜不妄言笑及進講遇事敢言帝以善人呼之

明史

附錄

先生記忠宣易說曰公僉憲浙東時仲魯往見公言易之一經嘗求得古書考索積思有年遂得見易中一字一句盡出河圖洛書自秦漢以來人未之見今幸偶得之方將著述成書以貽後世然未敢輕也仲魯再三舉一二疑難叩問但言子且用工此經五七年後相見當以吾之所得者相告非有隱也

王先生無霸

王無霸專爲忠宣謄錄所注易注

汪仲魯說

汪先生河

宋元學案補遺 卷九十二

皇朝四明叢書

約圖刊本

汪河余左丞門人

宋文憲集

劉先生炳

劉炳

水北家學

楊先生原

楊原豫章人隱士顯民子自吳郡還虞道園問之曰子亦有所遇乎曰有神醫活人不可勝紀原從而問焉以爲可教而謂之曰吾之學嘗于中和之交靜虛以待知一身之氣來會而覺其散還也然後教之以脈絡之所

經井穴之所在識之于己身而無不熟然後以之察乎人之病者中于何經起于何所攻刺摩治而去之蓋非常醫之所能也又將往而受業焉道園曰善哉子行矣君子學聖人之道而行之而有所弗得焉則學乎其道者必有所差矣法乎天地之運而有所弗合者則其所以行之者必有所不同矣學焉而無所得行焉而無不同然後推吾之所有而以治乎人達乎天下所謂執柯伐柯其則不遠者也

道園學古錄

水北門人

宋元學案補遺

卷九十二

皇

四明叢書  
約園刊本

常博涂先生頴

涂穎字叔良進賢人元季遊京師從學于余廷心楊顯民程以文僑居金陵龍鳳時爲中興典籤太常博士朝

傳詩

梓材謹者詩傳本作徐穎誤當從余忠宣奇陽集作涂穎爲是忠宣題其詩集後云涂君叔良來京師與余同寢處凡兩載羹藜飯糗之餘相與論古今人詩皆有造詣尤長于五言其精麗有謝宣城步驟平澹閒適處不減孟浩然叔良年甚少將來何可量邪又序揚顯民詩集云其弟子涂穎持其所謂水北山房集者來京師將刻之以傳于世卽其人也賈玩齋集序稱其門人有豫章涂穎可知其又及貢氏之門涂爲豫章世家其作塗者誤也陳夷白集作徐叔良與詩傳同誤皆爲正之

趙氏門人

主事范先生準

別見滄洲諸儒學案補遺

金先生居敬

金居敬字元忠休寧人從朱楓林趙東山遊所著有通

鑑綱目凡例考異春秋五論

江南舊志

梓材謹案李先生爲東山春秋總序云當先生避地古朗山居敬與妻姪倪尙誼實從黃氏千頃堂

書目云元忠從朱升趙汾學凡二家著述多其校正

汪先生洗

詳下汪氏門人

汪先生蔭

宋元學案補遺

卷九十二

高四明叢書

約圖刊本

汪蔭東山門人東山召修元史歸來踰月而卒爲輯遺

文一編

四庫書目提要

吳先生玉林

父淵

吳玉林字伯岡新安人也新安爲朱文公闕里遺風餘

韻奕世猶存自宋亡元興以至明初時則有若程勿齋

吳義夫汪古逸趙子常鄭彥昭汪德輔倪士毅朱允升

鄭師山唐三峯皆以性命義理講淑諸人不失爲文公

之徒先生從學于子常彥昭而講于德輔以下諸子者

也父淵字萬頃號白雲先生蓋其父子師友之間講學

問甚自樂云 解春雨集

將軍任先生原

將軍任先生序 並見雙峯學案補遺

知州程先生汝器

程汝器名昆以字行休寧人師事趙東山洪武中舉明

經永樂初官蘄州知州著有周易集傳十卷 經義考

雲濠謹案萬姓統譜言先生又師金原忠汪彥明吳漢臣

陳伴竹先生盤 別見滄洲諸儒學案補遺

陳氏家學

宋學案補遺 卷九十一

皇五 四明叢書 約園刊本

陳先生碩

陳碩莆田人眾仲從子嘗以之見道園道園愛其端謹

可望南歸省父眾仲送之以文 道園學古錄

陳氏門人

學士宋先生訥

宋訥字仲敏滑縣人博學強記登至正進士授鹽山知

縣洪武初爲國子助教陞翰林院學士改文淵閣大學

士尋轉國子祭酒嚴立學規諸生畏敬終于官 姓譜

粹材謹案先生爲衍聖公孔希學神道碑云余記弱冠遊太學師事助教陳眾仲先生而公之父侍



御公實同  
齋者有年

### 東吳家學

#### 學士吳先生伯宗

吳伯宗名祐以字行生而穎悟十歲通舉子業先達見其文歎曰玉光劍氣終不可掩洪武四年廷試對擢第一授禮部員外郎性剛直不屈忤胡惟庸坐謫未幾召還遷國子司業武英殿大學士所著有南宮彙使交集成均彙玉堂彙

姓譜

### 宋氏家學

#### 宋先生方山

宋方山體仁弟體仁爲自警銘并示其弟云人生百今年其已半難得者親扶持患難富貴貧賤莫非命運君子修身克己安分儉以處家勤以治生勿酬于酒毋肆其情勿逢人短毋矜自能出言慮後望欲防萌勿以毀怒勿以譽歡毀或造言譽乃佞端屯蹇憂戚庸玉汝成敢告吾弟兼以自銘至正四年卒體仁爲文祭之

集

成性齋文

蕭氏門人

縣丞楊先生升雲

楊升雲字雲衢泰和人任貴溪縣丞張真人家恃寵驕恣爲民患先生繩以法改判新淦扶善鋤奸不少挫捕得眞盜大司縱之遂棄其官去

吉安府志

知事俞學易先生鎮

別見北山四先生學案補遺

吳從彥

周先生通

周通

卷九十二

七

四明叢書

約圖刊本

賢可家學

楊先生介

楊介字公望景行子以蔭補清江縣簿監州辟先生率兵民戍玉山陳友諒兵至下令錄寓官以備用先生言于眾曰苟有見汗辦一罵速死耳遁迹山中鬱憤而死

人物志

陶氏門人

都先生從善

都從善襄陽人從陶元幹兄弟得解山泉之學以治其

身淑其家又以文行之餘日嘗從事于醫發劉河間張  
子和之祕而又通于李東垣朱奉議合其殊而一之後  
其子判太醫院

解春雨集

草廬私淑

李先生衡

李衡字元成崇仁人洪武初本學訓導

江西通志

梓材謹案先生著有春秋集說張氏蒼內閣書目云其說宗吳草廬參以李廉會通汪德輔纂疏凡五十餘家

御史劉先生有年

李學素補遺卷九十二

夏四明叢書

約園刊本

劉有年沅州人洪武中爲監察御史永樂中上儀禮逸

經十有八篇

明一統志

梓材謹案四庫書目提要于草廬儀禮逸經引此條云楊慎求之內閣不見其書朱氏經義考謂其所造卽草廬此本逸經八篇傳十篇適符其數其說似乎有據然卽如朱說而先生之于草廬不可謂非同調也

汪氏門人

范先生準

別見滄洲諸僑學案補遺

汪先生洗

附曾孫仲和玄孫神鷲

汪洗字彥暉休寧人從朱楓林趙東山汪仲魯遊有遺

稟藏于家曾孫仲和年少卽往貴州代兄戍邊都勻寇亂罵賊而死玄孫神鷲克世其學嘗編新安汪氏文獻錄昭服編徽州府志

貢氏續傳

貢先生鏞

附師劉師邵

貢鏞字元聲泰甫之後少從會稽劉師邵學好深沈之思所著有西園遺訓二卷西園集二卷

姓譜

宋元學案補遺

卷九十一

五

四明叢書  
約園刊本

宋元學案補遺卷九十二

宋元學案補遺卷九十三

目錄

靜明寶峯學案補遺

楊傳私淑

補陳先生苑

趙氏家學

補趙先生偕

桂王師承

孫先生庚

宋元學案補遺 目錄

四明藏書  
約園刊本

靜明門人

補祝先生蕃

補李先生存

張氏師承

仇先生遠

仇氏講友

龔先生璠 附弟理

陳氏師承

孫先生轍

葛先生元喆 附門人陳介

楊先生鎰

孫氏同調

何先生中

黃先生思順

寶峯門人

補 陳先生麟

補 桂先生彥良

補 李先生善

宋孝學齋補遺 目錄

二 四明叢書  
約園刊本

補 王先生桓

補 茅先生甫生

周先生堅

顧先生道 附子慈

王氏門人

周先生堅 詳上寶峯門人

孫氏門人

桂先生彥良 詳上寶峯門人

王先生桓 同上

陳先生恭

春草同調

傅先生恕

傅氏學侶

陳先生剛

附師徐淵

蕃遠門人

補危先生素

陳先生鏗翁

陳先生庸

見下俛庵門人

宋王學案補遺目錄

陳先生聞

同上

危氏同調

多爾濟巴勒先生

俛庵家學

李先生卓

俛庵門人

補張先生羲

陳先生庸

陳先生聞

合傳

鄭先生倫

魯先生脩

仇氏門人

柳先生賈

詳見北山四先生學案

張先生翥

詳上侯庵門人

莫先生惟賢

張先生兩

孫氏門人

陳先生庸

見上侯庵門人

宋元學案補遺 目錄

陳先生聞

同上

李先生伯源

詳見草廬學案

李先生季淵

同上

葛氏門人

蘇先生伯衡

詳見北山四先生學案

陳先生庸

見上侯庵門人

陳先生聞

同上

黃氏門人

危先生素

詳上蕃遠門人



桂氏家學

桂先生慎

桂先生全

合傳

桂氏門人

張先生唯

別見北山四先生學業補遺

戴先生習

蔣先生學

春草門人

時先生銘

宋元學業補遺

目錄

五

四明叢書  
約園刊本

陳氏家學

陳先生柎

胡氏門人

戴先生習

見上桂氏門人

陳氏門人

夏先生琛

危氏家學

危先生夬

危氏門人

陳先生庸 見上俟庵門人

陳先生聞 同上

吳先生彤 別見草廬學案補遺

端木先生孝思 別見北山四先生學案補遺

王先生溥

詹先生孟舉

石門門人

鮑先生仁濟

鄭先生履

宋孝廉補遺

六四明叢書  
約園刊本

張氏門人

張先生理

陶先生宗儀 別見北山四先生學案補遺

宋元學案補遺卷九十三

後學 鄧王梓材  
慈谿馮雲濠 同輯

靜明寶峯學案補遺

楊傳私淑

補 隱君陳靜明先生苑

梓材謹案先生由慈湖及其門人袁廣微錢子是  
陳和仲等書以得陸學卽以爲慈湖私淑可也

趙氏家學

補 隱君趙寶峯先生偕

治縣權宜

宋元學案補遺 卷九十三

四明叢書  
約園刊本

常下士無倦講明

喜聞過以開言路

任忠直以爲耳目

稽于眾以採公論

用知識以爲股肱

臨以莊使人敬畏

奉上司宜忠而敬

御羣下以禮止亂

處重事宜預修辭

各房事貢有所歸

明人倫興古學校

彰善良以弭邪惡

義刑罰毋作好惡

考貧富以均賦役

制吏卒宜察行止

治誑官以杜妄告

謹句銷以考稽遲

桂王師承

宋元學案補遺 卷九十三

二 四明叢書

約園刊本

孫雪磯先生庚

孫庚字居純慈溪人生而穎悟志操端謹嘗從師力學  
同舍生以其貧斥遠之先生不動容色益刻苦自勵由  
是問學淹貫及門若桂彥良王桓陳恭皆以學行著聲  
其他請益執經者循循善誘必使知所趨向貧者且私  
給之使有成業邑長也其不花天澤普化咸以師禮禮  
之及卒貧不能斂門人執喪葬禮者數百人有雪磯集

若干卷

兩浙名賢錄

靜明門人

補  
經歷祝蕃遠先生蕃

附錄

黃文獻送祝蕃遠北上詩曰春風吹九衢卑卑桃李門  
明堂待松柏未失山林尊相逢今歲寒是事無深論念  
子抱遠志此道夙所敦刊條落其葉將使見本根痛恨  
日月微毅然鬪浮雲柰何夸毗子聚訟生紛紜瀛洲富  
才彥冠蓋如雲屯去去當遇合美價傾瓊璫惟須用卿  
法力行尊所聞丈夫必有事寤主在一言上以裨聖學  
下以安元元我如鶴俛啄豈復思乘軒子如搏風鵬本

宋元學案補遺

卷九十三

三四明叢書

約園刊本

是天池鯤樓樓文學掾平世何足云勛哉保令德契闊  
期無諼

余忠宣輓祝蕃遠經歷詩曰逸軌無還轍驚川有怨思  
蒼苔生舊館素簡委空帷龔勝誰相弔虞翻少見知惟  
應問道者廬墓薦江蘼

補  
徵君李俟庵先生存

梓材謹案元史張仲舉傳稱先生  
江東大儒也其學傳於陸九淵氏

附錄

王忠文曰李君仲公之學本于濂洛而兼尚乎簡易之

說封殖深固踐履堅懇可謂聖賢之爲道者也

張氏師承

教授仇山村先生遠

仇遠字近仁錢塘人元初爲溧陽州儒學教授工詩文一時遊其門者若張雨張翥莫惟賢皆有名當時所著

有山村集洪武初祠于學

姓譜

雲濠謹案王阮亭居易錄載先生與觀詩集有卒燼方厚二序又云仇號山村南宋遺老有句云咸平處土真堪羨死守梅花

住裏湖有味乎其言之也梓材謹案四庫全書本永樂大典編先生金淵集六卷稱其在宋末已與白瑛齊名號曰仇白厥後

宋季學案續編卷九十三

四四朔錄卷四

約圖刊本

張翥張雨以詩名於元代者皆出其門云

附錄

錢惟善輓之曰詩窮八十年江海正淒然玉塵風生頰青衫雪滿顛門牆張籍俊墓表孟郊賢出入人皆識哀歌徹九泉

仇氏講友

提舉龔先生璠

附弟理

龔璠字子敬鎮江人宋德祐內附士大夫居班行者例遣北上其父司農卿準在遣中行至莘縣不食而卒先

生悲不自勝暨成人呼其弟理語之曰國亡家破吾兄弟又少孤不能以力振起門戶獨不可學爲儒無辱先訓乎由是其刻意于學日以微辭奧義自相叩擊其文字交視莫啻俞德鄰爲丈人行而與戴表元仇遠胡長孺盛彪爲忘年友聲譽藉甚人稱其兄弟曰楚兩龔以比漢之兩龔云先生後舉教官歷平江之和靜學道兩書院山長調寧國路儒學教授遷主上饒簿以所生母憂不赴服除授宜春丞移疾上休致之請遂以從侍郎江浙等處儒學副提舉致仕命下先生已卒于宜春年

宋元學案補遺

卷九十三

五四明叢書

約園刊本

六十六晚年學益醇所著詩文因先生自名其齋者目

之曰存悔齋稿

黃文獻集

陳氏師承

徵君孫澹軒先生轍

孫轍字履常其先自金陵徙家臨川先生幼孤母蔡氏教之知警策自樹立比長學行純篤家居教授門庭蕭然而考德問業者日盛郡中俊彥有聲者皆出其門先生與人言一以孝弟忠信爲本辭溫氣和聞者莫不油然而感悟待親戚鄉里禮意周浹言論閒未嘗幾微及人

過失長短士子至郡者必來見部使者長吏以下仁且賢者必造焉樂易莊敬接之以禮言不及官府憲司屢辟皆不就江西行省特以遺逸舉先生一人先生善爲文章吳草廬嘗序其集曰所謂仁義之人其言藹如也其見稱許如此元統二年年七十三卒于家

元史

雲濠謹案先生號澹軒虞道園誌其墓言齊太史履謙學者也實來江西以遺逸特舉君一人學官歲時致廩餼皆卻不受自卿大夫至城市田野莫不稱之曰澹軒先生云

### 附錄

嘗有近體詩曰自是難容力那堪預作期勿忘仍勿助

宋元學案補遺 卷九十三

六四明叢書

約園刊本

非速亦非遲可以見其學之所至矣

虞道園曰陸文安公生臨川之金谿近時郡之學者益以爲慕鄉吳公伯清嘗喟于私曰陸子之學如清天白日不可尙已聞其風而悅之者或莫究其實際而昧其旨歸其失之遠矣深可歎也吾觀孫君教人篤實平允守經循理庶幾不知者之不敢爲過高自欺之說以自詭而今亦亡矣噫吾將誰與歸乎

葛先生元喆

附門人陳介

葛元喆金陵人弱冠有文聲登進士辟江浙行省掾以



大臣薦爲本縣尹未幾兵亂路梗入福建省憲交辟浮  
海北至大都而卒學者陳介搜其遺稿得詩文集爲十  
卷先生博學工文居官以善績稱門人蘇伯衡舉河汾  
故事私定其謚曰文貞先生

撫州府志

梓材謹案余忠宣集有送葛元哲序謂金谿葛元哲  
以文章名江南旣擢第又傳於京師云云蓋元哲其字也  
未聞其名

### 楊先生鑑

楊鑑

孫氏同調

宋元學案補遺 卷九十三

七四明叢書

約園刊本

### 學師何太虛先生中

何中字太虛樂安人少穎拔以古學自任家有藏書萬  
卷手自校讎其學弘深該博廣平程鉅夫清河元明善  
柳城姚燧東平王構同郡吳澄揭傒斯皆推服之至順  
二年江西行省聘爲龍興郡學師明年卒所著有易類  
象二卷書傳補遺十卷通鑑綱目測海三卷知非堂稿

十七卷

元史

梓材謹案先生字養正一字太虛萬姓統譜云宋末舉進士與門弟子講易詩書春秋揭文安作墓誌云至順二年詔以集賢大學士金公嶽杜平章江西行省事秋具香幣遣使帥撫州太守卽隱所

聘孫先生轍何先生中而孫不起又請先生爲東湖宗濂書院賓師又案先生自序知非堂稿云僑居寧都者三年師宋進士張叔方朱光甫羅士鼎所著又有通書問叶韻補疑六書綱領補六書故刻邱述遊錄摭頤錄知非外稿王阮亭居易錄載太虛集吳草廬序云吳與何中表兄弟也

### 黃先生思順

黃思順臨川人著有醫說虞道園跋其後曰傳言善養生者必曰如保赤子心誠求之不中不遠矣若思順保赤子于疾疢而數中焉不以誠求之而能若是乎孫先生郡之師表旣亟請之危太樸敬勤忠厚好學之上也

又往從學焉則思順世學豈他人所可及哉

道園學古錄

宋元學案補遺

卷九十三

八四明叢書  
約園刊本

### 寶峯門人

補 祕監陳文昭先生麟

### 附錄

兩試江浙鄉闈因留吳教授吳中子弟而戶外之屨常滿

淮寇陷湖州所在繹騷朝旨令郡縣團結義民以自守先生曰教民知戰古法也乃親閱丁壯教之擊射坐作得若干人用司馬法立隊伍分隸左右諸鄉日夜部勒無不精練而且申以條教與眾爲約置耳目手足之人

以公其誅賞立三等九則之法以通其財用行之境中  
悚然畏服

先生博學強記于書多所考論而尤粹于易

謝山句餘土音陳大令岱山操昔年寶峯兮北面受  
教畫而鳴琴兮夜則講道聖學有真兮惟忠與孝詎  
以城邑兮齋彼羣盜憤彼元帥兮喪其旌纛空令下  
吏兮義憤燥燥洋洋東海兮岱山其隩擬蘇卿兮困  
于雪窖西瞻寶峯兮靈光有耀不負吾師兮臨流長  
嘯原注云慈溪大令陳文昭受業于慈之大儒寶峯  
趙氏以傳慈湖之學方國珍軍入慶元獨公不屈國  
珍執而投之海或諫而止乃囚之岱山終不屈而死  
今翁洲志謂公避方氏于岱山者謬

補文裕桂清溪先生彥良

附錄

黃南山先賢長史桂先生贊曰沈翳晦冥玄豹藏形太  
陽朝升丹鳳斯鳴窮隱書堂蓬登上相際遇有時大儒  
德行

補李先生善

雲深謹案九靈山房集人

性皆善齋箴爲先生作

梓材謹案宋元僖廟庵集有送李元善序岑安卿  
栲栳山人集有和李元善自誓詩又次李元善求

墨韻

補縣令王明白先生桓

附錄

桂清溪贊其像曰翛然服古人之衣冠綽有古人之風  
度秉心何如忠厚仁恕抱用世之長材感風雲之際遇  
宜重瞳之見知稱篤厚而眷注試絃歌于虞氏歷九秋  
之霜露百廢具興一塵不污吏畏民安虎逸而去持已

宋元學案補遺 卷九十三

十四明叢書  
約開刊本

則一于謙恭待物則公其好惡比孔門之何人匪言偃  
則季路拂袖歸來逍遙散步樂湖山之寬閒忘人閒之  
細故寵辱不足驚用舍一無與亶儒林之模楷爲諸生  
之景慕載瞻儀容想像高趨千載一朝永垂令譽

補御史茅先生甫生

茅甫生字周翰慈溪人以太廟齋郎官至監察御史

茅氏

譜

周疇齋先生堅

周堅字砥道慈溪人以餘姚何氏子後于周旣冠益好

學時王相山趙寶峯閱慈湖遺書有覺出其門者甚眾而浮議者亦眾先生奮不顧浮議一從相山寶峯遊寶峯知其載道器也爲漆漆然啓迪之先生取曾子贊孔子曰皜皜乎不可尙已之句名其燕處之室曰皜齋以自鑑日與相山寶峯及楊小隱時是齋向樂中李原善王彥真烏性善繼善兄弟徜徉山水閒論修己治人之道不知歲之邁云

烏春草集

附錄

寶峯以詩悼之曰湖水洋洋其流孔長良朋不見我心

宋王象祖遺

卷九十三

十二四明叢書

約圖刊本

憂傷湖水洋洋湖山蒼蒼我思古人天行之強萬世所賴胡命未亨湖上良友先逝已矣我心茫茫吾奚在世吾奚在世惟忝所生嗚呼一日匪短百年匪長吾昔誨女斯道莫量

侍講顧先生道

附子愨

顧道字恭復慈溪人趙逸士寶峯其外祖也少聞寶峯

緒論長而慕慈湖之學與慈湖裔孫安仁丞伯淳

雲濠柴伯

淳蓋卽伯純

僉事時銘講論至易傳先聖大訓諸書所造益

遂永樂二年薦于朝授右春坊司諫侍講以疾卒于官

子懋字存誠授司經局正字得父家法

慈溪縣志

王氏門人

周皜齋先生堅

詳上質峯門人

孫氏門人

文裕桂清溪先生彥良

王明白先生桓

並詳質峯門人

陳先生恭

陳恭字莊仲慈溪人

春草同調

宋孝學案補遺

卷九十三

十二

四明叢書

約園刊本

傅先生恕

傅恕字如心鄞縣人學通經史與同郡烏斯道鄭真皆有文名洪武二年詣闕陳治道十二策曰正朝廷重守令馭外蕃增祿秩均民田更法役黜異端易服制興學校慎選舉罷榷鹽停榷茶太祖嘉納之遂命修元史事竣授博野知縣後坐累死

明史

附錄

少日善飲及壯以三爵自限且爲文以戒曰小人哉傅恕也爾負學者之名何爲乎沈涵于酒顛覆厥德上有

垂白之親下有孩提之子疾中乃身雖悔何及惟于古人是效是則限以三爵罔敢少益歷觀載籍飲酒之失君嗜之而喪邦臣耽之而溺職而今而後縱鼎鑊在前刀鋸在側毋逾此限戒之必力庶幾不爲狂藥所移而甘入小人之域

傅氏學侶

縣令陳先生剛

附師徐淵

陳剛字子浩鄞縣人受春秋于徐淵明初應聘爲定海訓導洪武四年徵試吏部中選神木知縣邑控西北邊

宋史卷九十三

上三四明叢書

一約周刊本

與青海爲鄰邊寇時出沒兵燹之餘民人稀少先生撫牧凋殘民稍復業姦胥猾吏痛以律懲之其黨謀引虜入寇先生倉卒備禦猝遇于石山子弓手白敬臣素險黠先生嘗譴而杖之至是與其徒劉繼宣拔刃逼令降賊先生罵曰吾恨不寸斬汝敬臣令繼宣奪先生所佩

印殺之

宋陽外史集

附錄

嘗與甬東傅恕窮日夜績學恥以科目自見造詣日深終不一踐場屋

蕃遠門人

補 承旨危雲林先生素

雲濠謹素先生題吳氏家述後云素獲從國子博士吳先生遊自稱臨川諸生是先生嘗及正傳之門

梓材謹案宋潛溪爲先生墓碑銘言先生年十五卽通五經大旨據座爲人師與同郡葛將曾堅黃昇葛元哲更相警策窮日夜不休復徒步走臨川吳文正公倩江范文白公之門質而正之又言先生著有文集五十卷奏議二卷宋史稿五十卷元史稿若干卷又案李俊民爲草廬儀禮逸經序稱先生爲高第弟子

附錄

宋元學案補遺 卷九十三

十四 四明叢書 約園刊本

順帝以公善筆劄詔書釋氏書公辭曰臣官冑監以教化民彝爲職外教之典不宜書無已遷他官乃可耳

順帝欲以蒙古書譯釋氏三藏經下部刊行公以無益諫罷之

柳道傳答太樸書曰古人所以底至于道者亦曰尊聞行知而不敢以吾一己之私係累于其閒耳今信道如吾友願一求之羣聖人之經以端其本而參之以孟荀揚韓之書以博其趣又翼之以周程張邵朱陸儒先之論以要其歸涵養益密識察益精則發之文章自然極



夫義理之精形之歌詠自然適夫性情之正

梓材謹案此書云云則危氏亦嘗問業於柳氏矣

教授陳石門先生鏗翁

陳鏗翁字太希號石門黃巖人洪武中平陽教授所著

有石門集

台州府志

梓材謹案台州志於先生傳云初從同嶼於相遊相之學則淵源於車玉峯者也又於鮑恕庵傳云鏗翁之學得諸祝進士蕃遠祝得諸車玉峯蓋考亭支流云是先生二師皆淵源玉峯又以見祝先生蕃遠之嘗及車門矣

雪濤謹案謝龜巢集有次韻答毛雲莊并簡太希先生詩云齊名子棟于不受功名酣坐談風月欠

宋毛學素補遺 卷九十三

十五 四明叢書

約園刊本

松塵臥遊山澤非桃膠

學正陳先生庸

陳先生聞

並見侯庵門人

危氏同調

平章多爾濟巴勒先生

多爾濟巴勒字惟中木革黎七世孫也好讀書年十四見文宗適將幸上都親閱御衣命錄于簿顧左右無能書漢字者先生引筆書之文宗喜曰世臣家乃能知學豈易得哉命爲尙衣奉御尋授工部郎中歷拜中書平

章政事首言治國之道綱常爲重時陝州危急因出爲  
陝西行臺御史大夫旋爲平章湖廣卒于黃州蘭溪驛  
年四十先生立朝以扶持名教爲己任薦拔人才而不  
以爲私恩留心經術凡伊洛諸儒之書未嘗去手喜爲  
五言詩于字畫尤精臨川危素嘗客于先生諫之曰明  
公當務安國家利社稷毋爲留神于末藝先生深服其  
言其在經筵開陳大義爲多閒采前賢遺言各以類次  
爲書凡四卷一曰學本二曰君道三曰臣職四曰國政  
明道厚倫制行稽古游藝五者學本之目也敬天愛民  
知人納諫治內五者君道之目也宰輔臺察守令將帥  
替御五者臣職之目也興學訓農理財審刑議兵五者  
國政之目也帝覽而善之賜名曰治厚通訓藏于宣文

關元  
史

侯庵家學

李先生卓

梓材謹案先生侯庵之  
子也嘗編侯庵詩文集

侯庵門人

補  
承旨張蛻庵先生藹

雲濠謹案先生著蛻庵  
集四卷收入四庫集部

蛻庵遺文

方今兵革之時人無定居乃立書院似迂闊非當務夫  
豈知盜賊之興正由教化之不行邪說得乘隙而入痼  
其秉彝好德之心耕鑿有生之道而流爲凶悖汙辱之  
行使之習知有親有義有別有序在人心之本然者以  
啓迪順導之孰思自棄于非類哉今爲吏者不知教爲  
民者不知學馳之飢寒逼之禍災又莫能思患預防之  
故至此極嗚呼斯民也三代之所以直道而行者若良

宋元學案補遺

卷九十三

十七

四明叢書  
約園刊本

有司能明先王化民成俗之方恢宏學校以風厲之民  
思王化今時亦易然也有不興起而日新也哉

柔川書院記

學正陳先生庸

陳先生聞

合傳

陳庸臨川人贈金溪尉義士天錫之次子也舉茂才爲  
柳州路儒學正弟聞通尙書以文詞德行有名于時義  
士與揭文安公爲知己而遠近名士若同郡孫轍危素  
葛元哲番陽李存祝蕃豫章楊鎰皆使諸子執贄往從  
之游

宋文憲集

鄭先生倫

鄭倫字子夔安仁人少攻問學暨長所交皆名流揭文安虞文靖亟請之湖南憲使趙之維薦授寶慶儒學正未赴而天下兵起明太祖初取饒授參贊江淮幕府以病乞歸自號環谷野人洪武乙丑再詔起于家至則年已八十賜坐便殿詢以治道條對具悉欲處以重任以年辭歸又二年卒

饒州府志

梓材謹案先生墓志天台林右所撰王忠文集有鄭氏水木居記謂先生早歲受業於李仲公從之久虞揭二公又皆及其門年逾六十無復當世之志云

宋元學案補遺

卷九十三

十八四明叢書

約園刊本

魯先生脩

魯脩番禺人學詩于李存存以文雄江東獨才先生番數罹兵燹先生懼其詩失傳埏埴爲甃刻瘞之山中瘞已請宋太史濂勒銘其上

宋文憲集

仇氏門人

文肅柳靜儉先生貫

詳見北山四先生學案

承旨張先生翥

詳上俟庵門人

訓導莫先生惟賢

莫惟賢字景行錢塘人好學能詩洪武初爲杭庠訓導

所著有廣莫子稿

姓譜

張貞居先生兩

張雨字伯雨海昌人以儒者抽簪入道自錢塘來句曲  
貞居其自號句曲外史世人稱之也著有句曲外史集  
吳郡徐達左序之云以吾夫子中庸之道修己治人之  
學金聲玉振之文昭著于天地使其學道而望洙泗之

科猶未易量也

句曲外史集附錄

雲濠謹案先生又字天雨六世祖爲橫浦先生其  
贈姜彥翁秀才詩序云晉寧張仲舉氏與子同師  
仇仁近先生爲童子師云云又跋定武蘭亭云僕  
曩侍趙文敏公學書則先生爲松雪學書作侶黃

宋元學案補遺

卷九十三

十九 四明叢書

約園刊本

文獻嘗爲其師友集  
序而劉誠意誌其墓

附錄

自贊畫像曰志逸心疲身清命濁逃同類而親猿狙毒  
厚味而美藜藿學取益而勝其損事知危而姑與之安  
一龍一蛇不厭己之深眇惡衣惡食先憂人之飢寒忽  
然爲人而反常若此若何以祛有身之患

孫氏門人

學正陳先生庸

陳先生聞

並見侯庵門人

學正李先生伯源

李先生季淵

並詳草廬學案

葛氏門人

教授蘇先生伯衡

詳見北山四先生學案

學正陳先生庸

陳先生聞

並見俟庵門人

黃氏門人

危先生素

詳上蕃遠門人

桂氏家學

宋元學案補遺

卷九十三

二十

四明叢書  
約園刊本

桂先生慎

桂先生全

合傳

桂慎桂全長史彥良之二子也慎嘗從潛溪受經

宋文憲集

桂氏門人

編修張先生唯

別見北山四先生學案補遺

太學戴先生習

戴習字原學定海人朝奉大夫埴之六世孫也爲國子

生通敏好學早從桂彥良胡舜咨遊

貝清江集

蔣先生學

蔣學

春草門人

僉事時先生銘

時銘字季照慈溪人

梓材案成化四明志以爲鄞縣人字季昭以字行

受業烏

春草之門洪武閒鄞庠辟訓導已擢監察御史以疾歸復用薦徵爲崇仁令掃除宿弊歷三考超擢四川按察僉事先生能詩而工于文奇正閒出變化不窮云

慈溪縣志

附錄

崇仁縣治南有橋名後柞譌爲後濁及先生至守職不

宋元學案補遺

卷九十三

二三四明叢書

約園刊本

污人改呼爲永清焉

陳氏家學

縣令陳先生柅

陳柅字孟漢慈溪人莊仲從子自幼侍莊仲學倫道有司舉孝廉不起後復以聰明正直舉授饒之德興令以

文名

寧波府志

胡氏門人

太學戴先生習

見上桂氏門人

陳氏門人

孝子夏先生琛

夏琛四明人有孝行嘗師陳剛

九靈山房集

梓材謹案戴九靈在吾鄞與夏琛兄弟遊蓋卽先生

危氏家學

教授危先生叔

危叔字於臆雲林冢子中至正二十年進士自檢討奉

常遷佐荊州雲林賦詩勉之入明爲安慶教授

宋文憲集

危氏門人

學正陳先生庸

宋元學案補遺 卷九十三

三三四明叢書

約園刊本

陳先生聞

並見侯庵門人

副使吳先生彤

別見草廬學案補遺

員外端木先生孝思

別見北山四先生學案補遺

王空同先生溥

王溥字宗溥吳人嘗從危雲林學雲林歿恤其孤甚至

又出入蔡淮河上發劉河閒祕術注藥起人疾求者輒

與絕不問氏名自號空同外史

宋文憲集

詹先生孟舉

詹孟舉□□人嘗及巖子山之門又嘗聽教于危太樸



周伯琦與解開先爲同門

解春  
兩集

石門門人

紀善鮑恕庵先生仁濟

鮑仁濟字原宏號恕庵黃巖人嘗從陳鏗翁遊博極羣書爲文精密雄健一主于理洪武閒薦授樂清訓導重厚善教永樂初陞伊府紀善進治國要道十二章遇事輒面諍不少隱先是錄翁以女妻先生已而陳被誣籍沒無後先生爲文招其魂祀于家之別館俾妻陳氏主之終其身所著有恕庵集

台州府志

宋王學案補遺 卷九十三

三四明叢書

約園刊本

鄭先生履

鄭履字立禮官常郡經歷天台陳太希之門人

謝龜  
巢集

張氏門人

縣令張先生理

張理字玉文安仁人隱君英之曾孫也十歲通經史十五能屬文父爲築義湖精舍于室之南偏聞見益廣復從廬陵王充耘學較藝江浙鄉闈不中遂學詩于張承旨翥悉授以詩家之法至正壬辰斬黃寇亂破饒州而安仁陷先生與弟瑑計復之後里歲儉三百餘家依以

爲安辛丑附明擢知黟縣事改漳浦縣修學聘師集子

弟而誨飭之政教大治

宋文憲集

孝子陶南村先生宗儀

別見北山四先生學案補遺

宋元學案補遺

卷九十三

二

西四明叢書

約園刊本

宋元學案補遺卷九十三

宋元學案補遺卷九十四

目錄

師山學案補遺

夏吳門人

補

鄭先生玉

師山講友

汪先生克寬

詳見雙峯學案

鮑先生魯卿

胡先生伯仁

宋元學案補遺 目錄

四明叢書  
考證刊本

師山學侶

補

唐先生仲實

汪先生堯

師山同調

補

程先生文

師山家學

鄭先生琮

鄭先生逢辰

鄭先生拱辰

合傳

師山門人

補汪先生自明

補王先生友直

補吳先生虎臣

趙先生沔 詳見草廬學案

程先生可紹 別見介軒學案補遺

黎先生敏

李先生友諒

洪先生采

宋元學案補遺 目錄

二 四明叢書  
約圖刊本

汪先生貞保

唐氏家學

唐先生子儀

唐先生子彰

唐氏門人

汪先生貞保 見上師山門人

程氏門人

鄭先生琮 見上師山家學

張先生吳

胡先生世顯 合傳

徐先生穎 缺

樗庵門人

吳先生玉林 別見草廬學案補遺

汪先生貞保 見上師山門人

汪氏家學

汪先生積善

以元家學

汪先生益謙

宋元學案補遺卷九十四

後學 鄧王梓材 同輯  
慈谿馮雲濠

師山學案補遺

夏吳門人

補 隱君鄭師山先生玉

雲濠謹案師山一作獅山東維子集送先生序稱之曰獅山處士鄭子美氏其言處士之起也則云所與遊者自吳詢而下若干人感爲歌詩以送之又案先生夫人程氏

附錄

嘗因同郡進士王君儀過之欲烹雞供具僮僕逐雞飛

宋元學案補遺 卷九十四

一 四明叢書  
約園刊本

鳴蹄躅遂不忍烹王君拊其背曰子美長養此心因是于側隱之發體認涵養造詣益深

嘗構精舍于里之師山其堂曰三樂踞岡爲軒曰極高明集諸朋遊討論春秋筆削之旨爲之註釋曰春秋闕疑

郡帥珊竹鐵公素相厚善至是率諸子執弟子禮而時自造資其教益

監郡強起之請以布衣入覲行至海上疾作草謝表授使者而歸舟過建德之淳安邑之梓桐源士族徐氏王

氏迎先生登覽河山之勝徐氏將建書堂

梓材案先生遺文將築書

堂者徐君士毅也

留先生講道其中門人鮑深自浙來會遂與

俱歸

郡城失守先生率昆弟子姪復往梓桐源仍館徐氏

羈留郡城先生閉戶高臥不食七日猶賦詩爲文從容

若平時爲書諭諸生曰人言食人之食則死其事未食

其食奚死然揆之吾心未獲所安先哲論殷三仁胥獲

本心士臨事惡可不盡其本心哉吾初欲慷慨殺身以

敦風化旣不獲遂死今將從容就死以全節義耳

宋元學案補遺

卷九十四

二四明叢書

約園刊本

先生自序餘力棄曰余年十數歲時蒙昧未有知識于  
前言往行無所擇獨聞人誦朱子之言則疑其出于吾  
口也聞人言朱子之道則疑其發于吾心也好之旣深  
爲之益力不惟道理宗焉而文章亦于是乎取正久而  
浸熟不知我之學古人而疑古人之類我也

汪環谷曰先生爲學大概本于朱子嘗曰易于諸經爲  
首出而獨爲完書天地萬物之理古今萬事之變易無  
不具而吾身心四體出處進退易無不在是故不可一  
日而不講者于是取文王周公之辭以爲經列夫子十

翼之辭以爲傳其或十翼辭義簡奧則附以註說命曰  
周易大傳附注既又折衷程朱二夫子之說合爲一書  
命曰程朱易契

王忠文書先生文集後曰以文求先生非知先生者欲  
論先生者當自其平生大節而觀之

梓材謹案朱氏經義考載先生春秋經傳闕疑三  
十卷存四庫全書著錄者四十五卷提要稱其體  
例以經爲綱以傳爲目敘事則專主左氏而附以  
公穀立論則先以公穀而參以歷代諸儒之說經  
有殘缺則考諸傳以補其遺傳有舛誤則稽于經  
以證其謬大抵平心靜氣得聖人之意者爲多其  
序謂常事則直書而義自見大事須變文而義始  
明蓋春秋有魯史之舊文有聖人之特筆不可字

宋元學案補遺 卷九十四

三四明徵書

約閣刊本

求其義如酷吏之刑書亦不可謂全無其義如史  
官之實錄又曰聖人之經詞簡義奧固非淺見臆  
說所能窺測所以歲月既久殘缺滋多又豈懸空  
想像所能補綴與其通所不可通以取議於當世  
孰若闕其所常闕以俟知於後人其論皆洞達光  
明深得解經之要故開卷周正夏正一事雖其理  
易明而意有所疑卽闕而不講慎之至也又稱其  
追降不屈與宋呂大主及同時李廉均可謂能明  
大義不愧於治春秋矣明耶瑛七修類稿乃謂其  
不受元爵自當仕明謂之當生而不生其說殊謬  
伯夷叔齊豈嘗受殷爵哉瑛所云云所  
謂小入好議論不樂成人之美者也

師山講友

鄉舉汪環谷先生克寬

詳見雙峯學案

鮑先生魯卿



鮑魯卿字景曾歙縣人幼負奇才讀書三行並下日記數千百言天文地理曆律度數無不研究尤精于兵法遭世承平無以自效喟然歎曰施于有政是亦爲政吾將行之于家又何必天下乎嗜書如飴雖家務叢雜手不釋卷其爲學專以講明心法爲主而以修飾行義爲先其論人則以識見高下爲格而不泥其成敗之迹嘗與師山坐蒲亭山上論天下形勢山川險易若身履其地者幅員之大如指諸掌及言古今治亂自三代以下無不提其要領而中其肯綮云子元康

師山文集

宋元學案補遺

卷九十四

四四明叢書

約園刊本

胡先生伯仁

胡伯仁師山友人也師山被召至四明從先生假得程朱易傳義歸來山中日誦一卦若有所得云

師山文集

師山學侶

補 徵君唐白雲先生仲實

梓材譚案歙縣志古蹟三峯精舍在槐塘唐白雲所築常與危太樸鄭師山講論此堂前對三峯巒秀故名

隱君汪碧山先生垚

汪垚字子厚歙縣人入元不仕世稱碧山先生與同邑

鄭耆齡鄭子美爲紀羣之交著有小學通俗編倡綱川社恤養孤寡不使流入緇黃各獲滋生成聚得相友相助相扶持家教不談佛老臨卒尙傳不齊不醮之屬

注氏譜

### 師山同調

補禮部程黟南先生文

雲濠謹案元史儒學陳眾仲傳附載先生云作文明潔而精深處道固多稱之

### 附錄

陳夷白哭之曰天能窮其身而不能使其文不工能使

宋元學案稱遺

卷九十四

五十四明叢書

約圖刊本

其道不大行于世而不能使其文不傳嗚呼哀哉

又序禮部文集曰新安程君虞公之所雅敬而揭公之所畏厚者也君盛年時挾所有客京師介然自持不苟務造詩居窮守約人所不能堪而未嘗一日不鑽研六藝紬繹百家漱滌刮磨與古爲徒蓋性能而好之之篤如此非直事剽竊銜華藻以馳驚聲勢而已

### 師山家學

鄭先生琮

鄭琮字叔方師山仲父椿齡之子也年十五從程文先

生學書法得鍾繇筆意師山有山水癖好堪輿家言號  
地理學從之遊三日盡得其意卒年二十二

師山文集

鄭先生逢辰

鄭先生拱辰

合傳

鄭逢辰師山之子拱辰師山弟希貢之子也戊戌之難  
師山與書曰我兄弟孝友終身卒全節義兄死報國弟  
生保家此萬世法程也逢辰拱辰宜守吾兄弟之志守  
篤孝友之風如浦江鄭氏豈止吾地下之榮實吾祖宗  
之榮也勉之勉之

師山遺文

宋王學案補遺 卷九十四

六

四明叢書 約園刊本

師山門人

補 汪先生自明

附錄

幼孤侍祖避亂途遇寇欲刃之先生涕泗求代賊異而  
釋之

少從鄭師山遊師山以孤託俊德俊德撫之成立

補 王先生友直

梓材謹案四庫書目提要云師山集中有屬王季  
溫刊春秋闕疑書至被執就死之時惟惓惓以此  
書爲念蓋其平生精力所注也

補  
吳先生虎臣

梓材謹案師山遺文附錄貞白行狀云女一日柔貞嫁同郡吳虎孫師山行狀云余公闕大書鄭公鈞臺先生自爲文記之里人吳虎臣刻諸石是先生與師山妹夫似屬兩人然先生文集登鈞臺記明言妹婿吳虎臣其爲一人無疑殆有二名耳

隱君趙東山先生仿

詳見草廬學案

程孝則先生可紹

別見介軒學案補遺

教諭黎先生敏

黎敏臨川人師山學生官歙縣教諭嘗爲文以祭師山

師山

遺文  
附錄

宋元學案補遺

卷九十四

七

四明叢書  
約園刊本

李先生友諒

李友諒字進誠師山之徒也師山嘗爲之字說

師山遺文

洪先生采

洪采亦師山之徒也王仲履旣字以元白而爲之序師

山過其家復請字說師山乃爲之說云

師山遺文

汪先生貞保

汪貞保字以元歙縣人子厚子游鄭子美之門與同學

鮑伯原締姻相切磋並爲師山善後

汪氏譜

梓材謹案先生子義烈君余受業師篤園夫子之十五世祖也夫子述義烈行略而宜興吳氏爲之

傳其溯先生云師鄭師山玉鄭樗唐白  
雲桂芳諸公是則不獨游子美之門矣

### 唐氏家學

#### 藩傳唐先生子儀

唐子儀名文鳳以字行山長仲實次子生而穎悟尚名  
節郡守黃希範辟教紫陽書院後守陳彥白薦爲興國  
令力行教化務在與民同休息後徵入朝成祖親簡名  
流爲趙漢二藩官屬以先生爲趙傳數有諫導時王方  
坐嫌疑賴先生左右力得免

歙縣志

#### 待詔唐拙菴先生子彰

宋元盛案補遺 卷九十四

八四明叢書 約園刊本

唐子彰名文魁以字行仲實季子幼聰穎發憤下帷足  
十年不窺戶外尤善鍾王書法聞于朝詔以束帛徵至  
闕上喜命待詔文淵閣纂修永樂大典每奏一篇上輒  
歎曰良史才屢以親老乞歸授以官不拜所著有拙庵

### 集

歙縣志

### 唐氏門人

#### 汪先生貞保

見上師山門人

### 程氏門人

#### 鄭先生琮

見上師山家學

張先生吳

胡先生世顯

合傳

張吳葵源人程禮部門人也同里且親收拾禮部遺稿  
會粹爲三十八卷與同門臨安胡世顯校正刊之

夷白齋集

博士徐先生穎

缺

榜庵門人

吳先生玉林

別見草廬學案補遺

汪先生貞保

見上師山明人

汪氏家學

宋學案補遺 卷九十四

九四明發著

約園刊本

汪先生積善

汪積善俊德子道得金珣守之一婢哭而來還之河中

水漲候渡有拜河中者則其婢與夫也延款其家水忽

大漲覆舟先生得免

安徽通志

以元家學

汪先生益謙

汪益謙字受之以元子少承家學豪俠有節槩以孝友

擊鄉寇傳于世

汪氏譜

宋元學案補遺卷九十四

宋元學案補遺卷九十五

目錄

蕭同諸儒學案補遺

架庵先緒

同先生繼先

晦翁續傳

補蕭先生對

補同先生恕

菊潭師承

宋元學案補遺 目錄

補蕭先生克翁

勤齋學侶

蕭先生雷龍

附族子性敏

勤齋同調

補韓先生擇

補侯先生均

呂先生壘

詳見魯齋學案

羅先生榮祖

黃先生所志

附鄭子誠

□□□□

武先生震

附師李迂軒子戢

楊先生時照

附門人李□

姚先生和中

何先生德之

王先生奎文

蕭氏門人

補李尤魯先生翀

補呂先生思誠

宋元學案補遺 目錄

二 四明叢書

約園刊本

胡先生居祐

王先生克誠

廉先生惇

同先生毅

陳先生留

合傳

智先生炳

合傳

李先生材

合傳

盧先生烈

合傳

芳洲家學



齋先生洵 別見廬陵學案補遺

武氏門人

史先生灼

楊氏門人

周先生之翰 附兄之綱

姚氏門人

汪先生澤民

李先生習

李先生翼 附子洙汶

宋元學案補遺 目錄

何氏門人

蒲先生道源

王氏門人

宋先生本 附師王奎文

謝先生端 大父元賁

□□□□

宇文先生公諒

侯先生克中

郝先生道寧 附子伯魯

張先生善

王先生文煥

字文學侶

葉先生顥

菊潭家學

補字術魯先生遠

菊潭門人

貢先生師泰

詳見草廬學案

汪氏門人

宋元學案補遺 目錄

汪先生文炳

劉先生性初

張先生師愚

張先生師曾 合傳

梅先生致和

大父師哲附子士熙

伯羽門人

陶先生安

仲羽門人

劉先生允

宋氏家學

宋先生駿

宋氏門人

吳先生炳

謝氏門人

楊先生惟肖

侯氏門人

鄭先生郁

父天祐

郝氏門人

宋石學案補遺

目錄

五

四明叢書  
約園刊本

左先生煥

郭先生郁

見上侯氏門人

張氏家學

張先生公爵

陶氏門人

喻先生仲衡

張氏門人

唐先生伯剛

朱元學突補遺卷九十五

後學 鄧王梓材 同輯  
慈谿馮雲濠

蕭同諸儒學案補遺

渠庵先緒

司庫同先生繼先

同繼先奉元人寬甫父博學能文廉希憲宣撫陝右辟

掌庫鑰元史

晦翁續傳

補 貞敏蕭勤齋先生剡

朱元學案補遺 卷九十五

四明 約園刊本

附錄

博極羣書天文地理律曆算數靡不研究

鄉人有自城中暮歸者遇寇欲加害詭言我蕭先生也

寇驚愕釋去

先生制行甚高真履實踐爲文辭一以洙泗爲本濂洛  
考亭爲據闢輔之士翕然宗之稱爲一代醇儒

隱于終南山下鑿土室以居之盡得聖賢遺經以及伊  
洛諸儒之訓傳陳列左右晝夜不寐始則誦讀其文久  
則思索其義如是者餘三十年

省憲請公就職公以書辭曰某蚤事文墨見一時高才捷足趨事功者效之不能是以安于田畝讀書爲事本求寡過不謂名浮于實聖恩橫加竊念聖人之教必明德而後新民成己乃能成物昔夫子使漆雕開仕對以吾斯之未能信然則心術之微雖聖師不若開自知之審念某學行未至自知甚明望達廟堂改授眞儒則朝廷得人學者得師某亦不失爲寡過之人矣

擢國子司業進使徵之公又力辭不拜其言曰某念寡陋與人共學非敢爲師向授提學幸承聽允其辭旣不能當外郡學職豈可復預國學之事況敢辭卑居尊以取無廉恥貪冒之罪乎

至大二年徵拜集賢學士國子祭酒口前太子右諭德進階通議大夫公以老疾辭門人疑焉問曰聖人樂得天下英才而教育之今先生辭祭酒者何也公曰曩在京師有朝士再三以成均教法爲問者余告之曰若欲作新胄子當罷歲貢一如許文正公時專于教養彼旣外無利祿之誘內有問學之功則人材庶有望矣此語一傳物議鼎沸執政者亦深不以爲然今余出則徇人

豈能正己以正人乎

李木魯狎至自南陽從公受業久之謂人曰某游江右獲識諸老聞其議論或有不讓今見齋先生使某自不能措一辭信知吾道之無窮也

蘇滋溪誌其墓曰惟關輔自許文正公楊文康公鳴理學以淑多士公與同公接其步武學者賴焉公之學自六經百氏山經地志下至醫經本草無不極通其說尤邃三禮及易江西儒者標題小學書行于世公聞以朱筆塗之曰凡今標題多朱子所不欲存者如鄧伯道繫其子于樹之類吳文正公是之

宋元學案補遺

卷九十五

三四明齋

約圖刊本

又曰公教人極嚴諸生惴惴畏服其學皆自小學始次及四書諸經日與學者講說經訓滾滾不窮待其曉解方授別義人來質疑卽命其徒取其書某卷所載以對曰若背文暗誦恐或悞人

劉致爲諡議曰士君子之趣向不同則各得所志而已彼不求人知而人知之不希世用而世用之至于上徹帝聰鶴書天出薜蘿動色巖戶騰輝猶堅臥不起不得已焉始一至卒不撓其節不墮所守而去亦可謂得所

志也已

補文貞同樂庵先生恕

附錄

先生安靜端凝羈絆如成人從鄉先生學日記數千言  
教人曲爲開導使得趣向之正

與人交雖外無適莫而中有繩尺

先生自京還家居十三年縉紳望之若景星麟鳳鄉里  
稱爲先生而不姓

菊潭師承

宋元學案補遺

卷九十五

四四明叢書  
約園刊本

補蕭先生克翁

蕭克翁新喻人正肅公燧四世孫隱居不仕學行爲州  
里所重學術魯紳從之遊稱爲純儒

明一統志

勤齋學侶

著作蕭芳洲先生雷龍

附族子性敏

蕭雷龍字作霖吉水人童州時輒嗜學弗厭元平江南  
束書遊燕都有言于世祖者遣使召見奏對稱旨西游  
關陝謁蕭貞敏公子京兆謂當爲南士之冠至大初有  
薦爲衛尉院大使者復至燕都改祕書監著作郎未幾

馬忽蹶于門意以爲不祥卽口投牒謝去遂絕意仕進  
族子性敏卮子貧弗克進學招與諸孫爲師友後爲名  
儒積世藏書頗多構竹林精舍發舊藏度之晚年構堂  
西偏扁曰芳洲因自號爲芳洲云劉岳申高第洵其季

孫也

宋文憲集

勤齋同調

補徵君韓先生擇

附錄

尤邃禮學有質問者口講指畫無倦容士大夫宦遊過

宋元學案補遺

卷九十五

五四四明叢書

約園刊本

秦中必往見之莫不虛往而實歸焉

補博士侯先生均

附錄

其答諸生所問窮索極探如取諸篋笥

先生貌魁梧而氣剛正人多嚴憚之及其應接之際則  
和易款洽雖方言古語世所未曉者莫不隨問而答世

咸服其博聞

文穆呂先生瑩

詳見魯齋學案

徵君羅先生榮祖



羅榮祖字仁甫歙縣人與處士蕭科同被徵鄭左參力  
爲勸駕先生嘗招隱詩謝之

江南通志

黃先生所志

附鄭子誠

黃所志字志尹豐城人以學行文章爲復林李戶部客  
至元戊寅俘于兵弼于長安鄭子誠家子誠儒長者與  
蕭惟斗友一見先生命諸子師事之遂名長安中家長

安三十年餘

程雪樓集

□□□□

主簿武先生震

附師李迂軒子載

宋元學案補遺

卷九十五

六四明徵書

約園刊本

武震趙郡武威人攸績之胄也幼入小學獨不放惰就  
學于真定李迂軒先生樞密判官白文舉聞夜誦獨苦  
大加期異太尉史忠武公致禮于第爲諸孫師至元七  
年中高第十一年又舉學官爲州學教授新殿堂齋房  
大集諸生修教事由是趙學興盛爲河朔先二十一年  
調將仕佐郎濮州臨清主簿明年卒年五十七先生邃  
于經史誨人亶亶無倦子戢爲中書掾有清白聲退食

杜門惟以奉母教子爲急先務

程雪樓集

署丞楊庸齋先生時煦

附門人李□

楊時照字春卿玉田人嘗爲興文署丞幼穎悟質厚制  
行不爲崖岸隱居教授餘二十年居一室環種以竹名  
之曰庸齋病革訣其門人李生日予平生無媿于世言  
竟怡然而逝

靜修詩  
文拾遺

### 徵君姚四清先生和中

姚和中字□□當塗人世爲儒家徵召不赴一時從遊

甚盛如婺源汪澤民同邑李習李翼皆其弟子

江南通志

梓材謹案宋學士濂跋姚氏墓銘述吳淵穎之言曰當塗有姚四清徵君者時之碩士也四清蓋先生別號

宋元學案補遺 卷九十五

七

四明叢書  
約圖刊本

### 處士何先生德之

何德之成都處士蒲應奉其弟子也晚居興元卒袁清  
容挽之曰江漢清秋老岷峨故國身潛川珠玑璨璣  
玉字尹逸興蟬離垢癯容鶴寫神發研經席正炙輶辨  
鋒新素業書千篋幽居黍一囷非辭魯生辟自樂管寧  
淳水近藻交佩巖低溜塾巾詩清猿母泣詞整燕雛親  
夢往蕉疑鹿書成筆感麟山觀天外象梅閱靜中春燐  
黑魂猶慘槐黃事可詢極知情惘惘徒意走趨趨故里  
傳遺稿空堂象素真故人調鼎醵弟子演絲綸靖節名

堪繼文中躅可循悠然端有意念此竟誰陳

清容居士集

### 王慎獨先生奎文

王奎文字昌甫江陵人號慎獨先生宋祭酒本傳性命

義理之學于先生

宋燕石集

蕭氏門人

補文靖李木魯菊潭先生翀

雲濠謹案先生始名思溫字伯和蕭克翁因夢大鳥止所居爲易其名事詳元史蘇滋溪爲先生神道碑云年出二十號稱鉅儒由憲府薦授學官歷陞右司員外郎泰定初充會試考官遷國子司業至順元年同知禮部貢舉元統二年拜江浙行省參知政事以葬親北歸復號至元元年召拜翰林

宋元聖案補遺 卷九十五

八一四明叢書

約園刊本

侍講學士知制誥同修國史以未葬辭明年復命編修官成遵召之而疾不能行矣又云公之先女真貴族有菊潭集六十卷

### 菊潭遺說

孔子經法于易則溯伏羲以本無言書則始唐虞以道政事詩則采殷周以正性情春秋則黜五霸以嚴名分禮樂升降以鑑污隆天人之道至矣

### 附錄

稍長讀書一覽卽記郡公以順陽僻左徙居于鄧貞隱李先生鄧名士也公從學詩賦同門莫及

復游漢上從翰林姚文公學古文文公奇之以書抵李  
真隱曰子輩談議鋒出其踐履一以仁義爲準文章不  
待師傅而能後進無是倫比于是真隱以女妻公

梓材謹案元史本傳稱姚以書抵  
蕭貞敏蕭以女妻之未知孰是

公之爲學務博而約自六經諸史傳註下至天文地理  
聲音曆律水利算數皆考其說聽其言論滾滾不窮  
自官汴學士之從者日眾及師成均與鄧公文原虞公  
集謝公端爲同時教人不倦發明經旨援引訓說累數  
百言極于至當而後已

宋元澤集補遺

卷九十五

九十四明鏡齋

一約圖刊本

岐山周公廟道士據之公曰周孔名教炳如日月豈宜  
列于異端請設書院令學官主之

吳文正公嘗曰索術魯公學博而正特立無朋聞者以  
爲知言

公在翰林時進講罷上問曰三教何者爲貴曰釋如黃  
金道如白璧儒如五穀上曰若然則儒賤耶對曰黃金  
白璧無亦何妨五穀于世豈可一朝闕哉上大悅

其居國學者久論者謂自許魯齋之後能以師道自任  
者惟耶律有尙及先生而已

補 忠肅呂先生思誠

附錄

宋潛溪題呂仲實詩後曰惟公蚤師蕭貞敏公傳道德性命之學真知實踐故其立朝大節極有可法篤章散落于四方者固宜寶之如魯敦周彝傳之于子若孫也

胡先生居祐

胡居祐字彥承京兆人嘗學于蕭維斗所爲詩文六十

篇程鉅夫爲之序

程雪樓集

幕長王先生克誠

宋元學案補遺

卷九十五

十

四明叢書

約園刊本

王克誠□□人掾東曹嘗遊蕭勤齋之門又爲秦省幕

長

程雪樓集

左丞廉先生惇

廉惇四川行省左丞肅勤齋門人與李木魯紳以勤齋

易名爲詩

蘇滋溪集

同先生毅

陳先生留

合傳

智先生炳

合傳

李先生材

合傳

盧先生烈 合傳

同毅陳營智炳李材盧烈皆勤齋弟子知名于時 蘇滋  
溪集

芳洲家學

蕭先生洵 別見廬陵學案補遺

武氏門人

史先生灼

史灼永清人忠武公天澤之孫也武先生門人卒爲述

其行事 程雪  
樓集

楊氏門人

宋元學案補遺 卷九十五

十二四明叢書  
欽定四庫全書

知州周先生之翰 附兄之綱

周之翰字子宣燕人母王氏翰林學士承旨文康公鸞  
之女讀書賢明教子有法先生與兄侍講之綱早歲皆  
以儒名侍講以朝命出繼文康公後先生歷拜冠州知  
州卒年六十有五嘗問學于楊先生時煦居官廉慎毫

釐無所私 蘇滋  
溪集

姚氏門人

文節汪先生澤民

汪澤民字叔志婺源人寓居宣州延祐五年進士授承

事郎歷官奉議大夫知兗州所至稱神明至正三年除國子司業預修三史書成遷集賢直學士未兩月告歸以禮部尙書致仕十五年長鎗軍瑣南班等犯宣州或勸之去先生曰我雖無官受國恩厚臨危愛死非臣子節凡籌畫戰守多出其策累敗賊兵明年賊來益眾城陷不屈遂遇害時年七十追封諡郡公諡文節

元史類編

梓材謹案萬姓統譜載先生爲龍溪學士藻七世孫少警悟力學長通諸經考宋文憲集爲先生神道碑乃龍溪七世從孫也

### 附錄

宋王學集卷九十五

十四明叢書約圖刊本

先生既歸僦屋以居門生弟子援洛中諸賢故事爲築室宛水之濱先生日督諸孫讀書以自娛不知其貧其爲學本諸六經真知實踐無不本于道義

### 知州李先生習

李習字伯羽當塗人治尙書旁通諸經延祐四年領鄉薦授書院山長明太祖渡江先生借其門人陶安迎謁年已八十餘矣卽以爲太平府知府卒于官著有橄欖

### 集五卷

安徽通志

### 教授李先生翼

附子淞汶

李翼字仲羽伯羽之弟兄弟齊名江左稱爲二李吳淵  
穎稱伯羽之文簡密嚴與仲羽之文豐腴縟麗先生中  
延祐七年浙江鄉試官教授早卒子洙字宗泰學純行  
端爲余闕所禮重洙弟汶字宗茂明初召爲史館編修  
與修元史兩典文衡出爲南和令有善政

安徽通志

何氏門人  
提舉蒲順齋先生道源

蒲道源字德之號順齋青神人其父政午以元初徙興  
元先生卅歲就學強記過人未成童已通經大義逮乎

宋元學案補遺卷九十五

十三四明叢書

一約園刊本

立年復以濂洛諸儒之說倡于漢中而漢中之士知有  
道德性命之學先生務自博以入約由體以達用真知  
實踐不事矯飾教人具有師法大抵以行檢爲先而窮  
經則使之存心靜定而參透于言語文字之外嘗爲郡  
學正晚詣京師以博士教國子居歲餘輒自引去詔起  
提舉陝西儒學不就以卒有閒居叢稿二十六卷

黃文獻集

梓材謹案先生爲蒲傳正左丞裔孫袁清容書至  
丞帖云蒲爲西蜀大族已卯之變徙興元者獨能  
保其宗又云厥今理學宏闢實始于春陵周元公  
元公之道之學實蒲公紀其事然宋史左丞傳多  
貶詞云



蒲順齋說

漢置五經博士取其專且精也今之學者恥一經之不該及究其歸趣則茫然莫據又或以註釋經義媒仕進者視其書皆撥拾先儒已成之書初無自得之實而徒耗蠹紙劄靡亂經訓益使人厭之今欲令學者各守一經則不免于陋欲兼通諸經則汗漫而不精欲拒注釋之煩雜則恐或廢其善欲容而受之則易惑學者其何以矯其弊而通其中者乎

王氏門人

宋元學案禮遺 卷九十五

十四 四明叢書

約園刊本

正獻宋先生本

附師王奎文

宋本字誠夫大都人成童聚經史窮日夜讀之句探字索必通貫乃已嘗從父禎官江陵江陵王奎文明性命義理之學先生往質所得造詣日深年四十始還燕至治元年策進上第一累擢禮部尙書轉集賢直學士兼國子祭酒卒諡正獻

元史

雪濠謹案先生初名克信寓南中時自號江漢鶴  
仙性樂水及漁又號垂綸亭主人見其弟翰林裴

所作  
行狀

附錄

至正二十年戶部公出爲杭州東南隅錄事判官公受  
句讀于杭士石厓何天麟卽聰悟可喜

大德六年侍戶部公赴官平準俸薄公聚徒養親如武  
昌時兼教其弟息州都監克敏及毀

十一年戶部公薨藁殯江陵母李年且老戶部公歷仕  
南土雖二十餘年小心謹畏家素乏蓄積公至是孤益  
貧苦殆無以衣食喪祭哀戚之餘教童子七十八人講  
授紛沓親理米鹽雜務方苦心力學不以寒暑晝夜作  
輟當食亦置書其傍披覽研究不覺匕箸之及口飯羹  
數冷溫而復進始得終餐夜分迺寐幾廢寢食

宋元學案補遺

卷九十五

十五四明叢書

一約園刊本

進奎文閣學士院供奉學士亞中大夫時方修經世大  
典分局撰書公纂述夏官政典凡若干卷編摩緻密事  
備辭嚴孔子父母已封啓聖王王夫人獨鄆國夫人开  
官氏猶仍舊號出公建言降制加封爲大成至聖文宣  
王夫人

文安謝先生端

大父元音

謝端字敬德其先遂州青石人宋季避兵出蜀居江陵  
至先生始家武昌祖元賁深通玄象江陵制置使孟珙

敬禮之先生十歲時讀書江陵郡學屢出同舍生上其師異之弱冠偕廣陽宋本從王奎文遊講明性理之學俱有才名郡人以謝宋稱之延祐元年中河南鄉貢五年賜進士出身同知湘陰州事累轉翰林修撰同知制誥兼國史院編修官三官就遷待制選爲國子司業復入翰林直學士卒贈國子祭酒陳留郡侯諡文安先生教胄子嚴毅方正諸生凜凜畏服講說經義能明聖賢之旨諸生質疑請問無倦爲文辭簡而有法其于前代君臣得失古今文章美惡歷歷能道其詳遠宋金國興廢人物賢否亦皆精熟嘗以不克纂述三史爲憾云

宋元學案補遺

卷九十五

十六四明叢書

約卷刊本

溪文集

梓材謹案先生號橙齋宋文清燕石集有祭謝橙齋文

附錄

史松宣慰荆南數加延禮薦之姚樞樞方以文章大名自負少所許可以所爲文眎之先生一讀卽能指擿其用意所在樞歎獎不已語人曰後二十年若謝端者豈易得哉

初文宗建奎章閣蒐羅中外才俊置其中嘗語阿榮曰

當今文學之士朕惟未識謝端七何文宗崩竟不及用  
先生又與趙郡蘇天爵同著正統論辨金宋正統甚悉  
世多傳之

□□□□

僉事宇文純節先生公諒

宇文公諒字子貞其先成都人父挺祖徙吳興遂爲吳  
興人通經史百氏言行有操累官國子監丞嶺南廉訪  
僉事平居雖暗室必正衣冠端坐晝有所爲夜則書之  
其不可書卽不敢爲所著有折桂等集門人私謚曰純

宋元學案補遺

卷九十五

十七

四明叢書

約園刊本

節先生

姓譜

侯先生克中

侯克中字正卿真定人幼喪明聆羣兒誦書不終日能  
悉記其所授長習詞章自謂不學可造詣旣而悔曰吾  
明于心刊華食實莫首于理理以載道原易以求則爲  
得之于是精意讀易旁通曲會參以己說而名之曰通  
義袁清容序之曰思深而識幽據會提要蓋將爲程子  
之忠臣倣文公以入夫邵子之室非潛心尊聞者不能  
也又稱其年踰九十康色未艾云

清容居上集

知事郝先生道寧 附子伯善

郝道寧真定人以詩書教授鄉里學者常至百人郭侍郎口左主事煥尤著名者子伯魯字希曾少傳父學起家樂城縣教諭遷固安州學正爲守令者重之爲諸生者敬之後以才擢戶部史轉太醫院出官萬億綺源庫

知事卒

蘇滋  
溪集

學士張先生善

張善寧晉人讀書業儒不事進取奉親教子克孝且嚴卒贈翰林直學士清河郡侯子四人季公爵

蘇滋  
溪集

宋元學案補遺

卷九十五

十四  
四明叢書  
約圖刊本

王西山先生文煥

王文煥一名子敬字叔恭口口人少負雅操夙承家學元亂不屑仕進遂取孔孟諸儒緒言研極精微著道學發明大學發明中庸孟子解及心經圖治心銘諸作先生以心爲明鏡毋自欺爲藥物畏敬恐懼克復省察爲工夫巍然負泰山北斗之望學者宗之稱爲西山先生

兩浙名  
賢錄

字文學侶

山長葉先生顯

葉顥字伯印吳縣人家洞庭東山父國英個儻好結寓  
內名士儒學提舉李祈國子助教宇文公諒並主其家  
故先生學有端緒尤長于詩元季嘗署和靖書院山長  
姑蘇志

菊潭家學

補字木魯先生遠

雲濠謹案道園學古錄味經堂詩序云國子祭酒  
魯公伯子輩父作味經堂自爲記以勸其子遠公  
嘗命遠從余遊故賦此  
詩是先生道園弟子也

附錄

宋元學案補遺 卷九十五

十九 四明叢書  
約園刊本

虞道園送魯遠序曰今吾子之嚴君天下之碩師也講  
明問辨不待出勤于外傳觀瞻倣則不必近越乎戶限  
何其幸歟又曰夫識察于動容周旋之閒考析于言語  
文字之表視則之法也慎之于日用常行之微微之以  
前言往行之實用力之地也以是事親日求所未知未  
能而求必盡其職分焉所以歸求者如此

菊潭門人

參政貢玩齋先生師聚

詳見草廬學案

汪氏門人

祕書汪先生文炳

汪文炳字炳叔歙縣人明兵渡江隨撫諭官孫炎入謁授祕書典籤講說稱旨除都昌知縣時陳友諒以兵來

攻援絕被執賊竒其才欲官之不受遂抗晉而死

姓譜

梓材謹案先生文節門人嘗爲文節事狀見宋文憲所撰文節神道碑

賓客劉先生性初

劉性初大名人幼有奇氣嘗從宣城汪先生授春秋學讀書山中者五年後值兵變避地錢唐張左轄辟爲賓

客久之以疾辭

具荷江集

宋元學案補遺卷九十五

三才圖會

約圖刊本

張先生師愚

張先生師曾

合傳

張師愚字仲愚寧國人好學工詩兩領鄉薦與弟師曾並從汪文節澤民遊與文節共編宛陵羣英集文節嘗

言平生長友有二張云

安徽通志

隱君梅先生致和

大父師哲附子士熙

梅致和字彥達宣城人詩人聖俞九世孫也母爲汪文節公女弟先生生而俊朗疑然異羣童稍長大父師哲授以上古之書輒能講其說大父歿復從文節學春秋

已而兼通易與詩鄉先達張師曾兄弟問學雄深人號  
爲二張每奇先生折輩行爲忘年交過從索講無虛日  
聞譽四流數戰藝數不利棄去肥遯于城南益取春秋  
而研精之辨其世變要其指歸著春秋類編十二卷問  
道考德者日相踵于門先生悉攝其犢疏入于密微而  
後已至正丙申卒年五十七子士熙以學行入仕知大  
同渾源州以政事聞後陞陝西布政使司正理問

宋文憲集

伯羽門人

參政陶先生安

宋元學案禮遺

卷九十五

三

四明叢書

約園刊本

陶安字主敬當塗人幼敏悟有大志元至正閒授明道  
書院山長入明官至江西參政

姓譜

仲羽門人

副使劉先生允

劉允字子允當塗人師事李翼博學喜吟咏洪武四年  
進士累拜北安按察司副使考績留教授親王于內後

請老卒

姓譜

宋氏家學

文清宋先生襲



宋璣字顯夫大都人贈戶部尚書楨之子正獻本之弟也至元甲午戶部主興山簿先生生邑中稍長流落江漢閒綴學勤苦戶部爲小官祿薄公兄弟授徒以爲養延祐六年從正獻至京師清河元明善濟南張養浩東平蔡文淵王士熙方以文學顯于朝見其伯仲驚歎以爲異人先生擢第除祕書監校書郎歷拜翰林待制遷國子司業修遼金宋史分纂宋高宗紀及選舉志書成超拜翰林直學士先生學務博尤喜爲詩有文號燕石集性樂易家雖甚貧待親友無所靳年五十有三卒贈

國子祭酒范陽郡侯諡文清

蘇滋溪集

雲濠謹案王阮亭居易錄載宋文清燕石集至正八年聖旨下都省移江浙省於各路有錢糧學校內刊行中書省御史臺據御史段弼楊忠王思順蘇寧等奏請也此與石田集皆奉旨刊行元時崇文如此又言其兄正獻

工於古文時號二宋

附錄

其諡議曰某爲人謹愿持正于學考索精詣其爲文剴切爾雅以至監察中臺贊憲陝右僉事山南其于風紀多所振舉甫至通口輒損其年雅行游場于方來尊名壹惠于今日按諡法博聞多見曰文居家潔正曰清諡

曰文清實愜輿論

謝堯章挽之曰伯逝人皆歎公亡世益憐生平雙白壁  
身後一青氈業尙能傳子天胡不假年相看知己少把  
筆遂淒然

宋氏門人

編修吳先生炳

吳炳字彥輝汴處士有德業才學譽望甚彰宋誠夫力  
薦奏以翰林編修徵之

燕石集

謝氏門人

宋石學案補遺 卷九十五

三三 四明叢書

約園刊本

翰林楊先生惟肖

楊惟肖字與似先世避兵難出蜀再徙澧陽之新安遂  
家焉先生六七歲誦諸經不忘弱冠師蜀儒呂仁叔治  
春秋讀書不釋卷夜分方寢家務妨奪則輦願歎怨遊  
京師從文安謝公學易文安于先生爲中表文館于家  
日與之論議至順三年以寓士就試上都名中第二會  
試京師適文安考文自陳避親嫌不試念親老未獲祿  
養迺以善楷書試補翰林書寫中高等官制書寫歷三

考始官七品

燕石集

侯氏門人

侍郎郭先生郁 父天祐

郭郁字文卿世居汴梁封邱縣汴梁爲金遷都兵徧野處橋居大名嘗爲浮梁知州知高郵府歷授慶元路總管袁清容再入翰林先生時爲江浙行省都事見其受易學于侯先生及爲中書檢校清容時直集賢往來益密而其父天祐祐之正席危坐凡交于先生者咸執弟子禮以先生官贈吏部侍郎陳留郡伯 清容居士集

梓材謹案先生皇慶間知浮梁州延祐丙辰嘗序胡雲峯周易本義通釋

宋王學素禮遺

卷九十五

三四四明叢書

約園刊本

郝氏門人

左先生煥

左煥真定人由山東憲司書吏至中書掾以廉能稱歷

戶部主事中尙監丞 蘇泌溪集

侍郎郭先生郁 見上侯氏門人

張氏家學

州牧張先生公爵

張公爵贈清河郡侯善季子由樞密丞相掾官工部主事歷工戶兩部郎中僉山南廉訪司事行河南省郎中

監察御史都漕運使改牧順德順德方旱下車卽雨歲則大熟蘇滋溪記其先塋稱其學傳父師克奮材能以

究厥施云

蘇滋溪集

陶氏門人

郡守喻先生仲衡

喻仲衡字平甫□□人自少博通羣籍繼而師事姨夫

陶安得聞程朱性理之學行業日益充裕洪武中知台

州府尤盡心于學校

如譜

張氏門人

宋元學案補遺

卷九十五

三五四明叢書

約園刊本

唐先生伯剛

唐伯剛河東人少從鄉先生內翰張公受業博雅好古

論議恢達有魏晉閒人風氣嘗至京師以能詩知名

夷白

稿齋

梓材謹案陳夷白誌陳隱君謙墓云故內翰蜀郡

虞公金華黃公今寧晉張公交口論薦卽先生從

學之張公蓋卽寧晉張公爵也

宋元學案補遺卷九十五

宋元學案補遺卷九十六

目錄

元祐黨案補遺

景祐黨案 表

元豐黨案 表

爭青苗變法者

韓先生琦 詳見高平學案

陳先生襄 詳古靈四先生學案

程先生顥 詳明道學案

宋元學案補遺 目錄

范先生鎮 詳范呂諸儒學案

呂先生公著 同上

蘇先生軾 詳蘇氏蜀學略

蘇先生轍 同上

呂先生誨 別見陳水學案補遺

李先生常 詳見范呂諸儒學案

孫先生覺 詳見安定學案

張先生戩 詳見橫渠學案

胡先生宗愈 詳見廬陵學案

論新法者

劉先生琦

錢先生顛

劉先生述

別見高平學案補遺

劉先生摯

詳見泰山學案

范先生純仁

詳見高平學案

趙先生瞻

詳見陳水學案

楊先生繪

別見廬陵學案補遺

陳先生薦

宋元學案補遺

孫先生昌齡

陳先生夔

不附新法者

汪先生齊

賈先生蕃

別見高平學案補遺

周先生誥

別見華陽學案補遺

吳先生師孟

元祐黨案

曾任宰臣者一人

王先生珪

曾任執政者

補王先生存

別附

鄭雍

李清臣

曾任待制以上者

補鮮于先生侁

補孫先生升

宋元學案補遺

目錄

三四明續書

一約圖刊本

補王先生覲

補王先生古

張先生問

餘官

補吳先生安詩

補畢先生仲游

補唐先生義問

補孫先生諤

王先生回

元符增編黨案

曾任宰臣執政者

別附

曾布

黃履

張商英

曾任待制以上者

徐先生勣

路先生昌衡

宋元學案補遺 目錄

四四明校書  
約圖刊本

董先生敦逸

葉先生濤

郭先生知章

別附

葉祖洽

別見廬山學案補遺

朱師服

餘官

吳先生處厚

李先生積中

附孫大性大吳大東



洪先生羽

李新 別見蘇氏蜀學略補遺

補 范先生柔中

補 鄧先生考甫

封先生覺民

李先生賁

趙先生令時

郭先生執中

金先生極

宋元學案補遺 目錄

五

四明叢書

約園刊本

高先生公應

黃先生策

吳先生安遜

鮮于先生綽

檀先生固

呂先生諒卿

王先生箴

補 江先生公望

曾先生紆 別見廬陵學案補遺

高先生士育

補

鄧先生忠臣

种先生師極

韓先生治

秦先生希甫

沈先生干

劉先生渤

陳先生師錫

楊先生拙

宋元學案補遺 目錄

六

四明叢書  
約園刊本

張先生居

高先生遵裕

林先生膚 父旦附兄處

王先生公彥

謝先生潛

張先生恕

陳先生并

洪芻 見上洪羽傳

滕先生友 附子康庚

方先生适

高先生茂華

廖先生正一

李先生夷行

彭先生醇

別見劉李諸儒學案補遺

武臣

王先生履

趙先生希夷

趙先生希德

合傳

宋元學案補遺

目錄

七

四明叢書  
約園刊本

崔先生昌符

高先生士權

姚先生雄

又曾任宰臣二人

王先生珪

見上曾任宰臣者

別附

章惇

又不在碑目者

傅先生耆

詳見濂溪學案

邵先生伯溫

詳見百源學案

晁先生詠之

別見景迂學案補遺

唐先生充之

詳見陳鄒諸儒學案

謝先生良佐

詳上蔡學案

崔先生鷗

王先生煥之

別見荆公新學略補遺

王先生宿

附李由頤等二十四人

廖先生彥正

林先生璩

宋先學案補遺

目錄

八

四明叢書  
約園刊本

楊先生天惠

葛先生敏修

別見范呂諸儒學案補遺

張先生覺民

宋先生之珍

別見周許諸儒學案補遺

曾先生安中

陳先生葵

別見陳鄒諸儒學案補遺

王先生定

徐先生常

別見古靈四先生學案補遺

李先生植

翁先生升

詳見安定學案

楊先生恂

李先生平

呂先生仲甫

劉先生當時

韓先生政

馬先生琮

陳先生彥默

劉先生昱

宋元學案

遺目録

九

四明叢書  
約園刊本

魯先生君明

郭先生久中

薛先生良貴

附兄良朋

崔先生陟

唐先生諫

附蔣舉

鞠先生杲

馮先生應之

鄧先生準

合傳

劉先生緯

合傳

附攻元祐之學者

補

趙挺之

强淵明

范致明

劉拯

郝隨

鄧洵武

紹興禁學案

沮和議者

宋元學案遺目錄

十四明殿書

約圖刊本

趙先生鼎

詳趙張諸儒學案

王先生庶

樓先生炤

尹先生焯

詳和靖學案

晏先生敦復

詳見劉李諸儒學案

張先生九成

詳橫浦學案

喻先生樗

詳見龜山學案

張先生燾

別見龜山學案補遺

鄭先生剛中

同上

孫先生偉

詳見元城學案

李先生彌遜

詳見廬陵學案

胡先生理

詳見元城學案

張先生闢

別見趙張諸儒學案補遺

魏先生疇

同上

曾先生開

詳見廬山學案

梁先生汝嘉

方先生廷實

薛先生徽言

詳見武夷學案

宋學案補遺

目錄

十一 四明學案

約圖刊本

范先生如圭

同上

胡先生銓

同上

朱先生松

詳見豫章學案

張先生擴

凌先生景夏

詳見橫浦學案

樊先生光遠

同上

許先生忻

詳范許諸儒學案

方先生德順

別見劉胡諸儒學案補遺

蘇先生符

別見蘇氏蜀學略補遺

林先生霆 別見艾軒學案補遺

糜先生錯

常先生明

趙先生雍

馮先生時中

毛先生叔度

陳先生堯英 附詳水心學案

又論事者

胡先生憲 詳劉胡諸儒學案

宋元學案補遺 目錄

十二 四明叢書

約圖刊本

馮先生方

查先生籥

李先生浩 詳見象山學案

附攻專門之學者

補 秦檜



宋元學案補遺卷九十六

後學鄭王梓材  
慈谿馮雲濠同輯

元祐黨案補遺

梓材謹案宋儒之學不始于元祐宋人黨案亦不自元祐始也前乎元祐者有元豐前乎元豐者有景祐學案造端于安定泰山而主持之者高平廬陵也朋黨之論實始于此既為學案而存黨案即為景祐元豐各補黨案可也

景祐黨案

乾興元年壬戌

天聖元年癸亥

天聖二年甲子

二月仁宗即位

秋九月以王欽若

秋八月帝臨園子

夏四月貶寇準為同平章事

監謁孔子

雷州司戶李迪為閩月故相寇準卒

冬十一月立皇后

衡州團練副使

郭氏

秋七月以王曾同

平章事為契丹使

宗道為知故事

丁謂為知故事

司戶參軍

十一月以張知白

為樞密副使

天聖三年乙丑

天聖四年丙寅

天聖五年丁卯

冬十月以晏殊為

樞密副使

晏殊罷以夏竦為

樞密副使

同平章事

天聖六年戊辰

天聖七年己巳

天聖八年庚午

二月同平章事張  
知白卒敝  
三月以張士遜同  
平章事

二月參知政事魯  
宗道卒  
張士遜罷  
以呂夷簡同平章  
事夏竦薛奎參知  
政事

復制舉諸科  
六月玉清昭應宮  
災罷王曾知兗州  
十一月出祕閣校  
理范仲淹通判河  
中

天聖九年辛未

明道元年壬申

明道二年癸酉

宋元學案補遺 卷九十六

一四四明叢書 約圖別本

七月遣龍圖閣待  
制孔道輔等使契  
丹  
十月罷翰林學士  
宋授

二月以張士遜同  
平章事  
八月以晏殊參知  
政事

四月呂夷簡張士  
遜夏竦陳堯佐范  
雍趙稹晏殊罷  
以李迪同平章事  
秋七月旱蝗詔求  
直言

十月以呂夷簡同  
平章事  
十一月贈寇準中  
書令  
薛奎罷

廢皇后郭氏謫御  
史中丞孔道輔右  
司諫范仲淹

景祐元年甲戌

景祐二年乙亥

景祐三年丙子

正月置崇政殿說  
書

正月作邇英延義  
二閣

五月貶知開封府  
范仲淹及集賢校

八月以王曾爲樞密使

孫奭嘗上無逸圖理余靖館閣校勘帝命施於講讀閣尹洙歐陽修於外至是又詔蔡襄寫詔戒羣臣越職言無逆篇於閣屏

監丞酒務

二月李迪罷

以王曾同平章事

蔡齊盛度參知政

命集賢校理李照

重定雅樂

事

景祐四年丁丑

寶元元年戊寅

寶元二年己卯

四月呂夷簡王曾

正月求直言

十一月宋庠參知

宋綬蔡齊罷

以張士遜章得象

政事

同平章事

四月王博文卒

宋庠奏稱遺 卷九十六

二四明叢書 約園刊本

康定元年庚辰

慶曆元年辛巳

慶曆二年壬午

正月朔日食

二月貶韓琦知秦

四月富弼如契丹

二月除越職言事

三月貶范仲淹知

七月以呂夷簡章

命知制誥韓琦安

雍州

得象兼樞密使加

撫陝西

十月夏竦陳執中

富弼還復如契丹

以呂夷簡同平章

分陝西爲四路以

十一月以韓琦范

事

韓琦王松范仲淹

仲淹廳籍爲陝西

以夏竦爲陝西經

龐籍兼經略安撫

置司涇州

略安撫招討使韓

招討使

徵處士孫復爲國

琦范仲淹副之

子監直講

以富弼爲翰林學

入月以杜衍同知

以富弼爲翰林學

士辭不拜

樞密院事  
以苑仲淹兼知延  
州  
九月以晏殊為樞  
密使王貽永杜衍  
鄭戡為副使  
十二月宋綬卒

慶曆三年癸未

慶曆四年甲申

慶曆五年乙酉

二月立四門學  
三月以呂夷簡為  
司徒同議軍國大  
事  
以晏殊同平章事  
兼樞密使賈昌朝  
參知政事富弼為  
樞密副使弼固辭

正月帝復御經筵  
三月詔天下州縣  
立學  
行科舉新法  
四月作太學  
五月帝謁孔子  
六月以苑仲淹為  
陝西河東宣撫使

正月罷杜衍范仲  
淹富弼以賈昌朝  
同平章事兼樞密  
使宋庠參知政事  
三月罷樞密副使  
韓琦  
罷科舉新法  
五月章得象罷

宋王慶案補遺 卷九十六

四四明叢書

約園刊本

不拜  
以歐陽修王素蔡  
襄知諫院余靖為  
右正言

七月以富弼為河  
北宣撫使  
許公呂夷簡卒敕  
九月晏殊罷以杜  
衍同平章事兼樞  
密使

十一月罷京東安  
撫使富弼  
是年石徂徠卒

四月以韓琦范仲  
淹為樞密副使杜  
衍為樞密使

十一月詔戒朋黨  
相訐

呂夷簡罷  
八月以范仲淹參  
知政事富弼為樞  
密副使以韓琦為  
陝西宣撫使

十一月詔戒朋黨  
相訐

慶曆六年丙戌

慶曆七年丁亥

慶曆八年戊子

八月以吳育為樞  
密副使丁度參知  
政事

二月大旱詔求直  
言  
三月以文彥博參  
知政事高若訥為  
政闕失

正月以文彥博同  
平章事  
三月詔羣臣言時

樞密副使  
十一月太子太傅  
致仕李迪卒諡  
五月無電而震夏  
竦免以宋庠爲樞  
密使龐籍參知政

皇祐元年己丑

皇祐二年庚寅

皇祐三年辛卯

五月加知青州富  
弼禮部侍郎辭不  
受八月以宋庠同  
政事高若訥參知

閏十一月詔太子  
中舍致仕胡瑗定  
雅樂

三月宋庠免  
六月作隆儒殿  
十月文彥博免以  
龐籍同平章事高  
若訥爲樞密使梁  
適參知政事王堯  
臣爲樞密副使

皇祐四年壬辰

皇祐五年癸巳

至和元年甲午

五月汝南公范仲  
淹卒政

七月龐籍罷  
八月以陳執中梁  
況爲樞密副使

二月孫沔罷以田  
況爲樞密副使

宋元學案補遺 卷九十六

五十四明藏書  
約圖刊本

九年以孫沔爲廣  
南安撫使

十月以胡瑗爲國  
子監直講

至和二年乙未

嘉祐元年丙申

嘉祐二年丁酉

三月改封孔子後  
世愿爲衍聖公  
四月以趙抃爲殿  
中侍御史

閏三月以王堯臣  
參知政事  
五月罷知諫院范  
以唐介知諫院范

二月祁公杜衍卒  
以翰林學士歐陽  
修知貢舉  
九月胡宿如契丹  
十二月詔開歲一  
舉士置明經科  
是年孫泰山卒

六月以文彥博富  
弼同平章事

八月以韓琦爲樞  
密使  
十二月以包拯知  
開封

嘉祐三年戊戌

嘉祐四年己亥

嘉祐五年庚子

六月文彥博賈昌正月朔日食用牲

四月置寬恤民力

朝罷以韓琦同平於社

十一月召河南處

五月召王安石爲

章事以包拯爲御史中丞

十一月召河南處

三月度支判官

八月王堯臣卒

是年胡安定卒

六月歐陽修等上

新唐書

十一月以歐陽修

陳旭趙槩爲樞密

嘉祐六年辛丑

嘉祐七年壬寅

嘉祐八年癸卯

三月起復富弼同

三月以趙槩參知

三月仁宗崩英宗

平章事弼固辭許

政事吳奎爲樞密

即位尊皇后爲皇

之四月以包拯爲樞

副使四月樞密副使包

太后赦五月以富弼爲樞

宋史卷九十六

六四明叢書

密副使

拯卒辭

密使

六月以司馬光知

諫院以王安石知

制誥閏月策賢良方正

直言極諫之士以歐陽修參知政

附錄

曾文定隆平集曰范仲淹在從班獻百官圖指其遷轉

次序遲速曰如此可以爲法陛下不可不察又獻四論

一曰帝王好尚二曰選賢任能三曰近名四曰推變其

大指言治亂繫所任區別而進退左右人主之權也不

約園刊本

可以委臣下上因面質于宰相呂夷簡夷簡以爲仲淹  
離間羣臣至交論上前出知饒州殿中侍御史韓續希  
旨請榜仲淹朋黨于朝

歐陽文忠論杜韓范富曰自古小人欲廣害忠良必指  
爲朋黨欲動搖大臣必誣以專權其故何也去一善人  
而眾善人尙在小人不以爲利必欲盡去之然後得以  
恣肆而善人少過難于一一求瑕惟指以爲黨則可一  
時盡逐至于大臣已結主知他事難以動搖惟專權上  
心所忌方可傾之今杜衍與韓琦范仲淹富弼天下皆  
知其有可用之才而不問其有可罷之罪一旦罷去羣  
邪相賀于內敵國竊笑于外臣竊惜之

宋元學案補遺

卷九十六

七

四明叢書

約圖刊本

牟子才聚散劄子曰國家五星聚奎實主文治列聖相  
承惟以收攬人才爲第一事雖棧樸之能官人卷阿之  
用吉士不是過也咸平景德之間渾然不見其際所謂  
人才之大極政事之太和也天聖以來王曾呂夷簡相  
君子嘗一聚矣未幾而散于景祐百官之一圖又散于  
慶曆聖德之一詩又散于王拱辰打盡之一網是天聖  
以來之人才散于忠邪之相激然其害止于散而已

元豐黨案

治平元年甲辰

治平二年乙巳

治平三年丙午

五月太后還政於

二月罷三司使蔡

正月翰林學士范

加韓琦尚書右僕

四月詔議崇奉漢

詔稱漢王為親去

六月增置宗室學

七月富弼張昇罷

州范純仁通判安

八月詔日開經筵

使呂公弼為副使

趙鼎通判滑州

八月京師大水詔

求直言

趙鼎通判滑州

以文彥博為樞密

州呂大防知休寧

州呂大防知休寧

求直言

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

趙鼎通判滑州

宋元學案補遺 卷九十六

八四明叢書 約圖刊本

一頁舉 是年蘇老泉卒

治平四年丁未

熙寧元年戊申

熙寧二年己酉

正月英宗崩神宗

正月以唐介參知

二月以富弼同平

即位尊皇太后曰

政事

章事王安石參知

太皇太后皇后曰

四月詔王安石越

政事

皇太后

次入對

創制置三司條例

以韓琦為司空兼

事

升之王安石領其

侍中

四月參知政事唐

介卒

三月歐陽修罷

以吳奎參知政事

罷知開封府滕甫

以司馬光為翰林

學士固辭不許

五月罷翰林學士

開月以王安石知

江寧府

鄭獬宣徽北院使

四月以司馬光為

御史中丞

王拱辰知制誥錢



九月召王安石爲翰林學士  
罷司空侍中韓琦  
張方平趙抃參知政事  
復以司馬光爲翰林學士  
十一月張方平罷  
哈陝西  
詔韓琦經

宋元學案補遺 卷九十六

熙寧三年庚戌  
正月罷判尙書省張方平  
二月河北安撫使韓琦請罷青苗法  
王安石請疾不朝  
詔論起之

熙寧四年辛亥  
二月更定科舉法  
專以經義論策試  
三月詔察奉行新法不職者  
四月以司馬光判

熙寧五年壬子  
正月置京城邏卒  
察謗時政者  
三月判汝州富弼  
致仕  
行市易法  
五月行保馬法

六月罷御史中丞呂誨  
七月行均輸法  
八月罷判國子監范純仁以程顥權  
監察御史襄行  
定謀殺傷首原法  
貶判刑部劉述等  
六人  
罷條例司檢詳文  
罷蘇轍  
九月行青苗法  
以呂惠卿爲崇政  
殿說書  
十月富弼罷以陳  
升之同平章事  
十一月命韓絳制  
置三司條例領農  
九  
四明叢書  
約園刊本

田水利約束  
置諸路提舉官  
十二月下龍圖閣  
學士祖無擇秀州  
獄貶爲忠正節度  
副使  
增置宮觀官  
以張載爲崇文院  
說書尋解歸

龍翰林學士司馬	孔文仲	黜台州司戶參軍	策賢良方正之士	封	九月以劉庠知開	判杭州	出直史館蘇軾通	太原府	七月罷呂公弼知	中府	以朱壽昌通判河	宗愈	六月罷知諫院胡	分審官東西院	卿兼判司農寺	例歸中書以呂惠	五月詔罷制置條
---------	-----	---------	---------	---	---------	-----	---------	-----	---------	----	---------	----	---------	--------	--------	---------	---------

史知雜事	李常	程顥張戢右正言	罷監察御史裏行	蘇頌李大臨	罷知制誥宋敏求	趙抃罷	呂公著知穎州	四月罷御史中丞	知廣德軍	貶知審官院孫覺	士	三月始以策試進	使韓琦河北安撫	解	副使固辭不拜	以司馬光爲樞密
------	----	---------	---------	-------	---------	-----	--------	---------	------	---------	---	---------	---------	---	--------	---------

立太學生三舍法	利州轉運副使	十月以鮮于侁爲	政殿說書	八月以王雱爲崇	衡州鹽倉	御史裏行劉摯監	楊繪知鄭州監察	七月罷御史中丞	判汝州	六月貶富弼官徙	仕	知蔡州歐陽修致	罷知開封府韓維	呂誨卒	五月右諫議大夫	西京留臺
---------	--------	---------	------	---------	------	---------	---------	---------	-----	---------	---	---------	---------	-----	---------	------

致仕歐陽修卒	頌方田均稅法	八月觀文殿學士	閏七月以章惇爲	湖	不許	王安石求去位帝
--------	--------	---------	---------	---	----	---------

宋元學案續編 卷九十六 十一 四明叢書 約園刊本

光緒十年翰林學士范

鎮致仕十二月改請路更

成法立保甲法

以韓絳王安石同

平章事王珪參知

政事行募役法

熙寧六年癸丑

三月置經義局

四月文彥博罷

置律學

六月置軍器監

知南康軍周敦頤

卒

熙寧七年甲寅

三月大旱詔求直

言四月權罷新法兩

下監安上門鄭僂

獄復行新法

王安石免以韓絳同

平章事

熙寧八年乙卯

正月蠶鄭俠於英

州罷參知政事馮

京放祕閣校理王

安國于田里

二月復以王安石

同平章事

十一

四朔

朔

朔

朔

朔

朔

朔

元豐元年戊午

正月以孫固同知

樞密院事

九月以呂公著辭

向同知樞密事

院陳襄

十二月罷直學士

罷星見詔求直言

龍手實法

琦卒

琦卒

琦卒

琦卒

琦卒

琦卒

宋史卷九十六

約圖刊本

九月初試武舉之

同平章事呂惠卿

參知政事

五月罷制科

六月作渾儀浮漏

七月立手實法

九月三司火

十月置三司會計

熙寧九年丙辰

七月御史中丞鄧

綰有罪免

十月王安石免以

十一月同知太常

禮院張載卒

事馮京知樞密院

元豐二年己未

二月召程顥判武學既而罷之八月許二史直前奏事十月下知湖州蘇軾獄貶為黃州團練副使

元豐三年庚申

正月以章惇參知政事六月詔祕書監劉几等定雅樂七月韓出太微垣詔羣臣直闕失九月以馮京為樞密使薛向孫固呂公著為副使向尋免是年陳古靈卒

元豐四年辛酉

正月馮京罷以孫固知樞密院事呂公著薛向同知樞密事三月章惇有罪免七月詔定選格

元豐五年壬戌

宋元學案補遺 卷九十六

元豐六年癸亥

十二四明叢書 約圖刊本

元豐七年甲子

四月御史中丞舒閏六月鄭公富弼卒

五月詔以孟軻配食孔子

以王球為尚書左

七月王安禮罷

僕射兼門下侍郎

十二月端明殿學士司馬光上資治

蔡確為尚書右僕

通鑑

射兼中書侍郎章

八月以王安禮李

惇為門下侍郎張

清臣為尚書左右

璪為中書侍郎蒲

承

宗孟為尚書左丞

十一月太師文彥

王安禮為尚書右

博致仕

以曾鞏為中書舍

是年曾南豐卒

元豐八年乙丑

三月神宗崩哲宗

即位

呂公著罷

罷京城邏卒及免  
行錢廢滎河司蠲  
通賦  
司馬光自洛入臨  
五月詔求直言  
以司馬光爲門下  
侍郎  
六月賜楚州孝子  
徐積粟帛  
七月罷保甲法  
十一月復以鮮于  
侁爲京東轉運使  
罷方田法  
十二月罷市易法  
罷保馬法  
起居舍人邢恕有  
罪貶知隨州

宋元學案補遺

卷九十六

十三

四明叢書  
一約園刊本

爭青苗變法者

韓先生琦

詳見高平學案

陳先生襄

詳古靈四先生學案

程先生顥

詳明道學案

范先生鎮

呂先生公著

並詳范呂諸儒學案

蘇先生軾

蘇先生轍

並詳蘇氏蜀學略

呂先生誨

別見涑水學案補遺

李先生常

詳見范呂諸儒學案

孫先生覺

詳見安定學案

張先生叢

詳見橫渠學案

胡先生宗愈

詳見廬陵學案

論新法者

劉先生琦

劉琦字公玉宣城人博學強覽立志峻潔以都官員外郎通判歙州召爲侍御史建言貶通判鄧州而卒年六十一始與劉述錢顥共疏王介甫介甫奏先貶先生與

宋元學案補遺

卷九十六

十四西明藏書

約圖刊本

顥監處衢州鹽務司馬溫公上疏曰以守官之臣而罪之恐失天下之心琦顥所坐不過疏直乃以逆犯大臣狠加譴謫恐臣下自此以言爲諱乞還其本資以靖羣聽不報

宋史

錢先生顥

錢顥字安道無錫人治平末以金部員外郎爲殿中侍御史裏行二年而貶將出臺于眾中責同列孫昌齡謂其媚事王安石專欲附會以求美官卽拂衣上馬去後自衛徙秀州家貧母老至丐貸親舊以給朝晡而怡然

無謫官之色東坡遺以詩有烏府先生鐵作肝之句世  
因目爲鐵肝御史卒年五十三同上

劉先生述

別見高平學案補遺

劉先生擎

詳見泰山學案

范先生純仁

詳見高平學案

龔簡趙先生瞻

詳見涑水學案

楊先生繪

別見廬陵學案補遺

陳先生薦

陳薦字彥升沙河人舉進士爲華陽尉從韓魏公在定

宋元學案補遺

卷九十六

十五

四明叢書

約園刊本

州幕府魏公每稱其廉于進勇于退嫌疑間毫髮不處  
累官龍圖閣直學士河北都轉運使進資政殿大學士  
姓譜

孫先生昌齡

孫昌齡

陳先生夔

陳夔

不附新法者

汪先生齊

汪齊字子思涇縣人性沈篤好學登慶曆丙戌進士曆  
官祕書郎弋陽令所至有惠愛累遷屯田員外郎行青  
苗免役法先生詣朝堂力言不便王介甫曰此法便天  
下獨公不便爾遂出判池州以朝散郎致仕一統志

賈先生蕃

別見高平學案補遺

周先生諤

別見華陽學案補遺

吳先生師孟

吳師孟蜀人第進士官至左朝議大夫王安石當國謂  
先生同年生也自鳳州別駕擢爲梓州路提舉常平倉

宋元學案補遺

卷九十六

六十四朝藏書

約園刊本

兼農田水利差役事先生上疏言法不便寧罷歸故  
官後知蜀州又論茶法害民繼謝事去蘇文忠刺新法  
書有曰吳某乞免提筆如逃垢穢至言茶病民以矯矯  
六君子稱之先生其一也氏族譜

元豐黨案附錄

牟子才歿散劄子曰神宗初年富弼復相至和嘉祐之  
君子未至于散也熙寧之邪說一進而先朝之大臣先  
散未幾而議新法不合者盡散未幾而條例司之賢者  
亦散是元豐之人才散于法令變更也然其害止于散



而已

元祐黨案

曾任宰臣者一人

文公王先生珪

王珪字禹玉華陽人哲宗立累進金紫光祿大夫封岐國公卒諡曰文紹聖中邢恕誘起黃履葉祖洽劉拯交論其元豐末命事恕又誘教高遵裕子士京上奏言其欲立雍王由是得罪追貶萬安軍司戶參軍削諸子籍徽宗卽位遷其官封蔡京秉政復奪贈諡政和中復之

宋元學案卷九十六

十七四明叢書

約園刊本

宋史

雲濠謹案王丞相原在御書百二十八人數內其後與章惇別爲爲臣不忠曾任宰臣一籍云

曾任執政者

補 尙書王先生存

附錄

黃東發曰公平恕人也官制行多收拔熙寧後言事得罪者在政府遇事多爭溫公稱並馳萬馬中能駐足者其王存乎

別附

資政鄭公肅雍

鄭雍字公肅襄邑人等進士甲科累官御史中丞以資

政殿學士知陳州徙北京留守坐元祐黨奪職知鄭州

政和中復資政殿學士

姓譜

李邦直清臣

李清臣

闕

曾任待制以上者

補修撰鮮于先生侁

聖濠謹案秦淮海狀先生行實云父至自號隱居先生爲蜀名儒以公則金紫光祿大夫公自少莊

宋元學案補遺

卷九十六

十四朝綱要書

約圖刊本

重不苟力學有文和黨異之年二十登景祐五年進士科卒年六十有九所著文集二十卷詩傳二十卷周易聖斷七卷典說一卷治世讜言七卷諫言二卷二卷刀筆集三卷子頡河南府偃師縣尉羣綽焯皆有學行而頡尤自立士大夫多稱之宋志詩傳六十卷

附錄

神宗初卽位詔中外直言闕失公應詔言十六事其目

曰納諫諫以輔德訪多士以圖治嚴法令以制世崇節

儉以富民明黜陟以考實去貪暴以崇厚重臺諫以委

任選監司以督姦閔守宰以求治慎遷易以去弊重根

本以圖固復選舉以澄源申武備以警姦治軍旅以除

患謹邊防以重內練防口以禦戎其末曰願陛下事兩宮以孝待大臣以禮侍從知其邪正近習防其姦淫晚登侍從益厲鋒氣知無不言在職九十餘日所言當世之務略盡

卒前數日語諸子曰吾心無不足者惟以不得歸老陽翟別著易說爲恨無他言

魏鶴山跋先生帖曰子駿裕陵稱其文學司馬文正公稱其政事蘇文忠公稱其詞章泰山孫先生稱其經術其爲人平生大略已可觀矣

宋王忠文公集

卷九十六

十九

四明叢書

一約園刊本

補待制孫先生升

附錄

王深寧困學紀聞曰孫君乎談圃謂周官贊牛耳荆公言取其順聽不知牛有耳而無竅本以鼻聽有人引一牛與荆公辯今案周禮義云牛耳戶盟者所執無順聽之說蓋荆公聞而知之

補學士王先生觀

附錄

知蘇州州有狡吏善刺守將意以撓權前守用是得譏

議先生窮其姦狀寘于法一郡肅然民歌詠其政有吏  
行冰上人在鏡心之語

遷御史中丞改元詔下先生言建中之名雖取皇極然  
重襲前代紀號非是宜以德宗爲戒時任事者多乖異  
不同先生言堯舜禹相授一道堯不去四凶而舜去之  
堯不舉元凱而舜舉之事未必盡同文王作邑于豐而  
武王治鎬文王關市不征釋梁無禁周公征而禁之不  
害其爲善繼善述神宗作法于前子孫當守于後至于  
時異事殊須損益者損益之于理固未爲有失也當國

宋元學案補遺 卷九十六

十四明叢書

約園刊本

者忿其言遂改爲翰林學士

補尚書王先生古

附錄

趙挺之與先生用恩赦理逋倉挺之劾先生傾天下之  
財以爲私惠江民表公望乃上疏曰臣聞挺之與古論  
事每不相合屢見乎辭氣不平之心有待而發俚語有  
之私事官讐此小人之所不爲而挺之安爲之豈忠臣  
乎

正議張先生問

張問字昌言襄陽人元祐初爲祕書監給事中累官正議大夫卒

宋史

餘官

補諫官吳先生安詩

附錄

劉子卿曰吳傳正語呂正獻公云毋弊其神于寔淺學者所宜知

晁子止曰皇朝范祖禹孔武仲吳安詩豐稷呂希哲元祐中同在經筵所進講講義貫穿史籍雖文辭微涉豐

宋元學案補遺

卷九十六

三十四明叢書

約園刊本

繆然觀者咸知勸講自有體也

補郎中畢先生仲游

附錄

公叔爲文口于事理而有根柢不爲浮誇詭誕戲弄不莊之語東坡在館閣頗以言語文章規切時政先生憂其及禍貽書戒之司馬溫公爲政反王荆公所爲先生與之書二公得書聳然竟如其慮

梓材謹案先生有文集五十卷見宋史藝文志晁氏讀書志稱西臺集二十卷四庫全書本永樂大典亦釐爲二十卷提要云仲游少負雋名其試館職時蘇軾擢爲第一他日又舉以自代且稱其學

貫經史才通世務文章精麗議論有餘原狀具見東坡集中蓋其學問既有根柢所從遊者如富弼司馬光歐陽修范純仁范純粹劉摯一輩又皆一時重望漸漬薰陶故發爲文章具有典則云又案先生爲魏國王夫人墓誌云其子以高平公之治命屬其門人畢某爲夫人之銘又云某從高平公二十年高平謂范忠宣公是先生當稱忠宣門人先生祭忠宣文云挈提于堯庫之賤待遇如父子之游則受知師也其祭文潞公云某嘗造公之門又嘗升公之堂望公之顏色接公之語言祭呂申公云以身殉國以義殉身以人事上以身任人世有杞梓乃以蘭蓀施及不肖亦遊公門則先生亦未嘗不及文

呂之門矣

補 修撰唐先生義問

附錄

宋元學案補遺 卷九十六

三四 朔叢書

約園刊本

陸放翁跋唐修撰手簡曰淳熙元年某在蜀州得質肅仲子修撰公與呂給事手帖讀之蓋元祐初修撰使河北給事爲御史時也書論黃河市易辭指激烈無一語及其私與世俗責報父客至有違言者何其遠哉

梓材謹案放翁又謂修撰字君益與史傳異

補 司諫孫先生諤

雲濠謹案姓譜謂先生字正臣邵武人與史傳異且謂拜右正言力論楊畏在元豐閒其議皆與朝廷合及元祐末呂大防蘇轍爲政則盡變而從之紹聖初則又變而偷合詭隨人謂之楊三變畏以此落職又言免役者一代大法頗採羣言毋以元豐元祐爲開蔡京以先生信任元祐罷其言職云

梓材謹案先生著有洪範合傳一卷晁  
子止云其說多本漢儒頗攻王氏之失

附錄

先生與彭器資汝礪以氣節相尚器資亡先生語所知  
曰吾居言責不愧器資于地下矣及再入諫省不能旬  
月時論惜之

御史王先生回

王回字景深仙遊人第進士元符中葉祖洽薦爲陸親  
宅講書與鄒浩友善浩南遷先生斂交遊錢與治裝往  
來經理且慰安其母選者以聞逮詣詔獄除名停廢徵

宋元學案補遺

卷九十六

三三四明叢書  
約園刊本

宗立召還舊官權監察御史數日卒錄其于渙老郊社  
齋郎祭京爲相奪之仍列名黨籍

宋史  
附傳

元符增編黨案

曾任宰臣執政者

別附

文肅曾子宣布

曾布字子宣南豐人紹聖初拜同知樞密院事進知院  
事子宣贊章惇紹述甚力請甄賞元祐臣庶論更役法  
不便者以勸敢言惇遂興大獄陷正人流貶鑄廢略無

虛日子宣多陰擠之徽宗立拜右僕射明年改元建中靖國子宣獨當國漸進紹述之說明年又改元崇寧改爲觀文殿大學士知潤州坐贓賄落職提舉太清宮太平州居住又降司農卿分司南京又謫散官衡州安置又以棄涅州謫賀州別駕又謫廉州司戶凡四年徙舒州復大中大夫提舉崇福宮大觀元年卒于潤州後贈觀文殿大學士諡曰文肅

宋史 奏臣傳

附錄

朱子書曾帖後曰建中紀號調停兩黨實曾丞相之策

宋元學案補遺

卷九十六

二函 四明叢書

約園刊本

其後元祐諸人頗攻其短故國論中變非子宣本謀也但薰猶同器決無久遠芬馥之理

右丞黃安中履

黃履字安中邵武人紹聖初累拜尙書右丞坐言事罷知亳州徽宗立召爲資政殿學士復拜右丞未踰年求去卒安中始以文學進初附蔡確謀定策事復附章惇排擊元祐之臣時議嫉之後以復后事追貶郴州團練

副使

宋史合東部事略

文忠張天覺商英



張商英字天覺蜀州新津人哲宗初累使河北江西淮南哲宗親政召爲右正言左司諫天覺積憾元祐大臣不用己極力攻之章惇安燾交惡天覺欲助惇求所以傾燾者哲宗不直天覺徙左司員外郎既與惇交關事皆露責監江寧酒稅起知洪州累遷中書舍人謝表歷詆元祐諸賢眾益畏其口徽宗出爲河北都轉運使降知隨州崇寧初爲吏部刑部侍郎翰林學士蔡京拜相天覺雅與之善尋拜尙書左丞復與京議政不合屢詆京罷知亳州入元祐黨籍京罷相知鄂州京復相以散官安置歸陝二州大觀四年京再遷起知杭州過闕留爲資政殿學士拜尙書右僕射坐方技郭天信事累貶衡州安置繼復遷故官職宣和三年卒贈少保紹興中賜諡文忠

宋史

附錄

邵博聞見後錄曰予爲校書郎時嘗聞趙丞相元鎮云張天覺者首造元祐部黨之人也靖康初與范文正司馬文正同追贈天下已非之公身任邪正之辨旣未能追改更諡以文忠是與蔡公齊富公弼一等也可乎元

鎮愷然曰蜀句濠在從班遊談有司不肖不能執法耳  
子見其有悔色亦不復言

曾任待制以上者

正奉徐先生勳

徐勳字元功宣州南陵人元豐末累官諸王府記室參  
軍哲宗未及用徽宗立擢寶文閣待制遷中書舍人時  
紹聖黨與尙在朝人懷異意以沮新政帝以先生爲鯁  
直詔與蔡京同校五朝實訓先生固辭奏京之惡引盧  
杞爲喻遷給事中翰林學士先生與何執中偕事帝于

宋王學集補遺

卷九十六

天四明叢書  
約圖刊本

王邸京每曲意事之先生不少降節俄而遭憂京入輔  
執中亦預政摘先生行章惇詞以爲詆先烈服闋主管  
靈仙觀入黨籍起知江寧府言者復論爲元祐姦朋罷  
歸大觀三年知太平州加龍圖閣直學士留守南京除  
顯謨閣學士致仕卒贈資政殿學士正奉大夫

姓譜

龍圖路先生昌衡

路昌衡字持政祥符人紹聖中以寶文閣待制知開封  
府累知成都徽宗立責司農少卿分司居郢州明年起  
爲滁州徙南京留守坐前上書事落職入黨籍卒宣和

五年贈龍圖閣學士

姓

侍郎董先生敦逸

董敦逸字夢授永豐人舉進士歷知穰縣弋陽縣俱有惠政及民元祐中爲監察御史出知臨江軍哲宗復召拜御史上疏辨瑤華祕獄出知興國軍徽宗召拜諫議大夫極言蔡京蔡卞過惡遷戶部侍郎

姓譜

梓材謹案先生與黃廷基嘗抵孫待制升之過又常諫議安民出監滁州酒稅亦由先生奏劾之

待制葉先生濤

葉濤字致遠處州龍泉人紹聖初薦擢中書舍人論安

宋元學案補遺

卷九十六

三

四明叢書

約圖刊本

燾不宜加罪蔡京劾爲黨罷知光州連三黜曾布引爲

給事中以龍圖閣待制提舉崇禧觀卒

宋史

梓材謹案萬姓統譜言先生以進士爲國子直講坐事免官從王介甫于金陵爲文

直學郭先生知章

郭知章字明叔吉州龍泉人爲中書舍人有董必者使廣東罷歸除比部郎官先生歷疏其罪不肯草制羣議避之官至顯謨閣直學士卒祠于學

姓譜

別附

葉敦禮祖洽

別見廬山學案補遺

朱□□師服

雲濠謹案師服與楊畏皆議論前後反覆姦惡猥瑣見續通鑑

餘官

知州吳先生處厚

吳處厚字伯固邵武人始蔡確嘗從學賦及作相無汲引意元祐中擢知安州郡有清江卒當戍漢陽確固不遣先生怒會得確車蓋亭詩引郝甌山事乃箋釋上之云郝處俊封甌山公唐高宗欲遜位武后處俊諫止今乃比太皇太后且用滄海揚塵事此蓋事運之大變

宋元學案補遺

卷九六

三

四明叢書  
約圖刊本

尤非佳語譏謗切害非所宜言確遂南竄擢先生知衛

州未幾卒紹聖間追貶歙州司馬

宋史附傳

直學李先生積中

附孫大性大異大東

李積中端州四會人寓居豫章父士廉有陰德先生登

甲科官侍御史翰林直學士以直言入元祐黨籍李氏

自先生三世官于朝而父子兄弟相師友孫大性字伯

和少力學尤習當世典故累官兵部尚書後以端明殿

學士知平江府卒諡文惠大異中博學宏詞科官至諫

議大夫大東官至龍圖閣學士

宋史

梓材謹案先生孫大性大東並見楊誠齋薦士錄

### 洪先生羽

洪羽字鴻父南昌人黃山谷之甥也與兄朋龜父芻駒父炎玉父俱有才名號四洪先生坐上書元符中入黨籍終其身駒父紹聖元年進士崇寧中入黨籍靖康中爲諫議大夫汴京失守坐爲金人括財流沙門島卒

宋詩

紀事

進士李跨齧新

別見蘇氏蜀學略補遺

補博士范先生柔中

宋若學案補遺

卷九十六

五

四明叢書  
約圖刊本

雲濠謹案先生所著春秋見微末志作五卷

補提點鄧先生考甫

附錄

坐事去官閉戶著書不復言仕

卒于筠且死命幼孫名世執筆口占百餘言其略曰子自謂山中宰相虛有其才也自謂文昌先生虛有其詞也不得大用于盛世亦無憾焉蓋有天命爾

所論述有卜世大寶龜伊閣素蘊義命雜著太平策要等凡二百五十餘篇

封先生覺民

雲藻謹案先生宋史無傳附見鄧考甫傳中詳見本案

李先生賁

李賁黨人子弟崇寧二年編管單州

長編紀事本末

梓材謹案先生有易義二卷見鄭氏通志經義考引楊仲良長編紀事本末云云又中書省開具元符臣僚章疏分正上正中正下邪上尤甚邪上邪中邪下七等先生名在邪上尤甚中其後追復元祐黨人先生名在餘官二等

三司趙先生令時

趙令時字德麟太祖次子燕王德昭元孫元祐中簽書

宋史李綱遺

卷九十六

三

四明叢書約圖刊本

穎州公事坐與東坡交通爵金入黨籍紹興初襲封安定郡王同知行在大宗正事卒贈開府儀同三司

宋詩紀事

承旨郭先生執中

郭執中華亭人累官樞密承旨建中靖國初應詔言事切直忤蔡京籍爲元祐黨入邪等斥居同谷二十餘年

因家焉

譜姓

邑令金市隱先生極

金極樂平人紹聖初舉進士累遷知分宜有能名上書乞斬蔡京以謝天下坐是入元祐黨黨禍解適意閒曠

以市隱自號扁其廬曰醉鄉

姓譜

高先生公應

梓材謹案先生太尉瓊之後宜仁后從子本蒙城人

黃先生策

黃策

吳先生安遜

梓材謹案碑目曾任待制以上有吳安持庶官有吳安詩皆同平章事充之子先生蓋亦其兄弟行也

博士鮮于先生綽

宋史案補遺 卷九十六

三十四明叢書

約圖刊本

鮮于綽字大受閩州人修撰侁之子太學博士父子入

黨籍

姓譜

雲豪謹案先生著有傳信錄十卷見文獻通考

檀先生固

檀固字以忠建德人熙寧庚戌進士紹聖閒官尚書極言朝廷罷呂大防蘇轍范純仁用章惇曾布蔡卞之失書奏免官蔡京爲相遂不復起用

一統志

宣教呂先生諒卿

呂諒卿晉江人惠卿季弟元符中爲温州軍事推官上

書詆紹述新法之非崇寧元年編類元符章疏姓名先生以邪等尤甚入黨籍追官勒停亳州編管御書姦黨碑以賜惠卿惠卿自劾求罷詔錄其疏示之先生廢錮終身紹興二年贈宣教郎官其家一子

姓譜

### 王先生箴

王箴字元直眉山人東坡妻兄九歲通經弱冠東坡見其文甚愛之與成都學官侯元叔每論古人退卽書數百言如史漢論贊者元叔歎其有史筆元祐聞累詔徵之力辭而免

姓譜

宋元學案補遺

卷九十六

三十四明蒙書

約圖刊本

補諫議江先生公望

### 附錄

內苑稍畜珍禽異獸先生力言非初政所宜直日入對帝曰已縱遣之矣唯一白鷗畜之久終不肯去先是帝以拄杖逐鷗鷗不去乃刻先生姓名于杖端以識其諫朱子記謝上蔡語錄後曰因念往時削去版本五十餘章特以理推知其決非先生語初未嘗有所左驗亦不知其果出于何人也後籍溪胡先生入都于其學者呂祖謙得江民表辨道錄一篇讀之則盡向所削去五十



餘章者首尾次序無一字之差然後知其爲江公所著而非謝氏之語益以明白夫江公行誼風節固當世所推高而陳忠肅公又嘗稱其論明道先生有足目相應之語蓋亦略知吾道之可尊矣而其爲言若此豈差之毫釐則失千里之謬有所必至而不能已者耶

寶文曾先生紆

別見廬陵學案補遺

高先生士育

梓材謹案先生亦太尉  
夔之後宣化后從弟

補考功鄧玉池先生忠臣

宋志學案補遺 卷九十六

三 四明叢書

約園刊本

附錄

事母周盡孝周卒護喪歸葬飲食起居哀慕之節皆應古禮凡可以顯揚前人者期得而後已

梓材謹案先生有弟名孝臣楚紀  
載其杜門力學宣和間屢辟不就

种先生師極

梓材謹案宋史种世衡傳有師道  
師中先生當亦世衡之諸子也

少卿韓先生洽

韓洽忠彥子徽宗時仕爲太僕少卿出知相州以疾丐

祠宋史  
附傳

判官秦先生希甫

秦希甫字辨之吳人元符中爲陝西轉運判官後入元

和黨籍姓

譜

附錄

胡澹庵序先生文集曰予頃得灞陵集故朝散郎大夫致仕秦公之所作也詩若文凡七百篇讀之踰月不厭其表奏書疏有閔時憂國之心其歌詩發于性而止于忠有少陵不忘君之思大抵多羈愁鬱結感憤之所爲作也予然後廢卷而歎益知文之出于不得已也使出

宋文鑑案補遺

卷九十六

言四明叢書

約園刻本

得時行道鄙巖廊而惠天下則斯文之不作可知也抑猶有可疑者崇政以還士風委靡以諛佞相長雄陳篇希恩則歌咏太平加唐虞康衢之謠奏記乞憐則誦述功德有稷契復生之歎公獨落落與時左無一言取容當世益知公非特詩文出于不得已也其仕進亦有不得已焉者矣予然後知公所得非特區區于詩文而已也

雲濠謹案澹庵又跋奏希甫墓銘云劉景仁出視

灞陵先生秦公墓碑又言景仁秦出也故實藏其

云銘

奉政沈先生干

雲濠謹案先生曾孫暉跋黨籍碑謂先生得復官終提點杭州集真觀贈奉政大夫不知其所復者爲何官也

提舉劉先生渤

劉渤眉山人元符初詔求直言九上書白宣仁太后之  
誣雪司馬光之枉乞用范純仁蘇轍之賢斥章惇蔡卞  
呂惠卿蔡京之奸改提舉湖北路常平尋坐元祐黨籍  
姓譜

直閣陳先生師錫

宋石堂書錄遺

卷九十六

三五四明叢書

約圖刊本

陳師錫字伯備建陽人徽宗立拜殿中侍御史歷知頰  
廬滑三州坐黨論監衡州酒稅又削官安置郴州卒先  
生始與了翁論京卞號二陳紹興中贈直龍圖閣宋史

記室楊先生拙

楊拙字持正閩人元祐六年進士終建寧軍節度書記

入黨籍宋詩紀事

張先生居

張居寧州真寧縣人擢元祐六年進士第元符三年徽  
宗嗣位下詔求言時爲彭水令上疏切直出數百上

而數百人者得其副亦歎以爲不可及曾蔡京入相取  
奏疏次第之置奸黨上等特降官衝替永不許改官數  
年遂卒于沈廢後以子仕登朝累贈至六中大夫

陸渭南文

### 留後高先生遵裕

高遵裕

雲濠案碑刻作遵恪疑非

字公綽武烈王瓊之孫也累貶郢

州團練副使哲宗卽位復右屯衛將軍主管中嶽廟卒  
贈永州團練使紹聖中崇贈奉國軍節度觀察留後

積資

治通鑑

宋元稹案補遺

卷九十六

三十六

四明叢書

約園刊本

### 林先生膚

父旦附兄處

林膚字碩儒福清人父旦字次仲爲象山令以文學爲  
政熙寧中擢御史上書言王安石聽李定不服生母喪  
寘之經筵何以儀刑天下元祐閏拜侍御史上疏論呂  
惠卿鄧綰乞投散地以謝天下終河東轉運使次仲二  
子處及先生處字德祖紹聖進士官終開封府左司錄  
有易說義禮記解先生以任子坐元符上書而陷于黨

籍明文  
梅

### 縣尉王先生公彥

王公彥字成德永嘉人與兄公輔同登紹聖第調江  
尉元符末上書論宣仁無負于先帝司馬光無負于天  
下且言章惇迷國誤朝之罪與李林甫盧杞度長較短  
未知孰是由是廢斥入元符黨籍紹興初褒錄轉官奉  
祠而終姓譜

奉議謝先生潛

謝潛字致虛長汀人讀書過日終身不忘崇寧中應博  
學宏詞調瀛州教授上封事譏切時事坐元祐黨籍建  
炎初畫取二聖圖以進終奉議郎姓譜

宋元學案遺

卷九十六

五

四明叢書  
約圖刊本

寺丞張先生恕

梓材謹案先生字忠甫一字  
厚之文定公安道子官寺丞

陳先生并

陳并字巨中口口人有勸學文曰凡不可與父兄師友  
道者不可爲也凡不可與父兄師友爲者不可道也晁氏

客語

諫議洪駒父芻

見上洪芻傳

知州滕先生友

附子康庾

滕友京城人與弟比登儒科坐上書入元祐黨官至左

朝請大夫知蘄州贈太子少師子康字子濟庾字子端  
爲兒童時俱負雋聲踰冠同登崇寧五年進士第相繼  
中詞學兼茂科政和宣和中先後入祕書省爲著作佐  
郎光堯中興于南京首用鄉閭之望子濟旣由太常少  
卿綿蕝登壇盛禮仍草告天肆赦之文子端旋以博士  
討論典故其踐歷往往同時會宰相惡陳東歐陽澈之  
訐直加以大辟子端卽上疏申救且移書相府復欲面  
詆之爲同舍郎扞止義聲籍籍縉紳聞已而從幸廣陵  
子濟由左司遷中書舍人子端亦爲郎文昌省攝容臺

宋元學案補遺

卷九十六

三

四明叢書  
約圖刊本

事卒不二年子濟遂自諫議大夫入翰林登樞府焉

公集

梓材謹案姑蘇志以先生爲吳縣人益公又稱其  
晚御諸子甚嚴子端朝服受教責略無惰容修身  
謹行惟恐貽親憂卒年四十一名臣言行錄載子  
濟權知三省樞密院從衛太后奉神主之江表至  
洪遇虜渡江退保虔州論罷提舉明道責授少監  
分司南京永州居住紹興二年卒年四十八追復  
龍圖閣學士稱其精忠出于天性平時臨事未嘗  
詭隨及居論思之地知無不言見有未合于公論  
者必反復  
開陳云

方先生迺

方适字彥周元符中以特奏對策乞復元祐皇后又上

書議時政崇寧中入元祐黨籍

姓

高先生茂華

高茂華字秀實呂居仁稱其人物高遠有出塵之姿入

元祐黨籍

宋詩  
紀事

知州廖先生正一

廖正一字明略號竹林居士安陸人元豐二年進士元

祐中召試館職除祕書省正字出知常州紹聖閒入黨

籍貶監玉山稅

宋詩  
紀事

州守李先生夷行

宋元學案補遺

卷九十六

三九四明叢書

約岡刊本

李夷行字炳大崇寧閒都水丞出爲泗州守入元祐黨

籍

宋詩  
紀事

彭先生醇 別見劉李諸儒學案補遺

梓材謹案元祐黨籍碑曾任待制以上官又有周鼎楊康國朱紱三人宋史無傳又庶官有衛鈞衣公適馮百藥周誼孫琮王察趙岫胡端修李傑李賈石芳高公應安信之張集周永徽高漸張夙王貫朱紘吳朋梁安國王古蘇迥何大受鹿敏求高士育都脫錢景祥周絳何大正呂彥祖梁寬曹興宗羅鼎臣王拯黃安朋于鞏黃遷万俟正許堯輔胡良梅君俞寇宗顏李修逢純熙黃才曹盥侯顧道周遵道葛輝宋壽岳王交張溥許安修劉吉甫胡潛董祥楊瓌寶倪直儒蔣津王守鄧允中梁俊民王陽陸表民葉世英張裕陳唐劉經國葉伸李茂直虞防曹蓋楊琳葛茂宗劉謂柴袞趙天佐廬

尤張恕齋列趙越江洵許端卿向糾陳察鍾  
正甫楊彥璋樂士能九十三人史亦無傳

武臣

觀察王先生履

王履字坦翁開封人元祐初從父景琚南郊恩爲三班  
奉職元符上書編置新州入黨籍靖康初除相州觀察

使扈駕被留死之

宋詩  
紀事

雲濠謹案三朝北盟會編載先生臨難歌云矯  
首向天兮天卒無言忠臣效死兮死亦何愆

趙先生希夷

趙先生希德 合傳

宋元學案補遺 卷九十六

四十一

四明叢書  
約園刊本

趙希夷希德皆太祖次子燕王德昭九世孫希夷乃秉  
義郎子維之曾孫昭玘之孫師鵬之子希德乃武翊大  
夫子極之曾孫伯磨之孫師璵之子 宋史宗室  
世系表

崔先生昌符

雲濠謹案宋史無先生傳惟有崔台符字平叔蒲  
陰人中明經法科累官至光祿大夫元祐初出知  
潞州又貶秩徙相州後兼監  
牧使卒蓋與先生爲兄弟行

高先生士權

梓材謹案先生亦太尉  
瓊之後宣利后昆弟也

武憲姚先生雄



姚雄字毅父五原人通州團練使兕之子年十八佐父  
征伐哲宗朝累加防禦使建中靖國初議棄湟州詔訪  
利害先生以爲可棄徙知熙州進華州觀察使蔡京用  
王厚復河湟治棄地罪停其官光州居住三年得自便  
後論爲責輕復竄金州明年聽歸高永年死起知滄州  
累奉寧軍節度使致仕卒贈開府儀同三司諡武憲

宋史

梓材謹案黨籍碑武臣又有張巽李備王獻可胡  
田馬諡任濟郭子旂錢盛王長民李承王庭臣吉  
師雄李愚吳休復潘滋高士權李嘉亮李琬劉延  
羣李基二十人史皆無傳又內臣梁惟簡史附見

李元學案考遺

卷九十六

聖一四明按書

約圖刊本

顧臨傳陳衍張茂則並開封人有宦者傳張士良  
附見陳衍傳李倬譚辰寶越趙約黃卿從馮說曾  
燾蘇舜民楊偁梁弼陳恂張琳裴彥臣李偁閻守  
勲王紘李穆蔡克明王化基王道鄧世昌鄭居簡  
張祐王化臣二十  
四人則史無傳

又曾任宰臣二人

王先生珪

見上曾任宰臣者

別附

僕射章子厚惇

章惇字子厚浦城人進士舉甲科哲宗卽位累知樞密  
院事宣仁聽政子厚與蔡確矯唱定策功確罷子厚不

自安乃駁司馬溫公所更役法數千言宣仁怒出知汝  
州哲宗親政有復熙寧元豐之意首起子厚爲尙書左  
僕射兼門下侍郎于是專以紹述爲國是凡元祐所革  
一切復之引蔡卞林希黃履來之邵張商英周秩翟思上  
官均居要地任言責協謀朋姦報復仇怨小大之臣無  
一得免死者禍及其孥甚至誣宣仁后謂元祐之初老  
姦擅國又請發溫公與呂正獻公著冢斲其棺哲宗不  
聽子厚意不愜請編類元祐諸臣章疏遂治劉元城安  
世范華陽祖禹諫禁中雇乳媪事又起同文館獄命蔡  
京安惇蹇序辰窮治欲覆諸人家又議察訪嶺南將盡  
殺流人哲宗曰朕遵祖宗遺制未嘗殺戮大臣其釋勿  
治然得重罪者千餘人或至三四謫徙天下冤之子厚  
用邢恕爲御史中丞託溫公語華陽曰今主少國疑宜  
訓事猶可慮又諷高士京上書言父遵裕臨死屏左右  
謂士京曰神宗彌留之際王珪遣高士充來問曰不知  
皇太后欲立誰我叱士充去之皆欲誣宣仁以此實之  
子厚遂追貶溫公岐公結中官郝隨爲助欲追廢宣仁  
后自皇太后太妃皆力爭之哲宗感悟焚其奏隨覘知

之密語子厚與蔡卞明日子厚與卞再言哲宗怒乃已  
子厚又以皇后孟氏元祐中宣仁后所立迎合郝隨勸  
哲宗起掖庭祕獄託以左道廢后瑤華宮其後哲宗頗  
悔之哲宗崩徽宗立遷子厚特進封申國公爲山陵使  
靈輦陷澤中踰宿而行言者劾其不恭罷知越州尋貶  
武昌軍節度副使潭州安置右正言任伯雨論其欲追  
廢宣仁后又貶雷州司戶參軍徙睦州死政和中追贈  
觀文大學士紹聖五年高宗閱任伯雨章疏手詔曰惇  
詆誣宣仁后欲追廢爲庶人賴哲宗不從其請使其言

宋元學案補遺

卷九十六

四明叢書

約園刊本

施用豈不上累泰陵貶昭化軍節度副使子孫不得仕  
于朝詔下海內稱快

宋史姦臣傳

附錄

劉忠肅劾之曰傳曰有德進則朝廷尊又曰仁者宜在  
高位不仁而在高位是播其惡于眾也章惇夤緣遭遇  
幸得備位近輔不深惟朝廷高爵厚祿稍自矜重以忠  
義圖報而陵轍諧戲不可謂德閉善害政不可謂仁而  
交非其人又從而以貨取之可謂無廉隅矣可謂播其  
惡于眾矣方且揚揚高位人皆指而議之殆非所以尊

朝廷屬羣下也

邵氏聞見後錄曰章子厚在丞相府廳坐客曰延安帥章質夫因板築發地得大竹根半已變石邊自昔無竹亦一異也客皆無語先人獨曰天地回南作北有幾矣公以爲今日之延安爲自天地以來西邊乎子厚太息曰先生觀物之學也蓋子厚蚤出康節門下也

朱子答吳生曰邵康節之告章子厚曰以君之材于吾之學頃刻可盡但須相從林下一二十年使塵慮銷散胸中豁豁無一事乃可相授

宋元學案補遺

卷九十六

四四明叢書

約圖刊本

梓材謹案王阮亭居易錄鄭忠公道鄉諫立后疏古今仰之如泰山北斗劾章惇三疏其二云元祐之初貶斥先帝保甲之法以爲非是其言甚力自陛下躬覽以來凡語及先帝者槩從竄逐唯惇久置不問云云則是薰蕕不分且躋章惇于元祐君子之列其言諄矣無怪蔡京立黨人碑而惇倖竄名其末也

又不在碑目者

知州傅先生耆

詳見濂溪學案

修撰邵子文先生伯溫

詳見百源學案

晁先生詠之

別見景迂學案補遺

唐先生充之

詳見陳鄒諸儒學案

謝先生良佐 詳上蔡學案

正言崔先生鷗

崔鷗字德符陽翟人官右正言坐元符上書入邪等廢  
于家治園號婆娑靖康初召爲諫官力論馮澥之罪忽  
得學疾不能行而卒著有婆娑集三十卷 直齋書錄解題

崔正言說

馮澥之言曰士無異論太學之盛也此姦言也昔王安石  
石斥除異己名臣如韓琦司馬光輩旣以異論逐而其  
所著三經士子宗之者得官不用者黜逐則天下靡然

宋元學案補遺 卷九十六

五十四明錄者

約園刊本

無一人敢可否矣陵夷至于大亂則無異論之禍也

竇文王先生渙之 別見荆公新學略補遺

王先生宿 附李由頤等二十四人

王宿眉山人與同郡家愿及李由頤程之才揚明楊恂  
蘇千鈞賈勉中史彭年曾家度史欽家德基家幹劉剛  
揚賈張縞史勵節史移中家寧史勤李改成彪史書言  
費易共二十五人俱以元符上書入黨籍 姓譜

都水廖先生彥正

廖彥正夔州人爲南平錄參徽宗求直言先生上封事

論時政缺失由是被召會修大河除都水使者中人有  
與爭者先生欲力正其罪遂被斥後預黨籍

姓譜

### 知軍林先生豫

林豫字順之仙遊人熙寧中進士嘗知通利軍與東坡  
兄弟善後穎濱貶送以詞有怒髮冲冠壯心比石之句  
歷官七郡皆有遺愛後坐東坡薦入元祐黨籍

姓譜

### 進士楊先生天惠

楊天惠郟縣人幼警敏嘗取韓愈歐陽修文集縱觀作  
歌詩十數篇老師宿儒相傳驚歎元豐中進士徽宗時

宋元學案補遺

卷九十六

聖六四明叢書  
約圖刊本

上書言宮禁事甚剴切後入黨籍有文集行于世

姓譜

### 葛先生敏修

別見范呂諸儒學案補遺

### 進士張草堂先生覺民

張覺民文州人游太學元祐閒第進士後與馬涓等上  
書忤權貴坐黨錮退居成都與張正己等遊號草堂先

生所著有歌詩雅著百餘篇

姓譜

### 縣尉宋先生之珍

別見周許諸儒學案補遺

### 進士曾先生安中

曾安中泰和人肅之子未冠登第上書言時政入黨籍

譜姓

陳先生葵 別見陳鄒諸儒學案補遺

王先生定

梓材謹案福建通志于陳伯嚮傳云蔡京籍元符中上書王定等十八人惜未舉十八人之全知州徐先生常 別見古靈四先生學案補遺

度支李先生植

李植字公立建德人熙寧進士歷湖北轉運判官元祐閒入爲尙書度支郎與司馬溫公呂申公諸人善蔡卞用事斥爲黨人罷之一統

宋元學案補遺 卷九十六

四明叢書 約園刊本

翁先生升 詳見安定學案

楊先生恂

楊恂字口口丹稜人登元豐五年進士第官不過承議郎以歿元符末嘗應詔上書崇寧二年編入黨籍 魏鶴山集

李先生平

李平西河圖傳一卷 宋志

梓材謹案經義考列此一書引胡氏一桂云政和中撰按崇寧中籍黨人又詔中書開具元符臣僚章疏姓名列邪中一百五十人先生與焉

呂先生仲甫

劉先生當時

韓先生跋

馬先生琮

陳先生彥默

劉先生昱

魯先生君明

梓材謹案通鑑集覽宋徽宗崇寧元年復追貶司馬光等四十四人官又詔籍元符元祐黨人除韓宗彥曾任宰相安燾曾任執政王觀豐稷見任侍從官外五十餘人並會三省籍記不得與在京差遣丙呂仲甫劉當時徐常謝良佐韓政馬琮陳彥默劉昱魯君明九人不在碑刻三百九人之數附

宋元學案補遺 卷九十六 四明叢書

識于此

郭先生久中

郭久中成都人北郭先生之孫與兄倫同登崇寧第皆居甲科大觀二年召入冊定敕令後提舉常平河北東路嘗因星變上封事言新開邊皆不毛地小人邀功肆為誕謾書首入邪等罷歸吏部後復為郡守為刺史年

裁六十一竟致其仕氏族譜

薛先生良貴附兄良朋

薛良貴字貴全瑞安人忠愍良顯弟初名天球入太學



坐元符上書議朝政謫籍後改今名登政和第終正議大夫知光州贈通奉大夫宣和閒睦寇方臘犯城與兄良朋率鄉兵控要害城賴以全良朋字貴益登紹熙第終吏部尚書

溫州府志

### 崔先生陟

崔陟字浚明年未二十舉進士後坐元符末上書論時事編入黨籍仕宦連蹇不進以宿州通判終

御掃篇

### 知州唐先生諫

附蔣舉

唐諫字子方全州人初名冊元符閒與鄉人蔣舉上書

宋季學案補遺

卷九十六

學九

四明叢書

約園刊本

論時事崇寧閒申嚴黨禁入黨人籍退居田里後易今名登政和五年第嘗知峽州廉介多惠愛

一統志

### 進士鞠先生杲

鞠杲吳川人舉元祐進士元符中年入汴京上書排章

惇蔡卞等罪辭極抗直惇怒以之隸黨籍

廣州戴志

### 進士馮先生應之

### 進士鄭先生準

合傳

### 進士劉先生緯

合傳

馮應之南雄州進士鄭準劉緯英州進士預黨籍

輿地紀勝

附政元祐之學者

補趙挺之

附錄

朱子題清獻事實後曰國家自熙豐元祐以來人才政事分爲兩塗是此者非彼鄉左者背右旣不可得而同矣而于其同之中又有異焉則若元祐之朝朔黨洛黨川黨而熙豐之曾文肅趙清獻張丞相又與章蔡自不同也熹少時從趙公之孫惠州使君遊得觀趙公手記所與蔡京異論本末蓋嘗三復而歎公之不幸今復從

宋元學案補遺 卷九十六

五十四明齋書

約園刊本

惠州之子得此書而讀之則又深惟其故而重歎國家之大不幸也夫以趙公之自言下不欲結怨于百姓則必不肯肆行煩苛爭奪之橫政中不欲得罪于士大夫則必不肯唱爲禁錮忠賢之邪說外不欲失信于夷狄則必不肯妄起開拓燕薊之狂謀而考其平生質厚清約有過人者則又知其必不肯爲蔡京之淫侈導諛以蠱上心而納之于有過之地也是則雖曰同出於熙豐而其邪正得失之間豈可同年而語哉

梓材謹案趙氏宋史諱清憲而朱子文集作清獻未知孰是豈以其與名臣參政同修史者易之耶

鄒道鄉聞趙正夫遷門下詩曰促膝論心十二年有時  
忠憤淚潸然不聞一事拳拳救但見三臺每每遷天地  
豈容將計免國家能報乃身全他時會有相逢日解說  
何由復自賢

強淵明

字隱季錢塘人浚明弟 禮部尚書  
與兄浚明及葉夢得締蔡京爲死交濟成黨

禍

范致明

字□□ 論伊川入山著書

劉拯

字□□ 劾李之純阿附蘇轍

郝隨

宋元學案補遺 卷九十六

五

四明叢書  
約園刊本

鄧洵武

元祐黨案附錄

邵氏聞見錄曰哲宗卽位宣仁后垂簾同聽政羣賢畢  
集于朝專以忠厚不擾爲治和戎偃武愛民重穀庶幾  
嘉祐之風矣然雖賢者不免以類相從故當時有洛黨  
川黨朔黨之號洛黨者以程正叔爲領袖朱光庭賈易  
爲羽翼川黨者以蘇子瞻爲領袖呂陶等爲羽翼朔黨  
者以劉摯梁燾王巖叟劉安世爲領袖羽翼尤眾諸黨  
相攻不已至紹聖初章惇爲相同以爲元祐黨盡竄嶺

海之外可哀也呂微仲秦人懇直無黨范淳夫蜀人師  
溫公不立黨亦不免竄逐以死尤可哀也

晁氏客語曰紹聖初籍定元祐黨止數十人世號精選  
其後乃泛濫人以得預爲榮而議者不以爲當也劉莘  
老梁況之終于貶所因尙洙之言朝廷以二公旣歿不  
及再貶故諸子盡廢范純夫以是移化事實不類其子  
冲亦停官竟不知當時如何行遣也

洪景廬奏疏曰龔敦頤念元祐黨籍諸臣及建中上書  
邪等人多表表立名節經崇寧禁錮靖康流離子孫不  
能盡存平生施爲漫不可考訪求闕遺遂成列傳譜述  
三百卷凡名在兩籍者三百九人而書于編者三百五  
其不可得而詳者四人而已

王明清揮麈後錄曰蔡元長使其徒再行編類黨人刊  
之于石名之云元祐袞黨播告天下但與元長異意者  
人無賢否官無大小悉列其中殆三百餘人有前日力  
關元祐之政者亦贅廁名

袁甫重修白鹿書院記曰熙豐用事之臣專務功利排  
斥正論斯道晦蝕甚矣所以修明植立者則元祐諸儒

正誼明道之力也

牟子才聚散劄子曰元祐初司馬光相呂公著文彥博相繼輔政君子又聚矣品流太分事故反覆僭觴于吏額之小爭浸淫于調停之初議滔天于策題之分辨而君子之黨盡散極而至于朝堂之榜黨碑之罇躑躅忠賢曾草菅之不若是元祐之人才散于辨白之太過其爲禍蓋不止于散也建中靖國初起范純仁相韓忠彥君子又聚矣天下方以快活差除爲喜而曾布溫益志在朋奸置政事局而輕元祐重元符進愛曲圖而左軾轍右京卞意向一偏而君子遂盡去而元符上書人一皆以邪目之是建靖之人才散于中非中而靖非靖其爲禍蓋不止于散也

宋元學案補遺

卷九十六

至三四明嚴書

約圖刊本

王深寧困學紀聞曰夫揚于王庭以正小人之罪乎號有厲以危小人之復元祐諸賢似未知其危乃光之義趙滄水題東坡書孔北海贊曰元祐之黨僅類黨錮元豐之政初亦有爲但荆公新法不合人情溫公繼之力革前弊然紹熙寧子也一旦使子改父道小人得以藉口矣向使如范忠宣輩稍變其不合者漸以圖之庶

幾少安其子孫亦安能爲其父而咎其王父者哉惜乎慮不出此而使賢士竄斥略盡國遂以亡亦君子之過也

元遺山錄忠武任君墓碣曰嗚呼朋黨之禍何其易起而屢作也宣政之季蔡京呂惠卿輩至指司馬丞相爲元祐姦黨魁列其姓名著之金石自謂彰善癉惡可爲萬世臣子不忠不孝者之戒碑足甫立隨爲雷火所擊惠卿等懼大禍將及乃赦黨人死者復官流徙者復還自今觀之元祐黨禁不過追削竄逐禁其子弟不得至京師而已曾不若皇統之禍之慘也

宋元學案補遺

卷九十六

五十四明叢書

約園刊本

龔子敬讀元祐黨籍碑詩曰彼狂曰予聖莫辨烏雄雌安知百世耳乃在黨籍碑在昔漢唐末所無忍爲之女眞或敢侮自是宋德衰空令大梁人至今歌黍離

費衮梁溪漫志曰吾州蒼梧先生胡德輝嘗對劉元城歎息張天覺之亡元城無語蒼梧疑而問之元城云元祐黨人只是七十八人後來附益者不是又云今七十七人都不存惟某在耳元城爲此言時實宣和六年十月六日也

紹興禁學案

沮和議者

趙先生鼎

詳趙張諸儒學案

王先生庶

王庶字子尚慶陽人崇寧中進士知涇州累立戰功擢河北經略安撫使後與秦檜論和戰不合出知潭州安置道州卒諡曰敏節子之奇乾道中知樞密院事

姓譜

附錄

朱子跋樞密贈祁居之詩曰王公素剛毅有大節方廷

宋元學案補遺

卷九十六

五十五

四明叢書

一約園刊本

爭和議視秦檜如無也而能屈體下賢出于誠意如此是可尙已

樓先生炤

樓炤字□□永康人政和開進士由國子博士遷殿中侍御史言論多見採納官至簽書樞密院事兼權參政

卒諡襄靖

姓譜

尹先生焯

詳和靖學案

晏先生敦復

詳見劉李諸儒學案

張先生九成

詳橫浦學案

喻先生樗 詳見龜山學案

張先生燾

鄭先生剛中 並見龜山學案補遺

判監孫先生偉 詳見元城學案

李先生彌遜 詳見廬陵學案

胡先生理 詳見元城學案

張先生闕

魏先生砥 並見趙張諸儒學案補遺

曾先生開 詳見廬山學案

宋元學案補遺 卷九十六

吳四明破書

約圖刊本

梁先生汝嘉

梁汝嘉字仲謨麗水人以外祖何執中任入官建炎初知武進縣有治狀累遷戶部侍郎知臨安府後知明州兼浙西沿海制置使先生長于吏治在臨安風績尤著

姓譜

方先生廷實

方廷實字廷美莆田人政和進士紹興中拜監察御史剛直敢言極論和戎不便尋充准北宣諭使見諸陵發掘涕泣不已秦檜使謂之曰見上幸毋及他事及對俱



以所見言之高宗涕下沾襟檜怒出福建提刑至官首  
上言贖胡銓之罪檜益銜之遂請老

姓

薛先生微言

范先生如圭

胡先生銓

並詳武夷學案

朱先生松

詳見豫章學案

張先生擴

張擴字彥實德興人崇寧進士授國子監簿遷博士調  
處州司工曹事盜賊竊發守知其賢委以郡先生臨事

宋元學案補遺 卷九十六

五十四朝叢書

約園刊本

精明威名大著召爲祕書省校書郎尋充館職因議和  
固執以爲不可遂求補外

江西人物志

梓材謹案四庫書目提要云一字子微南渡後歷  
中書舍人宋志載其東窗集四十卷又詩十卷今  
從永樂大典釐爲一十六卷又言其本因  
秦檜得進然其所交遊皆一代勝流云

凌先生景夏

樊先生光遠

並詳橫浦學案

許先生忻

詳范許諸儒學案

方先生德順

別見劉胡諸儒學案補遺

蘇先生符

別見蘇氏蜀學略補遺

林先生選

別見艾軒學案補遺

糜先生錯

糜錯吳人由博士持節一與秦檜議不合輒棄官以朝請大夫致仕號如止居士終其身子師旦

黃東發文集

常先生明

常明

趙先生雍

趙雍

馮先生時中

宋七座案補遺 卷九十六

天四胡續書

約圖刊本

馮時中疑卽時行

毛先生叔度

毛叔度

陳先生堯英

附詳水心學案

又論事者

胡先生憲

詳劉胡諸儒學案

馮先生方

馮方

查先生簡

查籥

侍郎李橘園先生浩

詳見象山學案

附攻專門之學者

補秦會之檜

雲濠謹案韓南澗書師說後云靖康初公道始開楊龜山首闢王氏建炎龍興二程先生門弟子相繼有聞易春秋語孟之學始行于天下而趙丞相嘗官于洛素知推敬其書一時士君子靡然嚮之及秦益公當國諸賢零落殆盡秦亦舊從洛學者也晚乃謂人爲其所惑蓋三十年且誣其說爲提先手由是雖進士之文亦不復道之矣據此則秦會之殆以洛學而攻專門之學者矣

附錄

宋元學案補遺

卷九十六

五十四朋黨書  
約園刊本

王深寧困學紀聞曰開禧追貶秦檜周南仲代草制云兵于五材誰能去之首弛邊疆之禁臣無二心天之制也忍忘君父之讐又云一日縱敵遂貽數世之憂百年爲墟誰任諸人之責原註金人南遷錄載孫大鼎疏言遺檜以就和檜之姦狀著矣嘉定之牽復幾于失刑謝山箋曰開禧之敕雖草而未行會侂冑已誅非牽復也宋史亦誤

紹興禁學案附錄

袁甫重修白鹿書院記曰紹符政宣閭羣邪得志流毒

生靈極而至于中原板蕩斯道掃地矣而所以修明植立者則中興諸儒正誼明道之力也

牟子才聚散劄子曰中興以來張浚趙鼎爲相君子又聚矣未幾秦檜當國力主和議一時讜論如胡銓等三十二人不肯附麗如李綱等八十餘人率皆擯棄或死于囹圄或死于貶所或流棄于魑魅之區累赦不移或棲遲于林泉之下屏逐不出是紹興之人才散于多主戰而少主和其爲禍又不止于散也

王深寧困學紀聞曰元祐諸賢不和是以爲紹聖小人所乘元符建中韓曾不和是以爲崇寧小人所陷紹興趙張不和是以爲秦氏所擠古之建官曰三公公則無私矣曰三孤孤則無朋矣無私無朋所以和也